


Das Neue Testament Deütsch



Quittenberg

Das Neue Testament Deutsch



VORRHEDDE

Es were wol recht vnd billich / das dis buch on alle vorrhede vnnnd frembden namen außzgieng / vnnnd nur seyn selbs eygen namen vnd rede furete / Aber die weyl durch manche wilde deuttung vnd vorrhede / der Christen synn da hyr vertrieben ist / das man schier nit mehr weys / was Euangelii oder geseh / new oder alt testament / heysse / fodert die nothdurfft eyn antzeigen vñ vorrhede zu stellen / da mit der eynfelltige man / aus seynem allten wahn / auff die rechte ban gefuret vnd vnterrichtet werde / wes er ynn disem buch gewartten solle / auff das er nicht gepott vnnnd gesehe suche / da er Euangelii vnd verheysung Gottis suchen sollt.

Darumb ist auffss erste zu wissen / das abhuthun ist der wahn / das vier Euangelia vnd nur vier Euangelisten sind / vnnnd gang zu verwerffen / das etlich des newen testaments bucher teyllen / ynn legales / historiales / Prophe-
tales / vnnnd sapientiales / vermeynen damit (weys nicht wie) das newe / dem alten testament zuuergleichen / Sondern festiglich zu halten / das gleych wie das alte testament ist eyn buch / darynnen Gottis geseh vñ gepot / da neben die geschichte beyde dere die selben gehalten vnd nicht gehalten haben / geschriben sind / Also ist das newe testament / eyn buch / darynnen das Euangelion vnd Gottis verheysung / danebe auch geschichte beyde / dere die dran gleuben vnd nit gleuben / geschriben sind / Also das man gewissz sey / das nur eyn Euangelion sey / gleych wie nur eyn buch des newen testaments / vnd nur eyn glawb / vnd nur eyn Gott / der do verheysset.

Denn Euangelion ist eyn friechisch wortt / vñ heysst auff deutsch / gutte botschafft / gute meher / gutte newzey-
tung / gutt geschrey / dauon man singet / saget vñ frolich
ist

VORRHEDE

ist / gleich als do David den grossen Goliath überwand /
kam ein gutt geschrey / vnd trostlich newzeytung vnter
das Jüdisch volck / das yhrer gewlicher seyn erschlagen /
vnd sie erloset / zu freud vnd frid gestellet weren / dauon
sie jungen vñ sprungen vñnd frolich waren / Also ist dis
Euangelion Gottis vñnd new testament / ein gutte meher
vñ geschrey ynn alle welt erschollen durch die Apostell /
von einem rechten David / der mit der sund / tod vñnd
teuffel gestritten / vnd überwunden hab / vñnd damit alle
die / szo ynn sunden gefangen / mit dem todt geplagt / vom
teuffel überweldiget gewesen / on yhr verdienst erloset /
rechtfertig / lebendig vnd selig gemacht hat / vnd da mit
zu frid gestellet / vnd Gott wider heym bracht / dauon sie
singen / danken Gott / loben vnd frolich sind ewiglich /
szo sie des anders fest glauben / vnd ym glauben besten-
dig bleyben.

Solch geschrey vnd trostliche mehre odder Euangelisch
vnd Gotlich newzeytung / heyst auch ein new testament /
darumb / dz gleich wie ein testament ist / wenn ein ster-
bender man seyn gutt bescheydet nach seynem todt den be-
nandten erben aus zu theilen / Also hatt auch Christus fur
seynem sterben besolhen vnd bescheyden / solchs Euange-
lion nach seynem todt / aus zuruffen ynn alle welt / vnd
damit allen / die do glewbē / zu eygen geben alles seyn
gutt / das ist / seyn leben damit er den todt verschlungen /
seyn gerechtigkeyt da mit er die sund vertilget / vnd seyn
seligkeyt damit er die ewige verdammnis überwunden hat /
Nu kan yhe der arme mensch / ynn sunden / todt vñ zur
helle verstrickt / nichts trostlichers horen / denn solch thewre
lieblich botschafft vñ Christo / vñnd mus seyn herz von
grund lachen vnd frolich druber werden / wo ers glewbt
das war sey.

Nu

VORRHEDDE

Nu hat Gott solchen glauben zu stercken / dieses seyn Euangelion vnd testament viel selltig ym allten testament durch die propheten versprochen / wie Paulus sagt Ro. 1. Ich byn außgesondert zu predigen das Euangelion Gottis / wilchs er zuuor verheysen hat durch seyne propheten ynn der heyligen schrift / von seynem son der yhm geporn ist von dem samen etce. Vnnnd das wyr der etlich antzihen / hat ers am ersten versprochen / da er sagt zu der schlangen Gen 3. Ich will seynschafft legē zwischen dyr vñ eynem weyb / zwischen deynem samen vnd yhrem samen / der selb soll dyr deyn hewbt zutretten / vñ du wirst yhm seyn solen zutretten / Christus ist der same dieses weybs / der dem teuffel seyn heubt / das ist / sund / tod / helle vñ alle seyne krafft zutretten hatt / Denn on disen Samen kan seyn mensch der sund / dem todt / der hellen entrynnen.

Item Gen. 22. versprach ers zu Abraham / Ynn deynem samen sollen alle geschlecht auff erden gesegnet werden / Christus ist der same Abrahe / spricht Sanct Paulus Gal. 3. Der hat alle wellt gesegnet / durchs Euangelion / Den wo Christus nit ist / da ist noch der fluch / der vber Adam vnd seyne kinder fiel / da er gesündigt hatte / das sie alhumal der funde / des tods / vnd der hellen schuldig vnnnd eygen seyn müssen / Widder den fluch / segenet nu das Euangelio alle wellt / da mit / das es rufft offentlich / wer an disen samen Abrahe glewbt / sol gesegnet / das ist / vñ sund / tod vnd helle / los seyn / vnd rechtferttig / lebendig vnd selig bleyben ewiglich / wie Christus selb sagt Johan. 11. Wer an mich glewbt / der wirt nyimmer mehr sterben.

Item 30 versprach ers Dauid. 2. Reg. 17. da er sagt / Ich will erwecken deynen samen nach dyr / der soll myr eyn haus bawen / vnnnd ich will seyn reich festigen ewiglich /
Ich

VORRHEDDE

Ich will seyn vater seyn vnnnd er soll meyn son seyn / etce.
Das ist das reich Christi / dauon das Euangelion lautt /
eyn ewiges reich / Eyn reich des lebens / der seligkheyt vñ
gerechtigkheyt / dareyn komen aus dem gefengnis der sund
vnnnd todt / alle die da glewben / Solcher verheysung des
Euangelii / sind viel mehr auch ynn den andern propheten /
als Micheas. 5. Vnd du Bethlehem du bist kleyn vnter den
tausenten Juda / aus dyr soll myr komen / der eyn herzog
sey meyns volcks Jsrael / Item Osee. 13. Ich will sie vñ
der hand des todts erlosen / vom todt will ich sie erredten.

So sehen wir nu / das nicht mehr / deñ ein Euangelion
ist / gleych wie nur eyn Christus / Syntemal Euangelion
nichts anders ist noch seyn kan / denn eyn predigt von Christo
Gottis vnd Dauids son / war Gott vnd Mensch / der fur
vns mit seyn sterben vnd aufferstehē / aller menschen sund
tod vnd helle vberwunden hat / die an yhn glewben / das
also / das Euangelii eyn kurtz vñ lang rede mag seyn / vnd
eyner kurtz / der ander lange / beschreybē mag. Der be-
schreybts lange / der viel werdt vnd wort Christi beschreybt /
als die vier Euangelisten thun / Der beschreybts aber kurtz /
der nicht vñ Christus werdtē / sondern kurtzlich anhepft /
wie er durchs sterben vnd aufferstehen / sund tod vnd helle
vberwunden habe / denen die an yhn glawben / wie Petrus
vnd Paulus.

Darumb sihe nu drauff / das du nit aus Christo eyn Mo-
sen machist / noch aus dem Euangelio eyn gesetz oder lere
buch / wie bis her geschehen ist / vñ ettlich vorrhede auch
Sanct Hieronymi sich horen lassen / Denn das Euangelii
foddert eygentlich nicht vnser werdt / das wir da mit frum
vnd selig werden / ia es verdampt solche werdt / sondern
es foddert nur glawben an Christo / das der selb fur vns /
sund

VORRHEDDE

sund / tod vnd helle überwunden hat / vnd also vns nicht durch vnseren werck / sondern durch seyne eygenen werck sterben vnd leyden / frum lebendig vnd selig macht / das wir vns seynes sterbens vnd überwindens mugen annehmen / als hetten wir selber than.

Das aber Christus im Euangelio / dahu Petrus vnd Paulus viel gelehre vnd lere geben / vnd das gelehre aufzulegen / soll man gleich rechnen allen andern werden vnd wolthatten Christi / Vnd gleich wie seyne werck vnd geschichte wissen / ist noch nit das rechte Euangelion wissen / denn damit weystu noch nicht / das er die sund todt vnd teuffel überwunden hat / also ist auch das noch nicht das Euangelion wissen / wenn du solche lere vnd gepott weyßst / sondern wenn die stymme kompt / die da sagt / Christus sey deyn eygen mit lebē / lernen / werden / sterben / auferstehen vnd alles was er ist / hat / thut vnd vermag.

Also sehen wir auch / das er nit dringet / sondern freuntlich locket vñ spricht / Selig sind die armen etce. Vnd die Apostel brauchen des worts Ich ermane / Ich flehe / Ich bitte / Das man allenthalbē sihet / wie das Euangelion nicht ein gelehre buch ist / sondern nur eyn predigt vñ den wolthatten Christi vns erhebet vnd zu eygen geben / so wir glauben. Moses aber vnn seynen buchern / treybt / dringt / drowet / schlecht vnd strafft gewlich / denn er ist eyn gelehre schreyber vnd treyber / Daher kompts auch / das eym glauben seyn gelehre geben ist / wie Sanct Paulus sagt 1. Tim. 1. Darumb das er durch den glauben gerecht lebendig vnd selig ist. Vnd ist ihm nit mehr nott / denn das er solchen glauben beweyße.

Ja wo der glaube ist / kan er sich nit halten / er beweyßet sich

VORRHEDE

sich / bricht er aus / vnn̄d bekennet vnd leret solch Euange-
lion fur den leutten vnd waget seyn leben dran / Vnn̄d alles
was er lebet vnd thutt / das richtet er zu des nehisten nutz /
v̄hm zu helffen / nicht alleyn auch zu solcher gnade zu ko-
men / sondern auch mit leyb / gut / vñ ehre / wie er sihet /
das v̄hm Christus than hat / vnd folget also dem exempel
Christi nach / Das meynet auch Christus / da er zur letze
seyn ander gepot gab / deñ die liebe / daran man er-
kennen solte / wer seyne iunger weren vnd rechtschaffne
glewbigen / denn wo die werck vnn̄d liebe nicht eraus
bricht / da ist der glawbe nicht recht / da hafftet das Euan-
gelion noch nit / vnn̄d ist Christus nicht recht erkant.

Sihe / nu richte dich also vnn̄ die bucher
des newen testaments / das du
sie auff dißze weyße zu
lesen wiffest.

wilchs die rechten vnd Edlſten bucher des
newen testaments ſind.

Als diſem allen kanſtu nu recht vrteylen vnter allen
buchern / vnd vnterſcheyd nehmen / wilchs die
beſten ſind / Denn nemlich iſt Johannis Euangelion
vnd Sanct Paulus Epſteln / ſonderlich die zu den Romern /
vnd ſanct Peters erſte Epſtel der rechte kern vñ mard
vnter allen buchern / wilche auch billich die erſten ſeyn ſoll-
ten / Vñ eym iglichen Chriſten zu ratten were / das er die
ſelben am erſten vnd aller meynſten leſe / vnd yhm durch teg-
lich leſzen ſo gemeyn mechte / als das teglich brott / Denn
ynn diſen findiſtu nicht viel werck vnd wunderthatten Chri-
ſti beſchrieben / Du findiſt aber gar meynſterlich außgeſtri-
chen / wie der glawbe an Chriſtum / ſund / tod vnd helle
vberwindet / vnd das leben / gerechtigkeit vñ ſeligkeit
gibt / wilchs die rechte artt iſt des Euangeli / wie du ge-
horet haſt.

Denn wo ich yhe der eyns mangelln ſollt / der werck
odder der predigt Chriſti / ſzo wollt ich lieber der werck /
denn ſeyner predigt mangelln / Denn die werck hulffen myr
nichts / aber ſeyne wort die geben das leben / wie er ſelbs
ſagt. Weyl nu Johannes gar wenig werck vñ Chriſto /
aber gar viel ſeyner predigt ſchreybt / wiðderumb die an-
dern drey Euangelisten viel ſeyner werck / wenig ſeyner
wort beſchreyben / iſt Johannis Euangelion das eynige
zartte recht hewbt Euangelion vñ den andern dreyen weyt
weyt fur zu zihen vñ hoher zu hebē / Also auch Sanct Pau-
lus vñ Petrus Epſteln / weyt vber die drey Euangelia
Matthel / Marci vnd Luce furgehen.

Summa / Sanct Johannis Euangeli vnd ſeyne erſte Epſ-
tel / Sanct Paulus Epſtel / ſonderlich die zu den Romern /
Galatern

Galatern/Epheſern / vnn̄d Sanct Peters erſte Ep̄ſtel / das
ſind die bucher / die dyr Chriſtum zeygen / vnd alles leren/
das dyr zu wiſſen nott vnd ſelig iſt / ob du ſchon kein ander
buch noch lere nummer ſeheſt noch horiſt / Darumb
iſt ſanct Jacobs Ep̄ſtel eyn rechte ſtroern Ep̄ſ-
tel gegen ſie / denn ſie doch kein Euan-
gelijch art an yhr hat / Doch dauon
weyter yñ andern vortreden.

Die Bucher des newen testaments.

- 1 Euangelion Sanct Matthes.
- 2 Euangelion Sanct Marcus.
- 3 Euangelion Sanct Lucas.
- 4 Euangelion Sanct Johannis.
- 5 Der Apostel geschicht beschrieben von Sanct Lucas.
- 6 Epistel Sanct Paulus zu den Römern.
- 7 Die erste Epistel Sanct Paulus zu den Corinthern.
- 8 Die ander Epistel Sanct Paulus zu den Corinthern
- 9 Epistel Sanct Paulus zu den Galatern.
- 10 Epistel Sanct Paulus zu den Ephefern.
- 11 Epistel Sanct Paulus zu den Philippem.
- 12 Epistel Sanct Paulus zu den Coloffern.
- 13 Die erste Epistel Sanct Paulus zu den Thessalonicern.
- 14 Die ander Epistel Sanct Paulus zu den Thessalonicern.
- 15 Die erst Epistel Sanct Paulus an Timotheon.
- 16 Die ander Epistel Sanct Paulus an Timotheon.
- 17 Epistel Sanct Paulus an Titon.
- 18 Epistel Sanct Paulus an Philemon.
- 19 Die erst Epistel Sanct Peters.
- 20 Die ander Epistel Sanct Peters.
- 21 Die erste Epistel Sanct Johannis.
- 22 Die ander Epistel Sanct Johannis.
- 23 Die drit Epistel Sanct Johannis.

Die Epistel zu den Ebreern.

Die Epistel Jacobus.

Die Epistel Judas.

Die offinbarung Johannis.

Das erst Capitel.

Lucē. 3.

Das ist das buch von der gepurt Jhesu Christi der
do ist ein son Dauids des sons Abraham.

Abraham hat geporn den Iaac.

Iaac hatt geporn den Jacob.

Jacob hatt geporn den Juda vnn̄d seyne bruder.

Juda hat geporn den Pharez vnn̄d den Saram von der
Thamar.

Pharez hat geporn den Sezron.

Sezron hat geporn den Ram.

Ram hat geporn den Amminadab.

Amminadab hatt geporn den Nahasson.

Nahasson hatt geporn den Salma.

Salma hat geporn den Boas von der Rahab.

Boas hat geporn den Obed von der Rhut.

Obed hat geporn den Jesse.

Jesse hat geporn den konig Dauid.

Der konig Dauid hat geporn den Salomon vnn̄d dem
weybe des Drie.

Salomon hat geporn den Roboam.

Roboam hat geporn den Abia.

Abia hat geporn den Assa.

Assa hat geporn den Josaphat.

Josaphat hat geporn den Joram.

Joram hat geporn den Osia.

Osia hat geporn den Jotham.

Jotham hat geporn den Ahas.

Ahas hat geporn den Ezechia.

Ezechia hat geporn den Manasse.

Manasse hatt geporn den Amon.

Amon hat geporn den Josia.

Josia hatt geporn den Jechonia vnn̄d seyne bruder/umb die
zeyt

Abraham vnn̄d Dauid werdenn fur
nemlich antoge-
en darumb das
den selben Chri-
stus sonderlich
verheysen ist.

S. Mattheus les-
set etlich gelid
auffzenn / vnn̄d
furet Christus ge-
schlecht von Sa-
lomon nach dem
gesetz aber Sanc.
Lucas furet es na-
ch der natur von
Nathan Salomo-
nis bruder. Den
das gesetz nennet
auch die kinder/
so von brudern
auß nachgelasse-
nem weyb ge-
porn sind.
Deuter. 25.

EUANGELION

zeyt der Babylonischen gefendnis.

Nach der Babylonischen gefendnis / hat Jechonia geporn den Sealthiel. 4. Reg. 25

Sealthiel hatt geporn den Zorobabel.

Zorobabel hatt geporn den Abiud.

1. Esdre. 2.

Abiud hat geporn den Eliachim.

Eliachim hat geporn den Asor.

Asor hat geporn den Zadoch.

Zadoch hat geporn den Achin.

Achin hat geporn den Eliud.

Eliud hat geporn den Eleasar.

Eleasar hat geporn den Nathan.

Nathan hat geporn den Jacob.

Jacob hat geporn den Joseph den man Marie / von welcher ist geporn Jhesus / der da heyst Christus.

Alle gelid von Abraham bisz auff David / sind vierzehen gelid / Donn David bisz auff die Babylonische gefendnisz sind viertzehen gelid / Von der Babylonischen gefendnisz bisz auff Christum sind viertzehen gelid.

Die gepurt Christi war aber also gethan / Als Maria sey- Luce. 1.

ne muter dem Joseph vertramet war / ehe sie mit eyndan- der zu hausz sassen / ersand sichs das sie schwanger war / vñ dem heyligen geyst. Joseph aber pht man war frum / vñ wolt sie nit rugen / gedacht aber sie heymlich tzuuer- lassen / In dē er aber also gedacht / sihe / da erschn pht eyn Engell des herñ pñ trawm vñ sprach / Joseph du son David furcht dich nit Mariam deyn weyb zu dyr zu neh- men / denn das pñ pht geporn ist / das ist von dem heylig- gen geyst / vñnd sie wirt geperen eyne son / des namen soltu heysen Jhesus / denn er wirt seyn vold seligmachen von phren sunden.

Das ist aber alles geschehen / auff das erfüllet wurd das Jsa. 7.
der herr durch den propheten gesaget hatt / der do spricht.

Sihe

(Rugen et ce.)
Das ist er wolt
sienicht zuschan-
den machen fur
den leuten / als
er wol macht ha-
tte nach dem ge-
sehe / vñd rumbt
also Sanct Mat-
th. Josephs fro-
mkeyt das er sich
auch jeynes rech-
ten vmb liebe
willen vertzigen
hatt.

Sihe / eyne iundfraw wirt entpfahen vnn̄d geperen eynen
son / vnd sie werden seynen namen heysen Emanuel / das
ist verdolmaschet. Got mit vns.

Da nu Joseph vom schlaff erwachte / thet er wie yhm des
hernn Engell befolhen hatte / vnn̄d nam seynn weyb zu sich /
vnd erkennet sie nicht / biß sie yhren erstē son gepar / vñ
hieß seynē namen Jhesus.

Das ander Capitel.

D Jhesus geporn war zu Bethlehem / yhm Judi-
schen land / tzur tzeit des konigs Herodis / sihe /
da kamen die weysen vom morgenland gen Sie-
rusalem / vnn̄d sprachen. Wo ist der newgeborne konig der
Juden? wir haben seynen stern gesehen ym morgen land /
vnd sind komen / yhn antzubetē.

Do das der konig Herodes horte / erschrad er vnn̄d mit
yhm das gantz Sierusalem / vñ ließ versamlē alle hohe
Priester vnd schrift geleertē vntter dē volck / vñ ersor-
schete von yhn / wo Christus solt geporn werden? vnn̄d sie
sagten yhm / zu Bethlehem yhm Judischen land. Deñ also
ist geschriben durch den propheten. Vnd du Bethlehem
ym Judischen land bist mit nichte die kleynist vnter den
fursten Juda / denn auß dyr soll myr komen / der hertzog
der ober meyn volck von Israel eyn herr sey.

Da berieff Herodes die weysen heimlich / vnn̄d erlernet
mit vleysß von yhnen / weñ der stern erschnen were / vnd
weyßet sie gen Bethlehem / vnn̄d sprach / zihet hyr / vnd
forsschet vleysßig nach dem kyndlin / vnn̄d wen yhrs findet /
sagt myr widder / das ich auch come vnd es anbetē.

Als sie nu den konig gehort hatten / zogen sie hyr / vnn̄d /
sihe der stern / den sie ym morgē land gesehen hatten /
gieng fur yhn hyr / biß dz er kam / vñ stund oben ober /
da das kyndlin war. Da sie den stern sahen / wurdē sie

(weysen et ce.)
Die S. Math Ma-
gos nennet / vñd
sind magi in etli-
chen morgenlen-
der Naturkundi-
ger vñd priester
gewesen.

(Mit nichte)
Bethlehem war
kleyn an zu sehen
darumb auch mi-
cheas sie kleyn
nennet. Aber d'
Euangelist hatt
(mitt nichte) hyr
zu than darumb
das sie khund er-
hohet war / do
Christus da ge-
porn ward.

Und trifft also dē
Euangelist die si-
gur / denn Beth-
lehem bedeut /
die chrisstenheyt
die veracht fur
der welt / gross
fur gott ist.

hoch

Mich. 5.
Joh. 7.

EUANGELION

hoch erfrawet / vnd giengen ynn das hauß / vnd funden das kyndlin mit Maria seyner mutter / vnd sielen nyder / vnd betten es an / vnd theten yhre schehe auff / vnd legten yhm geschend fur / goltt / weyrach vnd myrrhen. Vnd gott bezahl yhn ym trawm / das sie sich nitt sollten widder zu Herodes lenden / vnd zogen durch eynen andern weg wydder yn yhr land.

Da sie aber hyñweg gezogen waren / sihe / da erscheyn der engell des herren dem Joseph ym trawm / vnd sprach / stand auff / vnd nym das kyndlin vñ seyne mutter zu dyr / vñ fleuch yn Egypten land / vnd bleyb alda / biß ich dyr sage / denn es ist forhanden das Herodes das kyndlin suche dasselb vmbtubringen. Vñ er stund auff vnd nam das kyndlin vnd seyne mutter zu sich / bey der nacht / vnd entweych ynn Egypten land / vnd bleyb alda / biß nach dem todt Herodes / auff das erfulet wurde / das der herr durch den propheten gesagt hatt der do spricht / Auß Egypten hab ich meyne sion beruffen.

Da Herodes nu sahe / das er vñ den weysen betrogen war / wart er seer hornig / vnd schickt auß / vnd ließ alle kynder zu Bethlehem todten / vñ ann yhr ganzen grenze / die da hwyer ierig vnd drunder waren / nach der heytt / die er mit vleysz erlernet hatte vonn den weysen.

Da ist erfulet / das gesagt ist von dem propheten Jeremia / der do spricht. Auß dē gebirge hat man ein geschrey gehoret / viel klagenßz / weynenßz vnd heulenßz / Rachel beweynet yhre kyndere / vnd wollt sich nitt trosten lassen / denn es war auß mit yhnen.

Da aber Herodes gestorbē war / sihe / da erscheyn d' engel des herñ Joseph ym trawm / ynn Egypten land / vñ sprach / stand auff / vnd nym das kyndlin vñ seyne mutter zu dyr / vnd ziehe hyñ / ynn das land Jsrael / Sie sind gestorben / die dem kynd nach dem leben stunden. Vnd er

stund

(außmilt yhnen)
Disen spruch hat
Sanct Math. Jon
derlich anrogen /
das er durch yhn
angezegt / wie es
sich allheytt vmb
die Christenheytt
helt / denn es leß
sich alweg fur der
welt an sehen als
sey es aus vmb
die Christen / doch
werdē sie / wider
alle macht der
helle / wunder-
lich durch got er-
halten / vnd sicht
man h. e in disen
finden / wie ein
recht christlich
wesen / yn leydē
standt.

Osee. 11
Kuerl. 24.

Jeremie 31

stund auff/vnnd nam das kindlin vnnd seyne muter zu sich/
vnd kamynn das land Jsrael. Da er aber horete / das Archelaus ym Judischen land konig war / an stat seynes vatters Herodes / furcht er sich da hynt zukomen / vnnd ym trawm entpfieng er eyn beuehl vñ gott / vnd zog yñ die ortter des Gallileischen lands / vñ kam / vnnd wonet ynn der stat die do heyst / Nazareth / auff das erfullet wird / dz gesagt ist durch die propheten / Er sol Nazareus heysen.

Das dritt Capitel.

In der zeyt kam Johannes der teuffer / vnd prediget ynn der wusten des iudischen lands vñd sprach / Bessert euch / das hymel reich ist nah erbey komen. Vnd er ist der / von dem der prophet Isaias gesagt hatt / vnnd gesprochen / Es ist eyn ruffende stymme ynn der wusten / Bereyttet dem herrn den weg / vnnd macht seyne steppe richtig.

Er aber Johannes hatte eyn fleyd vonn Cameel haren / vñd eynen ledbern gurttel vmb seyne lendeñ. Seyne speysze ware / heuschrecken vñ wild honig. Da gieng zu yhm hynt auß die stat Jerusalem / vnnd das ganz iudisch land / vñd alle lender an dem iordan / vnnd ließen sich teuffen von yhm / ym iordan / vnnd bekanten yhre sunde.

Als er nu viel phariseer vnnd saduceer sahe zu seyner tauff komen / sprach er zu yhnen / yhr otter geziichte / wer hatt denn euch so gewys gemacht dz yhr entrynnē werdet dem funfftigē zorn? Sehet zu / thut rechtshaffne frucht d' pusz. Dendt nur nit / dz yhr bey euch wolt sagē / wir habē Abrahā zum vater. Ich sage euch / gott vermag dem Abrahā aus diesen steyn kinder erwecken. Es ist schon die art den bewmē an die wurzel gelegt / darumb welcher bawm nit gutte frucht bringt / wirt abgehawenn / vñd ynßz fewr geworffen.

Solche heuschrecken pflegt man yn etlich morgenlender zu essen als Hieronym. schreybt

Ich

EUANGELION


(alle gerecht) Alle gerechtideyt wirt erfüllet wenn wir uns aller vnsjer gerechtideyt vñd ehre verhephen/das gott also seyn fur den gehalten werd/der gerecht seyn/vñnd gerecht mache die glewbigen. Dis thut Johannes/so er sich seynere gerechtideyt außjert/vñ will von Christo getaufft vñd gerechtfertigt werden. Dis thut auch Christus so er sich seynere gerechtikeit vñd ehre nit annymbt/sondern leyt sich teuffen vñd todten/Deñ tauff ist nicht anders denn todt.

Ich teuffe euch mit wasser nur bußze / der aber nach mir kommet/ist stercker denn ich/dem ich auch nit byn gnugsam/seyne schuch zu tragen / der wirt euch teuffen mit dem heyligen geyst vñnd mit sewr/vñnd er hatt seyne worffschaußel pnn der hand / er wirt seyne tenne segen / vñ den weyhen pñ seyne schewren samlen/aber die sprewn/wirt er verprennen mit ewigem sewr.

Zu der zeyt kam Jhesus von Gallilea an den Jordan / zu Johanne / das er sich vonn yhm teuffen liesze / Aber Johannes weret yhm/vñnd sprach/ich bedarff woll / das ich von dyr getaufft werde / vñnd du komist zu mir? Jhesus aber antwortt vñd sprach / laß iht also seyn / also gepurt es vns / alle gerechtideyt zu ersfullenn. Da ließ ers yhm zu / vñ do Jhesus getaufft war/steyg er bald crauff auß dem wasser/vñnd sihe/da wurden vber yhm die hymel auffgethan/vñnd Johannes sahe den geyst gottis gleich als eyn tawben erab steigen vñd vber yhn komen / vñnd sihe / Eyn styme vom hymel erab sprach / disz ist meyn lieber son / pnn wilchem ich eyn wolgefallen habe.

Joh. 1.
Matth. 17.

Das vierde Capitel.



Awart Jhesus vom geyst pnn die wusten gefurt / auff das er von dem teuffel versucht wurde/vñnd da er vierzig tage vñnd vierzig nacht gefastet hatte/hungert yhn/vñnd der versucher tratt zu yhm/vñnd sprach / Bistu gottis son / so sprich das dieße steyne / brott werden / Vñd er antworttet vñd sprach Es ist geschriebē. Der mensch wirt nit vñ dem brott alleyn lebē/sondern von eynem iglichen wortt / das durch den mund gottis gehet. Da furt yhn der teuffel mitt sich pnn die heylige stadt/vñnd stellet yhn auff die hymnen des tempels / vñnd sprach zu yhm / Bistu gottis son so laß dich hyn abe. Deñ es ist geschrieben / Er wirtt seynen Engelln vber dyr befehlē / vñ sie

Marci. 1.
Luce. 4.

Deu. 8.

sie werden dich auff den henden tragē auff das du deynē
sueßz nit an eynen steyn stoffest/Da sprach Jhesus zu yhm/
widderumb ist auch geschriebenn. Du solt gott deynenn

Deute.6. herrn nit versuchen.

Widderumb / furt yhn der teuffel mit sich / auff eynen
seer hohen berg/vnnd hegt yhm alle reyck der welt/vnnd
yhre herlichest / vnd sprach zu yhm Das alles will ich dyr
gebē / so du nyder fellist / vnnd mich anbetist. Da sprach
Jhesus zu yhm / heb dich Satan / deñ es ist geschrieben

Deute.6. Du solt anbeten gott deynen herrn vnd yhm alleyn die-
nenn. Da verlies yhn der teuffel / vnd sihe / da tratten die
Engel zu yhm vnnd dieneteten yhm.

Luce.4. Da nu Jhesus horete / das Johannes vberantwortet

Joh.2. war / zog er ynn das Gallileysche land / vnnd lies die stadt
Nazaret/lam/vnnd wonete zu Capernaum/die do ligt am
meer an der grenze Zabulon vnd Nepthalim / auff das
erfullet wurde / das do gesagt ist / durch den prophetē
Isaia / d' do spricht / Das land Zabulon vñ das land

Isal.9. Nepthalim / am wege des meeris / ihensid dem Jordan/
vñ die heydnisch Gallilea / das volda da ym finsternis
sasz / hat eyn grosses licht gesehen / vnd die da sassen ynn
dem ortt vñ schatten des tods / den ist eyn licht auffgangen.
Von der zeitt an / sieng an Jhesus zu predigen / vnd sagen
Bessert euch / das hymel reyck ist nah erbey komen.

Als nu Jhesus an dem Gallileyschenn meer gieng / sahe
Marcl.1. er zween brudere/Simon / der do heyst Petrus / vnnd An-
dreas seynen bruder / die wurffen yhre nehe ynsz meer /
denn sie waren fischer / vnnd er sprach zu yhn / folget mit
nach / ich will euch zu menschēfischer machen / Bald lieszen
sie yhre nehe / vnnd folgeten yhm.

Vnnd da er von dannen furbasz gieng / sahe er zween andere
brudere / Jacob den syn Zebedei vnnd Johannem seynen
bruder / ym schiff mit yhem vater Zebedeo / das sie yhre
nehe

EUANGELION

nehe flüchten / vñ er rieß phn. Bald ließen sie dz schiff vñ
phren vatter / vñ folgeten phm nach.

Vñnd Jhesus gieng omb her ym gangen Gallileyschen land/
leret ynn phren schulen/vñnd prediget das Euangelion vñ
dem reyck / vñnd heylet allerley seuche vñnd frandeyt ym
vold / vñnd seyn gerucht erschall yn das ganß Syrien land/
vñnd sie brachten zu phm alle frandenn / mit mancherley
seuchen vñd quall behafft/die besessenen/die monsuchtigen
vñd die gichtpruchtigen/vñnd er macht sie alle gesundt/vñd
es folgete phm nach viel volds / von Gallilea / von den
gehen steden/von Jherusalem/vom iudischen land/vñnd
von Iheryspt des Iordans.

Das funffte Capitel.



U er aber das vold sahe/steyg er auff eynen berg/
vñ sahet sich / vñnd seyne Junger tratten zu phm/
vñnd er thatt seynen mund auff / leret sie / vñ Luce. 6.

(besitzen)blewelt
vermeynt die er-
den zu besitzen vñ
das phr zu schut-
zē wenn sie ge-
walt vbet / aber
Christus leret /
das man die er-
den alleyn mit
jennfftmutidēpt
ongewalt behalt

sprach / Selig sind / die da geystlich arm sind / deñ das
hymelreyck ist phr / Selig sind / die da leyde tragē / deñ
sie sollen getrostet werden / Selig sind die jennfftmutigen/
denn sie werden das erdreyck besitzen / Selig sind die da
hungert vñnd durstet nach der gerechtidēpt/denn sie sollen
satt werden / Selig sind die barmherzigē / deñ sie werdē
barmherzidēpt erlangē / Selig sind die vñ herren reyn
sind/denn sie werden got schawen/Selig sind die fridferti-
gen / deñ sie werden gottes kynder heysen / Selig sind/
die vmb gerechtidēpt willen verfolget werden / deñ das
hymel reyck ist phr / Selig seyd phr / wenn euch die men-
schenn schmehen vñd verfolgen / vñd reden allerley arges
widder euch so sie daran liegē vmb meynen willen. Habt
freud vñnd wonne / Es wirt euch ym hymell woll belonet
werden / denn also haben sie verfolgt die propheten / die
fur euch gewesen sind.

(fridfertigen)
Die fridfertigen
sind mehr denn
fridsamen/nem-
lich/die den frid
machen furdern
vñd erhalten vñd

Vhr

Ihr seyd dz saltz der erdē / wo nu das saltz thum wirrt / was kan man da mit salzen? Es ist zu nicht hynfurtt nutz / denn das man es hyn auß schutte / vñ laßz die leutt zur trettenn. Ihr seyd das licht der welt / Es mag die stat die auff eynem berge ligt nit verporgen seyn / Man hunt auch nicht eyn licht an vñ seht es vnter eynen scheffell / sondern auff eynen leuchter / so leuchtet es denn allen / die ym hawse sind / Also laß ewer licht leuchtē fur den leuten / das sie ewere gute werd sehen / vñ ewr vatter ym hymel preßsenn.

Ihr sollt nit wehnen / das ich komen byn das geseh odder die propheten auff zu losen / ich byn nit komen auff zu losen / sondern zu erfullen / denn ich sage euch warlich / bis das hymel vñ erden zurgehe / wirrt nit zur gehen / der fleyniß buchstab / noch eyn tittle vom geseh / bis das es alles geschehe.

Wer nu eyns von dißzen fleynißten gepotten auff loszet / vñ leret die leutt also / der wirrt der fleyniß heßsen ym hymel reich / Wer es aber thut vñd leret / der wurt groß heßsen ym hymel reich.

Denn ich sage euch / Es sey denn ewr gerechticheit besser / denn der schriftgelerten vñd phariseer / so werdet ihr nit yn das hymel reich komen.

Exod 20. Ihr habt gehort / das zu den alten gesagt ist / du sollt nit
et 21. todten / wer aber todtet / der soll des gerichtis schuldig
Leut. 24. seyn.

Ich aber sage euch / wer mit seynem bruder zurnet / der ist des gerichtis schuldig / wer aber zu seynem bruder sagt / Racha / der ist des rads schuldig / wer aber sagt / du nart / der ist des hellischen fwerßz schuldig.

Darumb weñ du deyn gabe auff den altter opfferst / vñ wirst alda eyndenden / das deyn bruder etwas widder dich hab / so las alda fur dem altar / deyn gabe / vñd gehe

ter andern / wie Christus vns bey gott hatt frid gemacht.

(das saltz) wenn die leter auff hore gottes wortt zu leren / müssen sie von mensche gesehen vber salen vñd zu treten werden.

(auff loset) Also thut der Papißten hauff / sagen / diese gepott Christi seyn nicht gepot sondern redte.

(fleyñiß heßsen) das ist / wenig geacht sonder verworffen werden.

(groß heßsen) das ist / groß geacht werden.

(der phariseer) Der phariseer fromkeyt steht alleyn in außersliche werck vñ scheyn Christus aber sodder deß herthē fromkeyt.

(Racha) Racha ist das rauch ich arren ym halß / vñd begreiffet alle zornige zeychen.

zuuor

EUANGELION

zuuor hyr / vnnnd versune dich mitt deynem bruder / vnnnd als denn kom vnnnd opffer deyn gabe.

Sey willfertig deynem widerfacher / bald / die weyl du noch mit yhm auff dem wege bist / auff das dich der widerfacher nit der mal eyns vberantwortte dem richter / vñ d' richter vberantwortte dich dem diener / vñ werdest yñ ferdter geworffē / warlich ich sage dyr / du wirst nit von dannen erausz fomen / bis du auch den lehten heller bezalest. Ihr habt gehort / das zu den alten gesagt ist / du sollt nit ehebrechen. Ich aber sag euch / wer eyn weyb an sihet / yhr zu begeren / der hat schon mit yhr die ehe brochen ynn seynem herzen.

Exod.

(reys) Geistlich auß reysē / ist hie gepotten / das ist / wenn der augen lust getet wirt ym herzen vnd abethun

Ergert dich aber deyn rechtes aug / so reys es auß / vnd wirffs vñ dyr. Es ist dyr besser / das eyns deyns glied verderbe / vnd nicht der ganze leyb ynn die helle geworffen werde / Ergert dich deyne rechte hand / so haw sie abe vnd wirff sie von dyr / Es ist dyr besser / dz eyns deyns glied verderbe / vñ nit der ganze leyb ynn die helle geworffen werde.

(schweren) Alles schweren vnnnd eyden ist hie verpotten / das der mensch von yhm selber thut / mens aber die lieb / nocht / nutz des nehisten / ed. der gottis ehre seddert / ist wol thun / gleych wie auch der zorn verpotten ist / vnnnd doch loblich wenn er aus liebe vñd zu gottes ehren / erfoddert wirt.

Es ist wol gesagt / wer sich vñ seynem weybe scheydet / der soll yhr geben eynē scheydbrieß. Ich aber sag euch / wer sich vñ seynem weyb scheydet (es sey denn vmb ehebruch) der macht / das sie die ehe bricht / vnnnd wer eyn abgescheydete freyet / der bricht die ehe.

Matt
Marc
Deu. 2
Matt
Marc
Luce.

Ihr habt weyter gehoret / das zu den alten gesagt ist / du sollt seyn falschen eyd thun / vnd sollt gott deynen eydt halten. Ich aber sage euch / das yhr allerding nicht schweren sollt / widder bey dem hymel denn er ist gottis stuel noch bey der erden / denn sie ist seyns fusse schemel / nach bey Jherusalē / den sie ist eyns grossen konigs stadt / Auch solltu nit bey deynem hewbt schweren / denn du vermagist nit eyn eynigs har weißz odder schwarz zu machen / Ewr rede aber sey ya / ya / neyn / neyn / was daruber ist / das ist vom argen.

Ihr

Leut. 24.
Deu. 19.
Luce. 6.

Ihr habt gehort / das gesagt ist / Eyn aug umb eyne aug /
eynen zan umb eynen zan. Ich aber sage euch / das ihr nitt
wider streben solt dem vbel / sondern so der yemant eyne
streych gibt auff deyn rechten backen / dem biete den anderñ
auch dar. Vñ so ymand mit der rechten will / vñ deynē
rock nehmen / dem laß auch den mantell. Vnd so dich ymant
nottiget eyne meyle / so gang mit yhm zwo. Gib dem der
dich bittet / vñ wende dich nit von dem / der von dir bor-
gen will.

(nitt wider stre-
ben) das ist / nie-
mann soll sich
selb rechen noch
rach suchen auch
fur gericht / auch
nitt rach begerē.
Aber die vñ
seht des schwe-
rds / sol solchs
thun / vñ ihr
selbs oder durch
den nechste aus-
lieb ermanet vñ
ersucht.

Leut. 19.
et. 26.
Luce. 6.

Ihr habt gehoret das gesagt ist. Du sollt deyn nechsten
lieben vñ deynen feynd hassen. Ich aber sage euch / Liebet
ewere feynde / benedeyt die euch maledeyē / thut wol den
die euch hassen / bittet fur die / so euch beleydigen vñ ver-
folgen / auff das ihr synder seyd ewers vatters yhm hymel /
Den er leyt seyn Sonne auff gehen vñ die bösen vñ vñ
die guten / vñ leyt regnen vñ gerecht vñ vñ gerecht /
denn so ihr liebet / die euch lieben / was werdet ihr fur
lohn haben Thun nit dasselb auch die zollner? Vñ so ihr
euch nur zu ewern brudern freuntlich thut / woz thut ihr
sonderlichs? thun nit die zollner auch also? Darumb ihr
sollt vollkommen seyn / gleych wie ewer vatter ym hymel vol-
kommen ist.

(zollner) heissen
latiniſch Public-
ani vñ sind ge-
wesen / die der
Romer rendte
vñ zoll bestan-
den hatten / vñ
waren gemeyn-
lich gotlosse
heiden / da hyn
von den Römern
gesagt.

Das sechst Capitel.

Dabt acht auff ewr almoszen / das ihr die nitt ge-
bet / fur den leuten / das ihr vñ yhn geschenn
werdet / ihr habt anders keynen lohn bey ewerm
vatter ym hymel / wenn du nu almoszen gibst / solltu nitt
lassen fur der posaunen / wie die heuchler thun yñ yhren
schulen vñ auff den gassen / auff dz sie von den leute ge-
preßet werden / warlich / ich sage euch / sie haben yhren
lohn dahyn. Wenn du aber almoszen gibst / so laß deyne
linde hand nitt wissen / was die rechte thut / auff das deyn
almoszen

Matth. 23.

EUANGELION

almoſen verporge ſey / vñ deyn vatter / der ynn das ver-
borgen ſihet / wirt dhrs vergelten offentlich.

Vnnd weñ du bettiſt / ſoltu nitt ſeyn / wie die heuchler / die
da gerne ſtehen vñnd beten ynn den ſchulen / vñd an den
ecken auff den gaſſen / auff das ſie von den leuten geſehen
werden / warlich / ich ſage euch / ſie habē yhrn lohn dahyn /
Wenn aber du bettiſt / ſo gehe yñ deyn kernerleyn / vñnd
ſchleuſz die thur zu / vñnd bete zu deynem vater verporgen /
vñnd deyn vatter / der yn das verporgen ſihet / wirt dhrs
vergelten offentlich.

Vnnd wenn yhr betet / ſollt yhr nitt viel plappern / wie die
heyden / deñ ſie meynen / ſie werden erhoret / weñ ſie
viel wortt machē / darumb ſolt yhr euch yhn nit gleychen /
Ewer vatter weyß / was yhr bedurfft / ehe dann yhr yhn
bittet / darumb ſolt yhr alſo beten.

Unſer vater yñ dem hymel. Deyn name ſey heylig. Deyn Luce. 11.
reych come. Deyn wille geſchehe auff erdē wie ynn dem
hymel. Unſer teglich brott gib vñns heutt / vñd vergib vñs
vñſere ſchulde / wie wir vnſerñ ſchuldigern vergeben / vñnd
ſure vñns nitt ynn verſuchung / ſondern erloſe vñs vñ dem
ebel / denn / deyn iſt das reich / vñd die krafft / vñnd die her-
lichkeit in ewigkeit. Amen. Denn ſo yhr vergebt den men-
ſchen yhre ſeyle / ſo wirt euch ewr hymeliſcher vatter auch
vergeben / wo yhr aber den menſchen nit vergebt yhre ſey- Matth. 18.
le / ſo wirt euch ewr vater auch nitt vergeben ewre ſeyle. Marci. 11.

Wann yhr faſtet / ſolt yhr nit ſawer ſehen wie die heuchler /
denn ſie verſtellen yhr angeſicht / auff das ſie fur den leut-
ten ſcheynen mitt yhrem faſten / warlich / ich ſag euch / ſie
habē yhrn lohn dahyn. Weñ du aber faſtiſt / ſo ſalbe deyn
hewbt / vñnd waſche deyn angeſicht / auff das du nitt ſchey-
niſt fur den leutten / mitt deynem faſten / ſondern fur deyn-
nem vatter / welcher verporgen iſt / vñd deyn vatter / der
do ynn das verporgen ſihet / wirt dhrs vergelten offentlich.

Yhr

- Luce. 12. Ihr sollt euch nit schehe samlen auff erden / da sie der roß
vnd die motten fressen / vñ da die diebe nach graben vñ
stelen. Samlet euch aber schehe ym hymel / da sie widder
roß noch motten fressen / vnd da die diebe nit nach graben /
noch stelen / denn wo ewer schatz ist / do ist auch ewr herg.
- Luce. 11. Das auge ist des leybs licht / weñ deyn auge eynseltig
ist / so wirt deyn ganzer leyb licht seyn / weñ aber deyn
aug eyn schalck ist / so wirt deyn ganzer leyb finster seyn.
Weñ aber das licht / das yñ dyr ist / finsterniß ist / wie
groß wirt denn die finsterniß selber seyn?
- Luce. 16. Niemand kan zweyen herrn dienen / entweder / er wirt eyne
hassen / vñ den andern liebē / odder wirt eynem anhangen /
vnd den andern verachten / yhr fund nit gott dienen vnd
dem Mammon / Darumb sage ich euch /orget nit fur ewr
leben was yhr essen vñ trinden werdet / auch nit fur
ewern leyb / was yhr anziehen werdet / ist nit das leben
mehr denn die speyse / vnd der leyb mehr deñ die kleydung?
Sehet an die vogel vnter dem hymell / sie seen nit / sie
erndten nit / sie samlen auch nit ynn die schewren / vnd
ewr hymlicher vatter neeret sie doch. Seyd yhr denn nit
viel mehr denn sie?
- Luce. 12. Wer ist vnter euch / der seyner lenge eyne elck husehen
muge? ob er gleych draufforget / worumborget yhr denn
fur die kleydung? Schawet die lilien auff dem feld / wie
sie wachsen / sie erbeytten nit / auch nehen sie nit / ich sage
euch / das auch Salomon ynn alle seyner herlickeyt / nit
2. Cor. 9. beleydt gewesen ist / als der selbigen eyne / So dan gott
das gras auff dem feld also kleydet / das doch heute steht /
vnd morgen ynn denn offen geworffen wirt / sollt er das
nit viel mehr euch thun / o yhr kleyd glewbigen?
- Darumb sollt yhr nit sorgen / vnd sagen / was werden
wir essen / was werden wir trinden / wo mit werdē wir
vns kleyden? Nach solchem allem trachten die heyden.
Denn

EUANGELION

(seyen eygenob-
ell) das ist teg-
liche arbeit /
vnd will / es
sey gnug das wir
teglich arbeiten
/ sollen nicht
weyter sorgen.

Denn ewr hymliſcher vatter weyß / das yhr des alles be-
durfftet / tracht am erſten nach dem reyck gottis / vnd nach
ſeyner gerechticheyt / ſo wirt euch ſolchs alles zuſallen /
Drumb ſorget nit fur den andern morgenn / denn der
morgene tag / wirt fur das ſeyn ſorgenn. Es iſt gnug das
eyn iglich tag ſeyn eygen obell habe.

Das ſiebend Capitel.

Richten gehorſt
alleyn gott / dar-
umb wer richtet
en gottes beuehl
/ d' nympt gott
ſeyn ehre / vnd
diß iſt der baldē.

Richtet nit / auff das yhr nit gerichtet werdet / denn
mit wilcherley gericht yhr richtet / wirt euch ge-
richtet werden / vnd mit welcherley maß yhr
meſſet / wirt euch gemeſſen werden. Was ſiheſtu aber den
ſpreyßen ynn deyns bruders auge / vnd wiſt nit gewar
des baldē ynn deynem auge? odder wie tharſtu ſagen zu
deynem bruder / halit / ich will dir den ſpreyßen aus dem
auge zihen / vnd ſihe / eyn baldē iſt ynn deynem auge. Du
heuchler zeuch am erſten den baldē auß deynem auge /
darnach beſihe / wie du den ſpreyßen auß deyns bruders
auge zihſt:

(heyligthum)
das heyligthū iſt
gottes wortt da-
durch alle ding
geheyligheit
werdē.

Yhr ſollt das heylthum nit den hunden geben / vnd ewere
perlen ſolt yhr nit fur die ſew werffen / auff das ſie die ſel-
bigen nit zur treten / mit yhren fußen / vnd ſich wenden /
vnd euch zu reyßen.

(hunden)
hund ſind die
das wortt ver-
ſolgenn (ſew) ſew
ſeind / die erſo-
ſen ynn fleiſch-
lichem luſt / das
wort nicht achtē.

Bittet / ſo wirt euch gebē / ſucht / ſo werdet yhr finden /
flopfft an / ſo wirt euch auff gethan / denn wer do bitt / der
empfehet / vñ wer do ſucht / der findet / vnd wer do an-
flopfft / dem wirt auff gethan. Wilcher iſt vnter euch men-
ſchē / ſo yhn ſeyn ſon bittet vmb brott / der ym eynen
ſteyn blete / odder ſo er yhn bittet vmb eyn fiſch / der yhm
eyn ſchlangē blete? ſo den yhr / die yhr doch arge ſeydt /
fund dennoch gutte gaben ewern kindern geben / wie viel
mehr / ewer vater ym hymel / wirt guttes geben / den die
yhn bitten?

Luce. 6.

Luce. 11.
Jacob. 1.
Deu. 4.

Alles

- Luce. 6. Alles nu/das p̄hr wollet/das euch die leutte thun sollenn/
das thutt p̄hn auch p̄hr/das ist das geseh vnd die propheten.
- Luce. 13. Gehet eyn durch die enge pforte/denn die pfortt ist weyt/
vnd der weg ist breyt / der do abfuret zur verdamn̄is /
vnd p̄hr sind viel / die da durch gehen / vnd die pfortt ist
enge / vnd der weg ist schmal / der do zum leben furet /
vnd wenig ist p̄hr / die p̄hn finden.
- Matth. 8. Sehet euch sur / sur den falschen propheten / die zu euch
Luce 12. komen p̄nn schaffs fleydern / p̄nnwendig aber sind sie reys-
sende wolffe / An p̄hren fruchten solt p̄hr sie erkennen /
- Luce. 6. Mag man auch weyndrawben samlen von den dornen?
odder seegen von den distell̄n? Also eyn iglicher guter bawm
bringt gutte fruchte / aber eynn fauler bawm bringt arge
fruchte / Eynn guter bawm kan nitt arge fruchte bringen /
vnd eyn sawler bawm kan nit gute frucht bringen / Eyn
iglicher bawm / der nit gute frucht bringt / wirt abge-
hawen vnd p̄nsz sewr geworffen / darumb an p̄hren fruch-
ten solt p̄hr sie erkennen.
- Es werden nicht alle / die zu mir sagen / Herr herr / p̄n das
hymel reyck komenn / sondern / die do thun den willen
meynes vaters p̄hm hymel. Es werden viel zu mir sagen
an ihenem tag. Herr her haben wir nitt p̄n deynem namē
weyßaget? haben wir nitt p̄nn deynem namen teuffel außz-
trieben? haben wir nit p̄nn deynem namen viel thatten
than? dann werd ich p̄hn bekennē / ich hab euch noch nie
erkannt / weyhet alle von mir p̄hr vbeltheter.
- Psalm. 6. Darumb wer dißze meyne rede horet / vnd thut sie / den ver-
Luce. 13. gleich ich eynem flugen mann / der seyn hawßz auff eyne
Luce. 6. felszen bawet / da nu eyn platz rege siel / vnd eyn gewesser
kam / vnd webeten die wind / vnd stießen an das hawßz /
siel es doch nicht / denn es war auff eynn felszen gegrundt.
Vnd wer dißze meyne rede horet / vnd thut sie nitt / der ist
eynem torichten mann gleich / der seyn hawßz auff den sand
bawet

(thut) Sie so dd-
ert Christus auch
den glawben /
den wo nit glaub
ist / thut man die
gepot nitt / Ro. 3
vnd alle gutte
werd nach dem
scheyn / on glaw-
benn geschheenn
seyn sund dage-
gen auch wo gla-
wb ist / müssen
recht gutte werd
folgen / das heys-
set Christ⁹ (thun)
von reynem her-
zē thun.
Der glawb aber
reynigt das herb
Act. 15. vnd sol-
che fromlept /
steht best wider

EUANGELION

alle wind/das ist
alle macht der
hellen / den sie
ist auff den fels
Christu / durch
den glawbenn
gebawet. Gutte
werd on glaw-
ben/seyen der to-
richtenn lund-
strawen lampen
on ole.

(So du wilt) der
glaub weisz nit/
vertrawet aber
auff gotes gnad.

(Aber sie) Mos.
nennet das geset
ein zeugnis ober
das volda / Deu.
31. den das ge-
set beschuldiget
uns/vnnd ist eyn
heug/ober vnser
sund / also hie /
die priester so sie
zeugen/Christus
hab disen gerep-
niget / vnd gleu-
ben doch nicht/
zeugen wider sich
selb.

(weñ ich sage)
das ist. Sind
meyne wortt so
mchtig/wiewiel
mchtiger sind
den deyne wortt
(von morgen et.)
das ist / die hey-

bawet / da nu eyn platrege siel / vnd kam eyn gewesser /
vnd webeten die winde / vnd stlessen an das hawß / da siel
es / vnnd seyn fall war gross.

Vnnd es begab sich / da Jhesus disse lere volendet hatt / ent-
sagte sich das volda vñ seynere lere / denn er prediget ge-
waltidlich / vnd nitt wie die schrift geleerten.

Das acht Capitel.

Da er aber vom berge herab gieng / folgte yhm
viel volda nach / vnd sihe / eyn außzeiger kam/
vnd bettet yhn an / vnd sprach / Herr so du wilt/
kannstu mich wol reynigen / vnnd Jhesus streckt seyne hand
auß / rurt yhn an / vnd sprach / ich wills thun / sey gereynigt /
vnd als bald wart er von seym außsah reyn / vnnd Jhesus
sprach zu yhm / sich zu / sage niemant / sondern ganng yhn
vnnd hegg dich dem priester / vnnd opffere die gabe / die
Moses befolhen hat / zu eynem heugnis ober sie.

Da aber Jhesus eyngieng zu Capernaum / tratt eyn heubt-
mann zu yhm der hatt yhn vnd sprach / Herr / meyn knecht
ligt zu hause / vñ ist gleichpruchtig / vnnd hat grosse quall /
Jhesus sprach zu yhm / ich will komen / vnd yhn gesund
machen. Der hawbtman antwortt vñ sprach. Herr ich byn
nit werth / das du vnter meyn dach gehist / sondern sprich
nur eyn wortt / so wirt meyn knecht gesund. Denn ich byn
eyn mensch / dahu der oberkept vnterthan / vñ habe vnter
myr kriegsknecht / noch wenn ich sage zu eynem / gehe yhn /
so gehet er / vnd zum andern / kom her / so kompt er / vnnd
zu meynem knecht / thu das / so thut ers. Da das Jhes⁹
horet / verwundert er sich / vñ sprach zu den / die yhm
nach solgeten / Warlich / ich sage euch / solchen glawbe hab
ich yn Israhel nit funden. Aber ich sage euch / viel werden
komen vom morgen vnd vom abent / vnd sihen mit Abra-
ham vnnd Isaac vnnd Jacob / ym hymel reych / Aber die kin-
der

Marcl. 1.
Luce. 5.

Luce. 7.

der des reychs / werden außgestossen pnn die außersten
finsternißz / da wirt seyn weynen vñ heen flappen. Vnd
Jhesus sprach zu dem hewbtman/gehe hynt/dyr geschehe/
wie du geglewbt hast/vnnd seyn knecht wart zu der selbigen
stund gesund.

dē werden ange-
nommen / dar-
umb das sie gla-
uben werden /
die iuden vnd w-
erdt heylgen ver-
worfen Ro. 9

Marcl. 1. Vnd Jhesus kam pnn Peters haus / vñ sahe das seyne
Luce. 4. schwyger lag vnd hatte das fiber / da grepff er yhr hand
an / vnnd das fiber verließ sie / vnnd sie stund auff / vnnd
dienete yhn.

Marcl. 1. Am abent aber/brachten sie viel besessener zu yhm/vnnd er
treyb die gepster auß mitt wortten/vnnd machte alle fran-
cken gesundt auff das erfüllet wurd / das da gesagt ist/

Isal. 53. durch den prophetē Isala / der do spricht / Er hatt vnser
schwacheyt auff sich genomen/vnd vnser seuche hatt er ge-
tragen.

Luce. 9 Vñ da Jhesus viel volcks omb sich sahe / hies er man solt
hyntber iensyd des meers faren / vñ es tratt zu yhm eyn
schriffstgelerter / der sprach zu yhm / Meyster / ich will dyr
folgen / wo du hynt gehist / vñ Jhesus sagt zu yhm. Die
fuchsz haben gruben / vnd die vogel vnter dem hymell
haben nester / aber des menschen son hat nit / da er seyn
hewbt hynt lege / Vnnd ein ander vnter seynen Jungern /
sprach zu yhm/Herr / erleube myr/das ich hynt gehe/vnnd
zuuor meynen vatter begrabe. Aber Jhesus sprach zu yhm/
folge du mir / vnnd las die todten yhre todten begraben.

(wo du hynt etc.)
Ettlich wollen
Christo nicht fo-
lgen / sie seyn
den gewißz wo
hynt / darumb
verwirfft Chri-
stus dißzen / als
der nicht trau-
wen / sondern
zuuor / der sach
gewißz seyn wil.

Mar. 4. Vnnd er tratt pnn das schiff / vnd seyne iungere folgten
Luce. 8. yhm/vñ sihe/da erhob sich ein grosse ongestum ym meer/
also das auch das schiff lin mit wellen bedeckt wart / vnnd
er schlieff / vnnd die iungere tratten zu yhm / vnd weckten
yhn auff / vnd sprachen / Herr / hilff vns myr verderben /
da saget er zu yhn / yhr liepnglewbigen warumb seyt yhr
so furchtsam? vnd stund auff / vnd bedrawtte den wind
vnnd das meer / da wart es ganß still. Die menschen aber

(Begrabe etc.)
Ettlich wenden
gute werdt fur /
das sie nicht fol-
gen odder glew-
ben wollen. Aber
die deuttet Chri-
stus dede vñ ver-
lorne gute werdt

verwunderten

EUANGELION

verwunderten sich / vnd sprachen / was ist das fur ein man / das yhm der wind vnd das meere gehorsam sind? Vnnd er kam iensyd des meers ynn die gegend der Gergesener / da lieffen yhm entgegen zween besessene / die kamen auß den todtegreben / vnd waren seer grymmig / also / das niemand fund die selbigen strass wandeln / vnd sihe / sie schreien vnd sprachen Ach Jhesu du son gottis was haben wir mitt dyr zu thun / bistu her come vns zu quelen / ehe denn es zeyt ist? Es war aber fern vñ yhn / ein grosse herdt sew an der weyde / da baten yhn die teuffell / vnd sprachen / wiltu vns auß treyben / so erleube vns ynn die herdt sew zu faren / vnd er sprach / faret hy / da furen sie auß / vnd furen ynn die herdt sew / vnd sihe / die ganze herdt sew stocht sich mitt einem sturm ynsz meer / vnd erschoffen ym wasser / vnd die herten flohen / vñ giengen hy ynn die stadt / vnd sagten das alles / vnd wie es mit den besessenen ergangen war / vnd sihe / da gieng die ganze stadt erauß Jhesu entgegen / vnd da sie yhn sahen / baten sie yhn / das er weyhen wolt von yhr grenze.

Marci. 5.
Luce. 8.

Das neund Capitel.

(Seyne stadt)
Capharnaum.

DA trat er ynn das schiff / vnd fur widder her / ober / vñ kam yñ seine stadt / vñ sihe / da brachten sie zu yhm einen gichpruchtigen / der lag auffem bett. Da nun Jhesus yhren glauben sahe / sprach er zu dem gichpruchtigen / sey getrost meyn son / deyn sund sind dyr vergeben. Vnd sihe / ettlich vnter den schrifftgeleerten / sprachē bey sich selbs / diszer lesteret gott. Da aber Jhesus yhre gedācken sahe / sprach er / warumb dencket yhr szo arges ynn ewren herten? wilchs ist leychter? zu sagen / dyr sind deyne sund vergeben? oder zu sagen / stand auff vnd wandle? Auff das yhr aber wisset / das des mensche son macht habe / auff erden / die sund zu vergeben / sprach

Marci. 2.
Luce. 5.

sprach er zu dem gleichpruchtigen/stand auff/heb auff bey
 bette/und gang heim/und er stund auff und gieng heim.
 Da das volck das sahe/verwunderte es sich/und priesete
 gott der solche macht den menschen geben hatt.

Marcl. 2. Und da Jhesus von dannen gieng/sahe er einen menschen
 Luce. 5. am holl sitzen/der hieß Mattheus/und sprach zu ihm/
 folge mir/und er stund auff/und folgete ihm. Und es be-
 gab sich/da er zu tisch saß im hausz/sihe/da kamen viel
 tollner und sundt und saßen zu tisch mit Jhesu und
 seinen Jungern. Da das die phariseer sahen/sprachen sie
 zu seinen Jungern/warumb isset ewer Meister mit den
 tollnern und sundt? Da das Jhesus horet/sprach er zu
 ihm/Die starcken durffen des arbes nit/sondern die tran-
 cken/Wehet aber hym/und lernet/was das sey (Ich hab
 Johe. 6. ein wolgefallen an der barmherzigkeitt/und nicht am
 opffer) Ich bin kommen den sundt zu ruf-
 fen/und nicht den fromen.

(nicht am opfer)
 Christus spricht
 er esse mit su-
 nden das er
 barmherzigkeitt
 beweise und he-
 yst die phariseer
 auch barmherzi-
 gkeitt beweisen
 und die sundt
 nicht verachten/
 drum das all-
 eyn dich gutte w-
 erck sind/die dem
 nehsten zu gut
 kommen/singens
 fastens/opfers
 acht gott nichts

Marcl. 2. In des kamen die iungere Johannis zu ihm und sprachen/
 Luce. 5. Warumb fasten wir und die phariseer so viel/und deyne
 iunger fasten nicht? Jhesus sprach zu ihm/Wie konnē des
 breutgams kind' leyde tragē/so lange der breuttgam
 bey ihm ist? Es wirt aber die zeit komē/das der breutt-
 gam von ihm genommen wirt/als dann werden sie fasten/
 Niemand flickt ein alt kleid mit einem lappen oder newem
 tuch/den er reisset doch den lappen wider vom kleid und
 der riss wirt erger. Man fasset auch nit den most mit alte
 schleuche/anders die schleuche zu reissen/und der most
 wirt verschutt/sondern man fasset den most mit newe
 schleuche/so werden sie beyde mit eynder behalten.

(nicht den from-
 en) Christ 9 ver-
 wirfft alle men-
 schliche from-
 keitt/und will

Marcl. 5. Da er solchs mit ihm redet/sihe/da kam der vbristen einer
 Luce. 8. zu ihm/und fiel fur ihm nyder und sprach/Herre/mein
 tochter ist iht gestorben. Aber kum/und lege deyne hand
 auff sie/so wirt sie lebendig/Jhesus stund auff/und fol-
 get ihm

EUANGELION

das wir alleyn
auf seyn from-
pelt bawen / da-
rumb er auch hie
spricht / er ruffe
alleyn den son-
dern / vnd 1. Ti-
mot. 1. spricht
Paulus Christus
sey in die welt
komen / die sun-
der selig zu ma-
chen.

(leyde tragen)
Es ist zweyerley
leyden. Eyns aus
eygner wal an-
genommen / als
der monch regu-
len ic. wie Baals
priester sich selb
stachen. 3. Reg.
18. Solchs ley-
den helt alle welt
/ vñ hielten die
phariseer / auch
Johannis iun-
gerfurgros. Aber
got veracht es.

Das ander ley-
den / vñ got on-
nset wal zuge-
schickt / als scha-
nd / todt ic. Dñ
williglich leyden
ist eyn recht frey
vnd got gefellig.

Darub spricht
chrus seyne iun-
gere fasten nicht
/ die weyl der

get yhm nach. Vnnd sihe / ein weyb / das zwolff Jahr den
bluttgang gehabt / tratt von hynden zu ym / vñ rurete
seynes kleydis sawm an / denn sie sprach bey yhr selbs /
mocht ich nur seyn kleyd an rure / so wurd ich gesund. Da
wēdet sich Jhesus umb / vñ sahe sie vñ sprach / sey ge-
trost meyn tochter / dein glawb hatt dir geholffen / vñ
das weyb ward zu der selbigen stunde gesund.

Vnnd als er ynn des vñrsten hawsz kam / vñ sahe die
psepper vñ das getumele des volcs / sprach er zu yhn /
weycht / denn das meydlin ist nit todt / sondern es schlesst.
Vñ sie verlachten yhn. Als aber das volc außgetrieben
war / gieng er hyneyn vñd ergreiff sie bey der hand / da
stund das meydlin auff / vñd bñ gerucht erschall ynn das
selbige ganze land.

Vñd da er von dannen furbaß gieng / folgten yhm hween
blynden nach / die schrieen vñ sprachen / Ach du son Da-
uid / erbarm dich vnser / vñd da er heym kam / tratten die
blinden zu yhm / vñd Jhesus sprach zu yhn / glewbt yhr / das
ich euch solchs thun kann? Da sprachen sie zu yhm / Herre /
ia / da rurete er yhr augen an / vñd sprach / Euch geschehe
nach ewrem glawben / vñd yhr augen wurden geoffnet /
vñd Jhesus bedrawet sie / vñd sprach / sehet zu / das es nie-
mant ersare / aber sie giengen auß / vñd machten yhn rucht-
par ynn dem selben ganzen land.

Da nu dise waren hyenaus komen / sihe / da brachten sie zu
yhm eynen menschen der war stum vñd besessen / vñd da
der teuffel war aus getrieben / redet der stumme / vñd das
volc verwunderte sich / vñd sprach / solchs ist noch nie ynn
Israel ersehen worden / aber die phariseer sprachē / Er
treymbt die teuffel aus durch der teuffel vñrsten

Vñd Jhesus gieng umb her ynn alle stedte vñd merckte /
leret ynn yhren schulen / vñd predigt das Euangelium von
dem reych / vñd heylte allerley seuche vñd allerley frand-
heyt

(psey-
die m-
denn
leych-
ucht
deutt
sche l

Mar

Luce

heyt yn völd/vnnd da er das völd sahe/ameret yhn des selbigen/denn sie waren verschmacht vnnd zerstrawet wie die schaff/die keynen hirtten haben / da sprach er zu seyner lüngerenn/die erndt ist groß/aber wenig sind der erbeyter/darumb bittet den herrn der erndte / das er erbeyter ynn seyne erndte sende.

Das zehend Capitel.

Marcl. 6. **U**nd er rieß seyner zwelff lüngere zu sich / vnd gab yhn macht / vber die vnjawbernn gepster / das sie die selbigen aus tryben / vnnd heylten allerley seuche vnnd allerley krankheyt.

Luce. 6. Die namen aber der zwelff apostel sind dise / der erst / Simon/genant Petrus/vnnd Andreas seyn bruder/Jacobus Zebedei son / vnnd Johannes seyn bruder / Philippus vnd Bartolomeus/Thomas vnnd Mattheus der tollner/Jacobus Alphei son / Lebbeus / mit dem zu namen Thaddeus/Simon von Cana / vñ Judas Iscarioth / welcher yhn verriethet.

Luce. 9. Dise zwelffe sandte Ihesus / vnd gepott yhn vnd sprach / Geht nit auff die strasse der heyden / vñ zihet nit yn die stedte der Samariter/Sondern gehet hyr zu den verloren schaffen aus dem haus Israel/geht aber vnnd predigt/vnnd spricht / das hymelreich ist nahe er bey komen / macht die schwachē gesund / reynigt die außseßigen / weckt die todten auff / treybt die teuffel aus / vmbsonst habt yhrs empfangen / vmbsonst gebet es auch / habt nicht goltt noch sylber / noch erß ynn eweren gurtteln / auch seyn tasche zur wegfart/auch nit zween roße/seyn schuch/auch seynen steden/denn eyn arbeyter ist seyner speyse werd.

Luce. 10. Wo yhr aber yñ eyne stadt oder markt gehet / da erkundigt euch ob yemand drynnen sey / der es werd ist / vnnd bey dem selben bleybt bis yhr von dannen zihet.

breutgam noch bey yhn ist / das ist die weyll yhn gott noch nit hatt leydenhugeschickt / vñ Christus noch bey yn war/vñ sie schutzet / ertichten sie yhnen keyn leyden / denn es ist nichts fur gott / Sie mussten aber fasten / vnd leyden denn / do Christus todtet ward / damit verwurfft Christus d' heuchler leyden vnnd fasten/aus eygner walangenomen. Item wo sich Christus fruntlich erheyt/als eyn breutgam / do mus freud seyn/wo er sich aber anders erheyt / mus trawren seyn.

(Nimant flucht) mit disen wortten weisset er sie von sich/als die/so seyne leer / vñ solcher freyheyt seyner lünger / nicht ver-

Wo

EUANGELION

stunden / vñnd
spricht man lunt-
de alte flepder
nicht mit newen
lappen fliden /
denn sie halten
doch den stich
nit / das ist / man
funde diße newe
leer nit mit all-
ten fleschlichen
herhen begreiff-
sen / Dñ wo mā
sie fleschlichen
leutten predige /
werde es nur er-
get / wie man iht
sihet / dz so man
geystliche frey-
heyt leret / maßt
sich das flesch
d' freyheyt an /
zu seynem mutt-
willen.

(schüttelt) also
gar nichts solt
phr von phn ne-
mē / das phrauch
phren staub von
schuchē schüttlet /
das sie erkennen /
das phr nicht we-
rn nuß / sondern
phr seligkeyt ge-
sucht habt.

(nicht aufrich-
ten) als wollt er
sprechen / ich we-
ß wol das sie

Wo phr aber ynn eyn haus gehet / so grisset das selbige /
vñnd so dz selbige haus werdt ist / so wirt ewr frid auff sie
komen / ist es aber nit werdt / so wirt sich ewr frid widder
zu euch wenden.

Dñ wo euch ymant nit annehmen wirt / noch ewer rede
horen / so gehet erauß von dem selben hausz odder stadt vñ
schüttelt den stamb von ewren fussen / warlich / ich sage
euch / dem land der Sodomier vñnd gomorrer wirt es treg-
licher ergehen am iungsten gericht / denn solcher stadt.

Sihe / ich sende euch / wie die schaff mitten vnter die wolffe /
darumb seyt flug wie die schlangen / vñnd on falsch wie die
taubenn / Guttet euch aber fur den menschen / denn sie
werden euch vbirantwortten fur phre radhewser / vñnd
werden euch gepfellen ynn phren schulen / vñd man wirt
euch fur fursten vñnd konige furen vmb meynen willen /
zum zeugnis vbir sie vñd vbir die heyden.

Wenn sie euch nu vbirantworten werden / soorget nicht
wie oder was phr reden solt / denn es soll euch zu der stund
geben werden was phr reden solt / denn phr seyt es nicht
die da reden / sondern ewers vaters geyst ist es / der durch
euch redet.

Es wirtt aber eyn bruder den anderñ zum tod vbirant-
worten / vñ der vatter den son / vñd die kinder werden
sich emporen widder die eltern / vñd phn zum tod helffen /
vñd musset gehasset werden von yderman / vmb meynes
namens willenn. Wer bis an das ende beharret / der wirt
selig.

Wenn sie euch aber ynn eyner statt verfolgen / so fliehet yn Joh. 1
eyn andere / warlich ich sage euch / phr werdet die stett
Israel nit außtrichtenn bis des menschē son komet. Der
lunger ist nit vbir den meyster / noch der knecht vbir den
herren / Es ist dem lunger gnug das er sey wie seyn meyster /
vñd der knecht wie seyn herr / Haben sie den hausz vatter
Beelzebub

Beelzebub geheysen/wie viel mehr werden sie seyne hauszgenossen also heysen? darumb furcht euch nicht fur yhn.

Es ist nichts verporgen/das nit offenbar werde/vnnd ist nichts heymlich/das man nit wissen werde/was ich euch sage ym finsternis/das redet ym licht/vnd was yhr horet ynn das ore/das prediget auff den bechern.

Vnd furcht euch nit fur denen/die den leyp todten/vnd die sele nit mugen todten/furcht euch aber viel mehr fur dem/der da vermag/leyp vnd seel verderben ynn die helle.

Kaufft man nitt zween sperling omb eynen pfennig? noch sellt der selbigē leyner auff die erden on ewren vatter/Au aber sind auch ewre hare auff dem hewbt alle gezelet/darumb furcht euch nit/yhr seyd besser denn viel sperlinge.

Marci. 8. Darumb wer mich bekennet fur den menschen/den will ich
Luce. 9. bekennen fur meynem vatter ym hymel/wer mich aber verleugnet/fur den menschen/den will ich verleugnen fur meynem vater ym hymel.

Luce. 12. Yhr solt nit wehnen/das ich komen sey frid zu senden auff erdenn/ich bynn nit komen frid zu senden/sondernn das schwerd/denn ich byn komen/den menschen zu erregen widder seynen vater/vnnd die tochter widder yhre mutter/vnnd die schnur widder yhre schwiger/vnd des menschen seynd werden seyne eygen hauszgnossen seyn.

Luce. 14. Wer vatter vnnd mutter mehr liebet denn mich/der ist meyn nitt werd/vnnd wer son odder tochter mehr liebet denn mich/der ist meyn nitt werd/vnnd wer nit seyn creuche auff sich nimpt/vnd sollget mir nach/der ist meyn nit werd/wer seyn leben findet/der wirrt es verlierenn/vnd wer seyn leben verleuret omb meynen willē/der wirrt es finden.

Marci. 9. Wer euch auff nimpt/der nimpt mich auff/vnnd wer mich
Luce. 10. auff nympt/der nympt den auff/der mich gesand hatt/wer eynen propheten auff nympt/ynn eynis propheten namen/der wirrt eyns propheten lohn entpfahen/wer eynen gerechten

euch verfolgen werden denn das vold wirrt das euangelium verfolgen/vnd nicht bekeret werden bis zu end der welt.

EUANGELION

rechten auff nympt/ynn eynis gerechten namenn/der wirt
eynis gerechten lohn entpfahen/vnnd wer diser geringsten
eynen nur mit eynem becher salts wassers trendet/ynn
eyns hungern namen/warlich sag ich euch/es wirt yhm
nicht vnbelonet bleyben.

Das Eylfft Capitel.

Und es begab sich/da Jhesus vollendet hatt solche
gepott zu seynen zwelff hungern/ gieng er von
dannen furbas/ zu leren vnd zu predigen ynn
yhren stebten.

Da aber Johannes ym gesendnis horete die werd Christi/ Luce. 7.
sand er seynen lenger zween/ vnd lies yhm sagen/ Bistu/
der do komen soll/ oder sollen wir eyns andern wartten?
Vnd Jhesus antwort vn sprach zu yhn/ gehet hynt/ vnd
sagt Johanni widder/was yhr sehet vnnd horet/die blin-
den sehen/ vnd die lamen gehen/die aussethigen werden
reyn/ vnnd die tauben horen/ die todten stehen auff/
vnnd den armen wirt das Euangelium predigt/ vnnd Jsa. 61.
selig ist/ der sich nit ergert an myr.

Da die hynt giengen/sieng Jhesus an zu reden zu dem volck
von Johanne. Was seyd yhr hyntaus gangē ynn die wu-
sten zu sehen? wolltet yhr eyn thor sehen/ das der wind
hynt vnnd her webt? odder was seyt yhr hyntaus gangen zu
sehen? wolltet yhr sehen eynen menschen ynn weyden
fleydern? Sihe/die da weyche fleyder tragen sind ynn der
konige heusz. Odder was seyt yhr hynt aus gangen zu
sehen? wolltet yhr eynē propheten sehen? ia ich sag euch/
der auch mehr ist/ denn eyn prophet/ denn diser ist vñ
dem geschriben ist/Sihe/ ich sende meynen Engel fur dyr Malach. 3.
her/der deynen weg fur dyr bereyten soll.

Warlich ich sage euch/vnter allen/die von weyden geporn
sind/ist nitt auff gestanden/der grosser sey/denn Johannes
der

- der teuffter / der aber der fleynist ist ym hymel reyck / ist
 Luce. 16. grosser denn er / Aber von den tagen Johannis des teuf- (der fleynist)
 fers / bis hieher / leydet das hymelreyck gewalt / vnnnd die Christus.
 do gewalt thun / die reysen es zu sich / denn alle propheten (leydet das hy-
 vnnnd das geseh haben geweyssagt bis auff Johannes / vnnnd melreyck) die ge-
 Matth. 17. so phrs wollt an nehmen / er ist Elias / der do soll zu kunfftig wissen / wenn sie
 Matth. 9. seyn / wer oren hat zu horen / der hore. das euangelion
 Luce. 7. Wem sol ich aber dis geschlecht vergleychen? Es ist den vernemen drin-
 kindlin gleych / die an dem markt sihen / vnnnd ruffen gegen gen sie hynhu /
 phren gesellen vnnnd sprechen / wir haben euch gepysen / das phn niemāt
 vnnnd phr woltet nicht tanzen / wir haben euch geflaget / werē kan.
 vnnnd phr woltet nicht weynen. Johannes ist komen / assz
 nit vnnnd trand nit / so sagen sie / er hat den teuffell. Des
 menschen son ist komē / isset vnnnd trindt / so sagen sie / sihe /
 wie ist der mensch eyn fresser vnnnd eyn weynseuffter vnnnd der
 holner vnnnd der sunder gesell? Vnnnd die weyszheyt mus sich
 rechtfertigen lassen von phre syndern.
 Luce. 10. Da sieng er an die stedt zu schelten / ynn welchen am meys-
 sten seyne thatten geschē waren / vnnnd hatten sich doch
 nit gebessert. Weh dyr Chorazin / weh dyr Bethsaida /
 weren solche thatten zu Tyro vnnnd zu Sidon geschehen / als
 bey euch geschehen sind / sie hetten vorgeyten ym sach vnnnd
 ynn der asschen bussz than / doch ich sage euch / es wirt Tyro
 vnnnd Sidon treglicher ergehen am iungsten gericht / denn
 euch. Vnnnd du Capernaum / die du bist erhaben bis an hy-
 mel / du wirst bis ynn die helle hynvnter gestossen werden.
 Denn so zu Sodoma die thatten geschehen weren / die bey
 dyr geschehen sind / sie stunde noch heuttigs tages / doch /
 ich sage euch / es wirt der Sodomer lande treglicher er-
 gehen am iungsten gericht / denn dyr.
 Vnnnd da redet Jhesus weytter vnnnd sprach. Ich preysse dich /
 vatter / vnnnd herre hymels vnnnd der erden / das du solchen
 Joh. 17. weysen vnnnd verstendigen verporgen hast / vnnnd hast es den
 vnmundigen

EUANGELION

vnmundigen offenbart / ja vater / denn es ist also wolge-
fellig gewesen fur dyr. Alle ding sind myr vbirgeben von
meynem vatter / vnd niemant erkennet den son / denn nur
der vatter / vnd niemant erkennet den vatter / denn nur der
son / vnnnd wem es der son will offenbaren.

(meyn ioch ic.)
das creuch ist gar
eyn leyhet last
denen die / das zu
angellon schme-
cken vnnnd sulen.

Kompt her zu mir / alle die yhr muheselig vnnnd beladen Joh. 7.
seytt / ich will euch erquicken / nempt auff euch meyn ioch /
vnnnd lernet von myr / denn ich byn sensstmutig vnnnd von
herthen demutig / so werdet yhr ruge findenn fur ewere
seele / denn meyn ioch ist sensst / vnnnd meyne last ist leyhet.

Das zwelfft Capitel.

In der zeyt / gieng Jhesus durch die sadt am sabath /
vnd seyne lunge waren hungerig / siengen an ehern
ausreuffen / vñ assen / da das die phariseer sahen / spra-
chen sie zu yhm / Sihe / deyne lunge thun / dz sich nit zimpt
am sabbath zu thun. Er aber sprach zu yhn / habt yhr nicht
gelesen was David thett / da yhn vnd die mitt yhm waren /
hungerte? wie er gieng ynn das gottis haus / vnnnd assz die
schawbrott die yhm doch nit zimpte zu essen / noch den die
mitt yhm waren / sondernn alleyn den Priestern. Wodder
habt yhr nicht gelesen ym geseh / wie die priester am sab-
bath ym tempell den sabbath brechen / vñ sind doch on
schuld? Ich sage aber euch / das hie der ist / der auch grosser /
denn der tempel ist / wenn yhr aber wisset / was das sey
(ich habe eyn wolgefallen an der barmherzigkeyt / vnnnd
nicht am opffer) hettet yhr nicht verdampt die vnschuldi-
gen. Des menschen son ist eyn herr / auch vbir den sabbath.
Vnd er gieng von dannen furbas / vnd kam ynn yhre schule.
Vnd sihe / da war eyn mensch / der hatte eyn verdurrete
hand / vnnnd sie frageten yhn vnnnd sprachen / thar man auch
am Sabbath hehlen? auff das sie yhn schuldigen mochten.
Aber er sprach zu yhn / welcher ist vnter euch / so er eyn schaff
hatt /

Marci. 2.
Luce. 6.

Reg. 21.

Johe. 6.

Marci. 3.
Luce. 6.

(vder den sabath)
so gar stehet d'
verstandt aller
gepot yñ der lie-
be / das auch got-
tis gepot nicht
bindet wo es lie-
be vnnnd nott
joddert.

hatt/das yhm am sabbath ynn eyn gruben fellt/der es nitt ergreyff vnnnd auff hebe? wie viel besser ist nu eyn mensch denn eyn schaff? darumb mag man wol am sabbath guttis thun. Da sprach er zu dem menschen / streck deyne handt aus/vnnnd er streckt sie aus/vnnnd sie ward yhm widder gesund gleich wie die andere.

Da glengen die Pharisæer hynaus/vnnnd hielten eyne radt vbit yhn / wie sie yhn umbrecht. Aber da Jhesus das ersur / weych er von dannen / vñ yhm folgete viel volcks nach/vnnnd er heylet sie alle/vnnnd bedrawete sie/das sie yhn nitt meldeten / auff das erfüllet wurde / das da gesagt ist / durch den prophetē Isaiam / der do spricht. Sihe / das ist meyn knecht den ich erwelet habe / vnnnd meyn liebster / an dem meyn seel eyne wolgefallen hatt / ich will auff yhn legen meynen geyst / vnnnd er soll den heyden das gericht verkündigen / Er wirt nicht handt noch schreyen / vnnnd man wirt nitt horen seyn geschrey auff den gassenn / das zustossen thor wirt er nitt hubrechen / vñ das glumende tocht wirt er nitt aus leßchen/bis das er aus fure das gericht / zu dem sieg / vnnnd die heyden werden auff seynen namen hoffen.

Da wart eyn besessener zu yhm bracht der war blind vñ stum/vñ er heylet yhn / also / das der blinde vnd stumme / beyde redet vñ sahe / vnnnd alles volck entsahte sich / vnnnd sprach / ist diser nit Dauids son? Aber die pharisæer / da sie es horeten / sprachen sie. Er treybt die tewfel nit anders aus/denn durch Beelzebub der teuffel vbiten.

Jhesus aber vernam yhr gedanken / vnnnd sprach zu yhn. Eyn iglich reych / so es mitt yhm selbs vneyne wirt / das wirt wust/vñ eyn iglich stadt odder haws/so es mitt yhm selbs vneyne wirt/mag nitt bestehen. So denn eyn Satan / den andern aus treybt / so mus er mit yhm selbs vneyne seyn / wie mag denn seyn reych bestehen? So aber ich die teuffel

Isai. 42.

Marcl. 3.
Luce. 11.

EUANGELION

teuffel durch Beelzebub aus treybe/durch wen treyben sie ewre kındere aus? Darumb werden sie ewre richter seyn. So ich aber die teuffel aus treybe/durch den geyst gottis/so ist yhe das reyck gottis vbir euch komen.

Obder wie kan yemand ynn eyner starcken haus gehen/vnnd yhm seynen hauszradt rawben / es sey denn / das er zuuor den starcken binde / vnnd als dann yhm seyn haus berawbe? wer nicht mitt myr ist/der ist widder mich/vnnd wer nicht mit myr samlet / der verstrawet. Darumb sage ich euch / alle sund vnnd lesterung wirt den menschen vergeben / aber die lesterung widder den geyst / wirt nicht vergeben/vnnd wer etwas redet wider des menschen son/dem wirt es vergeben / aber wer etwas redet widder den heyligen geyst/dem wirts nicht vergeben/widder ynn diser noch ynn ihener welt.

Seht entwedder eynen gutten bawm / so wirt die frucht gutt/odder seht eyn sawlen bawm/so wirt die frucht faul/denn an der frucht erkendt man den bawm. Ihr otttern geichte / wie kund yhr gutts reden / die weyll yhr bose seyt? Wes das herz voll ist / des geht der mund vbir. Eyn gut mensch bringt gutts ersur / aus seynem gutten schatz / vn̄ eyne boßz mensch bringt boßes ersur / aus seynem boßē schatz / Ich sage euch aber / das die menschen müssen rechen schaff geben am lungsten gericht von eynem iglichen vnnutzen wortt / das sie geredt haben. Aus deynen wortten wirstu gerechtfertiget werden vnnd aus deynen wortten wirstu verdampt werdenn.

Da antwortten etlich vnter den schriftgelehrten vnd pharisier vnnd sprach en. Keyser/myr wollten gern eyne heyche von dyr sehen / vnnd er antworttet vnnd sprach. Dise bose vnd chebrecherische art sucht eyne zeychen/vnnd es wirt yhr seyn heychen geben werden denn das zeychen des prophetē Jonas. Denn gleych wie Jonas war drey tag vnd drey nacht

yn

(widder den heyligen geyst) Die sund ynn den heyligen geyst ist/verachtung des Euāgeli vnd seynner werck / die weyll die stehet/ist seynner sund radt / denn sie sicht wider den glauben / der da ist der sund vergebung / wo sie aber wirt abthan / mag der glawbe eyngehen vnd alle sund abfallen.
(noch ihener) das hie Mattheus spricht (widder ynn diser noch ynn ihener welt) jaget Marcus also? Er ist schuldig eyner ewigen schuld.

Marci. 3.
Luce. 12.

Luce. 6.

Marci. 8.
Luce. 11.

Jone. 1.

yn des walfiſſchis bauch / Also wirt des menschen ſon drey tag vnn̄ drey nacht ſeyn mitten yñ der erden. Die leute von Ninue werden auff ſtehen am iungſten gericht / mitt diſem geſchlecht / vnd werdē es verdamnen / denn ſie thettē buß nach der predigt Jonas / vnn̄ ſihe / hie iſt mehr denn Jonas. Die königyn vom mittag wirt auff ſtehen am iunſten gericht mitt diſem geſchlecht / vnn̄ wirt es verdamnen / denn ſie kam vom end der erden zu horen die weyßheyt Salomonis / vnn̄ ſihe / hie iſt mehr denn Salomon. Wenn der vnſawber gepſt von dem menschen aus gefaren iſt / ſo durchwandelt er durre ſtett / vñ ſucht ruge vnn̄ ſind ſie nicht / da ſpricht er deñ / ich wil wider omb feren / ynn meyn haus / daraus ich gangen bynn / vnn̄ wenn er kompt / ſo ſind ers muſſig / geſeret vnn̄ geſchmudt / ſo gehet er bynn vnn̄ nympt zu ſich ſieben ander gepſter / die erger ſind / denn er ſelbs / vnn̄ wenn ſie byn cym / komen wonen ſie aldo / vñ das leht diſes menschen wirt erger / denn das erſte. Also wirt es auch diſem argen geſchlechte gehen.

Marcl. 3.
Luce. 8.

Da er noch also zu dem volck redte / ſihe / da ſtunden ſeyne mutter vnn̄ ſeyne bruder drauſſen / die wolten mitt yhm reden / da ſprach eyner zu yhm / ſihe / deyn mutter vñ deyne bruder ſtehen drauſſen / vnn̄ wollen mitt dyr reden. Er antwort aber vnd ſprach zu dem der es yhm anſaget. Wer iſt meyn mutter / vnd wer ſind meyne bruder / vnn̄ redet die hand aus vber ſeyne iunger / vnd ſprach / ſihe da / das iſt meyn mutter / vnd meyne bruder. Denn wer do thut den willen meynes vaters ym hymel / der ſelbige iſt meyn bruder / ſchwester vnn̄ mutter.

Das dreytzehend Capitel.

Marcl. 4.
Luce. 8.

AU dem ſelbigen tag / gleng Jheſus aus dem hauſe vnd ſagt ſich an das meer / vnd es verſamlet ſich viel volcks zu yhm / also / das er ynn das ſchiſſ tratt

EUANGELION

tratt vnnnd sass / vnd alles volda slūd am vser / vñ er redte zu yhn mancherley durch gleychnissen / vnnnd sprach / Sihe / Es gieng eyn Seeman aus seynen samen zu seen / vnd ynn dem er seet fiel ettlichs an den weg / da kamen die vogel / vnd frassens auff. Ettlichs fiel ynn das steynichte / da es nicht viel erden hatt / vnd gieng bald auff / darumb das es nitt tieffe erden hatte / als aber die sonne auffgieng / verwelcket es / vñ die weyl es nit wurzel hatte / ward es durre. Ettlichs fiel vnter die dornen / vnd die dornen wuchsen auff / vnnnd ersticketens. Ettlichs fiel auff eyn gutt land / vnnnd gab frucht / ettlichs hundertfeltig / ettlichs sechzigfeltig / ettlichs dreyszigfeltig / wer oren hat zu horen / der hore.

(wer do hatt) wo das wort gottes verstanden wirt / da mehret es sich vnnnd bessert den mensche / wo es aber nicht verstanden wirt / da nympt es ab vnd ergert den menschen.

Vnnnd die lurger tratten zu yhm / vnnnd sprachen / warumb redistu zu yhn durch gleychnisse? Er antwort vnnnd sprach / Euch ist geben das yr dz geheymnis des hymelreichs vernemet / dissen aber ist nit geben. Denn wer do hatt / dem wirt gegeben / das er volle genug habe / wer aber nicht hat / vñ dem wirt auch genomen / das er hat. Darumb rede ich zu yhn durch gleychnisse / denn mit sehenden augen sehen sie nicht / vnd mit horenden oren horen sie nicht / denn sie verstehen es nicht / vnd vñ yhn wirt erfüllet die weyssagung Isale / die do sagt / mitt dem gehore werdet yhr horen / vnnnd werdt es nicht verstehen / vnd mitt sehenden augen werdet yhr sehen / vnnnd werdet nit vernemen / denn das hertz dises volda ist verstockt / vnnnd yhr oren sind dick worden zu horen / vnnnd yhr augen sind yhn schleffrig worden / auff das sie nicht der mal eyne / mitt den augen sehen / vnnnd mit den oren horen / vnnnd mitt dem hertzen verstehen / vnd sich beferen / das ich yhnen hulffe.

Aber selig sind ewr augen / das sie sehen / vnd ewr oren / das sie horen / warlich ich sage euch / viel propheten vnnnd gerechten haben begerd zu sehen das yhr sehet / vnd habens nit gesehen / horen das yhr horet / vnd habens nit gehoret

Isal. 6.
Johan.

gehoret. So horet nu yhr dise gleychnisse vñ dem See-
man. Wenn yemant das wort von dem reyck horet / vñd
nicht verstehet / so kompt der arge / vñd reyßet es hyñ / was
da geseet ist yññ seyn herh / vñd der ist / der an dem weg
geseet ist. Der aber auff das steynichte geseet ist / der ist /
weñ yemant das wort horet / vñ dasselb bald auff nympf
mit freudē / aber er hatt nicht worgeln yñ yhm / sondern
er ist wetterwendisch / wenn sich trubsal vñ verfolgung
erhebt vmb des worts willen / so ergert er sich balde. Der
aber vñter die dornen geseet ist / der ist / wenn yemant das
wort horet / vñ die sorge diser welt / vñd betrug des
reychtums / ersticket das wort / vñd wirt vnfruchtbar. Der
aber yññ das gute land geseet ist / der ist / weñ yemant
das wort horet / vñd verstehet es / vñd denn auch frucht
bringet / vñd ettlicher gibt hundertfeltig / ettlicher aber
sechzigfeltig / ettlicher dreyßigfeltig.

Er leget yhn eyn ander gleychnus fur / vñd sprach / das
hymel reyck ist gleych eynem menschē / der guten samen
auff seynen acker seet / da aber die leutt schliessen / sam seyn
seynd / vñd seete vnkrautt zwischen den weyhen / vñd gieng
dauon / da nu das krautt wuchs vñd frucht bracht / da fand
sich auch das vnkrautt / da tratten die knechte zu dem haus
vatter / vñd sprachen / Herre / hastu nit guten samen auff
deynen acker geseet? wo her hatt er deñ das vnkraut? vñd
er sprach / das hat eyn seyndt than / da sprachen die knechte /
wiltu deñ das wyrt hyñ gehen / vñd es aus getten? Er
sprach / Keyn / auff das yhr nit zu gleych den weyhen mit
aus reuffet / so yhr das vnkraut aus gettet / lassets beyde
mit eynander wachsen bis zu der ernd / vñd zu der ernd
zeyt will ich zu den schnyttern sagen / Samlet zuuor das
vnkraut / vñ bindt es yññ bundle / das man es verprenne /
aber den weyhen samlet myr yññ meyne scheuren.

Eyn ander gleychnis leget er yhn fur / vñ sprach / das hy-
mel

. EUANGELION

(senff korn) seyn
brachter wortte
ist/denn das Eu-
angelium / vnn
doch seyn kress-
tigers / denn es
macht gerecht die
sophm gleuben/
geseh vnd werd
thun es nicht.
(sawt teyg) ist
auch das wort
das den mensch-
en vernemert.

mel reych ist gleych eynem senffkorn/das eyn mensch nam
vnd seet auff seynen acker / wilchs das fleynist ist vnter al-
lem samen / wenn es aber erwechst / so ist es das grossist
vnter dem kol / vñ wirt eyn bawm das da komen die
vogel vnter dem hymel/vnd wonen vnter seynen zweygen.
Eyn ander gleychnis redet er zu phn / das hymelreych ist
gleych / eynem sawer teyg / den eyn weyb nam vnn
mengt phn vnter drey scheffel mehls / bis das es durch vnn
durch versawerte.

Solchs alles redte Jhesus durch gleychnissen zu dem volck / Psal. 77.
vnd on gleychnisse redet er nicht zu phn / auff das erfüllet
wurd / das gesagt ist durch den prophetē / der do spricht/
ich will meynen mund auffthun vnn gleychnissen / vnn
will aus sprechen die heymlicheit von anfang der welt.
Da lies Jhesus das volck von sich / vnd kam heym / vnd
seyne iungere tratten zu phm / vnn sprachen/sage vns die
gleychnisse vom vnkrautt auff dem acker. Jhesus antwort
vnn sprach zu phn/Des menschen son ist der do guten sa-
mē seet / der acker ist die welt / der gutte same sind die kin-
der des reychs/das vnkraut sind die kinder der boszheyt/
der seynd der sie seet ist der teuffel/die ernd ist das end der
welt / die schnytter sind die engel / gleych wie man nu das
vnkraut ausgettet vnn mit sewr verprent / so wirts auch
am ende diser welt gehen. Des menschen son wirt seyne en-
gel senden/vnd sie werdenn samlenn aus seynem reych alle
ergernisse/vnn die da vnrecht thun/vnn werden sie vnn
den sewrosen werffen/da wirt seyn heulen vnn zeenflap-
pen/denn werden die gerechten leuchten wie die sonne/vn
phrs vatters reych/wer oren hatt zu horen/der hore.

(schah) der ver-
borgen schah ist
das euangelium
das do vns gnad
vnn gerechtid.

Aber mal ist gleych das hymelreych eynem verborren schah
ym acker/wilchen eyn mensch sandt/vnn verbarghn/vnd
gieng hyr fur freuden vñ dem selbigen / vnn verkauffte
alles was er hatte/vnd lauffte den acker.

Abermal

Übermal ist gleych das hymelreych eynem lauffman der gutte perlen suchte/vnd da er eyne kostliche perlen funden hatte/gieng er hyhn/vnd verkauffte alles was er hatte/vnnd lauffte die selbigen.

Übermal ist gleych das hymelreych eynem netz das ynß meer geworffen ist / da mit man allerley gattung fahet/wenn es aber vol ist worden / so zihē sie es eraus an das rfer / sihen vnd lesen die guten yn eyn gefessz zu samen / aber die faulen werffen sie hyh / Also wirt es auch am end der welt gehen/die engel werden aus gehen vnnd die bosen von den gerechten scheiden/vnd werden sie ynn den fiewr ofen werffen/da wirtt seyn heulen vnnd heenflappen.

Dñ Jhesus sprach zu yhn/habt yhr das alles verstanden? sie sprachen/la herr/da sprach er/Darumb eyn iglicher schrifftgelerter der zum hymelreych gelert ist / ist gleych eynem hausvatter/der aus seynem schatz newes vnnd altes erfurtregt. Vnnd es begab sich/da Jhesus dise gleychnissen volendet hatte/gieng er von dannen/vnd kam ynn seynn vatterland/vnd leret sie ynn yhren schulen/also auch das sie sich entsahen vnd sprachen/wo her kompt dißzem solche weyßheyt vnnd macht? ist er nicht eyns hymmermans son? Seyst nitt seyne mutter Maria? vnnd seyne brudere Jacob / vnd Joses vnd Simon vnd Judas / vnd seyne schwestern / sind sie nitt alle bey vns? wo her kompt yhm denn das alles? vnnd sie ergerten sich an yhm / Jhesus aber sprach zu yhn. Eyn prophet gillt nyrgend weniger denn da heym vnd bey den seynen / vnd er that da selbs nit viel heychen / vmb yhres vnglawbens willen.

eyt gibt / on vnser verdienst/da rumb findt man es / vnnd macht fremd das ist eyn gutt frolich gewißen / welche man mit feynen werckē zu wege bringen mag Diß euangelium ist auch dis perlen

(altes) das geseh (newes) das euangelium.

Matth. 6.

Das vierzehende Capitel.

Matth. 6.
Luce. 3.

Zu der zeit kam das geruchte von Jhesu fur den vierfursten Herodes/vnnd er sprach zu seynen knechten/dißzer ist Johannes der teuffer/Er ist vō den todten auff

(vier furst) Judea mitt yhr zu gehor was in

EUANGELION

vier herſchaften
teylt/daher man
die hern tetra-
chas/das iſt vier-
fürſten nennet.

auff erſtanden / dar umb iſt ſeyn thun ſo gewaltig. Denn
Herodes hatte Johannē griffen / gebunden vnd ynſ ge-
fengnis gelegt / von wegen der Herodias ſeynes bruders
Philipps weyb / denn Johannes hatte zu yhm geſagt / Es
iſt nit recht / das du ſie habest. vnd er hette yhn gern todtet /
fürcht ſich aber für dem vold / den ſie hielten yhn für eyn
prophetē. Da aber Herodes ſeynē iars tag begieng / da
tanzete die tochter der Herodias für yhnen / vnd das geſiel
Herodes wol / darumb verhies er yhr mit eynem eyde / er
wollt yhr geben / was ſie ſoddern wurde / vnd als ſie zuvor
von yhrer mutter zugericht war / ſprach ſie / gib myr her
auff eyn ſchuffell das hewbt Johannis des teuffers / vnn
der konig wart trawrig / doch umb des eydis willen vnd
der / die mit yhm zu tiſch ſaſſen / beſah ers zu geben / vñ
ſchickt hyhn vnn
enthewptet Johannes ym geſendnis /
vnn
ſeyn hewbt wart hertragen auff eynen ſchuffell /
vnn
dem meydle gegeben / vnn
ſie brachts yhrer mut-
ter. Da kamen ſeyne lurger / vnn
namen ſeynen lepp / vnn
begruben yhn / vnn
kamen vnd verkündigten das Jeſu.
Da das Jheſus horete / weych er vñ dannen auff eynem
ſchiff / ynn eyne wuſte alleyn / vñ da das vold horete /
folgte es yhm nach zu fuß / aus den ſtetten / vnn
Jheſus
gieng erfur / vnd ſahe das groſſe vold / vnd es lamerte yhn
der ſelbigen vnn
heylete yhre krankē / Am abent aber /
tratten ſeyne lurger zu yhm / vñ ſprachen / diß iſt eyne
wuſte / vnd die nacht ſellt daher / laß das vold von dyr / das
ſie hyhn ynn die merckte gehen / vnn
yhn ſpeyſe lauffen /
Aber Jheſus ſprach zu yhn / Es iſt nit not das ſie hyhn gehen /
gebt yhr yhn zu eſſen / ſie ſprachen / wir haben hie nichts
denn funff brot vnn
zween fiſch / vnd er ſprach / bringt myr
ſie hie her / vnd er hieß das vold ſich lagern auff das gras /
vnd nam die funff brot vnn
die zween fiſch / vnd ſahe auff
gen hymel / vnn
ſprach den ſegen vnd brach die brot / vnd
gab

Marci.
Luce. 9.
Johan.

gab sie den iungern vnd die iunger gaben sie dem volda/
vnd sie assen alle vnd wurden satt / vñ huben auff was
vberig bleyb von broden/zwolff korberoll. Die aber gessen
hattē / der waren bey funff tausent man / on die weybe
vnd kindt.

Vnd als bald treyb Jhesus seyne iunger / dz sieynn das
schiff tratten vnd fur phm widder heruber furen / bis er
das volda vñ sich ließe / vnd da er das volda vñ sich gelassen
hatte / steyg er auff eynen berg alleyn / das er bette / vnd
am abent/war er alleyn daselbs/vnnd das schiff war schon
mitten auff dem meer/vnd leyd nott von den wellen/denn
der wind war phn widder. Aber ynn der vierden nacht.
wache / kam Jhesus zu phn vnd gieng auff dem meer / vñ
da phn die iunger sahen auff dem meer gehen / erschraden
sie/vnd sprachen/Es ist eyn spugniß/vñ schreyen fur furcht/
Aber als bald redte Jhesus mit phn / vnd sprach / seyd ge-
trost/ich byns/furcht euch nicht.

Die nacht teylt
man vorteylten
in vier wachte /
der igliche drey
stund hatte.

Petrus aber antwort phm vnnd sprach/Herre/bistu es/so
heßz mich zu dyr komen auff dem wasser/vnnd er sprach/
kom her / vñ Petrus trat aus dem schiff / vnnd gieng auff
dem wasser/das er zu Jhesu keme. Er sahe aber eynen star-
cken wind / da erschrad er / vnd hub an zu sincken / schrey
vnnd sprach/Herr hilff mir / Jhesus aber recket seyne hand
aus / vnnd erwißcht phn / vnnd sprach zu phm / o du kley-
n glewbiger / warumb zweyfeltstu? vñ traten yn das schiff/
vnd der wind leget sich. Die aber ym schiff warē / kamē
vñ sielen fur phn nyder / vnnd sprachen / du bist warlich
gottis son/vnd schiffsten her vber/vnnd kamen ynn das land
genezareth / vnnd da die leutte am selben ortt seyn gewar
wurden/schickten sie auß ynn das gang land vmbher/vnnd
brachten alle vngesunden zu phm/vnnd baten phn/das sie
nur seynes fleyds sammt antureten / vnd alle die da an-
rurten/worden gesundt.

Das

EUANGELION

Das funfftzehend Capitel.

(gott geben ic.)
 obder/Es ist dyr
 nuher/wenn ichs
 zu opfer gebe/
 wie die Canon-
 es ist leren vöte-
 stamenten / vnd
 stiftungen

(alle pflanze) al-
 le werdt die gott
 nicht wirdt ym
 mensche/sind su-
 nd vnd hie sihet
 man wie gar ni-
 chts d' frey will
 vermag.

Dalamen zu ihm die schriftgelehrten vnd phari- Marc.
 seer von Iherusalem vñ sprachen/warumb vbir-
 treten beyne lunge der allten auff sehe? sie was-
 schen ihre hende nicht wenn sie brod essen. Er antwort
 vnd sprach zu ihn/warumb vbitretet denn ihr gottes
 gepott vmb ewr auff sehe willen? Got hatt gepotten / du
 solt vater vñ muter ehren / wer aber vater vnd muter Leut. 2.
 flucht / der soll des tods sterben / Aber ihr sprecht / Eyn ig-
 licher solle sagē zu vater adder zur muter / Es ist gott ge-
 ben/das dyr solt von mir zu nuh komen. Damit geschichts/
 das niemant hynsurt seyn vatter oder seyn muter ehret/
 vñ habt also gottis gepot auff gehalten vmb ewer auff-
 sehe willen? ihr heuchler/es hat wol Isaias von euch weys-
 sagt/vnd gesprochen/die völd nehlt sich zu mir mit seynem
 mund vnd ehret mich mit seynen lippen/aber ihr herz ist
 fern von myr/Aber vergeblich dienen sie myr/die weyl sie
 leren solche lere die nichts denn menschen gepott sind.
 Vnd er rieß das völd zu sich vnd sprach zu ihm / horet zu
 vnd vernemt. Was zum mund eyngchet dz verontep-
 niget den mensche nit / sondern was zum müd aus gehet
 dz verontepniget den mensche.
 Da tratten seyne lunge zu ihm vnd sprachen / weysstu
 auch/das sich die phariseer ergerten/da sie das wort hore-
 ten? Aber er antwort vnd sprach/Alle pflanze die meyn
 hymlicher vatter nit pflanzt hatt / die werden aus ge-
 rewtt / last sie saren / sie sind der blinden blinde leyttet /
 wenn aber eyn blinder den andern leyttet / so fallen sie
 beyde ynn die gruben. Luce. 6.
 Da antwort Petrus vñ sprach zu ihm / deute vns diße
 gleychnis / vnd Ihesus sprach zu ihn / seyt ihr denn auch
 noch vnuerstendig? Merckt ihr noch nit? das alles was
 zum

zum mund eyngehet das gehet ynn den bauch / vnnnd wirt durch den naturlichē gang aus geworffen was aber zum mund eraus gehet / das kompt aus dem herzen / vnd das verunreyniget den menschen. Denn aus dem herzen komen arge dancē / mord / ehbruch / hurerey / dieberey / falsche gezeugnis / lesterung. Das sind die stück / die den menschen verunreynigenn. Aber mit vngewasschen henden essen / verunreynigt den menschen nicht.

Marcl. 7. Vnd Ihesus gieng aus von dannen / vnnnd entweych ynn die gegend Tyro vnnnd Sidon / vnnnd sihe / eyn Cananisch weyb / gieng aus der selben grenze vñ schrey yhm nach vnd sprach. Ach Herre du son Dauid erbarm dich meyn / Meyne tochter hatt einen bösen teuffel. Vñ er antwortet yhr seyn wortt. Da tratten zu ym seyne lurger / vnnnd baten yhn / vnnnd sprachen / las sie doch vonn dyr / denn sie schreyet vns nach. Er antwortet aber vnnnd sprach / ich bynn nicht gesand / deñ nur zu den verloren schaffen vñ dem haus Israel. Sie kam aber vnnnd fiel fur yhn nyder vnd sprach. Herre / hilff mir. Aber er antwortet vnnnd sprach. Es ist nicht seyn / das man den kindern yhr brott neme / vnd werff es fur die hunde / sie sprach ja Herre / aber doch essen die hundlin von den brotsamlin / die da von yhrer herren tisch fallen / da antwortet Ihesus / vnnnd sprach hu yhr / o weyb / deyn glawbe ist gros / dyr geschehe wie du wilt vnd yhr tochter ward gesund hu der selbigen stunde.

Vnnnd Ihesus gieng von dannen furbas / vnnnd kam an das gallileische meer / vnnnd steg auff eynen berg / vnnnd saht sich alda / vñ kam zu yhm viel volck / die hatten mit sich / lamē / blinden / stummen / kruppler / vnd viel andere / vnd worffen sie Ihesu fur die fueß / vnnnd er heylet sie / das sich das volck verwunderte / da sie sahen / das die stummen redten / die kruppler gesund waren / die lamē giengen / die blinden sahen / vnnnd prieseten den gott von Israel.

Vnd

EUANGELION

Vnd Ihesus rieß seynen hungern zu sich / vnd sprach. Es lamert mich des volcks / denn sie nu wohl drey tag bey mir beharren / vnd haben nichts zu essen / vnd ich will sie nit vngeessen vñ mir lassen / auff das sie nicht verschmachten auff dem wege / da sprachen zu ihm seyne hunger. Woher mogē wir so viel brots nemē vñ der wusten / das wir settigen so viel volcks? Vñ Ihesus sprach zu ihm. Wie viel brott habt ihr? sie sprachen / sieben / vnd eyn wenig fischlin / vnd er hieß das volck sich lagern auff die erden / vñ nam die sieben brott vñ die fische / danket / brach sie / vnd gab sie seynen hungern / vnd die hunger gaben sie dem volck / vñ sie assen alle / vnd worden satt / vnd huben auff was vñ bleyb von broden / sieben korbe voll / vnd die da gessen hatten / der war vier tausent man / außgenommen weyber vnd kinder / vnd da er das volck hatte von sich gelassen / tratt er vñ eyn schiff / vñ kam vñ die grenze Magdala.

Das sechzehend Capitel.

Da tratten die phariseer vnd saduceer zu ihm / die versuchte ihn / vnd fodderten das er sie eyn zeichen vom hymel sehen ließe. Aber er antwort vnd sprach / des abents spricht ihr / Es wirt eyn schöner tag werden / denn der hymel ist rodt / vnd des morgens spricht ihr / Es wirrt heute vngewitter seyn / deñ der hymel ist rodt vnd trube. Ihr heuchler / des hymels gestalt kundt ihr vñ seht / kundt ihr denn nit auch die zeichen dieser zeit vñ seht? Dese bose vñ ehebrecherische art sucht eyn zeichen / vnd es soll ihr seyn zeichen geben werden / denn das zeichen des propheten Jonas / vnd er ließ sie / vnd gieng daruon.

Vñ da seyne hunger waren ihm vber gefaren / hattē sie vergessen brot mit sich zu nemen. Ihesus aber sprach zu ihm / Sehet zu vñ huttet euch fur dem sawr tegg der phariseer

(zeichen) die zeichen meynet Christus seyne wunderthatten / die verkündiget waren / das sie gesehen sollten zu Christus zeichen. Male. 61.

Marci. Luce. 1.

Luce. 1.

Marci.

riſeer vnn̄d Saduceer / da dachten ſie bey ſich ſelbs / vnd ſprachen / das wirts ſeyn / das wirt nit haben brot mit vns genommen. Da das Jheſus vernam ſprach er zu yn / yhr Ileynglewigen / was bekommert yhr euch doch / das yhr nit habt brot mit euch genommen? vernemet yhr noch nichts? gedend̄t yhr aber nit an die funff brott vnter die funff tauſent / vnd wie viel forbe hubt yhr da auff? auch nit an die ſiben brot vnter die vier tauſent / vnd wie viel forbe hubt yhr da auff? wie verſtehet yhr denn nicht / das ich euch nit ſage vom brott / wenn ich ſage / Sutt euch ſur dem ſawrteyg der phariſeer vnd ſaduceer? Da verſtunden ſie / d̄z er nicht geſagt hatte / d̄z ſie ſich hutten ſolten ſur dem ſaurteyg des brots / ſondern ſur der lere der phariſeer vñ ſaduceer.

Marcl. 8. Da kam Jheſus ynn die gegend der ſtadt Ceſarea philippi /
Luce. 9. vnd fraget ſeyne iunger / vnd ſprach. Wer ſagen die leutt /
das da ſey des menſchen ſon? ſie ſprachen. Ettlich ſagen /
du ſeyſt Johannes der teuffer / die andern / du ſeyſt Elias /
Ettlich / du ſeyſt Jeremias / odder der propheten eyner. Er
ſprach zu yhn / wer / ſagt denn yhr / das ich ſey? Da antwortt
Simon Petrus vnd ſprach / du biſt Chriſtus des lebendigen
gottis ſon. Vnn̄d Jheſus antwortt vnd ſprach hu ihm. Selig
biſtu Simon Jonas ſon / fleiſch vnn̄d blutt hatt d̄yr das n̄t
offenbartt / ſondern meyn vatter ym hymel / vnn̄d ich ſage
auch d̄yr / du biſt Petrus / vnn̄d auff diſe ſelz will ich bawen
meyne gemeyne / vnn̄d die pfortten der hellen / ſollen ſie
nicht v̄birweldigen / vnn̄d will d̄yr die ſchluffel des hymel-
reychs geben. Alles was du binden wiſt auff erden / ſoll
auch ym hymel gepunden ſeyn / vñ alles was du auff erden
loſen wiſt / ſoll auch ym hymel loſz ſeyn.

Luce. 9. Da verpott er ſeynen iunger / das ſie niemant ſagen ſoll-
ten / das er Jheſus / Chriſtus were. Von der zeyt an ſienz
Jheſus an vnd zeygt ſeynen iunger / wie er muſte gen
Jheruſalem

(Petrus) Cepha
Griech / Petros
Griechiſch heyſt
auff deutſch eyn
fels / vnd alle
Chriſten ſind pe-
tri vmb der be-
kenntnis willen /
die hie Petrus
thut / wilche iſt /
der ſelb / darauff

EUANGELION

Petrus vnd alle
petribawet sind/
gemeyn ist die
bekenntnis also
auch der name.

(helle pforten)
Die helle pforten
sind aller gewalt
widder die Chri-
sten/als/sunde/
tod/helle/welt-
lich weyßheyt
vnd gewalt ic.

(den todt) das
ist/wer an mich
glaubet wirt den
tod nit sehen.
Johan. 8. 11. 12.

Jherusalem gehen / vnd viel leyden von den eldisten vnd
hohen priestern vnd schriftgelehrten/vnd getodtet vnd am
dritten tage aufferweckt werden. Vnd Petrus nam yhn zu
sich/sur yhn an vnd sprach / Herr / schon deyn selbs / das
widerfar dyr nur nicht. Aber er wand sich vmb/vnd sprach
zu Petro / heb dich Satan von myr / du bist mir ergerlich/
denn du meynist nicht das gottlich / sondern das mensch-
lich ist.

Da sprach Ihesus zu seynen jüngern/will myr yemant nach
folgen / der verleuden sich selb / vnd neme seyn creutz auff
sich vnd folge myr. Den wer seyn leben will erhalten/der
wirts verlieren / wer aber seyn lebē verleuret vmb meyn-
nen willen / der wirts finden / was hulffs den mensche/
so er die ganzen welt gewunne / vnd neme doch schaden
an seynen seel? adder was kan der mensche geben da mit er
seyn seel widder losze? denn es wirt yhe geschehen/das des
menschen son come ynn der herlickeyt seynes vatters / mit
seynen engeln / vnd als dan / wirt er vergelten eynem
iglichen nach seynen werden. Warlich ich sage euch/es ste-
hen etlich hie/die nit schmēß werden den todt/bis das sie
sehen comen des menschen son ynn seynem reych.

Marcl. 8.
Luce. 9.

Das sibenzehend Capitel.

Und nach sechs tagen nam Ihesus zu sich Petrum vnd
Jacobum vnd Johannem seynen bruder / vnd
fureet sie beseyts auff eynen hohen berg / vnd ver-
fletet sich sur yhnen / vnd seyn angesicht glantzete wie die
sonne / vnd seyne fleyschet worden weyß / als eyn liecht /
vnd sihe / da erschienen yhn Moses vnd Elias die rechten
mit yhm. Petrus aber antwortet vnd sprach zu Ihesu.
Herr hie ist gutt seyn/wiltu/szo wollen wir hie drey hutten
machen / dyr eyne / Mosi eyne / vnd Elias eyne. Do er nach
also redte/sihe/da vbersthattet sie eyn liechte wolcken/vnd
sihe

Marcl. 9.
Luce. 9.

sihe/eyn stymme aus der woldē sprach. Das ist meyn lieber
son ynn welchem ich eyn wolgefallen hab / gehorchet yhm.
Da das die iunger horeten / fielen sie auff yhr angesicht /
vnd erschrocken seer. Jhesus aber tratt zu yhnen / ruret
sie an / vñ sprach / stehet auff / vn furcht euch nicht / da sie
aber yhr augen auff huben / sahen sie niemant/denn Jhesu
alleyne.

Vnd da sie vom berge nyder giengen / gepott yhn Jhesus/
vnd sprach / yhr sollt dis gesicht niemant sagen / bis des
menschen son von den todten aufferstande ist / vnd seyne
iunger frage yhn vnd sprachen / was sagen denn die
schriftgelerten / Elias müsse zuuor komen? Jhesus ant-
wortet vnd sprach. Elias sol lah durch seyne künfft alles
zu recht bringen. Doch ich sage euch / es ist Elias schon ko-
men/vnd sie haben yhn nicht erkandt/sondern haben an
yhm than/was sie wolten / also wirt auch des menschen
son leyden müssen von yhn/da verstanden die iunger/das
er von Johanne dem teuffer geredt hatte.

Vnd da sie zu dem volder kamen / tratt zu yhm eyn mensch/
vnd beugte die knie gegen yhm/vnd sprach. Herre erbarm
dich vber meynen son / denn er ist monschlich / vnd hatt
eyn schweres leyden. Er sellt offt ynnß feur / vnd offt ynnß
wasser / vnd ich hab yhn zu deynen iunger bracht/vnd sie
funden yhm nicht helffen / Jhesus aber antwortet vnd
sprach / o du vngleubige vnd verkerete art / wie lange soll
ich bey euch seyn? wie lange soll ich euch dulden? Bringt
myr yhn hieher / vnd Jhesus bedrawet yhn / vnd der teuf-
fel fure aus von yhm / vnd der knabe ward gesund zu der
selbigen stunde.

Da tratten zu yhm seyne iunger besonders / vnd sprachen.
Warumb konden wir yhn nit austreyben? Jhesus aber
antwortet vnd sprach / vmb ewers vnglawbens willen /
denn ich sage euch warlich / so yhr glauben habt als eyn
senfforn

Marcl. 9.
Luce. 9.

EUANGELION

senßkorn / so mogt yhr sagen zu diesem berge / heb dich von hinnen dort hin / so wirt er sich heben / vnd euch wirt nichts vnmöglich seyn / aber diese art feret nicht aus / denn durch beten vnd fasten. Luce. 17

Da sie aber yhr wesen hatten ynn Galilea / sprach Jhesus zu yhn. Es ist zu kunfftig / das des menschen son vberantwort werde ynn der menschen hend / vnd sie werden yhn todten / vnd am dritten tage wirt er auff stehen / vnd sie worden seer betrubt.

(frey)
wie wol Chris-
tus frey war /
gab er doch den
hins / seym neh-
sten zu willen /
also ist eyne Chris-
ten seynet halbē
alles dings frey
vnd gibt sich
doch seynem ne-
histen willich zu
dienst.

Da sie nu gen Capernaū kamen / giengen zu Petro die den zinsgroschen eyn namen / vnd sprachen / pflegt ewr meyster nit den hins groschen zu geben? Er sprach / ja / Vnd als er heym kam / kam yhm Jhesus zuuor / vñ sprach / was dunckt dich Simon? von wem nemen die konige auff erden den zoll oder hinsze? von yhren sondern odder von frembden? da sprach zu yhm Petrus / von den frembden. Jhesus sprach zu yhm / so sind die kinder frey / auff das aber wyrt sie nicht ergern / so gang hin an das meer / vnd wirff den angel / vnd den ersten fisch der auffer firt / den nym / vnd wenn du seynen mund auffthuest / wirstu eyn halben gulden finden / denselbigen nym / vnd gyb yhnen fur mich vnd dich. Marc. 9
Luce. 9.

Das achzehend Capitel.

In der selbigen stund tratten die iunger zu Jhesu vnd sprachen / wer ist doch der grossist ym hymelreich? vnd Jhesus rieß eyn sond zu sich / vnd stellet das mitten vnter sie / vnd sprach / warlich ich sage euch / Es sey denn das yhr euch umbferet / vnd werdet wie die kinder / so werdet yhr nicht yns hymell reich komen / wer nu sich selbsts nydriget / wie dis kind / der ist der grossist ym hymelreich / vnd wer eyn solchs kind auff nympt ynn meynem namen / der nympt mich auff / wer aber ergert diser geringsten Marc. 9
Luce. 9.

Matth. 9. Isten eynen/die an mich glauben/dem were besser/das eyn
Luce. 17. mulsteyn an seynen hals gehendt wurd / vnnnd er erseufft
wurde ym meer / da es am tiefisten ist.

Wehe der welt der ergernis halben. Es mus ia ergernis
fomen / doch wehe dem menschen / durch welchen ergernis
fompt. So aber deyn hand odder deyn fueß dich ergert /
so hawbe yhn abe / vnd wirff yhn von dyr / Es ist dyr besser /
das du ym leben / iam odder eyn tropel eyn gehist / denn
das du zwo hend odder zween fueß habist / vnd werdist
ynn das ewige sewr geworffen / vnd so dich deyn auge er-
gert / reys es aus / vnd wirffs von dyr / Es ist dyr besser /
das du eyneugig zum leben eyngehist / denn das du zwey
augen habist / vnd werdist ynn das hellische sewr geworffen.

Sehet zu / das yhr nicht verachtet yemand von disen fley-
nen / den ich sage euch / yhre engele sehen allzeit das ange-
sichte meynes vatters ym hymel / denn des menschen son
Luce. 15. ist komen selig zu machen / das do verloren ist / Was dunckt
euch? weñ yrgent eyn mensche hundert schaff hette / vnd
eyns vnter den selben sich verprrete / lessit er nitt die neun
vnd neunzig auff den bergen / gehet yhn / vnnnd sucht das
verprrete / vnd so sichs begibt / das ers findet / warlich sage
ich euch / er frewt sich daruber / mehr denn vber die neun
vnnnd neunzig / die nicht verprret sind. Also auch ist fur
ewrem vatter ym hymel nicht der wille / das yemand von
disen fleynen verloren werde.

Luce. 17. Sündigt aber deyn bruder an dyr / so gang yhn vnnnd straff
yhn zwischten dyr vnd yhm alleyn. Foret er dich / so hastu
deynen bruder gewonnen. Foret er dich nicht / so nym zu
dyr noch eynen odder zween / auff das alle sach bestehe auff
zwey oder dreyer zeugẽ mund / Foret er die nicht / so sag es
der gemeyne / Foret er die gemeyne nit / so halt yhn als
eynen heyden vnd zolner. Warlich ich sage euch / was yhr
auff erden binden werdet / soll auch ym hymel gepunden
seyen

EUANGELION

seyen / vnd was yhr auff erden lösen werdet / soll auch ym hymel los seyn. Weyter sag ich euch / wo hween vnter euch eyris werden auff erden / warumb es ist / das sie bitten wollen / das soll yhn widderfaren vñ meynem vatter ym hymel / deñ wo hween odder drey versamlet sind ynn meynem namen da byn ich mitten vnter yhn.

Da trat Petrus zu yhm / vñ sprach / Herr wie offft mus ich denn meynem bruder vergeben? ist's gnug sieben mal? Ihesus sprach zu yhm / ich sage dyr nicht sieben mal / sondern / siebenhigmal siebenmal. Darumb ist das hymelreich gleich eynem konige / der mit seynen knechten rechen wolt / vñ als er anfieng zu rechen / kam yhm eyn er fur / der war gehen tausent pfundt schuldig / da ers nu nicht hatte zu behalen / hies der herr verfeuffen / yhn vnd seyn weyb vnd seyne kñder vnd alles was er hatte / vñnd behalen / da fiel der knecht nyder / vñnd bettet yhn an / vnd sprach / Herr / habe gedult mit myr / ich will dys alles behalen. Da lamert den herren desselbigen knechts / vnd lies yhn losz / vnd die schuld erlies er yhm auch.

Da gieng der selbige knecht hyenaus / vñnd fand eynen seyn er mitknechte / der war yhm hundert grosschē schuldig / vñ er greyff yhn an / vnd wurget yhn / vnd sprach / behale myr was du myr schuldig bist / da fiel seyn mitknecht nydder / vnd bat yhn / vnd sprach / habe gedult mit myr / ich will dys alles behalen / Er wollt aber nicht / sondern gieng hyen / vñ warff yhn yns gesendnis / bis das er behalet was er schuldig war / Da aber seyne mitknechte solchs sahen / wordē sie seer betruht / vnd kamen vñnd brachten fur yhren herrn alles das sich begeben hatte / da foddert yhn seyn herre fur sich / vnd sprach zu yhm / Du schalck / alle dise schuld hab ich dyr erlassen / die weyl du mich batist / solltestu deñ nit auch dich erbarmen vñ deynen mitknecht / wie ich mich vñ dich erbarmet habe? Vnd seyn herre wart hornig / vnd vñt
antwortt

antwortt yhn den peynigern/bis das er behalet alles was er yhm schuldig war. Also wirt euch meyn hymliſcher vater auch thun / ſo yhr nit vergebt vñ herzen eyn iglicher ſeynē brud' ſeyne ſeyle.

Das Neunzehend Capitel.

Marci. 10.
Luce. 16.

UND es begab ſich / da Jheſus diſſe rede vollendet hatte / erhub er ſich aus Galilea / vnd kam ynn die grenze des Judischen lands/ienspdt des Jordans / vnd ſolgete yhm viel volcks nach / vnd er heylet ſie da ſelbiſt.

Da tratten zu yhm die phariſeer / vnd verſuchten yhn/vnd ſprachē zu yhm. Iſt es auch recht das ſich eyn man ſcheyde vñ ſeynē weybe/vmb yrgent eyner urſach? Er antwort aber vnd ſprach / Habt yhr nit geſehen / das der ym anfang den menſchen gemacht hat/der macht/das eyn man vnd weyb ſeyn ſollt/vnd ſprach/darumb wirt eyn menſch vatter vnd muter laſſen / vnd an ſeynem weyb hangen/vnd werden die zwey eyn fleiſch ſeyn? ſo ſind ſie nu nit zwey/ſondern eyn fleiſch/was nu gott zu ſamē ſuget hat/dz ſoll der mēſch nit ſcheydē.

Da ſprachen ſie / warumb hatt denn Moſes gepotten / zu geben eynen ſcheydebrieſſ / vnd ſich von yhr zu ſcheyden? Er ſprach zu yhn/Moſes hatt euch erleubt zu ſcheyden von eweren weyben / von ewris herzen hertidēpt wegen / von anbegyn aber iſts nicht alſo geweſen / Ich ſage aber euch / wer ſich von ſeynem weyb ſcheydet (es ſey denn vmb der hurrerey willen) vnd freyet eyn andere/der bricht die ehe / vnd wer die abſcheydete freyet / der bricht auch die ehe.

Da ſprachē die lurger zu yhm/ſtehet die ſach eyns mannes mit ſeynem weyb alſo / ſzo iſts nicht gutt ehlich werden.

Er ſprach aber zu yhn / das wortt faſſet nit yderman/ſondern den es geben iſt. Denn es ſind etlich verſchnitten /

(hertidēpt)
Etlich geſch le-
ren. Etliche we-
ren / ihene leren
das beſte / diſe
weren dem bo-
ſen das nicht er-
get werde / dru-
mb laſſen ſie viel
des beſten nach/
gleich wie das
weltliche ſchwe-
rd auch thut.

(ſich ſelbe)
das dritte ver-
ſchnitten muſ
geſtlich ſeyn /
nemlich willige
leiſchelt / ſonſt
were es eyner-
ley mit dem an-
dern das leyp-
lich geſchicht.

(mich gutt)
Gleich wie Chri-
die

EUANGELION

Jesus spricht Jo-
hā 7. meyne lere
ist nicht meyn /
also auch hie / Ich
byn nicht gutt /
denn er redet von
sich selb nach der
menscheyt durch
welche er unns
ymmer zu gott fu-
ret.

(volkommen)
Vollkommenheyt
ist eygentlich
gotlis gepott hal-
ten / darumb ist
klar / das diser
jungling die ge-
pott ym grund
nit gehalten hat /
wie er doch mey-
net / das heyget
yhm Christus /
da mit / das er
die rechten werck
der gepott yhm
fur helt / vnd er-
teylt / das seyn
reicher selig wer-
de / der diser iun-
geling auch ey-
ner ist / Nu wer-
den yhe die selig /
die gotlis gepott
halten.

Die sind aus mutter leyb also geporn / vnd sind ettlich ver-
schnitten / die vō menschen verschnitten sind / vnd sind et-
liche verschnitten / die sich selbs verschnitten haben / vmb
des hymelreychs willen. Wer es fassen mag / der fassz es.
Da worden kindlin zu yhm bracht / das er die hende auff
sie leget / vnd bettet / die hunger aber schnaubten sie an.
Aber Jhesus sprach / laß die kindlin / vnd weret yhn nicht
zu myr zu komen / denn solcher ist das hymelreych / vnd
er leget die hend auff sie / vnd zog von dannen.

Vnd sihe / eyner tratt zu yhm vnd sprach. Guter meyster /
wie mus ich woll thun / das ich muge das ewige leben habē?
Er aber sprach zu yhm / was heysstest du mich gutt? Niemand
ist gutt / denn nur der eyrige gott. Wiltu aber zum leben
eyngehen / so halt die gepott. Da sprach er zu yhm / welche?
Jhesus aber sprach / du sollt nit todten / du sollt nit ehe-
brechen / du sollt nit stelen / du sollt nit falsch gezeugnis
geben / Ehre vater vnd mutter / vnd du sollt lieb haben
deyren nehesten als dich selbs. Da sprach der jungling zu
yhm / das hab ich alles gehalten vō meynen iugent auff /
was seylet myr noch? Jhesus sprach zu yhm / wiltu vol-
kommen seyn / so gang hyr / verkauffe was du hast / vnd gib
den armen / so wirstu eynen schatz ym hymel haben / vnd
furn / vñ folge myr nach. Da der jungling das wort horet /
gieng er betrubt von yhm / denn er hatte viel gutter.

Jhesus aber sprach zu seynen iungern / warlich ich sage euch /
Eyn reycher wirt schwerlich ynß hymelreich komen / Vñ
weniger / sag ich euch / Es ist leychter / das eyn kameel durch
eyn nadel ore gehe / den das eyn reycher ynß reych gotlis
come / da das seyne hunger horeten / entsagten sie sich seer
vñ sprochen / yhe wer kan denn selig werden? Jhesus aber
sahe sie an / vnd sprach zu yhn / bey den menschen ist vn-
möglich / aber bey gott sind alle ding möglich.

Da antwortet Petrus vnd sprach / sihe / wir haben alles
verlassen /

Marci. 10
Luce. 18.

Marci. 10
Luce. 18.

Marcl. 10. verlassen / vnd sind dvr nach gefolget / was wirt vns da
 Luce. 18. fur? Ihesus aber sprach / warlich ich sage euch / das yhr /
 die yhr myr seyd nachgefolget / ynn der widergepurt / da
 des menschen son wirt sitzen auff dem stuel seynes herlig-
 keyt / werdet yhr auch sitzen auff zwelff stuelen / vñ rich-
 ten die zwelff geschlecht von Jsrael. Vnd eyn iglicher / der
 da verlest / heuser / odder bruder / oder schwestern / oder
 vater / odder mutter / odder weyb / odder kind / odder edel-
 omb meynes namen willen / der wirts hundertfeltig ne-
 men / vnnnd das ewige leben ererben. Aber viel / die do sind
 die ersten / werden die lehten / vnd die lehten / werden die
 ersten seyn.

Das zwenhigist Capitel.

Das hymelreych ist gleych eynem hausvatter / der
 gleych am morgen aus gieng erbeyter zu mieten
 ynn seynen weynberg / vnd da er eynis wart mit
 denn erbeytern omb eynen grosschen zum taglohn / fand
 er sie ynn seynen weynberg. Vnd gieng aus umb die drit-
 ten stund vnnnd sahe andere an dem markt muessig stehen /
 vnd sprach zu yhn / geht yhr auch hyr ynn den weynberg /
 ich will euch geben / was recht ist / vnd sie giengen hyr.
 Aber mal gieng er aus umb die sechst vnd neunde stund /
 vnnnd thett gleych also. Umb die eylfften stund aber gieng er
 aus / vñ fand andere muessig stehen / vnd sprach zu yhn / was
 stehet yhr hie den ganzen tag muessig? sie sprachen zu yhm.
 Es hatt vns niemand gedinet. Er sprach zu yhn / geht yhr
 auch hyr ynn den weynberg / vnnnd was recht seyn wirt
 soll euch werden.

Da es nu abent wart / sprach der herr des weynbergs zu
 seynem schaffner / Ruff den erbeytern / vnnnd gib yhn den
 lohn / vnd heb an / an den lehten / bis hu den ersten. Da
 kamen / die omb die eylfften stund gedingt waren / vnd
 empfieng

EUANGELION

empfieng eyn iglicher seynen grosschen / da aber die ersten kamen / meynten sie / sie wurden mehr empfangen / vnd sie empfiengen auch eyn iglicher seynen grosschen / vnd da sie den empfiengen / murreten sie wider den hauptvater / vnd sprachen / diese lehten haben nur eyne stund erbeytet / vnd du hast sie vnns gleych gemacht / die wir getragen haben die last des tages / vnd die hysse.

Er antwortet aber vnd sagt zu eynem vnter yhn / Meyn freunt ich thu dir nicht vnrecht / bistu nit mit mir eyns worden vmb eynen grosschen? Item was deyn ist / vñ gang hynt / ich wil aber diesem lehten geben / gleych wie dir odder hab ich nicht macht zu thun / was ich will mit dem meynen? Sihistu darumb scheel das ich so guttig bynn? Also werden die lehten / die ersten / vñ die ersten / die lehten seyn. Denn viel sind beruffen / aber wenig sind erwelet.

Vnd er hoch hinauff gen Hierusalem / vnd nam zu sich / die zwelffe hungern besunders auff dem wege / vñ sprach zu yhn. Sihe / wir gien hynt auff gen Jerusalem / vnd des menschen son wirt den hohen priestern vnd schriftgelehrten vberantwortt werden / vnd sie werden yhn verdamnen zum todt / vnd werden yhn vberantwortten den heyden / zu verspotten / vnd zu geyseln / vnd zu creuzigen / vnd am dritten tage wirt er wider auffstehen.

Da tratt zu yhm die mutter der kinder Zebedei mit yhren ionen / siel fur yhm nydder vnd bat etwas von yhm / vnd er sprach zu yhr / was wiltu? sie sprach zu yhm / las diese meyne zwee sone / sitzen ynn deynem reyck / eynen zu deynem rechten / vnd den andern zu deynem linken. Aber Ihesus antwortet / vnd sprach / yhr wisset nicht was yhr bittet / kundt yhr trincken den eys / den ich trincken werde / vnd euch teuffen lassen mit der tauffe / da ich mit taufft werde? Sie sprachen zu yhm / la wol / vñ er sprach zu yhn. Meynen eys solt yhr gwar trincken / vnd mit der tauffe / da ich mit taufft

(den eys) das ist / leyden. Das fleysch aber wil ymer ehe heyllich werde denn es

Marcl. 10
Luce. 18.

taufft werde / solt p̄hr tauffet werden / Aber das sihen zu meynen rechten vñ linden / ist nit meynen macht zu geben / sondernn / den es bereyt ist von meynem vater.

gecreuhtigt wirt /
eherhöhet denn
erniderigt wer-
den.

Marci. 10. Da das die hehen horeten / wurden sie vnwillig v̄bir die
Luce. 22. zween bruder. Aber Jhesus rleff p̄hn zu sich vnd sprach / p̄hr
wißet / das die weltliche fursten hirschen / vñnd die v̄bir-
herrnn faren mit gewalt / szo soll es nit seyn vnter euch /
sondernn szo yemant will vnter euch gewalltig seyn geach-
tet / der seyn ewer diener / vnd wer do will der furnemst
seyn / der seyn ewr knecht / gleich wie des menschen son ist
nicht komē das er p̄hm dienen lasse / sondernn das er diene /
vñnd gebe seyn leben zu eyner erlosung fur viele.

Marci. 10. Vnd da sie von Jericho aus zogen / folgete p̄hm viel volcs
Luce. 18. nach / vñnd sihe / zween blinden fassen am wege / vnd da
sie horeten das Jhesus fur vber gieng / schryen sie vñ spra-
chen. Ach herre, du son Dauid / erbarm dich vnser / aber
das volc bedrawet sie / dz sie sollten schweygen / Aber sie
schrien viel mehr vnd sprachen / Ach herr / du son Dauid /
erbarm dich vnser / vnd Jhesus stund still / vñnd rleff p̄hn /
vñnd sprach / was wollt p̄hr / das ich euch thun soll? sie
sprachen zu p̄hm / herre das vnser augen auffthan werden /
vñnd es lamerte Jhesum / vnd ract p̄hr augen an / vñnd
als bald / wurden p̄hr augen widder sehend / vnd sie fol-
geten p̄hm nach.

Das eyn vnd zwenhigst Capitel.

Marci. 11. **D**a sie nu nahe bey Hierusalem kamen gen Beth-
Luce. 19. phage anden oleberg / sandte Jhesus seynen iunger
Johan. 12. zween vnd sprach zu p̄hn / gehet hyn yn den fleden
der fur euch ligt / vnd bald werdet p̄hr finden eyn esellin
angepunden / vñnd eyn fullen bey p̄hr / loszet sie auff / vnd
furet sie zu myr / vnd so euch yemand wirt etwas sagen / so
sprecht der herr bedarff p̄hr / so bald wirt er sie euch lassen.

Das

EUANGELION

Das geschach aber alles / auff das erfüllet wurd / dz ge- Zachar. 9.
sagt ist / durch den propheten / der do spricht. Saget zu der
tochter Zion / Sihe / deyn konig kompt zu dyr sanfftmutig/
vnd reptet auff eynem esell vnd auff eynemullen der
lastbaren esellvnn. Die iunger giengen hvnn vnd thetten wie
vhn Jhesus besolhen hatte / vnd brachten die eseln vnd
dasullen / vnd legten phre fleyder drauff / vnd sagten vhn
drauff / Aber viel volcks breyttet die fleyder auff den weg/
die andern hvoben hweyge von den bawmen / vnd strewe-
ten sie auff den weg. Das volck aber das vorgieng vnd
nach folget / schrey vnd sprach. Hosanna dem son dauid / ge-
benedeyet sey / der do kompt im namen des herren / Ho-
sanna vnn der hohe.
Vnd als er zu Jherusalem eynzoch / erreget sich die ganze
stadt vñ sprach / wer ist der? das volck aber sprach / das ist
der Jhesus / der prophet von Nazareth aus Gallilea / vnd
Jhesus gieng hum tempel gottis hvnnvnn / vnd treyb eraus
alle verkeuffer vnd leuffer im tempel / vnd sties omb der
wechsler tische / vnd die stuele der taben kremer / vnd
sprach zu vhn / Es ist geschrieben / Mein haus solleyn bett-
haus heysen / yr aber habt eyn morder gruben draus ge-
macht / vnd es giengen zu vhm / blinden vñ lamen im tem-
pel / vñ er heplet sie.
Da aber die hohen priester vnd schriftgeleerten sahen die
wunder / die er thett / vnd die kinder im tempel schreyen /
Hosanna dem son dauid / wurdē sie entrustet / vnd sprachen
zu vhm / Horistu auch / was dise sagen? Jhesus sprach zu
vhn / Ia / habt yhr nie gelesen / Aus dem mund der vnmun- Psal. 8.
digen vnd seuglingen / hastu lob zu gericht? vnd er lies
sie da vnd gieng zur stadt hvnaus gen Bethanien / vnd
bleyb da vbit nacht.
Als er aber des morgens wider vnn die stad gieng / hungert
vhn / vnd er sah eynen feygen baum an dem wege vnd gieng
hvnnhu /

(Hosanna.)
Hosanna heyst
auff deutsch. Ach
hilff odder ach
gib gluck vnd
heyl

hynghu / vnnd fand nichts dran / denn alleynz bletter / vnd sprach zu yhm. Nu wachse auff dyr hynsfurt nymer mehr feyn frucht / vnd der feygēbaum verdurrete als bald / vnd da das die iunger sahen / verwunderten sie sich vnd sprachen / wie ist der feygen baum so bald verdurret? Jhesus aber antwortet vnd sprach / So yhr glauben habet / vñ nicht zweyffelt / so werdet yhr nit alleyn solchs mit dem feygen baum thun / sondernn so yhr werdet sagen zu diesem berge / heb dich auff / vnd wirff dich yns meer / so wirts geschehen / vñ alles was yhr bittet ym gepett / gleubt yhr / so werdet yhrs empfangen.

Marcl. 11.
Luce. 20.

Vnd als er ynn den tempel kam / tratten zu yhm / da er leret / die hohen priester vnd die Eltisten ym volda vnd sprachen / Aus waser macht thustu das? vnd wer hatt dyr die macht geben? Jhesus aber antwortet vnd sprach zu yhn / ich will euch auch eyn wort fragen / so yhr myr das sagt / will ich euch sagen / aus waser macht ich das thu / woher war die tauß Johannes? war sie vom hymel / abder von den mensche? Da gedachten sie bey sich selbs / vnd sprachen / sagen wir / sie sey vñ hymel gewesen / so wirt er zu vns sagen / warumb glawbtet yhr denn yhm nicht? sagen wir aber / sie sey von den menschen gewesen / so furchten wir vns fur dem volda / denn yderman hielt Johannes fur eynen propheten / vnnd sie antwortten Jhesu vnd sprachen. Wir wissens nit / da sprach er zu yhn / so sag ich euch auch nit / aus waser macht ich das thu.

Was dunckt euch aber? Es hatte eyn man zween sone / vnnd gieng zu dem ersten / vnnd sprach / meyn songangh yhn / vnnd erbeyte heute ynn meynē weynberge / Er antwortt aber vñ sprach / ich wills nicht thun / darnach rawet es yhn / vnd giengh yhn. Vnd er gieng zum andern vñ sprach gleich also / Er antwortet aber vnd sprach / Herr ia / vñ gieng nicht hyn / wilcher vntter den zween hat des vaters willen than? sie sprachen

EUANGELION

sprachen zu ihm / der erste. Ihesus sprach zu ihm / warlich ich sage euch / die holzer vnnnd hurnn werden ehe vns hymelreich komen den ihr. Johannes kam zu euch vnnnd leret euch den rechten weg vnnnd ihr glaubtet ihm nicht / aber die holzer vnnnd hurnn glaubten ihm / vnnnd ob ihrs wol sahet / thattet ihr dennoch nitt buesse / das ihr ihm darnach auch glaubet hettet.

Foret eyn ander gleychnis. Es war eyn haus vatter / der pflantz eyne weynberg / vnnnd surt eyne haun drum / vnnnd grub eyn fellter drynnen / vnd bawet eyne turn / vnd thett ihm aus den weyngartner vnnnd hoch vber land. Da nu er bey kam die zeit der fruchten / sand er seyne knechte zu den weyngartner / dz sie seyne fruchte empfangen / da namen die weyngartner seyne knechte / eyne steupten sie / den andern todten sie / den dritten steynigten sie / Abermal / sand er ander knechte / mehr denn der ersten waren / vnd sie thetten ihm gleych also. Darnach sand er seyne son zu ihm / vñ sprach / sie werden sich fur meinem son schewen / da aber die weyngartner den son sahen / sprachen sie vntterinander / das ist der Erbe / kompt / laß vns ihm todten / vnd seyn erbgut an vns bringen / vnd sie namen ihm / vnd stieffen ihn zum weynberge hin aus / vñ todtē ihn. Wenn nu der herr des weynbergs komen wirt was wirt er disen weyngartner thun? Sie sprachē zu ihm Er wirt die boßzwichel vbel umbringē vñ seynen weynberg aus thun andern weyngartnern / die ihm die fruchte zu rechter zeit geben. Ihesus sprach zu ihm. Habt ihr nie gelesen vnn der schrift? Der steyn den die bawleut verworffen habē / der ist zum edelstein wordē / von dem herren ist es geschehen / vñ es ist wunderbarlich fur vnsern augen / darumb sage ich euch / das reich gottis wirt von euch genōmen vñ den heyden geben werden / die seyne fruchte bringen / vnd wer auff disen steyn fellet / der wirt zur schellen / auff wilchen aber er fellet /

Marci. 1
Luce. 20.

Psal. 11

er stellt / den wirt er zu malmen. Dñ da die hohen priester vnd phariseer seyne gleychnissen horeten / vernamen sie das er von yhn redet / vñ sie trachten darnach wie sie yhn gröffen / aber sie fürchten sich für dem volck / denn es hielt yhn für eynen prophten.

(stellt Es mus) sich alles an Chri. sto stossen / etlich zur besserung etlich zur ergerung.

Das zwey vnd zwenhigst Capitel.

Und Ihesus antwortet / vñ redet aber mal durch gleychnisse zu yhn / vnd sprach. Das hymelreych ist gleych eynem konig der seynem son hochheyt machte vñ sandt seyne knechte aus / das sie den geysten zur hochheyt rufften / vnd sie wolten nicht kommen. Abermal / sand er andere knechte aus vñ sprach / saget den geysten / Sihe / meyn malheyt hab ich bereyt / meyn ochszen vñ meyn mast / sich ist geschlacht / vnd alles bereyt / kompt zur hochheyt. Aber sie verachten das vnd giengen hy / eyner auff seynen acker / der ander zu seynen hantlerunge / etlich aber griffen seyne knechte / honeten sie vnd todteten sie. Da das der konig horet / ward er hornig / vnd schickt aus seyn here / vnd bracht dißze morder vmb / vñ hant yhre stadt an.

Do sprach er zu seynen knechten / die hochheyt ist hwar bereyt / aber die geyste waren nit werd / darumb gehet hy auff die strassen / vnd ladet zur hochheyt wen yhr sindet. Vnd die knecht giengen aus auff die strassen / vñ brachten zu samen wen sie sunden / bose vnd gute / vnd die tische wurden alle voll. Da gieng der konig hyneyn die geyst zu be-
sehenn / vñ sahe alda eynen menschen / der hatte seyn hochheytlich fleyß an / vñ sprach zu yhm / freundt / wie bistu hier seyn komen / vñ hast doch seyn hochheytlich fleyß an? Er aber verstummet / do sprach der konig zu seynen dienern / bindet yhm hend vnd fuß / vnd werfft yhn ynn das eußerste finsternis / da wirt seyn heulen vnd zeenflappen. Denn viel sind beruffen / aber wenig sind außgerwelet.

(hochheyt fleyß) ist d' glawbe den diß Euangelion verwerfft die werck heyligen / vñ nympt an die gleubigen.

Da giengen

Luce. 14.

EUANGELION

Da giengen die phariſeer hyn / vnd hielten eyne radt / wie ſie yn beſtrickten ynn ſeyner rede / vñ ſandten zu yhm yhre iunger / ſampt Herodis diener / vñ ſprachen. Meyster / wir wiſſen / das du warhaſtig biſt / vñ lerſt den weg gottis recht / vñ du fragſt nach niemant / denn du achtiſt nit das anſehen der menſchen / darumb ſage uns / was dunckt dich? iſts recht / das man dem keyſer zinsz gebe odder nicht? Da nu Jheſus marckt yhre ſchalckeyt / ſprach er / yhr heuchler / was verſucht yhr mich? Wepſet myr die zinszemung / vñd ſie reychten yhm dar eyne pfennig / vñd er ſprach zu yhn / wes iſt das bild / vñd die vberſchrift? Sie ſprachẽ zu yhm / des keyſers. Da ſprach er zu yhn / ſo gebt dem keyſer / was des keyſers iſt / vnd gotte / was gotis iſt. Da ſie das ho-
reten / nam ſie es wunder / vnd lieſſen yhn / vnd giengen daruon.

Marci. 12.
Luce. 20.

An dem ſelbigen tage / tratten zu yhm die Sadduceer / die da halten es ſey keyn aufferſtehen / vnd fragten yhn / vñ ſprachen. Meyster / Moſes hat geſagt / ſo eyner ſtirbt / vnd hat nit kinder / ſo ſol der bruder ſeyn weyb freyen / vñd ſeynem bruder eyne ſamen erwecken. Nu ſind bey uns ge-
weſen ſieben bruder / der erſt freyet / vnd ſtarb / vnd die weyler nicht ſamen hatte / lies er das weyb ſeynem bruder / deſſelben gleychẽ der ander / vñ der dritte / bis an den ſieben-
benden / zu lezt nach allen ſtarb auch das weyb. Nu ynn der aufferſtehung / wilchs weyb wirt ſie ſeyn vnter den ſieben? ſie haben ſie yhe alle gehabt? Jheſus aber antwortet vñd ſprach zu yhn / yhr yrrt vñd verſtehet die ſchrift nicht / noch die krafft gottis. Inn der aufferſtehung / werden ſie / widder freyen / noch ſich freyen laſſen / ſondern ſie ſind gleych wie die engel ym hymel.

Marci. 12.
Luce. 20.

Deuter. 25.

¶ Habt yhr aber nicht geſehen vñ der aufferſtehung / das euch geſagt iſt von gott / da er ſpricht / ich bynn der gott Abraham / vñd der gott Iſaac / vñd der gott Jacob? Got
aber /

Exodi.

aber / ist nit eyn gott der todten / sondern der lebendigen.
Vnnd da solchs das volck horet / entsahten sie sich vber jey-
ner lere.

Deuter. 6.

Da aber die phariseer horeten / das er den Saduceer das
maul stopfft hatte / versamleten sie sich / vnd eyner vnter
pñh/eyn schrifft geleter versucht pñh/vnd sprach/Meyster/
wiltu ist das furnemst gepott ym geseh? Jhesus aber sprach
zu pñm. Du solt lieben gott deynen herren von ganghem
herzen / von gangher seelen / von ganghem gemuete / diñ ist
das furnemst vnnnd das grosse gepot. Das ander aber ist
dem gleych / Du solt deynen nechistē lieben als dich selbst /
Inn dißsen hweyen gepotten hanget das ganz geseh vnnnd
die propheten.

Da nu die phariseer bey eynander waren / fraget sie Jhesus
vnnnd sprach / wie dunckt euch vmb Christo? wes son ist er?
Sie sprachen / Dauid. Er sprach zu pñh / wie nennet pñh
denn dauid ym geyst eynen herrn? da er sagt. Gott hatt
gesagt zu meynem herrnn / Setze dich zu meynen rechten/
bis das ich lege deyne seynde zum schemel deynner fueßse /
so nu dauid pñh eynen herrē nennet / wie ist er deñ jeyn
son? vnnnd niemant kundt pñm eyn wortt antwortten vnd
thurste auch niemant von dem tag an hynsurt pñh fragenn.

Das drey vnd zwenhigst Capitel.

Da redte Jhesus zu dem volck vnnnd zu jeynen sun-
gern vnnnd sprach / Auff Moses stuel haben sich ge-
setzt die schrifftgelerten vnd phariseer / alles nu
was sie euch sagen / das pñr halten sollet / das haltet / vnd
thuets / aber nach pñren werden / solt pñr nicht thun / sie
sagens woll / vnd thuns nit. Deñ sie binden schwere vnnnd
vntregliche burden / vnnnd legen sie den menschen auff den
hals / aber sie wollen die selben nit mit eynem finger regen /
Alle pñre werd aber thun sie / das sie vñ den leutten gesehē
werden /

(auff Moses.)
weñ man anders
vnd mehr denn
Moses geseh le-
ret / so sieht man
nicht auff Moses
stuel / darumb
verwirffter auch
her nach pñre
burden vnnnd
menschen lere.

EUANGELION

werden / sie machen breytte bendtgedell / vnd grosse sewm an yhren flepdern / sie sihen gern oben an / vber tisch / vnd ynn den schulen / vnd habens gern / das sie grussset werden auff dem markt / vñ von den menschen Rabbi genant werden. Aber yhr sollt euch nitt Rabbi nennen lassen. Denn eyner ist ewr meyster Christus / yhr aber seyd alle brudere. Vnd sollt niemant vater heysen auff erden / den eyner ist ewr vatter / der ym hymel ist. Vñ yhr sollt euch nitt lassen meyster nennen / denn eyner ist ewr meyster Christus. Der gross ist vnter euch / soll ewer diener seyn / denn wer sich selb erhoht der wirt ernydriget / vnd wer sich selb ernyddert / der wirt erhoht.

(schliesst)
dise schlüssel sind
die gewalt zu leren
das hymel reich /
das lereten sie
nit / sondern mit
menschen leren
hinderten sie / die
da gern die recht
lere gehort
hatten.

Weh euch schrift gelerten vñ phariseer / yhr heuchler / die yhr das hymelreich zu schliesst fur den menschen / yhr kompt nicht hyneyn / vnd die hyneyn wollen / last yhr nit hyneyn gehen.

Weh euch schrift gelerten vnd phariseer / yhr heuchler / die yhr der wittwen heuser fresset / vñ wendet fur lange gepett / darumb werdet yhr beste mehr verdammis empfangen.

Weh euch schrift gelerten vñ phariseer / yhr heuchler / die yhr land vnd wasser umbyhet / das yhr eynen iudgenossen machet / vñ wenn ers worden ist / macht yhr aus yhm eyn kind der hellen / zweysaltig mehr denn yhr seyd.

Weh euch verblendte leytter / die yhr saget / wer do schweret bey dem tempel / das ist nichts / wer aber schweret bey dem goltt am tempel / der ist schuldig. Ihr narren vñ blinden / was ist grosser? das goltt odder der tempel / der das goltt heyliget? Vnd wer do schweret bey dem altar / das ist nichts / wer aber schweret bey dem opffer das droben ist / der ist schuldig. Ihr narren vñ blinden / was ist grosser? das opffer odder der altar der das opffer heyliget? darumb / wer do schweret bey dem altar / der schweret bey dem selben vñ bey allem das droben ist / vñ wer do schweret bey dem tempel / der schweret

ſchweret bey dem ſelben/vnd bey dem der drynnen wonet/
vnd wer do ſchweret bey dem hymel/der ſchweret bey dem
ſtuel gottis vnnnd bey dem der darauff ſihet.

Luce. 11. Weh euch ſchriſtgeleerten vnd phariſeer / phr heuchler / die
phr verzeuhenet die mynß / anps vnd ſymel / vñ laſſet da
hynden das ſchweriſt ym geſeh / nemlich / das gericht / die
barmherzigeit / vnd den glauben / diß ſollt man thun /
vnnnd ihenis nit nachlaſſen / phr verblendete leyttter / die phr
muſſen ſeyget / vnd ſameel verſchluckt.

Weh euch ſchriſtgeleerten vnd phariſeer / phr heuchler / die
phr reyniget das außwendige am becher vnnnd ſchuffell /
ynnwendig aber ſeyt phr vol ramblis vnd vnreynes / du
blinder phariſeer / reynige zum erſtē das ynnwendige am
becher vnnnd ſchuffeln / auff das auch das außwendige reyn
werde.

(ſeyget)
das iſt / phr ma-
cht enge gewiſſen
yñgeringen ſtuc-
ken vnd achtet
nicht der groſſen
ſtuck.

Luce. 11. Weh euch ſchriſtgeleerten vñ phariſeer / phr heuchler / die
phr gleych ſeyt / wie die vbirtunchte grebet / wilche außwen-
dig hubſch ſcheynen / aber ynnwendig ſind ſie voller todten
beyn vnd alles vnſlatts. Also auch phr / von auſſen ſcheynet
phr fur den menſchen ſrum / aber ynnwendig ſeyt phr voller
heucheley vnd vntugent.

Wehe euch ſchriſtgeleerten vnd phariſeer / phr heuchler / die
phr der propheten grebet bawet / vnd ſchmuckt der gerechten
grebet / vnd ſpricht / weren wir zu vnſer vetter zeyten ge-
weſen / ſo wolten wir nit teylhaſſtig ſeyn mitt yhn / ann
der propheten blut / ſo gebt phr hwar vñ euch ſelbs heug-
nis / das phr kinder ſeyt / der / die die propheten todtet ha-
ben? Wolan / erfullet auch phr das maß ewer vetter / phr
ſchlangen / phr ottern geſichte / wie wolt phr entrynnen der
helliſchē verdamnīs.

Luce. 11. Darumb / ſihe / ich ſende zu euch propheten vnnnd weyſen
vnnnd ſchriſtgeleerten / vnd der ſelbigen werdet phr etliche
todten / vnd creutigen / vnd etlich werdet phr geſſeln ynn
ewern

EUANGELION

Diser Barachias
hatt zween na-
men. Denn. 2.
Para. 24. wirt er
Joiada genent/
wie denn der
brauch ist zweyer
namen yn der
schriffte vnd al-
lenenthalben.

(bis yhr spricht)
das geschicht
noch teglich
wenn sich die iu-
den beferen/vnd
ist nicht zuuer-
stehen / das sie
yhn heufflich alle-
samt widder
vmb werden auff-
nemen leylich.

ewern schulen / vnd werdet sie verfolgẽ vñ eyner stat / zur
andern / auff das auff euch kome alle das gerechte blutt /
das vergossen ist auff erden / von dem blute an Abels des
gerechten / bis auffs blutt Zacharias des sons Barachie
welchen yhr todtet habet zwiffchen dem tempel vñnd altar
Warlich / ich sage euch / das solchs alles wirt komen auff
diz geschlecht. Jherusalem / Jherusalem / die du todtist die
propheten vnd steynigst die zu dir gesand sind / wie offst
habe ich wollen deyne kinder versamen / wie eyn henne
versamlet yhre kucklin vnter yhre flugel / vñnd yhr habt
nicht gewolt? sihe / ewr haus soll euch wust gelassen werden /
denn ich sage euch / yhr werdet mich von iht an nit sehen /
bis yhr spricht / gebenedeyet sey / der do kompt ym namen
des herren.

2 Para.

Das vier vñnd zwentzigst Capitel.

Uñnd Jhesus gyeong hyneweg von dem tempel vnd
seyne iunger tratten zu yhm / das sie yhm heygeten
des tempels gepew / Jhesus aber sprach zu yhn /
sehet yhr nicht das alles? warlich ich sage euch. Es wirt hie
nit eyn steyn auff dem andern bleyben / der nit zu brochen
werde.

Marci. 1
Luce. 21

Vnd als er auff dem oleberge sas / tratten zu yhm seyne
iunger besunders / vñnd sprachen / sage vns / wenn wirt
das alles geschehen? vñ wilchs wirt das heyden seyn dey-
ner zu kunfft vnd der welt ende? Jhesus aber antwortet
vñnd sprach zu yhn / sehet zu / das euch nicht yemant ver-
fure / deñ es werden viel komen vnter meynem namen vnd
sagen / ich byn Christus / vnd werden viel verfuren.

Yhr werdet horen kriege vnd geschrey von kriegen / sehet
zu / vnd erschreckt nit / dz mus zum ersten geschehẽ / aber es
ist noch nit das ende da / denn es wirt sich emporen eyn
vold vñir das ander / vñ eyn konig reich vñir das ander /
vnd

vnd werden seyn pestilenz vnd thewr heyt vñ erdbeben
hyn vnd wider / da wirt sich aller erst die noht anheben.
Als dann werdē sie euch vñ antworten yn trubfall / vnd
werden euch todten / vnd yhr musset gehasset werden vmb
meynes namens willen von yderman. Denn werden sich
viel ergern / vnd werden sich vnternander verrhaten / vnd
werden sich vnternander hassen / vñ es werden sich viel fal-
scher propheten erheben / vnd werden viel versuren / vñ
die weyl die vngerechtigkeyt wirt vñ hand nehmen / wirt
die liebe ynn vielē erkaltē. Wer aber beharret bis ans ende /
der wirt selig. Vñ es wirt predigt werden das Euangelium
vom reyck ynn der ganzen welt / zu eynē zeugnis vñ alle
volcker / vnd deñ wirt das ende komen.

Daniel. 9. Wenn yhr nu sehen werdet den wusten greuel (dauon ge-
sagt ist durch den propheten Daniel) das er steht an der
heyligen steet (wer das liest / der merck drauff) Als dan
fliehe auff die berge wer ym iudischen land ist / vñ wer auff
dem dach ist / der steyg nitt er nydder etwas aus seynem
hause zu holen / vñ wer auff dem feld ist / der fere nit vmb
seyne kleyder zu holenn. Weh aber den schwangern vñ
seugern zu der zeit. Bittet aber / das ewre flucht nit ge-
schehe ym winter odder am sabbath / denn es wirt dann
eyn gros trubsal seyn als nit gewesen ist vom anfang der
welt bis her / vnd als auch nicht werdē wirt / vñ wo dise
tage nit wordē verflucht / so wurde seyn mensch selig / aber
vmb der auferwelten willen / werden die tag verflucht.

(greuel)
Diser greuel fur
got mus ein schon
euserlich ansehen
der heyligkeyt fur
der welt haben /
da mitt die recht
heyligkeyt ver-
wurstet wirt / wie
des Papsts regi-
ment vñ vor
zeitender luden
vñ heyden ab-
gottrey waren.

So dann yemant zu euch wirt sagen / sihe hie ist Christus /
odder da / so sollt yhrs nicht gleuben / denn es werden
falsche Christi / vñ falsche propheten auff stehen / vnd grosse
heychen vnd wunder thun das versuret werden / yhn den
yrthum (wo es muglich were) auch die auferweleten. Sihe /
Luc. 17. ich hab euch zuuor gesagt / darumb / wenn sie zu euch sagen
werden / Sihe / Er ist ynn der wusten / so geht nitt hyn-
naus /

(ym winter)
Das ist auff eyns
sprich words we-
ys gered / also
viel gesagt / schet
das yhr zu rech-
ter zeit fliehet /
denn ym winter
ist nit gutt wan-
naus /

EUANGELION

delln/vñ des sabats war es den juden verpotten.

(sihe hie ist)
Dasind die secten
vnd orden die
eyn gutt leben an
euserlichen din-
gen odder mit
werckē suchen /
sonderlich sind
iht diße lamern /
alle geystliche
floster das sellt
aber/wallfarten
vnd stifte.

(wo eyn aß ist)
Dasist eyn sprich
wort/vnnd will
sagen so viel /
wyr werden vns
wollzusamen sin-
den / wo ich byn
werdet yhr auch
seyen / gleich wie
Aß vñ Adler sich
woll zu samen
finden/vnd darff
seyen ort sonder-
lich anheymen.

naus / Sihe / er ist ynn der lamer / so gleubt nicht / denn
gleich wie der blix aus gehet vom auffgang vnnd scheynet
bis zum nydder gang / also wirt auch seyn / die zukunfft des
mensche sons / wo aber eyn aß ist / da samlen sich die Adeler.
Bald aber nach dem trubsall der selbigen heyt / werden sonn
vnd mond den scheyn verlieren / vnnd die sternn werden
vom hymel fallen / vnd die krefft der hymel werdē sich be-
wegē / vñ deñ wirt ersheynen das zeychen des menschen
sons ym hymel / vnnd denn werden heulen alle geschlecht
aufferden / vnd werden sehen komen des menschen son ynn
den wolcken des hymels / mitt grosser krafft vnnd herlickeyt /
vnnd er wirt senden seyne Engele mit hellen pafaunen /
vnd sie werden samlen seyne außerwelten von den vier
winden / von eyne ende des hymels zu dem andern.

An dem seygen bawm lernet eyn gleychnis / wenn seyn
hweg ist saßtig wirt / vnnd bletter gewynnet / so wißet
yhr / das der sommer nahe ist. Also auch / wenn yhr das
alles sehet / so wißet / das es nah fur der thur ist / warlich
ich sage euch / diß geschlecht wirt nicht ab gehen / bis das
alles geschicht. Hymel vnd erden werden zugehen / aber
meyne wortt werden nit vergehen. Von dem tage aber vñ
von der stunde weys niemant / auch die Engell nicht ym
hymel / sondern alleyn meyn vater.

Gleich aber wie es zu der zept Noe war / also wirt auch
seyen die zukunfft des menschen son / deñ gleich wie sie waren
ynn den tagen fur der sindflut / sie assen / sie truncken / frey-
ten vnd ließen sich freyen / bis an den tag / da Noe zur archen
eyngleng / vnd sie mustens nicht bis die sindflut kam / vñ
nam sie alle dahyn. Also wirt auch seyn die zukunfft des
mensche sons / denne werden zween auff dem selbe seyn /
eyner wirtt angenomen / vnnd der ander wirt verlassen
werden / zwo werden malen auff der mul / eyne wirt an-
genommen / vnnd die ander wirtt verlassen werden.

Darumb


Marcl. 1
Luce. 21

Luce. 17

Gene. 7

Marc. 13. Darumb wachet/denn p̄hr wiſſet nit/wilche ſtund ewer herr
 Luce. 12. komen wirt. Das ſolt p̄hr aber wiſſen/wenn eyn hauſzuater
 wuſte/wilche ſtund der dleib komen wolt/ſo wurde er la
 wachen vñ ſeyn haus nit durch graben laſſen. Darumb ſeyt
 p̄hr auch bereyt / denn des menſchen ſon wirt komen zu
 eyner ſtund da p̄hr nit meynet. Wilcher iſt aber nu eyn
 trewer vnd kluger knecht / den ſeyn herr geſetzt hatt vber
 ſeyn geſind/das er p̄hn ipeys gebe zu rechter zept? Selig iſt
 der knecht wenn ſeyn herr kompt vnd findet p̄hn / das er
 alſo thutt/warlich ich ſage euch / er wirt p̄hn vñ all ſeyne
 guter ſehen/So aber der boſe knecht wirt p̄nn ſeynem her
 ren ſagen / meyn herr kompt noch lange nicht / vnd ſehet
 an zu ſchlagen ſeyne mit knecht / iſſet vnd trincket mitt den
 trüdenen / ſo wirt der herr des ſelben knechts komē / an
 dem tag des er ſich nit verſihet / vnd zu der ſtund die er
 nicht weys/vñ wirt p̄hn zu ſcheyttern/vñnd wirt p̄hm ſeyn
 lohn geben mitt den heuchlern / da wirt ſeyn heulen vnd
 zeen klappen.

Das funff vnd zwenhigſt Capitel.


 Ann wirt das hymel reich gleich ſeyn zehen lung
 ſrawen die p̄hrelampen namen vñnd giengen aus
 dem breutigam entgegen. Aber funff unter p̄hn
 waren thoricht/vnd funffe waren klug / die thorichten na
 men ihre lampen / aber ſie namen nicht ole mit ſich / die
 klugen aber namen ole p̄nn p̄hren geſeſſen ſampt p̄hren
 lampen. Da nu der breutigam verhog / worden ſie alle
 ſchleſſerig vnd entſchleſſen / zu mitternacht aber wart eyn
 geſchrey / ſihe / der breutigam kompt / gehet aus p̄hm ent
 gegen. Da ſtunden diſe lungſrawen alle auff vñ ſchmuckten
 p̄hre lampen / die thorichten aber ſprachen zu den klugen /
 gebt ons von ewerem ole/denn vnſere lampen verleſſchen/
 da antworteten die klugen vnd ſprachen/nit alſo/auff das
 nit

(p̄hre lampen)
 Die lampen on
 ole ſind die guten
 werd on glaw
 ben / die muſſen
 alle verleſſchen /
 das olgeſeſſz
 aber iſt der
 glawb p̄nn dem
 gewiſſen aufgot
 tis gnade / der
 thutt gutte werd
 die beſtehē / wie
 aber hie das ole
 ſeyneder andern
 gibt / alſo muſ
 eyn iqllicher ſur
 ſich ſelb glewen.

EUANGELION

nít ons vñ euch geprech / gehet aber hyn / zu den fremern
vnd leufft fur euch selbs. Vnd da sie hyn giengen zu leuf-
fen / kam der breuttgam / vnd wilche bereytt waren / gien-
gen mit ihm hynen zur hochtzeit / vñ die thur wart ver-
schlossen / Zu leht kamen auch die andern iungfrawen vnd
sprachen / Herr / Herr / thu ons auff. Er antwortet aber
vnd sprach / warlich / ich sage euch / ich kenne ewr nicht
darumb wachet / den ihr wiisset widder den tag noch die
stunde ynn wilcher des menschen son komen wirt.

(Centner) Gleich wie eyn mensch der vñs land zog / ruffte seynen Luce. 19.
Die centner sind das befolhen got-
tswort / wer dz
wol treybt / der
hat seyn viel vnd
leret viel andere /
wer es lest ligē /
der hat seyn we-
nig / denn an
ihm selbists ein-
erley wort /
aber es schafft
durch etlich mehr
denn durch an-
dere / drum ist
ihl funff Cenner /
ihl zween cent-
ner genennet.

knechten vñ thet ihm seyne gutte eyn / vnd eynem gab er
funff centner / dem andern zween / dem dritten eyn / eynem
ybern noch seynem vermogen vñ zog hynweg. Da gieng
der hyn / der funff centner entpfangē hatte / vnd handelte
mit den selbē / vñ gewan andere funff centner / Des gley-
chē auch der zween centner empfangen hatte / gewan auch
zween andere / Der aber eyn empfangen hatte / gieng hyn /
vñ machte eyne grub ynn die erden / vnd verparg seynes
herren gelt. Vñ eyn lange zeit kam der herr diser knechte
vnd hielt rechen schafft mit ihm / vñ da tratt er zu / der da
funff centner empfangen hatte / vñ legt dar andere funff
centner vnd sprach / Herr / du hast mir funff centner eyn
than sihe da / ich habe da mit andere funff centner gewon-
nen / da sprach zu ihm seyn herr / Ey du frumer vnd trewer
knecht / du bist vber wenigem trew gewesen / ich will dich
vber viel sehen / gang eyn zu deynes herrē freud. Do trat
auch er zu / der da zween centner empfangen hatte / vnd
sprach / Herr du hast mir zween centner eyn than / sihe da /
ich hab mit den selben / zween andere gewonnen / seyn herr
sprach zu ihm / Ey du frumer vñ trewer knecht / du bist vber
wenigem trew gewesen / ich will dich vber viel sehen / gang
eyn zu deynes herrn freude.
Da tratt auch er zu / der eyn centner entpfangen hatte / vnd
sprach

sprach / Herr / ich wuste / das du eyn harter man biß / du
schneyttest wo du nicht geseet hast / vnd samlest / da du nit
gestrauet hast / vnd furchte mich / gieng hyr / vnd verparg
deyn centner ynn die erden / sihe / da hastu das deyne.
Seyn herr aber antwerttet vnd sprach zu yhm / du schaldest
vnd fauler knecht / wustestu das ich schneytte / da ich nicht
geseet habe / vnd samle / da ich nicht gestrauet habe / so soll-
testu meyn gelt zu den wechslern than haben / vñ weñ ich
komen were / hette ich das meyne zu myr genommen mit
wucher / drum / nemet von yhm den centner / vñ gebts dem
der zehen centner hat. Denn wer do hat / dem wirt gegeben
werden / vñ die fulle haben / wer aber nit hat / von
dem wirt auch das er hat genommen werden / vnd den vn-
nugen knecht werfft ynn die eussersten finsternis / da wirt
seyn heulē vñ zee klappen.

Wenn aber des menschen son komen wirt ynn seyner her-
lichkeit / vnd alle heylige engel mitt yhm / den wirt er sihen
auff dem stuel seyner herlichkeit / vñ werden fur yhm ver-
samlet werden alle volcker / vnd er wirt sie von eynder
scheyden / gleich als eyn hirt die schaff von den bocken schey-
det / vñ wirt die schaff zu seyner rechte stellen / vñ die bock
zur linden / da wirt den der konig sagen zu den zu seyner
rechten / kom pther yhr gebenedeytē meynis vatters / erbet
das reich das euch bereytt ist von anbegynn der welt / denn
ich byn hungerig gewesen / vnd yhr habt mich gespeysset /
ich byn durstig gewesen / vñ yhr habt mich getrendt / ich
byn eyn gast gewesen / vñ yhr habt mich beherberget /
ich byn nackt gewesen / vñ yhr habt mich beleydet /
ich byn krank gewesen / vñ yhr habt mich besuchet / ich byn
gefangen gewesen / vnd yhr seyd zu myr komen.

Dann werden yhm die gerechten antworten vnd sagen /
Herr weñ haben wir dich hungerig gesehen vñ haben dich
gespeysset? odder durstig / vnd haben dich getrendt? wenn
haben

Matth. 13.
Marcl. 4.
Luce. 8.

EUANGELION

haben wir dich eynen gast gesehen/vnd beherberget? odder
nacket / vnd haben dich beleydet? wenn haben wir dich
frantz abder gefangen gesehen/vñ sind zu dir komen? vñnd
der konig wirt antworten vnd sagen zu yhn / warlich ich
sage euch / was yhr than habet eynem vnter disen meynen
geringsten brudern/das habt yhr mir than.

Dann wirt er sagen zu den zur linden/geht hynt von mir
yhr vermaledeyten / ynn das ewige fewr / das bereyht ist
dem tewffel vnd seynen engelen/ich byn hungerig gewesen/
vnd yhr habt mich nicht gespeysset/ich byn durstig gewesen/
vnd yhr habt mich nicht getrenckt/ich byn eyn gast gewesen/
vnd yhr habt mich nit beherberget/ich byn nacket gewesen
vñ yhr habt mich nit beleydet/ich byn frantz vnd gefangen
gewesen/vñnd yhr habt mich nit besucht.

Da werden sie auch yhm antworten vnd sagen. Herre/wenn
haben wir dich gesehen / hungerig / odder durstig / odder
eynen gast / odder nacket / odder frantz / odder gefangen /
vnd haben dir nicht gedienet? dann wirt er yhn antworten
vñnd sagen / warlich ich sage euch / was yhr nit than habt
eynem vnter disen geringsten / das habt yhr auch mir nit
than / vñnd sie werden ynn die ewigen peyn gehen / aber
die gerechten ynn das ewige leben.

Das Sechs vnd zwenhigst Capitel.

Und es begab sich/da Jhesus alle dise rede vollendet
hatte / sprach er zu seynen iungern/yhr wisset/das
nach zween tagen/ostern wirt/vñnd des menschen
son wirt vbitantwort werden / das er gecreuhiget werde.
Da versamleten sich die hohen priester vnd schriftgeleerten/
vñ die Eltisten vom vold/yñnden pallah des hohen priesters/
der do hies Caiphas/vñ hielten radt wie sie Jhesum mit list
griffen vnd todten/sie sprachen aber/ia nicht auff das fest/
auff das nit eyn auffrur werde ym vold.

Da

Mard. 1
Luce. 22
Joh. 12

Da nu Jhesus war zu Bethanien ym haus Simonis des außsehigen / tratt zu yhm eyn weyb / das hatte eyn glas mit kostlichem wasser / vñ gos es aus auff seyn hewbt / da er zu tisch sas / da das seyne iunger sahē / wurden sie entrustet vñ sprachen / wo zu dienet disse vnradt? diszes wasser hette mocht thewr verkaufft / vñnd den armen geben werden / da das Jhesus merckte / sprach er zu yhn / was bekummert yhr das weyb? Sie hatt eyn gutt werck an myr than / yhr habt alleheyt armen bey euch / mich aber habt yhr nicht alleheyt / das sie dis wasser hatt auff meynen leyb gossen / hatt sie darumb than / das man mich begraben soll / warlich ich sage euch / wo diß euangelium prediget wirt ynn der ganhen welt / da wirt man auch sagen / zu yhrē gedechtnis / was sie than hatt.

Daglienghynd der zwelffen eyner / mit namen Judas Ischarioth / zu den hohen priestern / vñnd sprach / was wolt yhr myr geben / ich will yhn euch verrhaten? vñnd sie boten yhm dreyßsig silberlinge / vñd von dem an / suchet er gelegenheyt das er yhn verrhiete.

Aber am ersten tage der fussen brott / tratten die iunger zu Jhesu / vñ sprachen zu yhm / wo wiltu / das wir by bereyten das osterlamp zu essen? Er sprach zu yhn / gehet hynd ynn die statt / zu eynem / vñnd sprecht zu yhm / der meyster leß by sagen / meyn zept ist er bey comē / ich will bey by die oster halten mit meynen iungern / vñd die iunger thatten / wie yhn Jhesus befolhen hatte / vñnd bereyten das osterlamp.

Vñ am abent / saht er sich zu tisch mit den zwelffen / vñ da sie assen sprach er warlich / ich sage euch / eyner vnter euch wirt mich verrhaten vñnd sie wurden seer betrubt / vñnd huben an / eyn iglicher vnter yhn / vñnd sagten zu yhm / Gerre bynn ichs? Er antwortt vñnd sprach / der mit der handt mit myr ynn die schussell tauchet hatt / der wirt mich verrhaten / Des menschen son geht dahyn / wie vñ yhm geschriben

(gutt werck)

Das ist man das derglawballeynd das werck gutt macht / denn alle vernunft / hette dis werck verdampft / wie auch die Apostel selb thetten / den die werck sind die besten / die man nicht weys wie gutt sie sind.

(begraben)

Das ist vñd wirtt erfullet / da man das euangelium hatt prediget ynn aller welt / wilchaden allten Adam mit Christo begrebt.

EUANGELION

ſchriben iſt / doch weh dem menſchen / durch wilchen / des menſchen ſon verrhaten wirt / es were yhm beſſer / das der ſelbige menſch noch nie geporn were / da antwort Judas / der yhn verrhiet vnd ſprach / Bynn ichs meyster? Er ſprach zu yhm / du haſts geſagt.

Da ſie aber aſſen / nam Jheſus das brott / vnd danckt vnd brachs vnd gabs den iungern vnnnd ſprach / Remet / eſſet / das iſt meyn leyb / vnd er nam den kild / vnd danckt vnd gab yhn vnd ſprach / Trindket alle draus / das iſt meyn blutt des newen teſtaments / wilchs vergoffen wirt fur viele / zur vergebung der ſunden / Ich ſage euch / ich werde von nu an nit trinden von dem gewechs des weynſtocks / bis an den tag / da ichs newe trindē werde mit euch ynn meynes vatters reich / Vnd da ſie den lob geſang geſprochen hatten / giengen ſie hynaus an den oleberg.

(nicht trinden)
Das iſt / wpr
werden/hynſurt
ſeyn leyplichen
wandell mit eyn.
ander haben /
vnnndas ſoll das
valete ſeyn.

Da ſprach Jheſus zu yhn / ynn diſer nacht / werdet yhr euch alle ergern an myr / denn es iſt geſchrieben / ich werde den hyrten ſchlagen / vnd die ſchaff der herdt werdē ſich zuſtrawen / weñ ich aber auſſerſtehe / will ich euch zuuor gehen ynn Galilean / Petrus aber antworthe vnd ſprach zu yhm / wenn ſie auch alle ſich an dyr ergerten / ſo wil ich doch mich nymmer mehr ergern / Jheſus ſprach zu yhm / warlich ich ſage dyr / ynn dyſer nacht / ehe der hane krehet / wiſtu meyn drey mal verleugnen / Petrus ſprach zu yhm / vnd wenn ich mit dyr ſterben muſte / ſo will ich dich nicht verleugnen / des gleychen ſagten alle iunger.

Marcl. 1
Luce 22
1. Corin.

Zachari

Da kam Jheſus mit yhn ynn eyn feld das hies Gethſemane / vnd ſprach zu ſeynen iungern / ſetzt euch hie / bis das ich dorthyn gehe vnd bete / vnd nam zu ſich / Petru vnd die zween ſone Zebedei / vnd ſieng an betrubet ſeyn vnd zagen / da ſprach Jheſus zu yhn / meyn ſeel iſt betrubt bis an den todt / bleybt hie / vnnnd wachet mit myr / vnnnd gieng hynn eyn wenig / ſiel nyder auff ſeyn angeſicht vnd bettet / vnnnd ſprach /

sprach / meyn vatter / iſts möglich / ſo gehe diſer kild von mir / doch nicht wie ich will / ſondern wie du wilt / vnd er kam zu ſeynen iungern / vnd fand ſie ſchlaffend / vnd sprach zu Petro / kündt p̄hr deñ nit eyne ſtund mit mir wachen? wachet vnd betet / auff das p̄hr nicht ynn anſechtung fallet / der geiſt iſt willig / aber das fleiſch iſt ſchwach.

Zum andern mal gieng er aber hyn / bettet vnd sprach / meyn vatter iſts nit möglich / das diſer kild vō mir gehe / ich trindē p̄hn denn / ſo geſchehe deyn wille. Vnd er kam / vñ fand ſie aber mal ſchlaffen / vñ p̄hr augen waren voll ſchlaffs / vnd er lies ſie / vñ gieng aber mal hyn / vnd bettet zum dritten mal / vñ redt die ſelbigen wort. Da kam er zu ſeynen iungern / vñ sprach / la ſchlaſt nu vnd ruget / ſihe / die ſtund iſt erbey komen / das des menſchen ſon ynn der ſunder hende v̄birantwort wirt / ſtehet auff / laß vnns gehen / ſihe / er iſt nah erbey / der mich vortredt.

Vnd als er noch redte / ſihe / da kam Judas der zwelſſen eyner / vnd mit p̄hm eyn groſſe ſchar mit ſchwerdten vnd mit ſtangen / geſand vō den hohē prieſtern vñ eltiſten des volcks / vñ der verrheter hatte p̄hnen eyn zeychen geben vñ geſagt / welchen ich kuſſen werde / der iſts / den greyſſet. Vnd als bald tratt er zu Jheſu / vñnd sprach / gott grus dich / Meſter / vñnd kuſſet p̄hn. Jheſus aber sprach zu p̄hm / meyn freund / warumb biſtu komen? Da tratten ſie zu vnd legten die hend an Jheſum / vnd gryſſen p̄hn.

Vnd ſihe / eyner aus denen die mit Jheſu waren / redt ſeyne hand aus / vñ zoch aus ſeyn ſchwerd / vñ ſchlug des hohen prieſters knecht / vñ h̄yeb p̄hm eyn ohr ab / da sprach Jheſus zu p̄hm / thu deyn ſchwerdt an ſeynen ort / denn wer das ſchwerdt nympt / der ſoll durchs ſchwerdt vmb komen / od̄ der meynſtu / das ich nit kunde meynen vatter bitten / das er mir zu ſchickte mehr denn zwelſſ legion Engell? wie wurden aber die ſchriſt erfullet? Es muſ also gehen.

(nympt)
Das ſchwerdt ne-
men / die es onor-
denlich gewallt
brauchen.

Zu

EUANGELION

(vmb komen)
das ist/er ist ynn
des schwertis
vrtel gefallen/
ob woll zu wey-
len des schwerts
geweldigen vmb
seiner pusodder
ander vrsach sol-
chs vrtel nicht
volführen also be-
stetiget Christus
das schwert.

(Seglo)
Seglo ist eyn zall
bey sechs tausent
on gefehr.

Zu der stund / sprach Ihesus zu der scharen / yhr seyt aus-
gangen als zu eynem morder / mit schwerdten vnd milt-
stangen / mich zu fahen / bynn ich doch teglich gefessen vnd
hab geleret ym tempel / vnnnd yhr habt mich nit griffen /
Aber das ist alles geschehen / auff das erfüllet wurde die
schriffst der propheten. Da verliessen yhn alle lurger vnd
flohen. Die aber Ihesum griffen hatten / fureten yhn zu dem
hohen priester Calphas / da hyn die schriftgelerten vñ El-
tisten sich versamlet hatten / Petrus aber folgete yhm nach
von fernis / bis ynn das pallay des hohen priesters / vnd
gleng hyneyn / vnd saht sich bey die knechte / auff das er
sehe / wo es hyннаus wollt.


Die hohen priester aber vnd eltisten vnd der ganze Radt /
suchten falsch zeugnis widder Ihesum / auff das sie yhm
zum tod hulffen / vnd funden leyngs / vnd wie wol viel fal-
scher zeugen erhu tratten / funden sie doch leyngs / zu leht
tratten erhu zween falsche zeugen / vñ sprachen / Er hat ge-
sagt / ich kan den tempel gotis abbrechen / vñ ynn dreyn Joh. 2.
tagen den selben bawen.

Vnd der hohe priester stund auff / vnd sprach zu yhm / Ant-
wortstu nichts? was istis / das diße widder dich zeugen?
Aber Ihesus schweg still. Vnd der hohe priester antwort
vñ sprach / ich beschwere dich bey dem lebendigen gott / das
du vns sagist / ob du seyst Christus / der son gottis / Ihesus
sprach / du hastis gesagt / doch sage ich euch / von nu an /
wirtis geschehen / das yhr sehet des menschen son sitzen zur
rechten der krafft / vnnnd kōmen ynn den wolcken des hymels.
Da zurreyß der hohe priester seyne fleyder / vñ sprach. Er
hatt got gelestert / was durffen wir weytter zeugnis? sihe/
iht habt yhr seyne gotslestertung gehoret / was dunckt euch?
Sie antworteten vnnnd sprachen / er ist des tods schuldig.
Da speyeten sie aus ynn seyn angesicht / vnd schlugen yhn
mit feusten / Etlich aber schlugen yhn yns angesicht vnd
sprachen /

Marcl.
Luce. 22
Joh. 18

- Marci. 14. sprachen / weyßsage vns Christe / wer ist der dich schlug?
 Luce. 22. Petrus aber saß draussen ym pallat vñ es tratt zu yhm eyne
 Joh. 18. magd vnd sprach / vnd du warist auch mitt dem Jhesu von
 Gallilea. Er leugnet aber fur yhn allen vnd sprach / ich weys
 nit was du sagist. Als er aber zur thur hyndaus gieng / sahe
 yhn eyne andere / vnd sprach zu denen die da waren / diser
 war auch mit dem Jhesu von Nazareth / vñnd er leugnet
 aber mal / vnd schwur da zu / ich kenne des menschen nicht /
 vnd vber eyne fleyne weyl / tratten hynd zu / die da stunden /
 vnd sprachē zu Petro / warlich / du bist auch eyner von de-
 nen / denn deyn sprach verrhet dich / da hub er an sich zu
 Marci. 14. verfluchen vñ schweren / ich kenne des menschen nicht / vnd
 Luce. 22. als bald frehet der hane / da dacht Petrus an die wort Jhe-
 su / da er zu yhm sagte / ehe der hane frehen wirt / wirstu
 mich drey mal verlaugnen / vnd gieng eraus / vnd weynet
 bitterlich.

Das sieben vnd zwenhigst Capitel.


 Es morgens aber / hielten alle hohe priester vñnd
 die Eltsten des volcs eynen radt vñ Jhesum / das
 sie yhm zum todt hulffen / vñ bunden yhn / sureten
 yhn hynd / vnd vñantwortten yhn dem landpsleger Pontio
 Pilato.

Da das sahe Judas der yhn verrhatten hatte / das er ver-
 dampft war zum todt / gerewet es yhn vnd bracht erwidder
 die dreyßsig sylberlinge den hohen priestern vnd den Elti-
 sten vnd sprach / ich habe vbel than / das ich vñschuldig blutt
 verrhatten habe / sie sprachen / was geht vns das an? da sihe
 du zu / vñnd er warff die sylberling ynn den tempel / hub
 sich daruon / gieng hynd / vnd erwurget sich selb.

Aber die hohen priester namen die sylberling / vñnd spra-
 chen. Es taug nicht / das wpr sie ynn den gottis lasten legē /
 deñ es ist blutt gelt sie hielten aber eynen radt / vñnd lauff-
 ten

EUANGELION

ten eyn topffers ader drumb / zum begrebnis der pilgern /
daher ist der selbige ader genennet / der bluttader / bis auff
den heuttigen tag. Da ist erfüllet / das gesagt ist / durch den
propheten Jeremias do er spricht / sie haben genommen Zacha.
dreßsig sillberlinge / damit behallt wart der verkauffte /
welchen sie kaufften von den kindern von Israel / vnd habẽ
sie gebenn omb eyn topffers ader / als myr der herr be-
folhen hat.

Jhesus aber stund fur dem landpfleger / vnd der landpfleger Marcl
fragt yhn / vñ sprach / bistu eyn konig der iuden? Jhesus aber Luce. 2
sprach / du sagists / Vñ da er verklagt wart von den hohen Joh. 1
priestern vnd Eltisten / antwortet er nichts / da sprach Pil-
latus zu yhm / Forstu nicht wie hartt sie dich verflagen? vnd
er antwortet yhm nicht auff eyn wort / also / das sich auch
der landpfleger seer verwunderte.

Auff das fest aber / hatte der landpfleger gewonet / dem volck
eynen gefangnen los zu geben / welchen sie wolten / er hatte
aber zu der zeyt eynen gefangnen der hies Barrabas der
war fast ruchtig / vnd da sie versamlet waren / sprach Pilatus
zu yhn / welchen wolt yhr das ich euch los gebe? Barra-
bam odder Jhesum den man nennet Christu / denn er wisset
woll / das sie yhn aus neyd vñ irantwortt hatten.

Vñnd da er auff dem gericht stuel saß / schickte zu yhm seyn
weyb / vñnd lies yhm sagen / hab du nichts zu schaffen mit
disem gerechten / ich habe heute viel erlitten ym trawm / von
seyner wegen.

Aber die hohen priester vñ die eltisten / vñ irredten das volck /
das sie omb Barrabas bitten sollten / vnd Jhesum omb
brechten. Da antwortet nu der landpfleger vñnd sprach zu
yhn / welchen wolt yhr vñter disen zweyen / den ich euch soll
los geben? sie sprachen / Barrabas / Pilatus sprach zu yhn /
was soll ich den machen mitt Jhesu / den man nennet / Chri-
stus? sie sprachen alle / las yhn creutzigen / der land pfleger
sagt

sagt/was hatt er deñ vbelß than? sie schryen aber noch mehr/
las yhn creużigen.

Da aber Pilatus sahe / das er nichts schaffet / sondern das
viel eyn grosser getumel ward / nam er wasser / vñ wusch
die hend fur de vold / vnd sprach / ich byn vnschuldig an dem
blutt dißes gerechten / sehet yhr zu / da antwortet dz gang
vold vñ sprach / seyn blutt kome vbir vns vnd vnserer kinder /
da gab er yhn Barrabam los / aber Jhesus lies er gepßeln /
vnd vbirantwortt yhn / das er creużiget wurde.

Marci. 13. Da namen die kriegs knecht des landpflegers Jhesum zu sich
Luce. 13. ynn das richthaus / vnd samleten vbir yhn die ganze rotte /
Joh. 19. vñnd hogen yhn aus / vnd legten yhm eynen purpernmantel
an / vnd flochten eyne dornen kron / vnd sagten sie auff seyn
hewbt / vnd eyn rohr ynn seyne rechte handt / vnd biegeten
die knye fur yhm / vnd spotten yhn / vnd sprachen / gott grus
dich / du lieber konig der luden / vnd speyeten yhn an / vnd
namen das rohr / und schlugen da mit seyn hewbt.

Vñnd da sie yhn verspottet hatten / zogen sie yhm den mantel
aus / vñ zogen yhm seyne fleyder an / vñnd sureten yhn hyñn /
das sie yhn creużigten / vñ yñ dem sie hyñaus giengen / fun-
den sie eynen menschē vñ Citene / mit namen / Simon / den
hewungen sie / das er yhm seyn creuż trug / vñnd da sie kamen
an die stett mit namen golgata / das ist vorteutcht / scheddel
stett / gaben sie yhm essig zu trincken mit gallen vermischet /
vñnd da ers schmeckt / wollt er nicht trincken.

Da sie yhn aber creużigt hatten / teyeten sie seyne fleyder / vñ
Psal. 12. worffend das los drum / auff das er fullett wurde / das gesagt
ist durch den propheten / Sie haben meyne fleyder vñter sich
geteylet / vñ vbir meyn gewand haben sie das los geworffen.
Vñnd sie lassen alda / vñ huteten seyn / vñnd sie heßten oben zu
seynen hewbten / die vrsach seynes tods / beschreiben / nemlich /
diz ist der konig der luden / vñnd da worden hween morder
mit yhm creużiget / eyn er zur rechten / vnd eyn er zur linden.

EUANGELION

Die aber fur vber giengen / lesterten yhn / vñ schüttelten die kopffe vñ sprachē / der du den tempel gottis zu brichst / vñ bawist yhn in dreyn tagen / hilff dir selber / Bistu gottis son / so steyg er ab vō creutz / des gleychē auch die hohe priester / spotteten seyn sampt den schriftgelehrten vñ Eltisten vñnd sprachen / Vndern hatt er geholffenn / vñd kan yhm selber nicht helfen / ist er der konig von Israel / so steyg er nu vom creutz / so wollen wir yhm glawbenn. Er hatt gott vertrauet / d' erlose yhn nu / lusts yhn / deñ er hat gesagt / ich byn gottis son / Dasselbe ruckten yhm auch auff die morder / die mitt yhm creutzigt waren. Psal. 21.

Vñd von der sechsten stund an / wort eyn finsternis vbit das ganck land / bis zu der neunden stund / vñd vmb die neunde stund schrey Jesus laut / vñnd sprach / Eli Eli / lamma asabthani? das ist / meyn gott / meyn got / warumb hastu mich verlassen? Etlich aber / die do stunden / da sie das horeten / sprachen sie / der rufft dem Elias / vñnd bald lieff eyn er vnter yhn / nam eynen schwam / vñd fullet yhn mitt essig / vñd stet yhn auff eyn rhor / vñnd trendt yhn / die andern aber sprachen / halt / las sehen / ob Elias come / vñd helfft yhm. Aber Jesus schrey abermal laut / vñd gab seynen geyst auff. Psal. 21.

Vñd sihe da / der vorhang ym tempel zu reys ynn zwey stück / von oben an bis vñden aus / vñd die erde erbebete / vñd die felsen zu rypffen / vñd die greber thetten sich auff / vñd stunden auff viel leybe der heyligen / die da schlieffen / vñd giengen aus den grebern nach seyn er auferstehung / vñd kamen ynn die heyligen stadt / vñd erschnen vielen.

Aber der heubtman / vñnd die bey yhm waren vñd bewaretten Ihesum / da sie sahen das erdbeben / vñ was da geschach / erschraden sie seer / vñd sprachen / warlich / diser ist gottis son gewesen. Vñd es waren da viel weyber / die von fern zu sahen / die da Ihesu waren nach gefolget von Gallilea / vñd

vnd hatten yhm gedienet/vnter wilchen war Maria magdalena / vnd Maria die mutter Jacobi vnd Joses / vnnnd die mutter der kinder Zebedei.

Am abent aber kam eyn reycher man von arimathia / der hies Joseph / wilcher auch eyn lunge Jhesu war / der tratt zu Pilato / vnnnd batt yhn vmb den leyb Jhesu / da hies Pilatus / man solt yhm yhn geben / vnd Joseph nam den leyb / vñ wickelt yhn ynn eyn reyn linwad / vnd legt yhn ynn seyn eygen new grab / wilchs er hatte lassen hawen ynn eynen fels / vnnnd welhet eynen grossen steyn fur die thur des grabes / vnd gieng dauon. Es war aber alda Maria magdalena vnd die ander Maria vnd sahten sich gegen das grab.

Des andern tages / der do solget nach dem rust tage / kamen die hohen priester vnd phariseer semptlich zu Pilato / vnnnd sprachen / Ser wir haben gedacht / das diser versurer sprach / da er noch lebet / ich will nach dreyn tagen aufferstehen / darumb besilhe / das man das grab verware bis an den dritten tag / auff das nicht seyne lunge komen / vnd stelen yhn / vnnnd sagen zum vold. Er ist aufferstande von den toden / vnd werde der leyt betrug erger denn der erste. Pilatus sprach zu yhn / da habt yhr die huter / gehet hy / vñ verwaret / wie yhr wisset / sie glengen hy / vnd verwareten das grab mit huttern vnnnd versigleten den steyn.

Das acht vnd zwenhigst Capitel.

Am abent aber der seyertagen / wilcher anbricht am morgen des ersten tages der sabbaten / kam Maria Magdalena vnd die ander Maria das grab zu sehen.

Vnnnd / siehe / es geschach eyn grosse erdbebung / denn der Engell gots steyg vom hymel erab / tratt hy zu vnd walhet den steyn vñ der thur / vnd saht sich drauff / vnd seyne gestalt war

(Am abent)
Die schrift sehet den tag an am vergangen abent / vñ des selben abents ende ist der morgē hernach

EUANGELION

Also spricht hie.
 S. Math.
 Christus sey am
 morgen auff-
 standē / d' des
 abents ende vnd
 anbruch des erste
 seprtags war /
 denn sie heleten /
 die sechs tage
 nach dem hohen
 osterfest alle hey-
 lig / vnd siengē
 den ersten an am
 nehisten nach dē
 hohen oster fest.

war wie der blig / vnn̄d seyn fleysch weys / als d' schne / die
 huter aber erschracken fur furcht / vnd worden als weren
 sie todt.

Aber der engel sprach / zu den weyben / furcht euch nicht / ich
 weys das p̄hr Jhesum den gecreutzigten sucht / Er ist nicht
 hie / Er ist aufferstandē / wie er gesagt hat / kompt her / vnn̄d
 sehet die stett / da der herr hyn gelegt war / vnn̄d geht schnell
 hyn / vnn̄d saget es seynen iungern / das er aufferstandē sey
 von den todtē / vnd sihe / er wirt euch zuuor komen ynn
 Galilea / da werdet p̄hr yn sehen / sihe / ich hab̄s euch gesagt.
 Vnd sie giengen schnell zum grab hyn auß / mit forcht vnd
 grosser freude / vnd lieffen / das sie es seynen iungern ver-
 kundigeten / vnn̄d da sie giengen seynen iungern zu ver-
 kundigen / sihe / da begegnet p̄hn Jhesus / vnd sprach / got
 grusse euch / vnd sie tratten zu p̄hm vnd griffen an seyne
 fusse / vñ sielen fur p̄hn nyder / da sprach Jhesus zu p̄hn /
 furcht euch nicht / gehet hyn / vnd verkundiget es meynen
 brudern / das sie gehn ynn Galilea / da selbs werden sie
 mich sehen.

Da sie aber hyn giengen / sihe da / kamen etlich von den
 hutern ynn die stadt / vnd verkundigeten den hohen priest-
 ern / alles was geschehen war / vnd sie kamen zu samen mit
 den Eltisten / vnd hielten eyne radt / vñ gaben den kriegs
 knechten gellts gnug / vnd sprachen / saget / Seyne iungern
 kamē des nachts / vñ stollen p̄hn / die weyl w̄r schliessen / vñ
 wo es wurd auß komen bey dem land psleger / wollen w̄r
 p̄hn stillen / vnn̄d schaffen das p̄hr sicher seytt / vnn̄d siñ
 namen das gellt / vnd thetten / wie sie gelert waren / vnd
 solch rede ist ruchbar worden / bey den iuden / bis auff
 den heuttigen tag.


Aber die eylff iungern giengen ynn Galilea / auff eyne
 berg / da hyn Jhesus p̄hn bescheyden hatte / vñ da sie p̄hn
 sahen / sielen sie fur p̄hn nyder / Etlich aber zweyffelten /
 vnn̄d

vnnd Ihesus tratt zu yhn/redt mit yhn vnd sprach/Mir ist
geben aller gewalt ynn hymel vnnd erden/darumb gehet
yhn/vnd leret alle volcker/vnnd teufft sie ynn den namen
des vatters vnd des sons vnnd des heyligen geysts/vnnd
leret sie halten/alles was ich euch befolhen habe/vnd sihe/
ich bynn bey euch alle tage/bis ans ende der welt.

Das ist das ende des Euangeli
Sanct Matthes.

EUANGELION

Das erst Capitel.



Es ist der anfang des Euangeli vñ Jhesu Christo / dem son gottis / als geschriben ist ynn den propheten. Sihe / ich sende meynen engel fur dyr her / der do bereyete deynen weg fur dyr / Es ist eyn ruffende stymme ynn der wusten / bereyitet den weg des herrnn / macht seyne steyge richtig. Malach. 3.
Jhal. 40.

Johannes der war ynn der wusten / vñnd tauffet vñnd prediget von der tauffe der bußze zur vergebung der sunden / vñd es gieng zu yhm hyn aus / das ganß Judisch land / vñd die vñ Jerusaleem / vñd ließen sich alle von yhm tauffen ynn dem Jordan vñd bekenneten yhre sunde. Matth. 3.
Luce. 3.

Johannes aber war beleydet mit kameel haren / vñd mit eynem ledern gurttel omb seyne lenden / vñd ass hewschreden vñ wildhonig / vñnd predigt vñd sprach / Es kompt eyner nach myr / der ist stercker deñ ich / dem ich nit gnugsam bynn / das ich mich fur yhm buße / vñ die rymen seyner schuch aufflosse / ich teuffe euch mitt wasser / aber er wirt euch teuffen mitt dem heyligen geyst. Joh. 1.

Vñnd es begab sich zur selbigen zeytt / das Jhesus aus Galileea von Nazareth kam vñd lies sich teuffen von Johanne ym Jordan / vñd als bald steyg er aus dem wasser / vñd sahe das sich die hymel auff thaten / vñnd den geyst gleich wie eyn taube etab steygen auff yhn / Vñd da geschach eyn stymme vom hymel / du bist meyn lieber son / ynn dem ich eyn wolgefallen habe. Matth. 3.
Luce. 3.
Johan. 1.

Vñnd bald treyb yhn der geyst ynn die wusten / vñd war alda ynn der wusten vierhig tage / vñd ward versucht von dem satanas / vñd war bey den thieren / vñd die engel dieneten yhm. Nach dem aber Johannes gefangen war / kam Jhesus ynn Gallilea / vñd prediget das euangelium vom reych gottis / vñnd sprach / Die zeit ist erfullet / vñ das reych gottis ist er Matth. 4.
Luce. 4.

er bey komen / bessert euch / vnd gleubt dem Euangelio.

Matth. 4. Da er aber an dem Galileyschen meer gieng / sahe er Simon

Luce. 5. vnd Andreas seynen bruder / das sie phre ney pns meer worffen / denn sie waren fischer / vnd Jhesus sprach zu phn / folgt myr nach / ich will euch zu menschen fischer machen / als bald verliessen sie phre neye / vñ folgten phm nach.

Vnd da er von dannen eyn wenig furbas gieng / sahe er Jacoben den son Zebedei vnd Johannem seynen bruder / da sie phre neye ym schiff zu samen legten / vnd bald rieß er phn / vnd sie liessen phren vater Zebedeon ym schiff / mit den tagloner / vnd folgten phm nach.

Matth. 7. Vnd sie giengen gegen Capernaum / vñ bald an den Sab-

Luce. 4. baten / gieng er ynn die schulen / vnd lerete / vnd sie entsaghten sich vber seynere lere / denn er lerete gewaltiglich / vnd nicht wie die schrifftgelernten.

Luce. 4. Vnd es war ynn phrer schulen eyn mensch besessen mit eynem vnreubern geyst / der schrey vñ sprach / Gallt / was haben wir mit dyr zu schaffen / Jhesu von Nazareth? du bist komen vns zu verderben / ich weys / das du der heylige gottis bist / vnd Jhesus bedrawete phn vnd sprach / verstumme / vnd fare aus von phm / vnd der vnreuber geyst reys phn / vnd schrey laut / vnd fur aus von phm / vnd sie erschitterten alle / also / das sie vnternander sich befragten / vnd sprachen / was ist das? was ist das fur eyn newe lere? Er gepeutt mit gewalt den vnreubern geysten / vnd sie gehorchen phm / vnd seyn gerucht erschall bald vmbher ynn die grenze Galilee.

(gewaltiglich)
dzist seyn predigt
war als eynes
ders mit ernst
meynet / vnd
was er sagt / das
hatte eyn gewalt
vnd lebet als
hetts hend vnd
fuess / nitt wie
die lumpenpre-
diger / die do her
speyen / vnd
gepffern / das
man druber vn-
lust vnd gewel
gewynnet.

Matth. 8. Vnd sie giengen aus der schulen / vnd kamen bald ynn das

Luce. 4. haus Simonis vnd Andres / mit Jacoben vnd Johannem / vnd die schwiger Simonis lag vñ hatte das fiber / vñ als bald sagten sie phm von phr / vnd er tratt zu phr / vnd richtet sie auff / vnd hielt sie bey der hand vnd das fiber vorlies sie als bald / vnd sie dienet phn.

Am

EUANGELION

Am abent aber / da die sonne vnter gangen war / brachtē sie zu yhm allerley franden vnd besessene / vnd die ganze statt versamlet sich fur der thur / vnd er halff vielen franden mit mancherley seuchenn beladen / vnd treyb viel teuffel aus / vnd lies die teuffel nit reden / denn sie kenneten yhn. Vnd des morgens fur tag / stund er auff / vnd gieng hyr aus / vnd Jhesus gieng ynn eyn wuste stette vñ bettet da selbs / vnd Petrus mitt den / die mitt yhm waren / eyleten yhm nach / vnd da sie yhn funden / sprachen sie zu yhm / yderman sucht dich / vnd er sprach zu yhn / laß vns ynn die nechsten stette gehen / das ich dasselbs auch predige / denn daz y hyr ich komen / vnd er predigete ynn yhren schulen / ynn ganz Gallilea / vnd treyb die teuffel aus.

Vnd es kam zu yhm eyn außseziger / der hatt yhn vñ knyet fur yhm vnd sprach zu yhm / willst du / so kanstu mich wol reynigen / vnd es iamerte Jhesum vnd er redet die hand aus / ruret yhn an / vñ sprach / ich wills thun / sey geteynigt / vnd als er so sprach / gieng vñ yhm als bald der außsag / vnd ward reyn / vnd Jhesus bedrewet yhn / vnd treyb yhn als bald von sich / vnd sprach zu yhm / Sihe zu / das du niemant nichts sagist / sondern gang hyr / vnd zeige dich dem priester / vnd opfere fur deyn reynigung / was Moses gepotten hatt / zum zeugnis vñ sie / Er aber / da er hyr aus kam / hub er an / aus zu bringen vnd ruchtbar machen die geschicht / also / das er hyr furt nit mehr kund offentlich ynn die statt gehen / sondern er war haussen ynn den wusten orttern / vnd sie kamen zu yhm von allen enden.

Matth. 9.
Luce. 5.

Das ander Capitel.

Und er gieng vñ etlich tag widerumb gen Capernaum / vnd es wart ruchtbar / das er ym hausse war / vnd als bald versameleten sich vñ / also das sie nicht raum hatten / auch haussen fur der thur / vnd er sagt

Matth. 9.
Luce. 5.

sagt yhn das wortt / vnnnd es kamen etlich zu yhm / die brachten eynen gichbruchtigen / von vieren getragen / vnd da sie nicht fundten bey yhn komen fur dem vold / dedten sie das dach auff / da er war / vnnnd grubens auff / vnnnd lieffen das bette erndder / da der gichbruchtige ynnen lag / da aber Jhesus yhren gamben sahe / sprach er zu dem gichbruchtigen / meyn son / deyne sund sind dyr vergeben. Es waren aber etliche schrifftgeleerten / die sassen alda / vnd gedachten yhn yhem herhen / wie redet diser solche goteslesterung? wer kan sund vergeben / denn nur der eynige gott? Vnnnd Jhesus erkennet bald ynn seynem geyst / das sie also gedachten bey sich selbs / vnd sprach zu yhnen / was gedendt yhr solchs ynn ewren herhen? wilchs ist leychter zu dem gichbruchtigen zu sagen / dyr sind deyn sund vergeben? odder / stand auff / nym deyn bette vnd wandle? auff das yhr aber wisset / das des menschen son macht hatt / zu vergeben die sund auff erdē / sprach er zu dem gichbruchtigen / ich sage dyr / stand auff / nym deyn bette / vnd gang ynn deyn haus / vñ alsbald stund er auff / nam seyn bette / vnd gieng hyenaus fur yhn allen / also / das sie sich alle entsahnten vnd preyseten gott / vnd sprachen / wir haben solchs noch nie gesehen.

Matth. 9. Vnd er gieng widderumb hyenaus an das meer / vnd alles
Luce. 5. vold kam zu yhm / vnd er leret sie / vñ da Jhesus fur vber
gieng / sahe er Leul den son Alphel am zoll sitzen / vnd sprach
zu yhm / folge myr nach / vñ er stund auff / vnd folgete yhm
nach / vñ es begab sich / da er zu tisch saß ynn seynem haus /
sahnten sich viel zollner vnnnd sundere zu tisch mitt Jhesu vnd
seynen iungern / denn yhr war viel / die yhm nachfolgeten.
Vnd die schrifftgeleerten vnd phariseer / da sie sahen / das
er mit den zollnern vnnnd sundern ass / sprachen sie zu seynen
iungern / warumb isset vnd trindt er mit den zollnern vnd
sundern? Da das Jhesus horet / sprach er zu yhnen / die
starden

EUANGELION

starken durffen leyens arhtes / sondern die starken / ich
byn komen zu ruffen den sundern zur busse / vnd nicht
den gerechten.

Vñ die iunger Johannis vnd der phariseer fasteten viel /
vnd es kamen etlich / die sprachen zu ihm / Warumb fasten
die iunger Johannis vnd der phariseer / vnd deyne iunger
fasten nicht? Vnd Jhesus sprach zu ihm / wie kunden der
hochzeit synder fasten / die weyl der breuttigam bey ihm
ist? Also lange der breuttigam bey ihm ist / kunden sie nicht
fasten / es wirt aber die zeit komen / das der breutigam von
ihm genommen wirt / denn werden sie fasten.

Niemand sliet eyn lappen von newem tuch an eyn alt
kleyd / denn er reysst doch den newen lappen vom alten /
vnd der riss wirt erger / vnd niemand fasset den most /
vnn alte schleuche / anders / zu reysst der most die schleuche /
vnd der weyn wirt verschuttet / vnd die schleuche komē
vmb / sondern man soll den most vnn newe schleuch fassen.

Vnd es begab sich / da er wandelte am sabbath durch die
saet / vnd deyne iunger siengen an eyne weg er durch zu
machen / vnd raufften chern aus / vnd die phariseer
sprachen zu ihm / sihe zu / was thun deyne iunger / das
nicht tug am Sabbath / vñ er sprach zu ihm / Habt ihr
nie gelesen / was Dauid thet / da es ihm nott war / vnd
ihm hungert sampt denen / die bey ihm waren / wie er
gieng vnn das haus gottis / zur heyt Abiathar des hohen
priesters / vnd ass die schaw brott / die niemant thurst
essen / den die priester / vnd er gab sie ihm / vnd denen die
bey ihm waren? vnd er sprach zu ihm / der sabbath / ist
vmb des menschen willen gemacht / vnd nicht der mensch
vmb des Sabbaths willen / so ist des menschen son eyn
herre / auch des Sabbaths.

Matth. 12
Luce. 6.

1. Regū. 21

Abiathar ist
Abimelech son /
darumb saget
die schrift es sey
vnter Abimelech
geschehen das
sie zu eyner zeit
priester waren.
(schaw brott)
Das heysst hebre.
pach panis fa-
cierū brott das
ymmer fur augen
seyen soll / wie
das gottis wort
ymmer fur vnserm
herzen tag vnd
nacht sey sol
Psal. 22. parasti
in conspectu meo
mensam.

Das

Das dritte Capitel.

Matth. 12.
Luce. 6.

Und er gieng ynn die schule / vnd es war da eyn mensch / der hatte eyne verdorrete handt / vnd sie hielten auff yhn / ob er auch am sabbath yhn heylen wurd / auff das sie yhn schuldigen mochten / vnd er sprach zu dem menschen mitt der verdorreten hand / tritt er fur / vnd er sprach zu yhnen / mag man am sabbath gutts thun / odder mag man boeses thun? das leben erhalten? odder todten? sie aber schweygen still / vnd er sahe sie umbher an mit zorn / vnd war betrubt vber yhren verstarreten hertzen / vnd sprach zu dem menschen / streck deyne hand aus / vnd er strack sie aus / vnd die hand ward yhm gesund wie die andere.

Vnd die phariseer giengen hyenaus / vnd hielten als bald eynen radt mit Herodis diener / vber yhn / wie sie yhn umb brechtē / Aber Jhesus entweych mit seynen jungern an das meer / vnd viel volcks folgete yhm nach aus Galilea vnd von Judea vnd von Jerusalem vnd aus Idumea vnd von ihensit des iordans vnd die umb Tyro vnd Sidon wonen / die seyn hatten horten.

Vnd er sprach zu seynen jungern / das sie yhm eyn schiff lin hielten / vmb des volcks willen / das sie yhn nicht drungen / denn er heylte yhr viel / also / das yhn alle die geplagt waren vber fielen / auff das sie yhn an rureten / vnd wenn yhn die vnswber gepster sahen / fielen sie fur yhn nydder / vnd schrien vnd sprachen / du bist gottis son / vnd er bedreuet sie hartt / das sie yhn nicht offenbar machten.

Matth. 10.
Luce. 6.
Luce. 9.

Vnd er steyg auff eynen berg / vnd rieß zu sich wilche er wolte / vnd die giengen hyu zu yhm / vnd er ordnete die zwelffe / das sie bey yhm seyn sollten / vnd das er sie aus sendte zu predigen / vnd das sie macht hetten / zu heylen die seuchte / vnd aus zutreiben die teuffell / vnd gab Simon den

EUANGELION

den namen Petrus / vñ Jacoben den son Zebedei / vñnd Jo-
hannem den bruder Jacobi / vñd gab yhn den namen Vne-
hargem / das ist gesagt / donners finder / vñd Andrean / vñd
Philippou / vñd Barptolemeon / vñd Mattheon / vñd Tho-
man / vñd Jacoben Alpheus son vñ Thaddeon vñd Simon
von Cana / vñd Judas Ischariotes der yhn verrhiet.

Vñd sie kamen zu haus / vñnd da came aber mal das volck
zu sammen / also / das sie nit rawm hatten zu essen / vñnd
da es horten die vmb yhn waren / giengen sie hyndaus / vñnd
wollten yhn halten / denn sie sprachen / er thut yhm zu viel.
Die schriftgelerten aber die vñ Jerusalem abher komen wa-
ren / sprachen / Er hatt den Beelzebub / vñnd durch den vñir-
sten teuffel treybt er die teuffel aus / vñnd er rieß sie zu-
sammen / vñd sprach zu yhnen yn gleychnissen.

Matth. 1
Luce. 11.

Wie kan eyn Satanas den andern austreiben? vñnd wenn
eyn reyck selbs vñternander vñeyns wirt / mag es nicht be-
stehen / vñ weñ eyn haus selbs vñternander vñeyns wirt /
mag es nicht bestehē / setzt sich nu satanas widder sich selbs /
vñd ist mitt yhm selbs vñeyns / so kan er nit bestehen / son-
dern es ist aus mitt yhm / Es kan niemant eynem starcken
ynn seyn haus fallen / vñd seynen haus rad rawben / es
sey denn / das er zuuor den starcken binde / vñnd als denn
seyn haus berawbe.

Warlich ich sage euch / alle sunde werden vergeben den
menschenkindern / auch die gottls lesterung / da mit sie
gott lestern / wer aber den heyligen geyst lestert / der hatt
seyn vergebung ewiglich / sondern ist schuldig des ewigen
gerichtes / denn sie sagten / Er hatt eyne vñsawbern geyst.
Vñd es kam seyne mutter vñd seyne bruder / vñd stunden
haussen / schickten zu yhm vñd ließen yhm ruffen / vñd das
volck sass vmb yhn vñnd sie sprachen zu yhm / sihe / deyn
mutter vñnd deyne bruder / draussen / fragen nach dyr / vñd
er antwortet vñ sprach / wer ist meyn muter vñd meyne
bruder

Matth. 1
Luce. 12.

Matth. 1
Luce. 8.

bruder? vnd er sahe rings omb sich auff die iunger/die omb
 yhn ym freyszassen/vnnd sprach/sihe/das ist meyn mutter
 vñ meyne brudere/denn wer gottis willen thutt/der ist
 meyn bruder vñ meyn Schwester vnd meyn mutter.

Das vierde Capitel.

Und er sieng aber mal an zu leren am meer/vnd es
 versamlet sich viel volcks zu yhm/also das er must
 ynn eyn schiff treten/vñ auff dem wasser sihen/vñ
 alles volck stund auff dem landt am meer/vnd er prediget
 yhn lange durch gleychnissen vnnd ym leren sprach er zu
 yhn/Horet zu/Sihe/Es gieng eyn seeman aus zu seen/vnd
 es begab sich/ynn dem er seet/siel etlichs an den weg/da
 kamen die vogel vnter dem hymel vnd frassens auff/etlichs
 fiel ynn das gesteynichte/da es nicht viel erden hatte/vnd
 gieng bald auff/darumb das es nit tieff erden hatte/da nu
 die sonne auff gieng/verwelckte es/vnnd die weyl es nicht
 wurzel hatte/verdorrets.

Vnnd etlichs fiel vnter die dornen/vnnd die dornen stogen
 empor vnnd erstickten/vnd es gab leyne frucht/vnnd ett-
 lichs fiel auff eyn gutt land/vnnd gab frucht/die dazu nam
 vnnd wuchs/vnd etlichs trug dreyssigfelltig/vnnd etlichs
 sechzigfelltig/vnnd etlichs hundertfelltig/vnnd er sprach
 zu yhn/wer oren hatt zu horen/der hore.

Vnnd es begab sich/da er alleyne war/fragten yhn omb
 disse gleychnisse/die omb yhn waren/sampt den zwelffen/
 vnnd er sprach/zu yhnen/Euch ist gebē dz geheymnis des
 reych gottis zu wissen/den aber draussen/widder feret
 es alles durch gleychnissen/auff das sie es mit sehenden
 augen sehen/vñ doch nit erkennen/vnnd mit horenden
 oren horen/vnnd doch nicht verstehen/auff das sie sich
 nicht der mal eyns beferen/vnnd yhr sund yhn vergeben
 werden/vnnd er sprach zu yhnen/verstehet yhr disse gleych-
 nisse

Matth. 13.
 Luce. 8.

Matth. 13.
 Luce. 8.

EUANGELION

nisse nicht? wie wollt yhr den die andern alle verstehen? Der Seeman seet das wortt / diese sind aber die an dem wege sind / wo das wortt geseet wirt vñ sie es gehoret habē / so kompt als bald der Satan / vñ nympt weg das wort / das yñ yhr hertz geseet war. Also / die sind die auff's gesteynichte geseet sind / weñ sie das wortt gehoret haben / nemen sie es auff mit freuden / vñ haben seyn wurzel ynn yhn / sondern sind wetterwendisch / wenn sich erhebt tribsall vñ verfolgung vmb's wortts willenn / so ergern sie sich als bald. Vñ diese sind die vnter die dornen geseet sind / die das wortt horen / vñ die sorge diser welt vñ der betriegliche reychtumb / vñ viel andere luste gehen hyneyn vñ ersticken das wort / vñ wirt vnfruchtbar / vñ diese sind / die auff eyn gut land gesehet sind / die das wortt horen vñ nemens an / vñ bringen frucht / etlicher dreyßigfältig vñ etlicher sechßigfältig / vñ etlicher hundertfältig.

Vñ er sprach zu yhnen / wirt auch eyn liecht an zundet / das es vnter eynen scheffel geseht werde / odder vnter eynen tisch? Ist nicht also? das es anzündt wirt / auff das es auff eynen leuchter geseht werde? Denn es ist nichts verporgen / das nicht offenbart werde / vñ ist nichts heymlich's / das nicht ersurkome? wer oren hatt zu horen / der hore / vñ er sprach zu yhnen / sehet zu was yhr horet / Mit welcherley maas yhr messet / wirt man euch messen / vñ man wirt noch zu geben euch / die yhr dis horet / denn wer da hatt / dem wirt geben / vñ wer nicht hatt / dō dem wirt man nemen / auch das er hatt.

Vñ er sprach zu yhnen / das reych gottis hat sich also / als wenn eyn mensch samen wirfft auff's land / vñ schlefft / vñ stehet auff nacht vñ tag / vñ der same gehet auff vñ grunet / das ers nicht weys / denn die erde bringt von yhr selbst zum ersten das gras / darnach die ehern / darnach den vollen weyhen ynn den ehern / wenn sie aber die frucht bracht

Matth. 5.
Luce. 11.

Luce. 8.

Matth. 13.
Luce. 8.

bracht hatt / so schicket er bald die sichelln hyn / denn die erndt ist da.

Vnnd er sprach / wem wollen wir vergleychen das reyck gottis? vnnd durch wilch gleychnis wollen wir es fur- bildenn? Gleych wie eyn senffkorn / wenn das geseet wirt auffss land / so ist das kleyne vnter allen samen auff erden / vnnd wenn es geseet ist / so nympt es zu / vnnd wirt grosser denn alle volkrautter / vnd gewynt grosse zweyge / also / das die vogel vnter dem hymel / vnter seinem schatten wonen kunden.

Vnnd durch viele solche gleychnisse saget er yhn das wort / nach dem sie es horen kunden / vnnd on gleychnis redet er nicht zu yhn / Aber ynn sonderheyt / legt ers alles aus seynen lungern. Vnnd an demselbigē tag des abents sprach er zu yhn / laß vns hyn vber faren / vñ sie namen yhn / wie er schon da war ym schiff / vnd waren mehr schiff bey yhm.

Matth. 8. Vnd es erhob sich eyn grosser wind wurbel / vnnd warff
Luce. 8. die wellen ynn das schiff / also das das schiff voll wartt / Vnnd er war hynden auff dem schiff vnnd schlieff auff eynem kussen / vnnd sie weckten yhn auff / vnd sprachen / meyster / fragestu nichts darnach / das wir verderben? Vnd er stund auff / vnd bedrawete den wind vnnd sprach zu dem meer / Schwegg still / vnnd verstumme / vnnd der windt leget sich / vnd wartt eyne grosse stille / vnd er sprach zu yhn / wie seyd yhr so forchtsam? wie das yhr seynen glawben habt? vnd sie furchten sich seer / vnd sprachen vnternander / wer ist der? denn wind vnd mehr ist yhm gehorsam.

Das funfft Capitel.

Matth. 8. Vnd sie kamen iensit des meers / ynn die gegend
Luce. 8. der Gadarener / vnnd als er aus dem schiff tratt / lieffe yhm als bald entgegen aus den grebern / eyn mensch besessen von eynem vnswbern geyst / der seyne wonunge

EUANGELION

wonunge ynn den grebern hatte / vñ niemand fund yhn
 blinden / auch nit mitt ketten / deñ er war oft mitt fesseln
 vñd ketten gepunden gewesen / vñd hatte die ketten zu
 ryssen vñ die fesseln zu rieben / vñd niemand fund yhn ze-
 men / vñd er war allezeit / beyde tag vñd nacht auff den
 bergen vñd ynn den grebern / schreyend vñd schlug sich
 mitt steinen / da er aber Jhesum sahe von ferns / lieff er
 zu vñd fiel fur yhn nyder / schrey laut / vñd sprach / was
 habe ich mit dyr zu thun? O Jhesu du son des aller hochsten /
 ich beschwere dich bey gott / das du mich nit quellst / Er
 sprach aber zu yhm / sare aus du vnswarber geyst von dem
 menschen / vñd er fragt yhn wie heiffst du? vñd er antwort
 vñ sprach / legion heiff ich / denn vnser ist viel / vñd er
 batt yhn seer / das er sie nit aus derselben gegend triebe.
 Vñd es war da selbs an den bergen / eyn grosse herd
 sewen an der weyde / vñd die teuffel baten yhn alle / vñd
 sprachen / las vns ynn die sew saren / vñd als bald erlewt
 yhn Jhesus / Da saren die vnswarbere geyste aus / vñd saren
 ynn die sew / vñd die herd storcht sich mit eynem sturm
 ins meer / Es war aber bey zwey tausent / vñd ersoffen
 ym meer / vñd die hyrtten flohen vñd verkundigten das
 ynn der stad / vñ auff dem land / vñd sie giengen hyndaus
 zu sehen / was da geschehen war / vñd kamen zu Jhesu /
 vñd sahen den besessenen der die legion gehabt hatte das
 er sass vñd war beleydet / vñd vernunftig / vñd furch-
 ten sich / vñd die es gesehen hatten / sagten yhn / was dem
 besessenen widderfarn war / vñd von den sewen / vñd sie
 siengen an vñd baten yhn / das er aus yher gegend zoge /
 vñd da er ynn das schiff tratt / batt yhn der besessene /
 das er mocht bey yhm seyn / Aber Jhesus lies es yhm nicht
 zu / sondern sprach zu yhm / gang hynd ynn deyn haus /
 vñd zu den deynen / vñd verkundige yhn / wie grosse
 wolthat dyr der herr than / vñd sich deyn erbarmet hatt /
 vñd

vnnd er gieng hyr / vnd sieng an aus ruffen vnn den zehen
setten / wie grosse wolthat yhm Jesus than hatte / vnd
vderman verwundert sich.

Matth. 9. Vnd da Jhesus widder hyr vber fur ym schiff / versamlet
Luce. 8. sich viel volcks zu yhm / vnd war an dem meer / vnnd sihe /

da kam der vbirsten eyner von der schule / mitt namen
Jairus / vnd da er yhn sahe / siel er yhm zu fussen / vnnd
batt yhn seer / vnnd sprach / meyn tochter ist ynn den letzten
zugen / du wolltist komen / vnnd deyne hand auff sie legen
das sie gesund werde vnnd lebe / vnd er gieng hyr mit yhm /
vnnd es folget yhm viel volcks nah / vnnd sie drungen yhn.
Vnnd da war eyn weyb / das hatte den bluttgang zwelff
iar gehabt / vnnd viel erlitten von vielen erhten / vnd hatte
alle yhr gutt drob verheret / vnnd halff sie nichts / sondern
viel mehr wartt es erger mitt yhr / da die horte vñ Jhesu /
kam sie ym volck / von hynden zu / vñ rurete seyn fleyd an /
denn sie sprach / wenn ich nur seyn fleyd mocht an ruren /
so wurd ich gesund / vnd als bald vertruckt der brun yhrs
blutts / vnnd sie fulets am leybe / das sie war gesund wor-
den von yhrer plage.

Vnnd Jhesus fulet als bald an yhm selbs die krafft die von
ym außgangen war / vnnd wand sich omb vnter dem volck /
vnd sprach / wer hatt meyn fleyder angerurt? vnnd die iun-
ger sprachen zu yhm / du sihest das dich dz volck dringet /
vñ sprichst / wer hatt mich angerurt? vnnd er sahe sich omb
nach der / die das than hatte / das weyb aber furcht sich vnnd
zittert / denn sie wyste was an yhr gescheen war / kam vnnd
siel fur yhm nydder / vnd saget yhm die ganze warheyt /
er sprach aber zu yhr / meyn tochter / deyne glawb hat dich
gesund gemacht / gang hyr mitt fryden / vnnd sey gesund
von deyner plage.

Da er noch also redet / kamen etlich von dem vbirsten der
schule vnnd sprachen / deyne tochter ist gestorben / was muhe-

stu

EUANGELION

stu weytter den meyster? Jhesus aber horet bald die rede die da gesagt ward vñ sprach zu dem vbirsten der schule / furcht dich nit / glewbe nur / vñnd lies niemant yhm nach folgen / denn Petern vñd Jacoben vñnd Johannen seynen bruder / vñnd er kam ynn das haus des vbirsten der schule / vñnd sahe das getummel / vñnd die da seer weyneten vñnd heuleten / vñnd er gieng hyñ eyn / vñnd sprach zu yhnen / was tummelt vñd weynet / yhr das kind ist nicht gestorben / sondern es schlefft / vñd sie verlachten yhn / vñd er treyb sie alle aus / vñd nam mitt sich den vater des kinds vñnd die mutter / vñnd die bey yhm waren / vñd gieng hyneyn / da das kind lag / vñnd ergreyff das kind bey der hand / vñd sprach zu yhr / Thabitha kumi / das ist verdolmetscht / Meydlin / ich sage dyr / stand auff / vñnd als bald stund das meydlin auff / vñnd wandelete / Es war aber zwelff iar alt / vñnd sie entsahten sich vñr die massz / vñd er verpott yhn hatt / das es niemant wissen sollte / vñnd jaget / sie sollten yhr zu essen geben.

Das sechst Capitel.

Uñd er gieng aus von dannen / vñnd kam ynn seyn vatterland vñnd seyne lunge folgeten yhm nach / vñd da der Sabbath kam / hub er an zu leren ynn yhrer schule / vñnd viel die es horeten / verwunderten sich seynes lere vñd sprachen / woher kompt dem solchs? vñd was weyszheyt ist / die yhm geben ist / vñnd solch thatten die durch selne hende geschehen? ist er nicht der ymerman Marien son / vñnd der bruder Jacobi vñnd Joses vñnd Jude vñnd Simonis? sind nicht auch seyne schwestern alhie bey vns? vñnd sie ergerten sich an yhm / Jhesus aber sprach zu yhn / Eyn prophet gillt nyrgern weniger / denn da heym vñnd beyden seynen / vñnd er fundalda nit eyn eynlige thatt thun / denn wenig siechen legt er die hende auff vñnd heylet

Matth. 13.
Luce. 4.
Joh. 4.

heylet sie / vnnnd er verwunderte sich phres vnglawbens.

Matth. 10. Vnnnd er gieng vmbher ynn die stedte ym freysz / vnnnd lere-

Luce. 9. te / vnd er berieff die zwelffe / vnd hub an vnd sand sie /
phe zween vnd zween / vnnnd gab yhn macht vber die vn-
samber geyster / vnnnd gepott yhn / das sie nichts bey sich
trugen denn eyn stab / keyn taschen / keyn brot / keyn gelt
ym gurtel / sondern geschucht / vñ das sie nit zween rothe

Luce. 10. anhogen / vnd sprach zu yhnen / wo yhr ynn eyn haus gehen
werdet / da bleybt ynnen / bis yhr von dannen yphet / vnnnd
wilche euch nicht auff nemen / noch euch horen / da gehet
von dannen eraus / vnnnd schüttelt den staub ab von ewren
fussen / zu eynem zeugniss vber sie. Ich sage euch warlich /
es wirt Sodomem vnnnd Gomorren am lungsten gericht
treglicher seyn / denn solcher stadt.

Vnd sie giengen aus / vnd predigeten / man sollt sich bessern /
vnnnd trieben viel teuffel aus / vnnnd salbten viel siechen
mit ole / vnd machten sie gesundt.

Matth. 14. Vñ es kam fur den konig Herodes (den seyn name war nu

Luce. 9. befandt) vñ er sprach / Johannes der teuffer ist von den
todten auffstanden / drum ist seyn thun so gewaltig /
Ettlich aber sprachen / Es ist Elias / Ettlich aber / Es ist eyn
prophet / odder eyner von den propheten / da es aber He-
rodes horet / sprach er / Es ist Johannes / den ich enthewb-
tet habe / der ist von den todten auffstanden.

Er aber Herodes hatte außgesandt / vnnnd Johannem grys-
sen / vnnnd yns gefengnis gelegt / vmb Herodias willen
seynes bruders Philipptes weyb / den er hatte sie gefreyet /
Johannes aber sprach zu Herode / Es ympt dyr nicht das
du deynes bruders weyb habist / Herodias aber stellet yhm
nach vnnnd wollt yhn todten / vnnnd fund nicht / Herodes
aber furcht Johannem / denn er wuste / das er eyn frumer
vnnnd heyliger man war / vnnnd behielt yhn / vnnnd gehorchet
yhm ynn vielen sachen / vnd horete yhn gern.

Vnnnd

EUANGELION

Vnnd es kam eyn gelegner tag / das Herodes auff seynen
 iar tag/eyn abentmal gab / den vbirsten vnd hewbleutten
 vnnnd furnemisten ynn Gallilea / da tratt hyneyn die tochter
 der Herodias / vnd tangete / vnd gefiel dem Herode vnd
 denen die am tisch sassen woll. Da sprach der konig zum
 meydlin / bitt von myr was du wilt / ich will dys geben /
 vñ schwur yhr eyn eyd / was du wirst vñ myr bitten / will
 ich dys geben / bis an die helfft meynes konigreichs. Sie
 gieng hyr aus / vnd sprach zu yhrer mutter / was soll ich
 bitten? die sprach / das hewbt Johannes des teuffers / vnnnd
 sie gieng bald hyneyn mitt eylle zum konige / batt vnnnd
 sprach / ich will / das du myr gebist / igt so bald / auff eyn
 schussel / das hewbt Johannes des teuffers / vnd der konig
 wart betrubt / vnnnd vmb des eyds willen / vnnnd der / die
 am tisch sassen / wollt er sie nicht lassen eyn seyl bitte thun /
 vnnnd bald schickt hyr der konig den hender / vnnnd lies seyn
 hewbt herbringen / der gieng hyr / vnd enthewbtet yhn
 ym gefengnis / vnd trug her seyn hewbt auff eyner schussel
 vnnnd gabs dem meydlyn / vnd das meydlin gabs yhrer
 mutter / vnnnd da das seyne iunger horeten / kamen sie /
 vnd namen seynen leyb / vnnnd legten yhn ynn eyn grab.
 Vnnd die Apostel kamen zusamen zu Jhesu / vnd verkundli-
 geten yhm das alles / vnnnd was sie than vnd leret hatten /
 vnnnd er sprach zu yhnen / laß vns besonders ynn eyn wuste
 gehen / vnnnd ruget eyn wenig / deñ er wart viel die abe vñ
 zu giengen / vnd hatten nicht zept gnug zu essen / vnnnd er
 fure da ynn eynem schiff zu eyner wuste besonders / vnnnd
 das volck sahe sie weg faren / vnnnd viel landten yhn vnd
 lieffen da selbs hyr mitt eynander zu fuss / aus allen stedten /
 vnnnd kamen yhn zuuor / vnnnd kamen zu yhm / vnnnd Jhesus
 gieng eraus / vnnnd sahe das grosse volck / vnnnd es lamert
 yhn der selben / denn sie waren / wie die schaff / die seynen
 hirtten haben / vnd sieng an eyn lange predigt.

Matth. 9.

Da

Matth. 14. Da nu der tag fast da hyr war/tratten zu yhm seyne iunger
 Luce. 9. vnnnd sprachen/es ist wuste hie vñ der tag ist nu da hyr/las
 Joh. 6. sie von dyr / das sie hyr gehen vmbher ynn die dorffe vñ
 merckte/vñ leuffen yhn brot/denn sie haben nicht zu essen/
 Ihesus aber antwortet / vnnnd sprach zu yhnen / gebt yhr
 yhn zu essen / vnnnd sie sprachen zu yhm / sollen wir denn
 hyr gehen / vnd zweyhundertpfennig werd brot kauffen /
 vnnnd yhn zu essen geben? Er aber sprach zu yhnen/wie viel
 brot habt yhr? geht hyr vnd sehet / vñ da sie es erfundet
 hatten/sprachen sie/funff/vñ zween fisch/vñ er gepot yhn/
 das sie sich alle lagerten beytisch vollen auff das grunegras/
 vnd sie sahten sich/nachschichten/yhe hundred vnd hundred/
 funffzig vnd funffzig. Dñ er nam die funff brott vnd zween
 fisch/vnd sahe auff gen hymel/vnd sprach den seggen/vnnnd
 brach die brott/vnd gab sie den iungern / das sie yhn fur-
 legten / vnnnd die zween fisch teylet er vnter sie alle/vnd sie
 assen alle vnnnd wurden satt/vnd sie huben auff die brocken/
 zwelff korbe vol/ vnnnd von den fischen/vnnnd die da geessen
 hatten/der war funff tausent man.

zehn tisch yñ
 die lunge vnnnd
 funff ynn die
 breyt.

Matth. 14. Vnnnd als bald treyb er seyne iunger/das sie ynn das schiff
 tratten vñ fur yhm hyr vber furen/gen Bethsaida/bis das
 er das volck / vñ sich liesze / vnd da er sie von sich schaffet
 hatte / gieng er hyr auff eynen berg / zu betten / vñ am
 abent/war dz schiff mitten auff dem meer vñ er auff dem
 land alleyn / vnnnd er sahe das sie nodt litten ym rudern /
 denn der wind war yhn entgegen / vnnnd vmb die vierde
 wache der nacht / sam er zu yhn/vnnnd wandelte auff dem
 meer / vnnnd er wolte fur yhn vbergehen / vnnnd da sie yhn
 sahen auff dem meer wandeln / meyneten sie es were eyn
 gespenst / vnnnd schrieen/denn sie sahen yhn alle/vnnnd er
 sprach. Alter als bald redet er mit yhn / vnnnd sprach zu
 yhn / seyt getrost / ich byns / furcht euch nicht/vnd tritt zu
 yhn yns schiff / vnd der wind leget sich / vnnnd sie entsahten
 vnnnd

EUANGELION

(nicht verstanden) Das ist aus solchem exempel sollten sie stark im glauben worden seyn das sie nicht sich fur eynem gespenste fürchte mußten.

vnnd verwunderten sich vber die masz/ denn sie waren nichts verstendiger worden vber den broten/ vnnd yhr herzh war verstarret.

Vnd da sie hyn vber gefaren waren/ kamen sie ynn das land Genesareth / vnnd furen an / vnnd da sie aus dem schiff tratten/ als bald landten sie yhn/ vnnd lieffen ynn die umb-
ligende lender vnnd huben an die franden omb her zu furen auff betten / wo sie horeten das er war / vnnd wo er eyn gieng ynn die merckte odder stett odder dorff / da legten sie die franden auff den marck / vnnd batten yhn / das sie nur den sam sam seynes flepdes anruren mochten/ vnnd alle die yhn anrurten/ die worden gesundt.

Das Siebent Capitel.

Und es kamen zu yhm die phariseer / vnnd ettlich von den schriftgelerten/ die von Jerusalem komen waren/ vnnd da sie sahen ettlich seynes iunger/ mit

(gemeynen) gemeynen / das ist / mit vngewasschē henden das brott heylig nennet das gezeht / was aus gesondert was zu gottis dienst / da gegen gemeyn / was vntreyn vnnd vntuchtig zu gottes dienst war.

gemeynen / das ist / mit vngewasschē henden das brott essen / versprachē sie es / denn die phariseer vnd alle iuden essen nicht / sie weissen denn die hend manigmal / halten also die auffsehe der Eltisten / vñ wenn sie vom marck komen/ essen sie nicht/ sie weissen sich denn/ vnnd des dings ist viel / das sie zu halten haben angenommen / von trinckessen/ vnd krugen/ vnd eernen gefessen/ vnnd tischen zu weissen. Da fragten yhn nu die phariseer vnnd schriftgelerten/ wumb wandeln deyne iunger nicht nach den auffsehen der eltisten/ sondern essen das brott mit vngewasschen henden? Er aber antwortet vnd sprach zu yhn / wol seyn hatt von euch heuchlern Isaias weysz sagt / wie geschriebē ist / dñh vold ehret mich mit den lippen / aber yhr herzh ist fern von myr / vorgeblich aber ist / das sie myr dienen / die weyl sie leren / solch lere / die nicht ist denn menschen gepott / yhr verlasset die gepott gottis / vnd halltet der menschen auff-

sehe

Matth. 1

Isai. 29.

sehe / von frugen vnnnd trindfessen zu waschen / vnd des gleychen thutt yhr viel.

Exodl. 20. Vnd er sprach zu yhn / wol seyn habt yhr gottis gepott auff-
Leuit. 20. gehalten / auff das yhr ewr auffsehe haltet / denn Moses
hat gesagt / du solt vatter vnd mutter ehren / vnd wer vatter
odder mutter flucht / der soll des tods sterben / yhr aber
saget / Eyn mensch soll sagenn zu vatter odder mutter /
Corban / das ist / Es ist got geben das dyr solt vō myr zu
nuß komen / vñ so laßt yhr yhn surt yhn nichts thun seynem
vater odder seynem mutter / vñ hebt auff gottis wortt /
durch ewre auffseh / die yhr auffgesetzt habt / vnnnd des gley-
chen thutt yhr viel.

(gott geben etc.)
odder / Es ist dyr
nuß / wenn
ichs zu opffer
gebe.
Corban aber he-
breisch heyst eyn
opffer.

Matth. 15. Vnd er rieß zu yhm das ganze volck / vnnnd sprach zu yhn /
Horet myr alle zu / vnd vernehmet mich / Es ist nichts außßer
dem mensche das yhn funde gemeyn machē so es ynn yhn
gehet / sondern das von yhm aus gehet / das ist / das den
menschen gemeyn macht. Satt yemant oren zu horen / der
hore. Vnd da er von dem volck yns haus kam / fragten yhn
seyne lurger vmb diße gleychnis / vnnnd er sprach zu yhn /
seydt yhr den auch so vnuerstendig? vernemet yhr noch nit /
das alles / was außßen ist / vnd ynn den menschen geht / das
kan yhn nicht gemeyn machen? Denn es gehet nicht yn seyn
herze / sondern ynn den bauch / vnd gehet aus durch den
naturlichen gang der da aus seget alle speysse.

Vnnnd er sprach / das da aus dem menschen gehet / das macht
den menschen gemeyn / denn von ynnen aus dem herzen
der menschen / gehen er aus / böße gedanden / ehebruch /
hurerey / mord / dieberey / geyß / schalckeyt / list / vntzucht /
schalcks auge / gottis lesterung / hoffart / thorheyt / Alle diße
böße stück / gehen von ynnen eraus / vnd machen den men-
schen gemeyn.

Vnnnd er stund auff vnnnd gieng von dannen ynn die grenze
Tyri vnnnd Sidon / vnnnd gieng ynn eyn haus / vnd wollt es
niemand

EUANGELION

niemand wissen lassen/vñ kund doch nicht verporgen seyn/ Matth. 15
denn eyn weyb die hatte vñ phm gehoret/wilcher tochterlin
eyn verjawbern geyst hatte/vñ sie kam/vñnd fiel nyder zu
seynen fussen/vñnd es war eyn friechisch weyb von Spro-
phenice / vñnd sie bat phn / das er den teuffel aus trybe
von phrer tochter/Ihesus aber sprach zu phr/las zuuor die
kinder satt werden / Es ist nit seynn / das man der kynder
brott neme/vñd werffs fur die hunde/sie antwortet aber/
vñd sprach zu phm / la herre Aber doch essen die hundlin
vnter dem tisch / von den brotsamen der kinder / vñnd er
sprach zu phr / vmb des wortts willen / so gang hyn / der
teuffel ist von deynrer tochter aus gefaren / vñnd sie gieng
hyn vnn phr haus / vñnd fand / das der teuffel war auß-
gefaren/vñnd die tochter auff dem bette ligend.

Vñnd da er widder aus gieng vñ den grenzen Tyri vñd
Sidon / kam er an das Gallileische meer / mitten vnter die
grenze der zehen stedte / vñnd sie brachten zu phm eyne
tawben der redet schwerlich/vñd sie baten phn/das er die
hand auff phn leget/vñd er nam phn vñ dem volda/beson-
ders / vñnd legt phm die finger vnn die oren/vñd spuget/
vñd ruret seyne zunge / vñd sahe auff gen hymel / suffhet
vñd sprach zu phm / hephethah / das ist / thu dich auff/vñd
also bald / thatten sich seyne oren auff / vñnd das band
seyner zungen wartt los/vñnd redte recht/vñd er verpott
phn/sie solltens niemant sagen/pha mehr er aber verpott/
phr mehr sie ausbreptten/vñnd verwunderten sich vñ die
mass/vñnd sprachen/Er hats alles wol ausgericht/die taw-
ben hatt er horend gemacht / vñnd die sprachlosen redend.

Das Acht Capitel.

Zu der zeit/da viel volda da war/vñnd hatten nicht
zu essen/rieff Ihesus seyne iunger zu sich/vñd sprach
zu phn/mich lamert des volda/den sie habē nu drey
tage

tage bey myr beharret vnd haben nichts zu essen/vnd wenn ich sie vngeessen von myr heym ließe gehen / so wurden sie verschmachten auff dem wege/den etlich waren von ferne komen / vñ seyne hunger antwortten yhm / woher nemen wir brot hie ynn der wusten/das wir sie settigeten? vñ er fragt sie / wie viel brot habt yhr? sie sprachē sieben / vnd er gepot dem volck das sie sich lagerten auff die erden / vñ er nam die sieben brot / vñ dandēt / vñ brach sie / vñ gab sie seynen hungern das sie dem volck fur legten/vnd sie legten dem volck fur/vnd hatten eyn wenig fischlin/vnd er benede-
 Matth. 15. depet/vnnd hies das sie die auch fur trugen / sie assen aber
 Matth. 16. vñ worden sadt/vnd huben auff die vbrige brocken/sieben
 Luce. 12. forbe / vñ yhr war die da geessen hatten / bey vier tausent/
 vnd er lies sie von sich.

Vnnd als bald tratt er ynn eyn schiff/mitt seynen hungern/
 vnnd kam ynn die gegend Dalmanutha / vñ die phariseer/
 giengen eraus/vnnd siengen an sich mitt yhm zu befragen/
 vnnd versuchten yhn vnd begerten an yhm eyn zeichen vom
 hymel/vñ er erseufft ynn seynem geyst/vnnd sprach/was
 sucht doch dis geschlecht zeichen? warlich ich sage euch / Es
 wirrt disem geschlecht seyn zeichen geben vnd er lies sie /
 vnd tratt widerumb ynn das schiff/vñ fur yhn vber.

Matth. 16. Vnd sie vergassen/brot mit sich zu nehmen/vnd hatten nicht
 Luce. 12. mehr den eyn brot mit sich ym schiff/vnd er gepot yhn vnd
 sprach/schawet zu/vñ sehet euch fur/fur dem sawrteyg der
 phariseer vñ fur dem sawrteyg Serodis/vnd sie gedachten
 yhn vñ wider vñ sprachen vnternander / das ist / das wir
 nicht brot haben / vnnd Jhesus vernam das / vñ sprach zu
 yhnen / was bekummert yhr euch doch das yhr nit brot
 habt? vernehmet yhr noch nichts? vnnd seyd yhr noch nicht
 verstendig? habt yhr noch eyn verstarret hertze ynn euch?
 habt augen vñ sehet nicht / vnd habt oren vnd horet nicht/
 vnnd dendet nicht dran / da ich funff brot brach vnter funff
 thausent

EUANGELION

thausent / wie viel forbe voll brockē hubt yhr da auff? sie sprachen / zwolffe / da ich aber die sieben brach vnter die vier tausent / wie viel forbe voll brocken hubt yhr da auff? sie sprachen / sieben / vnnnd er sprach zu yhn / wie vernehmet yhr denn nichts?

Vnd er kam gen Bethsaldan / vnd sie brachten zu yhm eynen blinden / vnd baten yhn / das er yhn anturet / vnd er nam den blinden bey der hand / vnd furet yhn hyndaus fur den flecten / vnd spuget ynn seyne augen / vnd leget seyne hand auff yhn / vñ fraget yhn ob er icht sehe / vñ er sahe auff vñ sprach / ich sehe die leutt da her gehen / als ob ich bewome sehe / darnach legt er aber mal die hend auff seyne augen / vnd machet yhn sehend / vñ er ward widder zu recht bracht / vnnnd sahe scharff allerley / vnd er schickt yhn heym / vnd sprach / gang nit hyneyn ynn den flecten / vnd sag es auch niemant drynnen.

Vnd Jhesus gieng aus vnd seyne lurger / ynn die merckte der stad Cesaree Philippi / vnd auff dem wege / fraget er seyne lurger / vnnnd sprach zu yhn / wer sagen die leutt / das ich sey? sie antwortten / sie sagen / du seyst Johannes der tauffer / Etlich sagen du seyst Elias / Etlich / du seyst eyner von den propheten / vnd er sprach zu yhn / yhr aber / wer sagt yhr das ich sey / da antwort Petrus / vnd sprach zu yhm / du bist Christus / vnd er bedrewet sie / das si niemants von yhm sagen sollten / vnd hub an sie zu leren / des menschen son mus viel leyden / vnd verworffen werden von den Eltisten vnnnd hohen priestern vnd schriftgeleerten / vnd todtet werden / vnd vber drey tage aufferstehen / vñ er redet das wortt frey offenbar / vñ Petrus nam yhn zu sich / sleng an yhm zu weren / Er aber wand sich vmb / vñ sahe seyne lurger an / vnd bedrawet Petron / vnnnd sprach / gang hynder mich du Satan / denn du meynest nicht das gottlich / sondern das menschlich ist.

Matth. 16
Luce. 9.

Vnd

- Matth. 16. Vnd er rleff zu sich dem volda / sampt seynen lungern / vñ
 Luce. 9. sprach zu phn / wer myr will nach folgē / der verleugne sich
 selbs / vñ neme seyn creuch auff sich / vnd folge myr nach /
 denn wer seyn leben will behalten / der wirts verlieren /
 vñ wer seyn lebē verleuret / omb meynen vñ ombs Euan-
 gelij willen / der wirts behalten / was hulffs den menschen /
 Matth. 10. wenn er die ganze welt gewunne / vnd neme schaden an
 Luce. 9. seynen selen? odder was kan der mensch geben da mitt er
 seyne seele losze? wer sich aber meyne vñnd meynen wort
 schemet / vnter disem ehebrecherischen vñnd sundigen ge-
 schlecht / des wirrt sich auch des menschen son schemen / weñ
 er komen wirt vñ der herlickest seynes vatters mitt den
 heyligen engeln / Vñnd er sprach zu phnen / warlich ich
 Matth. 16. sage euch / Es stehen etliche hie / die werden den todt nicht
 Luce. 9. schmedenn / bis das sie sehen das reych gottis mit krafft
 komen.

Das neund Capitel.

- Matth. 17. **U**ND nach sechs tagen / nam Jhesus zu sich Petron /
 Luce. 9. Jacoben vnd Johannem / vñnd furt sie auff eyne
 hohen berck besonders alleyn / vnd verfleret sich fur
 phn / vnd seyne kleyder wurden helle vnd seer weys wie der
 schnee / das sie seyn selber auff erden kan so weys machen /
 vñnd es erscheyn phn Elias mit Moise / vnd hatten eyne rede
 mit Jhesu / vnd Petrus antwort vnd sprach zu Jhesu /
 meyster / Sie ist gutt seyn / wir wollen drey hutten machen /
 byr eyne / Moysi eyne / vnd Elias eyne / denn er wuste nicht /
 was er redet / vnd sie waren seer furchtig / vñnd es lam
 eyne wolcken / die vber schattet sie / vñ eyne stym fiel aus der
 wolcken / vnd sprach / Das ist meyn lieber son / gehorchet
 phm / vnd bald dar nach sahen sie omb sich / vnd sahen nie-
 mant mehr denn alleyn Jhesum bey phn.
 Da sie aber vom berg erab glengen / verpot phn Jhesus /
 das

EUANGELION

das sie niemant sagē solltē / was sie gesehē hattē / bis des
mēschē son aufferstund vō den todten / vñ sie behielten das
wort bey sich / vñ befragten sich untereynander / was ist
doch das aufferstehen von den todten? vnd sie fragten yhn
vnd sprachen/sagen doch die schriftgelerten/das Elias mus
vor komen / Er antwort aber vnn̄ sprach zu yhn / Elias soll
ia durch seyne zukunfft alles widders zu recht bringē. Daju /
des menschen son soll viel leyden vnd verachtet werden /
wie denn geschrieben stehet. Aber ich sage euch / Elias ist
komen / vnn̄ sie haben an yhm than / was sie wollten /
nach dem von yhm geschrieben stehet.

Vnn̄ er kam zu seynen hungern / vnd sahe viel volcks vmb
sie / vnd schriftgelerten / die sich mit yhn befragten / vnn̄
als bald / da das volck yhn sahe / entsahen sie sich / vnd
liessē zu / vnn̄ grusseten yhn / vnn̄ er fraget die schrift-
gelerten / was befraget yhr euch mit yhnen? vnn̄ eyner
aus dem volck antwort vnn̄ sprach / meyster / ich hab her-
bracht zu dyr meynen son / der hatt eynen sprachlosen geyst /
vnd wo er yhn erwysscht / so reysst er yhn / vnn̄ schewmet
vnn̄ knirsset mit den zenen / vnn̄ verdorret / vnn̄ ich
hab mit deynen hungern geredt / das sie yhn aus treyben /
vnn̄ sie können nicht.

Er antwort yhm aber vnd sprach / O du unglewbiges ge-
schlecht / wie lange soll ich bey euch seyn? wie lange soll ich
mich mit euch leyden? bringt yhn her zu myr / vnd sie brach-
ten yhn her zu yhm / vnd als bald / da yhn der geyst sahe /
reissz er yhn / vnd siel auff die erden / vnd walhet sich vnd
schewmet / vñ er fraget seynen vater / wie lange ist's / das
yhm das widdersfaren ist? Er sprach / von kind auff / vnn̄
offt hatt er yhn geworffen ynn fewr vnd wasser / das er
yhn vmb brecht / kanstu aber was / so erbarm dich vnser /
vnn̄ hilff vns / Jhesus aber sprach zu yhm / wenn du fund-
tist glewben / alle dīng sīnd möglich dem der do glewbt /
vnd

Matth. 1
Luce. 9.

vnd als bald schrey des kinds vatter mit threnen vnd sprach /
ich glewß lieber herr / hilff meynem onglawben.

Da nu Jhesus sahe / das das völd zu lieff / bedrawet er den
onjamben geyst / vnd sprach zu yhm / du sprachloßzer vnd
tawber geyst / ich geplete dyr / das du von yhm aus farist /
vnd farist hynturt nicht yñ yhn / vn er schrey / vñ reysß yhn
seer / vnd fur aus / vnd er ward als were er todt / das auch
vlel sagten / Er ist todt / Jhesus aber ergreyßß yhn bey der
handt / vnd richtet yhn auff / vñ er stund auff. Vñ da er
heym lam / fragten yhn seyne lunge besonders / warumb
kundten wy yhn nicht aus treyben? vnd er sprach / diße
art kan mit nichte aus faren / denn durch beten vnd fasten.
Vnd sie giengen hynt weg / vnd wandellten durch Gallilea /
vnd er wollt nit das es ymand wissen solt / Er leret aber
seyne lunge vnd sprach zu yhnen / des menschen son wirtt
ober antwort werden / ynn der menschen hende / vnd sie
werden yhn todten / vnd wenn er todtet ist / so wirt er am
dritten tage aufferstehen / sie aber vernamen das wortt
nicht / vnd forchten sich yhn zu fragen.

Matth. 18. Vnd er lam gen Capernaum / vñ da er daheym war / fragt
Luce. 9. er sie / was handelt yhr mit eyinander auff dem wege? sie
aber schwiigen stille / denn sie hatten miteynander auff dem
wege gehandelt / wilcher der grossist were / vnd er saht sich /
vnd rleß den gwelßten / vnd sprach zu yhnen / So ymant
will der erst seyn / der soll der leht seyn vor allen vnd
aller knecht / Vnd er nam eyn kindlin / vñ stellet es mitten
vnter sie / vñ umbsieng das selbige / vnd sprach zu yhnen /
wer eyn solchs kindlin auff nympft / ynn meynem namen /
der nympft mich auff / vñ wer mich auffnympft / der
nympft nicht mich auff / sondern den der mich gesand hatt.

Luce. 9. Johannes aber antwortet yhm vnd sprach / wir sahen ey-
nen / der treyb teuffel aus yn deynem namen / welcher vns
nicht nachfolget / vnd wy verpottens yhm / darumb das
er vns

EUANGELION

er vns nicht nachfolget/ Jhesus aber sprach / p̄hr solts p̄hm
n̄t verp̄eten / deñ es ist niemant / d'eyn thatte thue / p̄ñ
meynem namē / vñ muge bald vbel von m̄r reden / wer
n̄t widd̄er euch ist / der ist fur euch / wer aber euch trendt /
mit eynem becher wassers p̄nn meynem namen / darumb
das p̄hr Chriſtum angehoret / warlich ich sage euch / es wirt
p̄hm n̄t vnuergolten bleyben.

Vnnd wer der fleyen eynen ergert / die an mich gleuben /
dem wer es besser / das p̄hm eyn mulsteyn wurd an seynen
hals gehengt / vnd wurd vns meer geworffen. So dich aber
deyne hand ergert / so hawe sie abe / Es ist d̄r besser / das
du eyn trupel zum lebē eyngeh̄st / deñ das du zwo hend
habest / vnd sareſt p̄nn die helle p̄nn das ewige f̄ewr / da p̄hr
wurm n̄t stirbt / vnd p̄hr f̄ewr n̄t verlescht / Ergert dich
deyn fuß / so hawe p̄hn abe / Es ist d̄r besser / das du lam
zum leben eyngeh̄st / denn das du zween fuß habest / vnnd
werdest p̄nn die helle geworffen / p̄nn das ewige f̄ewr / da
p̄hr wurm nicht stirbt / vnd p̄hr f̄ewr n̄t verlescht. Ergert
dich deyn auge / so wirffs von d̄r / Es ist d̄r besser / das du
eyneugig zum leben eyngeh̄st / denn das du zwey augen
habest / vnnd werdest p̄nn das hellische f̄ewr geworffen /
da p̄hr wurm nicht stirbt / vnd p̄hr f̄ewr nicht verleschet.
Es mus alles mit f̄ewr gefallen werden / vnnd alles opffer
wirt mitt salz gefallen werden / das salz ist gut / So aber
das salz thum wirt / wo mit wirt man wurhen? Sabet
salz p̄nn euch / vnd habet fr̄id vnternander.

Matth. 23

Luce. 17

Isal. 66

Leuf. 2.

(gefallen wer-
den) Im alten
testamēt wartt
alles opffer ge-
fallen vnnd von
allem opffer
wartt was ver-
brant mit f̄ewr /
das zeucht Chri-
stus hie an / vnnd
leget es geystlich
aus / Nemlich /
das durchs Euan-

Das zehendt Capitel.

Und er stund auff / vnd kam von dannen / p̄nn die
ort des J̄dischen lands / iensit des Jordanis / vñ
das volck gieng abermal mitt hauffen zu p̄hm / vnd
wie seyne gewonheyt war / leret er sie abermal / vnd die
phariseer tratten zu p̄hm / vñ fragten p̄hn / ob eyn man sich
scheyden

Matth.

- scheyden muge von seynem weybe/vnd versuchten yhn da mit/Er antwort aber vnd sprach/was hatt euch Moses gepotten? Sie sprachen/Moses hatt zu gelassen eynen scheydebrleß zu schreyben/vnd sich zu scheydenn/Jhesus antwort vnd sprach zu yhn/vmb ewers herzen hertidest/willen/hatt er euch solch gepot geschriben/Aber von anfang der Creatur/hat sie gott geschaffen/eyn menlin vnd frewlin/Gen. 1. et 2. darumb wirt der mensch lassen seynen vater vnd mutter/vnd wirt seynem weybe anhangen/vñ werden seyn die zwey eyn fleysch/So sind sie nu nicht zwey/sondern eyn fleysch/was denn gott zu samen fuget hat/soll der mensch nicht scheyden.
- Vnd daheym/fragten yhn aber mal seyne lunge vmb das selbige/vnd er sprach zu yhn/wer sich scheydet von seynem weybe/vñ freyhet eyn andere/der bricht die ehe an yhr/vñ so sich eyn weyb scheydet von yhrem man/vnd freyhet eynen andern/die bricht yhr ehe.
- Matth. 19. Vnd sie brachtē kindlin zu yhm/das er sie anturet/die lunge aber surē die an/die sie trugē/da es aber Jhesus sahe/wart er vnwillig/vñ sprach zu yhnen/lasset die kindlin zu myr komen/vñ weret yhn nicht/den solcher ist das rey ch gottis/warlich ich sage euch/wer nicht empfehet das rey ch gottis/als eyn kindlin/der wirt nicht hyneyn komē/vnd er vmbsieng sie/vnd leget die hend auff sie/vnd segnet sie.
- Matth. 19. Vnd da er hyenaus gangen war auff den weg/ließ eyner Luce. 18. forne sur/lnyhet sur yhn/vnnd fraget yhn/Gutter meyster/was soll ich thun/das ich das leben ererbe/Aber Jhesus sprach zu yhm/was heysst du mich gut? Niemand ist gut/den alleyn der eynige Gott. Du weysst yhe die gepott woll/Exo. 22. du sollt nicht ehebrechen/du sollt nit todten/du sollt nicht stelen/du sollt nicht falsch zeugnis reden/du sollt niemant teuschen/Ehere deyn vater vnd muter/Er antwortet aber vnd sprach zu yhm/Meyster/das habe ich alles gehalten/von gelion alles durch ein fewr vnd saltz/der allt mensch gecreut zigt verheheret vnnd woll gesaltzt wirt/denn vnser leyb ist das recht opffer Ro. 12. wo aber dz saltz thum wirt vñ das Euan gelio mit menschen lere verderbt/da ist seyn wurgen mehr des alltē mensche/dawachsen denn maden/saltz beyßet aber/drumb ist nott gedult vnnd frid haben ym saltz.

EUANGELION

von meynen jugent auff / vnd Jhesus sahe yhn an / vnd er
 liebet yhn / vnd sprach zu yhm / Eynes seyest du / gang yhn /
 verkauff alles was du hast / vnd gibs den armen / so wirstu
 eynen schatz ym hymel haben / vnd kom / folge mir nach / vñ
 nimm das creutz auff dich / vnd er wart vnmutig vber der
 rede / vnd gieng traurig darvon / denn er hatte viel guter.
 Vnd Jhesus sahe vmb sich / vnd sprach zu seinen jüngern /
 wie schwerlich / werden die reychen ynn das reich Gottis
 komen / die jünger aber entsagten sich vber seynen rede /
 Aber Jhesus antwortet widerumb vnd sprach zu yhn /
 lieben kñder / wie schwerlich ist / das die / so yhr vertrauen
 auff reychtumb setzen yns reich gottis komen / Es ist ley-
 cher / das eyn camel durch eyn nadel ore gehe / denn das
 eyn reicher yns reich Gottis come. Sie entsagten sich aber
 noch viel mehr / vnd sprachen vnterinander / wer kan denn
 selig werden? Jhesus aber sahe sie an / vnd sprach / Bey den
 menschen ist vnmöglich / aber nicht bey Gott / denn alle
 dñg sind möglich bey Gott.

Matth.
Luce. 1

(verfolgung)
 wer gleubet / der
 mus verfolgung
 leyden / vnd alles
 dran setzen /
 dennoch hatt er
 gnug / wo er yhn
 kompt findet er
 vatter / mutter /
 bruder guter ic
 mehr denn er
 yhe verlassen
 kund.

Da sagt Petrus zu yhm / sihe / wir haben alles verlassen /
 vnd sind dir nachgefolget / Jhesus antwort vnd sprach /
 warlich ich sage euch / Es ist niemant / so er verläst / haus /
 oder bruder / oder Schwester / oder vater / oder mutter /
 oder weyb / oder kñder / oder eker / vmb meynen willen
 vnd vmb des Euangelii willen / der nit hundertfeltig emp-
 fahe ist ynn diser heyt / heuser vnd bruder vnd Schwester
 vnd mutter vnd kñder vnd eker / mit verfolgungen / vnd
 ynn der zukunfftigen welt das ewige leben. Viel aber wer-
 den die letzten seyn die die ersten sind / vñ die ersten seyn /
 die die letzten sind. Sie waren aber auff dem wege / vnd
 giengen yhn auff gen Jerusalem / vñ Jhesus gieng fur yhn /
 vnd sie entsagten sich / folgten yhm nach / vnd furchten sich.
 Vnd Jhesus nam aber mal zu sich die zwelffe / vnd saget
 yhn / was yhm wider faren wurde / Sehet / wir gehen
 yhn auff

Matth.
Luce. 1

Matth.
Luce.

hynauß gen Jerusalem / vnd des menschen son wirt vberantwortet den hohen priestern vnnnd schrifftgelerten / vnd sie werden ihn verdamnen zum tode vnnnd vbitantworten den heyden / vnnnd die wer en ihn verspotten / vnnnd gepfellen / vnnnd verspehen / vnnnd todten / vnnnd am dritten tage wirt er auffstehen.

Matth. 20. Da giengen zu ihm Jacobus vnnnd Johannes die sone Zebedei / vñ sprachen / Meyster / wir wollen / das du uns thuest / was wir dich bitten werden / Er sprach zu ihnen / was wollt ihr / das ich euch thu ? sie sprachē zu ihm / gib ons / das wir sitzen / eyner zu deyner rechten / vñ eyner zu deyner linden vnn deyner herliedeyt / Jhesus aber sprach zu ihnen / ihr wißet nit was ihr bittet / Kund ihr den fisch trincken / den ich trincke / vñ euch teuffen lassen / mit der tauffe / da ich mit tauffet werde ? Sie sprachen zu ihm / ja wir kunden es wol / Jhesus aber sprach zu ihnen / zwar / ihr werdet den fisch trincken / den ich trincke / vnd tauffet werden mit der tauffe / da ich mit tauffet werde / zu sitzen aber zu meyner rechten vnd zu meyner linden / ist nicht meyner macht euch zu geben / sondern den es bereyhet ist.

Vnd da das die zehen horeten / wurden sie vnwillig vber Jacoben vnnnd Johannes / Aber Jhesus ließ ihn vnnnd sprach zu ihnen / ihr wißet / das vnter den heyden / die so fur herrn gehalten seyn wollen / die hirschen / vnd die mechtigen vnter ihn / faren mit gewalt / Aber also soll es vnter euch nit seyn / sondernn wilcher will gros werden vnter euch / der soll ewr diener seyn / vnd wilcher vnter euch wil der furnemist werdē / der soll aller knecht seyn / denn auch des menschen son ist nit komen / das er ihm dienen lasse / sondern das er diene / vnd gebe seyn leben zur beghalung fur viele.

Matth. 20. Vnd sie kamen gen Jericho / vnd da er von Jericho gieng /
Luce. 18. er vnd seyne lunge vn̄ eyn groß volck / do saß eyn blinder Bartimeus Timei son am wege / vnd bettelt / vñ da er horet /

EUANGELION

das es Jhesus von Nazareth war / sieng er an zu schreyen /
vnd sagē / Jhesu / du son David / erbarm dich meyn / vnd
viel bedraweten yhn / er solt still schweigen / Er aber schrey
viel mer / du son David erbarm dich meyn / vnd Jhesus
stund still / vnd lies yhm ruffen / vnd si er lieffen dem blinden /
vnd sprachen zu yhm / Sey getrost / stand auff / er ruffet dyr /
vnd er warff seyn kleyd von sich / stund auff / vnd sam zu
Jhesu / vnd Jhesus antwort vñ sprach zu yhm / was wiltu /
d3 ich dyr thun soll? Der blinde sprach zu yhm / Meister /
das ich sehend werde / Jhesus aber sprach zu yhm / gang
hyn / deyn glawbe hat dyr geholffen / vnd als bald wart
er sehend / vnd folget yhm nach auff dem wege.

Das eylffte Capitel.

Und da sie nah zu Jerusalem komen / gen Beth-
phage vnd Bethanien / an den oleberg / sand er
seiner junger zween / vnd sprach zu yhnen / gehet
hyn / ynn den felden der fur euch ligt / vnd als bald / wenn
yhr hyn eyn kompt / werdet yhr finden eyn fullen ange-
bunden / auff welchem nie seyn mensch geessen ist / loset
es ab / vnd furet es her / vnd so ymant zu euch sagen wirt /
warumb thut yhr das? so spricht / der herr darff seyn /
So wirt ers bald her senden / Sie giengen hyn vnd funden
das fullen gepunden an der thur aussen auff der wege-
scheyd / vnd losetens auff / vnd ettlich die da stunden / spra-
chen zu yhn / was macht yhr / das yhr das fullen auff loset?
sie sagte aber zu yhn / wie yhn Jhesus gepotten hatte / vnd
die lieffens zu / vnd sie fureten das fullen zu Jhesu / vnd
legten yhre kleyder drauff / vnd er sagte sich drauff / viel
aber / breytten yhre kleyder auff den weg / Ettlich hymen
meygen von den bewmen / vnd straweten sie auff den weg /
vnd die forne fur giengen vnd die hernach folgeten / schreyen
vnd sprachen / Hosanna / gebenedeyet sey / der da kompt /
ynn

Matth. 21
Luce. 19.

pnn dem namē des herren / gebenedeyet sey das reyck vn-
fers vaters Dauid / das do kompt pnn dem namen des
herrnn / Soſianna pnn der hohe.

Matth. 21. Vnd der herre zog eyn zu Jeruſalem / vnd gieng pnn den
tempel / vnd er beſahe alles / vnd am abent / gieng er hynaus
gen Bethanien / mit den zwelffen / vnd des andern tages /
da er von Bethanien gieng hungerte yhn / vnd ſahe eynen
ſeygen bawm von ferne / der bletter hatte / da tratt er hyn-
zu / ob er etwas drauff funde / vnnnd da er hyn zu ſam /
ſand er nichts denn nur bletter / denn es war noch nicht
vmb die zeit das ſeygen ſeyn ſollten / vnd Jheſus antwort
vnnnd ſprach zu yhm / Tu eſſe von dyr niemant leyne frucht
ewiglich / vnd die iunger horeten das.

Matth. 21. Vnnnd ſie kamen gen Jeruſalem / vnnnd Jheſus gieng pnn den
Luce. 19. tempel / ſieng an / vnd treybaue / diewerkauffer vnnnd kauffer
pnn dem tempel / vñ die tiſſche der wechſler vnd die ſtuel
der tawben kremer ſies er vmb / vnnnd lies nicht zu / das
yemant eyn gezeug durch den tempel truge / vnd er leret
vñ ſprach zu yhn / iſts nicht geſchrieben? meyn haus ſoll
heſſen eyn bet haus allen volder / yhr aber habt eyn
morder gruben draus gemacht.

Vnnnd es kam fur die ſchriſtgelerten vnd hohen prieſter /
vnnnd ſie trachten / wie ſie yhn vmb brechtē / ſie furchten ſich
aber fur yhm / denn alles volck verwunderte ſich ſeyner
lere / vnnnd des abents / gieng er hynaus fur die ſtadt / vnnnd
am morgen / giengen ſie fur vber / vnd ſahen den ſeygen
bawm / das er verdorret war bis auf die wurzel / vnnnd Pe-
trus gedacht dran / vnnnd ſprach zu yhm / meyster ſihe / der
ſeygenbawm / den du verflucht haſt / iſt verdorret / Jheſus
antwortt vnnnd ſprach zu yhnen / Habet glawben an gott /
warlich ich ſage euch / wer zu diſem berge ſprech / heb dich
vñ wirff dich pns meer / vnnnd zweyffelte nicht yn ſeynem
herren / ſondernn glewbtē / das es geſchehen wurd / was
er

EUANGELION

er sagt/so wurde ihm geschē/was er sagt/Darumb sage Matth. 21
ich euch / alles was ihr bittet inn ewrem gepet / gleubt
nur / das ihrs empfangen werdet / so wirts euch werden /
vnd wenn ihr steht vnd betet/so vergebt/wo ihr etwas
widder ymant habet / auff das auch ewr vatter im hymel
euch vergebe ewr feyle.

Vnd sie kamen aber mal gen Jerusalem / vnd da er im Matth. 21
tempel gieng/kamen zu ihm die hohen priester vnd schr.fft. Luce. 20.
gelerten / vñ die elisten / vnd sprachen zu ihm / aus waser
macht thustu das? vnd wer hat dir die macht geben/ das
du solchs thust? Ihesus aber antwort vnd sprach zu ihnen /
ich will euch auch eyn wortt fragen / antwortet mir / so
will ich euch sagē / aus waser macht ich das thue. Die tauffe
Johannis / war sie von hymel odder von menschen? Ant-
wortet mir. Vnd sie dachten bey sich selbs/sagen wir/Sie
war von hymel / so wurt er sagē / warumb habt ihr denn
ihm nicht glawbt? sagen wir aber / sie war von menschen/
so furchten wir uns fur dem veld / denn sie h elien alle /
das Johannes eyn rechter prophet were / vnd sie ant-
worten vnd sprachen zu Ihesu / wir wissens nicht / vnd
Ihesus antwort vnd sprach zu ihm / so sage ich euch auch
nit / aus waser macht ich solchs thue.

Das zwelfft Capitel.

Und er sieng an zu ihm durch gleychnisse zu reden/ Matth. 21
Eyn mensch pflanzt eyne weynberg / vnd furet Luce. 20.
eynen zawn drum / vnd grub eyne fellter / vnd
bawet eyne turn / vnd thett ihm aus den weyngartnern/
vñ zoch vber land / vnd sandte eyne knecht / zur zeitt /
zu den weyngartnern / das er vñ den weyngartnern neme
von der frucht des weynberges / sie namen ihn aber vnd
steupten ihn / vnd lieffen ihn leer von sich / Aber mal /
sand er zu ihnen / eyne andern knecht / den selbigen stey-
nigten

nigeten sie / vnd zu blaweten yhm den kopff / vnd lieffen yhn geschmecht von sich / Abermal sand er eynen andern / den selbigen todten sie / vnd viel andere / etlich sleupten sie / etlich todten sie.

Da hatt er nach eyn eynigen son / der war yhm lieb / den sand er auch zu yhnen zum lezten / vñ sprach / sie werden sich fur meynem son schewē / Aber die selbē weyngartner sprachen vnter eynander / dich ist der erbe / kompt / last vns yhn todten / so wirt das erbe vnser seyn / vñ sie namen yhn / vnd todten yhn vnd wurffen yhn eraus fur den weynberg / Was wirt nu der herr des weynberges thun? Er wirt formen vnd die weyngartner ombringen / vnd den weynberg andern geben. **Psal. 117.** Habt yhr auch nit gelesen disse schrift? Der sleyn / den die bawleut verworffen haben / der ist eyn edel sleyn worden / von dem herren ist es geschē / vnd es ist wunderlich ynn vnsern augen. Vnd sie trachten darnach wie sie yhn griffen / vnd furchten sich doch fur dem volck / den sie vernamen / das er auff sie dise gleychnisse geredt hatte / vnd sie lieffen yhn vnd giengen daruon.

Vnd sie sandten zu yhm etliche von den phariseer vnd Herodis diener / das sie yhn siengen ynn wortten / vnd sie kamen vnd sprachen zu yhm / Meister / wir wissen das du warhafftig bist / vnd du fragist nach niemant / denn du achtest nit das ansehē der menschen / sondern du lereest den weg gottis recht / Ist recht / das man dem leyser zinsze gebe odder nicht? sollen wirn geben / odder nicht geben? Er aber merckt yhr heucheleyn / vnd sprach zu yhnen / was versucht yhr mich? Bringt mir eynen pfennig / das ich yhn sehe / vnd sie brachten yhm / da sprach er / wes ist das bild vñ vñschrift? sie sprachen zu yhm / des leyfers / da antwort Jhesus vnd sprach zu yhnen / so gebt dem leyser / was des leyfers ist / vnd gotte / was gottis ist / vñ sie verwunderten sich seyn.

Da

EUANGELION

Da tratten die Saduceer zu yhm / die da haltē / es sey leyh aufferſtehung / die fragten yhn vnd ſprachen / meyster / Moſes hat vns geſchrieben / weñ ymands bruder ſtirbt / vnd leſſit eyn weyb / vnd leſſit leyh kinder / ſo ſoll ſeyn bruder deſſelbigē weyb nemen / vñ eyne ſamen erwecken ſeynem bruder / Nu ſind geweſen ſieben bruder / der erſt nam eyn weyb / der ſtarb / vnd lies leyh ſamen / vnd der ander nam ſie / vnd ſtarb / vnd lies auch nicht ſamen / der dritt des ſelben gleychen / vnd namen ſie alle ſieben / vnd lieſſen nicht ſamen / zu lezt ſtarb nach allen das weyb auch / Nu ynn der aufferſtehung / wenn ſie aufferſtehen / wilchs weyb wirt ſie ſeyn vnter yhnen? denn ſieben haben ſie zum weybe gehabt. Da antwortet Jheſus vñ ſprach zu yhnen / iſts nicht alſo? yhr yrret / darumb das yhr nichts wiſſet von der ſchriſt noch von der krafft gottis? wenn ſie von den todten aufferſtehen werden / ſo werden ſie nicht freyen noch ſich freyen laſſen / ſondern ſie ſind / wie die Engel ym hymel / Aber von den todten / das ſie aufferſtehen werden / habt yhr nicht geſehen ym buch Moſi / bey dem puſch wie gott zu yhm ſaget vnd ſprach / Ich bynn der gott Abraham / vnd der gott Iſaac / vñnd der gott Jacob? Es iſt leyh gott der todten / ſondern es iſt eyn gott der lebendigen / darumb yrrt yhr ſeer.

Vnd es tratt zu yhm der ſchriſtgelerten eyner / der ynen zugehoret hatte / wie ſie ſich miteinander befragten / vñ ſahe das er yhnen ſeyngeantwortet hatt / vnd fragt yhn / wilchs iſt das furnemſt gepott fur allen? Jheſus aber antwort yhm / das furnemſt gepot fur allen gepoten iſt das / Gore Iſrael / gott vnſer herr / iſt eyner / vnd du ſollt lieben gott deynen herrn / vnganhem herzen / vnganher ſeele / vnganhem gemuet / vñnd von allen kreyſten / Das iſt das furnemſt gepott / vñnd das ander iſt yhm gleich / du ſollt lieben deynen nechſten als dich ſelbs / Es iſt leyh ander groſſer gepott denn diſe.

Vnd

Matth. 12.
Luce. 20.
Deut. 25.

Exod. 3.

Matth. 22.

Deut. 6.
Leut. 19.

Vnd der schriftgelerter sprach zu ihm / meyster du hast warlich recht geredt / denn es ist eyn gott / vnd ist seyn anderer außser ihm / vnd den selben lieben von ganhem herhen / von ganhem gemuete / von ganher seel / vnd von allen freßten / vnd lieben seynen nehisten als sich selbst / das ist mehr denn brandopffer vñ alle opffer / da Jhesus aber sahe / das er vernunftiglich antwortte / sprach er zu ihm / du bist nicht ferne von dem reich gottis / vnd es thurst ihn niemant weytter fragen.

Matth. 22. Vnd Jhesus antwortet vnd sprach / da er leret im tempel /
 Luce. 20. Wie sagen die schriftgelerten / Christus sey Dauids son?
 Psal. 109. Er aber Dauid / spricht durch den heyligen geist / Der herr hat gesagt zu meinem herrn / setze dich zu meiner rechten / bis das ich lege deine seynde / zum schemel deiner fusse. Da heyst ihn lah Dauid seynen herrn / woher ist er denn seyn son? vnd viel volcks horet ihn gern.

Matth. 23. Vnd er leret sie vnd sprach zu ihnen / habt acht auff die
 Luce. 20. schriftgelerten / die gehen gern inn langẽ fleydern / vnd lassen sich gern grussen auff dem markt / vnd sitzen gern oben an inn den schulen / vnd vber tisch / sie freßten der wittwen heuser / vnd wenden langes gepett fur / die selbigen werden desto mehr verdammis empfahen.

Luce. 21. Vnd Jhesus setzt sich gegen den gottis fasten / vnd schawet / wie das volck gelt eynlegt inn den gottis fasten / vnd viel reychen legten viel eyn / vnd es kam eyn arme wítwe / vnd legte eyn zwey scherfflin / die machen eynen heller / vnd er rieß seyne lunge zu sich / vnd sprach zu ihm / warlich ich sage euch / diße arme wítwe hatt mehr inn den gottis fasten gelegt / denn alle die eyn gelegt haben / den sie haben alle von ihrem vbrigen eyn gelegt / diße aber hatt von ihrem darbe alles was sie hatt / ihre ganß narung eyngelegt.

EUANGELION

Das dreytzehend Capitel.

Und da er aus dem tempel gieng / sprach zu yhm Matth. 24
 seyner iunger eyner / meyster / sihe wilche steyne / Luce. 21.
 vnd wilcheyn baw ist das? vnd Jhesus antwortet /
 vnd sprach zu yhm / sihestu wol all d' isen grossen baw? nicht
 eyn steyn wirt auff dem andern gelassen werden / der nicht
 zu brochen werde.

Vnd da er auff dem oleberge sass / gegen dem tempel / frag-
 ten yhn besonders / Petrus vnd Jacobus vñ Johannes
 vñ Andreas / sage vns / weñ wirt das alles geschehen? vñ
 was wirt das zeychen seyn / weñ das alles soll vollendet
 werden? Jhesus antwort yhn / vñ sieng an zu sagen / sehet
 zu / das euch nicht yemand verjure / denn es werdē viel
 komen vnter meynem namen / vnd sagen / ich byn Christus /
 vnd werden viel verjuren.

Wenn yhr aber horen werdet vō irlegen vnd von kriegs
 geschrey / so fürcht euch nicht / denn es mus also geschehen /
 aber das ende ist noch nit da / Es wirt sich emporen eyn
 veld vber das ander / vñ eyn konigreich vber das ander /
 vñ werden geschehen erdbeben hyn vñ wider / vñ wirt seyn
 thewertheit vñ schrecken / Das ist der nodt anfang.

Sehet aber yhr auff euch selbs / deñ sie werden euch vñ
 antworten für die radtheuser vnd schulen vñ yhr musset ge-
 steupt werden / vnd für fursten vnd konige must yhr ge-
 furet werden vmb meynes namen willen / zu eynem zeugnīs
 vñ sie / vnd das Euangelīō mus zuuer predigt werden
 vnter alle volder.

Wenn sie euch nu furen vnd vñ antwortten werden / so Matth. 10
 orget nit was yhr reden solt / vnd bedenkt auch nichts Luce. 12.
 zuuer / sondern was euch zu der selbigen stunde gebē wirt /
 das redet / deñ yhr seyt nit die da reden / sondern der hey-
 lige geyst / Es wirt aber vberantworten eyn bruder den
 andern

andern zum todt/vnnd der vater den son/vnnd die kinder werden sich emporen widder die elltern/vnnd werden yhn zum todt helffen/vnd werdet gehasset seyn von yderman/vmb meynes namen willen/wer aber beharret bis an das ende/der wirt selig.

Matth. 24. Wenn yhr aber sehen werdet den wusten greuel (von dem
Daniel. 9. gesagt hatt der prophet Daniel) das er stehet / da er nicht soll (wer es liest/der vernem es) als dan/wer ynn Judea ist der fliehe auff die berge / vnd wer auff dem dach ist / der steppe nicht erndt der yns haus / vnd kome nicht dreyen/etwas zu holen aus dem hause/vnnd wer auff dem feld ist/der wend sich nitt vmb seyne fleyder zu holen/wch aber den schwangern vñ seugern zu der zept. Bittet aber / das ewere flucht nit geschehe ym winter. Den ynn disen tagē werdē solche trubfall seyn/als sie nie gewesen sind von anfang der Creaturn/die gott geschaffen hat bis her/vnd als auch nitt werden wirt/vnd so der herr disetagenichtverfurgethette/wurde seyn mensch selig/aber vmb der auferweleten willen/die er auß erwelet hatt / hatt er disetage verfurht.

Matth. 24. Wenn nu yemant zu der zept wirt zu euch sagen / sihe / hie
Luce. 17. ist Christus/sihe/da ist er/so glawbt nicht/denn es werden sich erheben falsche Christi vnd falsche propheten / zeichen vñ wunder thun / das sie auch die auferwelten verführen / so es muglich were / sehet yhr aber zu / sehet / ich habs euch alles zuuor gesagt.

Aber zu der zept / nach diesem trubfall / werden sonn vnnd mond/yhren sheyn verlieren/vñ es werden die stern vom hymel fallenn / vñ die krefft der hymel werden sich bewegen/vnnd denn/werden sie sehen des menschen son komen/ynn den wolcken mitt grosser krafft vnd herlicheyt/vnd denn wirt er seyn engell sendend/vnnd wirt versamlen seyne auferweleten von den vier winden/von eynem end der erden bis ans ander.

EUANGELION

An dem jeygen bawm lernet eyn gleychnis/wenn iht jeyne zweyge safftig werdē/vnd bletter gewynnet/so wisset yhr/ das der somer nahe ist/Also auch wenn yhr sehet/das solchs geschicht/so wisset/dz es nah fur der thur ist/warlich ich sage euch/dis geschlecht wirt nit vergehē/bis das diß alles geschehe/hymel vñ erden wirt vergehen/meyne wortt aber werden nicht vergehen/von dem tage aber/vñ der stunde weys niemand/auch die engel nicht ym hymel/auch der son nicht/sondern alleyn der vater.

Matth. 24
Luce. 21.

Sehet zu/wachet/vnd bettet/denn yhr wisset nicht/wenn es zeyt ist/gleych als ein mensch/der vber land zoch/vnd lies jeyn haus/vnd gab jeynen knechten macht/eynem iglichen jeyn werdē/vñ gepot dem thurhutter/er sollt wachen. So wachet nu/den yhr wisset nit/wenn der herr des haus kompt/ob er kompt/am abent/odder zu mitternacht/odder umb des hanenschrey oder des morgens/auff das er nicht schnell come/vnd finde euch schlaffend/was ich aber euch sage/das sage ich allen/wachet.

Das vierzehend Capitel.

Und nach zweyen tagen war ostern vnd die tage der jussen brott/vnd die hohen priester vñ schriftgelerten suchten/wie sie yhn mitt listen griffen/vnd todtē/sie sprachen aber/lah nicht auff das fest/das nicht eyn auffruhr werde ym vold.

Matth. 26
Luce. 22.

Vnd da er zu Bethanien war ynn Simonis des ausschigen hauszē/vnd sass zu tisch/da kam eyn weyb/die hatte eyn glassz mitt vngesellchem vnd kostlichem narden wasser/vñ sie zu brach das glas vnd gos es auff jeyn hewbt/da waren etlich/die wurden entrustet/vñ sprachen/was soll doch diser vnradt? man kund das wasser mehr denn vmb hundert pfennige verkaufft haben/vnd dasselb den armen geben/vnnd murreten vber sie.

Matth. 26
Johan. 12.

Jhesus

Jhesus aber sprach / laßt sie mit friden / was bekummert
 yhr sie? Sie hatt eyn gutt werd an myr gethan / yhr habt
 allheyt armē bey euch / vnd weñ yhr wollt / fundt yhr yhn
 gutthun / mich aber habt yhr nit allheyt / Sie hatt than was
 sie fund / sie ist zuuor komen / meynen leychnam zu salben /
 zu meynem begrebnis / Warlich ich sage euch / wo dis Euan-
 gelion predigt wirt yn aller welt / da wirt man auch das
 sagen / zu yhrem gedechtnis / das sie iht than hat.

Matth. 26. Vnd Judas Ischarioth / eynes dē den zwelffen / gieng hy
 Luce. 22. zu den hohen priestern / das er yhn verrhete / da sie das
 horeten / wurden sie fro / vnd verhiessen yhm das gelt zu
 geben / vnd er suchte / wie er yhn fuglich verrhete.

Matth. 26. Vnd am ersten tag der jussz brod / da man das osterlamp
 Luce. 22. opfferte / sprachen seyne iunger zu yhm / wo wiltu das wir
 hy gehen / vnd bereyten / das du das osterlamp essist?
 Vnd er sandte seyne iunger zween / vñ sprach zu yhn /
 gehet hy ynn die stadt / vñ es wirt euch eyn mensch be-
 gegen / der treget eyn krug mit wasser / folget yhm nach /
 vnd wo er eynghehet / da sprecht zu dem haußwirt / der mey-
 ster leß byr sagen / wo ist das gasthaus / darynn ich das
 osterlamb esse mit meynen iungern? vnder wirtteuch eyne
 grossen saal zeugen / der gepflastert vnd bereyttet ist / da
 selbs richtet fur vns zu / vnd die iunger giengen aus / vñ
 kamen ynn die stadt / vñ fundens / wie er yhn gesagt hatte /
 vnd bereyten das osterlamb.

Am abent aber / kam er mit den zwelffen / vñ als sie zu tisch
 lassen vnd assen / sprach Jhesus / warlich ich sage euch /
 Eynes vnter euch der mit myr isset / wirt mich verrhaten /
 vnd sie wurden trawrig vnd sagten zu yhm / eynes nach
 dem andern / Byr ichs? vnd der ander / bynn ichs? Er ant-
 wortt vnd sprach zu yhnen / Eynes aus den zwelffen / der
 mit myr ynn die schussell tauchet / zwar des menschen son
 gehet hy / wie dē yhm geschriben sthet / weh aber dem
 mensche

EUANGELION

mensche/durch welchen des menschen ion verthaten wirt/
es were dem selben menschen besser/das erniegeporn were.
Vndynn dem sie assen/nam Jhesus das brod/vnd sprach
den seggen/vnd brachs/vnd gabs yhn/vnnd sprach/Nemet/
Eisset/das ist meyn leychnam/vñ nam den kyleh/vnd dan-
cket/vñ gabe yhn den/vñ sietruncken alle draus/vñ ersprach
zu yhnen/das ist meyn blut/des newen testaments/das
fur viele vergossen wirt/Warlich ich sage euch/das ich yhn-
furt nicht trincken werde/von dem gewechse des weyn-
stods/bis auff den tag/da ichs newe trincke ynn dem reich
Gottis/vnd da sie den lobesang gesprochen hatten/glengen
sie an den oleberg.

Vnd Jhesus sprach zu yhnen/yhr werdet euch ynn diser
nacht alle an myr ergern/den es stehet geschriebē/Ich werd
den hirtten schlagē/vnd die schaff werden sich zu streuen/
Aber nach dem ich auferstehe/will ich fur euch yhn vñ Gal- Zachari
lilean gehē/Petrus aber saget zu yhm/vñ weñ sie sich alle
ergerten/so wolt doch ich mich nit ergern/Vnd Jhesus
sprach zu yhm/warlich ich sage dyr/Seutte yñ diser nacht/
ehe denn der han zweymal frehet/wirtstu mich drey mal
verleugnen/Er aber redte noch weytter/la weñ ich mit dyr
auch sterben muste/wolte ich dich nit verleugnen/des sel-
bigē gleyche sagten sie alle.

Vnnd sie kamen ynn das feldt/mit namen/Gethsemane/
vnnd er sprach zu seynen iungern/setzt euch hie/bis ich yhn
gehe vnd bete/vnd nam zu sich/Petron vnd Jacoben vnd
Johannen/vnd sieng an zu erhittern/vnd zu engsten/vnnd
sprach zu yhnen/Meyne seel ist betruht bis an den tod/ent-
halt euch hie/vnd wachet/vñ gleng eyn wenig furbas/siel
auff die erden vñ bettet/das/so es muglich were/die stund
fur vber glenge/vnd sprach/Abba meyn vatter/Es ist dyr
alles muglich/vbirhebe mich dises filchs/doch nit was ich
will/sondern was du wilt.

Vnd

Vnd kam vnd fand sie schlaffend / vnd sprach zu Petro / Simon schleffistu? vermochtistu nicht eyne stunde wachē? wachet vñ bettet / das yhr nicht ynn versuchūg fallet / Der geyst ist willig / aber das fleisch ist schwach / Vnd gieng widder hyr vnd bettet / vnd sprach die selbigen wortt / vnd kam wider / vnd fand sie abermal schlaffend / Deñ yhr augen waren voll schlaffs / vñ wußten nit was sie yhm antwortten / Vnd er kam zum dritten mal vnd sprach zu yhnen / la schlafft nu vnd ruget / Es ist gnug / die stund ist komen / sehet / des mensche son wirrt vñ antworttet ynn der sunder hende / stehet auff / laßt vns gehen / Sehet / der mich verrhet ist er bey komen.

- Matth. 26. Vnd als bald / da er noch redet / kam er zu Judas eyner von den zwelffen / vnd eyn grosse schar mit yhm / mit schwerten
- Luce. 22. vnd mit stangen / von den hohen priestern vnd schriftgelehrten vnd Eltisten / vnd der verrexter hatte yhnen eyn
- Johan. 18. zeychen geben vnd gesagt / welchen ich küssen werde / der ist / dē greysst / vñ suret yhn gewisß / vñ da er kam / tratt er bald zu yhm / vñ sprach zu yhm / lieber meyster / lieber meyster / vnd kisset yhn / Die aber legten yhre hende an yhn / vnd griffen yhn / Eyner aber von denen / die da bey stunden / zoch seyn schwert aus / vnd schlug des hohen priesters knecht / vnd hwyb yhm eyn ohr ab.

Vnd Jhesus antwort vnd sprach zu yhnen / yhr seyt außgangen / als zu eynem morder / mit schwerten vñ mit stangen / mich zu fahen / ich byn teglich bey euch ym tempel gewesen / vnd hab geleret / vnd yhr habt mich nit griffen / Aber auff das die schrift erfüllet werde. Vnd die iungern verließten yhn alle / vnd flohen / vnd es war eyn iungling / der folget yhm nach / der war mit lynwadē beleydet auff der bloßen hautt / vnd die iunglinge griffen yhn / Er aber lies faren den lynwadē / vnd floch blos von yhnen.

Vnd sie sureten Jhesum zu dem hohen priester / dahyn zu
sammen

EUANGELION

sammen komen waren alle hohe priester/ vnd Eltisten vnd
schrifftgelerten / Petrus aber folget yhm nach von fernem/
bis hyneyn ynn des hohen priesters pallatz/ vnd er war da
vnnnd sass bey den knechten / vnd wermet sich.

Aber die hohen priester vnd der ganze radt/ suchten zeugnis
widder Jhesum / auff das sie yhn zum tod brechten / vnd
funden nichts / viel gaben falsch zeugnis widder yhn / vnd
yhre zeugnis stympt nicht vber eyn / vnd ettlich stunden
auff / vnd gaben falsch zeugnis wydder yhn / vnd sprachen/
wyr haben gehort / das er jaget / ich will den tempel / der
mit henden gemacht ist/ abbrechen/ vnd ynn dreyn tagen/
eynen andern bawen / der nit mit henden gemacht sey/
vnd yhre zeugnis stympt noch nicht vber eyn.

Vnnnd der hohe priester stund auff vnter sie / vnnnd fraget
Jhesum vnnnd sprach/ Antwortestu nichts? was zeugen disse
widder dich? Er aber schweng stille vñ antwortet nichts.

Matth.
Luce. 22
Johan.

Da fraget yhn der hohe priester abermal, vñ sprach zu yhm/
Bistu Christus der son des gebenedeytē? Jhesus aber sprach/
ich byns / vñ yhr werdet sehen des menschen son / sihen zur
rechten hand der krafft / vnnnd komen mit des hymels wol-
cken. Da zu reys der hohe priester seynen rock / vnd sprach/
was durffen wyr weytter zeugen? yhr habt gehoret die
Gottis lesterung / was dunckt euch? sie aber verdampften
yhn alle / das er des tods schuldig were / Da siengen an et-
lich yhn zu verspeyn / vñ verdecken seyn angesicht / vnnnd
mit feusten schlagen / vnd sagen zu yhm / lieber weyssage
vns / vnd die knechte schlugen yhn yns angesicht.

Vnd Petrus war da nyden ym palatz / da kam des hohen
priesters megde eyne/ vnnnd da sie sahe Petron sich wermen/
schawet sie yhn an / vnd sprach / vnd du warest auch mit
Jhesu von Nazareth / Er leugnet aber vnd sprach / ich kenne
yhn nit / weys auch nit was du sagist / Vñ er gieng hyenaus
yñ den vorhoff / vñ der han frehet / Vñ die magd sahe yhn/
vnnnd

vnnd hub aber mal an/zu sagen denen die da bey stunden/
dieser ist der eyner / vnnd er leugnet aber mal / Vnd nach
eyner fleyen weyl sprachen aber mal zu yhm / die dabey
stunden / warlich du bist der eyner / denn du bist eyn Gal-
lileer vnnd deyne sprache lautt gleych also / Er aber sieng
an sich zu verfluchen vnd schweren / ich kenne den menschen
nitt vñ dem yhr saget. Vñ der han frehet zum andern mal/
Da gedacht Petrus an das wort / das Jhesus zu yhm saget/
ehe der han zweymal frehet / wirstu mich drey mal ver-
leuden / vñ er hub denn an zu weynenn.

Das funfftzehend Capitel.

Matth. 27.
Luce. 23.
Johan. 18.

Und bald am morgen / hielten die hohen priester
eynen rad mit den Eltisten vnd schriftgelehrten /
dazu der ganze rad / vnd bunden Jhesum / vnd
sireten yhn hyn / vnd vbitantworten yhn Pilato / vnnd
Pilatus fraget yhn / Bistu eyn konig der Juden? Er ant-
wort aber vnd sprach zu yhm / Du sagists / vnnd die hohen
priester beschuldigetē yhn hartt / Pilatus aber fraget yhn
aber mal vnd sprach / Antwortist du nichts? Sihe / wie hartt
sie dich verflagenn / Jhesus aber antwortet nichts mehr /
also / das sich auch Pilatus verwundert.

Er pflegt aber yhnen auff das osterfest eynen gefangen los
zu geben / wilchen sie begereten / Es war aber eyner / ge-
nant Barabbas / gefangen mitt den auffrurischen / die ym
auffruhr eynen mord begangen hatten / vnd das volck gieng
hyn auff vnd batt / das er thett / wie er pfleget / Pilatus aber
antwortt yhn / wollt yhr / das ich euch den konig der Juden
los gebe? denn er wuste / das yhn die hohē priester / aus
neyd vbitantwortt hatten / Aber die hohen priester reychten
das volck / das er yhn viel lieber den Barabban los gebe.
Pilatus aber antwortt widderrumb / vnnd sprach zu yhnen /
was wollt yhr denn / das ich thue / dem / den yhr schuld-
get

EUANGELION

get / er sey eyn könig der Juden? sie schryen aber mal / Creutzig yhn / Pilatus aber sprach zu yhn / was hat er vbelsthan? Aber sie schryē noch viel mehr / Creutzige yhn / Pilatus aber gedacht dem volcke gnug zu thun / vnd gab yhn Barrabbam los / vnd gepfiffelte Ihesum / vnd vber antwortet yhn / das er creutzigt wurde.

Die kriegsknecht aber fureten yhn hynen ynn das richt-
haus / vnd rieffen zusammen die ganze rotte / vñ zogen yhm
eyne purpur an / vñ flochten eyn dorne krone / vñ setzten
sie yhm auff / vñ siengen an yhn zu grüssen / Gott grus dich /
lieber könig der Juden / vñ schlugen yhm das heubt mit
dem rhor / vnd verspeyten yhn / vnd sielen auff die knye /
vnd beteten yhn an.

Vnd da sie yhn verspottet hatten / zogen sie yhm die purpur
aus / vñ zogen yhm seyne eygen kleyder an / vñ fureten
yhn aus / das sie yhn Creutzigten / vñ zwungen eynen /
der fur vber gieng / mitt namē Simon vñ Cyrene der vom
feld kam / der eyn vater war Alexandri vnd Ruffi / das er
yhm das creuche truge / vñ sie brachten yhn an die stett /
Golgatha / das ist verdolmetscht / scheddelstet / vnd sie ga-
ben yhm vermyrrheten weyn zu trincken / vnd er nam
nicht zu sich.

Vnd da sie yhn creutzigt hatten / teyeten sie seyne kleyder /
vnd worffen das los drum / welcher was vberkeme / Vñ
es ware umb die dritte stund / vnd sie creutzigten yhn /
Vñ es war die vberschrift seyner vrsach oben vber yhn ge-
schrieben / nemlich / Eyn könig der Juden / vnd sie creu-
zigten mit yhm zween morder / eynen zu seyner rechten
vñ eynen zur linken / vñ die schrift ist erfüllet / die da Jhal. 5
sagt / Er ist vnter die vbeltheter gerechnet.

Vñ sie giengen fur vber / vñ lesterten yhn / vñ schüttelten
yhre heubt / vñ sprachen / Psu dich / wie seyn zu brichstu den
tēpel / vnd bawist yhn yñ dreyē tagē / hilf dyr nu selber
vñ

vñ steygerab vñ creuch / Des selbē gleychē / die hohē Priester
 verspottē phn vnternander / sampt den schriftgelerten vñ
 sprachen / Er hatt andern geholffen / kan phm selber nit
 helfen / Ach des Christus vñ des konigs von Israel / Er
 steyge nu von dem creuche / das wir sehen vñ gleuben.
 Vñ die mit phm creuchiget waren / schollten phn auch.

Matth. 27. Vñ da es vmb die sechste stund kam / wart eyn finsternis
 Luce. 23. vber das ganze land / bis vmb die neunde stund / vñ vmb
 Psal. 21. die neunde stund / rieß Jhesus laut / vñ sprach / Eli Eli
 lamma asabthani? das ist verdolmetscht / meyn Gott / meyn
 Gott / warumb hastu mich verlassen? Vñ etlich die da bey
 stundē / da sie das horeten / sprachen sie / sihe / Er rufft dem
 Elias / da ließ eyn vñd Juliet eynen schwam mitt essig /
 vñd steck phn auff eyn rhor / vñd trendt phn / vñd sprach /
 Gallt / laß sehen / ob Elias come vñd nehm phn abe.

Matth. 27. Aber Jhesus schrey laut / vñd gab den geyst auff / vñd
 Luce. 23. der vorhang ym tempel zu reysß / ynn zwey stück / von oben
 Johan. 19. ann bis vñden aus. Der hewbtman aber der da bey stund
 gegen phm vber / vñd sahe / das er mit solchem schrey den
 geyst auff gab / sprach er / warlich diser mensch ist Gottis
 son gewesen. Vñd es waren auch weyber da / die von ferne
 solchs schaweten / vñter wilchen war Maria Magdalena /
 vñd Maria des kleynen Jacobs vñd Josefs mutter / vñ Salome /
 die phm auch nach gefolget hatten / do er yn Gallilea
 war / vñd gedienet / vñd viel andere / die mit phm hynauff
 gen Jerusalem gangen waren.

Vñd am abent / die weyl es der rust tag war / wilcher ist /
 der vorjabbath / kam Joseph von Arimathia / eyn ehrbarer
 Rads herr / wilcher auch wartet auff das reich gottis /
 der gieng thurstig hynen zu Pilato / vñd batt vñb den
 leychnam Jhesu / Pilatus aber verwunderte sich / das er
 schon todt war / vñd rieß dem hewbtman / vñd fragt phn /
 ob er langst gestorben were / vñ als ers erkundet von dem
 hewbtman /

EUANGELION

hewbtman/ gab er Joseph den leychnam/ vnd er laufft eyn
linwad/ vnd nam yhn ab/ vnd wickelt yhn ynn die linwad/
vnd legt yhn ynn eyn grab/ das war ynn eyenen fels ge-
hawen/ vñ wellhet eyenen steyn fur des grabis thur/ aber
Maria Magdalena vnd Maria Joses schaweten zu/ wo
er yhn gelegt wart.

Das Sechzehend Capitel.

Und da der Sabbath vergangen war/ laufften Ma-
ria Magdalena vñ Maria Jacobi vnd Salome
specery auff das sie kernen/ vnd salbeten yhn/ vnd
sie kamen zum grabe an eynem sabbather seer frue/ da die
sonne auff gieng/ vnd sie sprachen vnternander/ wer wall-
het vns den steyn von des grabis thur? vnd sie sahen da yhn/
vñ wurden gewar/ das der steyn abgewelhet war/ denn
er war seer gros/ vnd sie giengen hyneyn/ ynn das grab/
vnd sahen eyenen iungling zur rechten hand sitzen/ der hatte
eyn lang weyßz kleyd an/ vnd entsahten sich.

Er aber sprach zu yhnen/ Entsetzt euch nicht/ yhr sucht Jhe-
sum vñ Nazareth den gecreuchigten/ Er ist auffgestanden/
vñ ist nicht hie/ Sihe da/ die stete/ da sie yhn yhn legten/
gehet aber yhn/ vnd saget seyenen iungern/ vnd Petro/ das
er fur euch yhn ynn Gallilean gehen wirt/ da werdet yhr
yhn sehen/ wie er euch gesagt hat. Vnd sie giengē schnell
eraus/ vnd flohen von dem grabe/ denn es war sie zittern
vnd entsetzen an komen/ vñ sagten niemant nichts/ den
sie warē furchtig.

Jhesus aber/ da er auffgestanden war frue am ersten tag
der Sabbather/ erscheyn er am ersten der Maria Magda-
lene/ von welcher er sieben gepster aus trieben hatte/ vnd
sie gieng yhn vnd verkundigts denen/ die mit yhm gewesen
waren/ die da leyde trugen vnd weyneten/ vnd die selbi-
gen/ da sie horeten/ das er lebet vnd were yhr erschynen/
glewbtē

Matth. 28.
Luce. 24.
Johan. 20.

gleubten sie nicht / Darnach / da zween aus yhnen wandelten / offenbart er sich / vnter eyner andern gestalt / da sie auff's feld giengen / vnd die selbigen giengen auch hyr / vnd verkündigten das den andern / den gleubten sie auch nicht.

Luce. 24. Zu leht / da die eyfse zu tisch saßen / offenbart er sich / vnd schallt yhren vnglawbē / vñ yhes hergē hertidēpt / das sie nit gleubt hattē / denen / die yhn gesehen hatten aufferstanden / vnd sprach zu yhnen / gehet hyr / ynn alle welt / vnd predigt das Euangelion / aller Creatur / wer do glawbt vnd tauft wirt / der wirt selig werden / wer aber nicht gleubt / der wirt verdampt werden.

Die zeychen aber / die do folgen werden / denen / die do glawben / sind die / ynn meynem namen werden sie teuffell aus treyben / mitt newen zungen reden / schlangen ver-treyben / vnd so sie etwas todtlichs trincken / wirts yhn nicht schaden / auff die franden werden sie die hende legen / so wirts besser mit yhn werden.

Vnd der herre / nach dem er mit yhn geredt hatte / wart er auff gehaben gen hymel / vnd hat sich zur rechten hand got-tis gesetzt / Sie aber giengen aus / vnd predigten an allen orten / vnd der herre wirkte mit yhn / vñ befrefftiget das wort / durch mitt folgende zeychenn.

Ende des Euangeli
S. Marcus.

EUANGELION

Sontemal sichs viel vnter wunden haben zu stellen die rede von den geschichten/so vnter vns ergangen sind / wie vnns das geben haben / die von anfang selbstichtige vnd diener des wortts gewesen sind / hab ichs auch fur gutt angesehen/nach dem ichs alles von forne an/ mitt fleys erfolget habe/das ichs zu dyr/meyn guter Theo- phile/ordenlich schrybe / auff das du dich erkundigest eyne gewissen grunds / der wort / wilcher du vnterrichtet bist. Zu der zeyt Herodes / des koniges Judee/war eyn priester vñ der ordnung Abia / mitt namen Zacharias / vñnd seyn weyb von den tochtern Aaron/vñnd yhr name/Elisabeth/ 1.Paral. 24.
Sie waren aber alle beyde frum fur gott/vñd giengen ynn allen gepotten vñnd sayungen des herrn vñthaddelich/vñd sie hatten seyn kind/denn Elisabeth war vnfruchtbar/vñd waren alle beyde wol betaget.

Dñ es begab sich / da er priester ampts pfleget fur gott zur zeyt seyner ordnung/nach gewonheyt des priesterthumbs/ war es an yhm / das er reuchen solt / vñd gieng ynn den tempel des herren / vñ die ganze menge des volcks war hausszen ym gepett / vñter der stund des reuchens / Es erscheyn aber yhm der Engel des herrn / vñnd stund zur rechten am reuch alttar / vñd als Zacharias yhn sahe / erschrad er/vñ es kam yhn eyn furcht an.

Aber der Engel sprach zu yhm / furcht dich nicht Zacharia/ denn deyn gepet ist erhoret / vñ deyn weyb Elisabeth wirt dyr eyne son gepetē/ des namen solltu Johannes heysen/ vñd du wirst seyn freud vñnd wonne haben/vñnd viel werden sich seyner gepurt frewen/Denn er wirt gros seyn fur dem herren/weyn vñd starck getrend wirt ernicht trindē/vñnd wirt noch ynn mutter leybe erfullet werden mit dem heyligen geyst / vñd er wirt der kinder von Jsrael viel zu Gott yhrem herren beferen / vñd er wirt fur seynem an- gesicht her gehen ym geyst vñ krafft Elias / zu beferen die 1.Malach. 4.
hergen

herhen der vetter zu den kindern / vnd die vnglewbigen zu der flughepft der gerechten / zu bereyten dem herren eyn gerust volda.

Vnd Zacharias sprach zu dem Engel / wo bey soll ich das erkennen? den ich byn allt/vñ meyn weyb ist betaget / Der engell antwort vnnnd sprach zu yhm / Ich byn Gabriel der fur gott stehet / vnnnd bynn gesand mit dyr zu reden / das ich dyr solchs verkündiget/vnnnd sihe/du wirst erstummen/vnnnd nicht reden können/bis auff den tag/da dis geschehen wirt/darumb/das du meynen Worten nit geglawbet hast/wilche sollen erfüllet werden zu yhrer zeytt.

Vnd das volda wartet auff Zacharias/vñ verwunderte sich/das er so lange verhog ym tempel/vnd da er aussert gieng/fund er nit mit yhn reden/vnd sie merckten das er eyn gesicht gesehen hatte ym tempel / vnd er windet yhn / vnd bleyb stumme.

Vnnnd es begab sich / da die zeyt seyner ampts aus war / gieng er heym ynn seyn haus/vnnnd nach den tagen/wart seyn weyb Elisabeth schwanger/vñ verbarg sich sunff monden / vnd sprach / also hatt myr der herr gethan / ynn den tagen / da er mich angesehen hatt / das er meyne schmach vnter den menschen von myr neme.

Vnnnd ym sechsten mond / ward der Engel Gabriel gesand von Gott/ynn eyne stadt ynn Gallilea/die heyst Nazareth/zu eyner lungfrawen / die vertrauet war eynem man mit namen Joseph/von dem hauße Dauid/vñ der lungfrawen name heyst Maria / vñ der Engel kam zu yhr hynen / vnd sprach / Begrisset seystu holdselige / der herr ist mit dyr / du gebenedeyte vnter den weyben.

Da sie aber yhn sahe / erschrad sie vber seynere rede / vnd gedacht / wilch eyn grus ist das. Vnd der Engel sprach zu yhr/furcht dich nit Maria/du hast gnade funden bey Gott. Sihe / du wirst schwanger werden ym leybe / vnd eynen
son

EUANGELION

son geperen / des namen soltu Jhesus heysen / der wirt gros vnn̄d eyn son des hohisten genennet werden / vnd Gott der herr wirt yhm den stuel seynes vatters Dauid geben / vnd er wirt eyn konig seyn vber das haus Jacob ewiglich / vnn̄d seynes konigreichs wirt seyn ende seyn.

Da sprach Maria zu dem Engel / wie soll das zu gehen? Syntemal ich von keinem man weys. Der Engel antwortet vnn̄d sprach zu yhr / der heylige geyst wirt komen vber dich / vnd die krafft des hohisten / wirt dich vber Schatten / darumb auch / das heylige / das geporn wirt / wirt Gottes son genennet werden / vnn̄d sihe / Elisabeth deyne gesreunte / gehet auch schwanger mit eynem son ynn yhrem alter / vnn̄d gehet iht ym sechsten mond / die ym geschrey ist / das sie vnfruchtbar sey / denn bey Gott ist seyn ding vnmuglich / Maria aber sprach / Sihe hie byn ich die magd des herren / myr geschehe wie du gesagt hast / vnd der Engel gieng von yhr.

Maria aber stund auff ynn den tagen / vnd gieng auff das gepirge mit zuchten / zu der stadt Jude / vnd kam ynn das haus Zacharias / vnd grussset Elisabeth / Vnn̄d es begab sich / als Elisabeth den grusz Maria horet / hupffet das kind ynn yhrem leybe / vnd Elisabeth wart des heyligen geysts voll / vnd rieß laut vnd sprach / gebenedeyet seystu vnter den weyben / vñ gebenedeyet sey die frucht deynes leibes / vñ wo her kompt myr das / das die mutter meynes herrn zu myr komet? Sihe / da ich die stymme deynes grussis horete / hupffete mit freuden das kind yñ meinem leybe / vñ selig bistu / die du geglewt hast / denn es wirt vollendet werden / was zu dyr gesagt ist von dem herrn.

Vnd Maria sprach / Meyne seel erhebt den herrn vñ meyn geyst frewet sich ynn Gott meynem heyland. Den er hat die nydrickst seynes magd angesehen / Sihe / von nu an werdē mich selig preysen alle kinds kind. Denn er hat grosse ding an myr than / der do mechtig ist / vñ des name heylig ist.

Vnd

Vnd seyne barmhertzigkeyt weret ymer fur vnd fur bey denen die yhn furchten / Er hat gewalt vber mit seynem arm / vñ zurstrewet die da hoffertig sind ynn yhrs herzen ynn / Er hat die gewaltigen von dem stuel gestossen / vnd die nydrigen erhaben / Die hungerigen hatt er mit guttern erfüllet / vnd die reychen leer gelassen. Er hatt der barmhertzigkeyt gedacht / vnd seynem diener Jsrael auff geholffen / wie er geredt hat vnsern vettern Abraham vnd seynem samen / ewiglich. Vnd Maria bleyb bey yhr bey drey monden / darnach leret sie widderumb heym.

Vnd Elisabeth kam yhr zept / das sie geperen solt / vnd sie gepar eynen son / vñ yhr nachparr vñ gesreunten horetē / das der herr grosse barmhertzigkeyt an yhr than hatte / vnd freweten sich mit yhr. Vnd es begab sich am achten tage kamen sie zu beschneyten das kindlin / vnd hießen yhn nach seynem vatter / Zacharias. Vñ seyne mutter antwortet / vnd sprach / mit nichten / sondern er soll Johannes heysen / vnd sie sprachen zu yhr / ist doch niemant ynn deyner freuntschafft / der also heysse. Vñ sie wündeten seynem vatter / wie er yhn wolt heysen lassen / vñ er foddert eyn tesselin / schreyb vñ sprach / Er heyst Johannes / vñ sie verwunderten sich alle / vñ als bald wart seyn mund vnd seyne zunge auffthan / vñ redte vñ benedeyt Gott / Vnd es kam eyn furcht vber alle nachparr / vñ all dis geschicht wart ruchtig auff dem ganhen Jüdischen geprüge / vnd alle die es horeten namens zu herzen / vñ sprach / was / meynstu / will aus dem kindlin werden / denn die hand gottis war mit yhm. Vnd seyn vater Zacharias wart des heyligē geystes voll / weysagt vnd sprach / Gebenedeyt sey Gott der herr von Jsrael / denn er hatt besucht vnd erloset seyn volck / Vnd hatt auff gericht eyn horn der selickē ynn dem hausse seynes dieners Dauid / Als er vorhepten geredt hat durch den mund seynes heyligen propheten / Das er vns erredtet von vnsern

EUANGELION

(auffgang)
Christus nach
der Gottheit ist
der auffgang
ynn der hohe
vom vatter.

vnsern feynnden / vnnd von der hand aller die vns hassen /
Vnd die barmherzigkeyt erhegette vnsern vatern / vn̄ ge-
deht an seynen heyligen bund / das ist / an den eyd / den er
geschworen hatt vnserm vater Abraham / vns zu geben / Das
wyr erloset aus der hand vnser feynnde / yhm dieneten on
furcht vnser leben lang ynn heyligkeyt vn̄ gerechtigkeyt die
ym gesellig ist. Vnnd du kindlin wirst eyn prophet des ho-
hsten heysen / du wirst fur dem herrn her gehen / das du
seynen weg bereytest / vnd erkentnis der seligkeyt gebist sey-
nem vold / die do ist ynn vergebung yhrer sundē / durch die
herhliche barmherzigkeyt vnser̄s gottis / durch wilche vns
besucht hat der auffgang aus der hohe / Auff das er erscheyne
denen / die da sitzen ym finsternis vn̄ schatten des tods / vnd
richte vnser fusse auff den weg des fridens.
Vnd das kindlin wuchs vnd wartt starck ym geyst / vnd
war ynn der wusten / bis das er solt her fur treten fur
das vold Jsrael.

Das ander Capitel.

(gescheht)
Schehen ist hie/
das eyn iglicher
hatt müssen an-
zeigen wie viel
er vermocht am
gutt.

Es begab sich aber zu der zeytt / das eyn gepott
von dem kaysar Augustus aus gieng / das alle
welt gescheht wurde / vn̄ diße scheidung war die
aller erste / vnd geschach zur zeytt / da Kyprenios landpfleger
yn Sirien war / vnnd es gieng yderman das er sich schehen
lies / eyn iglicher yn̄ seyne stadt. Da macht sich auff / auch
Joseph vñ Gallilea / aus der stadt Nazareth / ynn das Ju-
disch land / zur stad Dauid / die da heyst Bethlehem / da-
rumb dz er von dem hauße vnd geschlecht Dauid war / auff
das er sich schehē liesse mit Maria seynem vertrameten
weybe / die gieng schwanger.

Vnnd es begab sich / ynn dem sie daselbst waren / lam die Matth. 1.
zeyt das sie geperen sollte / vnnd sie gepar yhren ersten son /
vnnd wickelt yhn ynn windel / vnd leget yhn ynn eyn krip-
pen

pen / denn sie hatten sonst keynen raum ynn der herberge.
 Vnnd es waren hirtten ynn der selben gegend auff dem
 feld / bey den hurtten / vnnd hutten des nachts / yhrer
 herde / vnnd sihe / der engel des herrnn trat zu yhn / vñ
 die klarheyt des herren leuchtet omb sie / vnnd sie furchten
 sich seer / vnnd der Engel sprach zu yhn / furcht euch nicht /
 Sehet / ich verkündige euch grosse freude / die allem völd
 widderfaren wirt / denn euch ist heutthe der heyland geporn /
 wilcher ist Christus der herre / ynn der stadt Dauid / vnnd
 das habt zum zeychen / yhr werdet finden das kind ynn win-
 del gewickelt / vñ ynn eyner stricken liegen / Vnnd als bald
 war da bey dem engel / die menge der hymliſchen heerschaa-
 ren / die lobeten Gott / vñ sprachen / Preys sey Gott ynn der
 hohe / vñ frid auff erden / vñ den menschen eyn wolgefallen.
 Vnd es begab sich / da die Engel von yhn gen hymel furen /
 sprachen die hirtten vnternander / laß vns nu gehen gen
 Bethlehem / vñ sehen die geschicht / die da geschehen ist / die
 vns der herre kundthan hat / vñ sie kamen eynlend / vnnd fun-
 den beyde Marian vnnd Joseph vñ das kind ynn der stricken
 liegen. Da sie es aber gesehen hatten / breyten sie das wort
 aus / wilchs zu yhn von diesem kind geredt war / vnnd alle
 fur die es kam / wunderten sich der rede / die yhn die hirtten
 gesagt hatten / Maria aber behielt alle diese wort / vñ be-
 wüget sie ynn yhrem herzen / vñ die hirtten lereten widder-
 umb / preyseten vnnd lobten Gott vmb alles / das sie ge-
 horet vñ gesehen hatten / wie denn zu yhn gesagt war.
 Vnnd da acht tage vmb waren / das das kind beschnyten
 wurde / da ward seyn name genennet / Jhesus / wilcher
 genennet war vñ dem engel / ehe denn er empfangen wart
 ynn mutter leybe.

(wolgefallen)
 Das die men-
 schen dauon lust
 vñ lieb haben
 werden gegen
 Gott vñ vnter-
 nander / vñ das
 selb mitt band
 annemen / vñ
 dar vber alles
 mitt freuden /
 lassen vñ ley-
 den.

Leuf. 12. Vnd da die tage yhrer reynigunge nach dem geseß Moſi /
 Exod. 34. kamen / brachten sie yhn gen Jerusalem / auff das sie yhn
 dar stelleten dem herren / wie den geschrieben steht ym ge-
 seße

EUANGELION

sehe des herren/allerley menlin/das zum ersten die mutter Leul. 12.
bricht / soll Gotte geheyliget heysen / vnnnd das sie geben
das opffer / nach dem gesagt ist ym gesehe des hernn / eyn
par turtell tawben / odder zwo iunge tawben.

Vnnnd sihe / Eyn mensch war zu Jerusalem / mit namen /
Simeon / vnd der selbige mensch war frum vnd gott furch-
tig/vnd warttet auff den trost Jsrael/vnnnd der heylige gepst
war ynn yhm / vnnnd yhm war eyn antwort worden von
dem heyligen gepst / Er sollt den todt nicht sehen / er hette
den zuuor den Christ des herren gesehen / vñ kam aus an-
regen des gepsts ynn den tempel.

(frid faren)
Das ist / Du will
ich frolich ster-
ben.

Vnnnd da die Elltern das kind Jhesum ynn den tempel brach-
ten / das sie fur yhn thetten / wie man pflegt nach dem ge-
seh / da nam er yhn auff seyne arme / vnd benedeyet Gott/
vud sprach / Herr / Tu lessistu deynen diener ym fride faren/
wie du gesagt hast / denn meyne augen haben deynen hey-
land gesehen / wilchen du bereyttet hast fur allen volckern/
das licht zur erleuchtung der heyden/vnd zum preysz dey-
nes volcks Jsrael.

Vnnnd seyn vatter vnd mutter wunderten sich des / das von
yhm geredt wart / vnd Simeon benedeyet sie / vnnnd sprach
zu Maria seyner mutter / Sihe / diser wirtt geseht / zu eynem
fall vnd auff stehen / vieler ynn Jsrael / vnd zu eynem zey-
chen / dem widderprochen wirt / vnd es wirt eyn schwerd
durch deyn seele dringen/auff das vieler herthen gedanden
offinbar werden.

Vnd es war eyne prophetyn / Sanna / eyn tochter Phanuel
vom geschlecht Aser/die war wol betaget/vnnnd hatte gelebt
sieben iar mit yhrem man von yhrer iungfrawschafft an /
vnnnd war nu eyne wittwe bey vler vnd achtzig iarn / die
kam nyimmer vom tempel / dienet Gott mit fasten vnd
betten tag vnd nacht / die selbige trat auch hyndu / zu der
selbigen stunde / vnd preyszete den herrn / vnd redte von
yhm

ym zu allen / die da warteten auff die erlösung Jsrael.
Vnd da sie alles vollendet hatten nach dem gesetz des herrn /
lereten sie sich wider ynn Galilean / zu irer stad Nazareth /
aber das kind wuchs / vnd wart stark ym geist / voller
weysheit / vnd Gottis gnade war bey yhm.

Vñ seyne Eltern giengen alle iar gen Jerusale / auff das
osterfest / vñ da er zweiff iar alt war / giengen sie hinauff
gen Jerusalem / nach gewonheit des festis / vnd da sie die
tage vollendet hatten vnd / giengen wider zu haus / bleib
das kind Jhesus zu Jerusalem / vñ seyne Eltern wußten
nicht / sie meynten aber er were vnter den geferten / vnd
samen eyne tage reyße / vñ suchten yhn vnter den gefreun-
ten vnd bekantē / vñ da sie yhn nit funden / giengen sie
widerumb gen Jerusalem vnd suchten yhn / vñ es begab
sich / nach dreien tagen / funden sie yhn ym tempel sitzen
mitten vnter den lernern / das er yhn zu horete / vnd sie fra-
gete / vnd alle die yhm zu horetē / wunderten sich seyns
verstands vnd seynes antwort.

Vnd da sie yhn sahen / entsahen sie sich / vñ seyne mutter
sprach zu yhm / mein son / warumb hastu vns das than?
Sihe / deyn vatter vñ ich haben dich mit schmerzen gesucht /
vnd er sprach zu yhnen / was istis / das yhr mich gesucht habt?
wißet yhr nit / das ich seyn mus / yñ dem das meines va-
ters ist? Vnd sie verstunden das wort nit / das er mit yhn
redet / vñ er gieng hinab mit yhnen / vñ kam gen Nazareth /
vnd war yhn vnterthan / vnd seyne mutter behielt alle dißze
wort ynn yhrem herten / vñ Jhesus hieb fort an weys-
heit / alter / vñ gnade bey Got vnd den menschen.

Das dritte Capitel.

In dem funfftzehenden iar / des kaysertums kaysers
Tiberij / da pontius Pilatus landpfleger war ynn Judea /
vñ Herodes eyn vierfurst ynn Gallilea / vñ seyn bru-
der

EUANGELION

der Philippus eyn vierfurst zu Iturea vnd ynn der gegend
 Trachonitis / vñ Eisanias eyn vierfurst zu Abilene / da Sannas
 vñ Cayphas hohe priester waren / da geschach der be-
 felh Gottis zu Johannes Zacharias son / ynn der wusten /
 vnnnd er kam ynn alle gegend vmb den Jordan / vnd pre-
 diget die tauffe der bußze / zur vergebung der sünde / wie
 geschrieben stehet yn dem buch der rede Jsaias des pro-
 phetē / der do saget / Es ist eyne ruffende stymm ynn der
 wusten / Bereyttet den weg des herrē / vñ macht seyne steyge
 richtig / Alle tall sollen voll werden / vnnnd alle berge vnnnd
 hugel sollen ernydrikt werden / vnnnd was krum ist soll
 richtig werden / vnnnd was vneben ist soll schlechter weg
 werden / vnd alles fleyßch wirt den heyland Gottis sehen.
 Da sprach er nu zu dem volck / das hyrnaus gieng / das es
 sich von yhm tauffen ließe / yhr ottern geßichte / wer hatt
 denn euch so gewiß gemacht / das yhr entrinnen werdet
 dem zukunfftigen zorn? Sehet zu / thutt rechtschaffene frucht
 des bus / vñ nempt euch nit fur zu sagē / wyr habē Abrahā
 zum vater / denn ich sage euch / Gott kan Abraham aus disen
 steynē kinder erwecken / Es ist schon die art den bawmen an
 die wurzel gelegt / wilcher bawm nicht gute frucht bringt /
 wirt abgehawen vnd ynn das fewr geworffen.
 Vnd das volck fragt yhn / was sollen wyr deñ thun? Er
 antwort vnnnd sprach zu yhnen / wer zween rod hatt / der
 gebe dem / der leyenen hatt / vnd wer speysze hatt / thue
 auch also.
 Es kamen auch die zolner / das sie sich teuffen ließen / vñ
 sprachen zu yhm / Meyster / was sollen denn wyr thun? Er
 sprach zu yhnen / vberseht die leutt nicht mitt ewer han-
 tierung.
 Da fragten yhn auch die kriegs leutt vnd sprachē / was sollen
 deñ wyr thun? vñ er sprach zu yhnen / thut niemant gewalt
 odder vnrecht vnd laßt euch benugen an ewrem solde.

Matth. 3.
 Marci. 1.
 Isa. 40.

Matth. 3

(Gewalt)
 Gewalt ist offen-
 licher freuel / Un-

Als

- Matth. 3. Als aber das volck ym wahn war / vnnnd dachten alle ynn
 Marci. 1. yhren herhen / ob er villsicht Christus were / antwortet
 Johan. 1. Johannes / vnnnd sprach zu allen / ich teuffe euch mitt wasser /
 Es kompt aber eyn stercker nach myr / dem ich nit gnugsam
 byn / das ich die rymen seyner schuch aufflosze / der wirt
 euch mitt dem heyligen geyst vñ mit sewr teuffen / vnn des-
 selben hand ist die worff schauffel / vnd er wirt seyne tennen
 fegen / vnnnd wirt den weyhen ynn seyne scheuren samlen /
 vnd die sprew wirt er mit ewigem sewr verprennen / vnd
 viel anders mehr vermanet vnd verkündigt er dem volck.
 Matth. 14. Herodes aber der vlerfurst da er von yhm gestrafft wartt /
 Marci. 6. vmb Herodias willen seynes bruders weyb / vnd vmb alles
 vbeln willen das Herodes thett / vber das alles legt er Jo-
 hannes gefangen.
 Matth. 3. Vnd es begab sich / da sich alles volck liez teuffen / vnnnd
 Marci. 1. Jhesus auch tauffet war / vnd bettet / das sich der hymel
 Johan. 1. auffthet / vnnnd steg ernyder der heylige geyst / yñ leyp-
 licher gestalt auff yhn / wie eyne tawbe / vnd eyne stym kam
 aus dem hymel / die sprach / Du bist meyn lieber son / ynn
 dem ich eyn wolgefallen habe.
 Vnd Jhesus war / bey dreyssig iaren / do er anfieng / vnnnd
 er wartt gehalten fur eyn son Joseph / wilcher war eyn
 son Eli.
 der war eyn son Matat.
 der war eyn son Leul.
 der war eyn son Melchi.
 der war eyn son Janna.
 der war eyn son Joseph.
 der war eyn son Matathias.
 der war eyn son Amos.
 der war eyn son Nahum.
 der war eyn son Esli.
 der war eyn son Range.

recht / ist wenn
 man mitt bösen
 tuden dem an-
 dern seyn recht
 verdruct vñ
 schendet.

Von diesem
 schreyben Philo
 vnd Josephus /
 der Mattheus
 etlich aussen
 lest.

der

EUANGELION

der war eyn son Maath.
der war eyn son Matathias.
der war eyn son Semei.
der war eyn son Joseph.
der war eyn son Juda.
der war eyn son Johanna.
der war eyn son Respa.
der war eyn son Zorobabel.
der war eyn son Salathiel.
der war eyn son Neri.
der war eyn son Melchi.
der war eyn son Abdi.
der war eyn son Kosam.
der war eyn son Elmadam.
der war eyn son Ser.
der war eyn son Jeso.
der war eyn son Eliezer.
der war eyn son Jorem.
der war eyn son Mattha.
der war eyn son Leui.
der war eyn son Simeon.
der war eyn son Juda.
der war eyn son Joseph.
der war eyn son Jonam.
der war eyn son Eliakim.
der war eyn son Melea.
der war eyn son Menam.
der war eyn son Mathathan.
der war eyn son Nathan.
der war eyn son Dauid.
der war eyn son Jesse.
der war eyn son Obed.
der war eyn son Boos.

der

der war eyn son Salmon.
der war eyn son Rahasson.
der war eyn son Aminadab.
der war eyn son Aram.
der war eyn son Esrom.
der war eyn son Phares.
der war eyn son Juda.
der war eyn son Jacob.
der war eyn son Jsaac.
der war eyn son Abraham.
der war eyn son Thara.
der war eyn son Nachor.
der war eyn son Saruch.
der war eyn son Ragahu.
der war eyn son Phalef.
der war eyn son Eber.
der war eyn son Sala.
der war eyn son Caynan.
der war eyn son Arphachsad.
der war eyn son Sem.
der war eyn son Noe.
der war eyn son Lamech.
der war eyn son Mathusala.
der war eyn son Enoch.
der war eyn son Jared.
der war eyn son Maleleel.
der war eyn son Caynan.
der war eyn son Enos.
der war eyn son Seth.
der war eyn son Adam.
der war Gottis.

EUANGELION

Das vierde Capitel.

Ihesus aber voll heyliges geystes kam wider von dem Jordan / vnd wart vom geyst ynn die wusten gefuret / Matth.
vnd wart vierzig tage lang versucht von dem teuffel /
vnd er ass nichts yhn denselbigen tagen / vnd da die
selbigen eynde hatten / hungerte yhn darnach. Der teuf-
fel aber sprach zu yhm / Bistu Gottis son / so sprich zu dem
steyn / das er brod werde / vnd Ihesus antwortet vnd
sprach zu yhm / Es steht geschrieben / Der mensch wirt Deute.
nicht alleyn von brodt leben / sondern von eynem iglichen
wort Gottis.
Vnd der teuffel furet yhn auff eynen hohen berg / vnd wer-
set yhm alle reyck der gangen welt / ynn eynem augenblick /
vnd sprach zu yhm / Dise macht will ich dyr alle geben / vnd
yhre herlickeit / denn sie ist myr vbirgeben / vnd ich gebe
sie wilchem ich will / so du nu mich wilt anbeten / soll es
alles deyn seyn / Ihesus antwortet yhm vnd sprach / heb dich Deuter
vñ myr du teuffel / Es steht geschrieben / Du sollt Got deyn-
nen hern anbeten / vnd yhm alleyn dienen.
Vnd er furet yhn gen Iherusalem / vnd stellet yhn auff des
tempels ynnen / vnd sprach zu yhm / Bistu Gottis son /
so lass dich von hynnen hyn vndern / denn es steht geschrie-
ben / Er wirt befehlen seynen englen von dyr / das sie dich
bewaren vnd auff den henden tragen / auff das du nit
etwa deynen fuß an eyn steyn stossst / vñ Ihesus antwort
vnd sprach zu yhm / Es ist gesagt / Du sollt Gott deynen
herren nit versuchen. Vnd da der teuffel alle versuchung Deuter
vollendet hatte / weych er von yhm / eyn zeytt lang.
Vnd Ihesus kam wider ynn des geystes krafft ynn Gal-
lilean / vnd das gerucht erschall von yhm / durch alle umb-
ligende ort / vnd er leret ynn yhren schulen vnd wart
von yderman gepreyset.

Vnd

Und er kam gen Nazareth / da er erzogen war / vnd gieng
ynn die schule / nach seynen gewonheyt / am Sabbath / vnd
stund auff vnd wollte lesen / Da wart yhm das buch des
prophetē Isaias gereychet / vñ da er das buch rumb warff /
Isaia. 61. auff myr / der halben er mich gesalbet hatt / zu uerkundigen
das Euangelium den armen hatt er mich gesand / zu heylen
die zu malmeten hertzen / zu predigen den gefangnen die
erledigung / vnd den blinden das gesicht / los zu geben die
zurschlagene ynn die erledigung / zu predigen das ange-
nehme iar des herren.

Und als er das buch zu thett / gab ers dem diener / vñ saht
sich / vnd aller augen die ynn der schule waren / sahen auff
yhn / vnd er sieng an zu sagen zu yhn / Heutte ist dißze schrift
erfullet ynn ewrn ohren / vnd sie gaben alle von yhm zeug-
nisse / vnd wunderten sich der holdseligen wortt / die aus
seynem mund giengen / vñnd sprachen / Ist das nicht Jo-
sephs son?

Und er sprach zu yhn / yhr werdet freplich zu myr sagen dis
sprichwort / Arht hilff dyr selber / Deñ wie gros ding haben
myr gehoret zu Capernaum geschehen? Thu auch also hie
ynn deynem vatterland / Er sprach aber / warlich ich sage
Johan. 4. euch / seyn prophet ist angenehm ynn seynem vatterland.

Aber ynn der warheyt sage ich euch / Es waren viel witt-
wen ynn Israel / zu Elias zeitten / da der hymel verschlossen
war / drey iar vnd sechs monde / vnd zu der seynen wart
3. Reg. 17. Elias gesand / denn alleyn gen Sarephtha der Sidoner zu
4. Reg. 5. eyner wittwe / Und viel außsetzige waren ynn Israel zu
Eliseus zeitten / vñnd der seynen wart gereynigt denn al-
leyn Neeman von Syrien.

Und sie wurden voll zorns alle die ynn der schule waren / da
sie das horten / vnd stunden auff / vnd stießen yhn zur stadt hy-
naus vnd seteten yhn auff eynen hugel des berges / darauff
10 phre

EUANGELION

ihre stadt gebawet war/das sie ihn hynab sturheten/Über
er gleng mitten durch sie ihn/vnd kam gen Capernaum ynn
die stadt Gallilea/vñ leret sie an den sabbathen/vnd sie ver-
wunderten sich seyner lere/denn seyne rede war gewaltig.
Vnd es ware eyn mensch ynn der schule/besessen mit eynem Matth. 8.
vnreynen tewfel / vnd der schrey laut vnd sprach / Salt / Marci. 1.
was habē wir mit dir zu schaffen / Jhesu von Nazareth /
du bist komen vns zuuerderbē / Ich weys wer du bist /
nemlich / der heylige Gottis / vnnd Jhesus bedrawet ihn
vnd sprach/verstumme vnd sar aus von ihm/vnd der teufel
warff ihn mitten vnter sie / vnd fur aus von ihm / vnd thet
ihm keynen schaden / vnd es kam eyn forcht vber sie alle
vnd redten miteinander vnd sprachen / was ist das fur
eyn ding? Er gepeut mit macht vnd gewalt den vnreynen
geysten / vnd sie waren aus / Vnnd es erschall seyn geschrey
ynn alle ortte des umbligenden landes.

Vnd er stund auff aus der schulen / vnd kam ynn Simonis Matth. 8.
haus / vnd Simonis schwiiger war mit eynem harten fiber Marci. 1.
behaft / vnd sie baten ihn fur sie / vnd er tratt zu ihr / vnd
gepott dem fiber / vnd es verlies sie / vnd bald stund sie
auff / vnd dienete ihn.

Vnnd da die sonne vntergangen war / alle die da mancher-
ley kranken hatten / brachten sie zu ihm / vnd er legt auff
eynen iglichen die hende / vnnd machet sie gesund / Es furen
auch die teuffel aus von vielen / schreyen vnd sprachen / du
bist Christus/der son Gottis/vnd er bedrawet sie/vnd lie-
ss sie nicht reden / denn sie wisten / das er Christus war.

Da es aber tag wart / gleng er hynaus an eyne wuste stett/
vnd das volck suchte ihn / vnd kamen zu ihm / vnd hielten
ihn auff / das er nit von ihm glenge / Er sprach aber zu
ihnen / ich mus auch andern stedten das Euangelium pre-
digē vom reych gottis / denn dahu bynn ich gesandt / vnd
er prediget ynn den schulen Gallilea.

Das

Das funfft Capitel.

Es begab sich aber / da yhn das volck vberfiel / zu horen das wortt Gottis / vnd er stund am see der stad Genesareth / vñ sahe zwey schiff am see stehen / die fischer aber waren außgetreten / vñ wuschen yhre netze / tratter yñnder schiffen / wilchs war Simonis / vñ hatt yhn / das ers eyn wenig vom land furet / vnd er saht sich / vnd leret das volck aus dem schiff.

Vnd als er hatte auffgehoret zu reden / sprach er zu Petro / fare auff die hohe / vñ werfft ewre netze aus / das yhr eyn zug thut / Vñ Petrus antwort vñ sprach zu yhm / meyster / wir habē die ganze nacht erbeytet / vnd nichts gefangen / Aber auff deyn wortt will ich das netz aus werffen. Vnd da sie das thetten / beschlossen sie eyn grosse menge fische / vnd yhr netz zu reys / vñ sie winderen yhrn gesellen die ym andern schiff waren / das sie kemen vnd hulffen yhn z yhen / vnd sie kamē vñ sulleten beyde schiff voll / also / das sie sunden. Da das Simō Petrus sahe / siel er Ihesu zu den knien / vñ sprach / Herr gehe von myr hynaus / ich byn eyn sundiger mensch / denn es war sie eyn schrecken ankomen / vnd alle die mit yhm warē vber disem fisch zug / den sie mitte yñander thon hattē / desselbigen gleychē auch Jacoben vnd Johannen die sone Zebedei / Simonis gesellen / vnd Ihesus sprach zu Simon / furcht dich nicht / denn von nu an wirstu menschen fahen. Vnd sie fureten die schiff zu land / vnd ver-

Matth. 4.
Marci. 1.

Matth. 8. vñ es begab sich / da er ynn eyner stadt war / sihe / da war eyn man voll außsahs / da der Ihesus sahe / siel er auff seyn angesicht / vñ hatt yhn / vnd sprach / Herr / willst du / so kanstu mich reynigen / vñ er streckt seyne hand aus / vnd ruret yhn an / vñ sprach / ich wills thun / sey gereyniget / vnd also bald gieng der außsah von yhm / vnd er gepott yhm / das

ers

EUANGELION

ers niemant sagen solt / sondern gang hyr vnd zeige dich dem priester / vñ opffer fur deyne reynigung / wie Moses gepotten hatt zum zeugnis vber sie.

Es kam aber yhe weyter aus / vnd kam viel volcks zu samen / das sie yhn horeten vñnd durch yhn gesund wurden von yhren krankheytten / Er aber weych vñ enthielt sich ynn den wusten stetten / vñ bettet.

Vnd es begab sich auff eynen tag / das er lerete / vñnd lassen da die phariseer vñ schriftgeleerten / die da komen waren aus allen merckten yñ Gallilea vñ Judea vnd von Jerusale / vñ die krafft des hern gieng von yhm vñ halff yderman. Vnd sihe / etlich menner brachten eynen menschen auff eym bett / der war gichtbruchig / vnd sie suchten / wie sie yhn hyneynbrechten / vñ fur yhn legten / vñ da sie fur dem volck nit funden / an wilchem ort sie yhn hyneynbrechten / stiegen sie auff das dach / vnd ließen yhn durchs pflaster ernyder mit dem bettlin / mitten vnter sie / fur Jhesum / vnd da er yhren glawbē sahe / sprach er zu yhm / Mensch / deyn sund sind dyr vergeben / vnd die schriftgeleerten vñnd phariseer siengen an zu denden vñ sprachen / wer ist der / das er Gottis lesterung redet? Wer kan sund vergeben denn alleynē Gott?

Da aber Jhesus yhre gedanken merckte / antwortet er / vñ sprach zu yhn / was dendet yhr ynn ewren herzen? Ist leichter zu sagen / dyr sind deyne sund vergeben / odder zu sagen / stand auff vnd wandell? Auff das yhr aber wißet / das des menschen son macht hatt auff erden sund zu vergeben / sprach er zu dem gichtbruchigen / ich sage dyr / stand auff / vñnd hebe deyn bettlin auff / vñnd gang heym / vñnd als bald stund er auff / fur yhren augen / vnd hub das auff / darauff er gelegen war / vnd gieng heym / vnd preßset Gott / vñnd sie ensetzten sich alle vnd preßseten Gott / vnd wurden voll furcht / vñnd sprachen / wyr haben heutige seltham ding gesehen.

Vnd

Matth. 9

Marci. 2

Matth. 9. Vnd darnach gieng er aus / vñ sahe eynen zollner / mit na-
 Marcl. 2. men Leuis am zoll sitzen / vnd sprach zu ihm / folge mir
 nach / vnd er verließ alles / stund auff vnd folget ihm nach /
 Vñ der Leuis richtet ihm eyngros mal zu pñ seynem hause /
 Vnd viel zolner vñ andere saßen mit ihm zu tisch / vnd die
 schriftgelehrten vñ phariseer murrten widder seyne iun-
 ger / vñnd sprachen / warumb esset vnd trincket ihr mitt den
 zollnern vnd sundern? Vnd Jhesus antwort vñnd sprach zu
 ihnen / Die gesunden durffen des arzts nit / sondern die
 kranken / ich bynn komen zu ruffen den sundern zur busse
 vñnd nicht den gerechten.

Matth. 9. Sie aber sprachen zu ihm / warumb fasten Johannes iun-
 Marcl. 2. ger so oft / vñnd betten so viel / des selbigen gleychen der
 phariseer iunger / aber deyne iunger essen vñ trincken / Er
 sprach aber zu ihm / ihr mugt der hochzeit kinder nicht zu
 fasten treyben so lang der breutigam bey ihm ist / Es wirt
 aber die zeit komen / das der breutigam vñ ihm genommen
 wirt / denn werden sie fasten.

Marcl. 9. Vnd er saget zu ihm eyngleychnis / Niemand scheidt eyn lappen
 Marcl. 2. vom neuen fleyd auff eyn alt fleyd / wo anders / so zu reys-
 set er auch das newe / vnd der lappen vom neuen reymet sich
 nit auff das alte / Vnd niemand sasset most pñ alte schleuch /
 wo anders / so zu reysset der most die schleuch / vnd wirt ver-
 schutt / vnd die schleuch komen vmb / sondern den most soll
 man pñ neue schleuch fassen / so werden sie beydes be-
 halten / Vnd niemand ist / der vom alten trinckt / vnd wolle
 bald des neuen / denn er spricht / der alt ist milder.

Das Sechst Capitel.

Matth. 12. Vnd es begab sich auff eynen Aßter sabbath / das
 Marcl. 2. er durch getreyde gieng / vñ seyne iunger raufften
 hehern aus / vñ assen / vñnd rieben sie mit den hæn-
 den / Etlich aber der phariseer sprachen zu ihnen / warumb
 thut

EUANGELION

thut yhr / das sich nit zympt zu thun auff die Sabbather?
Vnd Jhesus antwort vnd sprach zu yhn / Habt yhr nicht das
gelesen / das Dauid thett / da yhn hungerte / vnd die mit
yhm waren? Wie er zum haus Gottis eyngieng / vnnnd nam
shaw brott / vnd ass / vnd gab auch denen / die mit yhm
waren / die doch niemant thurst essen on die priester alleyn /
vñ er sprach zu yhn / Des menschen son ist eyn herre / auch
des Sabbathis.

1. Reg. 1

Es geschach aber auff eynen andern Sabbath / das er gieng
yñ die schule / vnd lerete / vnd da war eyn mensch / des recht
hand war verdurrt / Aber die schriftgelerten vnd phariseer
hielten auff yhn / ober auch heylen wurd / auff den Sabbath /
auff das sie eyne sach zu yhm funden / Er aber merckt yhr
gedanken / vnd sprach zu dem menschen mit der durren
hand / stand auff vnd tritt er fur / vnnnd er stund auff / vnd
trat da hyñ / da sprach Jhesus zu yhn / ich frage euch / was
zympt sich zu thun auff den Sabbat? guttis odder boszis?
das leben erhalten odder verderben? vnnnd er sahe sie alle
an umbher vnnnd sprach zu dem menschen / streck deyne hand
aus / vnnnd er thets / do wart yhm seyne hand wider zu recht
bracht / gesund wie die ander / Sie aber wurden voller vn-
synnidt / vnd beredten sich mit eynander / was sie yhm
thun wollten.

Matth. 2

Marci. 3

Es begab sich aber zu der heyt / das er gieng auff eynen berg
zu beten / vnd er bleyb vñir nacht ynn dem gepett zu Gott /
vnnnd da es tag ward / rieß er seynen lungen / vnd erwelet
yhr zwelffe / wilche er auch Apostel nennet / Simon wilchen
er Petron nennet / vñ Andrean seynen bruder / Jacoben
vnd Johannen / Philippon vñ Bartolomeon / Mattheon vñ
Thoman / Jacoben Alphees son / Simon genant Zelotes /
Judas Jacobs son / vnnnd Judan Jscharioten der do war
der verrhete.

Matth. 1

Marci. 3

Vnd er steyg ernyder mit yhn / vnnnd tratt auff eyn platz ym
feld /

feld / vnd der hauffe seyner iunger vnd eyn grosse menige
des volds von allem Judischem land vnd Jerusalem/vnnd
Tyro vnnd Sydon am meer gelegen/die da komen waren/
pñ zu horen / vñ geheylt werden von phren seuchen / vnd
die von vnſawbern geysten ombtrieben wurden/die wur-
den gesund / vnnd alles volda ſucht / das ſie pñ an ruren
mochten/denn es gleng krafft von phm/vnd heylet ſie alle.

Matth. 5. Vnd er hub ſeyne augen auff vñ ſeyne iunger vnd ſprach/
Selig ſeyt phr armen / deñ das reyck Gottis iſt ewr / Selig
ſeyt phr / die phr hie hungert / deñ phr ſollt ſatt werdē /
Selig ſeyt phr / die phr hie weynet / deñ phr werdet lachen/
Selig ſeyt phr/ſo euch die menſchen haſſen/vnd abſondern
euch / vnd ſchellten euch / vñ verwerffen ewren namē / als
eynen boßhaſtigen/omb des menſchen ſons willen/ſrewet
euch als dann vnnd hupffet / denn / ſehet / Ewr lohn iſt
gros ym hymel / des gleychen hatten phre vetter den pro-
pheten auch.

Aber dar gegē weh euch reycken / deñ phr habt ewern troſt
dahyn/Weh euch die phr voll ſeyt/denn euch wirt hungern/
Weh euch die phr hie lachet / denn phr werdet weynen vnd
heulen / Weh euch / wenn euch yderman woll redet / Des
gleychen hatten phre vetter den falſchen propheten auch.

Marci. 5. Aber ich ſage euch die phr zu horet / Liebet ewre ſeynde /
Thutt wol den die euch haſſen / Benedeyet / die euch ver-
maledeyen / Bittet fur die euch beleydigen / Vnd wer dich
ſchlegt auff eyn backen / dem biete den andern auch dar /
Vñ wer dyr dē mantel nympt / dem were nit auch den rock/
Wer dich bitt / dem gib / Vnd wer dyr nympt das deyne /
da ſoddere es nicht widder / Vnd wie phr wolt / das euch
die leutt thun ſollen / also thutt pñ gleych auch phr.

Vnd ſo phr liebet die euch lieben / was habt phr dauon?
deñ die ſunder lieben auch phre liebhaber / Vnnd wenn phr
ewern wolthettern wolthut was dancks habt phr dauon?

deñ

EUANGELION

den die sunder thun dasselbe auch. Vnd wenn yhr leyhet / von den yhr hoffet zu nemen / was danc habt yhr dauon? den die sunder leyhen den sundern / auch auff das sie gleychs wider nemen. Doch aber / liebt ewre seynde / thut wol / vnd leyhet das yhr nichts dafur hoffet / so wirt ewr lohn gros seyn / vñ werdet kinder des allerhochsten seyn / denn er ist guttig vber die vndancbarn vnd boszhafftigen.

Darüb seyt barmherzig / wie ewr vater auch barmherzig ist / Richtet nicht / so werdet yhr nicht gericht / Verdampft nicht / so werdet yhr nit verdampft / Vergebt / so wirt euch vergeben / Gebt / so wirt euch geben / Eyn voll / gedruckt / geruttelt vnd vberflussig mas wirt man ynn ewren schos geben / Denn eben mit dem maß / da yhr mitt messet / wirt man euch wider messen. Matth. 7.

Dñer jaget yhn eyn gleychnis / Mag auch eyn blynder eynem blinden den weg weysen? werden sie nicht alle beyde ynn die grube fallen? Der iunger ist nicht vber den meyster / welcher aber vollkommen wirt / der wirt wie seyn meyster seyn. Was sihestu aber eyn splitter ynn deynes bruders auge / vñ des balden yñ deynem auge wirstu nit gewar? odder wie kanstu sagen zu deynem bruder / Galt still brnder / ich will den splitter aus deynem auge ziehen / vnd du sihest selbs nit den balden ynn deynem auge? du heuchler / zeuch zuuor den balden aus deynem auge / vnd besihe denne / das du den splitter aus deynes bruders auge sihest. Matth. 7.

Denn es ist seyn gutter bawm der saule frucht trage / vnd seyn fauler bawm der gute frucht trage / Ein ygllicher bawm wirt an seynen eygen frucht erkand / Den man ließzet nit seygen vñ den dornen / auch so ließzet man nit weyndrawben von der hecken / Eyn gutter mensch bringt gutts erfur / aus dem guten schatz seynes herzen / vñ eyn boszhafftiger mensch bringt bojes erfur / aus dem boszen schatz seynes herzen / Denn wes das hertz voll ist / des geht der mund vber. Matth. 12

Was

Matth. 7. Was heysset yhr mich aber / Serre / Serre / vnnnd thut nit was ich euch sage? Wer zu myr kompt / vnnnd horet meyne rede vnnnd thut sie / den will ich euch malē / wem er gleych ist / Er ist gleych eynē menschē der eyn haus bawete / vñ grub tieff / vñ legt den grund auff den fels / da aber gewesser kam / da reys der strom zu dem haus zu / vnd mochts nicht bewegen / den es war auff den fels gegrund / Wer aber horet vnd nicht thut / der ist gleych eynem menschen / der eyn haus bawete auff die erden on grund / vnd der strom reys zu yhm zu / vnd es fiel bald / vnd das haussze gewan eynen grossen ryssz.

Das Siebend Capitel.

Matth. 8. **I**n dem er aber fur dem volda aus geredt hatte / gieng er gen Capernaum / vnnnd eyns hauptmans knecht lag tod krank / der war yhm tewr / da er aber horet von Jhesu / sandt er die Eltisten der Juden zu yhm / vnd batt yhn / das er keme / vnd macht seynen knecht gesund / da sie aber zu Jhesu kamen hatten sie yhn mit vleysz / vnd sprachē / Er ist seyn werd / das du yhm das erheugest / den er hatt vnser volda lieb / vnd hatt vns die schule erbawen / Jhesus aber gieng mitt yhn hyhn. Da sie aber nu nicht fernn vō dem haussze waren / sand der hewbtman freund zu yhm / vnd lies yhm sagen / Ach herre / bemuhe dich nicht / ich byn nicht gutt genug / das du vnter meyn dach gehist / darumb ich auch mich selb nicht würdig geacht hab / das ich zu dyr keme / sondern sprich eyn wort / so wirt meyn knabe gesundt / Den auch ich byn eyn mēsch der vbitst vnter than / vnd habe kriegs knecht vnter myr / vnd sprech zu eynem / gehe hyhn / so gehet er hyhn / vñ zum andern / kom her / so kompt er / vnnnd zu meynem knecht / thue das / so thut ers / Da aber Jhesus das horet / verwundert er sich seyn / vñ wand sich vmb / vnd sprach zu dem volda

EUANGELION

vold das yhm nachfolgete / ich sage euch / solchen glauben hab ich ynn Israel nicht funden / vñ da die gesandten widerumb zu haus kamen / funden sie den franden gesundt. Vñ es begab sich darnach / das er ynn eyne stad mit namen Nain gieng / vnd giengen seyner iunger viel mit yhm / vnd viel volcks / Als er aber nah an das thor der stad kam / Sihe / da trug man eyn todten eraus / der eyn eyniger son seyner mutter war / vñ sie war eyne witwe / vñ viel volcks aus d' stad gieng mit yhr / vñ da sie der herre sahe / lammerte es yhn / vñ sprach zu yhr / weyne nit / vñ tratt hy zu / vnd ruret den sard an / vnd die treger stunden / vnd er sprach / iungling / ich sage dyr / stand auff / vnd der todte richt sich auff / vnd sieng an zu reden / vnd er gab yhn seyner mutter / vnd kam sie alle eyn furcht an / vnd preyseten Gott / vnd sprachen / Es ist eyn grosser prophet vnter vns auferstanden / vnd Gott hatt seyn vold heym sucht / vnd dise rede von yhm erschall ynn das ganck Judisch land / vñ ynn alle omb-
ligende lender.

Vnd es verkündigten Johanni seyne iunger das alles / vñ Matth. 11
er rieß zu sich seyner iunger zween / vnd sandte sie zu Jhesu vñ lies yhm sagē / Bistu der do komē soll? odder sollē wir eyne andern warten? Da aber die menner zu yhm kamē / sprachē sie / Johannes der teuffer hatt vns zu dyr gesandt / vnd lest dyr sagen / Bistu der da komen soll? odder sollen wir eyne andern warten? Zu der selbigen stund aber / machte er viele gesund / vñ seuchen vñ plagen vñ bösen geysten / vñ vielen blinden schenckte er das gesicht / vnd Jhesus antwort vnd sprach zu yhn / gehet hy vnd verkündiget Johanni / was yhr gesehen vñ gehoret habt / die blinden Jsal. 61.
sehen / die lammen gehen / die außschigen werden reyn / die tauben horen / die todten stehen auff / den armen wirt das Euangelium prediget / vnd selig ist der sich nicht ergert an myr.

Da

Matth. 11. Da aber die boten Johannis hyn giengen / sieng Jhesus an zu reden zu dem volck von Johanne / Was seyt ihr hynaus gangen yn die wusten zu sehen? wolltet ihr eyn rohr sehen / das vom wind bewegt wirt? odder was seyt ihr hynaus gangen zu sehen? wolltet ihr eyenen menschen sehē ynn weychen kleydern? Sehet / die ynn herlichen kleydern vnn lusten leben / die sind ynn den kuniglichen hosen / odder was seyt ihr hynaus gangen zu sehen? wolltet ihr eyenen propheten sehen? ia ich sage euch / der da mehr ist deñ eyn prophet / Er istis / von dem geschriben stehet / Sihe / ich sende meynen engel fur deynem angesicht / der da bereyten

Malach. 3. soll deynen weg fur dir / Denn ich sage euch / Das vnter den / die von weyben geporn sind / ist keyn grosser prophet / denn Johannes der taufer / Der aber kleyner ist ym reyck Gottis / der ist grosser denn er.

Vnd alles volck / das yhn horet vnd die zollner / gaben gott recht / vnd lieszen sich tauffen mitt der tauffe Johannis. Aber die phariseer vnd schriftgelerten verachteten Gottis rad widder sich selbs / vnd lieszen sich nicht von yhm teuffen.

Matth. 11. Aber der herr sprach / wem soll ich die menschen dises geschlechtis vergleychen? vnd wem sind sie gleych? sie sind gleych den kindern die auff dem markt sitzen / vnd ruffen gegen ander vnd sprechen / wir haben euch gepfissen / vnd ihr habt nicht getanget / wir haben euch geflaget / vnd ihr habt nicht geweynet. Denn Johannes der teuffer ist komen / vnd ass nit brott / vnd trand keyn weyn / so saget ihr / Er hat den teuffel / Des mensche son ist komen / isset vnd trindt / so saget ihr / sihe / der mensch ist eyn strecker vñ weynseuffer / der zollner vnd der sunder freund / vnd die weysheyt mus sich rechtfertigen lassen von allen yhren kindern.

Es hatt yhn aber / der phariseer eyner / das er mitt yhm esse / vnd er gieng hynen ynn des phariseers haus / vnd sehet sich

EUANGELION

sich zu tisch / vnd sihe / eyn weyb war ynn der stadt / die war eyn junderyn / da die vernam / das er zu tisch sass ynn des phariseers hauſze / bracht sie eyn glas mit salben / vnd tratt hynden zu seynen fussen / vnd weynet / vnd sieng an seyne fusſe zu nehen mit trenen / vñ mit den harē phrs hewbts zu trucken / vnd lussset seyne fusſze / vnd salbet sie mit salben. Da aber das der phariseer sahe / der yhn geladen hatte / sprach er bey sich selbst / vnd saget / weñ diser eyn prophet were / so wyste er / wer vnd wilche eyn weyb das ist / die yhn anruret / denn sie ist eyn junderyn / vnd Jhesus antwortet vnd sprach zu yhm / Symon / ich hab dyr was zu sagen / Er aber sprach / meyster sage an / Es hatte eyn lehen herr zween schuldiger / Eyn er war schuldig funff hundert pfennige / der ander funffzig / da sie aber nicht hatten zu behalen / schenckte ers beyden / Sage an / wilcher vnter denen wirtt yhn am meisten liebē? Simon antwort vñ sprach / ich achte / dem er am meisten geschenckte hatt / Er aber sprach zu yhm / du hast recht gericht. Vnd er wand sich zu dem weybe / vñ sprach zu Simon / sihestu dis weyb? Ich byn komen yñ deyn haus / Du hast myr nicht wasser geben zu meynen fussen / dise aber hatt meyn fusſe mit threnen geneht vnd mit den haren phrs hewbts getrockett / Du hast myr keynen kus gebē / Dise aber / nach dem sie hereyn komen ist / hat sie nicht ablassen meyne fusſze zu lussen / du hast meyn hewbt nicht mit ole gesalbet / sie aber hatt meyne fusſze mit salben gesalbet. Der halben sage ich dyr / phr sind viel sunde vergeben / denn sie hatt viel geliebet / wilchem aber wenig vergeben wirt / der liebt auch wenig. Vnd er sprach zu phr / dyr sind deyne sund vergeben / Da siengen an die mit zu tisch sassen / vnd sprachen bey sich selbst / Wer ist diser / der auch die sunde vergibt? Er aber sprach zu dem weybe / Deyn glawe hatt dyr geholffen / gang hyr mit friden.

Das

Das acht Capitel.

Und es begab sich darnach / das er reysete durch
stedt vnnnd merckte vnd prediget / vnd verkündiget
das Euangelium vñ dem reich Gottis / vnnnd die
zwelffe mit ihm / dazzu etliche weyber / die er hatte gesund
gemacht / von den bösen geysten vnnnd frandeyten / nemlich /
Maria die da Magdalena heysset / von welcher waren sieben
teuffel aus gefaren / vnnnd Johanna das weyb Chusa des
pflegers Herodis / vnnnd Susanna / vnnnd viel andere die
ihnen handreychung thetten von phrer habe.

Matth. 13. Da nu viel volcks beeynander war / vñ aus den stedten zu
ihm eyleten / sprach er durch eyn gleychnisse / Es gieng eyn

Mar. 4. Seeman aus zu seen seynen samen / vnnnd ynn dem er seet /
fiel etlichs an den weg / vnd wart vertretten / vnd die vogel
vnter dem hymel frassens auff / vñ etlichs fiel auff den fels /
vñ da es auff gieng / verdorret es / darumb das nicht fass
hatte / vñ etlichs fiel mitten vnter die dornen / vnd die dor-
nen giengen mit auff / vnnnd ersticktens / vnd etlichs fiel
auff eyn gutt land / vñ es gieng auff / vnd trug hundert-
feltige frucht / da er das saget / rieß er / wer oren hatt zu
horen / der hore.

Es fragten ihn aber seyne iunger / vnd sprachen / was dise
gleychnis were / Er aber sprach / Euch ist's gebē zu wyssen
das geheymnis des reich Gottis / den andern aber ynn
gleychnissen / das sie es nicht sehen / ob sie es schon sehen /
vnd nicht verstehen / ob sie es schon horen.

Das ist aber die gleychnis / der Same ist das wort Gottis /
Die aber an dem wege sind / das sind die es horē / darnach
kompt der teuffel vnd nympt das wort von phrem herhen /
auff das sie nicht gleuben vnd selig werdē / Die aber auff
dem fels / sind die / wenn sie es horen / nemen sie das wort
mit freuden an / vnnnd die haben nit wurzel / eyn zeptlang
glawben

EUANGELION

glauben sie / vñ zu der zept der ansechtung fallen sie abe / Das aber vnter die dornen fiel / sind die / so es horen / vnd gehen hyñ / vnter den sorgen / reychtumb vñnd wollust dis lebens / vñnd ersticken vñnd bringen nit frucht / Das aber auff dem gutten landt / sind die das wort horen vñnd behalten ynn eynem fernen gutten herthen / vnd bringen frucht ynn gedult.

Niemandt aber zundet eyn liecht an / vnd deckets mit eym geses / odder setzts vnter eyn band / sondern er setzts auff eynen leuchter / auff das / wer hyñeyn geht / das liecht sehe. Matth. 5.
Marci. 4.
Matth. 10.

Denn es ist nichts verporgen / das nicht offinbar werde / auch nichts heymlichs / das nicht kund werde / vnd an tag lome / So sehet nu drauff / wie yhr zuhoret. Denn wer do hat / dem wirt geben / wer aber nit hat / von dem wirt genomen auch das er meynet zu haben. Matth. 13.

Es giengen aber hyñhu seyne mutter vñnd brudere / vnd fundten fur dem vold nit zu yhm lomen. Dñ es wart yhm an gesagt / Deyn mutter vnd deyne bruder stehen draussen / vñ wollen dich sehen / Er aber antwort vnd sprach zu yhn / Meyn mutter vñ meyne bruder sind dise / die Gottis wort horen vnd thuns. Matth. 12.
Marc. 3.

Vnd es begab sich auff der tage eynen / das er ynn eyn schiff trat / vnd seyne lurger mit yhm / vnd er sprach zu yhn / Last vns vber den see faren / Se stieffen von land / vñ da sie schiffeten / entschlieff er / vnd es kam eyn windwurbel auff den see / vñnd die wellen vberfielen sie / vnd stunden ynn grosser far. Da tratten sie zu yhm / vnd wedten yhn auff vnd sprachen / Meyster / Meyster / wir verderben / Da stund er auff vnd bedrawete den wind vñnd die woge des wassers / vñnd es ließ ab / vnd wart eyne stille. Er sprach aber zu yhn / Wo ist ewr glawbe? sie furchten sich aber vñ verwunderten sich / vnd sprachen vnter nander / Wer ist diser? denn er gepeut dem wind vnd dem wasser / vnd sie sind yhm Matth. 8.
Marci. 4.

ym gehorsam / vnd sie schiffeten fort / ynn die gegend der Gadarener / wilche ist gegen Gallilean vber.

Matth. 8. Vnd als er außtrat auff das land / begegnet yhm eyn man
 Marcl. 5. aus der stadt / der hatte teuffele von langer zept her / vn-
 thet feyne fleyder an / vnd bleyb ynn feynem hause / son-
 dern ynn den grebern. Da er aber Jhesum sahe / schrey er /
 vnd siel fur yhm nyder / vnd rieß laut / Was hab ich mit
 dyr zu schaffen Jhesu du son des allerhochsten? Ich bitte
 dich / du woltist mich nit quellen / Denn er gepot dem vn-
 saubern geyst / das er vñ dem mensche außzure / den er hatte
 yhn lange zept geplagt / vnd er wartt mit ketten gepunden
 vñ mit fesseln gefangen / vñ zur reys die band / vñ wart
 getriebē vñ dem teuffel ynn die wusten.

Vnd Jhesus fraget yhn / vñ sprach / wie heyst deyn name?
 Er sprach / Legion / denn es waren viel teuffel ynn yhn ge-
 faren / vnd sie baten yhn / das er yhn nicht gepotte / ynn die
 tieffe zu faren / Es war aber daselbst eyn grosse herd sew
 an der weyde / auf dem berge / vnd sie baten yhn / das er
 yhn erlaubet yhn die selbigen zu faren / vñ er erlaubet yhn /
 da furen die teuffel aus von dem menschen vñ furen ynn
 die sew / vñ die herd sturget sich mit eynem sturm ynn
 den see / vñ ersoffen / da aber die hirtten sahen / was do
 geschach / flohen sie / vnd verkundigetens ynn der stadt vñ
 ynn den dorffen.

Da giengen sie hynaus zu sehen / was da geschehen war /
 vñ kamen zu Jhesu / vñ funden den menschen / von
 wilchem die teuffel auß gefaren waren / sitzend zu den fuß-
 sen Jhesu / beleydet vñ vernunftig / vnd sie erschraffen /
 vñ die es gesehen hatten verkundigeten yhn / wie der be-
 sessene war gesund worden / Vñ es hatt yhn die ganze
 menge der vmblygende lender der Gadarener / das er vñ
 yhn glenge / den es war sie eyne grosse furcht an komen /
 vñ er tratt ynn das schiff vñ wand widerumb / Es
 hatt

EUANGELION

batt yhn aber der man / von dem die teuffell watē auß-
gefahren / das er bey yhm mocht seyn / Aber Jhesus lies yhn
von sich vnn̄d sprach / Gehe widder heym / vnd sage was
dyr Got than hatt / vnd er gieng hynn vnn̄d prediget durch
die ganze stad / was yhm Jhesus than hatte.

Vnn̄d es begab sich / da Jhesus widder lam / nam yhn das
vold auff / denn sie warteten alle auff yhn / vñ sihe / da lam
eyn man / mit namen / Jairus / vnd er war eyn oberster der
schule / vnd fiel Jhesu zu den fussen / vnn̄d batt yhn / das er
wolt ynn seyn haus komen / denn er hatte eyn eyngetochter
bey zwelff iaren / die lag ynn lechten zugen / vñ da er hynn
gieng / drang yhn das vold.

Matth. 9
Marcl. 5

Vnn̄d eyn weyb hatte den blutgang gehabt zwelff iar / die
hatte alle yhre natūg an die erhetete gewand / vñ lund von
niemand geheylet werden / die tratt hyngy von hynden /
vnn̄d ruret seynes fleyds saum an / vnd also bald bestundt
yhr der blutgang. Vnd Jhesus sprach / wer hatt mich an-
ruret? da sie aber alle leugneten / sprach Petrus vnd die
mit yhm waren / meyster / das vold dringet vnd druckt dich /
vnd du sprichst / wer hat mich anruret? Jhesus aber sprach /
Es hatt mich ymant anruret / denn ich fule / das eyn krafft
von myr gangen ist / Da aber das weyb sahe / das nitt ver-
porgen war / lam sie zittern vnd fiel fur yhn / vnd verlun-
diget fur allem vold / aus was vrsach sie yhn hatte ange-
rurt / vñ wie sie were als bald gesund wordē / Er aber sprach
zu yhr / sey getrost meyne tochter / deyn glawb hatt dyr ge-
holffen / gang hynt mit friden.

Matth. 9
Marcl. 5

Da er noch redet / lam eyner vom gesind des vbirsten der
schule / vñ sprach zu yhm / deyn tochter ist gestorben / bemuhe
den meyster nicht / Da aber Jhesus das horete / antwort er
yhm vnd sprach / furcht dich nit / glewbe nur / so wirt sie
gesund. Da er aber ynn das haus lam / lies er niemand hy-
neyn gehen / deñ Petron vnd Jacoben vñ Johannem / vnd

des

des kints vater vñ mutter / Sie weyneten aber alle / vñ
 flagten sie / Er aber sprach / weynet nicht / sie ist nicht ge-
 storben / sondern sie schlefft / vñ sie verlachten yhn / wusten
 wol das sie gestorben war / Er aber treyb sie alle hyndaus /
 vñ greyff yhre hand an vñ rieff / vñ sprach / kind stehe auff /
 vñ yhr geyst kam wider / vñ stund auff also balde / vñ er
 befah / man sollt yhr zu essen gebē / vñ yhre Elltern ent-
 sagten sich / Er aber gepott yhn / das sie niemant sagten /
 was geschehen war.

Das Neunde Capitel.

Matth. 10.
 Marci. 6.

ER soddert aber die zwelffe zu samen / vñ gab yhn
 gewallt vñ macht vber alle teuffel / vñ das sie heyl-
 en kintzen allerley seuche / vñ sand sie aus zu pre-
 digen das reyck Gottis / vñ heylen die franden / vñ sprach
 zu yhn / yhr sollt nichts mit euch nemen auff den weg /
 widder stab / noch tasschen / noch brott / noch gelt / sollt auch
 nit auff eyn mal zween rod haben / vñ wo yhr ynn eyn haus
 gehet / da bleybet / bis yhr von dannen zihet / vñ welche euch
 nicht auff nemen / da gehet aus von der selbigen stad / vñnd
 schuttelt ab den stawb von ewren fussen zu eynem zeugnis
 vber sie / Vñnd sie kamen hyndaus vñ durchzogen diemerck-
 te / predigeten das Euangelion vñnd machten gesund an
 allen enden.

Matth. 14.
 Marci. 6.

Es kam aber fur Herodes den vierfursten / alles was durch
 yhn geschach / vñnd er besorget sich / die weyll von etlichen
 gesagt ward / Johannes ist von todten auffstanden / vñ
 etlichen aber / Elias ist erschynen / von etlichen aber / Es
 ist der allten propheten eyn er auffstanden / vñnd Herodes
 sprach / Johannes den hab ich enthewbtet / wer ist aber di-
 ser / von dem ich solchs hore! vñnd begeret yhn zu sehen.
 Vñnd die Apostel kamen widder / vñnd erheleten yhm / was
 sie than hatten / vñnd er nam sie zu sich / vñnd entweych be-
 sondern

EUANGELION

sonders ynn eyn wusten bey der stadt / die da heyst Bet-
 saida. Da des das volck ynnen wart / zog es yhm nach / vñ
 er nam sie auff / vñ saget yhn vñ dem reyck Gottis / vñd
 machte gesund / die es bedurfften / Aber der tag sieng an sich
 zu neygē / da trattē zu yhm die zwelffe / vñ sprachē zu yhm /
 las das volck vñ dyt / das sie hyngehen yñ die merck̃t umb-
 her / vñ ynn die dorffe da sie herberg vñnd speysze finden /
 denn wyrt sind hie ynn der wusten / Er aber sprach zu yhn /
 gebt yhr yhn zu essen / Sie sprachen / wyrt haben nicht mehr
 den funff brod vñd zween fisch / Es sey denn / das wyrt hyn
 gehen sollen / vñd speysze kauffen fur szo gros volck (denn
 es waren bey funff tausent man) Er sprach aber zu seynen
 iungern / Sagert sie bey schichten / yhe funffthlg / Vñd sie thet-
 ten also / vñ lagerten sie alle / da nam er die funff brod vñd
 zween fisch / vñd sahe auff gen hymel vñd sprach den segn
 druber / brach sie / vñnd gab sie den iungern das sie dem
 volck surlegten / vñd sie assen vñ wurden alle satt / vñ wur-
 den auff gehaben / das yhn vñr bleyb von brockē / zwelff
 forbe.

Matth. 14.
 Marci. 6.
 Johan. 6.

Vñd es begab sich / da er ym gepett vñd alleyn war / da
 waren etlich seynen iunger mit yhm / vñd er fraget sie /
 vñd sprach / Wer sagen die leut / das ich sey? Sie antworten
 vñnd sprachē / sie sagen du seyst Johannes der teuffter / ett-
 lich aber / du seyst Elias / etlich aber / Es sei der allten pro-
 pheten eyner aufferstandē / Er aber sprach zu yhn / wer /
 sagt yhr aber das ich sey / da antwortet Petrus vñnd sprach /
 du bist der Christ Gottis / vñnd er bedrawet sie vñnd gepett /
 das sie das niemant sageten / vñd sprach / denn des men-
 schen son mus noch viel leyden / vñd verworffen werden von
 den Eltisten vñ hohen priestern vñnd schriftgelerten / vñd
 ertodtet werden / vñd am dritten tag aufferweckt werden.
 Da sprach er zu yhn allen / wer myr folgen will / der ver-
 leugne sich selbst vñd neme seyn Creutz auff sich teglich / vñd
 folge

Matth. 16.
 Marci. 8.

Matth. 16.
 Marci. 8.

folge myr nach / denn wer seyn leben erhalten will / der wirt es verlieren / Wer aber seyne leben verleuret umb meynen willen / der wirts erhalten / Vnd was nuß hett der mensch / ob er die gangen welt gewunne / vnnnd verlore sich selbs / odder beschedigt sich selbs? Wer sich aber meyn vnnnd meynner rede schemet / des wirt sich des menschen son auch schemen / wenn er komē wirt ynn seynner herlickeyt vnnnd seynes vatters vnd der heyligen Engel / ich sage euch aber warlich / das ettlich sind von den / die hie stehen / die den todt nicht schmecken werden / bis das sie das reyck Gottis sehen.

Matth. 17. Vnnnd es begab sich nach disen reden bey acht tagen / das er
 Marci. 9. zu sich nam / Petron / Johannem vnd Jacoben / vnd steg auff eynen berg zu beten / vnnnd da er bettet / wartt die gestalt seynes angesichts anders / vnnnd seyn kleyd weys vnnnd glantzet / vnnnd sihe / zween menner redten mit yhm / wilche waren Moses vnd Elias / die erschynen ynn klarheyt / vnnnd redten von dem außgang / wilchen er solt erfüllen zu Jerusalem / Petrus aber vnd die mit yhm waren / warē voll schlaffe / da sie aber auff wachten / sahen sie seyne klarheyt / vnd die zween menner bey yhm stehen.

Vnd es begab sich / da die von yhm wichen / sprach Petrus zu Ihesu / meyster / hie ist gutt seyn / Wyr wollē drey hutten machē / dyr eyne / Mosi eyne / vñ Elias eyne / vnd wuste nit was er redet / da er aber solchs redet / kam eyn wolcke vñ vberhattet sie / vñ sie erschraden da sie die wolcke vberhog / vñ es fiel eyne stymme aus der wolcken / die sprach / Dieser ist meyn lieber son / dem gehorchet / vñ yñ dem solch stymm geschach / funden sie Ihesum alleyn / vnd sie verschwygen vñ verkündigten niemant nichts ynn denselben tagen was sie gesehen hatten.

Marci. 17. Es begab sich aber den tag hernach / da sie von dem berge
 Marci. 9. kamen / kam yhn entgegen viel volcks / vnd sihe eyn man vntter dem volck rieß vnd sprach / meyster / ich bit dich / be-
 sihe

EUANGELION

sihe doch meyn son / denn er ist meyn eyziger son / sihe / der
geyst ergreiffet ihn / so schreyet er als bald vnnnd reiffet ihn
das er schawmet / vnd mit nocht wepcht er von ihm weñ er
ihn geyssen hatt / vñ ich hab deyne iunger gepeten / das
sie ihn aus trieben / vnd sie kundten nicht / Da antwortt
Jhesus vnd sprach / O du vngleubige vnnnd verferete art /
wie lang soll ich bey euch seyn vnd euch dulden? bringe
deynen son her / Vñ da er zu ihm kam / reiffz ihn der teuffel /
vñ zerret ihn / Jhesus aber bedreuet den vnswbern geyst /
vnd machet den knaben gesund / vnd gab ihn seynem vatter
wider / vnd sie entsagten sich alle vber der herrlicheit Gottes.
Da sie sich aber alle verwunderten / vber allem das er thett /

Matth. 17
Marci. 9.

sprach er zu seynen iungern / fasset ihr zu ewren oren diese
rede / denn des mensche son mus vñ antwort werden vnn
der mensche hende / aber das wort vernamen sie nicht / vnd
es war fur ihn verporgen / das sie es nit begriffen / vnd sie
furchten sich ihn zu fragen vmb das selbe wort.
Es kam auch eyn gedanken vnter sie / wer vnter ihm der
grossist were / da aber Jhesus den gedanken ihres herzen
sahe / erwißcht er eyn kind / vnnnd stellet es neben sich / vnd
sprach zu ihm / wer das kind auff nympt vnn meynem na-
men / der nympt mich auff / vnnnd wer mich auff nympt der
nympt den auff / der mich gesand hatt / Wilcher aber der
kleynist ist vnter euch allen / der wirt gross seyn.

Matth. 18
Marci. 9.

Da antwort Johannes vnd sprach / meyster / wir sahen ey-
nen / der treyb die teuffel aus vnn deynem namen / vnd wir
wereten ihm / den er folget dñr nicht mit vns / vñ Jhesus
sprach zu ihm / weret ihm nit / denn wer nicht wider euch
ist / der ist fur euch.

Marci. 9.

Sie sehet Lucas
an zu beschrey-
ben den zug
Christi gen Je-
rusalem.


ES begab sich aber / da die zeit erfüllet war / das er solt
von hynnen genömen werden / wendet er seyn angesicht
stracks gen Jerusale zu wandeln / vñ er sandte bottē fur
ihm hyn / die giengē hyn / vñ lamē yn ein markt der Sa-
mariter

mariter / das sie yhm herberg bestelleten / vnd sie namen yhn nicht an / darumb das er seyn angesicht gericht hatte zu wandeln gen Jerusale. Da aber das seyne lunge Jacobus vñ Johannes sahē / sprachen sie / Herr / wiltu / so wollen wir sagen / das sewr vom hymel fall / vnn̄ verhere sie / wie Elias thet? Jhesus aber wand sich vnd bedrawet sie / vnd sprach / wisset yhr nit / wilchs geysts kinder yhr seyt? des menschen son ist nit kōmen der menschen seelen zu verderben / sondern zu erhalten / vnd sie giengen ynn eyn andern markt.

Matth. 8. Es begab sich aber da sie auff dem wege waren / sprach eyner zu yhm / ich wil dyr folgen wo du yhn gehist / vñ Jhesus sprach zu yhm / die fuchsze haben gruben / vnd die vogel vnter dem hymel haben nester / aber des menschen son hatt nicht / da er seyn hewbt yhn lege.

Matth. 8. Vnn̄ er sprach zu eynem andern / folge myr nach / der sprach aber / Herr / Erleube myr / das ich zuuor yhn gehe / vnd meynen vater begrabe / Aber Jhesus sprach zu yhm / las die todten yhre todten begraben / gang du aber yhn / vnd verkündige das reyck Gottis. Vnd eyn ander sprach / Herr ich will dyr nach folgen / aber erleube myr zuuor / das ich eyn abscheyd mache mit denen die yn meynem hauſze sind / Jhesus sprach zu yhm / wer seyne hand an den pflug leget vnd sihet zu ruck / der ist nicht geschickt zum reyck Gottis.

Das zehend Capitel.



Arnach sonderter andere siebenhig aus / vnd sandte sie / yhe zween vñ zween / sur yhm her / ynn alle stedt vnd ortt / da er wollt yhn kōmen vnn̄ sprach

Matth. 9. zu yhnen / Die ernd ist gros / der erbeyter aber ist wenig / Bittet den herrn der erndten / das er erbeyter aus sende

Matth. 10. ynn seyne erndte / Gehet yhnn / sehet / ich sende euch / als die

EUANGELION

die lemmer mitten vnter die wolffe / Tragt seynen beuttel / noch tasschen / noch schuch / vnnnd grussset niemant auff der strassen / Wo yhr ynn eyn haus kompt / da spricht zuerst / frid sey ynn disem hausse / vnnnd so da selbst wirt eyn kind des frids seyn / so wirt ewr fride auff yhm berugen / wo aber nicht / so wirdt ewr fride sich widder zu euch lenden / In dem selbigē haus aber bleybt / esset vnnnd trindt / was sie haben / denn eyn erbeytter ist seyns lohns werdt.

Yhr sollt nicht von eynem haus zum andern gehen / vñ wo yhr ynn eyne stad kommet / vnd sie euch auffnehmen / da esset / was euch wirt furgetragen / vnd heylet die krancken die da selbst sind / vnnnd saget yhn / Das reyck Gottis ist nah zu euch komē / Wo yhr aber ynn eyn stad kommet / da sie euch nit auffnehmen / da gehet er aus auff yhre gassen / vnnnd spricht / Auch den staub der sich an vns gehenget hatt von ewr stad / schlahen wir abe auff euch / doch sollt yhr wissen / das euch das reyck Gottis nach gewesen ist / Ich sage euch / Es wirt der Sodoma treglicher ergehen an ihenem tage / denn solcher stad.

Weh dyr Chorazin / Weh dyr Bethsaida / denn weren die thatten zu Tyro vnnnd Sidon geschehen / die bey euch geschehen sind / sie hetten vorheypen ym sack vnnnd ynn der aschen gefessen vnnnd bus than / Doch es wirt Tyro vñ Sidon treglicher ergehen am gericht / den euch / Vñ du Capernaum / die du bis an hymel erhaben bist / du wirst bis ynn die helle hyn vnter gestossen werden / Wer euch horet / der horet mich / vnd wer euch veracht / der veracht mich / wer aber mich veracht / der veracht den / der mich gesand hat.

Die siebentzig aber kamen widder mit freuden / vñ sprachen / Herr Es sind vns auch die teuffel vnterthan ynn deynem namē / Er sprach aber zu yhn / Ich sahe wol den Satanas vom hymel fallen / als eynen blig / Sehet / ich habe euch macht geben / zu treten auff schlangen vnd Scorpion / vnd
ober

Matth. 10

Matth. 11

ober allen gewalt des feyns / vnnnd nichts wirt euch beschedigen / Doch darvnn frewet euch nicht / das euch die geyster vnter than sind / frewet euch aber / das ewre namen ym hymel geschrieben sind.

Matth. 11. Zu der stunde frewet sich Jhesum ym geyst / vnnnd sprach / Ich preysze dich vatter vnnnd herr hymels vnd der erden / das du solchs verporgen hast den weyszen vnd verstandigen / vnnnd hast offinbart den vnmundigen / ia vater / Also war

Johan. 8. es wolgefellig fur dyr. Es ist myr alles vbirgeben von meinem vatter / vnnnd niemant weysz / wer der son sey / denn nur der vatter / noch wer der vater sey / denn nur der son / vn̄ wilchem es der son will offenbaren.

Matth. 13. Vnd er wand sich zu seynen lungern / vnnnd sprach ynn sonderheyt / Selig sind die augen / die da sehen / das yhr sehet / denn ich sage euch / viel propheten vnd konige wolten sehen das yhr sehet / vnnnd habens nit gesehen / vnd horen das yhr horet / vnd habens nit gehoret.

Vn̄ sihe / da stund eyn schriftgelerter auff / versucht yhn vn̄ sprach / Meister / was mus ich thun / das ich das ewige lebē ererbe? Er aber sprach zu yhm / wie stehet ym geseh geschriben? wie liesest du? Er antwort vn̄ sprach / Du sollst Gott lieben deynen hern vñ ganhem herzen / von ganher seel / von allen krefftten / vn̄ von ganhem gemute / vnd deynen nechsten als dich selbe / Er aber sprach zu yhm / du hast recht geantwortet / thue das / so wirstu leben / Er aber wollt sich selb rechtfertigen vnd sprach zu Jhesu / wer ist denn meyn nechster?

Da antwort Jhesus vnnnd sprach / Es war eyn mensch / der gieng von Jerusalem hynab gen Jericho / vnd fiel vnter die morder / die zogen yhn aus vnd schlugen yhn / vnd giengen daruon / vnd liessen yhn halb todt liegen. Es begab sich aber angefer / das eyn priester die selbigen strassz hynab zoch / vnnnd da er yhn sahe / gieng er fur ober / desselbigen gleychen auch eyn Leuit / da er kam bey die stett vnd sahe yhn / gieng er

EUANGELION

(nehist)
Der nehist ist
nicht alleyn der
wolthut / son-
dern auch der
wolthatt be-
darff / denn wpr
sind alle vnter-
inander nehisten.

er fur vber / Eyn Samariter aber reysset / vñ kam bey die
stett / vnd da er yhn sahe / iamert yhn seyn / gieng zu yhm /
verpand yhm seyne wunden / vnd goß dreyn ole vnd weyn /
vñ hub yhn auff seyn thier vnd furt yhn ynn die herberg /
vñ pfleget seyn / Des andern tags reysset er / vnd zog er aus
zween grosschen / vñ gab sie dem wirt / vñ sprach zu yhm /
pflege seyn / vñ so du was mehr wirt dar thun / will ich dvr
behalen weñ ich wider come. Wilcher dunckt dich der vnter
diszen dreyn der nehist sey gewesen / dem der vnter die
morder gefallē war? Er sprach / der die barmherhlgheyt
an yhm thatt / da sprach Ihesus zu yhm / So gang hyhn /
vnd thu des gleychen.

Es begab sich aber / da sie wandleten / Gieng er ynn eyn
marckt / da war eyn weyb / mit namen Martha / die nam
yhn auff ynn yhr haus / vñ sie hatte eyne Schwester / die hies
Maria / die saß sich zu seynen fussen / vñd horet seynes
rede zu / Martha aber macht yhr viel zu schaffen yhm zu
dienen / vñd sie tratt hyhn zu vnd sprach / Herre / fragistu
nicht darnach / das mich meyn Schwester leß alleyn dienen?
Sag yhr / das sie es doch auch angreyffe / Ihesus aber ant-
wortet vnd sprach zu yhr / Martha / Martha du sorgist /
vñd bekumerst dich mit viel dingen / Nur eyns ist nodt /
Maria hat eyn gutt teyl er welet das soll nicht von yhr ge-
nommen werden.

Das eyffft Capitel.

Und es begab sich / das er war an eynem ortt vñ Matth. 6.
bettet / vnd da er auff gehoret hatte / sprach seynes
iunger eyner zu yhm / Herre lere vns beten / wie
auch Johannes seyne iungere lerete / Er aber sprach / wenn
yhr bettet / so sprecht / Vnser vater ym hymel / deyn name
sey heylig / deyn reyck come / deyn wille geschehe auff erden
wie ym hymel / gib vns ymer dar vnser teglich brod / vñd
vergib

vergib vns vnſere ſunde/denn auch wir vergeben allen die vns ſchuldig ſind / vñ ſure vns nicht ynn verſuchung / ſondern erloſe vns von dem vbel.

Matth. 7. Dñ er ſprach zu yhn/wilcher iſt vnter euch/der eynen freund hatt/vnd glenge zu yhm zu mitter nacht/vñ ſpreche zu yhm/ lieber freund/lephemyr drey brodt/deñes iſt meyn freundt zu myr komē vō der ſtraſſen / vnd ich habe nicht / das ich yhm ſurlege / vnd er droynnen wurde ſprechen / mach myr ſeyn vnrüge/die thur iſt ſchon zu ſchloſſen/vnd meyne kind- lin ſind bey myr ynn der kammer/ich kan nit auff ſtehen/vñ dyr gebē/Ich ſage euch/vñ ob er nit auff ſtehet vñ gibt yhm/ darumb/das er ſeyn freund iſt/ſo wirt er doch vmb ſeynes vnuerſchampten geplens willen auff ſtehen / vnd yhm geben / wie viel er bedarff.

Matth. 7. Dñ ich ſage euch auch / Bittet / ſo wirt euch gebenn / Sucht/
Johan. 16. ſo werdet yhr finden / Klopfft an / ſo wirt euch auff than / Deñ wer do bittet / der nympt / vnd wer do ſucht / der ſin- det / vnd wer do an klopfft / dem wirt auff than / Wo bitt vnter euch eyñ ſon den vatter vmbſ brod / der yhm eynen ſteyn daſur biete? vnd ſo er vmb eynen fiſch bittet / der yhm eyñ ſchlangen ſur den fiſch biete? odder ſo er vmb eyñ ey bittet / der yhm eyñ Scorpion da ſur biete? So denn yhr / die yhr arg ſeyt / fund ewren kindern gutte gaben geben / wie viel mehr wirtt der vatter ym hymel den heyligen geyst geben / denen / die yhn bitten?

Vnd er treyb eynen teuffel aus / der war ſtum / vñ geſchach / da der teuffel aus ſur / da redte der ſtumme / vñnd das vold

Matth. 12. verwunderte ſich / Etlich aber vnter yhnen ſprachē / Et treybt
Marci. 3. die teuffel aus / durch Beelzebub den vbirſtē der teuffel / Die andern aber verſuchten yhn / vnd begerten eyñ zeychen von yhm / vom hymel / Er aber vernam yhre meynunge / vñnd ſprach zu yhnen / Eyn iglich reydh / ſo es mit yhm ſelbs vneyns wirt / das verwuſtet / vñ eyñ haus ſellt vber das ander /

EUANGELION

ander / Ist den der Satanas auch mit yhm selbs vneyne / wie will seyn reich bestehen? die weyl yhr saget / ich treybe die teuffel aus durch Beel zebub / So aber ich die teuffel durch Beelzebub aus treybe / durch wen treybē sie ewre kinder aus? darumb werdē sie ewre richter seyn / So ich aber durch den finger Gottis die teufel aus treybe / so kompt yhe das reich Gottis zu euch.

Wenn eyn starcker gewapneter bewaret seyn haus / so bleybt das seyn mit fryden / weñ aber eyn stercker vber yhn kompt / vñ vberwindt yhn / so nympt er yhm seynen harnsch / darauff er sich verliesz / vnd teylet den raub aus. Wer nicht mit myr ist / der ist widder mich / vñ wer nicht mit myr samlet / der zurstrewet.

Wenn der vn sauber geyst von dem menschen außferet / so durch wandlet er durre stette / sucht ruge vñnd findet yhr nicht / so spricht er / Ich wil widder umbleren ynn meyn haus / daraus ich gangen byn / vnd wenn er kompt / so findt ersz mit besemen geleret vñ geschmuckt / dann gehet er hyñ / vnd nympt sieben gepster zu sich / die erger sind den er selbs / vnd wenn sie hyneyn komen / wonen sie da / vñ wirt das lezt desselbigen menschen erger denn das erste.

Vñnd es begab sich da er solchs redet / erhub eyn weyb ym vold / die stymm / vñnd sprach zu yhm / Selig ist der leyb der dich tragen hatt / vñ die bruste die du gesogen hast / Er aber sprach / ja / selig sind die das wort Gottis horen vnd bewaren.

Das vold aber drang hyñ / da sieng er an vñnd sagt / Dis ist eyn arge art / sie begert eyn zeychen / vñnd es wirt yhr seyn zeychen geben / denn nur das zeychen des propheten Jonas / den wie Jonas eyn zeychen war den Niniuiten / also wirt des menschen son seyn diesem geschlecht. Die konigyn vom mittag wirt auff treten fur dem gericht mit den leuten dieses geschlechts / vnd wirt sie verdamnen / den sie kam von

Jone. 2.
Matth. 12.
3. Reg. 18.

von der welt ende zu horen die weyszheyt Salomonis / vñ
sihe / hie ist mehr deñ Salomon / Die leutte von Niníue wer-
den auff treten fur dem gericht mitt dißem geschlecht / vñd
werdens verdamnen / denn sie thetten buß nach der predi-
get Jonas / vñnd sihe / hie ist mehr denn Jonas.

Matth. 6. Niemand zundet eyn liecht an / vñnd setzt es an eyn heym-
lich ortt / auch nit vñter eynen scheffel / sondern auff den
leuchter / auff das wer hyneyn gehe / das liecht sehe. Das
auge ist des leybs liecht / wenn nu deyn auge eynseitig seyn
wirt / so ist deyn ganzer leyb liecht / So aber deyn aug eyn
schald seyn wirt / so ist auch deyn leyb finster / So schaw
drauff / das nit das liecht ynn dñr / eyn finsternis sey / wenn
nu deyn leyb gang liecht ist / das er leyb stude vom finsternis
hatt / so wirt er gang liecht seyn / vñ wirt dich erleuchten /
wie eyn heller blyß.

Da er aber ynn der rede war / bat yhn eyn phariseer / das
er mitt yhm das mittags mal esse / vñnd er gieng hyneyn /
vñnd saß sich zu tisch / da das der phariseer sahe / verwun-
derte er sich / das er sich nicht fur dem essen wußt / Der herr
aber sprach zu yhm / yhr phariseer reyniget das außwendige
Matth. 23. am becher vñnd der schusselln / Aber ewr ynwendigs ist voll
raubs vñd boßheyt / yhr thoren / hatt mans damit ynwen-
dig gefertiget / das mans außwendig gefertigt hatt / Doch
gebt almosen von ewr habe / sehet / so ist euch alles reyn.
Aber weh euch phariseer / das yhr verhehet die mynne
vñ rautten / vñd allerley fol / vñd gehet fur dem gericht
vber vñd fur der liebe Gottis / Dis sollt man thun / vñd
ihenis nicht lassen.

Weh euch phariseer / das yhr gern oben an siß yñ den
schulen / vñ wollt grisset seyn auff dem markt.

Weh euch schriftgelerten vñ phariseer / yhr heuchler / das
yhr seyt wie verdeckte todten greber / daruber die leutt
lauffen vñnd kennen sie nicht.

Da

EUANGELION

Da antwort eyner von den schriftgeleertē / vñ sprach zu ihm / Meister / mit den Worten schmeißtu vns auch / Er aber sprach / vnd weh auch euch schriftgeleerten / denn ihr beladet die mensche mit vntreglichen lasten / vnd ihr hurtet sie nicht mit eynem finger an.

Weh euch / denn ihr bauet der propheten greber / ewer vater aber haben sie todtet / so bezeuget ihr zwar / vnd bewilliget die werck ewer vater / denn sie todteten sie / so bauet ihr ihre greber.

Darumb sprach die weyszheyt Gottis / Ich will propheten vnd Apostel zu ihm senden / vñ der selbige werden sie etlich todteten vñ verfolgen / auff das gesoddert werde von diesem geschlecht aller propheten blutt / das vergossen ist / sind der welt grund gelegt ist / von Abels blut an / bis auff das blutt Zacharie / der umb kam zwischen dem altar vnd dem tempel / ja ich sage euch / Es wird gesoddert werden von diesem geschlecht. Matth. 23. 2. para. 1.

Weh euch schriftgeleerten / denn ihr habt den schlüssel der erkentnis empfangen / ihr seht nicht hynen komē / vñ habt geweret denen / die hynen wollten. Matth. 23.

Da er aber solchs zu ihm saget / siengen an die schriftgeleerten vnd phariseer hart auff ihn zu dringen / vñ ihm mit mancherley fragen den mund stopffen / vnd laureten auff ihn / vnd suchten / ob sie etwas erlagen kundten aus seinem mund / das sie sach zu ihm hetten.

Das zwelfft Capitel.

Es hatte sich viel volck gesamlet / also / das sie sich vnternander tratten / da sieng er an vnd sagt zu seinen jingern / zum ersten / Suttet euch fur den samerteyg der phariseer / wilchs ist die heuchley / Es ist aber nichts verporgen das nit offenbar werde / noch heymlich / das man nicht wissen werde / darumb was ihr im finsternis Matth. 23. Matth. 23.

nls gesagt habt / das wirt man yhm liecht horen/was yhr
habt geredt yns or ynn der kamer/das wirt man predigen
auff den dechern.

Matth. 10. Ich sage euch aber meynen freunden/furchtet euch nit fur
denen / die den leyb todten / vnd darnach nichts haben /
das sie mehr thun / Ich will euch aber zeigen fur wilchem
yhr euch furchten sollt/furcht euch fur dem/der nach dem er
todtet hat / auch macht hat zu werffen ynn die helle / la ich
sage euch/fur dem furchtet euch. Reufft man nit funff sper-
ling vmb zween pfennige? noch ist fur Gott der selbigen
nicht eyns vergessen/Auch sind die hare auff ewerm hewbt
alle gehelet / darumb furcht euch nit / denn yhr seyt besser
denn viel sperlinge.

Matth. 10. Ich sage euch aber / Wer mich bekennet fur den mensche /
den wirt auch des mensche son bekennen fur den engelen
Gottis/Wer meyn aber verleugnet fur den menschen/des

Matth. 12. wirt verleugnet werden fur den engeln Gottis / vnd wer
do redet eyn wort widder des mensche son/dem solls ver-
geben werden / wer aber lestert den heylligen gepst / dem
solls nicht vergeben werden.

Wenn sie euch aber furen werden ynn yhre schulen / vnd
fur die vbersehten/vnd fur die geweltigē/soorget nicht/
wie odder was yhr antwortten/odder was yhr sagen sollt/
den der heylige gepst wirt euch zu der selbigen stund leren/
was yhr sagen sollt.

Matth. 10. Es sprach aber eyner aus dē volck zu yhm / Meister / sage
meynē bruder / dz er mit myr dz erbe teyle/Er aber sprach
zu yhm/mensch/wer hatt mich zum richter odder erbschich-
ter vber euch gesetzt? vñ sprach zu yhn / Sehet zu / vñ huttet
euch fur dē gepst / den nyemāt lebt dauon / das er voll
gnuge hatt ynn seynen guttern/Vñ er sagt yhn eyn gleych-
nis vnd sprach.

Es war eyn reycher mensch / des feld stund wol/vnd er ge-
dachte

EUANGELION

dachte bey ihm selbst und sprach/was soll ich thun? ich habe nicht/da ich meyne fruchte hyn samle/und sprach/das will ich thun/ich will meyne scheuren abbrechen/und grossere bauen/und will dreyn samlen/alles was mir gewachsen ist / und meyne gutter / und will sagen zu meiner seelen / Liebe seel / du hast eyn grossen vorrath auff viel iar / habe nu ruge / iss / trind / sey frolich Aber Gott sprach zu ihm / du narr / diese nacht wirt man deine seele von dir fodern/ und wes wirts seyn / das du bereyttet hast? Also gehet es / wer ihm schey samlet/und ist nicht reich ynn Gott.

Er sprach aber zu seinen iungern / darumb sage ich euch / Matth. forget nit fur ewr leben / was ihr essen sollet / auch nicht fur ewren leyb/was ihr anthun sollet. Das leben ist mehr denn speyse / und der leyb mehr denn kleydung / Kempt war der raben / die seen nicht / sie erndten auch nit / sie haben auch seynen feller noch schewen/und Gott nehret sie doch/wie viel aber seyt ihr besser denn die vogel?

Welcher ist unter euch / ob er schon darumb forget / der do funde eyn elle lang seynen grosse zu sehen? So ihr denn das geringst nicht vermuget/warumb forget ihr fur das ander? Kempt war der lillen auff dem feld/wie sie wachsen/sie erbeyten nicht/so spynnen sie nit/Ich sage euch aber/das auch Salomon ynn aller seynen herlicheyt nicht ist bekleydet gewesen / als der eyne.

So denn das gras/das heutt auff dem feld steht/und morgen ynn den ofen geworffen wirt / Gott also kleydet / wie viel mehr wirt er euch kleyden / ihr kleynglewbigen? Darumb auch ihr fraget nicht darnach was ihr essen / odder was ihr trinden solt / und faret nicht hoch her / Nach solchem allen trachtē die heyden ynn der welt/Aber ewr vater weys wol / das ihr des bedurffet / doch trachtet nach dem reich Gottes/so wirt euch das alles zu fallen.

Furcht dich nicht/du fleyne herd/denn es ist ewrs vatters wolgefallen

wolgefallen / euch das reich zu geben. Verkauft was ihr
habt / vñ gebt allmoßen / Machteuch jedell dienicht veralten /
eynen schatz der nymmer abnympt ym hymel / da seyn dieb
zu kompt / vñ den seyn metten fressen / denn wo ewr schatz
ist / da wirtt auch ewr herzh seyn.

Last umbgurtet seyn ewre lenden / vnd brennen ewr liech-
ter / vnd seyt gleich den menschen / die da wartten auff yhrn
herrn / wenn er auffbrechen wirt von der hochzeit / auff
das / wenn er kompt vñd anflopfset / sie yhm bald auff-
thun / Selig seyn die knechte / die der herr / so er kompt /
wachend findet / Warlich ich sage euch / Er wirt sich auff
schurgen / vñd wirt sie zu tisch setzen / vñd fur yhn gehen
vnd yhn dienen.

Matth. 24. Vnd so er kompt yñ der ander wache vñ ynn der dritte
wache / vnd wirtts also finden / Selig sind diese knechte /
Das solt ihr aber wissen / weñ eyn haus herre wylte zu
wiler stund der dieb keme / so wachet er vnd liesze nicht
yñ seyn haus brechen / darumb seyt ihr auch bereit / denn
des mensche son wirt komē zur stund da ihr nicht meynet.

Matth. 24. Petrus aber sprach zu yhm / Herr / sagistu dis gleychnis zu
uns odder auch zu allen? der herr aber sprach / Wie eyn gros
ding ist umb eyn trewen vñd klugen haußhalter / den
seyn herr setzt vber seyn gesind das er yhn zu rechter zeit
ihr gebur gebe? Selig ist der knecht / welchen seyn herr fin-
det also thun / wenn er kompt / warlich ich sage euch / er wirt
yhn vñ alle seyne gutter setzen / So aber der selbige knecht
ynn seynem herzen sagen wirt / Meyn herr verheucht / vnd
seheth an zu schlagen die knecht vnd meyde / auch zu essen vnd
zu trincken vñd sich voll sauffen / So wirt der herr dessel-
bigen knechts komen / an dem tag / da er sich nicht versihet /
vñd zu der stund / die er nicht weys / vñd wirtt yhn zu
scheyttern / vñd wirtt yhm seyn lohn geben mit den vn-
gleybigen.

(Verkauft)
Eyn Christen soll
alles gemeyn
vnd zu dienst ha-
ben seynem ne-
histen was er
hat / vermag /
vñd ist / wo
vñd wie man
seyn bedarff / wie
yhm Christus
than hatt.

Der

EUANGELION

Der knecht aber/der seynes herrn willen weys vnd hatt sich nicht bereydet / auch nit nach seynem willen than/der wirt viel schlege leyden müssen/Der es aber nicht weys/hatt doch than das der schlege werd ist / wirt wenig schlege leyden / Denn wilchem viel geben ist/bey dem wirt man viel suchen/vnnd wilchem viel befolhen ist / von dem wirt man viel fordern.

(sewr)
Er redt nach dem
sprich wortt/ich
wil leyen sewran-
tunden / das ist
ich will eyn vn-
srid an richtē
durchs Euange-
lion ic. Vñ wolt
es were schon ge-
sehen/aber ich
muß zuuor
meyn lebendran
sehen / vñ mich
verlanget dar
nach.

lund phr sehen
wie es andē Cre-
aturt gehet/wa-
rumb sehet phr
nicht auch wo es
euch seylet?

Ich byn komen/das ich sewr an hunde auff erden/was wollt ich lieber/dē es were schon an zundet? aber ich muß mich zuuor tauffen lassen mit eyner tauffe / vñ wie ist myr so bange bis sie vollendet werde Meynet phr/dz ich her komē byn/srid zu gebē? da sage ich neyn zu/sondern/hwyracht/Deñ von nu an/werden sunff pnn eynem haus spennig seyn/drey widder zwey / vnnd zwey widder drey / Es wirt sich der vater sehen widder den son / vnnd der son widder den vatter/die mutter widder die tochter/vñ die tochter widder die mutter / die schwyger widder die schnur / vñ die schnur widder die schwyger.

Er sprach aber auch zu dem volck / Wenn phr eyne wolcken sehet auff gehen vom abent / so spricht phr bald / es kompt eyn regen / vnnd es geschicht also / vñ wen phr sehet den mittags wind wehen/so spricht phr/es wirt heys werden/vnnd es geschicht also / phr heuchler / die gestalt der erden vnd des hymels lund phr prufen/wie prufet phr aber diße zeytt nicht? warumb richtet phr aber nicht auch ober euch was recht ist?

So du aber mit deynem wider sacher fur den fursten gehst/so thu vleys auff dem wege/das du seyn los werdist/auff das er nit ettwā dich fur den richter zihē / vñ der richter vbirantworte dich dem stadtmeyster / vñ der stadtmeyster werff dich yns gefendnis / ich sage dyr / du wirst von dannen nicht eraus komen / bis du den aller leyten scherff behalest.

Das

Matth.

Matth.

Matth.

Das dreyzehend Capitel.

Eswaren aber zu der selbigen zeit etliche da bey/
die verkündigten ihm von den Gallileer/wilcher
blut Pilatus sampt irem opffer vermischt hatte/
vnd Jhesus antwort/vñ sprach zu ihm/Meynet ihr/das/
dise Gallileer ir allen Gallileer/sunder gewesen sind/die
weyl sie das erlitten haben? Ich sage neyn dazu/sondern
so ihr euch nicht bessert/werdet ihr alle auch also umb-
fomen/Oder meynet ihr das die achtzehen/auff wilche
der thurn von Siloa fiel vnd erschlug sie/seyen schuldig
gewesen fur allen menschen die zu Jherusalem wonen? Ich
sage neyn dazu/sondern so ihr euch nicht bessert/werdet
ihr alle auch also umbfomen.

Er saget ihm aber dise gleychnis/Es hatt eyner eyn feygen
baum/der war gepflanzt ynn seynem weynberge/vnd
kam vnd suchte frucht darauff/vnd fand sie nicht/da sprach
er zu dem weyngartner/Sihe/ich byn nu drey iar lang/
alle iar komen/vnd hab frucht gesucht auff diesem feygen
baum/vnd finde sie nicht/haw ihn abe/was hindert er
das land? Er aber antwort vnd sprach/Herre/las ihn noch
dis iar/bis das ich umb ihn grabe vñ betunge ihn/ob er
wollt frucht bringen/wo nicht/so hawe ihn darnach abe.
Vnd er lerete ynn eyner schule am sabbath/vnd sihe/eyn
weyb/war da/das hatte eynen geyst der frandheyt acht-
zehen iar/vñ sie war krum/vnd kund nicht wol auff sehen/
Da sie aber Jhesus sahe/rufft er sie zu sich/vñ sprach zu ihr/
weyb/sey los von deynrer frandheyt/vñ legt die hende auff
sie/vnd also bald ward sie auffrichtig/vnd preysset Gott.
Da antwortet der vbrist der schule/vnd war vnwillig/das
er auff den sabbath heyset/vnd sprach zu dem volck/Es
sind sechs tage darynnen man erbeytten soll/ynn den sel-
bigen kompt vnd last euch heylen/vnd nicht am sabbath.

EUANGELION

Da antwortet yhm der herr vnd sprach / du heuchler / loſet nitt eyn iglicher vnter euch ſeynen ochſen odder eſell von der krippen am Sabbath / vnd ſuret yhn zur trende! Solt aber nit loſet werden am ſabbath diſe / die doch Abrahams tochter iſt / von dieſem bande / wilche Satanas gebunden hatte nu woll achtzehen iar? Vñ als er ſolchs ſaget / mußte ſich ſchemen alle die yhm wider geweſen waren / Vnd alles volda frewet ſich vber allen herlichen thaten die vñ yhm geſchahen.

Er ſprach aber / wem iſt das reich Gottis gleych? vñ wem ſoll ichs vergleychen? Es iſt eynem ſenſſ korn gleych / wilchs eyn menſch nam vnd warffs ynn ſeynen garten / vnd es wuchs / vnd ward eyn groſſer bawm / vnd die vogel des hymels woneten vnter ſeynen zweygen.

Matth. 13.
Marci. 4.

Vnd aber mal ſprach er / wem ſoll ich vergleychen das reich Gottis? Es iſt gleych eynem ſawrteyg / wilchen eyn weyb nam vnd verbarg vnter drey ſcheffel melhs / biß das es ganß durch ſaurtt / vnd er gieng durch ſtedt vnd merckt vnd leret / vnd nam ſeynen weg gen Jeruſalem.

Matth. 13.
Gene. 18.

Es ſprach aber eyner zu yhm / Herr / meynſtu / das wenig ſelig werden? Er aber ſprach zu yhn / ringet darnach / das yhr durch die enge pforten eyngehet / derer viel werden (das ſage ich euch) darnach trachten wie ſie hyneyn komen / vñ werdens nicht thun funden / vñ dem an / wenn der haußwirt auſſerſtanden iſt / vñ die thur verſchloſſen hatt / da werdet yhr denn anſehen drauſſen zu ſtehen / vñ an die thur klopfen / vnd ſagen / Herr / Herr / thu vns auff / vnd er wirt antworten vnd ſagen / ich weys nicht wo yhr her ſeytt.

Matth. 7.

So werdet yhr denn anſehen zu ſagen / myr haben ſur dyr geſſen vnd truncken / vñ auff den gaſſen haſtu vns geleret / vñ er wirt ſagen / ich ſage euch / ich weys nicht wo yhr her ſeytt / weychet alle von myr yhr vbelthetter / da wirt ſeyn heulen vnd zeen klappen / wenn yhr ſehen werdet / Abraham vnd

Matth. 7.

(trachten)
Das ſind die on
glawben / mit
werden ſich mu-
hen gen hymel
zu komē

Matth. 8. vnd Isaac vnd Jacob vnd alle propheten ym reich Gottis / euch aber hyenaus zu furen / vnnnd wenn komen werden vom morgen vnd vom abend / von mitternacht vnd vom mittag / die zu tiffch sihen werden ym reich Gottis / vnd sihe / Es sind lehten / die werden die ersten seyn / vnd sind ersten / die werden die lehten seyn.

An dem selben tage / kamen etlich phariseer zu yhm die sprachen / heb dich hyenaus vnnnd gang von hyennen / denn Herodes will dich todten / vnnnd er sprach zu yhnen / Gehet hyen vnnnd saget dem fuchs / sihe / ich treybe teuffel aus vnd heyle die leutt / heutt vnnnd morgen / vnd am dritten tage werde ich eynend nemen / doch mus ich heutte vnnnd morgen vnd am tage darnach kunfftig / wandeln / denn es thutts nicht / das eyn prophet umblome außer Jerusalem.

Matth. 23. Jerusalem / Jerusalem / die du todtist propheten / vnd steigst die zu dyr gesand werden / wie oft hab ich wollen deyne kinder versamlen wie eyn henne yhr nest vnter yhre flugel / vnd yhr habet nit gewolt? Gehet / ewr haus soll euch wust gelassen werden / deñ ich sage euch / yhr werdet mich nicht sehen / bis das es come / wenn yhr sagen werdet / gebenedeyet ist / der do kompt ynn dem namen des herrn.

Das vierzehend Capitel.

Und es geschach / das er kam ynn eyn haus eynes vbirsten der phariseer / auff eyn sabbath das brod zu essen / vñ sie hielten auff yhn / vnd sihe / da war eyn mensch fur yhm / der war wasser suchtig / vnnnd Ihesus antworttet vnnnd saget zu den schriftgeleerten vnd phariseer vnd sprach / Sympt sichs auch auff den Sabbath heylen? sie aber schwiigen still / vnd er nam yhn zu sich / vñ heylet yhn / vnd liesz yhn gehen / vnd antworttet vnnnd sprach zu yhn / wilcher ist vnter euch / dem seyn ochs odder esel ynn den brun sellet / vnnnd er nicht als bald yhn eraus zeucht am Sabbath?

EUANGELION

Sabbath? vnd sie fundten yhm darauff nicht widder antwort geben.

Er saget aber eyn gleychnis zu den geysten/da er merckt/wie sie erweleten oben an zu sitzen/vnd sprach zu yhnem/wenn du von ymand geladen wirst zur hochzeit/so sehe dich nicht oben an/das nicht etwa eyn eerlicher denn du/von yhm geladen sey/vnnd so denn kompt der dich vnnd yhn geladen hatt/sprech zu dyr/weyche diesem/vnnd mußt denn mit scham vnden an sitzen/Sondern weñ du geladen wirst/so gang hynd/vñ seh dich vnden an/auff das/wenn da kompt/der dich geladen hatt/sprech zu dyr/freund rucke hynd auff/denn wirstu den preys haben fur denen/die zu tisch sitzen/Deñ wer sich self erholet/der soll ernydrikt werden/vñ wer sich self ernydrikt/der soll erholet werden.

Er sprach auch zu dem der yhn geladen hatte/Wenn du eyn mittags odder abent mal machist/so lade nicht deyne freunde/nachparr die do reich sind/auff das sie dich nicht etwa widder laden/vnd dyr vergeltung geschehe/sondern wenn du eyn mal machst/so lade die armen/die kroppler/die lamen/die blinden/so bistu selig/denn sie habens dyr nicht zu uergelten/Es wird dyr aber vergolten werden ynn der aufferstehung der gerechten.

Da aber solchs horet eyner der mit zu tisch sass/sprach er zu yhm/Selig ist der das brod isset ym reich Gottis/Er aber sprach zu yhm/Es war eyn mensch/der machte eyn gros abent mal/vnd lud viel daby/Vnd sand seynen knecht aus zur stund des abent mals/zu sagen den geladenen/kompt/denn es ist alles bereyt/Vnd sie siengen an alle nach eynander sich zu entschuldigen/Der erst sprach zu yhm/Ich hab eynen acker kaufft/vnnd ist myr nodt das ich hyndaus gehe vñ besuche yhn/ich bit dich/entschuldige mich/Vnd der ander sprach/Ich hab funff ioch ochsen kaufft/

laufft / vñ ich gehe iht hyn sie zu beſehen / biß dich / entſchuldige mich / Vñ der dritte ſprach / Ich habe eyn weyb genommen / drum̃b kan ich nicht komen / vnd der knecht kam vnd ſaget das alles ſeynem herrn wißder.

Da wart der haußherr zornig/vnd ſprach zu ſeynem knecht/gang aus bald auff die ſtraſſen vnd gaſſen der ſtab / vñnd fure hereyn / die armen vnd kruppel vnd lamen vnd blinden / vnd der knecht ſprach / Herr / es iſt geſchehen / was du beſolhen haſt / es iſt aber noch raum da / Vnd der herr ſprach zu dem knecht / gang aus auff die land ſtraſſen vnd an die zeune / vñnd nottſige ſie hereyn zu komen / auff das meyn haus voll werde / Ich ſage euch aber / das der menner ſeyner / die geladen ſind / meyn abent mal ſchmecken wirt.

Matth. 10. Es gieng aber viel volcks mit yhm / vnd er wand ſich vñnd ſprach zu yhm / So yemant zu myr kompt / vnd haſſet nicht ſeynen vater / muter / weyb / kinder / bruder / ſchweſtern / auch da zu ſeyn eygen leben / der kan nicht meyn lurger ſeyn / vnd wer nicht tregt ſeyn kreuz vñnd folgt myr nach / der kan nit meyn lurger ſeyn.

Wer iſt aber vnter euch / der eynen thurn bawen wil / vñ ſiht nit zuuor / vnd vber ſchlegt die koſt / ab ers habe hynaus zu furen / auff das nit / wo er den grund gelegt hat / vñnd kans nicht hynaus furen / alle die es ſehen / ſahen an ſeyn zu ſpottē vñ ſagē / diſer menſch hub an zu bawen / vñ kans nicht hynaus furen. Wdder wilcher konig will ſich begeben ynn eynen ſtreyt wißder eynen andern konig / vnd ſiht nicht zuuor vñnd radtſchlaget / ober fundemitzehentaufent begeben / dem / der vñr yhm kompt mit zwentzig tauſent / wo nicht / ſo ſchickt er botſchafft / wenn ihener noch ferne iſt / vnd bittet omb friede / Also auch eyn iglicher vnter euch / der nicht abſaget allem das er hatt / kan nit meyn lurger ſeyn.

Matth. 5. Das ſaltz iſt eyn gutt ding / wo aber das ſaltz thum wirt /
 Marcl. 9. wo mit wirt man wurtē? Es iſt wider auff d̃z land noch

(Abſaget)
 fur dem gottl.
 chen gericht mag
 niemant beſte-

ynn

EUANGELION

hen er verthage
denn an allem
seynem Vermu-
gen vñnd suche
gnade vñnd blitte
vmb hulffe vñn
Christo.

vñn den miß nuß / sondern / man wirts weg werffen / Wer
oren hat zu horen der hore.

Das funfftzehend Capitel.

Es naheten aber zu ihm alle zolner vñnd sunder /
das sie ihn horeten / vñnd die phariseer vñnd schrift-
gelerten murreten vñnd sprachen / dißer nympt die
sunder an vñnd isset mit ihm / Er saget aber zu ihm diß gleych-
nis vñnd sprach / wilch mensch ist vñter euch / der hundert
schaff hat / vñnd so er der eyne verleuret / der nicht lasse
die neun vñnd neunzig vñn der wusten / vñnd ihn gehe nach
dem verlornen / bis das ers fynde? Vñ wenn ers funden
hat / so legt ers auff seine achszeln mit freuden / vñnd wenn
er heym kompt / rufft er seine freunden vñnd nachbarn /
vñnd spricht zu ihnen / freuet euch mit mir / denn ich habe
meyn schaff fundē / das verloren war / Ich sage euch / also
wilt auch freude vñm hymel seyn vber eynem sunder der
bus thut / fur neun vñ neunzig gerechtē / die der busse nit
bedurffen / Oder wilch weyb ist / die zehen grosschen hatt /
so sie der eynen verleuret / die nit eyne liecht anhunde vñ
kere das haus vñ suche mit vleysz / bis das sie ihn finde?
vñnd wenn sie ihn funden hat / rufft sie ihren freunden vñnen
vñnd nachbarn vñnen / vñ spricht / freuet euch mit mir / denn
ich habe meynen grosschen funden den ich verloren hatte /
Also auch / sag ich euch / wirtt eyne reude seyn fur den engeln
gottis vber eynen sunder / der busse thut.

Vñnd er sprach / Eyn mensch hatte zween sone / vñnd der iungst
vñter ihm sprach zu dem vater / Gib mir / vater / das teyl
der gutter / das mir gehoret / vñnd er teylet ihm das gutt /
vñnd nicht lang darnach samlet der iungst son alles zu-
samen vñnd zoch ferne vber land / vñnd dasselbs bracht er
seyn gutt vmb / mit brassen / Da er nu alle das seine ver-
gethet hatte / wart eyne grosse theurung durch dasselbe ganze
land /

land/vnd er sieng an zu darben/vñ gieng hyr/vnnd henger
sich an eynen burger des selben lands / der schickt yhn auff
seynen acker der sew zu huten/vnnd er begerte seynenbauch
zu fullen mit trlestern / die die sew assen / vnnd niemant
gab sie yhm.

Da schlug er ynn sich / vnd sprach / wie viel tagloner hatt
meyn vater / die brod haben die fulle / vnd ich verderbe
ym hunger/ich will mich auff machen vnd zu meynem vater
gehen / vnd zu yhm sagen / vater / ich hab gesündigt ynn
den hymel vnd fur dyr / vnd byn fort nit mehr werd / das
ich deyn son heysze/mache mich als eynen deynen tagloner/
vnd er macht sich auff vnd kam zu seynem vater/Da er aber
noch ferne von dannen war / sahe yhn seyn vatter/vnd la-
mert yhn/vnnd lieff/vñ siel yhm omb seynen hals/vnd kusst
yhn / Der son aber sprach zu yhm / vater / ich hab gesündigt
ynn den hymel vnnd fur dyr / ich byn fort nit mehr werd/
das ich deyn son heysze / Aber der vatter sprach zu seynen
knechten / bringet das beste fleyd her / vnd thut yhn an / vñ
gebt yhm eyn finger reyff an seyne hand / vnnd schuch an
seyne fuss / vnd bringet eyn gemestet kalb her / vnd schlach-
tets / laßt vns essen vnnd strolich seyn / denn diser meyn son
war todt/vnnd ist widder lebend worden/er war verloren/
vñ ist funden worden/vnd siengen widder an strolich zu seyn.
Aber der elltist son war auff dem feld/vnd als er kam/vnnd
nah bey dem hauße war / horet er das gesenge vnd den
reygen / vnnd rieff zu sich der knecht eynen / vñ fraget /
was das were / der aber sagt yhm / deyn bruder ist komen/
vnd deyn vatter hatt eyn gemestet kalb geschlacht / das er yhn
gesund widder hatt / da wart er zornig / vnd wollt nit hyr-
neyn gehen / Da gieng seyn vater eraus vñ bat yhn/Er ant-
wort aber vnd sprach zu seynem vatter / sihe / so viel iar
diene ich dyr / vnd habe deyn gepott noch nie vbertreten /
vnd du hast myr nie eynen bodß geben / das ich mit meynen
freunden

EUANGELION

freunden frolich were / Tu aber komen ist diser deyn son / der seyn gut verschlungen hatt mit den huren / hastu yhm eyne gemest halb geschlacht / Er aber sprach zu yhm / Meyn son / du bist allzeit bey mir / vnd alles was meyn ist / das ist deyn / du solltest aber frolich vnd guttes mutts seyn / denn diser deyn bruder war todt vñ ist widder lebend worden / er war verloren / vñnd ist widder funden.

Das sechzehend Capitel.

ER sprach aber zu seynen jingern / Es war eyne reyscher man / der hatte eyne hausz halter / der wart fur yhm beruchiget / als hett er yhm seyne guter omb bracht / vnd er soddert yhn vnd sprach zu yhm / wie hore ich das von dyr? thu rechnung von deynem hausz halten / denn du kanst hynfirt nicht hauszhalter seyn / der hausz halter sprach bey sich selbst / was soll ich thun? meyn herr nympt das ampt von mir / graben mag ich nicht / so scheme ich mich zu betteln / Ich weys wol was ich thun will / wenn ich nu von dem ampt gesetzt werde / das sie mich ynn yhre heusz er nemen.

Vnd er rieß zu sich / alle schulden er seynes herren / vñ sprach zu dem ersten / Wie viel bistu meynem herrn schuldig? Er sprach / hundert tunnen oles / vnd er sprach / Nym deyn brieff / setze dich vñnd schreyb flugs funfftzig / Darnach sprach er zu dem andern / du aber wie viel bistu schuldig? Er sprach hundert mal der weythe / vñ er sprach zu yhm / nym deynen brieff / vnd schreybe / achtzig / vnd der herre lobete den vngerechten hauszhalter / das er fluglich than hatte / Den die kinder diser welt sind fluger / denn die kinder des lichts / ynn yhem geschlecht / Vñ ich sage euch auch / macht euch freunde mit dem vngerechten Mammon / auff das / wenn yhr nu darbet / sie euch auffnemen yñ die ewigen hutten. Wer ym geringsten trew ist / der ist auch ym grossen trew / vñnd

(Mammon)
Mammon ist Eb-
reisch מַמְּוֹן
vnd heysst reych-
tumb.

vnnd wer ym geringsten vnrecht ist/der ist auch ym grossen vnrecht / So yhr nu ynn dem vnrechten Mammon nicht trew seyt gewesen/wer will euch das warhafftige trawen? Dñ so yhr ynn dem frembden nit trew gewesen seyt / wer will euch geben/das ihenige das ewr ist? Keyn haus knecht kan zweyen herrn dienen/Entweder er wirt eynen hassen/vñ den andern lieben/oder wirt eynem anhangen/vñ den andern verachten/yhr fundt nicht Gott sampt dem Mammon dienen.

Das alles horeten die phariseer/die waren geystlig/vñ spotten seyn / vnd er sprach zu yhnen / yhr seytis/die yhr euch selbst rechtfertiget fur den menschen/Aber Gott kennet ewre herzen/denn was hoch ist vnter den menschen/das ist eyn greuel fur gott.

Matth. 11. Das geseh vnd die propheten weys sagen bis auff Johannes/vñ vñ der zept an / wirtt das reyck Gottes durchs Euangelion prediget / vnd yderman dringt mit gewaltt hyr eyn.

Matth. 5. Es ist aber leychter das hymel vnd erden vergehen / denn das eyn tittel am geseh falle. Wer sich scheydet vñ seynem

Matth. 19. weybe vnd freyet eyn andere/der bricht die ehe/vñ wer die abgesehdene vñ dem man freyet / der bricht auch die ehe. Es war aber eyn reycher man/der fleydet sich mit purpur vnd kostlichem lynwadit/vnd lebet alle tage herlich wol/Es war aber eyn armer/mit namen Lazarus/der lag fur seyner thur/voller schweren/vnnd begeret sich zu settigen von den brosamem/die von des reychen tisch fielen/Doch kamen die hund/vnd ledten yhm seyne schweren/Es begab sich aber/das der arme starb / vnd wart getragen von den Engelen ynn Abrahams schoß / der reyche aber starb auch / vñ wart ynn die helle begraben.

Als er nu ynn der quall war / hub er seyne augen auff / vñ sahe Abraham von fernenvnnd Lazarum ynn seynem schoß / rieß vnd sprach / vater Abraham / erbarme dich meyn / vñ sende

(vnrecht)
Mammon heyst er vnrecht / darumb das es vnrechtẽ brauch vnterworffen ist / vnnd frembd / darumb / das es nit bleybt / wie das geystlich gutt / das ewig unser vñ warhafftig ist. Trew seyn yñ dem Mammon / ist seyn gottlich brauchen zu des nehisten nuh/wer das nit thut / wirt viel weniger ym geystlichen trew seyn / la er wirt seyns haben.

EUANGELION

sende Lazarum/das er das eußerst seynes fingers yns was-
ser tauche/vñ kule meyne zungen/deñ ich leyde grosse peyn
ynn dißer flammen/Abraham aber sprach/gedend/son/
das du guttis empfangen hast ynn deynem leben/vñ La-
zarus dagegen hatt bojes empfangen/Ku aber wirt er ge-
troestet/vnd du wirst gepeyniget/vnd vber das alles ist
zwißschen vns vnnnd euch eyn grosse flufft befestiget/das
die da wollten von hynnen hyñ ab steygē zu euch/kunden
nit/vñ auch nit vñ dannen zu vns her vberfaren.

(Sie haben)
Sie ist verpotten
den pollter gepf-
ten vñ ershep-
nenden todten
zu glewbē.

Da sprach er/so blit ich dich/vater/das du yhn sendest yñ
meynes vaters hauße/deñ ich habe noch sunß bruder/das
er yhn bezeuge/auff das sie nicht auch komen an disen ort
der qual. Abraham sprach zu yhm/Sie haben Moßen vnd
die prophetē/las sie die selbē horen/Er aber sprach/Keyn/
vater Abraham/sondern/wenn eyner vñ den todten zu yhn
gienge/so würdē sie busse thun. Er aber sprach zu yhm/
Horen sie Moßen vnnnd die propheten nicht/so werden sie
auch nicht glewben/ob yemand von den todten auff stunde.

Das Siebentzehend Capitel.

ER sprach zu seynen iungern/Es ist vnmuglich/das
nicht ergernisse komen/Weh aber dem/durch wil-
chen sie komen/es were yhm nuher/das man eyn
mol yhn an seynen hals hengeset/vnd wurffe yhn yns meer/
deñ das er dißer kleynen eynen ergert/Guttet euch. So deyn
bruder an dyr sundiget/so straff yhn/vñ so er sich bessert/
vergib yhm/vnd weñ er sieben mal des tags an dyr sundi-
gen wurde/vnd siebē mal des tages widder keme zu dyr/
vnnnd sprech/Es rewet mich/so solltu yhm vergeben.

Vnd die Apostel sprachen zu dem herrn/sterck vns den glaw-
ben/der herre aber sprach/wenn yhr glawben habt/als eyn
senß korn/vnd saget zu dißem maulberbaum/reyß dich aus/
vnd verseyhe dich yns meer/so wirt er euch gehorsam seyn.

Wilcher

Matth. 18

Mat. 9.

Matth. 1

Matth. 2

Welcher ist vnter euch der eynen knecht hatt/der yhm pfluget oder das sihe weydet / weñ er heym kompt vom felde das er zu yhm sage / gehe bald hyn vnd sehe dich zu tisch? ist nicht also? das er zu yhm sagt / richt zu / das ich zu abent esse / schurke dich vñ diene myr bis ich esse vñ trinke / darnach / solltu auch essen vñ trincken / danckst er auch dem selbigen knecht / das er than hatt / was yhm befolhen war? Ich meyne nicht / Also auch yhr / weñ yhr alles than habt / was euch befolhen ist / so sprecht / myr sind vnnuße knechte / myr haben than / das myr zu thun schuldig waren.

Vnd es begab sich / da er reysset gen Jerusalem / zoch er miten durch Samarien vnd Gallilean / vñnd als er ynn eyn marckt kam / begegten yhm zehen auß / sehige mennen / die stunden von fernem / vnderhuben yhre stymm / vñnd sprachen / Jhesu lieber meyster / erbarm dich vnser. Vñ da er sie sahe / sprach er zu yhn / gehet hyn vnd zeyget euch den priestern / Vñ es geschach / da sie hyn giengē / wurden sie reyn / Eyner aber vnter yhnen / da er sahe / das er gesund worden war / kretet er vmb / vñnd preysset Gott mit lauter stym / vñ siel auß seyn angesicht / zu seynen fussen / vñ dancket yhm / vñ das war eyn Samariter / Jhesus aber antwort vñnd sprach / sind yhr nicht zehen reyn worden? wo sind aber die neune? hatt sich sonst keyner sunden / der widderüb kretet / vñ gebe Got den preys / deñ nur diser frembdlinger? vñ er sprach zu ym / stand auff / gehe hyn / deyn glawbe hat dyr geholffen.

Matth. 24. Da er aber gefragt wart von den phariseer / weñ kompt das
Mar. 13. reych Gottis? antwort er yhnen / vñnd sprach / Das reych Got-

tis kompt nicht mit eusserlichen geperden / man wirt auch nit sagen / sihe / hie oder da ist es. Denn sehet / das reych Gottis ist ynnwendig ynn euch.

Vñnder sprach aber zu den lungern / Es wirt die zeyt komen / das yhr werdet begeren zu sehen eynen tag des menschen sons / vñnd sie werden zu euch sagen / Sihe / hie / sihe / da.

Gehet

(than)
Sie redet Chris-
tus auff das aller
eynfeltigst von
eusserlichen wer-
den nach men-
schē weyse / denn
sonst kan fur
Gott niemant
thun so viel er
schuldig ist / der
yhm an werden
nicht benugen
lesset.

(Eusserlichen)
Das ist Gottis
reych stehet nicht
yñn werden die
an steet / speys /
kleyder / zeyt
person gepun-
den sind sondern
ym glawben
vñnd liebe frey.

EUANGELION

Gehet nicht hin / vnd folget auch nicht / denn wie der blig
oben vom hymel bliget / vnd leuchtet vber alles das vnter
dem hymel ist / also wirt des menschen son / an seynem tage
seyn / zuuor aber mus er viel leyden vñ verworffen werde
von diesem geschlecht.

Vnd wie es geschach zun zeytten Noe / so wirts auch gesche- Matth.
hen vñ den tagen des menschen sons / sie assen / sie truncken /
sie freyeten / sie liessen sich freyen / bis auff den tag / da Noe Genes.
ynn die arche gieng / vnd kam die sündflut / vñ bracht sie alle
vmb / Desselben gleychen / wie es geschach zun zeytten Lot / sie Genes.
assen / sie truncken / sie laufften / sie verkaufften / sie pflanz-
ten / sie baweten / an dem tage aber / da Lott aus Sodoma
gieng / da regent es fiewr vnd schwefel / vñ bracht sie alle
vmb / Auff die wepßze wirts auch gehen / an dem tage / wenn
des mensche son soll offinbart werden.

An dem selbigen tage / wer auff dem dache ist / vnd seyn haus
rabt ynn dem haufze / der stetze nicht ernyder / dasselb zu
holen / desselben gleychen wer auff dem felde ist / der wende
nicht vmb / nach dem das hynder yhm ist / Bedenckt an das
weyb Lottis / wer do sucht seyne seele zu erhalten / der wirt Matth.
sie verlieren / vnd wer sie verlieren wirt / der wirt sie zum
leben geperen.

Ich sage euch / an dem tage werden zween auff eynem bette Matth.
ligen / eyner wirt an genömen / der ander wirt verlassen
werden / Zwo werden malen mit eynander / eyne wirt an-
genömen / die ander wirt verlassen werden / vñ sie antwor-
ten vñ sprachen zu yhm / Herre / wo da? Er aber sprach zu
yhnem / wo das assz ist / da werde auch die Abeler zu fallen.

Das achtzehend Capitel.

ER saget yhn aber eyn gleychnis / dauon / das man
allheytt betten vnd nicht laß werden sollt / vnd
sprach / Es war eyn richter ynn eyner stad / der
furcht

furcht sich nicht fur Gott/vnnd schewet sich fur leyne mens-
schen/Es war aber eyn wítweynn der selben stad/die kam zu
p hm vnd sprach/rette mich von meynem wídderfacher/vnnd
er wolt lange nicht/darnach aber dacht er bey sich selbst/ob
ich mich schon fur Gott nicht furcht/noch fur leyne menschen
schewe/die weyl aber myr dísse wítwe so viel muhe macht/
will ich sie rettē/auff dý sie nit zu leht come/vñ beteubem ich.
Da sprach der herre / Horet hie / was der vnrechte richter
sagt/solt aber Gott nit auch retten seyne außserweleten/die
zu p hm ruffen tag vnd nacht/ob ers gleich verheucht? Ich
sage euch / er wirt sie retten / ynn eyner furh / doch /wenn
des menschen son komen wirt/meynstu das er auch werde
glauben finden auff erden?

Er jaget aber zu etlichen/die sich selbst vermassen / das sie
frum weren / vnd verachten die andern/eyn solche gleych-
nis/Es giengen zween menschen hyn auff ynn den tempel/
zu beten / eyner eyn phariseer / der ander eyn zollner / der
phariseer stund / vñ bettet bey sich selbst also / ich danck dýr
Gott / das ich nit bynn wie ander leutt / reuber / vnrechte /
eheblicher / odder auch wie díser zollner / Ich faste zwýr yñ
der wochen/vnd geb den zehenden von allem das ich habe/
Vnd der zollner stund von ferne/wollt auch seyn augen nicht
auff heben gen hymel/sondern schlug an seyne brust/vnd
sprach/Gott/sey myr sunder gnedig / Ich sage euch / díser
gieng hynab gerechtfertiget yñ seyn haus/fur ihnem/Denn
wer sich selbst erhohet/der wirt ernydriht werden/vnd wer
sich selbst ernydriht/der wirt erhohet werden.

Matth. 19. Sie brachtē auch lunge kındle zu p hm / das er sie solt an-
ruren / Da es aber die lurger sahen / bedraweten sie die/
Marc. 10. Aber Ihesus ríeff sie zu sich vnd sprach/las die kındle zu myr
komen / vnnd weret p hn nicht / denn solcher ist das reyck
Gottis / ich sage euch / wer nicht das reyck Gottis nympt/
als eyn kınd/der wirt nicht hyneyn komen.

Vnd

EUANGELION

Vnd es fraget yhn eyn vbitster/vnnd sprach gutter meyster/
was mus ich thun / das ich / das ewige lebē ererbe? Jhesus
aber sprach zu yhm/was heysststu mich/gutt? Niemandt ist
gutt/denn alleyn der eynige Gott/Du weyst die gepott woll/
du sollt nit ehebrechē / du sollt nicht todten / du sollt nicht
stelen / du sollt nicht falsch gezeugnis reden / du sollt deyn
vater vnnd deyn muter ehren/Er aber sprach/das hab ich
alles gehalten von meynner iugent auff/Da Jhesus das ho-
ret/sprach er zu yhm/es seylet dyr noch eyns/verkeuff alles
was du hast vñ gibs den armen/so wirstu eynen schatz ha-
ben ym hymel/vnd kum/folge myr nach/Da er das horet/
wart er traurig/den er war seer reich.

Da aber Jhesus sahe/das er war traurig worden/sprach er/
wie schwerlich werden die reichen ynn das reich Gottis ko-
men/Es ist leychter/das eyn kameel gehedurch eyn nadelore/
denn das eyn reicher ynn das reich Gottis kome/das sprachen
die das horeten/wer kan den selig werden? Er aber sprach/
was bey den menschen vnmuglich ist/das ist bey Gott muglich.

Da sprach Petrus/sihe/myr haben alles verlassen vnnd sind
dyr nachfolget/Er aber sprach zu yhn/ich sage euch/es ist
niemandt / der eyn haus verlesset / odder ellter / odder bru-
der / odder weyb / odder kind / vmb des reichs Gottis wil-
len / der es nicht viel seltig widder empfahe yñ diser zeijt /
vñ yñ der zukunfftigen welt das ewige leben.

Er nam aber zu sich die zwelffe vnnd sprach zu yhn / sehet/
myr gehen hyn auff gen Jerusalem/vñ es wirt alles vollen-
det/das geschriben ist durch die propheten von des men-
schen son / denn er wirt vbitantwort werden den heyden/
vñ er wirt verspottet vnnd geschmecht vnd verspeyet wer-
den / vnd sie werden yhn geyszeln vnd todten / vnnd am
dritten tage / wirt er widder aufferstehen / vnnd sie ver-
namen der keynes / vnd die rede war yhn verporgen vnd
wusten nicht/was das gesagt war.

Marci. 10. Es geschah aber/da er nahe zu Jericho kam/sas eyn blinder am wege vnd bettelt/da er aber horet das volda/das durch hym gieng/forſchet er/was das were/da verkündigten ſie ihm/Iheſus von Nazareth gieng fur vber/vnd er rieß vnd ſprach/Iheſu du ſon David er barme dich meyn/Die aber vorn an giengen bedraweten ihn/er ſollt ſchweygen/Er aber ſchrey viel mehr/du ſon David erbarm dich meyn/Iheſus aber ſtund ſtill/vnnd hies ihn zu ſich furen/da ſie ihn aber nahe bey ihm brachten/fraget er ihn vnd ſprach/was wiltu/das ich dyr thun ſoll? Er ſprach/Herr/das ich wißder ſehen muge/vnd Iheſus ſprach zu ihm/ſey ſehend/deyn glawbe hatt dyr geholffen/vnd alſo bald war er ſehend/vnnd folget ihm nach/vnnd preſſet Gott/vnd alles volda das ſolchs ſahe/lobt Gott.

Das Neuntzehend Capitel.

Und er zoch hyneyn vñ gieng durch Jericho/vñ ſihe/da war eyn man/genant Zachheus/der war eyn vbirſter zollner/vñ war reich/vñ begerte Iheſum zu ſehē/wer er were/vñ fund nit fur dem volda/deñ er war kleyn vñ perſon/Vñ er ließ fur hym/vñ ſteyg auff eyne wilden ſeygen bawm auff das er ihn ſehe/denn alda ſollt er durchfomen/vnnd als Iheſus kam an die ſelben ſtett/ſahe er auff/vñ wart ſeyn gewar/vnd ſprach zu ihm/Zachee/ſteyg eylend er nyder/denn ich mus heut zu deynem hauſze eynſeren/vnd er ſteyg eylend er nydder/vnnd nam ihn auff mit freuden/Da ſie das ſahen/murreten ſie alle/das er bey eynem ſunder eyn ſeret.

Zachheus aber tratt dar/vnnd ſprach zu dem herren/ſihe/Herr/die helfft meynen gutter gebe ich den armen/vnd ſo ich habe yemand betrogē/das gebe ich vierſaltig wißder/Iheſus aber ſprach zu ihm/Geutt iſt diſem hauſze heyl wißder ſaren/ſeyntemal er auch Abrahams ſon iſt/denn des menſchen

συχάμινος morus est, ſupra cap. xvii συκομοράτα ficus aegyptia nō caprificus a ficu & moro Vide Athen li. ii.

EUANGELION

menschen son ist komen zu suchen vnd selig zu machen das verloren ist.

Da sie nu zu horeten / saget er weytter eyn gleychnis / darumb / das er nahe bey Jerusalem war / vnd sie meynten das reych Gottes sollt also bald offinbart werden vnd sprach / Eyn Edeller zoch ynn eyn ferne land / das er eyn reych eyn neme / vñ dann wider keme / dißer forddert zehen seynere knechte vnd gab yhn zehen pfundt / vñ sprach zu yhn / handel / bis ich wider kome / seyne burger aber waren yhm feynd / vnd schickten eyne botschafft nach yhm / vnd lieszen yhm sagen / wir wollen nicht / das dißer vber vns hirsche. Vnd es begab sich da er wider kam / nach dem er das reych eyngenommen hatte / hies er die knecht forddern / wilchen er seyn gelt geben hatte / das er wiste / was eyn iglicher gehandelt hette. Da tratt er zu der erste / vnd sprach / Herr / deyn pfund hat zehen pfund erworben / vñ er sprach zu yhm / Ey du fromer knecht / die weyl du bist ym geringsten trew gewesen / solltu macht haben vber zehen stedte Der ander kam auch vnd sprach / Herr deyn pfund hatt funff pfund tragen / zu dem sprach er auch / vnd du sollt seyn vber funff stedte. Vnd der dritte kam vñ sprach / Herr / sehe da / hie ist deyn pfundt / wilchs ich habe ym schweys tuch behalten / ich furcht mich fur dyr / denn du bist eyn hartter man / du nymst / da du nit hyr geleget hast / vnd erndtist / da du nit geseet hast / Er sprach zu yhm / Aus deynem mund richt ich dich / du schalck / wustestu / das ich eyn hartter man bynn / neme das ich nicht gelegt habe / vnd erndte / da ich nicht geseet habe / warumb hastu denn meyn gelt nicht ynn die wechselbandt geben? Vnd wenn ich komen were / hett ichs mit wucher erworddert.

Vnd er sprach zu denen / die da bey stunden / Nemet das pfundt vñ yhm vnd gebets dem / der zehen pfund hatt / Vnd sie sprachen zu yhm / Herr / er hat schon zehen pfund / Ich sage euch

euch aber/der do hat dem wirt geben werden/von dem aber der nicht hatt/wirt auch das genommen werden/das er hatt/Doch ihene meyne seynde/die nicht wollten/das ich vbir sie herschen sollte/bringt her/vnd ermurget sie fur myr/Vnd als er solchs saget/zoch er fort vñ gieng hy nauff gen Jerusalem.

Matth. 21. Vnd es begab sich/als er nahet gen Bethphage vñ Bet-
 Marci. 11. hanien an den oleberg/sand er seyner iunger zween/vnd sprach/gehet hy nnn den markt der gegen euch ligt/vnd weñ yhr hyneyn kompt/werdet yhr eyn fullen angepunden sinden/auff welchem noch nie seyn mensch geseffen ist/loset es ab/vnd bringets/Vñ so euch ymant fraget/warumb yhrs ab loset/so saget also zu yhm/der herr darff seyn.

Vnd die gesanten giengen hy vñ funden wie er yhn gesagt hatte/da sie aber das fullen ab loszeten/sprachen seyne herren zu yhn/warumb loset yhr das fullen ab? sie aber sprachen/der herre bedarff seyn/vnd sie brachtens zu Jhesu/vñ wurffen yhr fleyder auff das fullen/vnd sagten Jhesum drauff/da er nu hy zog/breytten sie yhre fleyder auff den weg.

Vñ da er zog den oleberg erab/sieng an der ganze hauff seyner iunger/mit freuden Gott zu loben/mit lautter stymm/ober allen thatten/die sie gesehen hatten/vnd sprochen/Gebenedeyet sey der do kompt ynn dem namen des herren/strid sey ym hymel vñ preysze ynn der hohe/vnd etlich der phariseer ym vold/sprachen zu yhm/Meyster straffe doch deyne iunger/vnd er antwort vñ sprach zu yhn/Ich sage euch/wo dißze schweggen werden/so werden die steyne schreyen.

Vnd als er nahe hy nzu kam/sahe er die stad an/vnd wepnet ober sie vñ sprach/Wenn du wustest was zu deynem fryde dienet/so wurdstu es an deynem heutigen tag bedenden/aber nu ist's fur deynen augen verporgen/denn es
 wirt

EUANGELION

wirt die zeit vñ dich komen / das beyne seynde werden
rumb dich vñ rumb beyne kinder / mit dyr / eyn wagenburg
schlahen / dich belegen / vñ an allen orten engsten vñ schlep-
fen / vñ werden seynen steyn auff dem andern lassen / da-
rumb / das du nicht erkennet hast die zeit darynn du heym
sucht bist.

Vñ er gieng ynn den tempel / vñ sieng an aus zu treyben Matth. 21
die drinnen verkaufften vñ kaufften / vñ sprach zu yhn / Es Marci. 11
stehet geschrieben / Meyn haus ist eyn bett haus / yr aber Jsa. 56.
habts gemacht zur morder gruben / vñ lerete teglich ym
tempel / Aber die hohen priester vñ schriftgelerten vñ die
furnemisten ym volck / trachten yhm nach / das sie yhn um-
brechten / vñ funden nicht / wie sie yhm thun sollten / denn
das volck hling yhm an / vñ heret yhn.

Das zwentzigst Capitel.

Uñ es begab sich der tage eynen / da er das volck
leret ym tempel / vñ predigt das Euangelion / da
tratten zu yhm die hohen priester vñ schriftgeler-
ten mit den Eltisten / vñ sagten zu yhm vñ sprachen / sage
uns / Aus waser macht thustu das? odder wer hatt dyr die
macht geben? Er aber antwortet vñ sprach zu yhn / Ich
will euch auch eyn wort fragen / saget myns / Die tauffe Jo-
hannis / war sie vom hymel oder vñ den mensche? Sie aber
gedachten bey sich selbs / vñ sprachen / sagen wir / vom
hymel / so wirt er sagen / warumb habt yhr denn yhm nicht
glawbet? sagen wir aber / von den menschen / so wirt uns
alles volck steynigen / denn sie stehen drauff / das Johannes
eyn prophet ist / vñ sie antwortten / sie wusten nit wo er her
were / vñ Jhesus sprach zu yhn / so sage ich euch auch nicht /
aus waser macht ich das thu.

Er sieng aber an zu sagen dem volck diße gleychnis / Eyn Matth. 21
mensch pflantz eynen weynberg / vñ thett yhn den weyn- Marci. 12
gertner

gerter aus / vnd noch vber land eyne gute zeit / vñ zu seyn-
ner zeit / sand er eyne knecht zu den weyngartnern / das
sie yhm geben vñ der frucht des weynbergs / Aber die weyn-
gartner steupten yhn / vnd lieffen yhn leer vñ sich / Vnd vber
das / sand er noch eyne andern knecht / sie aber steupten
den selben auch / vnd honeten yhn / vnd lieffen yhn leer von
sich / Vnd vber das / sand er den dritten / sie aber verwun-
ten den auch / vñ stieffen yhn hynaus. Da sprach der herr
des weynbergs / was soll ich thun? ich will meynen lieb-
sten son senden / vielleicht / wenn sie den sehen / werden sie
sich schewen.

Da aber die weyngartner den son sahen / dachten sie bey
sich selbst / vnd sprachen / das ist der erbe / kompt / laß uns
yhn todten / das das erbe vnser sey / vñ sie stieffen yhn hyn
aus fur den weynberg / vnd todten yhn / Was wirt nu
der herr des weynbergs den selbigen thun? Er wirt komen
vnd vmbbringen diese weyngartner / vñ seynen weynberg
andern aus thun / Da sie das hoereten / sprachen sie / das
sey ferne.

Psal. 117. Er aber sahe sie an vnd sprach / was ist denn das / das ge-
schrieben stehet / Der stein / den die bawleutt verworffen
haben / ist worden eyne edelstein? welcher auff disen stein
sellet / der wirt zur hellen / auff welchen aber er sellet /
den wirt er zu malmen. Vñ die hohen priester vñ schrift-
geleerten trachten darnach / wie sie die hend an yhn legten
zu der selbigen stunde / vñ fürchten sich fur dem volck / denn
sie vernamen / das er auff sie diese gleychnis gesagt hatte.

Matth. 22. Vnd sie hielten auff yhn / vnd sandten lauter aus / die sich
Matth. 12. stellen solten / als weren sie from / auff das sie yhn siengen
ynn der rede / damit sie yhn vñ antwortten fundten der
vñ kreyt vñ gewalt des landpflegers / vnd sie fragten
yhn vnd sprachen / Meister / wir wissen / das du aufrichtig
redist vnd lirst / vñ achtest keyns menschen ansehen / son-
dern

EUANGELION

bern du leriſt den weg Gottes recht/Iſts recht das wir dem
Keyſer den ſchos geben / odder nicht? Er aber mercket yhr
boſe tuß/vnnd ſprach zu yhn/was verſucht yhr mich? zeig
mir den pfennig / wes bild vnd vberſchrift hatt er? Sie
antworten vnd ſprachen / des Keyſers / Er aber ſprach zu
yhn/ſo gebt dem Keyſer/was des Keyſers iſt/vnnd Gotte/
was Gottes iſt/vnnd ſie fundten ſeyn wortt nit thaddelln
fur dem vold / vñ verwunderten ſich ſeyner antwort / vnd
ſchwigen ſtill.

Da tratten zu yhm etlich der Saduceer / wilche da hallten / Matth. 2
es ſey ſeyn auſſerſtehen / vnd fragten yhn vnd ſprachen /
Meiſter/Moſes hat vns geſchriebē/ſo ymands brud' ſtirbt / Deuter. 3
der eyn weyb hatt vñ ſtirbt erblos / ſo ſoll ſeyn bruder das
weyb nemen / vnd ſeynem bruder eynen ſamen erwecken /
Nu waren ſieben bruder / der erſt nam eyn weyb/vñ ſtarb
erblos / vnd der ander nam das weyb / vnnd ſtarb auch
erblos/vnd der drit nam ſie/deſelben gleychen alle ſieben/
vnd lieſſen ſeyne kinder / zu lezt nach allen ſtarb auch das
weyb / Nu yn der auſſerſtehung / wilches weyb wirt ſie
ſeyn vnter denen? denn ſieben haben ſie zu weybe gehabt.
Vnd Iheſus antwortt vnnd ſprach zu yhn / Die kinder diſer
welt freyen vnd laſſen ſich freyen / wilche aber wüdig ſeyn
werden ihene welt zu erlangen vnd auſſerſtehung vñ den
todten / die werden widder freyen nach ſich freyen laſſen /
denn ſie funden hynſurt nit ſterben / denn ſie ſind den en-
geln gleych vnnd Gottes kinder / die weyl ſie kinder ſind der
auſſerſtehūg. Das aber die todten auſſerſtehen / hatt auch Exod. 3
Moſes deutet bey dem buſch/da er den herrnn heyß/eynen
Gott Abraham vnnd eynen Gott Iſaac vnnd eynen Gott Ja-
cob / Gott aber iſt nicht der todten / ſondern der lebendigen
Gott / den ſie leben yhm alle / Da antworten etliche der
ſchriftgeleerten vñ ſprachen/meiſter/du haſt recht geſagt/
vñ ſie thurſten yhn furter nichts mehr fragē.

Er

- Matth. 22. Er sprach aber zu yhn / wie sagen sie / Christus sey Dauids
Psal. 109. son? vñ er selbs Dauid spricht ym psalmen buch / Der herr
hatt gesagt zu meynem herrn / setze dich zu meynen rechten /
bis das ich lege deyne feynde / zum schemel deyner fusse /
Dauid nennet yhn eynen herrn / wie ist er nu seyn son?
Matth. 23. Da aber alles volda zu horet / sprach er zu seynen jingern /
huttet euch fur den schriftgelehrten / die da wollen eynher
treten ynn langen fleydern / vnd lassen sich gern grussen
auff dem markt / vnd sitzen gern oben an ynn den schulen /
vnd vber tisch / sie fressen der wittwen heuser / vnd wenden
lange gepett fur / die werden desto schwerer verdammis
empfangen.

Das eyn vnd zwentzigst Capitel.

- Marcl. 11. **E**r sahe aber auff / vnd schawete die reychen / wie
sie yhre opffer eynlegten ynn den Gottis fasten /
Er sahe aber auch eyne arme wittwe / die legt zwey
scherfflyh eyn / vnd er sprach / warlich ich sage euch / disse
arme wittwe hat mehr denn sie alle eyn gelegt / denn disse haben
aus yhre vberflus eyngelegt zu dē opffer Gottis / sie aber
hat aus yhrer darbe alle yhr narug / die sie hat / eyn gelegt.
Matth. 24. Vnd da ettlich sagten von dem tempel / das er geschmudt
Marcl. 13. were vñ seynen steynen vnd fleynoten / sprach er / Es wirt
die zeyt komen / yñ wilcher / des alles das yhr sehet / nit eyn
steyn auff dem andern gelassen wirt / der nicht zu brochen
werde / Sie fragten yhn aber / vnd sprachen / Meyster / wenn
soll das werden? vñ wilchs ist das zeychen / wenn das
geschehen wirt?
Er aber sprach / sehet zu / laßt euch nicht verfuren / denn viel
werden komen ynn meynem namen / vnd sagen / ich sey es /
vnd die zeyt ist er bey komen / folget yhn nit nach / Wenn
yhr aber horen werdet vñ kriegen vnd emporungen / so ent-
setzt euch nicht / denn solchs mus zuuor geschehen / aber das
ende

EUANGELION

ende ist noch nicht so bald da/Da sprach er zu yhn/Eyn volder
wird sich erheben vber das ander/vnd eyn reyck vber das
ander/vnd werden geschehen grosse erdbebungen hyn vnd
widder/pestilentz vnd theur zeytt/auch werden schrecknis
von hymel vnd grosse zeychen geschehen.

Aber fur diesem allen/werden sie die hend an euch legen/
vnd verfolgen/vnd werden euch vberantwortten ynn yhre
schulen vnnnd gesandnisse/vnnnd fur konige vnnnd fursten
zihen/omb meynes namens willen/das wird euch aber
widderfaren zu eynem zeugnis/So nempt nu zu herzen/
das yhr nicht forget/wie yhreuch verantwortten sollt/denn
ich will euch mund vnd weyszheyt geben/wilcher nicht sol-
len widder sprechen mugen/noch widder stehen/alle ewer
widderwertigen/yhr werdet aber vberantwortet werden
von den elltern/brudern/gesreunten vnnnd freunden/vnd
sie werden ewr etlichen zum tod helffen/vnd yhr werdet
gehasset seyn von yberman/omb meynes namens willen/
vnd eyn har von ewrem hewbt soll nit umbkomen/fasset
ewer seelen mit gedult.

Matth. 10

Wenn yhr aber sehen werdet Jerusalem belegt mit eynem
heer/so merckt/das erbey komen ist yhr verwustunge/Als
den/wer ynn Judea ist/der fliehe auff das gepirge/vnnnd
wer mitten drynnen ist/der weyche eraus/vnd wer auff
dem land ist/der kome nicht hyneyn/denn das sind die tage
der rache/das erfüllet werde alles was geschriben ist/Weh
aber den schwangern vnnnd seugeryn ynn den selben tagen/
denn es wirck grosse noth auff erden seyn/vnnnd eyn zorn
vber dis volder/vnd sie werden fallen durch des schwerds
mund/vnd gefangen gefurt vnter alle volder/vnnnd Je-
rusalem wird zu treten werden von den heyden/bis das
der heyden zeytt erfüllet wird.

Matth. 10
Marcl. 13

(heyden zeyt)
Jerusalem mus
vnter den heyden
seyn bis die hey-
den zum glaw-
ben/beleret
werden das ist
bis ans end der
welt/denn der
tempel wird nicht
widder auff
komen Sagge. I.

Vnd es werden zeychen geschehen an der Sonnen vnd Mon-
vnd sternenn/vnnnd auff erden wird den leuten bang seyn/das
sie

sienlt wiſſen wo hy naus/vnnd das meer vnd die waſſer wo-
gen werden brauſen/vñ die menſchen werden verſchmach-
ten fur furcht vñ wartte der dinger/die komen ſollen vñ
den ganhen erden freyſz/deñ auch der hymel kreyſt werden
ſich bewegen/Vnd als denn werden ſie ſehen des menſchen
ſon komen/vñ der wolcken/mit krafft vnd groſſer herli-
cheyt/Wenn aber diſes anſehet zu geſchehen/ſo ſehet auff/
vnd hebt ewere hewpter auff/darumb/das ſich ewer erlo-
ſung naht.

Matth. 24. Vnd er ſaget vñ eyn gleychnis/Sehet an den feygen bawm
vnd alle bewme/wenn ſie lht außſchlahen/ſo ſehet vñ an
vñ merck/das lht der ſommer nahe iſt/Also auch vñ/
Marci. 13. wenn vñ diſes alles ſehet geſchehen/ſo wiſſet das dz reich
Gottis nahe iſt/warlich ich ſage euch/diſes geſchlecht wirt nit
vergehen/bis das es alles geſchehe/Hymel vñ erden wer-
den vergehen/aber meyn wort werden nit vergehen.

Matth. 24. Aber huttet euch/das ewre hergen nicht beſchweret wer-
den mit freſſen vnd ſauffen/vnd mit ſorgen der narungen/
Marci. 13. vnd come diſer tag ſchnell vber euch/Denn wie eyn fallſtrich/
wirt er komen vber alle die auff erden wonen/So ſeyt nu
wachet allzeit/vnd bettet/das vñ wirdig werden mugt zu
entſtehen diſem allem/das geſchehen ſoll vnd zu ſtehen
fur des menſchen ſon.

Vñ er leret des tags vñ tempel/des nachts aber gieng er
hy naus/vnd blieb vber nacht am oleberg/vnnd alles vord
war frue auff zu vñ vñ tempel vñ zu horen.

Das zwey vnd zwentzigſt Capitel.

Matth. 26. **E**s war aber nahe das feſt der ſuſſen brod/das do
Marci. 14. oſtern heyſt/vnnd die hohen prieſter vnnd ſchriſt-
gelehrten trachten wie ſie vñ todten/vnnd furch-
ten ſich fur dem vold/Es war aber der Satanas gefarn vñ
Johan. 11. den Judas genant Iſcharioth/der da war aus der zal der
zwelffe/

EUANGELION

zwelffe/ vnd er gieng hyn vnnnd redet mit den hohen prief-
tern vnd mit der vberlept/wie er yhn wollt yhnen vberant-
worten/vnd sie worden fro/vñ gelobten yhm gelt zu geben/
vnd er versprach sich/vnnnd suchte gelegenheyt/das er yhn
vberantwort on lermen.

Es kam nu der tag der jussen brod/auff wilchen man muste
opffern das oster lamb/vnd er sandte Petron vnd Johānen
vnd sprach / gehet hyn / bereyttet vns das osterlamb / auff
das wir essen/sie aber sprachen zu yhm/wowiltu das wir
bereyten? Er sprach zu yhn/seheth/wenn yhr hynen kompt
vnn die stadt/wirt euch begeben ein mensch/der tregt einen
wasser krug/folget yhm nach ynn das haus / da er hynen
gehet / vnnnd saget zu dem hauszhern / der meyster leß dyr
sagen/wo ist der saal/darynn ich das osterlamb essen muge
mit meynen lungen? vñ er wirt euch einen grossen gepflas-
terten saal zeigen/da selbs bereyttet es/Sie giengen hyn/
vnd funden wie er yhn gesagt hatte/vnd bereyten das oster-
lamb.

Vnd da die stund kam / saht er sich nydder / vnd die zwelff
Apostel mit yhm/vnnnd er sprach zu yhnen/Mich hatt herth-
lich verlanget dis osterlamb mit euch zu essen / ehe den ich
leyde/denn ich sage euch / das ich hynfirt nit mehr dauon
essen werde/bis das erfullet werde ym reich Gottis/vnd er
nam den klich / dandete vnnnd sprach/Nemet den selben vnd
teylet yhn vnter euch/denn ich sage euch/ich werde nit trin-
cken von dem gewechs des weynstocks bis das reich Gottis
kome. Vnd er nam das brod/dandete vnd brachs/vnd gabs
yhn / vnnnd sprach / Das ist meyn leyb / der fur euch geben
wirt/Das thut zu meynem gedechtnis. Desselbigen gleychen
auch den klich/nach dem sie zu abent geßen hatten/vñ sprach/
Das ist der klich / das newe testament ynn meynem blutt/
das fur euch vergossen wirt.

Doch/seheth/die hand meynes verrhetere/ist mit mir vber-
tissch /

Matth. 2

Marci. 1

Matth. 2

Marci. 1

tiffch/vnd zwar des menschen iongehet hyn/wie es beschlof-
 fen ist/Doch weh dem selben menschen/durch welchen er
 verrhaten wirt/vnnd sie fiengen an zu fragen vnter sich
 selbs/wilcher es doch were vnter yhn/der das thun wurde.
 Matth. 20. Es erhob sich auch eyn zang vnter yhnen/Wilcher vnter yhn
 Marc. 10. gehalten wurde/das er der grossist seyn solt/Er aber sprach
 zu yhnen Die weltlichen konige hirschen/vnd die gewall-
 tigen/heysset man gnedige herrn/yhr aber nicht also/son-
 dern der grossist vnter euch/soll seyn wie der lungst/vnnd
 der furnemst/wie der diener/Denn wilcher ist der grossist?
 der zu tiffch sitzt? odder der da dienet? ist nicht also/das
 der zu tiffch sitzt? ich aber byn mitten vnter euch/wie eyn
 dienender/yhr aber seht/die yhr beharret habt bey myr/
 ynn meynen ansechtungen/vnnd ich will euch das reich be-
 scheyden/wie myr meyn vater bescheyden hatt/das yhr essen
 vñ trinden sollt vber meynem tiffch ynn meynem reich/
 vnd sitzen auff stulen/vnnd richten die zwelff geschlecht von
 Israel.

Matth. 26. Der herr aber sprach/Simon/Simon/sihe/der Satanas
 Marc. 14. hat ewr begerd/das er euch mocht sichten wie den weyhen/
 ich aber hab fur dich gepeten/das deyn glawbe nicht auff-
 hore/vnd wenn du der mal eyns dich beferist/szo stercke
 deyne bruder/Er sprach aber zu yhm/Serre/ich byn bereit
 mit dyr yn gefengnis vnnd ynn den todt zu gehen/Er aber
 sprach/Petre ich sage dyr/der han wirt heutte nit frehen/
 ehe den du drey mal verleudet hast/das du mich kennest.
 Vnd er sprach zu yhnen/So offst ich euch gesand hab on beut-
 tel/on tasschen vnnd on schuch/habt yhr auch yhe mangel
 gehabt? Sie sprachen/nie keynen/Da sprach er zu yhnen/
 aber nu/wer eynen beuttel hat/der neme yhn/desselden
 gleychen auch die tasschen/wer aber nicht hatt/der verkeyff
 seyn kleyd/vnnd keyffe eyn schwerdt/denn ich sage euch/Es
 mus noch dz auch vollendet werden/am myr/dz geschrieben
 stehet/

EUANGELION

	<p>stehet / Er ist vnter die vbelthetter gerechnet / den was vñ mjr geschrieben ist / das hatt eyn ende / sie sprachen aber / Gerre / sihe / hie sind zwey schwerd / Er aber sprach zu ynen / Es ist genug.</p>	Jsal. 53.
<p>(Es ist genug) Das ist / es gilt nit mehr / mit dem leyplichen schwerd sechten / Sondern es gilt hynsurt leyden vmb des Euan- gelio willen / vnd creuch tra- gen / den man kan widder den teuffel nit mit eyssen sechten / darumb ist nott alles dran zu sehen / vnd nur das geystlich schwerd / das wort Gottes zu fassen.</p>	<p>Vnd er gieng hynaus / nach seynen gewonheyt an den ole- berg / Es folgten yhm aber seyne lunge nach an dem sel- ben ortt / vñ als er da hyn kam sprach er zu yhn / Bettet / auff das yhr nit ynn ansechtung fallet / vnd er reyszt sich von yhn / bey eynem steynworff / vñ luyet nyder / betet vnd sprach / Vater / wiltu / so nym disen kild von mjr / doch nicht meyn / sondern deyn wille geschehe / Es erscheyn yhm aber eyn engel von hymel / vnd sterckt yhn / vñ es kam / das er mit dem todt rang / vñ bettet hefftiger / Es wart aber seyn schweys / wie bluts tropffen / die sielen auff die erden / vnd er stund auff von dem gepett / vnd kam zu seynen lungen / vnd fand sie schlaffen sur traurigkeyt / vñ sprach zu yhn / was schlaffst yhr ? stehet auff vnd bettet / auff das yhr nicht ynn ansechtung fallet.</p>	Matth. 26. Marc. 14. Johan. 18.
	<p>Da er aber noch redet / sihe / die schar vnd eyner von den zwelffen genant Juda / gieng sur yhn her / vnd nahet sich zu Jhesu / yhn zu kussen / Jhesus aber sprach zu yhm / Juda / ver- rathistu des menschen son mit eynem kuss ? Da aber sahen / die vmb yhn waren / was da werden wollt / sprachen sie zu yhm / Gerre / sollen wir mit dem schwerd drey schlagen ? vnd eyner aus yhnen schlug des hohen priesters knecht / vnd hieb yhm seyn rechtohr ab / Jhesus aber antwort vñ sprach / lasset sie doch so ferne machen / vñ er ruret seyn ohre an / vñ heylet yhn.</p>	Matth. 26. Marc. 14. Johan. 18.
<p>(So ferne) Lasset sie ferne mache / so fern yhn verthe- wilt / es hatt al- les seyn richter / das wpr nicht durffen selbs rechen.</p>	<p>Jhesus aber sprach / zu den hohen priestern vnd vbirten des tempels vnd den elstisten die zu yhm kamen waren / yhr seyt als zu eynem morder mit schwerden vnd mit stangen aus gangen / ich byn teglich bey euch ym tempel gewesen / vnd yhr habt kein hand an mich gelegt / Aber dis ist ewere stunde</p>	

stunde vnd die macht der finsternisse/Sie gryffen yhn aber vnd fureten yhn/vnd brachten yhn ynn des hohen priesters haus/Petrus aber folgete von fernem.

Matth. 26. Da zundten sie eyn fewr an/mitten ym pallaz/vñ sahten sich
 Marc. 14. zusammen/vñ Petrus saht sich vnter sie/da sahe yhn eyne
 Johan. 18. magdsigenbeydem liecht/vnd sahe eben auff yhn vnd sprach zu yhm/diſer war auch mit yhm/Er aber verleugnet yhn vnd sprach/weyß/ich kenn seyn nit. Vnd vber eyn fleyne weyle/sahe yhn eyn ander/vnd sprach/du biſt auch der eyner/Petrus aber sprach/Mensch ich bins nicht. Vnd vber eyn weyle/bey eyner stunde/betrefftigets eyn ander/vnd sprach/werlich/diſſer war auch mit yhm/deñ er iſt eyn Galli- leer/Petrus aber sprach/Mensch/ich weys nicht was du sa- geſt/vnd als bald/da er noch redet/frehet der han/vnd der herr wand sich/vnd sahe Petern an/vnd Petrus ge- dachte an des herrn wortt/als er zu yhm gesagt hatte/ehe denn der han frehet/wirſtu mich drey mal verleugnen vnd Petrus gleng hynaus/vnd weynet bitterlich.

Die menner aber/die Jhesum hielten/verſpotteten yhn vnd ſchlugen yhn/verdeckten yhn/vnd ſchlugen yhn yns an- geſicht/vnd fragten yhn/vnd sprachen/weyßſage/wer iſts/der dich ſchlug/vnd viel andere leſterungen ſagten ſie zu yhm.

Matth. 26. Vnd als es tag wart/samleten sich die eltiſten des volds/
 Marc. 14. die hohen priester vnd ſchriſtgelerten/vnd fureten yhn
 Johan. 18. hynauß/fur yhren rad vnd sprachen/Biſtu Chriſtus? ſags vnns/Er sprach aber zu yhn/sage ichs euch/ſo gleubet yhr nicht/frage ich aber/ſo antwortet yhr nicht/vnd laſt mich dennoch nit loß/Darumb/vñ nu an wirt des menſchen ſon- ſigen zur rechten hand der fraßſt Gottis/Da sprachen ſie alle/biſtu denn Gottis ſon? Er sprach zu yhn/yhr ſagets/deñ ich byns/Sie aber sprachen/was durffen wir weyter zeugniss? wir habens ſelbs gehoret aus ſeynem mund.

Das

EUANGELION

Das drey vñ zwentzigst Capitel.

Und der ganß hauffe stund auff/ vnd furten yhn fur Pilato/ vnd siengen an yhn zu verflagen/ vñnd sprachen/ dießzen finden wir/ das er das völd abwendet vñnd verpeutt den sches dem kayszer zu geben/ vñnd spricht/ er sey Christus eyn konig / Pilatus aber fraget yhn vñnd sprach/ Bistu eyn konig der Juden? Er antwert yhm vñnd sprach/ du sagests/ Pilatus sprach zu den hohen priestern vñnd zum völd/ ich finde keyn vrsach an dißzem menschen/ Sie aber hielten an/ vñnd sprachen/ Er hatt das völd erreget/ damit/ das er geleret hat hyñn vñnd her ym ganßzen Judischen land/ vñnd hatt ynn Gallilea angefangen/ bis her.

Da aber Pilatus Gallilean horet/ fragt er/ ob er aus Gallilea were/ vñnd als er vernam/ das er vñter Herodes vñbirsept war/ vñbirsand er yhn zu Herodes/ wilcher ynn den selbigen tagen auch zu Jerusale war/ Da aber Herodes Jhesum sahe/ wart er seer fro/ denn er hett yhn langist gern gesehen/ denn er hatte viel vñ yhm gehoret/ vñnd hoffet/ er wurde eyn zepchen von yhm sehē/ vñ er fragt yhn mancherley/ er antwert yhm aber nichts/ Die hohen priester aber vñ schrifftgelerten stunden vñnd verflagten yhn hart/ Aber Herodes mit seynem hoffgesind veracht/ vñnd verpottet yhn/ legt yhm eyn weyßis kleyd an/ vñnd sand yhn widder zu Pilato/ Auff den tag wurden Pilatus vñnd Herodes freunde mitteynander/ deñ zuuor waren sie eynander feynd.

Pilatus aber rieß die hohen priester/ vñnd die vñbirsten vñnd das völd zusammen/ vñ sprach zu yhn/ Ihr habt dießzen menschen zu myr bracht/ als der das völd abwende/ vñnd sehet/ ich hab yhn fur euch verhoret/ vñ sind an dem menschen der sachen keyne/ der yhr yhn beschuldiget/ Herodes auch nicht/ denn ich habe euch zu yhm gesandt/ vñ sehet/
man

Matth. 27
Marcl. 15
Johan. 18

Matth. 27
Marcl. 15
Johan. 18

man hatt nichts auff yhn bracht / das des tods werd sey /
Darumb will ich yhn zuchtigen vnnnd los lassen / denn er
musste yhn eynen nach gewonheyt des festes los geben.

Matth. 27. Da schrie der ganze hauffe / vnd sprache / hyn weg mit die-
Marci. 15. sem / vnnnd gib vns Barraban los / wilcher war umb eyner
Johan. 19. auffruhr / die ynn der stad geschach / vñ umb eynes mords
willen yns gefengnis worffen / Da tieff Pilatus abermal
zu yhn vnd wollt Jesum los lassen / Sie tieffen aber vnd
sprachen / Creutzige / Creutzige yhn. Er aber sprach zum drit-
ten mal zu yhn / was hatt denn dißer vbelß than? Ich finde
keyne ursach des tods an yhm / darumb will ich yhn zuch-
tigen vñ los lassen / Aber sie lagen yhm an mit grossen ge-
schrey / vnd schoderten / das er creutzigt wurde / vnnnd yhr
vnd der hohen priester geschrey nam vberhand.

Pilatus aber vrteyllet / das yhr bitte geschehe / vñ liesz den
losz / der vmbß auffruhrs vñ mords willen war yns ge-
fengnis worffen / vmb wilchen sie hatten / aber Jhesum
vbergab er yhrem willen / Vnd als sie yhn hyn furten / er-
griffen sie eynen Simon von Cyrenen / der kam vom felde /
vnd legten das creutz auff yhn / das ersz Jhesu nachtruge.
Es folget yhm aber nach eyn grosser hauffe volds vñ wey-
ber / die klagten vnd beweyneten yhn / Jhesus aber wand
sich vmb zu yhn / vñ sprach / Yhr tochter von Jerusalem /
weynet nicht vber mich / Doch vber euch selbs mugt yhr
wohl weynen / vnd vber ewre kinder. Den sehet / Es wirt
die zept komen / ynn wilcher man sagen wirt / selig sind die
vnfruchtbar / vnnnd die leybe die nichts geporn haben /
vnnnd bruste die nicht geseuget haben / Den werden sie an-
sehen zu sagen zu den bergen / fallet vber vns / vnd zu den
hugelen / decket vns / Den so man das thut am grunen holz /
was will am durren werden?

Matth. 27. Es wurden aber auch hyngefurt zween ander vbelthetter /
Marci. 55. das sie mit yhn abthan wurden / vñ als sie kamen an die
Johan. 19. stett /

EUANGELION

stett/die da heyst/scheddelstett/creuchigeteten sie yhn daselbs/
vnd die zween vbelthetter mit yhm / eynen zur rechten / vñ
eynen zur linken hand/Ihesus aber sprach / vater / vergib
yhn / denn sie wissen nicht was sie thun / Vñ sie tepleten
seyne klepder vnd wurffen das los drumb / vnd das vold
stund vñ sahe zu.

Vnd die hohen priester sampt yhn / rungheten die nasen /
vnd sprachen / Er hatt andern geholffen / er helff yhm nu
selber/ist er Christ/der auferwelete Gottis/Es verspotteten
yhn auch die friegs knecht / tratten zu yhm / vnd brachten
yhm essig / vnd sprachen / bistu der Juden Konig / so hilf
dyr selber / Es war auch oben vber yhm geschriben / die
vberchrift mit griechischen vnd latinischen vnd hebreischen
Buchstaben / dis ist der Juden konig.

Aber der vbelthetter eyner die da hendt waren / lestert yhn
vñ sprach / bistu Christus / so hilf dyr selber vñ vns / Da
antwort der ander / strafft yhn vnd sprach / vnd du furch-
test dich auch nicht fur Gott / der du doch ynn gleycher ver-
damnis bist / vñ zwar wir sind billich drynnen / den wir
empfahen / was vnser thatten werd sind / diser aber hat
nichts vngeschicks gehandelt / vñ sprach zu Ihesu / Herr /
gedenck an mich / wenn du ynn deyn reich kumest / vñnd
Ihesus sprach zu yhm / warlich ich sage dyr / Seutte wirstu
mit mir ym paradys seyn.

Vnd es war vmb die sechste stund/vñ es ward eyn finsternis
vber das ganze land/bis an die neunde stunde/vñ die Son-
nerlor yhren scheyn/vnd der vorthang des tempels zur reysz
mitten entzwey/Vnd Ihesus rief laut vnd sprach/vater ich
befelh meynen geyst ynn deyne hend / vnd als er das ge-
saget / gab er den geyst auff / Da aber der hewbtman sahe/
was do geschach / preysset er Gott / vnd sprach / furwar
diser ist eyn fromer mensch gewesen / vñ alles vold / da sie
sahen / was da geschach / schlugen sie an yhre brust vñnd
wandten

Matth. 27.
Marcl. 15.

wandten widerumb / Es stunden aber alle seyne verwan-
den vñ fernnen / vñ die weyber die yhm aus Gallileen waren
nach gefolgt vñ sahen das alles.

Matth. 27. Vñnd sehet / Eyn man mit namen Joseph / eyn radher / der
Matth. 15. phren rad vñnd handel / der war vñ Urimathia der stad der
Johan. 19. Juden / der auch auff das reich Gottis wartet / der gieng
zu Pilato vñ batt vmb den leyb Jhesu / vñ nam yhn ab /
widelt yhn ynn lynwad / vñ legt yhn ynn ein gehawen
grab / darynn niemant yhe geleget war / vñ es war der rus-
tag / vñ der Sabbath brach an / Es folgete aber die weyber
nach / die mit yhm komen waren aus Gallileen / vñ beschawe-
ten das grab / vñ wie seyn leyb gelegt wart / sie fereten aber
vmb vñnd bereyhet die specerey vñ salben / vñ den Sab-
bath vber waren sie still nach dem geseh.

Das vier vñd zwentzigst Capitel.

Matth. 28. **A** Ber der Sabbath er eynem vortags komen sie zum
Marcl. 16. grabe / vñ trugen die specerey / die sie bereyhet
Johan. 20. hatten vñnd etliche mit yhnen / sie funden aber den
steyn abgewelt von dem grabe / vñ giengen hyneyn vñ
funden den leyb des herren Jhesu nicht / vñnd es begab
sich / da sie darumb besummert waren / sihe / da tratten
bey sie zween menner mit gleyhenden kleydern / vñ sie er-
schracken vñnd schlugen yhre angesicht nydder zu der erden /
da sprachen die zu yhnen / was sucht yhr den lebendigen
bey den todten? Er ist nicht hie / Er ist auffstanden /
Gedenkt dran / wie er euch saget da er noch ynn Gallilea
war / vñ sprach / des menschen son mus vberantwort
werden ynn die hend der junder vñd gecreutigt werden
vñd am dritten tage auffstehen / vñd sie gedachten an
seyne wort.

Vñd giengen vom grabe / vñnd verkundigten das den eylf-
fen

EUANGELION

sen vnn̄ den andern allen / Es war aber Maria Magdalena vnd Johanna vnd Maria Jacobi vnd andere mit yhn̄en / die solchs den Aposteln sageten / vnd es dachten sie yhre wortte eben als werens merlin / vnd glewbt̄en yhn̄ nicht / Petrus aber stund auff / vñ lieff zum grabe / vnd bucl̄et sich hyrneyn vnd sahe die linen tuch̄er alleyn liegen vnd gieng dauon / vnd es nam yhn̄ wunder. Vnn̄ sehet / zween aus yhn̄en giengen an dem selbigen tage ynn̄ eyn marckt / das war von Jerusalem sechzig veld̄ wegsweytt / des namen heyst Emma hus / vnd sie schweht̄en mit eynander vñ allen dißzen geschichten / vñ es geschach / da sie so schweht̄en vñ befragten sich miteynander / nahet Jhesus zu yhn̄ / vnd wandelt mit yhn̄ / aber yhre augen worden gehalten / das sie yhn̄ nit erkanten / Er sprach aber zu yhn̄ / was sind das fur rede / die yhr zwisch̄en euch handelt / vñ wandelt / vnd seyt trawrig? Da antwort̄ eyn̄er mit namen Cleopas vnd sprach zu yhm̄ / Bistu alleyn vnter den frembdling zu Jerusalem der nit wißse was ynn̄ dißzen tagen drynnen geschehen ist? vnd er sprach zu yhn̄ / wilchs?

Sie aber sprachen zu yhm̄ / das / von Jhesu von Nazareth / wilcher war / eyn prophet / mechtig von thatten vnd wortten fur Gott vnd allem vold̄ / wie yhn̄ vnser hohen priester vñ vbl̄sten oberantwort haben zum verdammis des tods vnd gecreutiget / wpr̄ aber hofften / er solte Jsrael erlosen / vñ vbl̄ das alles / ist heutt der dritte tag / das solchs geschehen ist / Auch haben vns entseht̄ etliche weyber der vnsern / die sind frue bey dem grabe gewesen / haben seynen leyb nicht funden / komen vnd sagen / sie haben eyn gesicht der Engel gesehen / wilche sagen / er lebe / vnn̄ etliche vnter vns giengen hȳn zum grabe / vnd fundens also / wie die weyber sagten / aber yhn̄ funden sie nicht.

Vnd er sprach zu yhn̄en / o yhr thoren vnd tregs herzen zu glewen alle dem / das die prophetē geredt habē / Muste nit

Christus

Christus solchs leyden vnd zu seyner herlidt eyngehen?
vnd sieng an von Mose vnd allen propheten / vñ leget yhn
alle schrifft aus die von yhm gesagt waren / vnd sie kamen
nah zum markt / da sie hyh giengen / vnd er stellet sich als
wollte er furtter gehen / vnd sie nottigeten yhn vnd spra-
chen / bleybe bey vns / denn es will abent werden / vnd der
tag hatt sich geneyget / vnd er gleng hyneyh bey yhn zu
bleyben.

Vnnd es geschach / da er mit yhn zu tisch sass / nam er das
brod / sprach den seggen / brachs / vnd gabs yhn / da wurden
yhre augen geoffnet / vnd erckenneten yhn / vnnd er ver-
schwand fur yhn / vnd sie sprachen vnternander / Brand
nicht vnser herzh ynn vns / da er mit vns redet auff dem weg /
als er vns die schrifft offnet? vnd sie stunden zu der selbigen
stunde auff / lereten widder gen Jerusalem / vnnd funden
die eplffe versamlet / vnnd die bey yhn waren / wilche spra-
chen / der herr ist warhafftig auffgestanden / vnd Simon
erschynen / vnnd sie erheleten yhn / was auff dem wege ge-
schehen war / vnd wie er von yhnen erkandt were / an dem /
da er das brod brach.

Da sie aber dauon redten / tratt er selb Jhesus mitten vnter
sie / vnd sprach / habt fride / sie erschrocken aber vnd furchtē
sich / meynten sie sehen eynen geyst / vnd er sprach zu yhn /
was seyt yhr so erschrocken? vnd warumb steygen solch
gedanken auff ynn ewr herzh? sehet meyne hend vñ meyne
fuess / ich byns selber / fulet mich vñ sehet / den eyh geyst
hat nit fleyisch vnnd beyne / wie yhr sehet / das ich habe / vñ
da er das saget / zeyget er yhn hend vnd fuss / Da sie aber
noch nit glewbten fur freuden / vnnd sich verwunderten /
sprach er zu yhn / habt yhr hie was zu essen? vnd sie legten
yhm fur eyh stuck vom gebraten fisch vñ honig seym / vnnd
er nam vnd ass fur yhn.

Er sprach aber zu yhn / das sind die rede die ich zu euch sa-
get /

EUANGELION SANCT LUCAS

get / da ich noch bey euch war / denn es mus alles erfüllet werden / was vñ mit geschriben ist im geseß Moßi / vnn den propheten vnn den psalmen / Da offnet er yhn dz verstantnis / das sie die schrift verstunden / vnd sprach zu yhn / Also ist geschriben / vnn also muste Christus leyden vnn auffstehen von den todtten am dritten tage / vnn predigen lassen ynn seynem namen / pus vnd vergebung der sünde vnter allen volckern / vnn anheben zu Jerusale-
lem / yhr aber seyt des alles zeugen / vnd sehet / ich will senden auff euch / die verheßung meynes vatters / yhr aber solt bleyben ynn der stad Jerusalem / bis das yhr angethan werdet mit krafft aus der hohe.

Er furet sie aber hynaus bis gen Bethanien / vñ hub die hend auff / vnd segnet sie / vnd geschach / da er sie segnet / tratt er von yhn / vnd fur auff gen hymel. Sie aber betten yhn an / vnd fereten wider gen Jerusalem mit grosser freude / vnd waren allwege im tem-
pel / lobeten vñ benedeyeten Gott.

Das ende des Euangeli
S. Lucas.

Das erst Capitel.

Gen. 1. **I**n anfang war dz wort. vnnnd das wort war bey Gott/
vnd Gott ward das wort/dasselb war ym anfang bey Gott/
Alle ding sind durch dasselb gemacht/vnnnd on dasselb ist
nichts gemacht was gemacht ist/ In yhm war das leben/
vnd das leben war eyn licht der menschen/vnd das licht
scheynet ynn die finsternis/vnd die finsternis habens nicht
begriffen.

Matth. 3. Es wart eyn mensch/vō Gott gesand/der hies Johannes/
Marcl. 1. der selb kam zum zeugnis/das er vō dem licht zeugete/auff
Luce. 3. das sie alle durch yhn glewbten/Er war nicht das licht/
sondern das er zeugete von dem licht/Das war eyn war-
haftigs licht/wilchs alle menschen erleucht/durch seyn zu
funfft ynn diße welt/Es war ynn der welt/vñ die welt ist
durch dasselb gemacht/vnd die welt fandt es nicht.
Er kam ynn seyn eygenthum/vñ die seynen namen yhn nicht
auff/Wie viel yhn aber auffnahmen/den gab er macht/Got-
tis kinder zu werden/denen/die da an seynen namen glew-
ben/wilche nicht von dem geblutt/noch von dem willen des
fleyschs/noch von dem willen eynes mannes/sondern von
Gott geporen sindt.

Matth. 1. Vnd das wort ward fleysch/vñ wonete vnter vns/vnd wir
Luce. 2. sahen seyne herlickeyt/eyn herlickeyt als des eyngepornen
sons vom vatter/voller gnade vnd warheyt.

Johannes zeuget von yhm/schreyt/vnd spricht/Diſer war
es/von dem ich gesagt hab/Nach mir wilt komen/der fur
mir gewesen ist/denn er war ehe denn ich/vnd von seynen
fulle/haben wir alle genommen/gnade vmb gnade/denn
das geseh ist durch Moſen geben/die gnade vnnnd warheyt
ist durch Jhesum Christ worden/Niemand hatt Got yhe ge-
sehen/der eyngeporne ſon/der ynn des vatters schoß ist/
der hatt vns verkündiget.

(gnad vmb gnad)
Unser gnad ist
vns geben / vmb
Christus gnade/
die ym geben ist/
das wir durch

Vnnnd

EUANGELION

phn das geseh
erfullen vnn
den vater erken
nē/damit heuch
ley auf hore vnd
wyr ware recht
schaffnen men
schen werden.

Vnn̄d dis ist das zeugn̄is Johannis/da die Juden sandten
von Jerusalem priester vñ Leuten / das sie phn frageten/
wer bistu? Vnd er bekant vnd leugnet nicht/vnd er bekant/
ich byn nicht Christus/vñ sie fragten phn/was denn? Bistu
Elias? Er sprach / Ich byns nitt. Bistu eyn prophet? vnn̄d
er antwort/Neyn/ Da sprachen sie zu phm/ Was bistu denn/
das wyr antwort geben denen/die vns gesand haben? was
sagistu vñ byr selbs? Er sprach/ich byn eyn ruffende stym
ynn der wusten/Richtet den weg des herñ/wie der prophet
Jsalas gesagt hat.

Matth. 3.
Marci. 1.
Luce. 3.
Jsa. 40.

Vnd die gesand waren / die waren von den phariseern/vñ
fragten phn vñ sprachen zu phm/warumb teuffestu denn/
so du nit Christus bist / noch Elias / noch eyn prophet? Jo
hannes antwortt phn vnn̄d sprach / ich teuffe mit wasser/
aber er ist mitten vnter euch getreten/den phr nit kennet/
der ist/des nach myr komen wirt/wilcher fur myr gewe
sen ist / des ich nicht werd byn / das ich seyne schuchtymen
auff lose/Dis geschach zu Bethabara iensyd̄t des Jordans/
da Johannes teuffet.

Des andern tags sihet Johānes Jhesum zu phm komen/vñ
spricht/Sehet das lamb Gottis/wilchs der weld sund auff
sich nympt / diser ist/den dem ich euch gesagt habe / Nach
myr kompt eyn man/wilcher fur myr gewesen ist/denn er
war ehe denn ich/vnn̄d ich sandte phn nit/sondern auff das
er offenbar wurde ynn Israel / darumb byñ ich komen zu
teuffen mit wasser.

Vnd Johannes zeugete vnd sprach/Ich sahe/das der geyst
ernydder steyg / wie eyn tawbe vom hymel / vñ bleyb auff
phm/vñ ich sandte phn nit/Aber der mich sandte/zu teuffen
mit wasser / der self sprach zu myr / Auff wilchen du sehen
wirst den geyst nydder steygen vnd bleyben / der self ist/
der mit dem heyligen geyst tauffet / vnn̄d ich sahe es / vnd
zeugete/das diser ist Gottis Jon.

Des

Des andern tags stund aber mal Johannes/vñ zween seyn-
ner iunger/vñnd als er sahe Jhesum wandeln / sprach er/
seheth/das lamb Gottes/vnd zween seynner iungern horeten
yhn reden/vnd folgeten Jhesu nach/Jhesus aber wand sich
vmb/vñ sahe sie nach folgen/vñ sprach zu yhn / was sucht
yhr? sie aber sprachen zu yhm/Rabbi/das ist verdolmetscht?
Meyster / wo bistu zur herberge. Er sprach zu yhn / kompt
vñd sehet / sie kamen vñd sahen vñnd blieben den selbi-
gen tag bey yhm/Es war aber vmb die zehende stund.

Eyner aus den zween/die von Johanne horeten vñnd Jhesu
nachfolgeten / war Andreas / der bruder Simonis Petri/
derselb findet am ersten seynen bruder Simon/vñnd spricht
zu yhm/wyr haben den Messias funden/wilchs ist verdol-
metscht / der gesalbete/vñ furet yhn zu Jhesu/da yhn Jhe-
sus ansahe / sprach er / Du bist Simon Jonas son/du sollt/
Kephas heysen / das wirt verdolmetscht / eyn fels.

Des andern tags/wollte Jhesus widder ynn Gallilea zihen/
vñ findet Philippum/vnd spricht zu yhm/folge myr nach/
Philippus aber war von Betsaida aus der stad Andres vñd
Peters / Philippus findet Nathanael / vñd spricht zu yhm/
myr haben den funden / vñ welchem Moses ym gesez vñd
die propheten geschrieben haben/Jhesum/Josephs son von
Nazareth/vñ Nathanael sprach zu yhm/was kan von Na-
zareth guttis komen? Philippus spricht zu yhm / kom vñd
sihe es.

Jhesus sahe Nathanael zu yhm komen/vnd spricht von yhm/
sihe / Eyn rechter Israeliter / ynn wilchem keyn trug ist/
Nathanael spricht zu yhm / wo her kennestu mich? Jhesus
antwort vñnd sprach zu yhm/ehe den dyr Philippus rieß/
da du vnter dem seggen bawm warist/sahe ich dich/Natha-
nael antwort vñnd sprach zu yhm / Rabbi / du bist Gottes
son/du bist der konig von Israel/Jhesus antwort vñ sprach
zu yhm/du gleubst/weyl ich dyr gesagt hab/dz ich dich ge-
sehen

EUANGELION

sehen habe vnter dem feggen bawm/du wirst noch grossers
deñ das sehen/vnd sprach zu yhm/warlich warlich sage ich
euch/von nu an/werdet yhr den hymel offen sehen/vnd die Geñ. 28.
engel Gottes auff vnd wydder steigen auff des menschen son.

Das ander Capitel.

Und am dritten tage ward eyne hochzeit zu Cana
ynn Galilea/vnd die mutter Jhesu war da/Jhesus
aber vnnnd seyne lunge werden auch auff die hoch-
zeit geladen/vñ da es an weyn geprach/spricht die mutter
Jhesu zu yhm/sie haben kein weyn/Jhesus spricht zu yhr/
Weyb/was habe ich mit dyr zu schaffen? meyne stund ist
noch nit komen/Seyne mutter spricht zu den dienern/was
er euch saget/das thutt/Es waren aber alda sechs steynern
wasser krüge/gesetzt nach der weys der Judischen reyni-
gung/vnd gieng ynn yhe eynen/zwey odder drey massz.
Jhesus spricht zu yhn /fullet die wasser krüge mit wasser/
vñ sie fulleten sie bis oben an/vñ erspricht zu yhnen/schepfet
nu vnd bringets dem speyszemeyster / vnnnd sie brachten/
Als aber der speyszemeyster kostet den weyn/der wasser ge-
wesen war/vnd wuste nicht von wannen er kam/die diener
aber wustens / die dz wasser geschepft hatten / ruffet der
speyszemeyster dem breuttigam vñ spricht zu yhm / yderman
gibt zum ersten den guten weyn / vñ wenn sie trunden
worden sind/als denn/den geringern/Du hast den guten
weyn bis her behalten.

Das ist das erste zeichen das Jhesus thett / geschehen zu
Cana yñ Gallilea/vnd offinbarte seyne herlickeyt/vnd sey-
ne lunge gleubten an yhn / Darnach zoch er hynab gen
Capernaū / Er/seyne mutter/seyne bruder vnd seyne lunge
vnd bleyb nit lange da selbs.

Vnnnd der Juden osteren war nahe/vnnnd Jhesus zoch hyn-
auff gen Jerusalem / vnnnd fand vm tempel sitzen die da
ochsen/

ochsen/schaff vnn̄d tawben weyl hatten/vnd die wechszler/
vnd er machte eyn gepssel aus stricken/vñ treyb sie alle zum
tēpel hyndaus/sampt den schaffen vñ ochsen/vnd verschutt
den wechzalern das gelt/vnd sties die tisch omb/vnd sprach
zu denen/die die tawben weyl hatten/traget das von dan-
nen/vnd machet nicht meyns vattershaus/zum lauffhaus/
Seyne lungen aber gedachten dran/das geschriben ste-
Psal.68. het/Der epsser deynes haus/hatt mich stessen.

Da antworten nu die Juden vnn̄d sprachen/was fur eyn
zeychen zeygestu vns/das du solchs thun mugist? Jhesus
antwort vnd sprach zu phn/brecht dißzen tempel/vñ am
dritten tage/will ich phn auff richten/da sprachen die Ju-
den/Diñer tempel ist pnn sechs vñ vierzig iaren er bawett/
vñ du wilt phn pnn dreien tagen auff richten? Er aber re-
det vñ dem tēpel seyner leybs/Da er nu auffgestanden war
vñ den todten/gedachten seyner lungen dran/das er diß ge-
sagt hatte/vnd glewbtē der schrīst/vnd der rede/die
Jhesus gesagt hatte.

Als er aber zu Jerusalem war pñ den osten auff dem fest/
glewbtē viel an phn/da sie die zeychen sahen/die er thett/
Aber Jhesus vertramet sich phnen nicht/denn er fand sie
alle/vnn̄d bedurffte nicht/das ymant zeugnīs gebe von
eynem menschen/denn er wuste woll/was ym menschen
war.

Das dritte Capitel.

Es war aber eyn mensch vnter den phariseern/
mit namen/Nicodemus/eyn vbrster vnter den
Juden/der kam zu Jhesu bey der nacht/vñ sprach
zu phm/Meyster/wyr wßsen/das du bist eyn lerer von
Gott komen/deñ niemant kan die zeychen thun/die du
thust/es sey deñ Gott mit phm/Jhesus antwort vñ sprach
zu phm/warlich warlich/ich sage dyr/Es sey deñ dypemant
von

EUANGELION

Vernunft / natur / frey will ic.
weys nichts von
Gottis gnaden
rñ werd / la sie
schewet es /
schwegg / dz sie
es begeren sollt /
wie diszer text
flerlich bewey-
set.

von neuen geporn werde / kan er das reich Gottis nicht
sehen / Nicodemus spricht zu ihm / wie kan ein mensch ge-
porn werdenn / wenn er alt ist? kan er auch von neuen ynn
seiner mutter leyb gehen vñd geporn werden? Ihesus
antwort / warlich warlich / ich sage dir / Es sey denn / das
yemant geporn werde aus dem wasser vñ geyst / der kan
nit ynn das reich Gottis komen / Was von flesch geporn
wirt / das ist flesch / vñ was vom geyst geporn wirt / dz ist
geyst / Las dichs nit wundern das ich dir gesagt habe / ihr
misset von neuen geporn werden / Der wind bleset wo er
will / vñd du horest seyn hauchen wol / aber du weyst nicht
von wannen er kempt / vñd wohyn er feret / Also ist ein
iglicher / der aus dem geyst geporn ist.

Nicodemus antwort vñd sprach zu ihm / Wie mag solchs zu
gehen? Ihesus antwort vñd sprach zu ihm / Bistu ein mes-
ter ynn Israel / vñd weysst das nit? warlich warlich / ich sage
dir / wir reden / das wir wissen / vñd zeugen das wir ge-
sehen haben / vñd ihr nempt vnser zeugnis nit an / Glaubt
ihr nit / wenn ich euch von irdischen dingen sage / wie wur-
det ihr glauben / wenn ich euch von hymelischen dingen sa-
gen wurde?

Vñd niemant feret gen hymel / denn der von hymel er nyd. Numeri. 21
der komen ist / nemlich / des menschen son / der ym hymel ist /
vñ wie Moses ynn der wusten eyne schlangen erhohet / also
mus des menschen son erhohet werden / auff das alle die
an ihn glauben / nit verlorē werden / sondern das ewige
leben habenn.

Also hatt Gott die welt geliebt / das er seinen eynigen son
gab / auff das alle die an ihn glauben / nicht verlorē wer-
den / sondern das ewige leben haben / denn Gott hatt seinen
son nicht gesand ynn die welt / das er die welt richte / son-
dern / das die welt durch ihn selig werde / Wer an ihn
glaubt / der wirt nicht gericht / wer aber nit glaubt / der ist
schon

schon gericht/denn er gleubt nicht an den namen/des eyngewornen son Gottes/Das ist aber das gericht/das dz licht ynn die welt komen ist/vnd die menschen liebten die finsternis mehr deñ das licht/denn yhre werck waren bose/Wer arges thut/der hasset das licht/vñ kompt nicht an das licht/auff das seyne werck nicht straffet werden/Wer aber die warheyt thut/der kompt an das licht das seyne werck offinbar werden/denn sie sind ynn Gott gethan.

Darnach kam Jhesus vnd seyne lurger ynn das Judische land/vnd hatte dasselbs seyne weizen mit yhn/vnd tauffte/Johānes aber tauffet auch noch zu Enon nah bey Salim/deñ es war viel wassers dasselbs/vnd sie kamen dahynn vnd lieszen sich teuffen/denn Johannes war noch nicht yns gefengnis gelegt.

Da erhub sich eyne frage vnter den lurgern Johannis sampt den Juden/vbir der reynigung/vnd kamen zu Johannen vnd sprachen zu yhm/meyster/der bey dyr war ihensid dem Jordan/von dem du zeugetest/sihe/der teuffet/vnd yderman kompt zu yhm/Johānes antwort vñ sprach/Eyn mēsch kan nichts nemen/es werd yhm deñ geben vom hymel/yhr selbs seyd meyne zeugen/dz ich gesagt habe/Jch sey nit Christus/sondern fur yhm her gesand/Wer die brautt hatt/der ist der breutigam/der freund aber des breutigams stehet/vñ horet ym zu/vnnd fremet sich hoch vber des breutigams stym/die selbe meyne freud ist nu erfüllet/Er mus wachsen/ich aber mus abnemen. Der von oben her kompt/ist vber alle/Wer vñ der erden ist/der ist von der erden/vnd redt von der erden/Der von hymel kompt/der ist vber alle/vnd zeugt was er gesehen vnd gehoret hat/vnd seyn zeugnis nympt niemant auff/Wer es aber auffnympt/der versigelts/das Gott warhafftig sey/Deñ wilchen Gott gesand hat/der redet Gottes wort/denn Gott gibt den geyst nicht nach dem massz/Der

(versigelt)
Das ist. Er empf. findt / als eyn sigel ynn seyn

vater

EUANGELION

hertz gedruckt
(nemlich den
glawbē) nye
gott warhafftig
sey / als er sagt
cap. 7. wer des
vatters willen
thut / der erken-
net ob disse lere
aus Gott sey ic.

vater hat den son lieb / vnd hat yhm alles ynn seyne handt
geben / Wer an den son glewbt / der hat das ewige leben /
wer dem son nicht glewbt / der wirt das leben nit sehen /
sondern der zorn Gottis bleybt vber yhm.

Das vierd Capitel.

(Nachdem maß)

Ob woll des
geysts gabē vnd
werd nach der
maß außteylet
werden Ro. 12.

vñ 1. Cor. 12.

Doch der geyst
selbs ist ynn allen

Christen reich-
lich vnd on maß
ausgossen / das
er alle sund vnd
todt verschlinget
vber die maß.

Tit. 3.

Dan nu Jhesus ynnen ward / das sur die phariseer
komen war / wie Jhesus mehr hunger machet vñd
teuffet / denn Johannes (wie wol Jhesus selber nit

tauffet / sondern seyne hunger) verliesz er das land Judea /
vnd zog widder ynn Gallilean / Er muste aber durch Sa-
marien reysen / da kam er yñ eyne stadt Samarie / die heyszt
Sichar / nahe bey dem feld / das Jacob seynem son Joseph
gab / Es war aber dasselbs Jacobs brun / Danu Jhesus mude
war von der reysze / saht er sich also auff den brun / vnd es
war vmb die sechste stund.

Da kompt eyn weyb von Samaria / wasser zu schepffen /
Jhesus spricht zu yhr / gib myr trincken / denn seyne hunger
waren hyñ gangen yñ die stadt / das sie speysz leufften /
spricht nu das Samaritisch weyb zu yhm / wie bittestu von
myr trincken / so du eyn Jude bist / vñ ich eyn Samaritisch
weyb? Denn die Juden haben keyne gemeynschafft mit den
Samaritern / Jhesus antwort vnd sprach zu yhr / wenn
du erkentist die gabe Gottis / vnd wer der ist / der zu dyr
saget / gib myr trincken / du betest yhn / vñ er gebe dyr leben-
digs wasser / Spricht zu yhm dz weyb / Herre / hastu doch
nichts / da mit du schepffest / vñ der brun ist tieff / woher
hastu denn lebendig wasser? Bistu mehr deñ vnser vater
Jacob / der vns disen brun geben hatt? vnd er hat draus
trunden vnd seyne kinder vnd seyn weyde rieh.

Jhesus antwort vnd sprach zu yhr / Wer des wassers trindt /
den wirt wol der dursten / wer aber des wassers trincken wirt /
das ich yhm gebe / den wirt ewiglich nicht dursten / sondern

das

Gene. 48.

das wasser / das ich yhm geben werde / das wirt ynn yhm
 eyn brun des wassers werden / das ynn das ewige leben
 quillet / Spricht das weyb zu yhm / Herr / gib myr das sel-
 bige wasser / auff das mich nicht durste / das ich nicht her-
 komen müsse zu schepffen / Jhesus spricht zu yhr / gang hyr /
 ruff deynem man / vñ kum her / Das weyb antwort vñ sprach /
 ich hab keinen man / Jhesus spricht zu yhr / du hast recht ge-
 sagt / ich habe keinen man / funff männer hastu gehabt / vñ
 den du nu hast / der ist nicht deyn man / da hastu recht gesagt.
 Das weyb spricht zu yhm / Herr / ich sehe / das du eyn pro-
 phet bist / Unser vater haben auff disem berge anbetet / vñ
 yhr saget / zu Jerusalem sey die stett / da man anbeten solle /
 Jhesus spricht zu yhr / weyb / glewbe myr / Es kompt die
 zept / das yhr / widder auff disem berge / noch zu Jerusalem
 werdet den vater anbeten / yhr wißet nit was yhr anbetet /
 wir wissen aber was wir anbeten / Denn das heyl kompt
 vñ den Juden / Aber es kompt die zept / vñd ist schon iht / das
 die warhafftigen anbeten werden den vater anbeten ym
 geyst vñnd ynn der warheyt / denn der vater will auch ha-
 ben / die yhn also anbeten / Gott ist eyn geyst / vñd die yhn
 anbeten / die müssen yhn ym geyst vñnd ynn der warheyt
 anbeten.

Spricht das weyb zu yhm / Ich weys / das Messias kompt /
 der da Christus heysst / wenn der selbe komen wirt / so wirt
 ers vns alles verkündigen / Jhesus spricht zu yhr / ich byns /
 der mit dyr redet / Vñ vñr dem kamen seyne lunge / vñ es
 nam sie wunder / das er mit eym weybe redet / doch sprach
 niemant / was fragstu / odder was redstu mit yhr / Da lies
 das weyb yhren frug stehen / vñ gleng hyr ynn die stad /
 vñd spricht zu den leutten / komet / sehet eynen menschen /
 der myr gesaget hat / alles was ich than habe / ob er nicht
 Christus sey? da glengen sie aus der stad vñd komen zu
 yhm.

EUANGELION

(Seyn speysze)
Seyn speysze/ist
des vatters willē
thun / des vater-
ters willen aber/
ist/dz durch seyn
leyden das Eu-
angeliō pñ alle
welt predigt
wurd / das war
nu fur handen
gleich wie dāu
mal die erndte
nah war.

In des aber ermaneten pñ die hunger vñ sprachen/mey-
ter/pssz/Er aber sprach zu pñ/Ich hab eyne speysz zu essen/
da wisset pñr nit vñ/Da sprachen die hunger vñterinander/
hat pñm yemant zu essen bracht? Ihesus spricht zu pñ/
Meyn speysze ist die/dz ich thue den willen des/der mich
gesand hat/vñ vollende seyn werd/Saget pñr nit selber/
Es sind noch vier monde/szo kompt die erndte? sihe ich sage
euch/hebt ewr augen auff/vñ sehet ynn das feld/Denn es
ist schon weys zur erndte/Vñ wer da schneytt/der emp-
fehlet lohn/vñ samlet frucht zum ewigen leben/auff das
sich miteynander frewen der da seet vñ d' da schneytt/Den
hle ist der spruch war/diſer seet/eyn ander schneytt/ich habe
euch gesand zu schneytten/das pñr nit habt geerbeytet/
Andere haben geerbeytet/vñ pñr seyt ynn pñre erbeyt
komē.

Es glewben aber an pñ viel der Samariter aus der sel-
ben stad vñb des weybs rede willen/wilchs da zeugete/Er
hat myr gesagt alles was ich than habe/Als nu die Sama-
riter zu pñm kamen/baten sie pñ/das er bey pñ bliebe/
vñnd er bleyb zween tage da/vñ viel mehr glewben vñb
seynes worttis willen/vñnd sprachen zum weybe/Wyr
glawben nu furt nit vñb deynere rede willen/wyr haben
selber gehoret vñ erkennenet/dz diſer ist warlich Christus d'
weltt hepland.

Albet nach zween tagen zoch er aus/vñ zoch ynn Gallilean/
denn er selber Ihesus zeugete/dz eyn prophet da heym nichts
gillt/Da er nu yñ Gallilean kam/namen pñ die Gallileer
auff/die gesehen hatten alles wz er zu Jerusalē auffſeſt
than hatte/vñ Ihesus kam aber mal gen Cana ynn Gallilea/
da er dz wasser hatte zu weyn gemacht.

Vñ es war eyn koniglicher/des son lag frand zu Caper-
naū/diſer horet dz Ihesus kam vñ Judea yñ Gallilean/
vñ gieng hyn zu ym vñ bat pñ/dz er hynab keme/vñ hulffe
seynem

Matth. 1
Marci. 6.
Luce. 4.

seyneſon / deñ er lag tod krank / vñ Jheſus ſprach zu
 yhm / Weñ yhr nit zeychen vñ wunder ſehet / ſo gleubt yhr
 nicht / Der konigſch ſprach zu yhm / Herre / kom hynab / ehe
 deñ meyn kind ſtirbt / Jheſus ſpricht zu yhm / gang hyn /
 deyn ſon lebet / Der meſche gleubte dem wort / das Jheſus
 zu yhm ſaget / vñ gieng hyn / Vñ ynn dem er hynab gieng /
 begegneten yhm ſeyne knecht / verfundiget den yhm / vñ
 ſprachen / deyn kind lebet / Da forſchet er von yhn die ſtund /
 ynn wilcher es beſſer mit yhm worden war / vñ ſie ſprachen
 zu yhm / giſtern omb die ſiebēde ſtund / verlies yhn das fi-
 ber / da merckſt der vater / das omb die ſtund were / ynn
 wilcher Jheſus zu yhm geſagt hatte / deyn ſon lebet / vñ er
 gleubt mit ſeynem ganzen haus / Das iſt das ander zey-
 chen / das Jheſus thet / da er von Judea yñ Gallilean kam.

Das funfft Capitel.

Darnach war eyn feſt der Juden / vñ Jheſus zoch hyn
 auff gen Jeruſalē / Es iſt aber zu Jeruſalē bey dem
 ſchlacht haus eyn teych / der heyß auff hebreiſch
 Bethſeda / vñ hatt funff halle / yñ wilchen lagen viel fran-
 cken / blindē / lahmen / durren / die warteten / weñ ſich dz
 waſſer bewegt / Denn der Engel ſteyg erab zu ſeyner zeit
 ynn den teych / vñ bewegt das waſſer / wilcher nu der erſt /
 nach dem dz waſſer bewegt war / hynen ſteyg / der ward ge-
 fund / mit wilcherley ſeuche er behaſt war / Es war aber eyn
 menſch daſelbs / acht vñ dreßßig iar krank gelegē / da Jheſus
 den ſelben ſahe ligen / vñ vernam / das er ſo lang gelegen
 war / ſpricht er zu yhm / Wiltu geſund werden? der krankē
 antwort yhm / Herre / ich habe keinen menſchen / weñ das
 waſſer ſich bewegt / der mich ynn den teych laſſe / vñ wenn
 ich come / ſo ſteyget eyn ander fur myr hynen.

Jheſus ſpricht zu yhm / ſtand auff / nym deyn bette vñ gehe
 hyn / vñ alſo be' d' ward d' menſch geſund / vñ nam ſeyn
 bette /

EUANGELION

bette / vnd gieng hyn / Es war aber des selben tags der sabbath / da sprachen die Juden zu dem / der gesund war worden / Es ist heut sabbath / Es sympt dyr nit dz bette zu fragē / Er antwort phn / Der mich gesund machet / d' sprach / nym deyn bett vñ gang hyn / Da fragten sie phn / Wer ist der mensche / der zu dyr jaget hat / nym deyn bette vñ gang hyn? Der aber gesund war worden / wuste nicht wer er war / denn Jhesus war gewichen / drumb das viel volcks da war.

Darnach fand phn Jhesus ym tempel / vnd sprach zu phm / sihe zu du bist gesund worden / sundige fort nit mehr / das dyr nit etwas ergers widerfare / Der mensch gieng hyn / vñ verkündigets den Judē / es sey Jhesus / der phn gesund gemacht hab / darumb / verfolgten die Juden Jhesum / vnd trachten phm nach / das sie phn todten / das er solchs than hatte auff den Sabbath / Jhesus aber antwort phn / meyn vater wirckt bis her / vñ ich würde auch / Darumb trachten ym die Juden nu viel mehr nach / das sie phn todten / das er nicht alleyn den Sabbath brach / sondern jaget auch / Gott sey seyn vater / vñ machet sich selbst Gott gleich. Da antwort Jhesus vñ sprach zu phn / warlich warlich ich sage euch / Der son kan nichts von phm selber thun / deñ was er sihet den vater thun / denn was der selbe thut / das thut gleich auch der son / Der vater aber hat den son lieb / vnd zeyget phm alles / was er thut / vnd wirt phm noch größer werd' zeygen / das yhr euch verwundern werdet / Deñ wie der vatter die todten auffwedt vñ macht sie lebend / also auch der son / macht lebendig wilche er will / denn der vatter richtet niemant / sondern alles gericht hat er dem son geben / auff das sie alle den son ehren / wie sie den vater ehren / Wer den son nicht ehret / der ehret den vater nicht / der phn gesand hat / Warlich warlich sage ich euch / wer meyn wort horet / vnd gleubet dem / der mich gesandt hat /
der

der hatt das ewige leben / vnn̄d kompt nicht ynn das gericht / sonder er ist vom tod zum leben hyndurch drungen. Warlich warlich sage ich euch / Es kompt die stund / vnd ist schon iht / das die todten werden die stym des son Gottis horen / vnn̄d die sie horen werden / die werden leben / denn / wie der vater das leben hatt ynn yhm selber / also hat er dem son geben das leben zu haben ynn yhm selber / vnd hatt yhm macht geben / auch das gericht zu halten / dar-
Matth. 25. umb das er des menschen son ist / Verwundert euch des nit / Den̄ es kompt die stund / ynn welcher / alle die ynn den grebern sind / werden seyne stym horen / vnd werden erjurgē / die da gutts than haben zur aufferstehung des lebens / die aber v̄bels than haben / zur auffserstehung des gericht̄s.
 Ich kan nichts von myr selber thun / wie ich hore / so richte ich / vnd meyn gericht ist gerecht / denn ich suche nit meynen willen / sondern des vatters willen / der mich gesand hat / So ich von myr selb zeuge / so ist meyn zeugnis nit war / Eyn ander ist̄s / der von myr zeuget / vnd ich weys / das sey zeugnis war ist / das er von myr zeuget.
 Ihr schickt zu Johannen / vñ er zeugete vñ der warheyt / Ich aber neme nicht zeugnis von menschen / sondern solchs sage ich / auff das ihr selig werdet / Er war eyn brennend vñ scheynend licht / ihr aber wolltet eyn fleyß weyle frolich seyn vñ seynem licht / Ich aber habe eyn grosser zeugnis / denn Johans̄zes zeugnis / den̄ die werdt̄ / die myr der vater geben hat / dz̄ ich sie vollende / die selbigen werdt̄ / die ich thu / zeugen vñ myr / dz̄ mich der vater gesand habe / vñ der vater der mich gesand hat / derselbige hatt von myr zeuget / Ihr habt nie wißder seyne stym gehoret / noch seyne gestalt gesehen / vñ seyn wort habt ihr nicht ynn euch wendend / denn ihr glewbet dem nicht / den er gesand hat.
 Suchet ynn der schrift / denn ihr meynet / ihr habt das lebē


(Des menschen son ist)
 Das gericht mus öffentlich fur allen menschen gehalten werden / darumb mus der richter auch mensch seyn / den man sehen kunde / vnn̄d doch auch Gott / weyl er Gottis richt̄stuel besitzē soll.

EUANGELION

lebē drynnen / vnd sie iſts / die von mir zeuget / vnd yhr wolt nicht zu mir komen / das yhr das leben habē mochtet / Ich neme nicht preys von den menschen / Aber ich kenne euch / das yhr nicht Gottis liebe yn̄ euch habt / Ich byn komen ynn meines vatters namen / vnd yhr nemet mich nitt an / ſo eyn ander wirt ynn ſeynem eygen namen komen / den werdet yhr an nehmen / wie kund yhr gleuben / die yhr preys von eyinander nemet / yn̄ den preys / der von Gott alleyn iſt / ſucht yhr nicht?

Yhr ſollt nicht meinen / das ich euch fur dem vater verklagen werde Es iſt eyner / der euch verklagt / der Moſes / auff welchen yhr hoffet / Wen̄ yhr Moſi gleubtet / ſo gleubtet yhr auch mir / denn er hat von mir geſchrieben / ſo yhr aber ſeynen ſchriſten nicht gleubet / wie werdet yhr meinen Worten gleuben?

Das ſechſt Capitel.



Arnach fur Jheſus vber das meer an der ſtadt Tiberias ynn Gallilea / vnd es zoch yhm viel volcks nach / darumb / das ſie die zeychen ſahen die er an den kranken thet / Jheſus aber gleng hyn auff / auff eynen berg / vnd ſaht ſich da ſelbs mit ſeynen jungern / Es war aber nahe die oſtern / das feſt der Juden / Da hub Jheſus ſeyne augen auff / vnd ſihet / das viel volcks zu yhm kompt / vnd ſpricht zu Philippo / vō wannen kœuffen wyr brod / das diſe eſſen? das ſaget er aber yhn zuuerſuchen / den̄ er wuſte wol / was er thun wollte.

Philippus antwort yhm / zweyhundert pfennig werd brods / iſt nitt gnug / das eyn iglicher eyn wenig neme / Spricht zu yhm eyner ſeyner junger Andreas der bruder Simonis Petri / Es iſt eyn knabe hie / der hat funff gerſten brod / vnd zween fiſch / aber was iſt das vnter ſo viele? Jheſus aber ſprach / ſchafft / das ſich das volck lager / Es war aber viel gras

Matth.
Marci.
Luce. c.

gras an dem ortt / Da lagerten sich bey funff thaufent man /
 Jhesus aber nam die brod / dancket / vñnd gab sie den iun-
 gern / die iungern aber / denen die sich gelagert hatten /
 desselben gleychen auch von den físschen / wie viel er wollt.
 Da sie aber satt waren / spricht er zu seynen iungern / samlet
 die vbrigen broden / das nichts vmbfome / da samleten sie /
 vñ fulleten zwelf korbe mit broden / von den funff gersten
 brod / die vbrig blieben / denen die gespeysset worden / Da
 nu die menschen das zeychen sahen / dz Jhesus thatt / spra-
 chen sie / Das ist warlich der prophet / der ynn die welt
 komen soll / Da Jhesus nu mercket / das sie komen wurden /
 vñ yhn hasschen das sie yhn zum konige machten / entweych
 er abermal auff den berg / erselb alleyn.

Im abent aber / giengen die iunger hynab an das meer /
 vñ tratten ynn das schiff / vñnd kamen lensid des meers /
 gen Capernaum / vñnd es war schon finster worden / vñnd
 Jhesus war nicht zu yhn komen / vñnd das meer erhub sich
 von eynem grossen windt / da sie nu geruddert hatten bey
 funff vñd hwentzig odder dreyssig feld wegs / sahen sie Jhe-
 sum auff dem meer daher gehen vñ nah bey das schiff komen /
 vñ sie furchten sich / Er spricht aber zu yhn / Ich byns / furcht
 euch nit / Da wollten sie yhn yñ das schiff nemen / vñ also
 bald war das schiff am lande / da sie hyn furen.

Des andern tags / sahe das völd das ihensid des meers
 stund / das seyn ander schiff daselbs war / denn das eynige /
 daryn seyne iunger getretten waren / vñnd das Jhesus nicht
 mit seynen iungern ynn das schiff treten war / sondern
 alleyn seyne iunger waren weg gefaren / Es kamen aber
 ander schiff vñ Tiberias nahe zu der stett / da sie das brod
 gessen hatten vñnd dem hern gedanckt / Da nu das völd
 sahe / das Jhesus nicht da war / noch seyne iunger / tratten
 sie auch ynn die schiff / vñnd kamen gen Capernaum / vñnd
 suchten Jhesu.

EUANGELION

Vnnd da sie yhn funden ihensid des meers / sprachen sie zu yhm / Meyster / wenne bistu her komen? Jhesus antwort yhn vnd sprach / warlich warlich / ich sage euch / yhr sucht mich nicht darumb das yhr zeychen gesehen habt / sondern / das yhr von dem brod gessen habt vñ seyt satt worden / wirdet speys / nicht die da verdirbt / sondern die da bleybt ynn das ewige leben / wilche euch des menschen son geben wirt / denn den selbigen hatt Gott der vater versigelt.

(versigelt)
Das ist / mit dem
heyligen geyst
begabt / das wer
die speys isset
(wie folgt) auch
den geyst ent-
seheth vnd leben
soll.

Da sprachen sie zu yhm / was sollen wir thun / das wir Gottis werd werden? Jhesus antwort vñ sprach zu yhn / das ist Gottis werd / dz yhr an den gleubet / den er gesand hat / da sprachen sie zu yhm / was thustu denn fur eyn zeychen / auff das wir sehen vnd gleuben dyr? was wirdstu? vnser vetter haben hymel brod gessen ynn der wusten / wie geschrieben sthet / Er gab yhn brod vom hymel zu essen / Da sprach Jhesus zu yhn / warlich warlich / ich sage euch / Moses hat euch nicht brod vom hymel geben / sondern meyn vatter gibt euch das rechte brod vom hymel / denn dis ist das brod Gottis / das vom hymel kompt / vnd gibt der welt das leben.

Psal. 77.

Da sprachen sie zu yhm / Herr / gib vns allwege solch brod / Jhesus aber sprach zu yhn / ich bynn das brod des lebens / wer zu myr kompt / den wirt nicht hungern / vnd wer an mich gleubet / den wirt nymer mehr dursten / Aber ich hab euch gesagt / das yhr mich gesehen habt vnd gleubet doch nicht / Alles was myr meyn vatter gibt / das kompt zu myr / vnd wer zu myr kompt / den werd ich nicht hyenaus stossen / denn ich bynn vom hymel komen / nicht das ich meynen willen thu / sondern des / der mich gesand hat / Das ist aber der wille des vatters der mich gesand hatt / das ich nichts verliere von allem das er myr geben hatt / sondern das ichs auff erwecke am iungsten tag / Das ist aber der wille des / der mich gesand hatt / das / wer den son sihet

sihet vnd glewbet an yhn / habe das ewige leben / vnnnd ich werd yhn aufferwecken am iungsten tage.

Da murreten die Juden / daruber / das er sagete / Ich byn das brod das vom hymel komen ist / vnnnd sprachen / ist diser nicht Jhesus Josephs son / des vater vnd mutter wpr kennen? wie spricht er denn / ich bynn vom hymel komen? Jhesus antwort vnd sprach zu yhn / murret nicht vnternander / Es kan niemandt zu myr komen / es sey denn / das yhn zihe der vatter der mich gesand hat / vnnnd ich werde yhn aufferwecken am iungsten tage / Es ist geschriben ynn den propheten / sie werden alle von Gott geleret / wer es nu horet von meynem vatter vn̄ lernet / der kompt zu myr / Nicht das ymant den vater habe gesehen / on der vom vater ist / der hat den vater gesehen.

Wartlich wartlich ich sage euch / wer an mich glewbet / der hatt das ewige leben / Ich byn das brod des lebens / Ewre vater habē hymel brod geessen ynn der wusten / vn̄ sind gestorben / Dis ist das brod / das vom hymel kompt / auff dz / wer dauon isset / nit sterbe / Ich byn das lebendige brod / vom hymel komen / wer von disem brod essen wirt / der wirt leben ynn ewidert / vnnnd das brod / das ich geben werde / ist meyn fleysch / wilchs ich geben werde fur das leben der welt. Da zandten die Juden vnternander vnnnd sprachen / wie kan diser vns seyn fleysch zu essen geben? Jhesus sprach zu yhn / wartlich wartlich sage ich euch / werdet yhr nit essen vom fleysch des menschen sons / vnd trincken von seynem blutt / so habt yhr seyn leben ynn euch / Wer von meynem fleysch isset vnnnd trincket von meynem blutt / der hatt das ewige leben / vnd ich werde yhn am iungsten tage aufferwecken / denn meyn fleysch ist die rechte speysze / vnnnd meyn blutt ist der rechte tranck / wer von meynem fleysch isset vnd trincket vom meynem blut / der bleybet ynn myr / vn̄ ich ynn yhm / wie mich gesand hat der lebendige vatter / vnd ich lebe

Dis Capitel / redet nit vom sacrament des brods vnnnd weyne / sondern vom geystlichen essen / das ist / glewben das Christus Gott vnnnd mensch seyn blutt fur vns gossen hatt.

lebe

Isaia. 54.

Exodi. 16.

EUANGELION


lebe vmb des vatters willen / Also der von myr isset / der selbe wirt auch leben vmb meynen willen / Dis ist das brod / das vom hymel komen ist / Nicht wie ewre veter haben hymel brod gessen / vnd sind gestorben / wer von disem brod isset / der wirt leben ynn ewigkheit.

Solchs saget er ynn der schule / da er lerete zu Capernañ / Viel nu seyner lurger / die das hortten / sprachen / das ist eyn harte rede / wer kan sie horen? Da Jhesus aber bey sich selbs mercket / das seyne lurger daruber murreten / sprach er zu yhn / Ergert euch das? wie? weñ yhr denn sehen werdet des menschen son auff faren da hyr / da er vor war? Der geyst ist / d' do lebendig macht / das fleyisch ist keyn nuß / Die wort die ich rede / die sind geyst vñ sind leben / aber es sind etlich vnter euch / die glawben nicht / denn Jhesus wuste von anfang wol / wilche nicht glew bend waren / vnd wilcher yhn verrathen wurde / vñ er sprach / darumb hab ich euch gesaget / Niemand kan zu myr komen / es sey yhm denn von meynem vatter geben.

(wie)
Ergert euch das
ich iht rede auff
erden / was will
deñ werden
wenn ich vom
hymel regirn
werde / vñnd die
wort volfuren
vnd drey
gryffē werde?

Von dem an giengen seyner lurger viel hynder sich / vnd wandellten fort nit mehr mit yhm / da sprach Jhesus zu den zwelffen / wolt yhr auch weg gehen? Da antwort Simon Petrus / Herre / wo hyr sollen wir gehen? du hast wort des ewigen lebens / vñ wir haben glewt vnd erkandt / das du bist Christus der son des lebendigen Gottis / Jhesus antwort yhn / Hab ich nicht zwelffe erwelet? vñnd ewer eyner ist eyn teuffel / Er redet aber vñ dem Juda Simon Jcharloth der selb verrhet yhn hernach / vnd war der zwelffen eyner.

Des sibend Capitel.



Arnach zog Jhesus vmb ynn Gallilea / deñ er wolte nicht ynn Judea vmbhyhen / darumb / das yhm die Juden nach dem leben stelleten / Es war aber nah
der

Leul. 24. Der Juden fest der Lauberhütten/da sprachen seyne bruder zu yhm / mach dich auff von dannen/ vnd gang ynn Judean / auff das auch deyne iunger sehen die werd / die du thust / wer frey auff dem plan seyn will / der handelt nichts heimlich / wiltu solchs thun / so offinbar dich fur der welt / Denn auch seyne bruder glaubten nicht an yhn.

Da spricht Jhesus zu yhn / meyn zeitt ist noch nicht hie / ewer zeitt aber ist alweg / Die welt kan euch nicht hassen / mich aber hasset sie / denn ich zeuge von yhr / das yhr werd boßze sind / Gehet yhr hyn auff auff das fest / ich will noch nit hyn auff gehen auff das fest / den meyn zeit ist noch nicht erfüllet. Da er aber das zu yhn gesagt / bleyb er ynn Gallilea. Als aber seyne bruder waren hyn auff gangen / da gieng er auch hyn auff zu dē fest / nit offinbarlich / sondern als heimlich / Da suchten yhn die Juden am fest / vñ sprachen / wo ist der ? vñ es war eyn gros gemummel von yhm vnter dem vold / Etlich sprachen / Er ist frum / die andern aber sprachen / Neyn / sondern er verjuret das vold / Niemāt aber redet frey vñ yhm / vmb der furcht willen fur den Juden. Aber mitten vñ fest / gieng Jhesus hyn auff ynn den tempel vnd leret / vnd die Juden verwunderten sich vñnd sprachen / wie kan biszer die schriff / so er sie doch nicht gelernet hat ? Jhesus antwort yhn vnd sprach / meyn lere ist nicht meyn / sondern des / der mich gesand hatt / so ymant will des willen thun / der wirt ynnen werden / ob diße lere von Gott sey / odder ob ich von myr selv rede / Wer von yhm selbs redet / der sucht seyn eygen preys / wer aber sucht den preys des / der yhn gesand hatt / der ist warhafftig / vnd ist seyn ungerechtfertigt an yhm.

Satt euch nit Moses das geseh geben / vnd niemant vnter euch helt das gesehe ? warumb sucht yhr mich zu todten ? das vold antwort vñ sprach / du hast den teuffel / wer sucht dich zu todten ? Jhesus antwort vñnd sprach / Eyn eyniges werd

(Sabbath)
Sabbath halten / ist Moses geseh / beschneitten ist der vetter geseh / die sind la wildernander / wenn ymand / auff den sabbath zu beschneitten ist / vnd eyns mus dem andern wepchen / darnmb stehet des gesehs erfůllung / la nit auff dē buchstaben sondern ym geyst.

EUANGELION

werd hab ich than vnd es wundert euch alle / Moses hat euch darumb geben die beschneydung / das sie nicht von Moſe kompt / sondern von den veteren / noch beschneydet ihr den menschen am Sabbath / So eyne mensch die beschneytung an nimpt am Sabbath / auff das nicht das gesetz Moſi brochen werde / zurnet ihr denn vber mich / das ich den gangen menschen hab am sabbath gesund gemacht? Richtet nicht nach dem ansehen / sondern richtet eyne recht gericht. Da sprachen etlich von Jerusalem / ist das nicht der / den sie suchten zu todten? vnd sihe zu / er redet frey / vnd sie sagen ihm nichts / kenne ihn vnser vbersten nu recht / das er der rechte Christus sey? doch wir wissen / von wannen dieser ist / wenn aber Christus komen wird / so wird niemant wissen von wannen er ist.

Da schrey Ihesus im tempel / leret vnd sprach / la ihr kenne mich / vnd wiſſet von wannen ich byn / vnd von myr selbs byn ich nicht komen / sondern / der mich gesand hat / der ist der warhafftige / welchen ihr nit kenne / ich kenne ihn aber / denn ich byn von ihm / vnd er hat mich gesand / Da suchten sie ihn zu greiffen / aber niemant legt die hand an ihn / den seyne stund war noch nicht komen / Aber viel vom volda gleubten an ihn / vnd sprachen / wenn Christus komen wird / wird er auch mehr zeichen thun / denn dieser thut?

Vnd es kam fur die phariseer / das das volda solchs von ihm mummelte / vnd sandten die phariseer vnd hohen priester knechte aus / das sie ihn griffen / Da sprach Ihesus zu ihm / ich byn noch eyne kleyne zeit bey euch / vñ denn gehe ich hin zu dem / der mich gesand hat / ihr werdet mich suchen / vnd nicht finden / vñ da ich byn / kund ihr nicht hin komen / Da sprachen die Juden vnternander / wo will dieser hin gehen das wir ihn nit finden sollen? will er vnter die Kriechen gehen die hin vnd her zerstrewt ligen / vnd die Kriechen leren? was ist das fur eyne rede / das er saget / ihr werdet mich

mich suchen vnnnd nicht finden? vnnnd wo ich byn/da fund
pht nicht hyn komen.

Aber am lehten tage des festis / der am herlichsten war/
tratt Jhesus auff / schrey vnd sprach / wen da durstet / der
Jsa. 12. come zu myr / vnnnd trind / wer an mich glewbet / wie die
Jsa. 44. schrift saget / von des leyb werden fließen flusz des leben-
digen wassers / Das saget er aber vñ dē geyst / wilchen emp-
fahen solten / die an phn glauben / denn der heylige geyst
war noch nicht da / den Jhesus war noch nit verfleret / Viel
nu vom volda / die disse rede horeten / sprachen / diser ist eyn
rechter prophet / die andern sprachen / Er ist Christus. Ettlich
aber sprachen / solt Christ von Gallilean komen? spricht nicht
Nch. 5. die schrift / von dem samen Dauid vnd von dem markt
Bethlehem / da Dauid war / solle Christus komen? Also ward
eyn zwytracht vnter dem volda vber phm / Es wollten aber
ettlich phn greysen / aber niemant legt die hand an phn
Die knechte komen zu den hohen priestern vnd pharise-
ern / vnnnd sie sprachen zu phn / warumb habt pht phn nicht
bracht? die knechte antworten / Es hat nie feyn mensch also
geredet / wie diser mensch / da antworten die Pharisier /
seht pht auch versuret? glewbt auch yrgent eyn vbirster
odder phariseer an phn? sondern das volda / das nichts vom
geseh weys / ist vermaledyt / Spricht zu phn Nicodemus /
der bey der nacht zu phm kam / wilcher eyner vnter phn war /
Richtet vnser geseh auch eyn menschen / ehe man verhoret
vnd erkenne was er thut? Sie antwortten vnd sprachen zu
phm / bistu auch eyn Gallileer? forsche vnd sihe / vñ Gallilea
stehet feyn prophet auff / vnnnd eyn ygllicher gleng also heym.

Das acht Capitel.

Jhesus aber gleng an den oleberg / vnd frue morgens kam
er widder pnn den tempel / vnd alles volda kam zu phm /
vnnnd er saht sich vnd leret sie.

Aber

EUANGELION

Aber die schriftgelehrten und pharisäer brachten ein weib zu ihm / um ehbruch begriffen / und stellten sie öffentlich dar / und sprachen zu ihm / Meister / das weib ist begriffen auff frischer that um ehbruch / Moses aber hatt uns um Leuit. 20. geset gepotten / solche zu steynigen / was sagstu? das sprachen sie aber ihn zuversuchen / auff das sie ein sach zu ihm hetten / Aber Jesus buckt sich nyder vnd schreyb mit dem finger auff die erden / Als sie nu anhielten ihn zu fragen / richtet er sich auff / und sprach zu ihn / Wer vnter euch on sund ist / der werffe den ersten steyn auff sie / und buckt sich widder nyder vñ schreyb auff die erden / Da sie aber das horeten / giengen sie hynaus / eynen nach dem andern / von den Eltisten an / vnd lieffen Jesum alleyn / vnd das weib fur ihm stehen / Jesus aber richtet sich auff / vñ da er niemant sahe denn das weib / sprach er zu ihr / weib / wo sind sie deyne verfleget? hat dich niemant verdampft? sie aber sprach / Herr / niemant / Jesus aber sprach / So verdamme ich dich auch nicht / gang hyn / und sündige fort nicht mehr.

Da redet Jesus aber mal zu ihn vñ sprach / Ich bin dz licht der welt / wer myr nach folget / der wirt nit wandlen yn finsternis / sondern wirt das licht des lebens haben / Da sprachen die pharisäer zu ihm / du zeugst vñ dyr selb / deyn zeugnis ist nicht war / Jesus antwort vnd sprach zu ihn / So ich von myr selbs zeugen wurde / so ist meyn zeugnis war / deñ ich weys / von wannen ich komen bynn / und wo hyn ich gehe / ihr aber wißet nicht von wannen ich come / vnd wo hyn ich gehe / ihr richtet nach dem fleysch / ich richte niemants / so ich aber richte / so ist meyn gericht recht / denn ich byn nicht alleyn / sondern ich und der vater / der mich gesand hatt / Auch stehet yn ewrem geset geschriben / das Deuter. 7. zweyer menschen zeugnis war sey / ich byn / der vñ myr selbs zeuge / vnd der vater d' mich gesand hat zeuget auch vñ
myr /

m̃r / Da sprachen sie zu yhm / wo ist deyn vater? Jhesus antwort / yhr kennet widder mich / noch meynen vatter / weñ yhr mich kendet / so kendet yhr auch meynen vatter / Disze wort redet Jhesus an dem Götts fasten / da er leret ym tempel / vnd niemant greyff yhn / denn seyne stund war noch nicht komen.

Da sprach aber mal Jhesus zu yhn / Ich gehe hyn weg / vnd yhr werdet mich suchen / vñ ynn ewer sünde sterben / wo ich hyn gehe / da fund yhr nicht hyn komen / Da sprachen die Juden / will er sich denn selbst todten / das er spricht / wo hyn ich gehe / da fund yhr nicht hyn komen? Vñ er sprach zu yhn / yhr seyt von vnden her / ich byn vñ oben her ab / yhr seyt von diser welt / ich byn nicht von diser welt / so hab ich euch gesagt / das yhr sterben werdet ynn ewen sünden / denn so yhr nicht glewbt / das ichs sey / so werdet yhr sterben ynn ewen sünden.

Da sprachen sie zu yhm / wer bistu denn? Vñnd Jhesus sprach zu yhn / eben das / das ich mit euch rede / Ich habe viel von euch zu reden vñ zu richten / Aber der mich gesand hat / ist warhafftig / vñ was ich von yhm gehoret habe / das rede ich fur der welt / Sie vernamen aber nicht das er yhn von dem vater saget.

(eben)
Ich byn eben das
wort dz mit euch
redet.

Da sprach Jhesus zu yhm / weñ yhr des menschen son erho-
hen werdet / denn werdet yhr erkennen / das ichs sey / vnd
nichts von m̃r selber thu / sondern wie mich meyn vater
geleret hat / so rede ich / vnd der mich gesand hatt / ist mit
m̃r. Der vater leß mich nicht alleyn / deñ ich thu allheyt /
was yhm gefellet / Da er solchs redet / glewbt viel an yhn.
Da sprach nu Jhesus zu den Juden / die yhm glewbt hatten /
So yhr bleyben werdet an meynen rede / so seyt yhr meyne
rechte lunge / vnd werdet die warheyt erkennen / vñ die
warheyt wirt euch frey machen. Da antwortten sie yhm /
wyr sind Abrahams samen / sind nie seyn mal yemands
knecht

EUANGELION

knecht gewesen/wie sprichstu denn / phr solt frey werden?
Jhesus antwort phn vnnd sprach/warlich warlich/ich sage euch/Wer sünde thut/der ist der sunden knecht / der knecht aber bleybt nicht ewiglich yn hausz / der son bleybt ewiglich. So euch nu der son freymacht/so seyt phr recht frey. Ich weysz wol / das phr Abrahams samen seyt / aber phr sucht mich zu todten / Denn meyn rede sehet nichts vnter euch / Ich rede / was ich von meynem vater gesehen habe / vnnd phr thut/was phr von ewrem vater gesehen habt.

Sie antworten vnnd sprachen zu phm/Abraham ist vnser vater/Spricht Jhesus zu phn/Wenn phr Abrahams kinder weret/so thet phr Abrahams werck/Au aber sucht phr mich zu todten / ein solchen menschen / der ich euch die warheit gesagt hab/die ich vñ Got gehoret habe/das hat Abraham nicht than / phr thut ewres vaters werck. Da sprachen sie/wyr sind nicht vnehllich geporn / wyr haben eynen vater/ Gott. Jhesus sprach zu phn/were Gott ewer vatter/szo liebetet phr mich / deñ ich byn außgangen vñ kom vñ Got/ Deñ ich byn nicht vñ mir selber komen/sondern er hat mich gesand. Warumb kennet phr deñ meyne sprachen nicht? Deñ phr fund sah meyne wort nicht horen.

Ihr seyt vñ dem vater dem teuffel/vnd nach ewris vaters lust wolt phr thun/der selb ist eyn morder von anfang/vnd ist nicht bestanden ynn der warheyt / denn die warheyt ist nicht yn phm. Wenn er die lügen redet/so redet er von seinem eygen / denn er ist eyn lugener vnd eyn vater der selbigen. Ich aber / weyl ich die warheit sage / so glewbt phr myr nicht.

Wilcher vnter euch kan mich eyner sünde zeyhen? so ich euch aber die warheyt sage/warumb glewbt phr myr nicht? Wer vñ Got ist/der horet Gottis wort/darumb horet phr nicht/ denn phr seyt nicht von Gott.

Da antwortten die Juden vñ sprachen zu phm/Sagen wyr nicht

nicht recht/das du eyn Samariter bist/vnd hast den teuffel?
Jhesus antwort / Ich habe keynen teuffel/sondern ich ehre
meynen vatter/vnnd yhr habt myr vnehre than. Ich suche
nicht meynen preys / Es ist aber eyner / der yhn sucht vnd
richtet.

Warlich warlich sage ich euch / so ymant meyn wort wirt
halten / der wirt den tod nit sehen ewiglich/Da sprache die
Juden zu yhm/Ku erkennen wyrt/das du den teuffel hast/
Abraham ist gestorben vñ die propheten / vnd du sprichst/
so yemand meyn wort hellt/der wirt den tod nicht schme-
cken ewiglich/Bistu mehr denn vnser Vatter Abraham? wil-
cher gestorben ist/vnnd die propheten sind gestorben/was
machstu aus dyr selbs?

(meyn wort)
Das ist / vom
wort des glaw-
bens odder
Euangelio ge-
sagt.

Jhesus antwort/so ich mich selber preysse/so ist meyn preys
nichts / Es ist aber meyn vater / der mich preysset/wilchen
yhr spricht/er sey ewr Gott/vnd kenneet yhn nicht/ich aber
kenne yhn/vnd so ich wurde sagen / ich kenne seyn nicht/so
wurde ich ein lugner / gleich wie yhr seyd / Aber ich kenne
yhn/vnd halte seyn wort.

Abraham ewr vater ward fro / das er meynen tag sehen
sollt/vnnd er sahe yhn vnd frewet sich/Da sprachen die Ju-
den zu yhm/du bist noch nicht funffzig iar alt/vñ hast Ab-
rahā gesehen? Jhesus sprach zu yhn/warlich warlich ich sage
euch / ehe den Abraham ward/byn ich / Da huben sie steyn
auff / das sie auff yhn worffen / Aber Jhesus verbarg sich/
vnd gieng zum tempel hyenaus.

(Abraham sahe
meynen tag)
Alle heyligen
vonder welt an-
fang/haben den
selben glawben
an Christo ge-
habt den wir ha-
ben vnd sind
recht Christen.

Das neunde Capitel.

Und Jhesus gieng fur vber/vnd sahe eynen blinden
von seyner gepurt an / vnd seyne lurger fragten
yhn vnnd sprachen / Meister / wer hatt gesündigt?
diser odder seyne elltern / das er ist blind geporn? Jhesus
antwort / Es hatt widder diser gesündigt / noch seyne ell-
tern /

EUANGELION

tern / sondern das die werck Gottes offinbar wurden / an
p̃hm / Ich mus werden die werck / des / der mich gesand hatt /
so lange es tag ist / Es kompt die nacht / da niemants wir-
cken kan / die weyl ich byn ynn der welt / byn ich das licht
der welt.

Da er solchs gesagt / spuhet er auff die erden / vnd machet
eyn kott aus dem speychel / vnd schmirret den kott auff des
blinden augen / vnd sprach zu p̃hm / gang hyr zu dem teych
Siloa / dz ist verdolmetscht / gesand / vnd wasche dich / Da
gieng er hyr vnd kam sehend / Die nachbarn vnd die p̃hn
zuuor gesehen hatten / das er eyn betteler war / sprachen / ist
dieser nicht / der do saß vnd bettelt? die andern sprachen
er ist / die andern aber / er ist p̃hm ehnlich / Er selbs aber
sprach / ich byns / Da sprachen sie zu p̃hm / wie sind deyn
augen auffthan? Er antwort vnd sprach / der mensch / der
Jhesus heyst / machet eyn kott vnd schmirret meyn augen vnd
sprach / gang hyr zu dem teych Siloa vnd wasche dich /
Ich gieng hyr vnd wusch mich / vnd ward sehend / Da spra-
chen sie zu p̃hm / wo ist der selbige? Er sprach / ich weys nit.
Da sureten sie p̃hn zu den phariseern / der weyl and blind
war / Es war aber sabbath / da Jhesus den kott machet / vnd
offnet seyne augen / Da fragten sie p̃hn aber mal / auch die
phariseer / wie er were sehend worden / Er aber sprach zu
p̃hn / Eyn kott legt er myr auff die augen / vnd ich wusch
mich / vnd byn nu sehend / Da sprachen etlich der phariseer /
der mensch ist nicht von Gott / die weyl er den sabbat nit
hellit / die andern aber sprachen / wie kan eyn sundiger mensch
solche zeychen thun? vnd es ward eyn zwytacht vnter
p̃hn / Sie sprachen widder zu dem blinden / was sagistu von
p̃hm? hatt er deyn augen auffthan? Er aber sprach / Es ist
eyn prophet.

Die Juden glaubten nicht von p̃hm / das er blind gewesen
vnd sehend worden were / bis das sie rieffen den Elltern /
des /

des / der sehend war worden / vnd sprachen / ist das ewer
 son / wilchen yhr saget / er sey blind geporn? wie ist er denn
 nu sehend? Seyne eltern antworten vnd sprachen / wir wisse-
 sen / dz diser vnser son ist / vñ dz er blind geporn ist / wie er
 aber nu sehend ist / wissen wir nicht / odder wer yhm hat
 seyn augen auffthan wissen wir auch nicht / Er ist selber alt
 genug / fraget yhn / laß yhn selbs fur sich reden. Solchs sag-
 ten seyne Eltern / deñ sie fürchten sich fur den Juden / deñ
 die Juden hatten sich schon vereynet / so yemand yhn fur
 Christon bekennete / das der selbige ynn bann than wurde /
 darumb sprachen seyne eltern / Er ist alt genug / fraget yhn.
 Da rieffen sie zum andern mal dem menschen / der blind
 gewesen war / vnd sprachen / gib Got den preys / wir wissen
 das diser mensch eyn sunder ist / Er antwort vñ sprach / ist
 er eyn sunder / das weysß ich nicht / Eynes weysß ich wol /
 das ich blind war / vnd byn nu sehend / Da sprachen sie wid-
 der zu yhm / was thett er dyr? wie thet er deyne augen auff?
 Er antwort yhn / ich habß euch yht gesagt / vñ yhr habts ge-
 horet / was wolt yhrs abermal horen? wolt yhr auch seyne
 lunger werden? Da fluchten sie yhm vñ sprachen / du bist
 seyn lunger / wir aber sind Moses lunger. Wir wissen / das
 Gott mit Mosi geredt hat disen aber wissen wir nicht / von
 wannen er ist.

Der mensch antwort vñ sprach / das ist eyn wunderlich ding /
 das yhr nicht wißet von wannen er sey / vñ er hat meyne
 augen auffthan / Wir wissen aber / das Got die sunder nicht
 horet / sondern so yemāt gotsfurchtig ist / vnd thut seynen
 willen / den horet er. Dö der welt an istß nicht erhoret / das
 yemant eynen gepornen blinden die augen auffthan habe /
 were diser nicht von Got / er fundte nichts thun. Sie ant-
 worten vñ sprachen zu yhm / du bist gang ynn sunden ge-
 porn / vnd du leißt vns / vnd stieffen yhn hynaus.

Es kam fur Jhesum / das sie yhn außgestossen hatten / vñ da
 er

EUANGELION

er yhn fand/sprach er zu yhm/glewbstu an den son Gottis?
Er antwort vnd sprach / Herr / wilcher istis/auff das ich an
yhn glewbe? Jhesus sprach zu yhm / du hast yhn gesehen/
vñ der mit dyr redet / der istis. Er aber sprach / Herr / ich
glewbe/vñ bettet yhn an/Vñ Jhesus sprach/Jch bynn zum
gericht auff dißze welt komen/auff das die da nicht sehen/
sehend werden / vñ die da sehen / blind werden/Vñ solchs
horeten etlich der phariseer/die bey yhm waren/vnd spra-
chen zu yhm / sind wir denn auch blind? Jhesus sprach zu
yhn/weret yhr blind/so hettet yhr keyne sund/Ku yhr aber
sprecht/wyr sind sehend/bleybt ewre sund.

Das zehend Capitel.

Warlich warlich ich sage euch / wer nit zur thur
hyneyn gehet yñ den schaffstall/sondern steyget
anders wo hyneyn / der ist eyn dieb vnd eyn
morder / der aber zur thur hyneyn gehet der ist eyn hirtte
der schaff/dem selben thut der thurhutter auff/vñ die schaff
horen seyne stym/vnd er rufft seynen schaffen mit namen/
vnd furet sie aus/vñ weñ er seyn schaff hat außlassen/gehet
fur yhn hynn/vnd die schaff folgen yhm nach/denn sie ken-
nen seyne stym/Eynem frembden aber folgen sie nit nach/
sondern fliehen von yhm/den sie kennen der fremden stym
nit/Dißen spruch saget Jhesus zu yhn / sie vernamen aber
nit/was es war das er zu yhn saget.

Da sprach Jhesus wider zu yhn / Warlich warlich / ich sage
euch/Jch byn die thur zu den schaffen/Alle die fur myr ko-
men sind/die sind diebe vnd morder/Aber die schaff haben
yhn nit zu horet / Jch byn die thur / So ymand durch mich
eyngehet/der wirt selig werden/vñ wirt eyn vñnd aus ge-
hen vnd weyde finden / Eyn dieb kompt nicht / den das er
stele/wurge vnd vmbringe / Jch byn komen das sie das
leben/vnd volle gnuge haben sollen.

Ich byn eyn guter hirtē / Eyn guter hirtē leisset seyn leben
fur die schaff / Eyn miedling aber der nit eyn hirt ist / des die
schaff nicht eygen sind / sihet den wolff komen / vñ verlessit
die schaff vñ fleuget / vñ der wolff erschacht / vñ zurstrawet
die schaff / der miedling aber fleucht / den er ist eyn mied-
ling / vñ acht der schaff nit / Ich byñ eyn guter hirt vñ erkenne
die meynen / vñ byn bekand den meynen / Wie mich meyn
vater kenne / vñ ich kenne den vater / vñ ich lasse meyn
leben fur meyne schaff / Vñ ich habe noch andere schaff / die
sind nit aus diesem stall / vñ die selbigen mus ich her fu-
ren / vñ sie werden meyne stym horen / vñ wirt eyn herdt
vñ eyn hirtē werden.

Darumb liebet mich meyn vater / das ich meyn leben lassz /
auff das ichs wider neme / Niemand nympt es vñ myr / son-
dern ich selber lassz es von myr selber / ich hab es macht zu
lassen / vñ hab es macht widder zu nehmen / Solch gepott
hab ich empfangen von meynem vater / Da ward aber eyne
zwytacht vnter den Juden / vñ ditzzen Worten / Etliche
sprachē / Er hatt den teuffel vñ ist vnspinnig / was hort
pht phm zu? Die andern sprachē / das sind nit wort eynes
besessenen / kan der teuffel auch der blinden augen auff
thun?

Es ward aber kirchweyh zu Jerusalem vñ war wynter /
Vñ Jhesus wandelt pñ der halle Salomonis / Da umb-
ringeten phn die Juden vñ sprachē zu phm / Wie lange
hellstu vnser seelen auff? Bistu Christ / szo sags vns frey-
eraus / Jhesus antwort phn / Ich hab es euch gesagt vñ ir
glewbt nit / Die werd die ich thu pñ meynes vaters namen /
die zeugen von myr / Aber pht glewbet nit / denn pht seyt
nit von meynen schaffen / als ich euch gesagt habe / das
meyne schaffe horen meyne stym / vñ ich kenne sie / vñ sie
folgen myr / vñ ich gebe phn das ewige leben / vñ sie wer-
den ewiglich nicht umb komen / vñ niemand wyrt sie myr

EUANGELION

aus meynen hand reysen/ Der vater/ der myr sie geben hat/
ist grosser/ denn alles/ vnd niemand kan sie aus meines
vatters hand reysen/ Ich vnd der vatter sind eins.

Da huben die Juden abermal steyn auff/ das sie ihn steyn-
nigten/ Ihesus antwort ihn/ viel gutter werdt hab ich euch
erhepft vñ meynē vater/ vmb wilchs willen vnter den sel-
bigen steyniget ihr mich? Die Juden antwortten ihm/ vñnd
sprachen/ vmb des guten werds willen steynigen wir dich
nit/ sondern vmb der Gottis lesterung willen/ vñ das du
ein mensch bist/ vñ machst dich selbst einen Gott/ Ihesus
antworte ihn/ steht nit geschriben vñ ewrem gesch/ Ich Psal. 8
habe gesagt/ ihr seyt Gotter? So es die Gotter nennet/ zu
welchen das wortt Gotis geschach/ vnd die schrift kan doch
nicht brochen werden/ vnd ihr sprecht zu dem den der vater
geheyliget vñ vñ die welt gesand hat/ du lesterst Gott/ da-
rumb das ich sage/ ich bin Gottis son/ Thu ich nit die werdt
meines vatters/ so gleubt myr nicht/ thue ich sie aber/ so
gleubet doch den werden/ wolt ihr nicht myr gleuben/
auff das ihr erkennet vnd gleubet/ das der vater vñn myr
ist/ vñ ich vñm vater.

Sie suchten aber mal ihn zu greysen/ aber er entgieng ihn
aus ihren henden/ vñ zoch hin wydder iensid des Jor-
dans/ an den ort/ da Johannes vorhin tauffet hatt/ vñ
bleyb alda/ vnd viel kamen zu ihm vud sprachen/ Johannes
hatt seyn zeichen/ aber alles was Johannes vñ dissem ge-
sagt hat/ das ist war/ vnd gleubten alda viel an ihn.

Das eylffte Capitel.

Eslag aber eyner frand/ mit namen Lazarus von
Bethanien vñn dem fleden Maria vñ ihrer schwe-
stern Martha/ Maria aber war/ die/ den herrn
gesalbet hatte mit salben vnd seyne fussz getrocket mit ih-
rem har/ der selbigen bruder Lazarus lag frad/ da sandten
seyne

seyne schwestern zu ihm vñ lieffen ihm sagen/Herre/sihe/
den du lieb hast/der ligt krank/Da Jhesus das horet/
sprach er/die krankheit ist nicht zum tod/sondern zum
preßz Gottis/dz der son Gottis da durch preßet werde/
Jhesus aber hatte Martham lieb vñd ihre Schwester vñd
Lazaron/Als er nu horet/das er krank war/bleyb er zween
tage an dem ortt da er war.

Darnach spricht er zu seinen jüngern/laß vns wißder vnn
Judean zihen/Seyne jünger sprachen zu ihm/meyster/
Jhenes mal wollten die Juden dich steynigen/vñd du
willt wißder dahyn? Jhesus antwort/sind nicht des tages
zwelß stund? Wer des tages wandelt/der stößt sich nit/
denn er sihet das licht dñer welt/Wer aber des nachts
wandelt/der stößt sich/denn es ist kein licht vnn ihm/
Solchs sagt er/vñd darnach spricht er zu ihm/Lazaros
vñser freund ist entschlaffen/aber ich gehe hyn/das ich ihn
auffwecke/Da sprachen seine jünger/Herre ist er entschlaf-
fen/so wirts besser mit ihm/Jhesus aber saget von seinem
todt/sie meyneten aber/er redet vom leyplichen schlaff/
Da sagts ihn Jhesus frey er aus/Lazarus ist gestorben/vñ
ich byn fro/vmb ewren willen/das ich nicht da gewesen
bynn/das ihr gleubet/Aber laß vns zu ihm zihen/Da
sprach Thomas/der genennet ist/Zwillling/zuden jüngern/
laß vns mit zihen/das wir mit ihm sterben.

Da kam Jhesus/vñ fand ihn/das er schon vier tage vñ
grabe gelegen war/Bethania aber war nah bey Jerusale/
bey funffßehen feld wegs/vñd viel Juden waren zu Mar-
than vñd Marian komen/sie zu trosten vñr ihrem bruder/
Als Martha nu horet/das Jhesus kompt/gehet sie ihm
entgegen/Maria aber bleyb da heym sitzen.

Da sprach Martha zu Jhesu/Herre/werist du hie gewesen/
meyn bruder were nicht gestorben/Aber ich weys auch
noch/das/was du bittest von Gott/das wirt dñr Gott ge-
ben/

EUANGELION

ben / Jhesus spricht zu phr / deyn bruder soll aufferstehen / Martha spricht zu phm / ich weys wol / das er aufferstehen wirt / ynn der aufferstehung am Jungsten tage / Jhesus sprach zu phr / Ich byñ die aufferstehung vñ das leben / wer an mich glewbt / der wirt leben / ob er gleich sturbe / vñ wer do lebt vñd glewbt an mich / der wirt nit sterben ewiglich / Glewbistu das? sie spricht zu phm / herre / lah / ich hab glewbt / das du bist Christus der son Gottis / der ynn die wellt komen soll.

Vñ da sie das gesagt hatte / gieng sie hyn / vñd rleff phrer Schwester Maria heymlich / vñ sprach / d' meyster ist da vñ rufft dir. Die selbige / als sie das horet / stund sie eplend auff vñd kam zu phm / denn Jhesus war noch nit ynn den steden komen / sondern war noch an dem ortt / da phm Martha war entgegen komen / Die Juden / die bey phr ym hauß waren vñd trosten sie / da sie sahen / Mariam / das sie eplend auffstund vñ hynaus gieng / folgten sie phr nach / vñ sprachen / sie gehet hyn zum grabe / das sie daselbs weyne. Als nu Maria kam / da Jhesus war / vñ sahe phn / siel sie zu seynen fussen vñd sprach zu phm / Herre / weristu hie gewesen / meyn bruder were nit gestorben. Als Jhesus sie sahe weynen vñd die Juden auch weynen die mit phr kamen / ergrimmet er ym geyst / vñ schuttet sich / vñ sprach / wo habt phr phn hyn gelegt? sie sprache / Herre kom vñ sihes / vñd Jhesu giengen die augen vber / Da sprachen die Juden / Sihe wie hatt er phn so lieb gehabt / Etlich aber vnter phn sprachen / hatt er dem blinden die augen auffthan / fund er denn nit verschaffen / das auch diser nit sturbe / Jhesus aber ergrimmet abermal ynn phm selbs / vñ kam zum grabe / Es war aber eyn fluß / vñd eyn steyn drauff gelegt.

Jhesus sprach / hebt den steyn ab / spricht zu phm Martha die Schwester des verstorbenen / Herre / er stindt schon / den er ist viertagig / Jhesus spricht zu phr / hab ich dyr nit gesagt /

sagt/so du glauben wurdest/du soltest die herrlicheit Gottes sehen / Da huben sie den stein ab / da der verstorbene lag / Jhesus aber hub seine augen empor / vñ sprach / vatter ich dancke dir / das du mich horet hast / doch ich weis / das du mich allzeit horist / sondern umb des volcks willen / das umbher steht / hab ichs gesagt / das sie glauben / du habest mich gesand.

Da er das gesagt hatte / schrey er laut / Lazare kom heraus / vñnd der verstorbene kam er aus / gepunden mit grabtuchern an fussen vñ henden / vñnd sein gesicht verhullet mit eynem schweys tuch / Jhesus spricht zu ihn / loset ihn auff / vñ laisset ihn gehen / Viel nu der Juden / die zu Maria komen waren / vñ sahen / was Jhesus that / glaubten an ihn / Etlich aber von ihm / giengen hin zu den phariseern / vñ sagten ihm was Jhesus than hatte.

Da versamleten die hohen priester vñ die phariseer eynen rad / vñ sprachen / Was thun wir? diser mensche thut viel zeichen / lassen wir ihn also / so werden sie alle an ihn glauben / so komen die Romer / vñ nemen ons land vñ leut. Eyner aber / vnter ihm / Caiphas / der des selbigen iars hoher priester war / sprach zu ihm / ihr wisset nichts / bedenckt auch nichts / Es ist vns besser / eyn mensche sterbe fur das volck / denn das das ganze volck verderbe / Solchs aber redet er nicht / von sich selbst / sondern / die weyl er desselbigen iars hoher priester war / weisagt er / Denn Jhesus sollte sterben fur das volck / vñ nicht fur das volck alleyn / sondern / das er die kinder Gottes / die zur strawet waren / zu samen brechte / Von dem tage an / radslugen sie wie sie ihn todten.

Jhesus aber wandelte nit mehr frey vnter den Juden / sondern gieng von dannen / vñ eynegent / nah bey der wusten / vñ eynestad / genand / Ephrem / vñnd hatte sein weien da selbst mit seinen jungern / Es war aber nahe die ostern
der

EUANGELION

der Juden/vnd es giengen viel hyn auff gen Jerusalem aus der gegent fur den oſtern/das ſie ſich reynigten/da ſtunden ſie vnd fragten nach Jheſu/vnnd redten miteinander vñ dem tempel/was dunckt euch/das er nicht kompt auff das feſt? Es hatten aber die hohen prieſter vnd phariſeer laſſen eyn gepot aus gehen/ſo yemant wuſte/wo er were/das ers anheymet/das ſie ihn griſſen.

Das zwelfft Capitel.

Sechs tage fur den oſtern/ſam Jheſus gen Bethanien/da Lazarus war der verſtorbene/wilchen Jheſus auſſerwedt hatte von den todten/das elbs machten ſie ihm eyn abent mal/vnnd Martha dienete/Lazarus aber war eyner/die mit ihm zu tiſſch ſaſſen/Da nam Maria eyn pfund ſalben/vñ vngelſſchter koſtlicher Narben/vnd ſalbet ſeyne fuſſe/vnnd trocket mit ihren haren ſeyne fuſſe/Das haus aber ward voll vom geruch der ſalben/Da ſprach ſeyner iunger eyner/Judas Simonis ſon Iſchariothes/der ihn hernach verrieth/Warumb iſt diſe ſalbe nit verlauſt vmb dreyhundert pfennige/vñ den armen geben? Das ſaget er aber/nicht das er nach den armen fraget/ſondern er war eyn dieb/vñ hatte den beutell/vñ trug was geben wart/Da ſprach Jheſus/laß ſie mit frieden/ſolchs hatt ſie behalten zum tage meiner begrebnis/deñ/armin habet ihr alleheymt bey euch/mich aber habet ihr nicht alleheymt.

Da erfur viel volcks der Juden/das er da ſelbs war/vñ ſamen/nit vmb Jheſus willen allein/ſondern auch das ſie Lazarum ſehen/wilchen er vñ todten erwedt hatte/Aber die hohen prieſter trachten darnach das ſie auch Lazarum todten/denn vmb ſeinen willen giengen viel Juden hin vnd glewben an Jheſum.

Des andern tags viel volck/das auffſ feſt komen war/horet/
ret/

Matth. 26
Marci. 14

ret / das Jhesus kompt gen Jerusalem / vnnnd namen palmen zweyge / vnnnd giengen hyndaus yhm entgegen / vñ schreyen / Hosanna / gebenedeyet ist / der da kompt ynn dem namen des hern / eyn konig von Israel / Jhesus aber vberfam eyn eselin / vñ reyt drauff / wie den geschriben stehet / Fürcht dich nicht / du tochter Zion / sihe / deyn konig kompt reytten auff eynem esellsullen / Solchs aber verstunden seyne luter zuuor nicht / sondern da Jhesus vorfleret wart / da dachten sie dran / dz solchs war von yhm geschriben / vnd solchs yhm than hatten.

Das veld das mit yhm war / da er Lazarū aus dem grabe rieff / vnnnd von den todten auferweckt / rumbte die thatt / darumb begenet yhm auch das veld / das sie horeten / er hette solchs zeychen than / Die phariseer aber sprachen vnternander / yhr sehet / das wyrt nichts außrichten / alle welt laufft yhm nach.

Es waren aber etlich frischen / vnter denen die hynd auff lomen waren / das sie anbetten auff das fest / die tratten zu Philippo der vñ Bethsaida aus Gallilean war / baten yhn vñ sprachen / Herre / wyrt wolten Jhesum gerne sehen / Philippus kompt vñ sagte Andrean / vnd Philippus vnnnd Andreas sagens weytter Jhesu / Jhesus aber antwort yhn / vnd sprach / Die zeytt ist lomen / das des menschen son verfleret werde.

Warlich warlich sage ich euch / Es sey den / das das weyhen forn ynn die erden falle / vnnnd ersterbe / so bleybts alleyn / wo es aber erstirbt / so bringts viel frucht / Wer seyn leben lieb hat / der wirts verlieren / vnd wer seyne leben auff diszer welt hasset / der wirts erhalten zum ewigen leben / Wer myr dienen wyl / der folge myr nach / vñ wo ich byn / da soll meyn diener auch seyn / vnd wer myr dienen wirt / den wirt meyn vater ehren.

Jht ist meyne seele erschrocken / vnd was soll ich sagen?
vater

Matth. 21.
Marci. 11.
Luce. 19.
Psal. 117.

Zachar. 9.

Matth. 16.
Marci. 8.
Luce. 9.

EUANGELION

vater hilff mir aus dieser stunde / doch darüb byn ich yn
dijze stunde komen / Vater preysedenennamen. Da kam eyn
stym von hymel / Ich habe yhn preysset vnd will yhn abermal
preyszen. Da sprach das vold / das da bey stund vnd zuhoret /
Es donnerte / Die andern sprachen / Es redte eyn engel mit
yhm / Jhesus antwort vnd sprach / diese stym ist nicht umb
meynen willen geschehen / sondern umb ewren willen.

Jzt gehet das gericht vber die welt / Tu wirt der furst dieser
welt außgestossen werden / vñ ich / wenn ich erhohet werde
vñ der erden / so will ich sie alle zu mir z yhen / Das jaget er
aber / zu deutten / wilchs todts er sterben wurde / Da ant-
wort yhm das vold / wir haben gehort ym geseh / das
Christus ewiglich bleybe / vnd wie sagstu du denn / Des
menschen son mus erhohet werden / wer ist dieser menschen
son? Da sprach Jhesus zu yhn / Es ist das licht noch eyn kleyne
zeytt bey euch / wandelt die weyl yhr das licht habt / das
euch die finsternis nit vber fallen / wer ym finsternis wan-
delt / der weys nicht wo er yhn gehet / glewbt an das licht
die weyl yhrs habt / auff das yhr des lichts kinder seyt.

Solchs redet Jhesus / vnd gleng weg / vnd verbarg sich fur
yhn / Vñ ob er wol solche zeychen fur yhn thet / glewbten sie
doch nicht an yhn / auff das erfüllet wurde der spruch des
propheten Jsai den er jaget / Herre / wer glewbt vnserm
predigen? vnd wem ist der arm des herrn offnbart? da-
rumb lundten sie nicht glewben / den Jsai jaget abermal /
Er hat yhr augen verblindet / vnd yhr herz verstockt / das
sie mit den augen nit sehen / noch mit dem herzen ver-
nemen / vnd sich bekeren / vnd ich sie selig mechte / Solchs
jaget Jsai da er seyne herlickeyt sahe / vñ redte vñ yhm /
Doch der vbersten glewbten viel an yhn / aber umb der pha-
riseer willen bekandten sie es nicht / das sie nit yn den bann
than wurden / denn sie hatten lieber den preys bey den
menschen / denn bey Gott.

Jhesus

1. paralip
17.

Isa. 53.

Isa. 6.

Jhesus aber schrey vnnnd sprach / wer an mich glewbt / der glewbt nicht an mich / sondern an denen / der mich gesand hatt / vñ wer mich sihet / der sihet denen / der mich gesand hat / Ich byn komen ynn die welt eyn licht / auff das / wer an mich glewbt / nit ym finsternis bleybe / vnnnd wer meyne worte horet / vnd glewbt nicht / den werd ich nicht richten / Den ich byn nicht komen / das ich die welt richte / sondern das ich die welt selig mache / wer mich veracht / vnnnd nympt meyne wort nit auff / der hatt schon der yhn richtet / das wort / wilchs ich geredt habe / das wirt yhn richten am lungsten tage / denn ich habe nit vom myr selber geredt / sondern der vatter der mich gesand hatt / der hat myr eyn gepott geben / was ich thun vnd reden soll / vñ ich weys / das seyn gepott ist das ewige leben / darumb was ich rede / das rede ich also / wie myr der vatter gesagt hat.

Das dreytzehend Capitel.

In dem fest aber d'ostern / da Jhesus erkēnet / das seyne zept komen war / das er aus diser welt zoge zum vatter / wie er hatte geliebet die seynen / die yñ d' welt warē / so liebet er sie ans ende / vñ nach dem abēt essen / da schon der teuffel hatte dem Juda Simonis Jschariothis yns herh geben / das er yhn verrhlete / wuste Jhesus / das ym der vater hatte alles yn seyne hende geben / vñ dz er vñ Gott komen war / vñ zu Gott gleng / stund er vom abent mal auff / leget seyne fleyder ab / vnd nam eyn schurh vnd vmbgurtet sich / darnach gos er wasser ynn eyn becken / hub an den iungern die fussze zu wasschen / vñ trocket sie mit dem schurh / damit er vmbgurtet war.

Da kam er zu Simon Petron / vnd derselb sprach zu yhm / Herr / sollst du myr meyne fussze wasschen? Jhesus antwort vnnnd sprach zu yhm / was ich thu / das weystu iht nit / du wirst aber hernach erfaren / da sprach Petrus zu yhm /
nymmer

EUANGELION

nymmer mehr solltest du mir die füsse waschen / Ihesus antwort ihm / werd ich dich nit waschen / so hastu seyn teyl mit mir / Spricht zu ihm Simon Petrus / Herr / nit die füsse allein / sondern auch die hende vnd das hewbt / Spricht Ihesus zu ihm / wer gewaschen ist / der darff nicht / den die füsse waschen lassen / sondern er ist ganz reyn / vnd ihr seyt reyn / aber nicht alle / den er wuste seynen verrether wol / darumb sprach er / ihr seyt nit alle reyn.

Da er nu ihr füsse gewaschen hatte / vñ seyne kleider genommen / saß er sich wider nyder / vñ sprach aber mall zu ihm / wisset ihr / was ich euch than habe? ihr heisset mich Meister vnd herr / vnd saget recht daran / denn ich byns auch / so nu ich / ewer meister vñ herre / euch die füsse gewaschen habe / sollet ihr auch euch vnternander die füsse waschen / Eyn beyspiel hab ich euch geben / das ihr thut / wie ich euch than habe / warlich warlich sage ich euch / der knecht ist nicht grosser denn seyn herr / noch der Apostel grosser / denn der ihm gesand hat.

So ihr solchs wisset / selig seyt ihr / so ihrs thut / Nicht sage ich von euch allen / ich weis / wilche ich erwelet habe / sondern das die schrift erfullet werde / Der mein brod isset / d' tritt mich mit füssen / ist / sage ichs euch / ehe denn es gescheh / auff das / wenn es geschehen ist / das ihr gleubt / das ichs byn / warlich warlich ich sage euch / wer auff nympt / so ich yemand senden werde / der nympt mich auff / wer aber mich auff nympt / der nympt den auff / der mich gesand hat.

Da solchs Ihesus gesagt hatte / erschuttert er sich im geist / vnd zeugete vnd sprach / warlich warlich sage ich euch / eyner vnter euch wird mich verrhaten / Da sahen sich die iunger vnternander an / vnd wart ihm bange / von wilchem er redet. Es war aber eyner vnter seynen iungern / der zu tisch saß auff dem schoß Ihesu / welchen Ihesus lieb hatte / dem winket Simon Petrus / das er forschen solt / wer es were /

Psal. 40.

Matth. 10.
Luce. 10.

Matth. 26.
Marci. 14.
Luce. 22.

were / vñ dem er jaget / denn der selbige lag auff der brust
Jhesu / vñ sprach zu yhm / Herr / wer ist? Jhesus antwort/
der ist / dem ich den byssen eyn tauche vñ gebe / vñ er taucht
den byssen eyn / vñ gab yhn Juda Simonis Jsharioth /
vñ nach dē byssen / sur d'teuffel ynn yhn

Da sprach Jhesus zu yhm / was du thust / das thue auff
schirft / das selbige aber wuste niemant vñ dem tisch / wo
zu ers yhm jagete / Etlich meyneten / die weyl Judas den
beuttel hatte / Jhesus spreche zu yhm / leuff / was vns nocht
ist auffa fest / odder das er den armen etwas gebe / Da er
den byssen genommen hatte / gieng er so bald hyn aus / vñ
es war nacht / Da er aber hynaus gangen war / spricht Jhe-
sus / Nu ist des menschen son verfleret / vñ Gott ist verfle-
ret ynn yhm / Ist Gott verfleret ynn yhm / so wirt yhn Gott
auch verfleren ynn yhm selbs / vñ wirt yhn bald verfleren.

Lieben kindlin / ich byn noch eyn fleyne weyl bey euch / yhr
werdet mich suchen / vñ wie ich zu den Juden jaget / wo ich byn
gehe / da fund yhr nicht byn komen / vñ sage euch nu / eyn
new gepott gebe ich euch / das yhr euch vnternander liebt /
wie ich euch geliebet habe / Da key wirt yderman erkennen /
das yhr meyn iunger seyt / so yhr liebe vnterternander habt /
Spricht Simon Petrus zu yhm / Herr wo gehistu byn? Jhesus
antwort yhm / do ich byn gehe / kanstu myr dis mal nicht fol-
gen / aber du wirst myr her nach mals folgen / Petrus spricht
zu yhm / Herr warumb kan ich dyr dis mal nicht folgen? ich
wyl meyn leben bey dyr lassē / Jhesus antwort yhm / sollstu
deyn leben bey myr lassen? warlich warlich / ich sage dyr / der
han wirt nicht frehē / bis du mich drey mal habist verleugnet.

Das vierzehend Capitel.

Uñd er sprach zu seynen iungern / Ewr herzh er-
schreke nicht / glewbt yhr an Gott / so glewbt auch
an mich / ynn meynes vatters hause sind viel won-
ungen /

(Gepott)

Das Euangelion
ist eygentlich eyn
predigt von der
gnad Gottes / die
on werd recht-
fertigt / darnach
zeygetes auch an /
was solche recht-
fertige thun sol-
len / nemlich lie-
bē / wie Paulus
auch thut ynn
seynen Episto-
len / das sie den
glawbē bewey-
sen / Darumb ist
eyn new gepott /
vñ neuen men-
schen geben / die
on werd recht-
fertig sind.

EUANGELION

(nicht)
Die wouung sind
von ewigkheit be-
reptt / vñ es
darffs nicht das
er sie berepte /
vñnd gehet doch
hyn sie zuberept-
ten / das ist / er
wyrk eyn herr
vber alles da mit
er vns berepte
zu solchen wo-
nungē / Den so
lange wyr nicht
bereptt sind /
sind die wouung
vns noch nicht
bereptt / ob sie
wol an vhn selbs
bereptt sind.

ungen / wo aber das nicht were / so wollt ich sagen / das
ich hyn gehe euch die stett zu bereptten / vñ ob ich hyn gehe
euch die stett zu bereptten / will ich doch widdder komen /
vñnd euch zu myr nemen / auff das yhr seyt / wo ich byn /
vñd wo ich hyn gehe / das wiisset yhr / vñd den weg wiisset
yhr auch.

Spricht zu yhm Thomas / Herr / wir wyssen nit / wo du hyn
gehest / vñnd wie kunden wir den weg wyssen? Ihesus spricht
zu yhm / ich byn der weg / vñd die warheyt / vñnd das leben /
Niemand kompt zum vater / den durch mich / weñ yhr mich
kennet / so kennet yhr auch meynen vatter / vñ von nu
an kennet yhr yhn / vñ habt yhn gesehen.

Spricht zu yhm Philippus / Herr / zeyg vns den vater / so
gnuget vns / Ihesus spricht zu yhm / so lange byn ich bey
euch / vñnd du hast mich nicht erkandt? Philippe / wer mich
gesehen hatt / der hat den vater gesehen / vñd wie sprichstu
denn / zeyge vns den vater? glewbstu nicht / das ich ym va-
ter / vñd der vater ynn myr ist? Die wort die ich zu euch
rede / die rede ich nicht von myr selbs / der vater aber der
yñ myr wonet / der selb thut die werck / Glewbt myr / das
ich ym vater vñ der vater yñ myr ist / wo nicht / so glewbt
myr doch vmb der werck willen.

Warlich warlich / ich sage euch / wer an mich glewbt / der
wirt die werck auch thun die ich thue / vñd wirt grossere
denn diese thun / denn ich gehe zum vater / Vñ so yhr etwas
werdet den vatter ynn meynē namen bitten / das will ich
thun / auff das der vatter gepreßet werde yñ dem son /
So yhr etwas bittet ynn meynem namen das will ich thun.
Liebet yhr mich / so haltet meyne gepott / vñnd ich will den
vatter bitten / vñnd er soll euch eyne andern troster geben /
das er bey euch bleybe ewiglich / den geyst der warheit /
welchen die welt nit kan empfangen / denn sie sihet yhn nicht /
vñd kennet yhn nicht / yhr aber kennet yhn / denn er bleybt
bey

bey euch / vnd wirt ynn euch seyn / Ich wil euch nicht way-
sen lassen / ich come zu euch.

Es ist noch vmb eyr leydes / so wirt mich die welt nicht mehr
sehen / yhr aber solt mich sehen / denn ich lebe / vnd yhr solt
auch leben. An dem selbigen tage / werdet yhr erkennen /
das ich ym vater bynn / vnd yhr ynn myr / vnd ich ynn euch.
Wer meyn gepot hatt / vndd helt sie / der istz / der mich lie-
bet / wer mich aber liebet / der wirt von meynem vater ge-
liebt werden / vnd ich werd yhn lieben / vnd mich yhm offin-
baren. Spricht zu yhm Judas / nicht der Ischariothes / Herre /
was istz denn das du vns wilt dich offinbaren vnd nicht
der welt? Ihesus antwort vnd sprach zu yhm / wer mich
liebet / der wirt meyn wort halten / vnd meyn vater wirt
yhn lieben / vnd wirt werden zu yhm komen / vndd wonung
bey yhm machen. Wer aber mich nicht liebet / der helt meyn
wort nicht / Dñ das wort / das yhr horet / ist nicht meyn /
sondern des vaters der mich gesand hat.

Solchs hab ich zu euch geredt / weyl ich bey euch gewesen
bynn / Aber der troster / der heylige geyst / welchen meyn
vater senden wirt yñ meynem namen / der selbige wirts
euch alles leren / vñ euch erynnern alles des / das ich euch
gesagt habe.

Den fride laßz ich euch / meynen fride gebe ich euch / Nicht
gebe ich euch / wie die welt gibt. Ewr herz erschreke nicht
vndd furcht sich nicht / yhr habt gehoret / das ich euch gesagt
habe / Ich gehe hyn vnd come widder zu euch / hettet yhr
mich lieb / so wurdet yhr euch frewē / das ich gesagt habe /
ich gehe zum vatter / deñ der vatter ist grosser deñ ich / vnd
nu hab ichs euch gesagt / ehe denn es geschicht / auff das
weñ es nu geschehen wirt / das yhr gleubet.

Ich werde fort mehr nicht viel mit euch reden / denn es
kompt der furst diser welt / vnd hatt an myr nichts / Aber
auff das die welt erkenne / das ich den vater liebe / vndd
das

EUANGELION

das ich also thu wie myr der vatter gepotten hatt / stehet auff / vnd laß vns von hynnen gehen.

Das funfftzehend Capitel.

Ich byn eyn rechter weynstoc / vñ meyn vatter eyn weyn-
gertner / Ein iglichen reben an mir / der nicht frucht
bringt / wirt er abschneytten / vnd eyn iglichen der da
frucht bringt / wirt er reynigē / das er mehr frucht bringe /
Vhr seyt iht reyn vmb des worts willen das ich zu euch ge-
redt habe / Bleybt ynn mir / vñ ich yñ euch / Gleich wie der
rebe kan nit frucht bringen vñ phm selber / er bleyb den am
weynstoc / also auch vhr nicht / vhr bleybt den ynn myr.
Ich bynn der weynstoc / vhr seyt die reben / Wer ynn myr
bleybt / vnd ich ynn phm / der bringt viel frucht / den on
mich lundt vhr nichts thun / wer nicht ynn myr bleybt / der
wirt weg geworffen / wie eyn rebe / vnd verdorret / vnd
man samlet sie / vnd wirfft sie yns sewt vnd verbrennet sie /
So vhr ynn mir bleybt / vnd meyne wort ynn euch bleybē /
werdet vhr bitten was vhr wollt / vñ es wirt euch wider-
faren / Darynnen wirt meyn vatter preysen / das vhr viel
frucht bringet / vnd werdet meyne lunge.

Gleich wie mich meyn vatter geliebet hat / also hab ich euch
auch geliebt / bleybt yñ meynen liebe / So vhr meyn gepot
haltet / so bleybt vhr yñ meynen liebe / gleich wie ich meynes
vaters gepot gehalten habe / vñ bleybe yñ seynen liebe /
Solchs hab ich zu euch geredet / auff das meyn freud ynn
euch bleybe / vnd ewr freud vollkommen werde. Das ist meyn
gepot / das vhr euch vnternander liebet / gleich wie ich euch
geliebt habe / Niemand hatt grossen liebe / den die / das er
seyn leben leisset fur seynen freunde / vhr seyt meyne freunde / so
vhr thut / was ich euch geplate / Ich sage hynfirt nit das vhr
knechte seyt / denn eyn knecht weis nicht was seyn herre thut.
Euch aber hab ich gesagt / das vhr freunde seyt / Den alles
was

was ich hab vñ meynem vater gehoret/hab ich euch fund than.
 Ihr habt mich nit erwelet / sondern ich hab euch erwelet /
 vñnd geseht / das ihr hyngehet vñd fruchte bringet / vñnd
 ewre frucht bleybe / auff das / so ihr den vater bittet vñ
 meynem namē / das ers euch gebe.

Das geplete ich euch / das ihr euch vnternander liebet / So
 euch die welt hasset / so wisset / das sie mich vor euch ge-
 hasset hat / weret ihr von der welt / so hette die welt das
 ihre lieb / die weyl aber ihr nicht seyt von der welt / son-
 dern ich habe euch von der welt erwelet / darumb hasset
 euch die welt / Gedendt an meyn wort / da ich euch gesagt
 habe / der knecht ist nicht grosser denn seyn herr / haben sie
 mich versolget / sie werden euch auch versolgen / haben sie
 meyn wort gehalten / so werden sie ewris auch halten.

Aber das alles werden sie euch thun vmb meynes namens
 willen / den sie kennen den nicht / der mich gesand hat /
 Wenn ich nicht komen were / vñd hets ihn gesagt / so hetten
 sie keyne sunde / Nu aber konnen sie nichts surwenden ihr
 sund zu entschuldigen / Wer mich hasset / der hasset auch
 meynen vatter / Sette ich nicht die werdt than vnter ihn /
 die keyn ander than hat / so hetten sie keyn sunde / Nu aber
 haben sie es gesehen vñ doch beyde mich vñd meynen vatter
 gehasset / Doch das ersullet werd der spruch vñ phrem ge-
 seh geschriben / Sie haben mich on vrsach gehasset / Wen
 aber der troster komen wirt / welchen ich euch senden werd
 vom vater / der gepst der warheyt / der vom vater aus ge-
 het / der wirt zeugen von mir / vñd ihr werdet auch zeugen /
 denn ihr seyt von anfang bey mir gewesen.

Das sechzehend Capitel.

Solchs hab ich zu euch gered / das ihr euch nicht
 ergert / Sie werden euch vñn den ban thun / Es
 kompt die zeit / das wer euch todtet / wirt meynen /

(keyne sunde)
 Das ist gesagt
 auff die weisse /
 wie Ezech. 18.
 sagt / dz eyn yg-
 licher vmb jey-
 ner eygen sund
 willen sterbē
 wirt. Denn
 durch Christum
 ist die erbsund
 auffgehabe / vñ
 verdampt nach
 Christus zu-
 kunfft niemandt
 mehr / denn wer
 sie nicht lassen /
 das ist / wer nicht
 gleuben wil.

er

Matth. 10.
 Luce. 6.

Psal. 34.

Matth. 20
 Matth 24
 Marcl. 13.
 Luce. 21.

EUANGELION

er thu Gott eynen dienst dran / vñ solchs werden sie euch darumb thun / das sie wider meynen vatter noch mich erkand haben / Aber solchs hab ich zu euch geredt / auff das / wenn die zeitt komen wirt / das phr dran gedendt / das ichs euch gesagt habe / Solchs aber habe ich euch vñ anfang nit gesagt / denn ich war bey euch.

Tu aber gehe ich hyn zu dem der mich gesand hat / vñ niemant vnter euch fraget mich / wo gehistu hyn? Sondern die weyl ich solchs zu euch geredt habe / ist ewer herzh trawrens voll worden / Aber ich sage euch die warheyt / Es ist euch besser / das ich hyn gehe / Den so ich nicht hyn gehe / so kompt der troster nit zu euch / so ich aber gehe / will ich phn zu euch senden / vñ weñ der selbige kompt / der wirt die welt straffen / vmb die sund / vñ vmb die gerechtigkeit / vñ vmb das gericht. Vmb die sund / das sie nicht gleuben an mich / Vmb die gerechtigkeit aber / das ich zum vater gehe / vñ phr mich fort nit sehet / Vmb das gericht / das der furst diser welt gerichtet ist.

(vmb die sund)
welt / natur /
vernunft ic.
weyß nicht / das
vnglawb / sund /
vñnd glawb / ge-
rechtigkeit / vñ
Gottis gericht
gestrêge sey /
sondern mit
werden wollen
sie frum werdē /
vñ sunde ver-
treiben. Da-
rumb strafft der
heylig geist ym
Euangelio / es
sey alles sund /
was nicht glaw-
be ist / vñ müsse
durch Gottis ge-
richt verdampt
werden.

Ich hab euch noch viel zu sagen / aber phr kundts ist nicht tragen / weñ aber ihener / der geist der warheyt komen wirt / der wirt euch ynn alle warheyt leyten / denn er wirt nit von phm selber reden / sondern was er horen wirt / das wirt er reden / vñ was zukunfftig ist / wirt er euch verkundigen / der selb wirt mich preysen / denn von dem meynen wirt ers nehmen / vñ euch verkundigen / Alles was der vater hat das ist meyn / darumb hab ich gesagt / er wirts von dem meynen nehmen / vñ euch verkundigen.

Vbir eyn fleynes / so werdet phr mich nit sehen / vñnd aber vbir eyn fleynis / so werdet phr mich sehen / denn ich gehe zum vater / Da sprachen etlich vnter seynen iungern vnter- nander / was ist dis / das er saget zu vns / vbir eyn fleynes / so werdet phr mich nicht sehen / vñnd aber vbir eyn fleynes / so werdet phr mich sehen / vñ dz ich zum vater gehe? Da sprachen

sprachen sie/was ist dis/das er sagt/vbir eyn fleynis? wir wissen nit was er redet/Da merckt Jhesus/das sie yhn fragen wollten/vn̄o sprach zu yhn/dauon fraget yhr vnter-
nander/dz ich gesagt hab/vbir eyn fleynis/so werdet yhr mich nit sehen/vñ aber vbir eyn fleynes/werdet yhr mich sehen/Warlich warlich/ich sage euch/yhr werdet weynen vnnd heulen/aber die welt wirt sich frewen/yhr aber werdet trawrig seyn/doch ewr traurid̄eyt soll zur freud werden.

Eyn weyb/wenn sie gepirt/hatt sie traurid̄eyt/denn yhre stund ist komen/wenn sie aber das kind geporn hat/denck̄t sie nit mehr an die angst/vmb der freude willen/das der mensch zur welt geporn ist/vnd yhr habt auch nu traurid̄eyt/aber ich will euch widder sehen/vñ ewr herzh soll sich frewen/vnnd ewere freude soll niemand von euch nehmen/vnnd an dem selben tage/werdet yhr mich nichts fragen/warlich warlich ich sage euch/so yhr den vater etwas bitten werdet ynn meynem namen/so wirt ers euch geben/Bisz her habt yhr nichts gepeten ynn meynem namen/Bittet/so werdet yhr nehmen/das ewr freud vollkomen sey.

Solchs hab ich zu euch durch sprichwort geredt/Es kompt aber die zeitt/das ich nicht mehr durch sprichwort mit euch reden werde/sondern euch frey eraus verkundigen von meynem vater/An dem selben tage werdet yhr bitten ynn meynem namen/Vnnd ich sage euch nicht/das ich den vater fur euch bitten will/deñ er selb der vater hatt euch lieb/darumb das yhr mich geliebet habet/vñ geglewbt/das ich von Gott aus gangen byn/Ich byn von Gott aus gangen/vnd komen ynn die welt/Widderumb verlas ich die welt/vnd gehe zum vater.

Sprechen zu yhm seyne iunger/sihe/nu redistu frey eraus vñ sagest keyn sprichwort/Nu wÿssen wir/das du alle ding weÿssist/vnd bedarffist nit/das dich yemand frage/darumb

(yemand frage)
Das ist/man
darff dich nicht
fragen das du
dauch etwas
lerist.

EUANGELION

rumb gleuben myr/das du von Gott aus gangen bist/Jhesus antwort yhn/ist gleubt yhr/sehet/es kompt die stund/vnd ist schon komen/das yhr zu strawet werdet eyn iglicher ynn das seyne/vnd mich alleyn laisset/vñ ich byn nit alleyn/denn der vater ist bey myr.

Solchs hab ich mit euch geredt/Das yhr ynn myr fride habet/yñ der wellt habet yhr angst/aber seyd getrost/ich habe die welt vberwunden.

Das Siebentzehend Capitel.

Solchs redet Jhesus/vnd hub seyne augen auff gen hymel/vnnd sprach/vater/die stund ist hie/das du deynen son verflerest/auff das dich deyn son auch verflere/gleich wie du yhm hast macht geben vber alles flesch/auff das er das ewige leben gebe allen die du yhm geben hast/Das ist aber das ewige leben/das sie dich/das du alleyn warer Gott bist/vnnd den du gesand hast/Jhesu Christ/erkennen. Ich habe dich verfleret auff erden/vnd vollendet das werck/das du myr geben hast/das ich thun sollt/vnd nu verflere mich du vater/bey dyr selbsts/mit der clarheyt/die ich fur dyr hatte/ehe die wellt war/Ich habe deynen namen offenbart den menschen/die du myr von der welt geben hast/sie waren deyn/vnd du hast sie myr geben/vnnd sie haben deyn wort behallten/Tu wyssen sie/das/alles was du myr geben hast/sey von dyr/denn die wort/die du myr geben hast/hab ich yhn geben/vñ sie habens angenommen vnnd erland warhafftig/das ich von dyr außgangen byn/vnd haben gleubt/das du mich gesand hast. Ich bitte fur sie/vnnd bitte nicht fur die wellt/sondern fur die du myr geben hast/denn sie sind deyn/vñ alles was meyn ist das ist deyn/vnd was deyn ist das ist meyn/vñ ich byn ynn yhn verfleret/vñ ich byn nicht mehr ynn der wellt/vnd sie sind ynn der wellt/vnnd ich come zu dyr/Gepliger vatter/

vatter / erhalt sie pnn deynem namen / die du myr geben hast / das sie eyne seyn / gleich wie wir / Die weyl ich bey yhn war pnn der welt / erhielt ich sie pñ deynem namen / Die du myr geben hast / die hab ich bewaret / vnd ist feyner vñ yhn verloren / denn nur das verlorn findet / das die schrift erfüllet werde.

Nu aber come ich zu dyr / vnd rede solchs pnn der welt / auff das sie pnn yhn haben meyne freud vollkommen / ich hab yhn geben deyn wort / vnd die welt hasset sie / denn sie sind nicht von der welt / Ich bitte nit / das du sie vñ der welt nimmst / sondern das du sie bewarist fur dem vbel / sie sind nicht von der welt / gleich wie auch ich nicht von der welt byn / Seylige sie pnn deynen warheyt / deyn wort ist die warheyt / gleich wie du mich gesand hast pnn die welt / so hab ich sie auch pñ die welt gesand / ich heylige mich selb fur sie / auff das auch sie geheyliget seyn pnn der warheyt Ich bitte aber nicht fur sie alleyn / sondern auch fur die / so durch yhr wort an mich glewen werden / auff das sie alle eyne seyn / gleich wie du vater pnn myr / vnd ich pnn dyr / das auch sie pnn vns eyne seyn / auff das die welt glewe / du habst mich gesand / Vnd ich hab yhn geben die klarheyt / die du myr geben hast / das sie eyne seyn / gleich wie wir eyne sind / ich pnn yhn / vnd du pnn myr / auff das sie vollkommen seyn pnn eyne / vnd die welt erkenne / das du mich gesand hast / vñ habst sie geliebt / gleich wie du mich geliebt hast. Vater / ich wil / das / wo ich byn / auch die seyn / die du myr geben hast / das sie die klarheyt sehen / die du myr geben hast / den du hast mich geliebt ehe den die welt gegründet wart / gerechter vater / die welt hat dich nicht erkand / ich aber habe dich erkand / vñ dißze haben erkand / das du mich gesand hast / vnd ich habe yhn deynen namen fund than / vñd will yhn fund thun / auff das die liebe / da mit du mich geliebt hast / sey pnn yhn / vnd ich pnn yhn.

EUANGELION

Das Achtzehend Capitel.

D A Jhesus solchs geredt hatte/ gieng er hynaus mit
seynen jungern vber den bach Kidron/ da war eyn
garte/ dareyn gieng Jhesus vñ seyne junger/ Ju-
das aber der yhn verrieth wuste den ort auch/ Den Jhesus
versamlet sich offft daselbs mit seynen jungern/ Da nu Ju-
das zu sich hatte genomen die rotte/ vñ der hohen priester
vnd phariseer diener/ kompt er dahyn/ mit fackeln/ lampen/
vnd mit waffen/ Als nu Jhesus wuste alles was yhm be-
gegen solt/ gieng er hynaus vñ sprach zu yhn/ wen sucht
ihr? sie antworten yhm/ Jhesum von Nazareth/ Jhesus
spricht/ ich byns.

Matth. 26
Marci. 14
Luce. 22.

Judas aber der yhn verrhiet/ stund auch bey yhn/ als nu
Jhesus zu yhn sprach/ ich byns/ wichen sie zu rucke vñnd
fielen zu poden/ Da fragt er sie aber mal/ wen sucht ihr? sie
aber sprachen/ Jhesum vñ Nazareth/ Jhesus antwort/ Ich
hab euch gesagt/ das ichs sey/ sucht ihr denn mich/ so laß
dise gehen/ auff das/ das wort erfüllet wurde/ wilchs er
saget/ ich hab der keynen verloren/ die du myr geben hast.
Da hatte Simon Petrus eyn schwerd/ vnd zochs aus/ vnd
schlug nach des hohen priesters knecht/ vnd hieb yhm seyn
recht ore ab/ vñnd der knecht hies Malchos/ da sprach Jhe-
sus zu Petro/ steck deyn schwerd ynn die sheyde/ soll ich den
silch nicht trincken/ den myr meyn vater geben hatt? Die
rotte aber vnd der vberhewptman vñ die diener der Juden
namen Jhesum an vñ bunden yhn/ vñ fureten yhn auff
erst zu Hannas/ der war Caiphas schweher/ wilcher des
iars hoher priester war/ Es war aber Caiphas/ der den
Juden ried/ Es were gutt das eyn mensch wurde vmbbracht/
fur das vold.

Johan. 1

Johan. 1

Simon Petrus aber folgete Jhesu nach/ vñ eyn ander jun-
ger/ der selbe junger war dem hohen priester bekend/ vñ
gieng

- Matth. 26. gieng mit Jhesu hynen / ynn des hohen priesters pallat /
 Marc. 14. Petrus aber stund draussen fur der thur / da gieng der an-
 Luc. 22. der lurger / der dem hohen priester befand war hynaus /
 vñ redet mit der thurhuterin / vñ suret Petron hynen / Da
 sprach die thurhuterin zu Petro / Bistu nicht auch dieses men-
 schen lurger eyner? Er sprach / ich byns nicht / Es stunden
 aber die knecht vnd diener / vnd hatten eyn kolsen ge-
 macht / denn es war kalt / vnd wermeten sich / Petrus aber
 stund bey yhn / vnd wermet sich.
 Aber der hohe priester fraget Jhesum vmb seyne lurger
 vñ vmb seyne lere / Jhesus antwort / Ich habe frey offent-
 lich geredt fur der welt / ich habe allzeit geleret ynn der
 schule vnd ynn dem tempel / da alle Juden zu samen komen /
 vnd hab nichts ym windel geredt / was fragstu mich da-
 rumb? frage die drum / die gehoret haben / was ich zu yhn
 geredt habe / sihe / die selben wissen / was ich gesagt habe /
 Als er aber solchs redet / schlug der diener eyner Jhesum
 yns angesicht vñ sprach / solltu dem hohen priester so ant-
 wortten? Jhesus antwortet / hab ich vbel geredt / so beweyß
 es / hab ich aber recht geredt / was schlegstu mich? vñ San-
 nas sand yhn gepunden zu dem hohen priester Caiphas.
 Simon Petrus aber stund vñ wermet sich / da sprachen sie
 zu yhm / Bistu nicht seyner lurger eyner? Er verleugnet vñ
 sprach / ich byns nit / Spricht des hohen priesters knechte
 eyner / eyn gesreundter des / dem Petrus das ore abge-
 haben hatte / sahe ich dich nicht ym garten bey yhm? da ver-
 leugnet Petrus abermal / vñ also bald frehet der han.
 Matth. 27. Da sureten sie Jhesum von Caipha fur das richthaus / vñ
 Marc. 15. es war frue / vñ sie giengen nicht ynn das richthaus / auff
 Luc. 23. das sie nicht vnreyen wurden / sondern das osterlamb essen
 mochten. Da gieng Pilatus zu yhn eraus / vñ sprach / was
 bringst yhr fur eyn flage widdet disen menschen? Sie ant-
 wortten vñ sprachen / were diser nicht eyn vbeltheter / wpr
 hetten

EUANGELION

hätten dyr yhn nicht vberantwort / Da sprach Pilatus zu yhn / so nemet yhr yhn hyn / vnd richtet yhn nach ewrem gesetz / Da sprachen die Juden zu yhm / wyr thuren niemant todten / auff das erfüllet wurde das wort Jhesu / wilchs er saget / da er deutet / wilchs tods er sterben wurde.

Matth. 2
Marcl. 10
Luce. 18.

Da gleng Pilatus widder hynen yns richthaus / vnd rieß Jhesu / vnd sprach zu yhm / Bistu der Juden konig? Jhesus antwortet / redestu das vñ dyr selbst? odder habens dyr andere von myr gesagt? Pilatus antwort / Bynn ich eyn Jude? deyn volck vñ die hohen priester haben dich myr vberantwort / was hastu than? Jhesus antwort / Meyn reich ist nicht von diser welt / Were mein reich vñ diser welt / meyne diener wurden drob kempffen / das ich den Juden nicht vberantwortet wurde / Aber nu ist meyne reich nicht von dannen / Da sprach Pilatus zu yhm / so bistu dennoch eyn konig? Jhesus antwortet / du sagists / ich bynn yhe eyn konig / ich byn dazu geporn vnd auff die welt komen / das ich die warheyt zeugen soll / wer aus der warheyt ist / der horet meyne stym / spricht Pilatus zu yhm / was ist warheyt? Vnd da er das gesaget / gleng er widder hynaus zu den Juden / vnd spricht zu yhn / ich finde keyne schuld an yhm / yhr habt aber eyn gewonheyt / das ich euch eyne auff osteren los gebe / wollt yhr nu / das ich euch der Juden konig los gebe? Da schryen sie wider alle sampt / vnd sprachen / nit disen / sondern Barrabam / Barrabas aber war eyn morder.

Das Neuntzehend Capitel.

In dem nam Pilatus Jhesum vnd gepfellt yhn / vñnd die krieges knecht flochten eyne krone von dornen / vnd setzten sie auff seyn hewbt / vnd legten yhm eyn purpur kleid an / vñnd sprachen / sey gegrussset lieber konig der Juden / vñ schlugen yhn yns angesicht / Da gleng Pilatus widder eraus / vñnd sprach zu yhn / Sehet / ich fur yhn

Matth. 27
Marcl. 15

phn eraus zu euch / das yhr erfennet dz ich keyne schuld an
phm finde / Also gleng Jhesus eraus / vñ trug eyn dorne
krone vñd purpurfleyd / vñ spricht zu phn / Sehet wilch ein
mensch? Da phn die hohen priester vñd die diener sahen /
schrien sie / vñd sprachen / creutzige / creutzige / Pilatus spricht
zu phn / Nempt yhr phn hyn / vñ creutziget / denn ich finde
keyn schuld an phm / die Juden antworten phm / Wyr haben
eyn gesetz / vñd nach dem gesetz soll er sterben / deñ er hat
sich selbs zu Gottes son gemacht.

Da Pilatus das wort horet / furcht er sich noch mehr / vñd
gleng widder hyn eyn ynn das richt haus / vñd spricht zu
Jhesu / von wannen bistu? aber Jhesus gab phm keyn ant-
wort / Da spricht Pilatus zu phm / Redestu mit myr nicht?
weystu nicht das ich macht habe dich zu creutzigen / vñd
macht habe dich los zu geben? Jhesus antwortet / du hettist
keyne macht vñr mich / weñ sie dyr nit were vñ oben erab-
geben / darumb / der mich dyr vñrantwort hatt / der hats
grossere sunde / Von dem an trachtet Pilatus wie er phn
los liesse / Die Juden aber schryen vñd sprachen / lessistu
diszen los / szo bistu des keyseres freund nicht / deñ wer sich
zum konige macht der ist widder den keyser.

Matth. 27. Da Pilatus das wort horet / furt er Jhesum eraus / vñd
Marc. 5. saht sich auff den richt stuel / an der stett die da heyst / pflaster /
Luce. 23. auff hebreisch aber Gabbatha / Es war aber der ruste tag
der ostern / vmb die sechsten stund / vñ spricht zu den Juden /
Sehet / ewr konig / Sie schryen aber / weg / weg / mit dem /
creutzige phn / spricht Pilatus zu phn / sol ich ewren konig
creutzigen / die hohen priester antworten / wyr haben key-
nen konig / denn den keyser / Da vñrantwort er phn / das
er creutziget wurd.

Sie namen aber Jhesum an / vñd fureten phn hyn / vñd
er trug keyn creutz / vñd gleng hynaus zur stette / die da heyst /
Scheddellstet / wilche heyst auff hebreisch / Golgatha / alda
creutzigen

EUANGELION

creutzigen sie ihn / vñ mit ihm zweien andere auff beyde seiten / Ihesum aber mitten vorn / Pilatus aber schreyb eyn vñschrifft / vñnd setze sie auff das creutz / vñnd war geschrieben / Ihesus von Nazareth der Juden konig / Dieser vñschrifft lasen viel Juden / den die stett war nahe bey der stad / da Ihesus creutzigt ist / vñnd es war geschrieben / auff hebreisch / kriechisch vñnd latinißch sprache / Da sprachen die hohen priester der Juden zu Pilato / schreybe nicht / der Juden konig / sondern das er gesagt hab / ich byn der Juden konig / Pilatus antwortet / was ich geschrieben habe / das hab ich geschrieben.

Die kriegs knecht / da sie Ihesum creutzigt hatten / namen sie seyne kleider / vñnd machten vier teyl / eynem iglichen kriegs knecht eyn teyll / dazu auch den rock / Der rock aber war vñgenehet von oben an gewirckt durch vñnd durch / da sprachen sie vñnternander / laß vñns den nit zu teilen / sondern drum bloszen / wes er seyn soll / auff das erfüllet wurde die schrifft / die da saget / Sie haben meyne kleider vñnter sich teylet / vñ psal. 21. haben vñr meyn rock das los worffen / Solchs thaten die kriegs knecht.

Es stund aber bey dem creutz Ihesu / seyne muter / vñnd seynes mutterswester Maria Cleopas weyb vñnd Maria Magdalene / Da nu Ihesus seyne mutter sahe / vñnd den iunger da bey stehen / den er lieb hatte / spricht er zu seynes mutter / Weyb / sihe / das ist deyn son / darnach spricht er zu dem iunger / sihe / das ist deyne mutter / vñnd von stund an nam sie der iunger zu sich. Darnach als Ihesus wuste / das schon alles vollbracht war / das die schrifft erfüllet wurde / spricht er / mich durstet / Da stund eyn gefesz voll essigs / sie aber fulleten eynen schwam mit essig / vñnd legten ihn vñmb eyn Jopen / vñnd hielten es ihm dar zum mund / da nu Ihesus den essig genommen hatte / sprach er / Es ist vollbracht / vñnd neyget das hembt / vñnd gab den geyst auff.

Die

Die Juden aber/dieweyl es der rusttag war / das nicht die leychnam auff dem creutz blieben am sabbath (denn des selben sabbaths tag war gros) baten sie Pilatum / das yhr beyne brochen vnn̄d abgenommen wurden/Da kamen die friegs knecht/vnd brachen dem ersten die beyne/vnn̄d dem andern der mit yhm creutzigt war / Als sie aber zu Jhesu kamen / da sie sahen / das er schon gestorben war / brochen sie yhm die beyne nicht / sondern der friegsknecht eyner / offnet seyne septe mit eynem sper / vnd als bald gieng blut vnd wasser eraus

Exodl. 12. Und der dis gesehen hat/der hats bezeuget/vnn̄d seyn zeug-
Zachar. 12. nis ist war/vnn̄d der selbe weys das er war sagt / auff das auch yhr glewbet / deñ solchs ist geschehen / das die schrift erfüllet wurde/Jhr sollt yhm seyn beyn zu brechen/vñ aber mal spricht eyn ander schrift / Sie werden sehen ynn wil- chen sie gestochen haben.

Darnach bat Pilaton Joseph vñ Arimathia/der eyn iunger Jhesu war doch heymlich/aus furcht fur den Juden/das er mocht abnehmen den leychnam Jhesu/vnd Pilatus erleubet es / Es kam aber auch Nicodemus / der etwa bey der nacht zu Jhesu komen war/vnd bracht myrrhen vnn̄d Aloen vnternander bey hundert pfunden/Da namen sie den leychnam Jhesu vnn̄d bunden yhn mit leyenen tuchern vnd mit den specereyen/wie die Juden pflegen zu begraben/Es war aber an der steet/da er creutzigt wart/eyn garte/vnn̄d ym garten eyn new grab/ynn wilchs niemant yhe gelegt war / dasselbs hyn legeten sie Jhesum/vmb des rust tags willenn der Juden/die weyl das grab nahe war.

Das zwentzigst Capitel.

Matth. 28. **A**n der sabbather eynem kompt Maria Magdalena
March. 16. frue/da es noch finster war/zu dē grabe/vñ sihet d̄z
Luce. 24. d' steyn vom grabe hyn weg war / da leufft sie vñ
kompt

EUANGELION

(glewbt)
Das er were weg
genomē / wie
Magdalena zu
phngejagt hatte.

(nit auffgefahren)
wepl sie noch
nicht glewbt das

kompt zu Simō Petron vñ zu dem andern iungern wīlchē
 Jhesus lieb hatte / vñ spricht zu phn / sie haben den herrn
 weg nomen aus dem grabe / vñ wpr wissen nit wo sie phn
 hyn gelegt haben / Da gieng Petrus vnd der ander iunger
 hynaus / vñ kamen zu dem grabe / Es lieffen aber die zween
 zu gleich / vñnd der ander iunger lieff zuuor / schneller denn
 Petrus / vñnd sam am ersten zum grabe / lufet hynneyn /
 vñnd sihet die leynen gelegt / er gieng aber nit hynneyn / Da
 kompt Simon Petrus / phm nach / vñ gieng hynneyn vñ das
 grab / vñnd sihet die leynen gelegt / vñnd das schweystuch / das
 Jhesu vmb hewbt gepunden war / nicht bey die leynen ge-
 legt / sondern / beseytts eyngewickelt an eynen sondern ortt /
 da gieng auch der ander iunger hynneyn / der am ersten zum
 grabe sam vñ sahe / vñnd glewbt / denn sie wusten die schrift
 noch nit / das er vō den toden aufferstehen muste / Da gieng
 die iunger wider zu samen
 Maria aber stund fur dem grabe vñnd weynet draussen /
 als sie nu weynet / lufet sie vñ das grab / vñnd sihet zween
 Engel vñ weissen fleydern sitzen / eynen zun hewbten /
 vñnd den andern zun fussen / da sie den leychnam Jhesu
 hyngelegt hatten / vñnd die selben sprachen zu phr / Weyb /
 was weynstu? sie spricht zu phn / sie haben meynen hern
 weg genommen / vñnd ich weys nicht wo sie phn hyn gelegt
 haben / vñ als sie das saget / wand sie sich zu ruck / vñ sihet
 Jhesum stehen / vñnd weys nicht dz es Jhesus ist / Spricht
 Jhesus zu phr / weyb / was weynstu? wen suchstu? Sie mey-
 net / es sey der gartner vñ spricht zu phm / Herr / hastu phn
 hyntragen? so sage mpr / wo hastu phn hyn gelegt? so wil
 ich phn holen / spricht Jhesus zu phr / Maria / da wand sie sich
 vmb vñnd spricht zu phm / Rabuni / dz heyst / meyster / spricht
 Jhesus zu phr / Rure mich nit an / den ich byn noch nit auff-
 gefahren zu meynem vater / gang aber hyn zu meynen bru-
 dern / vñnd sage phn / Ich fare auff zu meynem vater vñnd

zu ewrem vater / zu meynem Gott vnd zu ewrem Gott /
 Maria Magdalena kompt vnd verkündigt den iungern /
 Ich hab den herren gesehen / vnd solchs hatt er zu myr ge-
 sagt.

Luce 24. Am abent aber des selben sabbathes / da die iunger ver-
 samlet vñ die thur verschlossen waren / aus furcht fur den
 iuden / kam Jhesus vñ trat mitten eyn / vñnd spricht zu yhn /
 Habt fride / vñnd als er das saget / zeiget er yhn die hende
 vnd seyne seynte / Da wurden die iunger fro / das sie den
 herren sahen / Da sprach Jhesus aber mal zu yhn / habt fride /
 gleych wie mich der vater gesand hatt / so sende ich euch / Vñ
 da er das saget / blies er sie an / vñnd spricht zu yhn / Nemet
 hyr den heyligen geyst / wilchen yhr die sund erlasset / den
 sind sie erlassen / vñnd wilchen yhr sie behalltet / den sind sie
 behalten.

Thomas aber der zwelffen eyner / der da heyst / zwilling /
 war nicht bey yhn / da Jhesus kam / Da sagten die andern
 iungern zu yhm / wir haben den herrn gesehen / Er aber
 sprach zu yhn / Es sey deñ / das ich ynn seynen henden sehe /
 die mal der negel / vñnd lege meyne finger ynn die mal der
 negel / vñnd lege meyne hand ynn seyne seynten / will ichs
 nicht glewben.

Vñnd vber acht tage / waren abermal seyne iungern dryn-
 nen vñnd Thomas mit yhn / kompt Jhesus / da die thur ver-
 schlossen waren / vñnd tritt yns mittel / vñnd spricht / habt
 fride / darnach spricht er zu Thomas / reiche deynen finger
 her / vñnd sihe meyne hende / vñnd reiche deyne hand her / vñnd
 lege sie ynn meyne seynten / vñnd sey nicht unglewbig / son-
 dern glewbig / Thomas antwortet vñ sprach zu yhm / meyn
 herre / vñnd meyn Gott / spricht Jhesus zu yhm / die weyll du
 mich gesehen hast Thomas / hastu geglewbt / Selig sind / die
 nicht sehen vñnd doch glewben.

Auch viel andere zeychen thet Jhesus fur seynen iungern
 die

er Got war /
 wolt er sich nicht
 lassen anturē /
 deñ anruren be-
 deut glawben.
 Vñnd S. Johan-
 nes sonderlich
 fur andern
 Euangelisten /
 auff die geystli-
 chen deuttungen
 acht hat / so doch
 S. Matth. 28
 schreibet / er hab
 sich lassenn die
 weyber anturen.

EUANGELION

die nicht geschrieben sind ynn diesem buch / diſſe aber ſind
geſchrieben das yhr gleubet / Jheſus ſey Chriſt / der ſon
Gottis / vnd das yhr durch den glauben das leben habet
ynn ſeynem namen.

Das eyn vnd zwentzigſt Capitel.

Nach offinbart Jheſus ſich abermal andem meer
Tiberias / Er offinbart ſich aber alſo / Es war
beyenander Simon Petrus vnd Thomas / der da
heißt / zwilling / vñ Nathanael von Cana Gallilee / vñ die
ſone Zebedei / vñ andere zween ſeyner iunger / ſpricht Si-
mon Petrus / zu yhn / ich will hyr fiſchen gehen / ſie ſprechen
zu yhm / ſo wollen wir mit dyr gehen / ſie glengen hyenaus
vnd tratten yns ſchiff alſo bald / vñ ynn der ſelben nacht
ſlengen ſie nichts / Da es aber iht morgen war / ſtund Jheſus
am ufer / aber die iunger muſten nit / das es Jheſus war /
ſpricht Jheſus zu yhn / kinder / habt yhr nit eyn anbiß? ſie
antworten yhm / neyn / Er ſprach aber zu yhn / werfft das
netz zur rechten des ſchiffs / ſo werdet yhr fiſchen / Da wurf-
ſen ſie / vnd fundtens nit mehr zihen fur der menge der
fiſche / Da ſpricht der iunger / welchen Jheſus lieb hatte / zu
Petro / Es iſt der herre.

Da Simon Petrus horet / das der herre war / warff er ſey-
nen mantell von ſich / denn er war nackt / vñ ſprang yns
meer / Die andern iunger aber kamen auff dem ſchiff / denn
ſie waren nicht fern vom land / ſondern bey zweyhundert
ellen / vnd zogen das netz mit den fiſchen / Als ſie nu auß-
tratten auffſ land / ſahen ſie ſolen gelegt vñ fiſch drauff /
vnd brod / ſpricht Jheſus zu yhn / bringt her von den fiſchen
die yhr iht gefangen habt / Simon Petrus ſteyg hyneyn /
vñ zoch das netz auffſ land / voll groſſer fiſch / hundert vñ
drey vnd funfzig / vñ wie woll yhr ſo viel waren / zurepß
doch das netz nicht / ſpricht Jheſus zu yhn / kompt vnd halt
das

das mal/Niemandt aber vnter den iungern thurste yhn fragen/wer bistu? den sie wusten/das der herr war/da kompt Jhesus vñ nympt das brod vñ gibts yhn/desselben gleychen/den fisch/Das ist nu dz dritte mal/das Jhesus offinbart ist seynen iungern nach dem er von den todten auff-erstanden ist.

Da sienu das mal gehalten hatten/spricht Jhesus zu Simon Petro/Simon Johanna hastu mich lieber/denn mich dise haben? Er spricht zu yhm/Ja Herr/du weyßst/das ich dich lieb habe/spricht er zu yhm/weyde meyne lemmer/Spricht er aber zum andern mal zu yhm/Simon Johanna/hastu mich lieb? Er spricht zu yhm/ia herre du weyßst das ich dich lieb habe/spricht er zu yhm/Suete meynen schaff/Spricht er zum dritten mal zu yhm/Simon Johanna liebstu mich? Petrus wart traurig/das er zum dritten mal zu yhm sagt/hastu mich lieb/vnd sprach zu yhm/Herr du weyßt alle ding/du weyßst das ich dich lieb habe/spricht Jhesus zu yhm/Weyde meyne schaff.

Warlich warlich ich sage dyr/da du iunger warist/gurttestu dich selbsts/vnd wandelst wo du yhn wolltest/wenn du aber alt wirst/wirstu deyne hende auß strecken/vnd eyn ander wirt dich gurtten vnd furen/wo du nicht yhn wilt/das sagt er aber zu deuten mit wilchem todt er Gott preysen wurde.

Da er aber das gesaget/spricht er zu yhm/folge myr nach/Petrus aber wand sich vmb/vnd sahe den iunger folgen/wilchen Jhesus lieb hatte/der auch auff seynen brust ym abent essen gelegen war/vñ gesagt hatte/Herr/wer ist der dich verrhet? Do Petrus diszen sahe/spricht er zu Jhesu/Herr was soll aber diszer? Jhesus spricht zu yhm/So ich will/das er bleybe/bis ich come/was geht es dich an?folge du myr nach/Da gleng eyn rede aus vnter den brudern/diser iunger stirbt nicht/Vnd Jhesus sprach nicht zu yhm/
Er

EUANGELION SANCT IOHANNES

Er stirbt nicht / sondern / So ich will / das er bleybe bis ich
kome / was gehet es dich an? Dis ist der iunger / der von
disen dingen zeuget / vnnnd hat dis geschrieben / vnd wir
wissen das seyn zeugnis war ist.

Es sind auch vñell andere ding / die Ihesus than hatt / wilche /
so sie. sollten eyns nach dem andern geschrieben werden /
acht ich / die welt wurd die buche nicht be-
greiffen / die zu schreyben weren.

End des Euangelion
S. Johannis.

DAS ANDER TEYLL DES EUANGELII F. CXXX
SANCT LUCAS VON DER APOSTEL GESCHICHT

Das erst Capitel.

Die erste rede hab ich zwar than lieber theophile / von alle dem / das Jhesus anfieng / beyde zu thun vñ zu leren / bis an den tag / da er auffgenommen wart / nach dem er den Aposteln (welche er hatte erwelet) durch den heyligen geyst befehlt thett / welchen er sich nach seyn leyden lebendig erheyget hatte / durch mancherley erweysung / vñ lies sich sehen vlerhlig tage lang / vnd redet mit yhn vom reich Gottis / vñ als er sie versamlet hatte / befohl er yhn / das sie nicht vñ Jerusalem wichen / sondern warteten auff die verheysung des vaters / welche yhr habt gehoret (sprach er) von moy / den Johannes hatt mit wasser tauffet / yhr aber sollt mit dem heyligen geyst tauffet werden / nicht lange nach disen tagen.

Da sie nu zu samen komen waren / fragten sie yhn vñnd sprachen / Herr / wirstu auff dise zeijt widder auff richten das reich von Israel? Er sprach aber zu yhn / Es gepurt euch nicht zu wissenn die zeitte odder tage / welche der vater seynner macht fur behalten hatt / sondern yhr werdet die krafft des heyligen geysts entpfahen / welcher auff euch komen wirt / vñnd werdet meyne zeugen seyn zu Jerusalem vñnd ynn ganz Judea vnd Samaria / vnd bis an das end der erden.

Marcl. 16. Vñnd da er solchs gesaget / ward er auff gehaben zu sehens /
Luce. 24. vñnd eyn wolcke nam yhn auff von yhren augen / vnd als sie yhm nach sahen vñ den hymel farend / sihe / da tratten neben sie zween menner yñ weissen fleydern / welche auch sagten / yhr menner von Gallilea / was stehet yhr vñnd sehet ynn den hymel? diser Jhesus / welcher von euch ist auff genomen gen hymel / der wirt komen / wie yhr yhn gesehen habt gen hymel faren.

Da

DER APOSTEL-

Da wandten sie umb gen Jerusalem / vñ dem berge / der da heyst / der oleberg / wilcher ist nah bey Jerusalem / vñnd hat eyn sabbathis reysze / vñd als sie hynneyn kamen / stiegen sie auff den soller / da denn sich enthielten Petrus und Jacobus / Johannes vñ Andreas / Philippus vñ Thomas / Bartholomeus vñ Mattheus / Jacobus Alphel son vñ Simon Zelotes vñ Judas Jacobi son / Dise alle hielten an eynmütig mit beten vñ flehen / sampt den weybern vñ Maria der mutter Jhesu vñnd seynen brudern.

Vñd ynn den tagen tratt auff Petrus mitten vnter die iunger / vñd sprach (Es ware aber die schare der namen zu hauß bey hundert vñnd zwenßig) Vhr menner / vñnd bruder / Es mußte dißze schrift erfüllet werden / wilche zuuor gesagt hat der heylige geyst / durch den mund Dauid / von Juda der eyn furgenger ward / dere / die Jhesum siengen / denn er war mit vns gehelet / vñd hatte vñbirkomen den anfal dißes ampts / diser hatt zwar beßessen den ader vñb das lohn der vñgerechtigkeit / vñd hat sich erhendt vñ ist mitten entzwey gebursten / vñd hatt seyn eyngeuende außgeschut / vñd es ist kundt worden allen / die zu Jerusalem wonen / also / das der selbe ader genennet wirt auff yhre sprach / Alfel dama / das ist / eyn blut ader.

Den es steht geschriben ym psalmen buch / Vhr behausung müsse wußt werden / vñd sey niemant der drynnen wone / vñ seyn Bisum empfahe eyn ander / So mus nu vnter den mennern / die mit vns versamlet gewesen sind / die ganze zept / wilche Jhesus vnter vns ist aus vñ eyn gangen / anfenglich / von der tauffe Johannis / bis auff den tag / da er von vns genommen ist / eyn zeuge seyn er auffstehung werden mit vns / eyn er aus disen.

Vñd sie stelleten zween / Joseph genant Barjabas mit dem zunamen Just / vñd Mathian / betten vñnd sprachen / Herr / aller herren kundiger / zeuge an / wilchenn du erwelet hast vnter

Psal. 68
psal. 10

unter disen zween / das eyner empfahe den anfal dises diensts vñ Apostel ampts / dauon Judas abtretten ist / das er hyn gienge an seynen ortt / vnd sie gaben das los vñ sie / vnd das los fiel auff Matthian / vnd er wart zu geordnet / zu den eylffen Aposteln.

Das Ander Capitel.

Und als der tag der pfingisten erfüllet war / waren sie alle eynmütig zu hauffe / vnd es geschach schnelleyn braussen vñ hymel / als eynes gewaltigen winds / vñ erfüllet das gantze haus / da sie saßen / vnd man sahe an yhn die zungen zurteylet / als weren sie fiewrig / vnd er saht sich auff eynen iglichen vnter yhn / vnd wurden alle voll des heyligen geysts / vñ siengen an zu predigen mit andern zungen / nach dem der geyst yhn gab auß zu sprechen. Es waren aber Juden zu Jerusalem wonend / die waren Gottsfurchtige menner / aus allerley völd / das vnter dem hymel ist / Da nu dise stym geschach / sam die menge zu samen vnd wurden verstort / deñ es horet eyn iglicher / das sie mit seynen sprach redten / sie entsahten sich aber alle / verwunderten sich vñ sprachen vnternander / Sihe / sind nicht dise alle / die da reden / von Gallilean / wie horen wir deñ / eyn iglicher seyne sprach / darynnen wir geporn sind? Parter vñ Meder / vnd Elamiter / vnd die wir wonen vñ Mesopotamien / vñ ynn Judea vnd Cappadocia / Ponto vnd Asia / Phrygia vñ Pamphylia / Egypten vñ an den enden der Libien bey Kyrenen / vnd außlender von Rom / Juden vnd Juden genossen / Kreter vnd Araber / wir horen sie mit vnsern zungen die grosse thatten Gottes reden / sie entsahten sich alle / vñ wurden yre vnd sprachen / eyner zu dem andern / was will das werden? die andern aber hattens yhren spott vnd sprachen / sie sind voll susses weyns.

Da tratt Petrus auff mit den eylffen / hub auff seyne stym
vnd

DER APOSTEL-

vnd redet zu yhn / yhr Juden / lieben menner / vnd alle die
 yhr zu Jerusalem wonet / das sey euch kund gethan / vnd
 laß meyne wort zu ewrn oren eyngehen / denn / diße sind
 nicht trunden / wie yhr wehnet / syntemal es ist die dritte
 stund am tage / Sondern das ist / das durch den propheten
 Joel zuuor gesagt ist / Vnd es soll geschehen ynn den letzten
 tagen / spricht Gott / Ich will außglessen von meynem geyst Joel. 2.
 auff alles fleysch / vnd ewre sone vnd ewre tochter sollen
 weysagen / vnd ewre iungling sollen gesicht sehen / vñ
 ewren Eltisten sollen trewme trewmern / vnd auff meyne
 knechte vnd auff meyne megde will ich ynn den selbigen
 tagen von meynem geyst außglessen / vnd sie sollen weys
 sagen / vnd ich will geben wunder oben ym hymel / vnd
 zeychen vnden auff erden / blutt vnd fiewr / vnd rauch
 dampff / die Sonne soll sich verkeren ynn finsternis vnd
 der mond ynn blutt / ehe denn der grosse vnd offenberliche
 tag des herren kompt / Vnd soll geschehen / wer den namen
 des herrn anruffen wirt / soll selig werden.
 Yhr menner von Israel horet meyne wort / Jhesum von Na-
 zareth / den man von Gott vnter euch mit thatten vñ wunder
 vñ zeychen beweyßet / wilche Gott durch yhn that mitten
 vnter euch / wie denn auch yhr selbs wißet / den selben nach
 dem er auß bedachtem radt vñ verseyhung Gottis ergeben
 war / habt yhr genommen durch die hend z der vnrechten
 vnd yhn angehefft / vnd abethan / den hat Gott aufferwedt /
 vnd auff gelosset die schmerzen des tods / nach dem es vn-
 muglich war / das er sollt von yhm gehalten werden / Denn
 Dauid spricht von yhm / Ich hab den herren allzeit fur- Psal. 135
 gesetzt fur meyn gesicht / denn er ist an meynen rechten / auff
 das ich nicht bewegt werde / darumb ist meyn hertz frolich
 vnd meyne zunge frewet sich / denn auch meyn fleysch wirt
 rugen ynn der hoffnung / denn du wirst meyne seele nicht
 ynn der helle lassen / auch nicht zu geben / das deyn heylige
 die

die verweisung sehe / du hast myr fundt than die wege des lebens / du wirst mich erfüllen mit freuden fur deynem angesicht.

3. Reg. 2. Ihr menner / lieben bruder / laß mich frey reden zu euch vñ dem erh vater David / Er ist gestorben vñnd begraben / vñnd seyn grab ist bey vns bis auff disen tag / Als er nu eyn prophet war / vñnd wuste / das yhm Gott verhepffen hatte mit eynem eyde / das die frucht seynen lenden / sollt auff seynem stuel sitzen / hatt ers zuuor gesehen vñnd geredt von der aufferstehung Christi / denn seyne seele ist nicht yn der helle gelassen / vñd seyn fleysch hat die verweisung nicht gesehen / disen Jhesum hat Gott aufferwedt / des sind wir alle zeugen. Nu er durch die rechten gottis erhohet ist / vñd entpfangen die verhepffung des heyligē geysts vom vater / hat er außgossen dis das yhr sehet vñd horet / den David ist nicht ynn

psal. 109. den hymel gestogen / Er spricht aber / Der herr hatt gesagt zu meynem herrn / Setze dich zu meynen rechten / bis das ich deyne seynde lege zum schemel deynen fusse / So wisse nu das ganz haus zu Israel gewißz / das Gott disen Jhesum / den yhr creutzigt habt / zu eynem herrn vñd Christ gemacht hat.

Da sie aber das horeten / zustach sich yhr herz / vñd sprachen zu Petro vñd zu den andern Apostolen / yhr menner lieben bruder / was sollen wir thun? Petrus sprach zu yhn / Thut bus / vñnd las sich eyn iglicher teuffen auff den namen Jhesu Christi / hur vergebung der sund / so werdet yhr empfangen die gabe des heyligē geysts / den ewr vñd ewr kinder ist das verhepffen / vñ aller die ferne sind / wilche Got vnser herr erhu ruffen wilt / Auch mit viel andern wortten bezeuget er / vñd ermanet / vñd sprach / laß euch helffen aus disem vnslachtigem geschlecht / Die nun seyn wort gerne an namen / ließen sich teuffen / vñd wurden hynzu than an dem tage bey drey tausent seelen.

DER APOSTEL-

Sie blieben aber beständig yn der Aposteln lere / yn yn der gemeynschafft / yn yn brod brechen / vnd yn gepett / Es sam auch alle seelen furcht an / vnd geschahen wunder vnd zeichen durch die Apostel / Alle aber die glawblig waren worden / waren zu hauff / vnd hielten alle ding gemeyn / yhre guter vnd habe verkaufften sie / vnd teylten sie aus vnter alle / nach dem yderman nod war / yn sie blieben beständig teglich yn tempel eynmutig / vnd brachen das brott hyr vnd her ynn heusern / namen die speyse mit fremden yn eynselltigem hertzen / vnd hatten gnade bey dem gangen volck / der herr aber thatt hyrzu teglich / die da selig wurden / zu der gemeyne.

Das Dritte Capitel.

Petrus aber vnnnd Johannes giengen miteinander hyrauff ynn den tempel vmb die neunde stund zu beten / vnd es war eyn man lahm von muter leybe der lies sich tragen / vnd sie sahten yhn teglich fur des tempels thur / die da heysset / die schone / das er bettelte das almosen von denen / die ynn den tempel giengen / Da er nu sahe Petron vnd Johānen das sie wollten zum tēpel hyr eyn gehen / bat er / das er ein almosen empfienge / Petrus aber sahe yhn an mit Johanne / vnd sprach / sihe vns an / Er aber hielt sich gegen sie / wartet das er etwas von yhn empfienge / Petrus aber sprach / sylber vnnnd goltt hab ich nicht / was ich aber hab / das gebe ich dyr / ynn dem namen Jhesu von Nazaret stand auff / vnd wandele / vnd grepff yhn bey der rechten hand vnnnd richtet yhn auff / Also bald wurden seyne schenckel vnd knochel feste / sprang auff / stund vnnnd wandelte / vnnnd gieng mit yhn ynn den tempel / wandelt vnnnd sprang vnd lobet Gott.

Vnnnd es sahe yhn alles volck wandeln vnd Gott loben / sie sandten yhn auch / das ers war / der vmb das almosen ge-
essen

essen hatte fur der schonen thur des tempels / vnd sie wurden vol wonders vnd entsetzens / vber dem das yhm widerfahren war / Als aber diser lamer nu gesund / sich zu Petron vñ Johannen hielt / ließ alles vold zu yhn vnn die halle / die da heyst / Salemonis / vnd wunderten sich.

Als Petrus das sahe antwortet er dem vold / yhr menner von Jsrael? was wundert yhr euch daruber? adder was sehet yhr auff vns / als hetten wir disen wandeln gemacht / durch vnser eygenkrafft odder verdienst / Der Gott Abraham vnd Jsac vnd Jacob / der Gott vnser vater / hat seyn kind Ihesum verfleret / welchen yhr vbirantwort vnd verleugnet habt fur dem angesicht Pilati / da derselb vrteylet yhn los zu lassen / yhr aber verleugnetet den heyligen vnd gerechten / vnd battet vmb den mordet euch zu geben / aber den herzogē des lebens habt yhr todtet / den hatt Gott auff-erweckt von den toden / des sind wir zeugen / vnd durch den glawben an seynen namen / hatt er an disem / den yhr sehet vnd kennet / befestiget seynen namen / vnd der glawbe durch yhn / hatt disem geben dißze gesundheyt fur ewern augen.

Nu lieben bruder / ich weys / das yhrs durch vnwissenheyt than habt / wie auch wir vbirsten / Gott aber der durch den mund aller seynner propheten zuuer verkündiget hat / das seyn Christus leyden sollt / hatts also erfüllet / So thut nu pus vnd beferet euch / das wir sund vertilget werden / wenn die zeit der erquidung komen wirt von dem angesicht des herrn / vñ er senden wirt / den / der euch ißt zuuer predigt ißt / Ihesum Christ / wilcher mus den hymel vnehmen / bis auff die zeit / da erwidder bracht werde / alles / was Gott geredt hatt durch den mund aller seynner heyligen propheten / von der welt an.

Denn Moses hatt gesagt zu den veteren / Eynen propheten
Deuter. 18. wir euch Gott wir herr erwecken / aus ewrn brudern / den
sollt

Matth. 27.
Marci. 15.
Luce. 23.
Johan. 18.

DER APOSTEL.

sollt yhr horen gleich wie mich ynn allem das er zu euch sagen wirt/ vnnnd es wirt geschehen / wilche seele den selben propheten nicht horen wirt/ die soll vertilget werden/ Vnd alle propheten von Samuel an vnd hernach / wie viel yhr geredt haben / die haben von disen tagen verkündiget. Ihr seyt der propheten vnnnd des testaments kinder / wilchs Gott bestellet hatt zu eweren vettern / da er sprach zu Abra-
ham/Durch deynen samen sollen benedeyet werde alle vol-
cker auff erden/ Euch zu sodderst hatt Gott aufferweckt seyn
kind Ihesus / vnnnd hatt yhn zu euch gesand / euch zu bene-
deyen / das eyn iglicher sich befre von seynen bösheyt.

Gen. 12. e
22.

Das Vierde Capitel.

Als sie aber zum volck redeten / tratten zu yhn die priester vnnnd fursteher des tempels vnnnd die Sa-
duceer / die verdrosz / das sie das volck lereten / vnd verkündigten an Ihesu die aufferstehung von den toden / vnd legeten die hend an sie / vnd sehten sie eyn / bis auff morgen / denn es war iht abent / Aber viel vnter denen / die dem wort zu horeten / wurden glewbig / vnd wart die zal der menner bey funff tausent.

Als nu kam auff den morgen / versamleten sich yhre vbristen vnd Eltisten vnd schrifftgeleerten gen Jerusalem / Sannas der hohe priester / vnnnd Calphas vnd Johannes vnnnd Alex-
ander / vnnnd wie viel yhr waren vom hohen priester geschlecht / vnnnd stellten sie fur sich / vnnnd fragten sie / Aus wilcher gewallt odder ynn wilchem namen habt yhr das than? Petrus voll des heyligen geysts sprach zu yhn / yhr vbristen des volcks / vnnnd yhr Eltisten von Jsrael / So wir heute werden gericht vbr diser wolthatt / an dem franden menschen / durch wilche er ist gesund worden / so sey euch vnd allem volck von Jsrael kund gethan / das ynn dem namen Ihesu Christi von Nazareth / wilchen yhr gecreuygt habt /

psal. 117. habt/den Gott von den todtten aufferweckt hat/stehet diser
 alhie fur euch gesund/Das ist der steyn / von euch bamlew-
 ten verworffen / der zum edsteyn worden ist / vnd ist ynn
 seyнем andern heyl / ist auch seyñ ander namen den men-
 schen geben/darynnen wyrt sollen selig werden.

Sie sahen aber an die freydideyt Petri vñnd Johannis/
 vñd verwunderten sich / denn sie waren gewis/das es vn-
 gelerte leutt vñnd leyen waren/vñnd sandten sie auch woll/
 das sie mitt Jhesu gewesen waren/sie sahen aber den men-
 schen/der gesund war worden/bey yhn stehen/vñnd hatten
 nichts da wißder zu reden / Da hießsen sie sie hynaus gehen
 aus dem radt / vñnd handelten mit eynander / vñnd spra-
 chen/was wollen wyrt disen menschen thun? denn das zey-
 chen ist fundt/durch sie geschehen/offenbar allen die zu Je-
 rusalem wonen / vñnd wyrt fundens nit leudten/Aber auff
 das es nit weytter eyn reyße vñter das völd/laß vns ernst-
 lich sie bedrawen / das sie hynsurt seyñem menschen von
 disem namen sagen.

Vñnd rießsen yhn vñnd verkündigeten yhn/das sie sich aller
 dinge nicht horen ließen noch lereten ynn dem namen Jhe-
 su/Petrus aber vñnd Johannes antwortten vñnd sprachen
 zu yhn / Richtet yhr selb / obs fur Gott recht sey / das wyrt
 euch mehr gehorchen denn Gott / wyrt fundens laß nicht
 lassen/das wyrt nicht reden sollten/was wyrt gesehen vñnd
 gehoret haben / Aber sie draweten yhn / vñnd ließen sie
 gehen / vñd funden nicht / wie sie sie peynigeten / vmb des
 völdes willen / denn sie preyseten alle Gott / vñir dem das
 geschehen war/denn der mensch war vñir vierzig iar alt/
 an wilchem dis zeychen der gesundheyt geschehen war.

Vñnd als man sie hatte lassen gehen / kamen sie zu den yh-
 ren/vñnd verkündigeten yhn/was die hohenpriester vñnd
 Eltisten zu yhn gesagt hatten/Da sie das horeten/huben sie
 yhre stymm auff eynmutiglich zu Gott vñnd sprachen/
 Herr /

DER APOSTEL-

Herr/der du bist/der Gott/der hymel vnnnd erden vnd das meer vnnnd alles was drynnen ist/gemacht hatt/der du durch den mund Dauid deynes knechts gesagt hast/Wa- Psal.2.
rumb entporen sich die heyden/vnd die volcker schlagen
ennuße ding fur/Die konig der erden sind zu samen getret-
ten/vnd die fursten haben sich versamlet zu hauff widder
den herrn vnd widder seynen Christ.

Vnn der warheyt/sie haben sich versamlet vbir deyn kind
Jhesu/wilchen du gesalbet hast/Herodes vnd Pontius Pi-
latus mit den heyden vnnnd volck von Jsrael/zu thun was
deyn hand vnnnd deyn rad zuuer bedacht hatt/das gesche-
hen sollt/Vnd nu herr/sihe an phr dremen/vnd gib deynen
knechten mit aller freydscheyt zu reden deyn wortt/so das
du deyne hand außstreckest/das gesundheyt/vnnnd zephen
vnd wunder geschehen durch deyn namen deynes heyligen
kinds Jhesu/Vnnnd da sie gepettet hatten/bewegt sich die
stett/da sie versamlet waren/vnd wurden alle des heyligen
geysts voll/vnd redten das wort Gottis mit freydscheyt.

Der menge aber der glewbigen war eyn hercz vnnnd eyne
seele/Auch seyner sagete von seynen guttern/das sie seyne
werden/szondern es war phn alles gemeyn/Vnd mit grosser
gewallt gaben die Apostel zeugnis von der aufferstehung
des herrn Jhesu Christi/vnd war grosse gnade bey phn
allen/Es war auch seyner vnter phn/der mangel hatte/
denn wie viel phr waren/die da edel odder heuser hatten/
verkauften sie es/vnd brachten das gelt des verkaufften
guttis/vnd legten es zu der Apostel fussen/vnd man gab
eynem iglichen was phm nod war.

Josef aber mit dem zunamen von den Aposteln genant
Barnabas/das heyst/eyn son des trosts/eyn Leuit aus Cy-
prien von geschlecht/der hatte eynen adel vnnnd verkaufft
phn vnnnd bracht das gelt vnd legts zu der Apostel fussen.

Das

Das Sunfft Capitel.

En man aber mit namē Ananias sampt seynem weybe Sapphira/verlauffte seyn habe / vnd entwand etwas vom gelt/mit wissen seyns weybs / vnd bracht eyns teylls vñ legts zu der Apostel fussen / Petrus aber sprach / Anania / warumb hat der teuffel deyn herzh erfüllet / das du lugest dem heyligen geyst / vnd entwentist etwas vom gelt des aders? wer er nicht dyr blieben wie er war/vnnd seyn gelt wer auch ynn deynem macht gewessen? warumb hastu denn solchs ynn deynem herthen fur genommē? Du hast nit den menschen / sondern Gotte gelogen / Da Ananias aber diße wort horet / fiel er nyder vnd gab den geyst auff/vnnd es kam eyn furcht vber alle die diß horeten / Es stunden aber die iungling auff vñ thetten yhn beseyt/vnd trugen yhn hyenaus vnd begruben yhn.

Vnnd es begab sich vber eyn weyll bey dreyn stunden/lam seyn weyb ereyn / vnnd wuste nicht was geschehen war / Aber Petrus antwort yhr / sage myr/habt yhr den ader so thewr geben? Sie sprach/iah/so thewr/Petrus aber sprach zu yhr / was seyt yhr denn eyns worden zuuersuchen den geyst des herrn? sihe / die fusse / dere / die deynen man begraben haben / sind fur der thur/vnd werden dich hyenaus tragen/vnnd als bald fiel sie zu seynen fussen vnnd gab den geyst auff / Da kamen die iungling vnnd funden sie todt / trugen sie hyenaus vnnd begruben sie bey yhren man/vnnd es kam eyn grosse furcht vber die ganze gemeyne vnnd vber alle die solchs horeten.

Es geschahen aber viel zeychen vnnd wunder ym volck durch der Apostel hend/vnnd waren alle ynn der halle Salomonis eynmütiglich / Der andern aber thurste sich leyner zu yhn thun/sondern das volck hielt gros von yhn / Es worden aber yhe mehr zu than/die da gleubten an den herrn/
eyn

DER APOSTEL-

eyn menge der männer vnnnd weyber/also/das sie die krancken auff die gassen eraus trugen vnd legten sie auff betten vnnnd baren/auff das/wenn Petrus keme/das seyn schatte yhr etliche vbersthattet/Es kamen auch erhu viel von den vmbliegenden steten gen Jerusalem vñ brachten die krancken vñ die vñ vnreynen geystern peynigt waren/vnd wurden alle gesund.

Es stund aber auff der hohe priester vnd alle die mit yhm waren/wilchs ist die secte der Saduceer/vnd wurden voll eyffers/vñ legten die hende an die Apostel/vnnnd wurffen sie ynn das gemeyne gefengnis/Aber der Engel des hern that ynn der nacht die thur des gefengnis auff/vnd furet sie eraus vnd sprach/gehet hyr vnd trettet auff vñ redet ym tempel zum volck alle wort dises lebens/Da sie das gehoreten/gingen sie frue ynn den tempel vnd lereten.

Der vberst priester aber kam vnd die mit yhm waren/vnd riefen zusammen den radt vnd alle Eltisten der kinder von Israel/vñ sandten hyr zum gefengnis sie zu holen/Die diener aber kamen dar vnd funden sie nit ym gefengnis/kamen widdder vñ verkundigten vnd sprachen/das gefengnis funden wir verschlossen mit allem vleys/vnnnd die huter haussen stehẽ fur den thuren/aber da wir auff thatten/funden wir niemant drynnen/Da disse rede horeten der hohe priester vnd die fursteher des tempels vnnnd ander hohe priester/worden sie vber yhn betreten/was doch das werden wollt.

Da kam eyner dar/der verkündigt yhn/sehet/die männer/die yhr yns gefengnis geworffen habt/sind ym tempel/stehen vñ leren das volck/Da gingen hyr die fursteher des tempels/mit yhren dienern/vnd holeten sie nicht mit gewallt/den sie furchten sich fur dem volck/das sie nit gesteyniget wurden/vnd als sie sie brachten stelleten sie sie fur den radt/vnd der hohe priester fraget sie vnnnd sprach/haben
ben

ben wyr euch nicht mit ernst gepotten / das yhr nicht sollt
 leren ynn disem namen? Vnnd sehet / yhr habt Jerusalem
 erfüllet mit ewrer lere / vnd wollt dises menschen blut vbir
 vns furen.

Petrus aber antwort vnnd die Apostel / vnd sprachen / Man
 mus Gott mehr gehorchē / denn den menschen / Der Gott
 vnser vater hatt Jhesum aufferweckt / welchen yhr erwurget
 habt / vñ auff das holz gehangen / den hatt Gotts rechte
 hand er hoheit zu eynem Hertogē vnd heyland / zu geben
 Jsrael die pus vnd ablas der sunde / vnnd wyr sind seyne
 zeugen vbir dise wort / vnd der heylige geyst / welchen Got
 geben hat / denen / die yhm gehorchē / Da sie das horeten /
 zurschneyd sie es / vnd dachten sie abhuthun.

Da stund aber auff ym radt eyn Phariseer mit namen Ga-
 mallel / eyn schriftgelerter / wolgehallten fur allem volck /
 vnd hies die Apostel eyn wenig hynaus thun / vnd sprach zu
 yhn / yhr menner von Jsrael / nempt ewr selbs war an disen
 mensche / was yhr thun sollet / Fur disen tagen stund auff
 Theudas / vnd gab fur / er were etwas / vnnd hingen an
 yhm eyn zal menner bey vlerhundert / der ist erschlagen /
 vnd alle die yhm zu sielen sind zur strawet vnd zu nicht wor-
 den / Darnach stund auff Judas von Gallilea ynn den tagen
 der scheyung / vnd macht viel volcks abfellig nach yhm / vnnd
 der ist auch omb fomen / vnnd alle die yhm zu sielen sind
 zur strewet.

Vnnd nu sag ich euch / last abe von disen menschen / vnd last
 sie faren / Ist der rad oder dz werck aus den mensche / so
 wirts vntergehē / ist aber aus Gott / so kund yhrs nicht
 dempfen / auff das yhr nicht erfunden werdet / die wider
 Gott streyten wollē / Da sielen sie yhm zu / vnd lieffen den
 Aposteln / steupten sie vnd gepoten yhn / sie sollten nicht
 reden ynn dem namen Jhesu / vnd lieffen sie gehen.

Sie giengē aber frolich von des radts angesicht / das sie
 würdig

DER APOSTEL-

wirdig gewesen waren umb seynes namens willen schmach leyden / vnnnd horeten nicht auff alle tage ym tempel vnnnd ynn allen heuſzern / zu leren vnnnd zu predigen das Euan- gelion von Ihesu Chriſt.

Das Sechſt Capitel.

In den tagē aber / da ſich die lurger mehrten / erhub ſich eyn murmel vnter den Kriechen wider die Ebreer / da- rumb / das yhre wítwen vñr ſehen wurden ynn der teg- lichen handreyhung / Da rießſen die zwelffe / die menge der lurger zu ſamen / vnd ſprachen / Es taug nicht / das wir das wortt Gottis vnterlaſſen vnnnd zu tiſſch dienen / drum b yhr lieben bruder beſchet vnter euch ſiebē menner die da be- rumpt ſind / das ſie voll heyliges geſts vñ weyſzheyt ſind / wilche wir beſtellen mugen zu diſzer nothdurfft / wir aber wollen anhallten am gepett vnd am ampt des wortt Gottis / Vñ die rede gefiel der gangen menge wol / vnnnd erweleten Stephanon eyn man voll glawbens vnd heyliges geſts / vnnnd Philippon vnnnd Prochoron / vnnnd Nicanor vnnnd Ti- mon vnd parmenas / vnd Nicolaon den Judgenoffen von Antiochia / diſe ſtelleten ſie fur die Apoſtel / vñ betten vnd legten die hend auff ſie.

Vnd das wortt Gottis wuchs / vnd die zall der lurger mehret ſich ſeer zu Jeruſalem / Es worden auch viel prieſter dem glawben gehorſam / Stephanus aber vol glawbens vnnnd krefft / thatt wunder vnd groſſe zeichen vnter dem volck / Da ſtunden etliche auff von der ſchule / die da heyſt der Li- bertiner / vñ der Cyrener vnd der Alexanderer / vñ derer / die vñ Cilicia vñ Aſia waren / vñ befragtē ſich mit Ste- phano / vnnnd ſie vermochten nit wiðderzuſtehen der weyſz- heyt den vñ dem geſt / aus welchem er redet / Da richteten ſie zu etlich menner / die ſprachē / wir haben yhn horet leſter wortt reden wiðder Moſen vnd wiðder Gott / vnd bewegten
das

das völd vnd die Elltisten vnd die schrifft geleertē / vñ tratē
 tē erhu vñ ryssen yhn hyñ / vñ fureten yhn fur radt / vñnd
 stelleten falsche zeugen dar / die sprachen / Dieser mensch horet
 nicht auff zu reden lester wort widder dißze heylige stette
 vñ dz geseß / den wir haben yhn horen sagen / Jhesus von
 Nazareth wirrt diße stett zu storen vnd endern die sitten /
 die vns Moses geben hatt / vnd sie sahen auff yhn alle die
 yhm radt lassen / vnd sahen seyn angesicht wie eynes engells
 angesicht.

Das Siebend Capitel.

- U** Sprach der hohe priester / ist dem also? Er aber
 sprach / lieben bruder vnd veter / horet zu.
- Gen. 12. Gott der herlichest erscheyn vnserm vater Abra-
 ham / da er noch ynn Mesopotamia war / che er wonete ym
 land Saram / vñ sprach zu yhm / Gang aus deynem land vnd
 aus deynere freuntschafft vnd zeuch ynn eyn land / das ich
 dyr zeygē will / Da gieng er aus dem land der Chaldeer /
 vnd wonet ynn Saram / vñ vñ dannen / da seyn vater ge-
 storben war / bracht er yhn heruber yñ diß land / da yhr nu
 ynn wonet / vñ gab yhm seyn erbteyl dreyne / auch nicht
 eynes fußz breyt / vnd verhies yhm / er wolt sie geben yhm
 zu besizen vñnd seynem samen nach yhm / da er noch seyn
 kind hatte.
- Gen. 15. Aber Got sprach also zu yhm / deyn same wirt ein frembd-
 ling seyn ynn eynem frembden land / vñnd sie werden yhn
 dienstbar machen / vnd vbel handelln / vierhundert vnd
 dreyßsig iar / vnd das völd / dem sie dienen werden / will ich
 richten / sprach Gott / vnd darnach werdē sie aus zihen vnd
 mir dienen / an dißer stett / vñnd gab yhm den bundt der
 beschneydung / vnd er gepar Jsaac vñnd beschneyd yhn am
 achten tage / vñnd Jsaac den Jacob / vñnd Jacob die zwelffe
 Erhueter.

Vñnd

DER APOSTEL.

Vnnd die Erhueter eyfferten widder Joseph vnd verkauff- Gen. 37.
 ten ihnynn Egypten / vñ Gott war mit ihm / vñ erredet
 ihn aus alle seynem tribsal / vnd gab ihm gnade vñnd
 weyßheyt fur dem konige Pharao zu Egypten / der sah
 ihn zum fursten vber Egypten vnd vber seyn ganzes haus.
 Es kam aber eyn thewung vber das ganze land Egypten Gen. 42.
 vñ Canaan vnd eyn grosser tribsal / vnd vnser vater sun-
 den nit futterung / Jacob aber horet das ynn Egypten ge-
 treyde were / vnd sandte vnser vater aus / das erst mal / vnd
 zum audern mal wart Joseph erkennenet vñ seynen brudern / Gen. 45.
 vnd wart Pharao Josephs geschlecht offinbar / Joseph aber Gen. 46.
 sandte aus vnd lies holen seynen vater Jacob vñ seyne
 ganze freundschaft / sunff vnd siebentzig seelen / vñnd Ja- Gen. 50.
 cob zoch ihnab ynn Egypten vnd starb / er vnd vnser vater /
 vnd sind erber bracht ynn Sichem / vñnd gelegt ynn das
 grab / das Abraham kaufft hatte vmb gelt von den kin-
 dern Semor zu Sichem. Gen. 23.
 Da nu sich die zeyt der verhessung nahet / die Gott Abra- Exod. 1.
 ham geschworen hatte / wuchs das volck vnd mehret sich ynn
 Egypten / bis das eyn ander konig auff stund / der nichts
 wuste von Joseph / Dieser treyb hynderlist mit vnserm ge-
 schlecht / vnd handelt vnser vater vbel / vnd schaffet / das
 man die lungen kindlin ihn werffen muste / das sie nit
 lebendig blieben / Zu der zeyt wart Moses geporn / vnd war Exod. 2.
 eyn seyn kind fur Gott / vnd wart drey monat erneeret ynn
 seynes vaters hause / Als er aber ihn geworffen wart / nam
 ihn die tochter Pharaonis auff / vnd zoch ihn auff zu eynem
 son / vñnd Moses wart geleret ynn aller weyßheyt der Egyp-
 ter / vñnd war mechtig ynn werden vnd worten.
 Da er aber vlerzig iar alt ward / stetzs ynn seyn herzh / zu
 besehen seyne bruder die kinder von Israel / vñnd sahe eynen
 vnrecht leyden / da vberhalff er vñ rechte den / dem leyd ge-
 schach / vnd erschlug den Egyppter / Er meynet aber / seyne
 bruder

bruder solltens vernehmen/das Gott durch seyne hand yhn heyl gebe/aber sie vernamens nicht.

Dann am andern tage erscheyn er yhn / da sie sich habbeteren/vnnd handelt mit yhn/das sie frid hetten vnnd sprach/lieben menner / yhr seyt bruder / warumb thut eyner dem andern vnrecht? Der aber seynem nehisten vnrecht that/sties yhn vñ sich vnd sprach / wer hatt dich vñr vns gesetzt zum vñrsten vnd richter? willst du mich auch abthun/wie du gister den Egypter abethatist? Moses aber flogh vñr diser rede/vnd ward eyn frembdling ym land Madian/daselbs gepar er zween sone.

Exodl. 3. Vnd vber vierthig iar / erscheyn yhm ynn der wusten auff dem berge Sina/der Engel des herrn yñ eyner flammē des feners ym pusch/da es aber Moses sahe/wundert er sich des gesichts / als er aber hynzu gieng zu schawē / geschach die stym des herrn zu yhm/Ich byn der Gott deyner veter/der Gott Abraham vnd der Gott Isaac vnd der Gott Jacob/Moses aber wart zittern vñ thurste nicht anschawen / Aber der herr sprach zu yhm/zeuch die schuch aus von deyren fussen/denn die steet/da du stehest/ist eyn heylig land / Ich habe wol gesehē das vbel meynes volcs ynn Egypto/vnnd hab yhr seufften gehoret/vnd byn erab gestiegen/sie zu reden/vnd nu kom her/ich wil dich ynn Egypten senden.

Disen Moses / wilchen sie verleugneten vnd sprachen/wer hatt dich zum vñrster vñ richter gesetzt? den sandte Gott zu eynem vñrsten vnd erloser durch die hand des Engells/der yhm erscheyn ym pusch/diser furet sie aus vnd thett wunder vnd zeychen ynn Egypten vñ ym rothen meer/vñ ynn der wusten vierthig iar/dis ist Moses/der zu den kindern vñ Israhel gesagt hat / Eyren propheeten wilt euch Gott ewr herr erwecken aus ewren brudern / den sollt yhr horē / gleich wie mich.

Diser istis/der yñ der gemeyne yñ der wusten mit dem engell
war /

DER APOSTEL.

war/der mit yhm redet auff dem berge Sina/vnd mit vnsern vater/diſſer empfieng das lebendige wort vns zu geben/wilchem nicht wollten gehorſam werden ewre vater/ſondern ſtieſſen yhn von ſich vnd wandten ſich umb mit yhren herzen gen Egypten/vn ſprachen zu Aaron/mache vns Gotter/die fur vns yhn gehen/denn wir wiſſen nit was Moſi/der vns aus dem land Egypten gefurt hat/wildersfaren iſt/vnd machten eyn kalb zu der zeit/vnd opfferten dem gozen/opffer/vnd fremeten ſich der werck yhrer hende.

Aber Gott wand ſich/vnd gab ſie da yhn/das ſie dienen des hymels ritterschafft/wie denn geſchrieben ſtehet ynn dem buch der propheten/Sabt yhr vom hauſſe Iſrael die vierzig iar ynn der wuſten/wir auch yhe opffer vnnd vlech geopffert? Vnnd yhr namet die hutten Moloch an/vnd das geſtirn ewrs Gottis Remphan/die bilde/die yhr gemacht hattet/ſie an zubeten/vnd ich will euch verwerfen ienſyd Babylonien.

Es hatten vnſer vater die hutte des zeugniss ynn der wuſten/wie er yhn das verordenet hatte/da er zu Moſen redete/das er ſie machē ſolt/nach dem ſurbild/das er geſehē hatte/wilche vnſer vater auch annahmen/vnd brachten ſie mit Joſue ynn das land/das die heyden ynn hatten/wilche Gott aus ſties fur dem angeſicht vnſer vater/bis zur zeit David/der fand genad bey Gott/vnnd batt/das er eyne hutten finden mochte dem Gott Jacob/Salomon aber bawet yhm eyn haus.

Aber der aller hehſt/wonet nicht ynn tempel die mit henden gemacht ſind/als er ſpricht durch den prophetē/Der hymel iſt meyn ſtuel/vnd die erde der ſchemel meynen fuſſe/was wolt yhr wir denn fur eyn haus bawen? ſpricht der herr/odder wilchs iſt die ſtett meynen ruge? Satt nicht meyne hand das alles gemacht?

Yhr

Ihr hallstarrigen vnd vnbehawen an herzen vnnnd oren/
 ihr widder strebt allheyt dem heyligen geyst/wie ewre veter/
 ter/also auch ihr / wilchen propheten haben ewre veter nit
 verfolget? vñ sie todten/die do zuuor verkündigten die zu-
 kunfft des gerechten / wilchs ihr nu verrhete vnd morder
 worden seyt/ihr habt das gesey empfangen durch der En-
 gel gescheyt/vnd habts nicht gehalten.

Da sie solchs horeten/zurschneyds ihn ihr herth/vnd sprac-
 ten mit zenen vñ ihm / Als er aber voll heyliges geysts
 war/sahe er auff gen hymel vnd sahe die herlichest Gottis/
 vnd Ihesum stehen zur rechten Gottis vnd sprach/sehet/ich
 sihe den hymel offen / vnd des menschen son zur rechten
 Gottis stehen / Sie schrien aber laut/vñ hielten ihr oren
 zu / vnd sturmeten eynmütiglich zu ihm eyn / stießen ihn
 zur stad hinaus / vnnnd steynigten ihn / Vnnnd die zeugen
 legten ab ihre kleider zu den fueßen eyns iunglings / der
 hies Saulus / vnd steynigten Stephanon / der rieß vnnnd
 sprach / Herr Ihesu / nym meynen geyst auff / Er kniet aber
 niddere vnd schrey laut / Herr rufe ihn dise sund nicht auff/
 denn sie wissen nicht was sie thun / vnd als er das gesagt/
 entschlief er.

Das Acht Capitel.

Saulus aber hatte wolgefallē an seynem tod / Es
 wart aber zu der zeit eyn grosse verfolgung vñ
 die gemeyne zu Jerusalem / vnd sie zu straweten sich
 alle vñ die lender Judee vnd Samaritanien / on die Apostel /
 Es beschickten aber Stephanum Gottfurchtligemennet / vnd
 hielten eyn grosse klage vñ ihm / Saulus aber zustoret die
 gemeyne / gieng hin vnd her vñ die heuser / vñ zoch er fur
 man vnd weyber / vnd vñ antwort sie vns gefendnis.
 Die nu zurstrewet waren / giengen vmb / vnd predigten
 das Euāgell / Phillippus aber kam hynab vñ eyn stad
 Samarie

DER APOSTEL-

Samaritanen predigen ihm von Christo / Das volck aber hatte eynmütiglich acht auff das von Philippo gesagt wart / horeten ihm zu / vnd sahen die zeichen die er that / denn die vnreine geister schrien laut vnd furen aus vielen / Auch viel gichtbrüchige vnd lahmen wurden gesundt gemacht / vnd ward eyn grosse freudynn der selbigen Stadt.

Es war aber zuuor ynn der selbigen Stadt eyn man mit namen / Simon / der treyb zewerb vnd behawberte das Samaritanische volck / vñ gab fur / er were etwas grosses / vñ sie sahen alle auff ihn von dem kleynsten an bis zum grosssten vñ sprachē / der ist die krafft Gottes / die da gros ist / Sie sahen aber darumb auff ihn / das er sie lange zeit mit seiner zewerbery behawbert hatte / Da sie aber Philippos predigen gleubten vnd dem reich Gottes vnd von dem namen Jesu Christi / liessen sich tauffen beyde männer vñ weyber / Da ward auch der Simon gleubig vnd lies sich teuffen vnd hielt an Philippo / vnd als er sahe die thatten vñ zeichē die da geschahē / verwundert er sich.

Da aber die Apostel horeten zu Jerusale / das Samaria das wort Gottes angenommen hatte / sandten sie zu ihm Petron vnd Johannem / wilche da sie hynab kamen / betten sie vñ sie / das sie den heyligen geist empfiengen / denn er war noch vñ leyen gefallen / sondern waren alleyn getaufft ynn dem namen Christi Jesu / da legten sie die hende auff sie / vnd sie empfiengen den heyligen geist.

Da aber Simon sahe / das durchs aufflegen der apostel der heylige geist geben ward / bott er ihm gelt an / vnd sprach / gebt mir auch die macht / das / so ich yemand die hende aufflege / der selb den heyligē geist empfahe / Petrus aber sprach zu ihm / das du verdampft werdest mit deynem gelt / das du meynest / Gottes gabe werde durchs gelt erlangt / du wirst widder teyl noch anfall haben an diesem wort / denn deyn hertz ist nicht aufrichtig fur Gott / drum thue Deuter. busse

busse fur diſe deyne boſzheyt / vñ bitte Gott / ob dyr vergeben werdē mocht der tuch deynes herzen / denn ich ſehe / das du biſt voll bitter galle vñnd verknupfft mit vngerethticheyt.

Da antwortet Simon vñnd ſprach / bittet yhr fur mich zu Gott / das der ſeyns vñr mich ſome / dauon yhr geſagt hatt / Sie aber / da ſie bezeuget vñ geredt hatten das wort des herren / wandten ſie wiðderumb gen Jeruſalem vñnd predigeten das Euangelion vielen Samaritanen merckten. Aber der Engel des herren redet zu Philippo vñ ſprach / ſtand auff vñnd gang gegen mittag / auff die ſtraßz die vñ Jheruſalem gehet hynnab zu Gaza / die da wuſte iſt / vñnd er ſtund auff vñnd gieng hyn / vñnd ſihe eyn man aus morenland / eyn verſchnittener vñnd geweldig der konigyn Kandakes vñ Morenland / wilcher war vñr alle yhre ſcheß kamer / der war komen gen Jeruſalem anhu beten / vñ zoch wiðder heym vñnd ſaß auff ſeynem wagen / vñnd las den propheten Iſaia.

Der geiſt aber ſprach zu Philippo / gang hyn zu / vñnd mach dich bey diſen wagen / da ließ Philippus hynhu / vñ horet / das er den propheten Iſaian las / vñnd ſprach / verſtehiſtu auch was du lieſeſt? Er aber ſprach / wie kan ich / ſo mich nicht yemand an leyhet? vñnd ermanet Philippon / das er auff tritt vñ ſetzt ſich bey yhn / Der ynhalt aber der ſchriſt / Iſa. 53. die er las / war diſer / Er iſt wie eyn ſchaff zur ſchlachtung gefuret / vñnd wie eyn lamp fur ſeynen ſcherer ſtymlos / alſo hat er nicht auff than ſeynen mund / ynn der nñdrücket iſt ſeyn gericht erhaben / Wer wirt aber ſeyne gepurt erhehlen? den ſeyn leben iſt von der erden genomē / Da antwort der verſchnitten vñnd ſprach / ich bitt dich / von wilchem redet der prophet ſolchs? von yhm ſelber odder vñ yemand anders? Philippus aber thatt ſeynen mund auff / vñnd gieng von der ſchriſt an / vñnd predigt yhm das Euangelion vñ Jheſu / vñ
als

DER APOSTEL.

als sie zogen der strassen nach / kamē sie an eyn wasser / vñ der verschnyttē sprach / sihe da ist wasser / was hindert mich / das ich mich teuffen lasse? Philippus aber sprach / Glewbstu vñ gantem herzen / so mag's wol seyn / Er antwort vñ sprach / ich glewbe / das Jhesus Christus ist Gottes son / vñ hies den wagen halten / vñ stiegen hynab ynn das wasser beyde Philippus vñ d' verschnyttē / vñ er taufset yhn / Da sie aber erauff stiegen aus dem wasser / rucket der geyst des hern Philippon hynweg / vñ der verschnyttē sahe yhn nicht mehr / Er zog aber seyne strassz strolich / Philippus aber ward funden zu Asdod / vñ wandelt omb her vñ prediget allen stetten das Euangelion / bis das er kam gen Cesarien.

Das Neunde Capitel.

Saulus aber schnewbete noch mit drewen vñ mordē widdē die lūger des herren / vñ gieng zum hohen priester vñ batt yhn omb brieffe gen Damaskē an die schulē / auff dz / so er etliche dises weges funde / mēner vñ weyber / das er sie gepunden furete gen Jerusalem / vñ ynn dem er hyn gieng / geschachs das er nahe bey Damaskē kam / vñ ploßlich umblückt yhn eyn licht vom hymel / vñ fiel auff die erden / vñ horet eyn stymm / die sprach zu yhm / Saul / Saul / was verfolgstu mich? Er aber sprach / Herre wer bistu? d' herre sprach / Ich byn Jhesus / den du verfolgst / Es wirt dyr schwer werden / widdē den stachel lecken / vñ er sprach mitt zittern vñ zagen / Herre / was wiltu das ich thun soll? sprach der herr zu yhm / stand auff / vñ gang ynn die stad / da wirt man dyr sagen / was da thun sollt.

Die mēner aber / die seyne geferten waren / stunden vñ waren erstarrēt / deñ sie horetē seyne stymm vñ sahen niemands / Saulus aber richtet sich auff von der erden / vñ
als er

als er seyn augen auffthet / sahe er niemands / sie namen
 yhn aber bey der hand / vñ furten yhn gen Damascen vñ
 war drey tage nicht sehend / vñ assz nicht vnd trand nicht.
 Es war aber eyn iunger zu Damasken / mitt namen / Ana-
 nias / zu dem sprach der her ym gesicht / Ananias / vñ er sprach /
 hie byn ich herr / Der herre sprach zu yhm / stand auff vñ gang
 hyh / ynn die gassen / die do heyst / die richtige / vnd frage
 ynn dem hauſe Juda nach Saulo mit namen von Tarsen /
 denn sihe / er lett / vnd hat gesehen ym gesicht eyenen man /
 mit namen / Ananias / zu yhm hyneyn komen vnd die hand
 auff yhn legen / das er widder sehend werde.

Ananias aber antwort / Herr / ich hab von vielen geho-
 ret von diesem man / wie viel vbel er deynen heyligen
 than hatt zu Jerusalem / vnd er hatt alhie macht von den
 hohē priestern zu binden alle die deynen namen anruffen /
 Der herre sprach zu yhm / gang hyh / denn dieser ist myr
 eyn außgerwelet rustheug / das er meynen namen trage fur
 den heyden vnd fur den kunigen vnd fur den kindern von
 Jsrael / ich will yhm zeygen / wie viel er leyden mus vmb
 meynes namens willen.

Vnd Ananias gieng hyh vnd sam ynn das haus / vnd
 leget die hende auff yhn / vnd sprach / Lieber bruder Saul /
 der herr hat mich gesand / der dyr erschynen ist auff dem
 weg / da du her camest / das du widder sehend vnd mit
 dem heyligen geyst erfüllet werdist / vnd also bald fiel es
 von seynen augen / wie schupen / vnd ward widder sehend /
 vnd stund auff / lies sich tauffen vnd nam speysze zu sich /
 vnd stercket sich.

Saulus aber war etliche tage bey den iungern zu Damasco /
 vnd also bald prediget er Christum ynn den schulen / das der
 selb Gottis sun sey / Sie entsagte sich aber alle die es ho-
 reten vñ sprachen / ist das nicht der zu Jerusalem verstorete
 alle die disen namen anruffen? vñ hieher dazv kommen / das
 er

DER APOSTEL-

er sie gepunden fure zu den hohen priestern? Paulus aber wart yhe mehr freystiger / vnd treyb die Juden eyn die zu Damasco woneten / vnd bewerets / das diser ist der Christ. Vnnd nach viel tagen / hielten die Juden eyne rad zu samen / das sie yhn abthetē / Aber es wart Saulo fund gethan das sie yhm nach stelleten / sie hielten aber tag vñ nacht an den pforten / das sie yhn abtheten / Da namen yhn die iunger bey der nacht / vnd thetten yhn durch die mauren / vnd liesen yhn ynn eynem korbe hynab.

Da aber Saulus gen Jerusalem kam / versucht er sich bey die iungern zu machen / vñnd sie furchten sich alle fur yhm / gleubten nicht / das er eyn iunger were / Barnabas aber nam yhn zu sich / vñnd furet yhn zu den Aposteln / vñ erhelet yhn / wie er auff der strassen den herrn gesehen / vnd er mit yhm geredt / vnd wie er zu Damascen freydig gehandelt hette an dem namen Jhesu / vñ er war bey yhn / vñ gieng aus vñ eyn zu Jerusale / vñ handelt freydig an dem namē des herrn Jhesu / Er redet auch vñ befraget sich mit den Kriechen / aber sie stelleten yhm nach / das sie yhn abtheten / Da das die bruder erfuren / gelepttē sie yhn gen Cesarien / vnd lieszen yhn gen Tarsen gehen / So hatte nu die gemeyne fride / durch ganz Judea vnd Gallilea vnd Samaria / vnd bauete sich / vnd wandelte ynn der furcht des herrn vnd wart erfüllet mit trost des heyligen geysts.

Es geschach aber / da Petrus durch zoch allenthalben / das er auch zu den heyligen kam / die zu Lydda woneten / das selbs fand er eyne man / mit namen Sneas / acht iar lang auff dem bette gelegen / der war gichtpruchtig / vñnd Petrus sprach zu yhm / Snea / Jhesus Christus mache dich gesund / stand auff / vñ bette dyt selber / vnd also bald stund er auff / vñnd es sahen yhn alle die zu Lydda vñnd zu Saronia woneten / die befereten sich zu dem herrn.

Zu Joppe aber war eyne lungenyn / mit namen Tabitha / wilchs verdelmetst heyst / Dorcas / die war voll guter werck vnd almosen die sie thett / Es begab sich aber zu der selben zeit / das sie krank wart / vnd starb / da wusschen sie die selbigen vnd legten sie auff den joller / Nu aber Lydda nahe bey Joppen ist / da die lungen horeten das Petrus da selbs war / sandten sie zween menner zu yhm vñ ermaneten yhn / das er sich nicht lies verdrissen zu yhn zu komen. Petrus aber stund auff vñnd kam mit yhn / vñnd als er dar kamen ware / sureten sie yhn hynauff auff den joller / vñnd tratten vmb yhn allerley wittwen / weyneten vnd zegeten yhm die rose vñnd fleyder / wilche Dorcas machte / weyll sie bey yhn war / vñ Petrus da er sie alle hynaus trieben hatte / knyet er nydder / betet / vñnd wand sich zu dem leychnam vñnd sprach / Tabitha stand auff / vñnd sie thatt yhr augen auff / vñ da sie Petron sahe / saht sie sich wider / Er aber gab yhr die hand vñnd richtet sie auff / vñnd rieß den heyligen vñnd den wittwen / vnd stellet sie lebendig dar / vnd es ward kund durch ganz Joppen / vnd viel wurden glewbig an den herrn / vñnd es geschach / das er lange zeit zu Joppe bleyb / bey eynem Simon der eyn gerber war.

δορκας græce
latine caprea
ein rech Vide
Oppianum

Das zehend Capitel.

Es war aber eyn man zu Cesarien mit namen Cornelius eyn heubtman / von der rotten / die da heyst / die welsche / Gottselig vnd gottsfurchtig / sampt seynem ganzen hause / vnd gab dem volck viel almosen / vñnd bettet ymer zu Gott / der sahe ynn eynem gesicht offenberlich / vmb die neunde stund am tage / eynen Engel Gotis zu yhm eyngehen / der sprach zu yhm / Cornel / Er aber sahe yhn an / erschrad / vñ sprach / Herr / was ist? Er aber sprach zu yhm / deyn gepet vnd deyn almosen
sind

DER APOSTEL-

sind hynauß komē vns gedechtnis fur Gott / vnd nu sende
männer gen Joppen / vnd las foddern Simon mit dem zu-
namen Petrus / wilcher ist zur herberge bey eynem gerber
Simon / des haus am meer ligt / der wirt dyr sagen / was
du thun sollt / vnd da der Engel / der mit Cornelio redet /
hynweg gangen war / rieß er zwehen seyner hausz knecht
vnd eynem Gottfurchtigen kriegs knecht / von denen die
auff ihn wartten / vnd erhelet es ihn alles vnd sand sie
gen Joppen.

Des andern tages / da dise reyseten vnd nahe zur statt ka-
men / steyg Petrus hynauß / auff den soller zu betē / vmb
die sechste stund / vñ als er hungerig wart / wolt er anbeyß-
sen / da sie ihm aber zu bereyeten / wart er entzuckt / vnd
sahe den hymel auffgethan / vñ ernydder faren zu ihm eyn
geßez / wie eyn groß lynen tuch an vier yppffel gepunden /
vnd ward nidder gelassen auff die erden / darinnen wa-
ren allerley vierfussige thier der erden / vnd wylde thier /
vnd gewurme / vnd vogel des hymels / vnd geschach eyne
stymme zu ihm / stand auff Petre / schlachte vnd yß / Petrus
aber sprach / Mit nicht / herr / den ich habe noch nie etwas
gemeynes oder vnreynes gessen / Vñ die stymme sprach zum
andern mal zu ihm / was Gott gereyniget hatt / das mache
du nit gemeyn / Vnd das geschach zu drey malen / vnd das
geßez wart widder auffgenommen gen hymel.

Als er aber sich vnn ihm selb bekummert / was das gesicht
were / das er gesehen hatte / sihe / da fragten die männer
von Cornelio gesand nach dem hausz Simonis / vnd stun-
den an der thur / rieß vñ forscheten / ob Simon mit dem
zunamen Petrus alda zur herberge were / vnn dem aber
Petrus sich besynnet vber dem gesicht / sprach der geyst zu
ihm / sihe / die männer suchen dich / aber stand auff / steyg
hynab vnd zeuch mit ihm / vnd zweyffel nichts / denn ich
hab sie gesand / Da steyg Petrus hynab zu den mennern /
die

die von Cornelio zu ihm gesandt waren / vñ sprach / Sehet / ich bins / den ihr sucht / was ist die sache / darumb ihr hie seht? Sie aber sprachen / Cornelius der hauptman eyn frommer vñnd gottfurchtiger man vñnd guttis geruchts bey dem ganzen volck der Juden / hat eyn göttlich befehl empfangen vom heyligen Engel / das er dich solt foddern lassen vñ sein haus / vñnd wortt von dir horen / Da rieß er ihn hynen vñd beherberget sie.

Des andern tages zoch Petrus aus mit ihm / vñnd etlich bruder vñ Joppen kamen mit ihm / vñd des andern tages kamen sie eyn gen Cesarien / Cornelios aber wartet auff sie / vñnd rieß zusammen seyne verwandten vñd freund / vñd als es geschach / das Petrus hynen kam / gieng ihm Cornelius entgegen vñd fiel zu seynen fussen vñd bettet ihn an / Petrus aber richtet ihn auff / vñd sprach / stand auff / ich bin auch eyn mensch / vñd als er sich mit ihm besprochen hatte / gieng er hynen / vñd fand ihr viel / die zu samen komen waren / vñd er sprach zu ihm / Ihr wißet / wie es eyn vngewonet ding ist eynem Jüdischē man / sich zu thun odder komē zu eynem frembdlingē / Aber Gott hat mir zeget / seynen menschen gemeyn odder vnteyn zu heissen / darumb bin ich auch vngetweyffelt komē / als ich bin her gesodert / So frag ich euch nu / warumb ihr mich hatt lassen foddern?

Cornelios sprach / Es ist iht viertage / da fastet ich / vñ ander neunden stund betet ichynn meynem hauße / vñ sihe / da tratt eyn man fur mirynn eynem hellen kleyde / vñd sprach / Corneli / deyn gepett ist erhoret / vñd deyn almosen ist gedacht worden fur Gott / so sende nu gen Joppen / vñd las her ruffen eynen Simon / mit dem zu namē Petrus / wilcher ist zur herbergynn dem haus des gerbers Simon / an dem meer / der wirt dir / wenn er kompt / sagen / Da fand ich vñ stund an zu dir / vñ du hast wol than / das du dich

DER APOSTEL-

dich her macht hast / Nu sind wir alle hie gegenwertig fur Gott / zu horen alles was dyr von Got befolhen ist.

Petrus aber that seynen mund auff vnd sprach / Nu erfare ich mit der warheyt / das Gott die person nicht an sihet / sondernynn allerley volda / wer yhn furcht vnd recht thut / der ist yhm angenehm.

Ihr wiisset wohl von der predigt / die Gott zu den kindern Israel gesand hat vnd verkundigen lassen den friden / durch Jheson Christon (welcher ist eyn herre vber alles) die durchs ganck Judisch land geschehen ist vn angangen ynn Gallilea nach der tauff die Johannes predigte / wie Gott den selben Jheson von Nazaret gesalbelt hat mit dem heyligen geyst vnd krafft / der vmbher zogen ist vn hatt wolthan vnd gesund gemacht alle die vom teuffel vberweldiget waren / den Gott war mit yhm / Vnd wir sind zeugen alles / das er than hatt ym Judischen land vnd zu Jerusalem / Den haben sie abthan vnd auff eyn holz gehangen / Den selben hat Gott aufferweckt am dritten tage / vnd yhn lassen offinbar werden / nicht allem volda / sondern den vorerwelten zeugen von Gott / vns / die wir mit yhm gessen vnd trunden haben / nach dem er auffstanden ist von den todten / vnd er hat vns gepotten / zu predigen dem volda vnd zeugen / das er ist verordenet von Got / eyn richter der lebendigen vnd der todten / Von diszem zeugen alle propheten / das durch seynen namen / alle die an yhn gleuben / vergebung der sund empfangen sollen.

Da Petrus noch redet von solchen dingen / siel der heylig geyst auff alle die dem wort zuhoreten / vn die gleubige aus der beschneydung / die mit Petron kamen waren / entsahnten sich / das auch auff die heyden die gabe des heyligen geysts aus gossen wart / denn sie horeten / das sie mitt zungen redeten vnd Gott gros machten / Da antwort Petrus / mag auch yemand das wasser weren / das dise nicht taufft

taufft werden die den heyligen geyst empfangen haben /
gleich wie auch wir? Vnd befah sie zu tauffen ynn dem
namen des herrn / da baten sie yhn / das er etliche tage
bliebe.

Das Eylffte Capitel.

Es kam aber fur die Apostel vnnnd bruder die auff
dem Judischen land waren / das die heyden hat-
ten Gottis wortt auff genomen / vñ da Petrus
hynauff kam gen Jerusalem / zandten mit yhm die aus der
beschneydung waren / vnnnd sprachen / du bist eyngangen zu
den mennern / die die vorhautt habē / vnd hast mit yhn
geessen.

Petrus aber hub an vnd legetz yhn dar nach eyinander vnd
sprach / ich war ynn der stad Joppe ym gepet / vnd sahe ynn
eyner entzuckung eyn gesicht / eyn gefessz ernydder faren /
wie eyn grossz leyenen tuch mit vier zippffellen / vnd nydder
gelassen von hymel vnnnd kam bis zu myr / dareyn sahe ich /
vnd wart gewar / vñ sahe vierfussige thier der erden vnd
wilde thier / vnnnd geworm / vñ vogel des hymels / ich horet
aber eyne stymme die sprach zu myr / stand auff Petre /
schlachte vnd yssz / ich aber sprach / myr nicht / Herr / deñ es ist
nie leyen gemeynes noch vnreyne ynn meynen mund gan-
gen / Aber die stymme antwort myr zum andern mal von
dem hymel / was Gott gereyniget hatt / das mache du nicht
gemeyn / das geschach aber drey mal / vnnnd wart alles wid-
der hyr auff gen hymel zogen.

Vnd sihe / vñ stund an / stunden drey menner fur dem hause
dar ynn ich war / gesand vñ Cesarien zu myr / Der geyst aber
sprach zu myr / ich sollt mit yhn gehen / vnd nicht zweyffeln /
Es kamē aber mit myr diße sechs bruder / vnd giengen ynn
das haus des mannes / vnd er verfundiget vns / wie er ge-
sehen hatte eynen engel ynn seynem hause stehen / der zu
yhm

DER APOSTEL-

phm sprach / sende menner gen Joppen / vnd las Jobdern den Simon mit dem zu namen / Petron / der wirt dyr wort sagen / darynnen du selig werdest vnd deyn ganzes haus / ynn dem aber ich anfieng zu redē / siel der heylige geyst auff sie / gleych wie auff vns am ersten anfang / Da dacht ich an das wort des hern / als er saget / Johannes zwar hat mit wasser taufft / yhr aber sollet mit dem heyligen geyst taufft werdē / So nu Got yhn eyn gleyche gabe geben hat / wie auch vns / die do glewbē an den herrn Jhesum Christ / wer war ich / das ich kund Gotte weren? Da sie das horeten / schwygen sie stille / vnd preyseten Gott vnd sprachen / so hatt Gott auch den heyden pus geben zum leben?

Die aber zursirewet waren vnter dem trubfall / der vbir Stephano geschach / giengen omb her / bis gen Phenicen vnd Cypren vnnnd Antiochien / vnnnd redeten das wort zu niemant / denn alleyn zu den Juden / Es waren aber etlich vnter yhn / menner von Cypren vnnnd Cyrenen / die kamen gen Antiochien / vnd redeten auch zu den Kriechen / vnd predigeten das Euangelion von Jhesu Christo / vnd die hand Gottis war mit yhn / vnd eyn grosse zal ward glewbig vnd beferet sich zu dem hern.

Es kam aber diße rede von yhn fur die oren der gemeyn zu Jerusalem / vnnnd sie sandten Barnabam / das er yhn glenge bis gen Antiochien / wilcher / da er yhn komē war / vñ sahe die gnade Gottis / wart er fro / vnd ermanet sie alle / das sie von herthē furseten an dem herren zu bleyben / denn er war eyn frumer man / voll heyliges geysts vnnnd glawbens / vnnnd es wart eyn grossz vold dem hern zu than / Barnabas aber gleng aus gen Tarßen / Saulum wildder zu suchen / vnd da er yhn fand / suret er yhn gen Antiochien / Es geschach aber / das sie eyn ganz iar yñ der gemeyne sich samleten vñ lereten eyne gros vold / vñ das die lurger zu Antiochia am ersten / Christen genennet wurde.

Jnn

In den selbigen tagen kamen propheten von Jerusalem gen Antiochien / vñ eyner vnter yhn mit namen Agabus stund auff / vnd deutet durch den geyst eyn grosse theurung / die da komen sollt vbir den gangen freys der erden / wölche geschach vnter dem kaysen Claudio / Aber vnter den iungern beschlos eyn iglicher / nach dem er vermocht / zu senden eyn handreychung den brudern die yñ Judea woneten / wie sie denn auch thetten / vnd schickten zu den Eltisten durch die hand Barnabe vnd Sauli.

Das zwelfft Capitel.

In der selbigen zeit / legt Herodes die hend an etliche vñ der gemeyne zu peynigen / Er todtet aber Jacobon Johannes bruder mit dem schwerd / vnd da er sahe / das den Juden gefiell / macht ers mehr / auch Petron zusahen / Es war aber eben ostern / da er yhn auch grepff / legt er yhn yns gefendnis / vnd vbirantwortete yhn vier geulerten kriegs knechten / yhn zu bewaren / vñ gedacht yhn nach den ostern dem vold fur zufuren / Vnd Petrus wart ym gefendnis gehalten / Aber das gepet geschach fur yhn zu Gott on vnterlas von der gemeyne / Vnd da yhn Herodes wollt fur furen / ynn der selben nacht schlieff Petrus zwisshen zween kriegs knechten gepunden mit zwo feten / vnd die hutten fur der thur huteten des gefendnis.

Vnd sihe / der engel des herrn kam da her / vnd eyn licht scheyn yñ dem gemach / vnd schlug Petron an die seitten vñnd weckt yhn auff / vnd sprach / stand behends auff / vnd die feten fielen yhm von den henden / vnd der Engel sprach zu yhm / gurte dich / vnd thue deyne schuch an / vnd er thatt also / vnd er sprach zu yhm / wirff deynen mantel omb dich vnd folge myr nach / vnd er gieng hyraus vnd folget yhm / Vnd wuste nicht / das es warhafftig war / das da geschach durch den Engel / Es dauchte yhn aber / er sehe eyn gesicht /
Sie

DER APOSTEL-

Sie giengē aber durch die erste vnd ander hutt / vnd kamē zu der eyßern thur / wılche zur stad fureet / die that sieh yhn von yhr selber auff / vñ tratten hyndaus vñ giengen hyndeyne gassen lang / vnd also bald kam der Engel von yhm.

Vnd da Petrus zu yhm selber kam / sprach er / Nu weys ich warhafftig / das der herre seynen engel gesand hat vnd mich erredet aus der hand Herodis vñ von allem wartten des Jüdischen volcks / vñ als er sich besynnet / kam er fur das haus Marie der mutter Johannis der mit dē yunamē Marcus hies / da viel versamlet warē vñ beteten / Als aber Petrus an die thur flossset des thores / tratt ersur eyne magd zu hochen / mit namen / Rode / vnd als sie Peters stymme erkandt / thatt sie das thor nicht auff zur freuden / lieff aber hyndeyn vnd verkündigt yhn / Petrus stund fur dem thor / Sie aber sprachē zu yhr / du bist vnspynnig / Sie aber bestund drauff / es were also / Sie sprachē / Es ist seyn engel / Petrus aber flossset mehr / da sie aber auffthaten / sahen sie yhn / vnd entsagten sich / Er aber windet yhn mit der hand zu schwebgen / vnd erhelet yhn wie yhn der herr hatte aus dem gefengnis gesurt / vnd sprach / verkündiget dis Jacobo vñ den brudern / vñ gieng hyndaus vnd wandelt an eynen andern ortt.

Da es aber tag wart / war nicht eyn fleyne besummernis / vnter den friegs knechten / was doch Petrus wordē were / Herodes aber da er yhn joddert vnd nicht fand / lies er die hutter rechtfertigen vnd hies sie weg furen / vñ zoch dō Judea hyndab gen Cesarien / vnd hielt alda seyn wesen / Er grunget aber mit den dō Tyro vñ Sidon / Sie aber kamen eynmutiglich zu yhm dar / vñ vberredten des koniges kamerer Blaston / vnd baten vmb fride / darumb / das yhre land sich neereten von des konigs land / Aber auff eynen bestympten tag / thett Herodes an das koniglich fleyd / saht sich auff den richt stuel / vnd thatt eyne rede zu yhn / Das volck
aber

aber rieß zu / das ist eyn stymme Gottis vnd nicht eynes menschen / Als bald schlug ihn der Engell des herrn / Darumb / das er den preys nicht Gott gab / vnd wart fressen von den wurmen vnd gab den geyst auff.

Das wortt Gottis aber wuchs vnd mehret sich / Barnabas aber vnd Paulus kamen widder gen Jerusalem vnnnd vbrantworten die handreychung / vnnnd namen mit sich Johannem / mit dem zu namen Marcus.

Das Dreytzehend Capitel.

ES waren aber zu Antiochia / ynn der gemeyne / propheten vnd lerer / Der Barnabas / vnd Simon / genant Nigter / vñ Lucius von Kyprenen / vnnnd Manahen Herodis des viersursten kind geselle / vñ Saulus / Da sie aber dem herrn dienetten vñ fasteten / sprach der heylige geyst / Sondert myr aus Barnaban vnd Paulum / zu dem werd / dahu ich sie beruffen habe / Da fasteten sie vnd betten vñ legten die hend auff sie / vnd ließen sie gehen / Vnd wie sie aus gesand warē vom heyligē geyst / kamen sie gen Seleucia / vnd von dannen schiffsten sie gen Kypren / vnd da sie ynn die stad Salamin kamen / verkündigetenn sie das wortt Gottis ynn der Juden schulen / sie hatten aber auch Johannem zum diener.

Vnnnd da sie die Insulen durch zogen bis zur stad Paphos / funden sie eynen zeuberer vñ falschen propheten eynen Juden / der hies Bar iehuh / der war bey Sergio Paulo dem Landvogt eynem verstendigen man / der selbige rieß zu sich Barnabam vñ Paulū / vñ begerte das wortt Gottis zu horen / da stund ihn widder der zeuberer Elymas (den also wirt seyn name verdolmetst) vnd trachtet das er den Landvogt von glawbē wendet / Saulus aber / der auch Paulus heyst / vol heyliges geysts / sahe yn an / vñ sprach / o du kind des teufels / voll aller list vñ aller schalckheyt vñ seynd aller gerechticheyt /

(Bar iehuh)
Das ist auff
deutsch / Eyn son
Gottis. Denn die
Ebreisch sprach
nennet Got /
iehuh / das ist
der nam Tetra-
grammaton /
dauon die Jude

DER APOSTEL-

viel wunder
tichteu / also
wilt diser zeu-
berer auch des-
selben namens
braucht habē /
wie yht die zeu-
berer des creuhs
vnd ander hey-
liger wort vnd
zeychen brau-
chen / wie aber
Bar sehuh ver-
dolmeticht sey
Elymas / ist noch
verporgen vnd
nicht gewis ob
der text veren-
dert sey.

gerechtfertigt / du horist nicht auff ab zu wenden die rechten
wege des herrn / vñ nu sihe / die hand des herrn kompt vñ
dich / vnd wirst blind seyn vnd nicht sehen die Sonne ey-
zeytt lang / Vñ dem selben siel auff yhn tunkelheyt vnd
finsternis / vnd gieng vmb her vnd suchte handlepter / Als
der Landvogt das geschicht sahe / da gleubte er vnd verwun-
derte sich der lere des herrn.

Da aber Paulus vnd die vmb yhn waren von Papho schiff-
ten / kamen sie gen Perge ym land Pamphylie / Johannes
aber entweych von yhn vnd zoch widder gen Jerusalem /
sie aber zogen durch von Perge vnd kamen gen Antio-
chien ym land Pisidie / vnd giengen yñ die schule am Sab-
bath tagen vnd sagten sich / Nach der lection aber des ge-
sehs vnd der propheten / sandten die vñisten der schule zu
yhn vnd lieffen yhn sagen / Lieben bruder / habt yhr eyne rede
bey euch zu ermanen das volck / so saget an.

Da stund Paulus auff / vnd windt mit der hand vnd sprach /
Yhr menner von Israel / vnd die yhr Got furchtet / horet zu /
Der Gott dises volcks hat erwelet vnser vater / vñ erhohet
das volck / da sie frembding waren ym land Egypti / vñ mit Exod. 1.
eynem hohen arm furet er sie aus dem selbigen / vnd bey
vierzig iaren lang duldet er yhre weysze ynn der wusten /
vñ vertilget siebē volcker yñ dem land Canaan / vñ teylet Josue. 1.
vnter sie nach dem anfall / yhener land / Darnach gab er yhn
richter bey vierhundert vnd funffzig iar lang bis auff den
propheten Samuel / vnd von da an baten sie vmb eynen
konig / vnd Gott gab yhn Saul den son Kis / einē man aus 1. Reg. 1.
dem geschlecht Benjamin / vierzig iar lang / vñ da er den
selbē absetzt / richtet er auff vñ sie Dauid zum konige / vñ
wilchem er zeugete / Ich hab fundē Dauid den son Jesse / 1. Reg. 1.
nach meynem herzen / der soll thun allen meynen willen.
Aus diszes samen hatt Gott / nach der verheysung / auff-
gericht dem volck Israel den heyland Ihesum / als den Jo-
hannes

hānes zuuor dem volda Israel predigt hat fur dem angesicht
seyner zufunfft / die tauffe der pus / Als aber Johānes sey-
nen laufft erfüllet / sprach er / ich byn nit der / da fur yhr mich
Matth. 3. haltet / Aber sehet / Er kompt myr nach / des ich nicht werd
byn das ich yhm die schuch aus zihe.

Yhr menner lieben bruder yhr kinder des geschlechts Abra-
ham / vñ die vnter euch Gott furchten / Euch ist das wort
dieses heyls gesand / denn die zu Jerusalem wonen / vnd yhre
rbirsten / die weyl sie yhn nit erkannten / noch die stymmen
der propheten (welche auff alle Sabbather gelesen werden)
haben sie die mit yhem vrtrepen erfüllet / vnd wie wol sie
seyne vrsach des todts an yhm funden / batē sie doch Pila-
tum / yhn zu todten / vnd als sie alles vollendet hatten was
von yhm geschrieben ist / namen sie yhn von dem holz vnd
legten yhn ynn eyn grab / Aber Gott hat yhn aufferweckt
von den todten / am dritten tage / vnd er ist erschynen viel
tage lang / denen / die mit yhm hinauff vñ Gallilea gen Je-
rusalem gangen waren / welche sind seyne zeugen an das
volda.

Vnd myr auch verkundigen euch die verhepffung / die zu
vnsern vetern geschē ist / das die selbe Got vns yhren kin-
dern erfüllet hat / yñ dem er Jhesum aufferweckt hatt / wie

Psal. 2. denn ym ersten psalm geschrieben stehet / Du bist mein son /
heute hab ich dich geporn / Das er yhn aber hat vñ den tod-
ten aufferweckt / das er fort nicht mehr soll verweisen / spricht

Isa. 55. er also / Ich will euch die gnade / Dauid verhepffen / treulich
halten / Darumb spricht er auch am andern ort / Du wirst

psal. 15. nicht zugebē / das deyn heylige die verweisung sehe / Deñ
dauid / da er zu seyner zeit gedienet hatte dem willen Got-
tis / ist er entschlaffen / vnd zu seynen vetern than / vñnd hat
die verweisung gesehen / den aber Gott aufferweckt hat / der
hatt die verweisung nicht gesehen.

So sey es nu kund euch lieben bruder / das euch verkündigt
wilt

DER APOSTEL.

wirt vergebung der sund durch disen vñ vñ dem allem/
 durch wilchs pñr nicht kuntet ym geseh Mosi rechtfertig
 werdē/ Wer aber an disen glewbt/ der wirt rechtfertig/
 Sehet nu zu/ das nicht vñr euch kome/ das ynn den pro-
 pheten gesagt ist/ Sehet pñr verachtet vñ verwundert euch/ Abac. 1.
 vñ verderbt euch/ denn ich thue eyn werck zu ewern zeitten/
 wilchs pñr nicht glewben werdet/ so es euch yemand erhe-
 len wirt.

Da aber die Juden aus der schule glengen/ baten die hey-
 den/ das sie zwisschen dem Sabbath pñr die wort sageten/
 Vñnd als die gemeyne der schule von eynander glengen/
 folgten Paulo vñnd Barnaba nach/ viel Juden vñ Jud-
 genossen die Got dieneten/ Sie aber sagten zu pñr/ vñd be-
 redeten sie/ das sie bleyben sollten ynn der gnade Gottis/
 Am folgende Sabbath aber kam zu samen fast die ganze
 stadt/ das wort Gottis zu horen/ Da aber die Juden das
 veld sahen/ wurden sie voll neyds/ vñ widder sprachen
 dem/ das vñ Paulo gesagt wart/ widder sprachen vñ lester-
 ten/ Paulus aber vñd Barnabas wurden freydig vñ spra-
 chen/ Es war nodt/ das euch zu erst das wort Gottis gesagt
 wurde/ Nu pñrs aber vñ euch stoffet/ vñd achtet euch selbs
 nicht werd des ewigē lebens/ sihe/ so wenden wyr vns zu
 den heyden/ deñ also hat vns der herr gepotten/ Ich hab Jsal. 49.
 dich den heydē zum licht geseht/ das du das heyl seyst bis
 an das ende der erden.

Die heyden aber horeten mit freuden zu/ vñnd preyseten
 das wort des herrn/ vñ wurden glewbig/ wie viel pñr zum
 ewigen leben verordnet waren/ Vñd das wort des herrn
 wart aus breytet/ durch die ganze gegend/ Aber die Juden
 bewegten die erbarn vñ andechtigen weyber vñ der stadt
 vñrsten/ vñ erwecktē ein verfolgung vber Paulon vñ Bar-
 naban/ vñd stießen sie zu pñren grenzen hynaus/ Sie aber
 schüttelten den stawb von pñren fussen vber sie/ vñd kamen
 gen

gen Iconion / Die hunger aber wurden voll fremden vnd heyliges geysts.

Das Vierzehend Capitel.

Es geschach aber zu Iconion / das sie zu hauff vnn der Jude schule giengen / vnn redeten / also / das eyn grosse menge der Juden vnd der friechen glewbig worde / Die vnglewbigen Juden aber erwedten vñ entrusten die seelen der heyde widder die bruder / So hattē sie nu yhr weesen daselbs eyn lange zept / handelten freydig vñ dem herrn / wilcher bezeugete das wort seyner gnade / vnd lies zeichen vnd wunder geschehen durch yhre hende / die menge aber der stad spaltet sich / etlich hieltens mit den Juden / vnd etlich mit den Aposteln.

Da sich aber eyn sturm erhob der heyden vnd der Juden vnd yhrer vbirsten / sie zu schmechen vnd steynigen / wurden sie des ynnen vnn entflohen vñ die stedt des lands Lycaonia / gen Lystran vñ Derben vnd ynn die gegend vmbher / waren alda vnd predigeten das Euangelion / Vnn es war eyn man vnter den Lystraner der sass vnuermugens an seyner fussen / vñ war lam vñ muter leybe / der noch nie gewandelt hatte / der horet Paulon reden / vnd als er yhn ansah / vnd merckte / das er eynen glawben hatte gesund zu werden / sprach er mit lauter stymme / stand auff richtig auff deyne fusse / vnd er sprang auff vnd wandelte / Da aber das volck sahe / was Paulus than hatte / huben sie yhre stym auff / vnd sprachen auff Lycaonisch / die gotter sind den menschen gleich worden vnd zu vns ernydder komen / vnd nenneten Barnaban / Jupiter / vnd Paulon / Mercurius / die weyl er das wort suret / Der priester aber Jupiters der fur yhr stad war / bracht ochsen vñ krenge fur das thor vnd wolt opffern sampt dem volck.

Da das die Apostel Paulus vnd Barnabas horeten / zu ruffen

DER APOSTEL-

sen sie ihre fleyder vnd sprungen vnter das volck / schreyen vnd sprachen / ihr menner / was macht ihr da? wir sind auch menschen / euch gleichbertig / vnd predigen euch das Euangelion / zu befehren von diesen vnnutzen zu dem lebendige Gott / welcher gemacht hat hymel vñ erden vñ das meer / vñ alles was drynnen ist / derynn vergangē zeytten hat lassen alle heyden wandeln ihre eygen wege / vnd zwar hatt er sich selb nit vnbeheuet gelassen / ynn dem er wolthan hatt / vnd vns geben vñ hymel regen vñnd fruchtpare zeytung / damit vnser hertzen erfüllet mit speyse vñnd freud / Vnd da sie dis sagten / stillten sie kaum das volck das sie ihn nicht opfferten.

Es kamen aber dazü Juden von Antiochien vnd Iconion / vnd vberredeten das volck / vnd steynigte Paulum / vñ schlepfften ihn zur stad hinaus / meyneten / er were gestorben / Da ihn aber die lurger vbringeten / stund er auff / vñnd gieng ynn die stad / vnd auff den andern tag gieng er aus mit Barnaba gen Derben / vnd predigten der selbigen stad das Euangelion / vnd vnterweyseten ihr viel / vnd zogen wilder gen Eistran vñnd Iconion vnd Antiochian / sterckten die seelen der lurger / vñ ermaneten sie / das sie ym glauben blieben / vnd das wir durch viel trubsal musen ynn das reyck Gottes gehen / Vñ da sie ihn durch alle gemeynen Eltisten verordnet hatten / betten sie mit fasten / vnd befolhen sie dem hern / an den sie glewbig worden waren.

Vnd zogen durch Pisidian vnd kamen ynn Pamphilian / vnd redten das wort zu Perge / vñ zogen hynab gen Attalian / vñ von dannen schiffen sie gen Antiochian / da her sie waren der gnad Gottes zu dem werd vberantwort das sie habē aus gericht / Da sie aber dar kamen / versamletē sie die gemeyne / vnd verkundigten / wie viel Got mit ihn than hatte / vñnd wie er den heyden hette die thur des glaubens auffthan /

auffthan / sie hatten aber yhr wefen alda nicht eyn fleyne
zeytt bey den hungern.

Das Sunfftzehend Capitel.

Und etlich kamen erab von Judea vnnnd lereten die
bruder / wo yhr euch nicht beschneypen laßt nach der
weyse Mosi / so fund yhr nicht selig werdē. Da sich
nu ein auffruhr erhüb / vñ Paulus vnd Barnabas sich hart
wider sie legten / ordenten sie / das Paulus vnd Barnabas
vnd etlich ander aus yhn / hynauß zogen gen Jerusalem zu
den Aposteln vnd Eltisten / vmb diser frage willen / Vnd sie
wurden von der gemeyne geleytet vnnnd zogen durch Phe-
nicien vnd Samarien / vnnnd erheleten den wandel der hey-
den / vnd machten eyn grosse freude allen brudern / Da sie
aber dar kamen gen Jerusalem / wurden sie empfangen
von der gemeyn vnd von den Aposteln vnnnd von den Ell-
tisten / vnd sie verkündigten / wie viel Gott mit yhn than
hette / Da tratten auff etlich von der phariseer secten / die
glewblig waren worden / vnnnd sprachen / Man mus sie be-
schneypen / vnd gepleten zu halten das gesetz Mosi / Aber
die Apostel vnd die Eltisten kamen zusamen / dise rede zu
besehen.

Act. 16. Da nu viel fragens sich erhüb / stund Petrus auff vnnnd
sprach zu yhn / Yhr menner lieben bruder / yhr wißset / das
Got ynn vorigen tagen / vnter vns erwelet hat meynen
mund / durch wilchen die heyden horeten das wort des
Euangelion / vnd der herthündiger Gott zeugete vbir sie /
vnd gab yhn den heyligen geyst / gleych auch wie vns / vñ
vnterschied nichts zwischen vns vnd yhnen / vnnnd reynigete
yhre herzen durch den glawben / was versucht yhr denn nu
Gott? mit aufflegen des iochs auff der sunger helse / wilchs
r / Adder vnser veter noch wir habē mügen tragen / sondern
wyr glewben durch die gnad des herrn Jhesu Christi selig
zuwerden

DER APOSTEL.

zuwerden / gleycher weyse wie auch sie. Da schweng die ganze menge stille / vnd horeten zu Paulo vnd Barnaba / die da erheleten / wie grosse zeichen vnd wunder Gott durch sie than hatte vnter den heyden.

Darnach als sie geschwogen waren / antwortet Jacobus vnd sprach / Ihr menner lieben bruder / horet myr zu / Simon hat erhelet / wie auff's erst / Got hat heym sucht anzunemē eyn volck aus den heyden zu seynem namen / vnd da stimmen mit die rede der propheten / als geschrieben steht / Amos. 9.
Darnach wil ich widder komen / vnd wil widder bawen die hutte Dauid / die zutfallen ist / vnd phre lücken wil ich widder bawen / vnd will sie auff richten / auff das was vbrig ist von mensche / nach dem hern frage / daz u alle heyden / vbr wilchen meyn name angeruffen ist / spricht Got / der das alles thut / Gott sind alle seyne werck bewust vñ der welt her / Darüb beschliesse ich / das man den so aus den heyden zu Gott sich bekeren / nicht vnruhe mache / sondern / schreybe phn / das sie sich enthalten von vnswerberkeyt der Abgotter / vnd von hurerey / vñ von ersticktem / vnd vom blut / denn Moses hatt von vorigen geheytten her ynn allen steden die phn predigen / vñ wirt alle Sabbather tag ynn den schulen gelesen.

Vnd es daucht gut die Apostel vnd Eltisten sampt der ganzen gemeyne / aus phn menner welen vnd senden gen Antiochian mit Paulo vnd Barnaba / nemlich / Judan mit dem zunamen Barsabas / vñ Silan / wilche menner furgenget waren vnter den brudern / vnd sie gaben schrift ynn phre hand also.

Wyr die Apostel vnd Eltisten vnd brudere / wunschen heyl / den brudern aus den heyden die zu Antiochian vnd Syria vnd Cilicia sind / Die weyl wyr gehört haben / das etliche vñ den vnsern sind außz gangen / vnd haben euch mit worten yrr gemacht vnd ewre seelen befumert / vnd sagen phr sollt
euch

euch beschneyden lassen vnn̄d hallten das gesch/wilchen wir nichts befolhen habē/ Satt es vns gut gedaucht eynmutiglich versamlet/menner erwelen/vnd zu euch senden/mit vnsern liebsten Barnaba vnd Paulo/wilche menschen yhre seelen geben haben fur den namen vnsern hern Jhesu Christi/so haben wir gesand Judan vnd Silan/wilche auch mit wortten dasselbe verkundigen werden/Denn es gefelt dem heyligen geyst vnd vns/euch seyn beschwerung mehr auff legen/denn nur diße nottige stuch/das yhr euch enthaltet vom gohenopffer vnd vom blutt vnd vom ersticken vnd von hurerey/von wilchen/so yhr euch enthaltet/thut yhr recht/Geht euch wol.

Da diße abgefertiget waren/samē sie gen Antiochien/vñ versameleten die menge vnd vbrantworten den brieff/Da sie den lasen wurden sie des trosts fro/Judas aber vnn̄d Silas/die auch propheten warē/ermaneten die brudere mit vielen reden vnd sterckten sie/Vnd da sie verthogen eyn zeptlang/wurdē sie von den brudern mit friden abfertiget zu den Aposteln/Es dauchte aber Silan gut alda zu bleyben/Paulus aber vnd Barnabas hatten yhr weissen zu Antiochia/lereten vnn̄d predigeten des Euangelische wortt des herrn mit vielen andern.

Nach etlichen tagen aber/sprach Paulus zu Barnaban/las vns wid derumb ziehen vnd vnser brudere besehen durch alle stedte/pnn wilchē wir das wortt des herrn verkundigt habē/wie sie sich halten/Barnabas aber gab rad das sie mit sich nemē Johannes/mit dem zunamē Marcus/Paulus aber achts billich/das sie nit mit sich nemen eyn solchen/der abtretten war von yhn pnn Pamphylia/vnn̄d war nit mit yhn zogen zu dem werck/vnd sie kamen scharff an eynander/also/das sie von eynander zogen/vñ Barnabas zu sich nam Johannes/vnd schiffte pnn Cypern/Paulus aber welet Silan/vñ zog hyn/der gnade Gottis befolhē

DER APOSTEL-

folhē vñ den brudern / Er zoch aber durch Syrian vñ Cilicīan vñ stedte die gemeynen.

Das Sechtzehend Capitel.

Er kam aber gen Derben vñ Lystran / vñnd sihe / eyn iunger war dasselbs / mit namen Timotheus / eyns Judischen weybes son / die war glewbig / aber eynes Kriechschen vatters / der hatte gut gerucht bey den brudern vñter den Lystraner vñ zu Iconion / disen wollt Paulus lassen mit sich ziehen / vñnd nam vñ beschneyt yhn / vñb der Jude willen die an dem selben ortt waren / deñ sie wusten alle / das sein vater war eyn Kriecher gewesen / Als sie aber durch die stedt zogen / vñberantworten sie yhn zuhalltē den sag / wilcher von den Apostel vñ Eltisten zu Jerusalem beschlossen ware / Da wurden die gemeynen ym glauben befestiget / vñ namen zu an der zall teglich. Da sie aber durch Phrygian vñnd das land Galatia zogen / ward yhn geweret vñ dem heyligen geyst zu reden das wortt ynn Asia / Als sie aber kamen an Mysian / versuchten sie nach Bithinian zu reyssen / vñ der geyst lies yhn nit zu / Da sie aber fur Mysian vñbz zogen / kamē sie hynab gen Troada / vñ Paulo erscheyn eyn gesicht bey der nacht / das war eyn man von Macedonia / der stund vñ bat yhn vñnd sprach / Kum er-nydder gen Macedonian vñnd hilff vns / Als er aber das gesicht gesehen hatt / da trachten wyr also bald zu reyssen gen Macedonian / gewis / das vns der herre dahyn beruffen hette / yhnē das Euāgelion zu predigen / Da brachen wyr auff von Troada / vñnd stracks lauffs kamen wyr gen Samothracian / des andern tags gen Neapoli / vñ vñ dannen gen Philippi / wilche ist die hewbstadt des lands Macedonia / vñnd eyne freye stad.

Wyr hatten aber ynn diser stad vnser wesen etliche tage / des tages der Sabbather giengen wyr hynaus fur die stad
an

an das wasser / da man pflegt zu betten / vnd sagten vns / vnd redeten zu den weyben / die da zu samen kamen / Vnnd eyn andechtig weyb mit namen / Lydia / eyn purpurkremetryn aus der stad der Thyatirer / horete zu / wilcher that der herr das herz auff / das sie drauff acht hatte / was von Paulo geredt ward / Als sie aber vñ yhr haus tauffet wart / ermanet sie vnnd sprach / so yhr mich achtet / das ich glewbig byn an den hern / so kompt ynn meyn haus vnd bleybt alda / vnnd sie zwang vns.

Es geschach aber / da wyr zu dem gepet giengen / das eyne magd vns begegnet / die hatte eynen warsager geyst / vnnd trug yhren herren viel genies zu mit warsagen / die selbige folgete allenthalbẽ Paulo vnd vns nach / schrey vnd sprach / diese menschen sind knechte Gottis des allerhochisten / die euch den weg der selickheit verkundigen / Solchs thatt sie manchen tag / Paulus aber thett das wehe / vnnd wand sich vmb / vnd sprach zu dem geyst / ich gelete dyr ynn dem namen Jhesu Christi / das du von yhr aus sarist / vnnd er fur aus zu der selbigen stund.

Da aber yhre herrn sahen / das die hoffnung yhres genies war außgefahren / namen sie Paulum vnnd Silan / zohen sie auff den markt fur die vbirsten / vnd fureten sie zu den amptleutten / vnd sprachen / diese menschen machen vnser stad yrrer / vnd sind Juden / vnnd verkundigen eyne weyse / wilche vns nicht zympt anzunehmẽ / noch zu thun / weyl wyr Romisch sind / Vñ das volck siel zu wilder sie / vñ die amptleutt zurissen yhre kleyder vnd hieszen sie steuppen / vnd da sie sie wol gesteuert hatten / worffen sie sie yns gefengnis / vnnd gepotten dem kerkher meyster / das er sie mit vleysze hielte / der nam solchs gepott an / vnd warff sie ynn das ynnnerste gefengnis vnd legte yhre fuß ynn den stock.

Vmb die mitternacht aber betteten Paulus vnd Silas vnnd lobten Gott / vnd es horeten sie die gefangenen / Schnell
aber

DER APOSTEL-

aber ward eyn grosser erdbeben/also/das sich wegeten die grundfeste des gefengnis / vndynn dem selben / wurden alle thur auffthan vnnnd aller band los/Als aber der ferdter meyster aus dem schlaff fur/vñ sahe die thuren des gefengnis auffgethan / zoch er das schwerd aus / vnnnd wollt sich selbst erwurgen / denn er meynt die gefangenen weren entflohen / Paulus aber rieß laut vnd sprach / Thu dyr nichts vbelß denn wir sind alle hie.

Er foddert aber eyn liecht vñ sprang hyneyn/vnd wart zittern vñ siel Paulo vnd Barnaba zun fussen / vnd furet sie eraus vnd sprach / lieben herrn / was soll ich thun / das ich selig werde? Sie sprachen/glewbe an den hern Jhesum/ so wirstu vnd deyn haus selig / vnd sagten yhm das wort des hern/vnd allen / die ynn seynem hause waren / vnd er nam sie zu sich/yñ der selbigen stund der nacht / vnd wusch yhn die streymen ab / vnd er lies sich teuffen vnnnd alle die seynen also balde / vnd furet sie ynn seyn haus vnd sehet yhn eynen tisch/vnd frewet sich mit seynem ganzen haus/ das er an Got glewbig worden war.

Vnnnd da es tag ward/sandten die amptleutt / stad diener/ vñ sprachen/las diß menschen gehen/vnd der ferdter meyster verkündiget diße rede Paulo / die amptleut haben her gesand/das yhr los seyn solt/Ru zihet aus vnnnd gehet hynt mit fride/Paulus aber sprach zu yhn/Sie habē vns vnuerdampft / offentlich gesteuft / die wir doch Romische sind / vnd ynn das gefengnis worffen/vnd solten vns nu heymlich aus stossen? Nicht also/sondern last sie selbst komen vnd vns hyntaus furen/Die stad diener verkündigetē diße wort den amptleutten/vnd sie furchten sich / da sie horeten/das sie Romisch weren/vnnnd kamen vnd ermaneten sie vñ fureten sie eraus/vnd baten sie/das sie auszogē aus der stad/Da giengen sie aus dem gefengnis / vñ giengen zu der sydia/vñ da sie die bruder gesehē hattē vñ getroestet/zogē sie aus.

Das

Das Siebentzehend Capitel.

Da sie aber durch Amphipolin vñ Apollonia reysen / kamē sie gen Thessalonich / da war eyn Judē schule / Nach dem nu Paulus gewonet war / gieng er zu yhn eyn / vnd saget yhn auff drey Sabbathen von der schrift / thet sie yhn auff vnd legts yhn fur / das Christus muste leyden / vnd auferstehen von todtē / vñ das diser Jhesus / den ich (sprach er) euch verkündige / ist der Christ / Vnd etlich vnter yhn sielens yhm zu / vñnd wurden zugesellet Paulo vñnd Sila / auch der andechtigen kriecken eyn groſſe menge / dazu der furnehmsten weyber nicht wenig. Aber die halstarrigen Juden / eyfferten vñnd namen zu sich etliche boßhafftige menner pubel volds / vñnd machten eyne rotte / vñnd richten eyn auffrur ynn der stad an / vñ trattē fur das haus Jasons / vñnd suchten sie zu furen vñter das gemeyne vold / da sie aber sie nit funden / schlepffeten sie den Jason vnd etliche bruder fur die obersten der stad / vñ schreyen / Dise / die den gangen weltkreyß erregen / sind auch herkomen / die hat Jason zu sich genōmen / vnd dise alle thun zu widder den satungen des Keyſers / sagen von eynem andern konige Jhesu / Sie bewegten aber das vold / vñ die vbersten der stad / die solche horeten / vñnd da sie verantwortung von Jason vñnd den andern empfangen hatten / lieſſen sie sie los.

Die bruder aber fertigetē also bald ab bey d' nacht Paulum vñ Silan gen Berrean / da sie dar kamen / giengen sie ynn die Judē schule / denn dise waren die edlisten vnter den zu Thessalonich / die namen das wort auff ganz willidlich / vñnd forscheten teglich die schrift / ob sichs also hielte / So gleubten nu viel aus yhnen vnd die Kriechischen erbarn weyber vnd der menner nicht wenig / Als aber die Juden von Thessalonich erfuren / das auch zu Berrean das wort
Gottis

DER APOSTEL.

Gottis von Paulo verkündiget wurde / kamen sie vnd bewegten auch alda das volck / aber da fertigeten die bruder Paulū also bald ab / das er gieng bis an das meer / Silas aber vnd Timotheus blieben da / die aber Paulum geleyteten / fureten ihn bis gen Athene / vnd als sie eyn befehl empfingen an den Silan vnd Timotheon / das sie auffschierst zu ihm kemen / zogen sie ihn.

Da aber Paulus ihr zu Athene wartet / ergrimmet seyn geist vñ ihm / da er sahe die stad / so gar abgottisch / vnd er redet zwar zu den Juden vnd andechtigen vñ der schule / auch auff dem markt alle tage / zu den / die sich erhu funden / Etlich aber der Epicurer vnd Stoiker philosophi zandten sich mit ihm / vnd etlich sprachen / was will diser lotterhube sagen? Etlich aber / Es sihet / als wollt er seltsame Gotter verkündigen / das macht / er hatte das Euangelion vñ Jhesu vnd von der auferstehung ihn verkündigt / Sie namen ihn aber vnd fureten ihn fur das rad haus / vnd sprachen / funden wir auch erfahren / was das fur eyn new lere sey / die du lernst? Denn du bringest etwas seltsams fur vnser oren / so wollen wir vernemen / was das seyn wolle / Die Athener aber alle / auch die auszlender vnd gäste / waren gericht auff nichts anders / denn etwas neues zu sagen odder zuhoren.

Paulus aber tratt mitten auff den platz / vñ sprach / ihr menner von Athene / ich sehe euch / das ihr vñ allen stücken alzu aberglaubig seyt / ich bin herdurch gangen / vñ habe gesehen ewre Gottis dienste / vnd fand eyn altar / darauff war geschrieben / Dem vnbesanten Gott / Nu verkündige ich euch den selben / dem ihr vnwissend Gottis dienst thut / Gott der die welt gemacht hat / vnd alles was drinnen ist / syntemal er eyn herr ist hymels vnd der erden / wonet er nicht vñ tempeln mit henden gemacht / seyn wird auch nit von menschen hende gepflegt / als der ymands bedurffe / so

er selber yderman leben vnn̄d addem allenthalben gibt/
vnn̄d hatt gemacht das von eynem blut alle menschen ge-
schlecht / auff dem ganzen erdboden wonen / vnn̄d hat zill
gesetzt von ewig versehen / wie lang vnn̄d weyt sie wonen
sollen / das sie den herrn suchen solten / ob sie doch yhn su-
len vnd sünden mochten / Vnn̄d zwar er ist nicht ferne von
eynem ygliehen vnter vns / denn ynn yhm / leben / weben
Aratus. vnn̄d sind wir / als auch etliche Poeten bey euch gesagt ha-
ben / Wir sind seyner art / So wir denn göttlicher artt sind /
sollen wir nicht meynen / die Gottheit sey gleich dem golt
odder dem sylber odder dem bildwerck der menschlichen
kunst vnn̄d tichtung.

Vñ zwar Gott hat die zeit der vnwissenheyt vbersehē / nu
gepeut er allen menschen an allen enden püsse zu thun da-
rumb / das er eyn tag gesetzt hatt / auff wilchem er richten
will / den kreys des erdboden / mit gerechticheyt / durch ey-
nen man / ynn wilchem ers beschlossen hatt / vnd yderman
fur helt den glawben / nach dem er yhn hat von den todten
auferweckt.

Da sie horeten die auferstehung der todte / da hattens ett-
lich yhrē spott / etlich aber sprachen / wir wollen dich da-
von weytter horen / also gieng Paulus von yhn / Etlich
männer aber hlengen yhm an vnd wurden glewbig / vnter
wilchen war Dionysius eyner aus dem radt / vnd eyn weyb /
mit namen / Damaris / vnd andere mit yhn.

Das Achtzehend Capitel.

Nach entweych Paulus von Athene / vnd kam
gen Corinthon / vnd fand eynen Juden / mit na-
men Aquila / der gepurt aus Pōto / wilcher war
newlich aus welschem lād komen / vnn̄d seyn weyb Pris-
cilla / darumb / das der Keyser Claudius befolhen hatte / al-
len Juden zu weychen aus Rom / zu den selben gieng er / vñ
die

DER APOSTEL-

die weyl er gleychs handwercks war / bleyb er bey yhnem
vñ erbeytet / Sie waren aber des handwercks Teppich ma-
cher / vñd er redet ynn der schule auff alle Sabbather / vñd
beredet Juden vñd Kriechen.

Da aber Silas vñd Thimotheus von Macedonia kamen /
drang Paulon der geyst zubezeugē den Juden / Jhesum /
das er der Christ sey / Da sie aber widderstrebeten vñd les-
teten / schüttelt er seyne fleyder aus / vñnd sprach zu yhn /
Ewer blut sey vñr ewr heubt / ich gehe vñ nu an reyn zu
den heyden / Vñ macht sich vñ dannen / vñd kam ynn eyn
haus eynes mit namen / Just / der andechtig war / vñd des
selben haus war zu nehist an der schule / Crispus aber der
vñrste der schulen glewbte an den hern mit seynem gan-
zen hause / vñd viel Corinthen / die zu horeten / wurden
glewbig vñd lieffen sich teuffen.

Es sprach aber der Herr durch eyn gesicht yñ der nacht zu
Paulo / furcht dich nicht / sondern rede / vñ schweng nicht /
Denn ich byn mit dyr / vñd niemand soll sich vnterstellen
dyr zu schaden / denn ich hab eyn gros völd ynn dñsser stadt /
Er sass aber da eyn iar vñnd sechs monden / vñd leret sie
das wort Gottes.

Da aber Gallion landvogt war ynn Achaia / cmpoteten sich
die Juden eynmütiglich widder Paulum / vñ sureten yhn
fur den richtstuel vñd sprachen / dñsser mensch vñrredet die
leutt Gott zu dienen dem geset zu widder / Da aber Paulus
wollt den mund auff thun / sprach Gallion zu den Juden /
weñ es eyn freuel odder schalckeyt were / lieben Juden / so
horet ich euch billich / So es aber eyn frage ist vñ wortten /
vñd vñ den namen vñd von dem geset vnter euch / so sehet
yhr selber zu / ich gedencke daruber nicht richter zu seyn /
vñnd treyb sie vñ dem richtstuel / Da ergryffen alle Kriechen
Sosthenen den vñrsten der schulen / vñd schlugen yhn fur
dem richtstuel / vñnd Gallion nam sichs nichts an.

Paulus

Au. 6. Paulus aber nach dem er noch lange bliebē war / macht er
 seyn abscheyd mit den brudern / vñ schiffet pnn Syrian / vñ
 mit ihm Priscilla vnd Aquila / vnd er beschor seyn hewbt zu
 Cenchreen / denn er hatte eyn gelubd / vñ kam hynab gen
 Epheson / vnd lies sie da selbst / Sie battē ihn aber / das er
 lenger zept bey ihm bliebe / vñ er verwilliget nit / sondern
 macht seyn abschied vñ sprach / ich mus aller dīng dz kunff-
 tig fest zu Jerusalem halten / wills Gott / so wil ich widder
 zu euch lenden / Dñ zoch von Epheso / vñ kam gen Cesarian /
 vñ gleng hynauß vnd grussēt die gemeyne / vnd zoch hynab
 gen Antiochian / Vnd verzoch etliche zept / vnd reysēt aus /
 vnd durchwandelte nach eynander das Galatisch land vnd
 Phrygian / vnd sterckte alle lūger.

Es kam aber gen Epheson eyn man mit namē Apollo / der
 gepurt von Alexandrian / eyn beredter man vnd mechtig
 pnn der schrift / diser war vnterweyset den weg des hern /
 vñnd redet brunstlig im geyst / vnd leret mit vleys von dem
 herrn / vnd wußte alleyn vñ der tauße Johannis / Diser
 sieng an freydis zu handeln pnn der schule / Da ihn aber
 Aquila vñ Priscilla horetē / namen sie ihn zu sich vñ legten
 ihm den weg Gottis noch vleysiger aus / Da er aber wolte
 vñ Achan reysen / gaben ihm die bruder bescheyd / vnd
 schrieben den lūgern / das sie ihn auffnehmen / Dñ als er
 dar komē war / halff er viel denē / die glewbig waren wor-
 den / denn er vbirwand die Juden bestendiglich / vñnd
 vbirweyset offentlich durch die schrift / das Jhesus der
 Christ sey.

Das Neuntzehend Capitel.

ES geschach aber / da Apollo zu Corinthen war /
 das Paulus durchwandelt die obern lender /
 vñnd kam gen Epheso / vñnd fand etlich lūger /
 zu den sprach er / Habt ihr den heyligē geyst empfangē
 die

DER APOSTEL-

Die weyl yhr glewbig gewesen seyt? Sie sprachen zu yhm /
wyr haben auch nie gehoret / ob eyn heyliger geyst sey / vñ
er sprach / warauff seyt yhr den taufft? Sie sprachē / auff
Johannes tauff / Paulus aber sprach / Johannes hatt taufft
mitt der tauffe der pus / vñnd jaget dem vold / das sie soll-
ten gleuben an den / der nach yhm komen sollt / das ist /
an Jhesum / das der Christus sey / Da sie das horetē / lieffen
sie sich teuffen auff den namen des herrn Jhesu / vñd da
Paulus die hend auff sie leget / kam der heylige geyst auff sie /
vñd redeten mit zungen vñd weys / sageten / Vñ alle der
menner war bey zwelffen.

Er gieng aber ynn die schule vñnd handelte freydig drey
monden lang / leret vñ beredet sie von dem reich Gottis /
Da aber etlich verstockten vñd nit glewbten / vñnd vbel re-
deten von dem wege / fur der menge / trat er ab von yhn /
vñ absondert die iunger / vñd redet teglich yñ der schulē
eines / der hies / Tyrānus / vñ dasselb geschach auff zwey
iarlang / also / das alle die ynn Asia woneten das wort
des herren Jhesu horetē beyde Juden vñd friechen / vñd
Gott wirckt nit geringe thatten durch die hende Pauli / Also /
das sie auch vñ seyner hautt die schweystuchle odder koller /
vñ die franden hielten / vñd die seuch von yhn wichen /
vñd die bösen geyster ausfuren.

Es vntermunden sich aber etlich der vmlauffenden Juden
die da beschweret waren / den namē des herren Jhesu zu
nennen vñ die da böse geyster hatten / vñnd sprachen / wyr
beschweren euch bey Jhesu / den Paulus prediget / Es wa-
ren yhr aber sieben / Jone eynes Juden Sfeua des hohen
priesters / die solchs thetten / Aber der böze geyst antwort
vñnd sprach / Jhesum kenne ich wol / vñnd Paulum weys
ich wol / wer seyt aber yhr? Vñd der mensch / yñ dem der
böze geyst war / sprang auff sie / vñ wart yhr mechtig vñd
warff sie vnter sich / also das sie nacket vñ verwund aus
dem

dem selben hause entflohen / dasselb aber wart fund allen die zu Epheso woneten beyde Juden vnd frischen / vnnnd fiel eyn forcht vber sie alle / vnd der name des herrn Ihesu ward gros gemacht.

Es kamen auch viel der / die glewbig waren worden / vnd befanden vñ verkündigten phre wunder thatten / Viel aber die da furwihlige kunst trieben hatten / brachten die bucher zu sammen / vnd verbrantten sie offentlich / vnd vberrechneten phre kost / vnnnd funden des gelts funfftzig tausent pfennig / also mechtiglich wuchs dz wort des herrn vnd nam vberhand / Da das außgericht war / sagt phm Paulus fur ym geyst / durch Macedoniam vnd Achaian reysen vnd gen Jerusalem wandeln / vnnnd sprach / Nach dem / wenn ich dasselbs gewesen byn / mus ich auch Rom sehen / vnnnd sandte zween die phm dienen Timotheon vnnnd Eraston ynn Macedoniam / Er aber verhoch die weyll ynn Asia. Es geschach aber vmb die selbigen zeytt / nicht eyn fleynne bewegung vber diesem wege / den eyner / mit namen / Demetrius / eyn goltshmidt / der machet der Diana sylberne tempel / vñ wendet den vom handwerck nit geringe gewerb zu / die selben versamlet er vnnnd die beyerbesten des selbigen handwercks vnd sprach / Lieben menner / phr wiisset / das wir vnsern zugang vñ diesem gewerb haben / vñ phr sehet vnnnd horet / das nicht alleyn zu Epheso / sondern / auch fast ynn ganz Asia diser Paulus viel volcks abfellig macht / mit seynem vberreden / vnd spricht / Es sind nicht gotter / wilche von henden gemacht sind / Aber es wil nit allein vnserm hadel dahyn gerathē / das er nichts gellte / sondern auch der tempel der grossen Diana wirt fur nichts geachtet / vñ wirt daz phre malestet vntergehē / wilcher doch ganz Asia vnd der welt freys Gottes dienst erheyget.

Als sie das horetē vñ vol zorns wordē / schryen sie vñ sprachē / Gros ist die Diana der Epheser / vñ die ganze stad wart
voll

DER APOSTEL-

voll getummels / Sie schnurreten aber eynmutiglich auff den schawplat / vnd ergriffen Gaion vnnnd Aristarchon von Macedonia / Pauls geferten / Da aber Paulus wollt vnter das vold gehen / liesens yhm die lungen nit zu / Auch etlich der vbitsten yñ Asia / die Paulus gute freund waren / sandten zu yhm / vñ ermanetē yhn / das er sich nicht gebe auff den schawplat / Etlich schryen sonst / Etlich eyn anders / vnnnd war die gemeyne yrrē / vnd das mehrer teyll wißte nicht / warumb sie zu samen komen waren.

Etlich aber vom vold zogen Alexandron er fur / da yhn die Juden erfur stieffen / Alexander aber windet mit der hand / vnnnd wollt sich fur dem vold verantworten / Da sie aber ynnen wurden / das er eyn Jude war / erhub sich eyne stymme von allen / vnnnd schryen bey zwey stunden / Gros ist die Diana der Epheßer.

Da aber der Cangelier das vold gestillet hatte / sprach er / yhr menner von Epheßo / wilcher mensch ist / der nit wiße das die Stadt Epheßos sey eyn pflegeryn der grossen Gottin Diana / vnnnd des hymelischen bilds? Weyl nu das vnwißderprechlich ist / so solt yhr iah stille seyn / vnd nichts vnbeydehtiges handeln / Yhr habt diße menschen her gefurt / die wißder kirchentreuber noch lesterer ewr Gottin sind / Sat aber Demetrios vnd die mit yhm sind vñ handwerck / zu yemand ein anspruch / so heilt man gemeynen radt / vnd sind landvogt da / last sie sich vnternander verflagē / Wolt yhr aber etwas anders handeln / so mag mans außrichten ynn eyner ordenlichen gemeyne / Denn wyr stehen ynn der sat / das wyr vmb diße heuttigen emporung verflaget mochten werden / vnd doch niemant schuldig ist / von dem wyr fundten rechen schaffst geben / dißer auffruhr / Vnd da er solchs gesagt / lies er die gemeyne gehen.

Das zwentzigst Capitel.

Du die emporunge auffhoret / rieß Paulus die
 lurger zu sich / vñ gesegnet sie vñ gleng aus / zu
 reysen vñ Macedoniā / vnd da er die selben lender
 durchzog / vnd sie ermanet hatte mit viel wortten / kam er
 vñ Kriechenland / vñ verhog allda drey monden / Da aber
 vñ die Juden nach stelleten / als er vñ Syrian wollt fa-
 ren / ward er zu rad / widerumb zu wenden durch Ma-
 cedonian / Es zogen aber mit vñ / bis vñ Asian / Sopater
 vñ Beroen vñ Thessalonica aber Aristarchus vñ Secundus /
 vñ Gaios von Derben vñ Timotheus / aus Asian aber Tro-
 phimos vñ Trophimos / Diese glengen voran vñ harreten
 vñ zu Troada / wpr aber schiffeten nach den osten tagen
 von Philippen / bis an den funfften tag / vnd kamen zu vñ
 gen Troada / vñ hatten da vñ wesen sieben tage.

Auff eynen Sabbath aber / da die lurger zu samen kamen /
 das brod zu brechen / redet Paulus zu vñ / vñ wollt des
 andern tages aus reysen / vnd verhog das wort bis zur
 mitternacht / vnd es warē viel fadelln auff dem soller / da
 sie versamlet waren / Es saß aber eyn iungling mit namen /
 Eutychos / vñ eynem fenster / vnd sand vñ eynen tieffen
 schlaff / die weyl Paulus redet / vñ ward vom schlaff vñ
 wogen vñ fiel vñ vñtern vom dritten soller / vnd ward
 todt auffgehaben / Paulus aber gleng vñ ab / vñ fiel auff
 vñ / vñ gleng vñ vñ sprach / macht leyen getummel /
 den seyne seel ist vñ vñ / Da gleng er vñ auff vñ brach
 das brod vñ beys an / vñ redet viel mit vñ bis der tag
 anbrach / vnd also zog er aus / Sie brachten aber den kna-
 ben lebendig / vnd worden nicht wenig getrostet.

Wpr aber zogen voran auff dem schiff / vñ furen gen Asson /
 vñ wollten da selbs Paulum auffnehmen / denn er hats
 also befolhen / vnd er wolt zu fuß gehen / Als er zu vñ
 schlug

DER APOSTEL-

schlug zu Ussen / namen wir ihn auff vnd kamen gen My-
tylenen / vnd von dannen schiffen wir / vnd kamen des
andern tages hin gegen Chion / vnd des folgenden tages /
stiegen wir an Samon / vnd bliebenynn Trogillon / vnd
des nehisten tages kamen wir gen Mileton / denn Paulus
hatte beschlossen fur Epheso vber zu schiffen / das er nicht
musste ynn Asia zeytt zu bringen / denn er eylet / auff den
pfingstag zu Jerusalem zu seyn / so es yhm muglich were.
Aber von Mileto sand er gen Epheson / vnd lies soddern
die Eltisten von der gemeyne / als aber die zu yhm kamen /
sprach er zu yhn / Ihr wiisset von dem erstem tag an / da ich
bynn ynn Asiam getreten / wie ich allezeit byn bey euch
gewesen vnd dem herrn gedienet mit aller demut / vnd mit
viel threnen vnd ansechtungen / die wir sind widerfaren /
durch der iuden tuß / wie ich nichts verhalten habe / das
da nußlich ist / das ich euch nicht verkundiget hette / vnd
euch geleret offentlich vnd sonderlich / vnd habe bezeuget
beyde den Juden vnnnd den griechen die püsse zu Gott / vnd
den glawben an den herrn Ihesu Christo.

Vnnnd nu sehet / ich ym geyst gepunden sare hin gen Jeru-
salem / weys nicht was wir da selbs begegen wirt / on das
der heylig geyst / ynn allen steden bezeuget vnd spricht /
band vnnnd trubsall wartten meyn dasselbs / Aber ich achte
der feyns / ich halt meyn leben auch nicht theurer denn
mich selbs / auff das ich vollende meynen laufft mit freu-
den / vnd das ampt das ich empfangen habe von dem herrn
Ihesu Christ / zu bezeugen das Euangelion von der gnade
Gottis.

Vnnnd nu sehet / ich weys / das ihr meyn angesicht nicht
mehr sehen werdet / alle die / durch wilche ich zogen bynn
vnd prediget habe das reich Gottis / darumb zeuge ich euch
an dissem heuttigen tage / das ich reyn byn von aller blutt /
den ich hab euch nichts verhaltē / das ich nit verkundiget
hett /

hett / alle den rad Gottes / So habt nu acht auff euch selbs
 vnd auff die gangen herdt / vnter wylche euch der heylige
 geyst gesicht hat zu Bisschoffen / zu weyden die gemeyne
 Gottes / wylche er durch seyn eygen blutt erworben hatt /
 Den das weys ich / das nach meynem abschyed / werden
 vnter euch komen schwere wolffe / die der herde nicht ver-
 schonen werden / Auch aus euch selb werden auff stehen
 menner / die da verkerete lere reden / die sunger nach sich
 selbs zu zihen / Darumb seyd wacker / vnd denckt daran /
 das ich eynen ygliehen / drey iar / tag vnd nacht mit threnen
 vermanet habe

Vnd nu lieben bruder / ich befehl euch Gott vnd dem wort
 seynner gnade / der da mechtig ist / euch zu erbawen vnd zu
 geben das erbe vnter allen die geheyliget sind / Ich habe
 ewr keynes silber noch golt noch fleyß begerd / denn yhr
 wisset selber / das myr dise hende zu meynner nohturfft / vnd
 deren / die mit myr gewesen sind / dienen haben / ich habe
 euch alles zeyget / das man also mit erbeytē müsse die schwa-
 chen auffnehmen / vnd gedenden an das wort des hern Jhe-
 su / das er gesagt hat / Geben ist seliger denn nemen.

Vnd als er solchs gesagt / knyet er nydder / vnnnd bettet mit
 yhn allen / Es wart aber viel weynens vnter yhn allen / vnnnd
 fielen Paulo rumb den hals vnnnd fusseten yhn / am aller
 meysten beschmerzt vber dem wort / das er sagete / sie wur-
 den seyn angesicht nit mehr sehen / vñ gelepten ynn das schiff.

Das Eyn vnd zwentzigst Capitel.

Als nu geschach / das wpr von yhn gewand / dahyn
 furen / kamen wpr strads lauffs gen Co / vnnnd am
 folgende tage gen Rodisz / vnnnd von dannen gen
 Patara / vnnnd als wpr eyn schiff funden / das ynn Phenicen
 sure / tratten wpr drey vnnnd furen / Als wpr aber Cypern
 vns gesicht kamen / lieffen wpr sie zur linden hand / vnd
 schiffen

DER APOSTEL-

schifftenynn Syrian vñ furen gen Tyron / den da selbs solt das schiff die wahr niddderlegen / vñnd als wpr lurger funden / blieben wpr da selbs sieben tage / die sagten Paulo durch den geyst / er solt nicht hynauß gen Jerusalem zihen / vñd geschach / da wpr die tage zu bracht hatten / zogen wpr aus / vñd wandelten / vñ sie gelepten vns alle / mit weyb vñ finden / bis hyn aus fur die stad / vñnd knyetten nydder vñd betteten / vñnd als wpr eyinander gesegneten / tratten wpr vns schiff / ihene aber wandten sich widdder zu dem phren. Wpr aber vollhogen die schiffart von Tyro / vñ kamen gen Ptolemaida / vñd grusseten die bruder / vñd blieben eynen tag bey phn / des andern tags zogen aus / die vmb Paulo waren / vñd came gen Cesarean / vñd glengenynn das haus Phillippi des Euangelisten / der eyner von den sieben war / vñd blieben bey phm / der selbe hatte vier tochter / die waren iungfrawen vñd weyssageten / vñd als wpr mehr tage da blieben / reysset erab eyn prophet von Judea / mit namen / Agabos / vñ kam zu vns / der nam den gurtel Pauli / vñ band seyne hende vñd fueßz / vñd sprach / das saget der heylige geyst / den man des der gurtel ist / werden die Juden also binden zu Jerusalem / vñd vbitantwortenynn der heyden hende.

Als wpr aber solchs horeten / hatten phn wpr vñ die des selben ortis waren / das er nicht hynauß gen Jerusalem zoge / Paulus aber antwortet / was macht phr / das phr weynet vñ brecht myr meyn herzh? denn ich byn bereyt / nit alleyn mich zu bynden lassen / sondern auch zu sterben zu Jerusalem / vmb des namen willen des herren Jhesu / Da er aber sich nit vber reden lies / schwiegen wpr vñd sprachen / der wylle des herrn geschehe / Vñ nach den selben tagen / wurden wpr bereyt / vñd zogen hynauß gen Jerusalem / Es kamen aber mit vns auch etlich lurger von Cesarien / vñnd brachten eynen von Cypren / mit namen

Mnason

Minason eynen alten iunger / der vns herbergen sollte / Da
wyr nu gen Jerusalem kamen/namen vns die brudere gerne
auff / Des andern tages aber gieng Paulus eyn zu Jacobo/
vnd kamen die Eltisten alle dar / vnd als er sie grussset
hatte / erhelet er eynes nach dem andern / was Gott than
hatte vnter den heyden durch seyn ampt.

Da sie aber das horeten / preyseten sie den herrn / vnd
sprach zu yhm / Bruder / du sihest / wie viel thaufent Ju-
den sind / die glewbig worden sind / vnd sind alle eyfferer
vber dem gesetz / sie sind aber bericht worden widder dich /
das du eyn abtrennen lernst von Mose / alle Juden / die
vnter den heyden sind / vnd sagist / sie sollen yhre kinder
nicht beschneyten / auch nicht nach gewonheyt wandeln /
was ist denn nu? aller dinge die menge mus zusammen ko-
men / deñ es wirt fur sie komen / das du komen bist / so thu
nu das / das wyr dyr sagen.

Wyr haben vier menner / die haben eyn gelubd auff sich /
die selbē nym zu dyr / vnd las dich reynigen mit yhn / vnd
wage die kost an sie / das sie yhr hewbt bescheren / vnd
alle vernemen / das nit sey / wes sie widder dich bericht
sind / sondern das du auch eynher gehst vnd haltist das
gesetz / Deñ den glewbigen aus den heyden / haben wyr
geschrieben / vnd beschlossen / das sie der keyns hallten sol-
len / denn nur sich bewaren / fur dem gehen opffer / fur
Act. 6. blutt / fur erstickem / vnd fur hurerey / Da nam Paulus
die menner zu sich / vñ lies sich des andern tages sampt yhn
reynigen / vnd gieng ynn den tempel / vnd verkundiget
die erfullung der tage der reynigung / bis das fur eynen
iglichen aus yhn das opffer geopffert wart.

Als aber die sieben tage sollten vollendet werdē / sahen yhn
die Juden von Asia / ym tempel / vnd erregeten das ganze
vold / legten die hende an yhn vñ schryen / yhr menner vñ
Israel / helfft / dis ist der mensch / der alle mensche an allen
enden

DER APOSTEL-

enden leret zu wider / vnserm volda / gesehen / vnd diser stett / Auch dazuhatt er die Kriechen ynn tempel gefuret / vñ hatt dise heylige stett gemeyn macht / den sie hatten mit yhm ynn der stad Trophimon den Ephezer gesehen / denselben meynten sie / Paulus hette yhn yñ den tempel gefuret / vñ die ganhe stad wart bewegt / vñ wart eynzulaufft des volda / sie namen Paulū / vnd zogē yhn zum tempel hyenaus / vñ als bald wurdē die thur zugeschlossen

Da sie yhn aber suchten zu todten / kam das geschrey hyñ / auff fur den vbirsten hewbtman / wie dz ganß Jerusale fellet ynn eynander / der nam von stund an die kriegs knecht vñnd hewbtleut zu sich / vnd lieff hyñ vnter sie / Da sie aber den hewbtman vnd die kriegsknecht sahen / horeten sie auff Paulon zu schlagen / Als aber der hewbtman nahe erghu kam / nam er yhn an / vnd hies yhn binden mit zwo ketten / vnd fraget / wer er were / vñ was er than hette / Syner aber rieß dis / der ander das ym volda / Da er aber nichts gewiß erfahren fund / vmb des getummels willen / hies er yhn ynn das heerlager furen / vñ als er fur die stufen war / begab es sich / das yhn die kriegsknechte tragen musten / fur gewalt des volda / den es folgete viel volda nach vnd schrey / Synweg mit yhm.

Als aber Paulus iht zum heerlager eyngesurt wart / sprach er zu dem hewptman / thar ich mit dyr reden? Er aber sprach / kanstu kriechisch? Bistu nit der Egypter / der fur disen tagen eyn auffruhr gemacht hast / vnd furetest ynn die wusten hyenaus viertausent meuchel morder? Paulus aber sprach / Ich byn eyn Judischer man von Tarsen / eyn burger eyner namhafftigen stad ynn Cilicia / ich bitt dich / erleube myr zu reden zu dem volda / Als er aber yhm erlewbt / trat Paulus auff die stufen / vñ winket dem volda mit der hand / Danu eyn grosse stille ward / redet er zu yhn auff hebreisch / sprach vnd saget.

Das

Das zwey vnd zwentzigst Capitel.

Ist menner / lieben bruder vnd veter / horet meyn ver-
antworten an euch / Da sie aber horetē / d̄z er auff hebre-
isch zu yhn redet / wurde sie noch stiller / vñ er sprach / ich
byn eyn Judischer man / geporn zu Tarsen ynn Cilicia / vnd
erhogen ynn diser stad / zu den fussen Gamaliels geleret mit
allem fleyß / das veterlich geseh / vñ war eyn eyfferer Got-
tis / gleich wie yhr alle seht heuttigs tages / vnd habe disen
weg verfolget bis an den todt / ich band sie vnd vbrant-
wort sie yns gefendnis / beyde man vnd weyb / wie myr
auch der hohe priester / vnd der gang hauff der Eltisten
zeugnis gibt / von welchen ich brieffe nam an die bruder /
vnd reysset gen Damascen / das ich die da selbs waren / ge-
punden furete gen Jerusalem / das sie gepeyniget wurden.
Es geschach aber / da ich yhn zoch / vnd nah bey Damascen
Act. 9. kam / vmb den mittag vmbblidte mich schnell eyn gros licht
vom hymel / vnd ich fiel zum erdboden / vnd horet eyne
stymm / die sprach zu myr / Saul / Saul / was verfolgestu
mich? Ich antwort aber / Herr wer bistu? vnd er sprach zu
myr / ich byn Jhesus vñ Nazareth / den du verfolgest / Die
aber mit myr warē / sahen das licht vñ erschraffen / die
stymm aber / des / der mit myr redet / horeten sie nicht / Ich
sprach aber / Herr / was soll ich thun? Der herr aber sprach
zu myr / stand auff vñ gang ynn Damascen / da wilt man
dyr sagen von allem das dyr zu thun verordent ist / Als ich
aber fur klarheit disses lichts nichts sahe / wart ich bey der
hand geleytet von den die mit myr waren / vnd kam gen
Damascen.
Es war aber eyn andechtiger man / Ananias / nach dem ge-
seh / der eyn gutt gerucht hat bey allen Juden / die da selbs
wonetē / der kam zu myr / vnd tratt bey mich / vñ sprach
zu myr / Saul lieber bruder / sihe auff / vnd ich sahe yhn an
zu

DER APOSTEL-

zu der selbigen stund/Er aber sprach/ Got vnser veter/hat dich verordnet/das du seynen willen erkennē soltst/ vnd sehen das rechte/vñ hören die stymm aus seynem mund/denn du wirst seyn zeuge zu allen menschen seyn/der ding/die du gesehen vnd gehoret hast/vnd nu was verzeuchstu? stand auff vñ las dich teuffen vñ abwaschen deyne sund/vñ ruffe an den namen des herrn.

Es geschach aber/da ich wider gen Jerusalem kam/vñ betet im tempel/das ich entzucket wart/vnd sahe phn/Da sprach er zu myr/eyde/vñ mach dich behend vñ Jerusalem hynaus/den sie werden nicht auffnemē deyn zeugnis vñ myr/vñ ich sprach/Herr/sie wissen selbs/das ich gefangen legt vnd streych die an dich glewbten/vñ den schulen hyn vnd wider/vñ da das blut Stephani deynes zugen vergossen wart/stund ich auch da nebē/vñ hatte wollgefallen an seynem todt/vnd verwaret die fleyder/dere/die phn todteten/vnd er sprach zu myr/gang hyn/denn ich will dich ferne vnter die heyden senden.

Sie horeten aber phm zu/bis auff dis wort/vñ huben phre stymm auff/vñ sprachen/hyn weg mit solchem von der erden/denn es ist nicht billich/das er leben sol/Da sie aber schrien vnd phr fleyder abworffen vñ den stawb vñ die lufft worffen/hies phn der hewbtman vñ das heerlager furen/vñ sagt/das man phn steuppen vnd ersuchen sollt/das er erkennete/vmb wilcher vrsach willen/sie also vñ phn rieffen/Als er phn mit rymen anbandt/sprach Paulus zu dem vnterhewptman/der da bey stund/ists auch recht/eynen Romischē menschen vñ vñuerdampften gepfellen? Da das der vnterhewbtman horet/gieng er zu dem oberheubtman/vnd verlundiget phm vnd sprach/was wiltu machen? diser mensch ist Romisch.

Da kam zu phm der vñstheubtman vnd sprach zu phm/sage myr bistu Romisch? Er aber sprach/sah/vñ der vñstheubtman

vbersthewtmanantwort/ Ich habdis burgerrecht mit gro-
 ßer summa zuwegen bracht/ Paulus aber sprach/ Ich aber
 byn auch Romisch geporn/ Da trattē also bald vñ phm ab/
 die phn ersuchen sollte/vñ der vbersthewtman furcht sich/
 da er vernam/dz er Romisch war/vñ er phn gepūdē hatte
 Des andern tages/wolt er gewis erkunden/warumb er
 verflaget wurd von den Juden/vnd loset phn von den ban-
 den/vnd hies die hohen priester vnd phren gangen rad fo-
 men/vnd furet Paulum ersur/vnd stellet phn vnter sie.

Das drey vnd zwentzigst Capitel.

Paulus aber sahe den rad an/vñ sprach/phr menner/
 lieben bruder/ Ich habe mit allem guttem gewissen
 gewandelt fur Gott bis auff disen tag/ Der hohe
 priester aber/Ananias/befalh denen die vmb phn stunden/
 das sie phn auff's maul schlugen/Da sprach Paulus zu phm/
 Gott wilt dich schlagen/du getunchte wand/sihstu vnd
 richtist mich nach dem gesehe/vnd lest mich schlagen wid-
 der das geseh? Die aber vmbherstunden/sprachen/schyl-
 testu den hohen priester Gottes? vnd Paulus sprach/lieben
 bruder/ich mustes nicht/das er der hohe priester ist/denn
 es steht geschrieben/dem vbersten deynes volcks soltu
 Exod. 22. nicht fluchen.

Als aber Paulus wuste/das eyn teyl Saduceer war/vnd
 das ander teyl Phariseer/schrey er ym Rad/phr menner
 lieben bruder/ich byn eyn Phariseer/vnd eyn son der pha-
 riseer/ich werde gericht/vmb der hoffnung vñ auffersteh-
 ung willen der todten/Da er aber das saget/ward eyn
 auffruhr vnter den Phariseern vnd Saduccern/vñ die
 menge zuspalltet sich/denn die Saduceer sagen es sey
 kein aufferstehung/noch Engel/noch geyst/Die Phariseer
 aber bekennens beydes/Es wart aber eyn gros geschrey/
 vñ die schriftgeleerten der Phariseer teyl stunden auff/
 stritten

DER APOSTEL.

stritten vnd sprachen / wir finden nichts arges an diesem menschen / hat aber eyn geyst odder eyn Engel mit ihm gered / so wollen wir nicht mit Gott streyten.

Da aber der auffruhr gros wart / war dem vbersten hewbtman leyde / das Paulus von ihm zu rissen wurd / vnd hies das kriegs volda hynab gehen vnd ihn von ihm reysen / vndynn das heerlager furen / Des andern tags aberynn der nacht / stund der herr bey ihm / vnnnd sprach / sey getrost / Paule / denn wie du von mir zu Jerusalem zeuget hast / also mustu auch zu Rom zeugen.

Da es aber tag wart / schlugen sich etliche Juden zu samen / vñ verbanneten sich / wider zu essen noch zu trincken / bis das sie Paulon todt hetten / Er war aber mehr deñ vierhig / die solchen bund machten / die tratten zu den hohen priestern vñ Eltisten / vnd sprachen / wir haben ons hart verbannet nichts anhubeyssen / bis wir Paulon todtet haben / so thut nu kund dem oberhewbtman / vñ dem Rad / das er ihn morgens zu euch fure / als wollt ihr ihn das verhorē / wir aber sind bereit ihn zutodten / ehe denn er zu euch naht.

Da aber Paulus schwester son den anschlag horet / kam er dar / vnd giengynn das heerlager / vñ verkündiget Paulon / Paulus aber rieß zu sich eynen von den vnterhewbtleuten / vñ sprach / diesen Jungling fure ihn zu dem oberhewbtman / denn er hatt ihm etwas zu sagen / der nam ihn an vnd fure ihn zum oberhawbtman vnd sprach / der gepunden Paulus rieß mir zu sich / vñ bat mich / diesen Jungling zu dyr zu furen / der dyr etwas zu sagen habe.

Da nam ihn der oberhewbtman bey der hand vnnnd weych an eyn sonder ortt / vñ fraget ihn / was ist / das du mir zu sagen hast? Er aber sprach / Die Juden sind eyns worden / dich zu bitten / das du morgen Paulum fur den Rad bringen lassest / als wolltē sie ihn das verhoren / Du aber
fraw

traw yhn nicht/denn es halften auff yhn mehr denn vierzig
 menner vnter yhn / die haben sich verbannet/widder zuef-
 sen noch zutrinden / bis sie Paulon todten / vñ sind iht be-
 reyt vnd wartten auff deyn verheysung.

Da lies der oberheubtman den iungling von sich vñ gepott
 yhm/das er niemant sagete/das er yhm solchs eroffnet het-
 te/vnd rieff zu sich zween vnterheubtleuten vñnd sprach/
 Bereyttet zweyhundert kriegs knecht das sie gen Cesarian
 yhen vnd siebenzig reutter vñnd zweyhundert schuhen
 auff die dritten stund der nacht/vnd die thiere richtet zu/
 das sie Paulon drauff sehen vñ bringen yhn bewart zu Ge-
 lix dem landpfleger / vñ schreyb eyn brieff / der hielt die
 yn sich.

Claudius Lysias / dem thewren landpfleger Felix / freude
 zuuer/Disen man hatten die Juden griffen/vñ wollten yhn
 todtet haben / da kam ich mit dem kriegs volda dahu / vnd
 reys yhn aus yhren henden/vnd ersur das er Romisch ist/
 Da ich aber mich wollt erkundigen der ursach / darumb sie
 yhn beschuldigen/surete ich ynn yhren rad/da befand ich/
 das er beschuldiget ward von den fragen yhres gesels/
 aber kein anlage hatte/des todts odder der band werd/
 vñ da fur mich came/das etlich Juden auff yhn hielten/
 sand ich yhn von stund an zu dyr / vnd entpott den flegern
 auch / das sie fur dyr sageten / was sie wider yhn hetten/
 Gehab dich woll.

Die kriegsknecht / wie yhn befohlen war / namen Paulum
 vñnd surete yhn bey der nacht / gen Antipatriden / Des an-
 dern tages aber lieffen sie die reutter mit yhm zihen / vñ
 wanten widerumb gen Jerusalem / Da die gen Cesarian
 came/vbstantwortē sie den brieff dem landpfleger/vñ stel-
 leten yhm Paulon auch dat/Da der landpfleger den brieff
 las/fraget er aus wilchē land er were/vñ da er erkundet/
 das er aus Cilician were / sprach er / ich wil dich verhorē/
 wenn

DER APOSTEL-

weñ deyne flegel auch da sind / vñ hies yhn verwaren yñ
dē richthaus Herodis.

Das vier vnd zwentzigst Capitel.

Uber funff tag aber zog hynd d' hohe priester Ana-
nias mit den Eltisten vñnd mit dem Redener Ter-
tullo / die erschnen fur dem land pfleger widder
Paulen / Da er aber beruffen wart / sieng an Tertullus zu
verflagen vñ sprach / Das wpr ynn grossen frid leben vnter
dyr / vñd viel redliher thaten disem volck widder faren /
durch deyne fursichtikeyt / aller theurister Felix / das nemen
wpr / an allemweg vñ allenthalben mit aller danckbarkeyt /
Auff das aber ich dich nicht weytter auffhallt / ermane ich
dich / du wolltist vns furhlich horen nach deyner gelindikeyt.
Wpr haben disen man funden / schedlich / vñd der auffruhr
erregt allen Juden auff dem gantzen erd boden / vñ eyn fur-
nemisten der secten der Nazarener / der auch versucht hat
den tempel zu entweyhen / wilchen wpr auch griffen / vñ
wollten yhn gericht habē nach vnserm gesetz / Aber Lysias der
vnterheubtman verclam das / vñnd furet yhn mit grosser
gewallt aus vnsern henden / vñ hies seyne verfleger zu dyr
fomen / vñ wilchem du kanst / so du es erforschen wilt / dich
des alles erkundigē / vmb was wpr yhn verflagen / Die Ju-
dē aber sagten auch dahu / vñd sprachen / Es hielte sich also.
Paulus aber / da yhm der landpfleger windet zu reden /
antwortet / Die weyll ich weys / das du yñ diszem volck / nu
viel iar eyn richter bist / will ich guttis mutts mich selb ver-
antworten / syntemal du erkennen kanst / das nit mehr
denn zwelff tage sind / das ich byn hynd auff gen Jerusalem
fomē anhubeten / Auch haben sie mich nit funden ym tem-
pel mit yemand reden / oder eyn auffruhr machen ym volck /
noch ynn den schulen / noch ynn steden / sie funden myr
auch nicht beybringen / des sie mich verflagen.

Das

Das bekenne ich aber dyr / das ich nach diesem wege / den sie / eyne secten heysen / diene ich also dem Gott meynen vater / das ich glembe allem / was geschriben steht / ym gesetz vñ ynn den propheten / vñ habe die hoffnung zu Gott / auff wilche auch sie selbs wartē / nemlich / das zukunfftig sey die aufferstehung der todten / beyde der gerechten vnd vngerechten / ynn dem selbigen aber / vber ich mich / zu haben eyn vnangestossig gewissen alleheyt gegen Gott vnd den menschen.

Aber nach vielen vergangen jaren / brachte ich eyn almosen meynem volda vñ opffer / daruber funden sie mich / das ich mich reynigen lies ym tempel / on alle rumor vnd getummel / Das waren aber etlich Juden aus Asia / wilche sollten hie seyn fur dyr / vnd mich verklagen / so sie etwas zu myr hetten / oder las diese selbs sagen / ob sie etwas vnrechts an myr funden haben / die weyl ich hie stehe fur dem Rad / on vmb der stym willen / da ich vnter yhn stund vnd schrey / Vber der aufferstehung der todten / werde ich vñ euch heute gericht.

Da aber Felix solchs horet / zoch er sie auff / denn er wuste fast wol vmb diesen weg / vnd sprach / weñ Lysias / der vberhewbt man erab kompt / so will ich mich ewrls dinges erkundigē / Er befalh aber dē vnterhewbtman Paulon zu behalten / vnd lassen ruge haben / vñ niemand von den seynen weren / yhm zu dienen odder zu yhm zu komen.

Nach etlichen tagen aber kam Felix mit seynem weybe Drusilla / die eyne Judyn war / vñ foderten Paulon / vñ horeten yhn von dem glauben an Christo / Da aber Paulus redet vñ der gerechticheyt / vñ von der keuscheyt / vñ von dem zukunfftigen gericht / erschrad Felix / vnd antwortet / Es bleybe also dis mal / gang yhn / wenn ich gelegē zeijt hab / will ich dyr her lassen ruffen / Er hoffet aber da neben / das yhm von Paulo solt gelt geben werden / das er yhn los gebe /

DER APOSTEL-

gebe/ darumb er auch yhn offit foddern lies vñ besprach sich mit yhm/ Da aber zwey iar rmb waren/ kam Portius Gessius an Felix stad/ Felix/ aber wollt den Juden eyne wolthat erheygen/ vñ lies Paulon hynder sich gepunden.

Das Sunff vnd zwentzigst Capitel.

Du nu Gessius ynnis land komen war/ zoch er vber drey tage hyauff von Cesarea gen Jerusalem/ Da erschynen fur yhm die hohen priester vñ die furnehmsten der Juden widder Paulon/ vnd ermaneten yhn vñ baten rmb gunst widder yhn/ das er yhn foddern liesse gen Jerusale/ vñ stelletē yhm nach das sie yhn vnter wegen rmbbrechtē/ Da antwortet Gessius/ Paulus wurde lah behaltē zu Cesarea/ aber er wurde ynn furh wider dahyn zuchen/ wilche nu vnter euch (sprach er) kunden/ die last mit hy nab zihen/ vñ den man verflagen/ so etwas an yhm ist. Da der aber vnter yhn mehr denn zehen tage seyn wesen gehabt hatte/ zoch er hy nab gen Cesarean/ vñ des andern tages saht er sich auff den richtstuel/ vñnd hies Paulon holen/ Da der selb aber dar kam/ tratten umbher die Juden die vñ Jerusalem erab komen waren/ vnd brachten auff viel vñnd schwere vrsach/ wilche sie nicht mochten beweysen/ die weyl er sich verantwortet/ ich habe/ widder an dem geseh der Juden/ noch an dem tēpel/ nach am keyser mich versündigt.

Gessius aber wolt den Jude wolthat erheygen/ vñ antwortet Paulo vnd sprach/ wiltu hy auff gen Jerusalem/ vñ do selbs vber disem dich fur mir richtē lassen? Paulus aber sprach/ Ich stehe fur des keyseris gericht/ da soll ich mich lassen richten/ den Juden hab ich seyn leyde than/ wie auch du auffß best weysst/ Hab ich aber yemand leyde than/ vnd des tods werd gehandelt/ so wegere ich mich nicht zu sterben/ ist aber der seynes nicht/ des sie mich verflagen/ so lan
mich

mich yhn niemand ergebē/ Ich beruff mich auff den Keyser/
Da besprach sich Gessus mit dem rad / vnd antwortet/auff
den Keyser hastu dich beruffen/zum Keyser solltu zihen.

Aber nach etlichen tagen / kamen der konig Agrippas vnd
Bernice gen Cesarean/Gessum zu empfangen / vñ da sie viel
tage dasselbs yhr weesen hatten/legt Gessus dem konig den
handel vñ Paulo fur vnd sprach / Es ist eyn man von Felix
hynder gelassen gepundē / vmb wilchs willen / die hohen
priester vnd Eltisten der Juden fur myr erschnen/da ich
zu Jerusalem war / vñ hatten widder yhn vmb eyn orteyl/
Wilchē ich antwortet/Es ist der Romer weysze/nit das eyn
mensch ergeben werde vmbhbringen / che denn der ver-
flagete habe seyne verflieger gegenwertig/vnd rawm emp-
fahē/sich der anlage zu uerantworten/Da sie aber her zu-
samen kamen/macht ich seynē auffschub / vnd lasz des an-
dern tages gericht / vñ hies den man furbringen / vñ wil-
chem/da die verflieger auff tratten/brachten sie der ursachē
seyne auff/der ich mich verfahe / sie hatten aber etlich fra-
gen wider yhn/von yhem aberglauben/vñnd von eynem
verstorbenen Jhesu / wilchen Paulus sagete er lebete / Da
ich aber mich der frage nit verstund/sprach ich/ob er wolte
gen Jerusalem reyszen/vñ da selbs sich daruber lassen rich-
ten/Da aber Paulus sich berieff / das er auffs Keyfers er-
kenntnis behalten wurd / hies ich yhn behalten / bis das ich
yhn zum Keyser sende.

Agrippas aber sprach zu Gesso/ich wollt den menschen auch
gern horen / Er aber sprach / Morgen solltu yhn horen. Vñ
am andern tage / da Agrippas vnd Bernice kam mit gros-
sem geprenge / vnd giengen ynn das richthaus mit den
oberhauptleuten vñnd furnemisten mennern der stad /
vnd da es Gessus hies / ward Paulus bracht / vnd Gessus
sprach / Agrippa lieber konig / vñnd alle yhre menner / die
yhr mit uns hie seyt / Da sehet yhr den / vmb wilchen mich
die

DER APOSTEL-

die ganze menge der Judē anlangt hat/beyde zu Jerusale-
lem vñ auch hie/vñ schreyen/Er solle nicht lenger lebē/Ich
aber/da ich vernam/das er nichts than hatte/das des tods
werd sey/vñ er auch selber sich auff den keyser berieff/hab
ich beschloffen yhn zusendē/vñ welchem ich nichts gewissz
habe/dz ich dem herrn schreybe/Darumb hab ich yhn lassen
erfur bringen fur euch/aller meyst aber fur dich konig
Agrippa/auff das/nach geschener forschung/ich haben
muge/was ich schreybe/denn es duncket mich vngeschiedt
ding seyn/cyren gepunden zusenden/vnd nicht anheymen
die ursach wider yhn.

Das Sechs vnd zwentzigst Capitel.

Agrippas aber sprach zu Paulo/Es ist dyr erleubt
fur dich zuredē/Da verantworte sich Paulus vñ
reckt die hand aus/Ich achte mich/Lieber Agrippa/
selig/so ich mich heute fur dyr verantworten soll/alles
des ich von den Juden beschuldiget werde/aller meyst/
weyl du kundig bist/aller sitten vñ fragen/so bey den
Juden gengig sind/darumb bitt ich dich/woltist mich ge-
dultiglich horen.

Zwar meyn leben von iungent auff/wie das von anfang
vnter disem vold zu Jerusalem ergangen ist/wissen alle
Juden/die mich vñ erst an/zuvor erkennen haben/wenn sie
wolltē bezeugen/denn nach der aller strengisten sectē vn-
sers Judentums/hab ich gelebt vñ Pharisēer/Vnd nu stehe
ich vnd werd gericht vber der hoffnung an die verheys-
sunge/so geschehen ist von Gott zu vnsern vater/zu wiler
hoffen zu komen die zwelff geschlecht der vnsern/mit Gottes
dienst tag vñ nachtemsiglich/Diser hoffnung halb werd ich/
lieber konig Agrippa/von den Juden beschuldiget/Wa-
rumb wirt das fur vnglewbig bey euch gericht/das Gott
todten aufferweckt?

Zwar


Zwar ich meynete auch bey mir selbst/ich muste viel zu wider
 der thun dem namen Jhesu von Nazareth/wie ich denn auch
 zu Jerusalem than habe/da ich viel heyligen ynn das gefeng-
 nis verschloß/ darüber ich macht von den hohen priestern
 empfieng/vñ wenn sie erwurget wurden/bracht ich das vr-
 teyl/vnd durch alle schulen peyniget ich sie oft/vnd zwang
 sie zu lestern/vnd war vñraus vnspinnig auff sie/verfolget
 sie auch bis ynn die frembden städte/Ob er wilchem/da ich
 auch gen Damasco reysjet/mit macht vñ laube von den
 hohen priestern/mitten am tag/lieber könig/sahe ich auff
 dem wege/das eyn licht von hymel/heller denn der son-
 nen glantz/mich vñ die mit mir reysjeten/ vñ bleuchtet.
 Da wir aber alle zur erden nydder fielen/horet ich eyn
 Act.9. stymm reden zu mir/die sprach auff hebreisch/Saul/
 Saul/was verfolgestu mich? es wirt dir schwer seyn/
 wider den stachel zu lechē/Ich aber sprach/Herr/wer bistu?
 Er sprach/Ich byn Jhesus/den du verfolgest/aber stand
 auff vñ tritt auff deyne fusse/denn dahu byn ich dir
 erschynen/das ich dich bestelle eynen diener vñ zeugen/
 des/das du gesehen hast/vnd das ich dir noch will erschey-
 nen lassen/vñ will dich erredten von dem völd vñ von
 den heyden/vñter wilche ich dich iht sende/auffzuthun
 yhre augen/dz sie sich bekeren vñ der finsternis zu dem
 licht/vnd vñ der gewalt des teuffels zu Gott/zu empfa-
 hen vergebung der sund vñ das erbe/sampt den/die ge-
 heyliget werden/durch den glawben an mich.
 Da her/lieber könig Agrippa/war ich der hymelichen er-
 scheynūg nicht vñglewbig/sondern verkündigt/zu erst/
 den zu Damasco/vñ zu Jerusalem/vñ ynn alle gegend
 Judischs lands/auch den heyden/das sie pus theten/vnd
 sich bekereten zu Gott/vnd thetten recht schaffne werck der
 pus/Vmb des willen/haben mich die Juden ym tempel
 griffen/vnd vñterstunden mich zu todten/aber durch hulff
 Gottes

DER APOSTEL-

Gottis myr gelungen / stehe ich bis auff disen tag / vnn̄d zeuge beyde dem kleynisten vnd dem grossisten / vñ sage nichts außser dem / das die propheten gesagt haben / das es geschehen sollt / vnn̄d Moses / das Christus sollt leyden / vnn̄d der erste seyn aus der aufferstehung von den todten / vnd verkündigen eyn licht dem volck vnd den heyden.

Da er aber solchs zur verantwortung gab / sprach Gessus mit lauter stym / Paule du rasest / die grosse kunst macht dich rasen / Er aber / sprach / meyn theurer Geste / ich rase nicht / sondern ich rede ware vnd nuchtern wort / denn der konig weys solchs woll / zu wilchem ich freydig rede / Denn ich acht / vñhm sey der feynis nicht verporgen / den solchs ist nicht vñm windel geschehen / Wieubistu konig Agrippa den propheten? Ich weys dz du gleubist / Agrippas aber sprach zu Paulo / Es seyht nicht viel / du vbirredist mich / das ich eyn Christen wurde / Paulus aber sprach / ich wunschet fur Gott / es seyhet an viel oder an wenig / das nicht alleyn du / sondern alle / die mich heute horen / solche wurden / wie ich byn / außgenommen dise band / Vnn̄d da er das gesagt / stund der konig auff vnn̄d der Landpfleger / vnn̄d Bernice / vnd die mit vñh sassen / vnd entwichen beseyhts / redten mit eynander vnd sprachen / diser mensch hat nichts than / das des tods odder der band werd sey / Agrippas aber sprach zu Gesto / diser mensch hett kunden los geben werden / wenn er sich nicht auff den keyser beruffen hette.

Das Sieben vnd tzwentzigst Capitel.



Des aber beschlossen war / das wir vñn wellsch land schiffen sollten / vbirgaben sie Paulon vnn̄d etliche andere gefangene / dem vnterhewbtman / mit namen Julio vñ der Keyserliche rotte / Da wir aber vñn eyn Aldramptisch schiff tratten / das wir an Asian byn schiffen sollten / furen wir vñ land / vnd war mit vns Aristarchus

chus aus Macedonien von Thessalonich / vnd kamen des andern tages hynab gen Sidon / vnd Julius hielt sich freuntlich gegen Paulon / erleubt yhm zu seynen guten freunden zu gehen / vnd seynen pflegen / Vnd von dannen stieffen wir ab vnd schifften vnter Cypern hyn / darumb das vns die wind entgegen waren / vñ vñrschifften das meer an Cilicien vnd Pamphylie hyn / vnd kamen gen Myra ynn Lycien. Vnd dasselbs fand der vnterhewbtman eyn schiff von Alexandria / das schifft yñ welsche land / vñ lud vns drauff / Da wir aber langsam schifften vnd ynn viel tagen kaum gegen Cnyden kamen / (den der wind werete vns) schifftē wir vnter Candia hyn / nach der stad Salomen / vnd zogen kaum fur vber / da kamen wir an eyne stett / die heyst / Guttfurt / da bey war nahe die stad Caisaria / Da nu viel zeit vergangen war / vnd nu mehr ferlich war zu schiffen / darumb / das auch die fasten schon fur vber war / vermanet sie Paulus vnd sprach zu yhn / lieben menner / ich sehe / das die schiffart will mit beleydung vnd grossen schaden ergehen / nicht alleyn der last vnd des schiffs / sondern auch vnser lebens / Aber der vnterhewbtman gleubt dem schiffhern vnd dem schiffman mehr / denn dem / das von Paulo gesagt wart / vñ da die anfurt vñgelegen war zu wyntern / bestunden yhr das mehrer teyl / auff dem radt / von dannen zu faren / ob sie fundten fomen gen Phenice zu wyntern / wilchs ist eyn anfurt an Candia gegen dem wind Westsud vnd Nordwest / Da aber der Sudwind webd / vnd sie meyneten sie hetten nu yhr fur nemen / erhuben sie sich gen Asson / vnd furen an Candia hyn. Nicht lang aber darnach / erhub sich widder yhr fur nemen eyn winds brautt / die man nennet / Ostnord / vnd da das schiff ergrifen war / vnd fund sich nit widder den wind richten / gaben wirs dahyn / vnd schwebeten also / Wir kamē aber an eyn Insulen / die heyst Clauden / da fundtē wir kaum et eyn fahn ergreiffen / den hubē wir auff / vnd brauchten

ten

DER APOSTEL-

Syrtes sind
wyrbell an fan-
digen orttern
vornan Africa.

ten der hulffe/vñ gurteten yhn vnden an das schiff/denn
wyr furchten/es mocht ynn die Syrtin fallen/vnd lieffen
das geseß hyr vntern/vnnd furen also/Vnd da wyr grosse
vngestumidert erlitten hatten/do thetten sie des nehisten
tags eyr außwurf/vnd am dritten tage/wurffen wyr mit
vnsern henden aus die bereyt schafft ym schiff/Da aber ynn
vielen tagē/widder sonne noch gestirne erscheyn/vnd nit
eyr fleyne vngestumidert vns auff dem hals lage/war alle
hoffnung vnser lebens dahyn.

Vnnd da man lange nicht geessen hatte/trat Paulus yns
mittel vnd sprach/Lieben menner/man sollt myr gehorcht/
vnnd nicht von Candian aufgebrochen haben/vnnd vns
dies leydes vnnd schadens ersparet haben/vnnd nu er-
mane ich euch/das yhr gutts mutts seyt/denn leydes leben
wirt aus vns vmlomen on das schiff/denn dise nacht ist
bey myr gestanden der Engell Gotlis/des ich bynn/vnd
dem ich diene/vñ sprach/furcht dich nicht Paule/du mußt
fur den Keyser gestellet werden/vnnd sihe/Gott hat dyr
geschendt alle die mit dyr schyffen/Darumb/lieben men-
ner/seyt gutts mutts/deñ ich glewbe meynem Gott/es wirt
also geschē/wie myr gesagt ist/wyr müssen aber ansaren
an eyne Insulen.

Da aber die viergehēde nacht kam/vñ wyr ynn Adria furen
vmb die mitternacht/wehneten die schiffleutt/es keme yne
gegend erfur/vnnd sie sendeten den bleywurf eyr/Vnd
funden zwenhig flasser tieff/vnd vñ eyr wenig von dan-
nen/sendeten sie aber mal/vnd funden funffgehen flasser/
Da furchten sie sich/sie wurden an harte orte anstossen/vñ
wurffen vom hynder schiff vier ander/vñ wunschten das
tag wurde/Da aber die schiffleut die flucht suchte/vñ den
fahn nyder lieffen ynn das meer/vñ gaben fur/sie wollten
ander aus dem hynder schiff aus strecken/sprach Paulus zu
dem vnterhebtman vnnd zu den kriegs knechten/wenn
dise

diſe nicht ym ſchiff bleyben/ſo kund p̄hr nicht behalten werden/Da h̄yeben die friegsknecht die ſtrick ab von dem fahn/ vnd lieſſen p̄hn entfallen.

Vnd da es anſieng leicht zu werden/ermanet ſie Paulus alle/das ſie ſpeyſe nemen vñ ſprach/Es iſt heutt der vierzehende tag/das p̄hr warttet vñ vngeſſen blieben ſeyt vñ habt nichts zu euch genōmen/darumb ermane ich euch ſpeyß zu nemen/denn das geſchicht vns zu vnſerm heyl/denn es wirt vnſer ſeynem eyn hat von dem hewbt entfallen/Vñ da er das geſagt/nam er das brod/danck̄t Gott fur p̄hn allen/vñ brachs/vnd ſieng an zu eſſen/Da wurden ſie alle guts mutts/vñ namen auch ſpeyſe/Vnſer warē aber allhuſamen ym ſchiff zwey hundert vnd ſechs vñ ſiebenhig ſeelen/vñ da w̄r ſatt wordē/erleychterten w̄r das ſchiff/vnd worffen den weyhen ynn das meer.

Da es aber tag ward/landten ſie das land nicht/Eyns anſurttis aber wurden ſie gewar/der hatte eyn vſer/dahynan wollten ſie das ſchiff treyben/wo es muglich were/vñ da ſie die ander auffgehübē/lieſſen ſie ſich dem meer/vnd loſeten die ruder bandt auff/vnd huben auff den ſiegel bawm/gegen dem wind/vnnd trachten nach dem vſer/vnnd da w̄r ſuren an eynen ortt/der auff beyden ſeytten meer hatte/ſties ſich das ſchiff an/vnd das ſodder teyl bleyb feſt ſtehen unbeweglich/aber das hynder teyl zu brach vñ der gewallt der wellen.

Die friegs knecht aber hatten eynen rad/die gefangnen zu todten/das nicht yemand/ſo er aus ſchwumme/entflohe/Aber der vnterhewbtman wollt Paulon erhallten/vnd weret p̄hrem rad/vñ h̄ies die da ſchwymmen funden/ſich zu erſt ynn das meer laſſen vnd entgehen an das land/die andern aber etlich auff den brettern/etlich auff dem/das vom ſchiff war/Vnnd also geſchachs/das alle ſeelen erhalten zu land kamen.

Das

DER APOSTEL-

Das Acht vnd zwentzig Capitel.

Und da wir entflamen / erfuren wir / das die Insula Melite hies / Die leutlin aber erheggtē vns nicht geringe freuntschafft / zundtē eyn fewr an / vñ namē vns alle auff / vmb des regens / der vber vns komen war / vnd vmb der kälte willen / Da aber Paulus eyn hauffen reysser zu samē raffelt / vñ legt es auff's fewr / kam eyn otter vō der hihe / vnd fur Paulo an seyner hand / Da aber die leutlin sahen das thier an seyner hand hangen / sprachen sie vnternander / diser mensch mus eyn morder seyn / wilchen die rache nicht leben leß / ob er gleych dem meer entgangen ist / Er aber schlendert das thier vns fewr / vñnd phm widder fur nichts vbell's / Sie aber warteten / weñ er schwellen wurd oder todt nydder fallen / da sie aber lange warteten / vnd sahen / das phm nichts vngewerß widder fur / verwandten sie sich vnd sprachen / Er were eyn Gott.

An den selbē orttern aber hatte der vbristynn den Insulen / mit namen Publios / eyn furwerd / der nam vns auff vñ herberget vns drey tag freuntlich / Es geschach aber / da der vater Publij am siber vñnd an der rhure lag / zu dem gleng Paulus hynen / vñnd betet / vnd leget die hand auff phn / vñnd machet phn gesund / Da das geschach / kamen auch die andernynn den Insulen erhu / die krankheyt hatten / vnd ließen sich gesund machen / vñ sie thetten vns grosse ehre / vnd da wir aus zogen / luden sie auff / was vns nod war. Nach dreyn monden aber schiffen wir ausynn eynem schiff vō Alexandria / wilchsynn der Insulen gewyntert hatte / vñnd hatte eyn panier der hwillling / Vñnd da wir gen Syracusa kamen / blieben wir drey tage da / vñ da wir vmschiffen / kamen wir gen Region / vñ nach eynem tage / da der Sudwind sich erhub / kamen wir des andern tages gen Puteolen / da fundē wir brudere / vñ wurden vō phn gepeten /

(hwillling)
hwillling / die nu
eyn gestyrn am
hymel heysen /
warden bey den
heydē gehalten

gepeten / das wyr sieben tage da blieben / vnn̄d alszo kamen wyr gen Rom / Vnd vñ dannen / da die bruder vñ vns horetē / giengen sie aus vns entgegen bis gen Appiser vñ Tretabern / Da die Paulus sahe / danck̄t er Gott / vnd gewan eyne zuuorsicht / Da wyr aber gen Rom kamen / vñ antwortet der vnterhewbtman die gefangnen dem vñrsten hewbtman / Aber Paulo ward erleub̄t fur sich selber zu bleybē / mit eynem kriegs knecht / der seyn hutet / Es geschach aber nach dreyn tagē / das Paulus zu samē rieß die furnehmisten der Judē / da die selbē zu samē kamen / sprach er zu yhn / yhr menner / lieben bruder / ich habe nichts gethan widder vnser vold noch widder reitterliche sitten / vnd byn doch gepunden aus Jerusalem vbergeben ynn der Romer hende / wilche / da sie mich verhört hatten / wollten sie mich los geben / die weyl seyn vrsach des tods an myr war / da aber die Juden da widder redten / wart ich genottiget / mich auff den kays̄r zu berueffen / nicht als hette ich meyn vold etwas zuuerflagen / Vmb der vrsach willē / hab ich euch gepeten / zusehen / vñ anh̄sprechen / denn vmb der hoffnung willen Jsraels / byn ich mit diser secten vmbgeben.

Sie aber sprachen zu yhm / wyr haben widder schrift empfangen von Judea / deyn̄er halben / noch seyn bruder ist komen / der von dyr etwas arges verkund̄get odder gesaget hab / doch dunck̄t es vns der rede werd / das wyr von dyr horen / was du dauon helltist / denn von diser secten ist vns kund / das yhr wirt an allen endē widderprochē / Vnd da sie yhm eynen tag bestympten / kamen viel zu yhm ynn die herberge / wilchen er ausleget vnn̄d bezeugete das reych Gottis / vnn̄d vberredet sie von Jhesu / aus dem geseh̄ Mosi vnd aus den Propheten / von frue morgen an bis an den abent / vnn̄d ettlich sielen zu dem das er saget / ettlich aber glew̄bten nicht.

fur Gotter / die den schiffleuten gnedig weren / vnd hießen Cas-
tor vnd Pollux.

Da

DER APOSTEL-GESCHICHTE

Da sie aber vnternander mißhellig waren/giengen sieweg/
als Paulus eyn wortt redet / Das woll der heylig geyst ge-
sagt hat durch den propheten Esaian zu vnsern vetern vñ
gesprochen / Gang hyn zu disem volck / vnd sprich / mit den Jsal. 6.
oren werdet phrs horen vnd nicht verstehen / vnd mit den
augen werdet phrs sehen / vnd nicht erkennen / Deñ das
herz dises volcks ist verstockt / vñ sie horen schwerlich mit
phren oren / vñ phr augen haben sie zuthan / auff das sie
nicht der mal eyns sehen mit phren augen / vñ horen mit
phren ohren / vnd verstendig werden pnn phrem herzen /
vñ sich beferen / das ich sie gesund mecht / So sey es euch
lund gethan / das den heydē gesand ist dis heyl Gottis / vnd
sie werdens horen / Vnd da es die Judē horeten / vñ er
solchs redet / giengen sie hyn / vñ hatten eyne grosse frage
vnter phn selbs.

Paulus aber bleyb zwey iar / pnn seynem eygen gedinge /
vnd nam auff alle die zu phm eynkamen / prediget das
reych Gottis vnd lerete von dem herrn Jhesu
mit aller freydicept vnuerpotten.

Finis.

VORRHEDDE AUFF DIE EPISTEL SANCT PAULUS ZU DEN ROMERN

Die Epistel ist das rechte hewbtstuck des neuen testaments / vñ das aller lauterst Euangelion / Welche wol würdig vnd werd ist / das sie eyn Christen mensch nicht alleyn von wort zu wort außwendig wisse / sondern teglich da mit vmb gehe als mit teglichem brod der seelen / deñ sie nymer kan zu viel vnd zu wol gelesen odder betrachtet werden / Vnd yhe mehr sie gehandelt wirt / yhe kostlicher sie wirt / vnnd bass sie schmedt / Darumb ich auch meynen dienst da zu thun wil / vnd durch dise vorrhede eyn eyngang da zu bereyten / so viel myr Gott verliehen hat / damit sie beste bas von yderman verstanden werde / Denn sie biß her / mit glosen vnd mancherley geschweh vbel versinckert ist / die doch an yhr selb eyn helles licht ist / fast gnugsam die ganze schrift zu erleuchten.

Auffs erst müssen wir der sprach fundig werden / vñ wissen / was sanct Paulus meynet durch dise wort / Geseh / Sund / Gnad / Glawb / Gerechtigkeit / Fleisch / Geyst / vñ der gleychen / sonst ist leyen lesen nuß daran / Das wortlin Geseh / mustu hie nicht verstehen menschlicher weyse / das eyn lere sey / was fur werck zu thun odder zu lassen sind / wie es mit menschen gesehen zu gehet / da man dem geseh mit werden gnug thut / obs herh schon nicht da ist / Gott richtet nach des herhen grundt / darumb joddert auch seyn geseh des herhen grund / vnd leßit yhm an werden nicht benugen / sondern strafft viel mehr die werck an herhen grund gethan / als heucheley vnd lügen / daher alle menschen lugener heysen Psal. 115. darumb / das leyner aus herhen grund Gottis geseh hellt nach hallten kan / denn yderman findet bey sich selbs vnlust zum gutten vñ lust zum bosen / Wo nu nicht ist freye lust zum guttē / da ist des herhē grund

VORRHED

grund nicht am geseß Gottis / da ist denn gewißlich auch
sund vnd zorn verdienet bey Got / ob gleich außwendig
viel gutter werck vnd erbars leben scheynen.

Da her schleußt S. Paulus am andern Capitel / das die Ju-
den alle sundt sind / vnd spricht / das alleyn die thetter des
geseßs rechtfertig sind bey Gott / Will da mit / das niemant
mit werden des geseßs theter ist / sondern sagt viel mehr
zu phnen also / Du lernst man solle nicht ehebrechen vnd
du brichst die ehe / Item warnnen du richtist eyen an-
dern / darwnnen verdampstu dich selbs / weyl du eben
das selb thust das du richtist / Als solt er sagen / du lebst
eufferlich seyn vnn des geseßs werden / vnd richtist / die
nicht also leben / vnd weyßst yderman zu leren / den splitter
siehstu vnn der andern auge / aber des balden vnn deynem
auge wirstu nicht gewar / denn ob du wol außwendig das
geseß mit werden helltist aus furcht der straff oder liebe
des lohns / so thustu doch dz alles on frey lust vñ liebe zum
geseße / sondern mit vnlust vnd zwang / wolltist lieber an-
ders thun / wenn das geseße nicht were / Daraus denn sich
schleußt / das du vñ herhen grund dem geseß feynd bist /
was ist denn / das du andere lernst nicht stelen / so du ym
herhen selbs eyen dieb bist / vnd eufferlich gern werist / wenn
du thurstist? wie wol auch das eufferlich werck die lenge
nicht nach bleibet bey solchẽ heuchlern / Also lernstu andere
aber dich selbs nicht / weyßst auch selb nicht was du lernst /
hast auch das geseß noch nie recht verstanden / Ja dachu
mehret das geseß die sund / wie er saget am. 5. Capitel /
darumb das yhm der mensch nur feynder wirt / yhr mehr
es foddert / des er leyens kan.

Darumb spricht er am siebenden Capitel / das geseß ist geyst-
lich / Was ist das? Wenn das geseß leylich were / so geschehe
yhm

VORREDE

ym mit werckē genug / Tu es aber geystlich ist / thut yhm
niemand genug / es gehe denn von hertzen grund alles was
du thust / Aber eyn solchs hertz gibt niemant / den Gotis
geyst / der macht den menschen dem gesetz gleich / das er
lust zum gesetz gewynnet vñ hertzen / vñ hynsurt nicht aus
furcht noch zwang / sondern aus freyem hertzen alles thut.
Also ist das gesetz geystlich / das mit solchem geystlichen
hertzen will geliebt vñ erfüllet seyn / vñ foddert ein sol-
chen geyst / Wo der nicht ym hertzen ist / da bleybt sund /
vnlust / seyndschafft widder das gesetz / das doch gut / ge-
recht / vñ heylig ist.

So gewehne dich nu der rede / das viel eyn ander ding ist /
des gesetz werck thun / vñ das gesetz erfüllen / Des gesetz
werck / ist alles / das der mensch thut vñ thun kan am gesetz /
aus seym freyen willen vñ eygen freyten / Weyl aber vnter
vñ neben solchen wercken bleybt ym hertzen vnlust vñ
zwang zum gesetz / sind solche werck alle verloren / vñ seyn
nuß / Das meynt Sanct Paulus am. 3. Cap. do er spricht /
durch gesetz werck wirt fur Got seyn mensch rechtfertig
Daher sihstu nu / dz die schulzender vñ sophisten / versuter
sind / weñ sie leren / mit werden sich zur gnade bereyten /
Wie kan sich mit werden zum guten bereyten / der seyn gut
werck / on vnlust vñ vnwillen ym hertzen thut? Wie soll
des werck Gott gelusten / das von vnlustigem vñ widder
willigem hertzen gehet?

Aber das gesetz erfüllen ist / mit lust vñ lieb seyn werck
thun vñ frey on des gesetz zwang Gotlich vñ wol lebē / als
were seyn gesetz oder straff / Solche lust aber freyer liebe /
gibt der heylige geyst vnß hertz / wie er spricht am funffte
Capitel Der geyst aber wirt nicht den alleyn / ynn / mit /
vñ durch den glauben an Ihesum Christ geben / wie er ynn
der

VORRHEDDE

der vorrhede sagt / So kompt der glawbe nicht / on alleynne
durch Gottis wort oder Euangelion / das Christum predigt
wie er ist Gottis ion vnd mensch / gestorben vñ auffgestanden
vmb vnser willen / wie er / am. 3. 4. vnd 10. Capitel sagt.

Daher kompt / das alleynne der glawbe rechtfertig macht vñ
das geseh erfüllet / den er bringet den geyst aus Christus
verdienst / der geyst aber macht eyne lustig vñ frey herzh / wie
das geseh fodert / so gehē den die gutten werd aus dem
glawben selber / Das meynet er am. 3. capitel / nach dem er
des geseh werd verworffen hatte / das es lautt / als wolt
er das geseh auff heben durch den glawben / Keyn (spricht
er) wir richtē das geseh an durch den glawben / das ist /
wir erfüllens durch den glawben.

¶ Sunde heyst ynn der schrift nicht alleynne das euserliche
werd am leybe / sondern alle das geschefte / das sich mit
reget vnd wegt zu dem euserlichen werd / nemlich des her-
zen grund mit allen krefftē / also / das das wortlin / Thun /
soll heysen / wenn der mensch gang dahyn sellt vnd feret
ynn die funde / denn es geschicht auch keyn euserlich werd
der fund / der mensch fare denn gang mit leyb vnd seele
hynan / Vnd sonderlich sihet die schrift yns herzh vñ auff
die wurzel vnd hewbt quell / aller funde / wilchs ist / der
vnglaube / ym grund des herzen / Also das / wie der glawbe
alleynne rechtfertiget / den geyst vnd lust bringt zu gutten
euserlichen werden / Also fundiget alleynne der vnglaube /
vnd bringet das fleysch auff vnd lust zu bössen euserlichen
werdē / wie Adam vnd Heua geschach ym paradys Gen. 3.

Da her Christus alleynne den vnglauben fund nennet / da er
spricht Johan. 16 der geyst wirt die welt straffen vmb die
fund / das sie nicht gleuben an mich / darumb auch / che
denn

VORREDE

denn gute odder bose werd̃ geschehen / als die guten oder bösen fruchte / mus zuuor ym herhen da seyn / glawbe odder vnglawb / als die wurzel / safft vnd heubt krafft aller funde / wilchs ynn der schrift auch darumb des schlangen kopff vnd allten trachen heubt heyst / den des weybs samen Christus / zutretten mus / wie Adam versprochen wart.

¶ Gnade vñ gabe sind des vnterscheids / das gnade eygentlich heyst / Gottis hulde odder gunst / die er zu vns tregt bey sich selbst / aus welcher er geneygt wirt / Christum / den geyst mit seynen gaben ynn vns zu gissen / wie das aus dem funfften Capitel klar wirt / da er spricht / gnad vnd gabe ynn Christo etce. Ob nu wol die gaben vñ der geyst ynn vns teglich zu nehmen vnd noch nicht vollkommen sind / das also noch bose luste vñ sund yñ vns vberbleybē / welche wider den geyst streyten / wie er sagt. an 7. Gala. 5 vnd wie Gen. 3. versprochen ist der haddet zwisschen des weybs samen vñ der schlangē samē / So thut doch die gnade so viel / das wir gang vñ fur voll rechtfertig fur Gott gerechnet werden / denn seyne gnade teylet vñ studeet sich nicht / wie die gaben thun / sondern nympt vns gang vñ gar auff ynn die hulde / vmb Christus vnser fursprechers vñ mittelers willen / vnd vmb das ynn vns die gaben angefangen sind.

Also verstehstu denn das siebend Capitel / da sich Sanct Paulus noch eyn sunder schilt / vnd doch ym achten spricht / es sey nichts verdamlchs an denen / die yñ Christo sind / der vnuollkomenē gaben vnd geysts halben / Vmb des vngedodten fleyschs willen sind wir noch sunder / Aber weil wir an Christo gleuben / vnd des geysts anfang haben / ist vns Gott so gunstig vñ genedig / das er solch sund nicht achten / noch richten will / sondern nach dem glawben vñ Christo mit vns faren / bis die sund todtet werde.

¶ Glawbe

VORRHEDDE

Glawbe iſt nicht / der menſchliche wthan vnd trawm / den etlich fur glawben halten / vnd wenn ſie ſehen / das ſeyn beſſerung des lebens noch gute werd̃ folgē / vñ doch vom glawben viel horen vñ redē funden / fallen ſie ynn den yrrthum / vñ ſprechen / der glawbe ſey nicht gnug / man muſſe werd̃ thun / ſoll man frum vnd ſelig werden / das macht / wenn ſie das Euangelion horen / ſo fallen ſie daher / vnd machen yhn aus eygen freſſten eyn gedanden ym herzhē / der ſpricht / ich glewbe / das halten ſie denn fur eyn rechten glawbē / aber wie es eyn menſchlich geſicht vnd gedanden iſt / den des herzen grund nymer erſeret / alſo thut er auch nichts / vnd folget ſeyn beſſerung hernach.

Aber glawb iſt eyn geſtlich werd̃ yñ vns / das vns wandelt vñ new geſt aus Gott / Johan. 1. vnd todtet den allten Adam / macht vns gang ander menſchen vñ herzh / mut / ſpñ / vnd allen freſſten / vnd bringet den heyligen geſt mit ſich / **D**es iſt eyn lebēdig / ſcheſſtig / thetlig / mechtig ding vmb den glawbē / das vnmuglich iſt / das er nicht on vnterlas ſolt gutts werden / Er fraget auch nicht / ob gute werd̃ zu thun ſind / ſondern ehe man fragt / hat er ſie than / vñ iſt ymer ymthun / Wer aber nicht ſolch werd̃ thut der iſt eyn glawbloſer menſch / tappet vnd ſihet vmb ſich nach dem glawben vnd gutten werden / vnd weys wiſſder was glawb edder gute werd̃ ſind / vnd weſſcht vnd ſchweht doch viel wort von glawben vnd gutten werden.

Glawb iſt eyn lebendige erwegene zuuerſicht auff Gottis gnade / ſo gewis / das er tauſent mal druber ſturbe / Vnd ſolch zuuerſicht vnd erkentnis Gotlicher gnaden / macht frolich / trohig vnd luſtig gegen Gott / vnd alle Creaturn / wiſchs der heylig geſt thut ym glawben / Do her on zwang / willig vnd luſtig wirt yderman guttis zu thun / yderman zu dle-
nen / allerley

VORRHED

nen / allerley zu leyden / Gott zu liebe vñ lob / der yhm solch gnad erheygt hat / also / das vnmüglich ist werd vom glawben scheyden / also vnmüglich / als brennen vnd leuchten vom fiewr mag gescheyden werden / Darumb sihe dich fur / fur deynen eygen falsche danden / vnd vnnutzen schwehern / die von glawben vnd guten werden flug seyn wollen zu orteplen / vnd sind die grosten narren. Bitte Gott das er glawben ynn dyr wirde / sonst bleybstu wol ewiglich on glawben / du tichst vnd thust was du wilt odder kanst.

¶ Gerechtigt ist nu solcher glawe / vnd heyst Gottis gerechtigkeit / odder die fur Got gilt / darumb / das es Gottis gabe ist / vnd macht den menschen / das er yderman gibt / was er schuldig ist / Den durch den glawben / wirt der mensch on sund / vnd gewynnet lust zu Gottis gepotten / damit gibt er Got seyn ehre vnd behalet yhn / was er yhm schuldig ist. Aber den menschen dienet er williglich / womit er kan / vnd behalet da mit auch yderman / Solche gerechtigt / kan natur / freyer wille / vnd vnser freyst / nicht zu wegen bringen / den wie niemant yhm selb kan den glawben geben / so kan er auch den vnglawben nicht weg nehmen / Wie will er denn eyn eynige fleynste sund weg nemen? darumb ist alles falsch vnd heuchley vñ sund / was außer dem glawben odder ym vnglauben geschicht / Ro. 14. es gleyße wie gut es mag.

¶ Fleysch vnd geyst mustu hie nicht also verstehen / das fleysch alleyn sey / was die vnkeuscheit betreffe / vnd geyst / was das ynnnerliche ym herze betreffe / sondern fleysch heyst Paulus / wie Christus Johan. 3 alles was aus fleysch geporn ist / den ganzen mensche / mit leyb vñ seele / mit vernunft vnd allen synnen. Darumb / das es alles an yhm nach dem fleysch trachtet / also / das du auch den fleyschlich wissest zu heysen /

VORRHEDÉ

heysen / der on gnade / von hohen geystlichen sachen viel
tichtet / lebet / vnd schwebet / wie du das aus den werden
des fleyschs Gal. 5. wol kanst lernen / da er auch lehret /
vnd haß / fleyschs werck heyst / Vnd Ro. 8 spricht / das durchs
fleysch das gesetz geschwecht wirt / wilchs nicht von vnkeusch-
eyt / sondern von allen sunden / aller meyst aber vom vn-
glauben gesagt ist / der das allergeystlich laster ist.

Widderumb / auch den geystlich heysist / der mit den aller
euserlichste werck ombgehet / als Christus / da er der hunger
fuß wusch / vnd Petrus da er das schiff suret vnd fischet.
Also / das fleysch sey eyn mensch / der pnnwendig vn außs-
wendig lebt vnd wirdt / das zu des fleyschs nutz vnd zeyt-
lichem leben dienet / Geyst sey / der pnnwendig vnd außs-
wendig lebt vnd wirdt / das zu dem geyst vnd zukunfftigem
leben dienet. On solchẽ verstand diser wortter / wirstu dise
Epistel sanct Pauli / noch seyn buch der heyligen schrift ny-
mer verstehen / Drumb hut dich fur allen lerern / die anders
diser wort brauchen / sie seyen auch wer sie wollen / ob gleich
Hieron. Aug. Ambro. Origenes / vnd yhr gleychen vnd noch
hoher weren. Nu wollen wir zur Epistel greysen.

Die weyl eym Euangelischen prediger gepurt / am ersten
durch offinbarung des gesetzes vnd der sunden / alles zu-
straffen vnd zu sunden machen / das nicht aus dem geyst
vnd glauben pnn Christo gelebt wirt / damit die menschen
zu yhrem eygen erkentnis vnd lamer gefurt werden / das
sie demuttig werden / vnd hulffe begeren / So thut sanct
Paulus auch / vnd sehet an ym ersten Capitel / vnd strafft
die groben sund vnd vnglauben / die offintlich sind am
tage / als der heyden sund waren vnd noch sind / die on Got-
tis gnaden leben / vnd spricht / Es werde offinbart durchs
Euangelion Gottis zorn von hymel vber alle menschen /
vmb

VORREDE

umb phres gotlosen wesens vnd vntugent willen/Denn ob sie gleich wissen vñ teglich erkennen/das eyn Gott sey/so ist doch die natur an phr selb/außer der gnade/so bose/das sie phm widder danck noch ehret/sondern verblendt sich selbs/vnd sellet on vnterlaß ynn erger wesen/bis das sie nach abgottereyen auch die schendlichen sunden/mit allen lastern würdet/vnuerschampt/vnd dahu vngestraft last/an den andern.

Am andern Capitel streckt er solche straffe auch weytter auff die/so eußerlich frum scheynen odder heymlich sundigen/als die Juden waren/vnd noch alle heucheler sind/die on lust on liebe wol leben/vñ ym herzen Gottis geseh seynd sind/vñ doch ander leut gern vrteylen/wie aller gleyssner art ist/das sie sich selb reyn achten vnd doch vol geyhs/hass/hoffart/vñ alles vnslats stückē/Matth. 23. Die sinds eben die Gottis guttigkeyt verachten vnd nach phrer hertigkeyt des zorns schatz samlen. Also das Sanct Paulus/als eyn rechter geseh verflerer niemant on sund bleyben leisset/sondern allen den zorn Gottis verkündigt/die aus natur oder freyem willen wollen wol leben/vnd lessit sie nichts besser seyn/denn die offentlichen sunder/ia er spricht/sie seyen hartmutige vnd vnpußfertige.

Am dritten/wirfft er sie alle beyde ynn eyn hauffen vnd spricht/eyner sey wie der ander/allhumal sunder fur Got/on das die Judē Gottis wort gehabt/wie wol viel nicht dran glewbt/habē/doch da mit Gottis glawb vnd warheyt nicht aus ist/vnd suret zufellig eyn den spruch aus dem 50. Psalm/das Gott recht bleybt ynn seynen wortten/Darnach kompt er wider drauff/vnd beweyset auch durch schrift/das sie alle sunder sind/vnd durch gesehs werdē niemant recht fertig werde/sondern das geseh nur die sund
zu erkennen

VORRHEDÉ

zuerkennen geben sey / Darnach sehet er an / vnd leret den rechten weg / wie man müsse frum vñ selig werden vñ spricht / sie sind alle sundet vñ onpreys Gottis / müssen aber on verdienst rechtfertig werden durch den glawben an Christo / der vns solchs verdienet hat durch seyn blut vnd vns eyn gnaden stuel worden von Gott / der vns alle vorige sund vergibt / da mit er beweyse / das seyne gerechtigkeit / die er gibt ym glawben / alleyn vns helffe / die zu der zeyt durchs Euangelion offinbart vnd zuuor durchs geset vnd propheten bezeuget ist / Also wirt das geset durch den glawben auff gericht / ob wol des gesets werck da mit werden nydder gelegt sampt yhem rhum.

Am vierden / als nu durch die ersten drey Capitel / die sunden offinbart / vnd der weg des glawben zur rechtfertigkeit geleret / sehet er an zu begegen etlichen eynreden vnd anspruche / Vnd nympt am ersten den fur / den gemeyniglich thun / alle die vñ glawben herē wie er on werck rechtfertige vnd sprechen / sol man denn nu seyn gute werck thun? Also helt er hie yhm selb fur den Abraham vnd spricht / Was hat denn Abraham mit seynen werden than? ist alles vmbsonst gewesen? waren seyn werck seyn nutz? Vnd schleust / das Abraham on alle werck alleyn durch den glawben rechtfertiget sey / so gar / das er auch fur dem werck seynet beschneytung durch die schrift / alleyn seyns glawbens halben rechtfertig gepreysset werde / Gen. 15 hat aber das werck der beschneytüg zu seynner gerechtigkeit nichts than / das doch Gott yhm gepott vnd eyn gut werck des gehorsams war / so wirt gewisslich auch seyn ander gut werck zur gerechtigkeit etwas thun / Sondern wie die beschneytung Abrahe eyn euserlich zeychen war / da mit er seyne gerechtigkeit ym glawben beweysete / also sind alle gutte werck nur euserlich zeychen / die aus dem glawben folgen /

VORRHEDÉ

folgen / vñnd beweyßen / als die guten fruchte / das der mensche schon fur Gott ynwendig rechtfertig sey.

Da mit bestetiget nu Sanct Paulus / als mit eym freystligem exempel aus der schrift / seyne vorige lere ym dritten Capitel vom glawben / vñd furet dazú noch eynen zeugen Dauid aus dem dreyßehenden Psalmen / der auch sagt das der mensch on werdt rechtfertig werde / wie wol er nicht on werdt bleybt / weñ er rechtfertig worden ist. Darnach breytet er dz exempel aus wider alle ander werdt des gesehs / vñd schleusst / das die Juden nicht mugen Abrahams erben seyn alleyn des geblutts halben / viel weniger des gesehs werdt halben / sondern müssen Abrahams glawben erben / wollen sie rechte erben seyn / syntemal Abraham fur dem gesehe beyde Mosis vñd der beschneytung / durch den glawben ist rechtfertig worden / vñd eyn vater genennet aller glewbligen / Dazú auch das geseh viel mehr zorn wírdē deñ gnad / die weyl es niemant mit lieb vñ lust thut / das viel mehr vngnad deñ gnad durch des gesehs werdt kompt / Darumb mus alleyn der glawbe / die gnade Abrahe verheissen / erlangē / Deñ auch solch Exempel vmb vnser willen geschribē sind / das wir auch glewben sollen.

Am funfften kompt er auff die fruchte vñd werdt des glawbens / als da sind / frid / freud / liebe / gegē Got vñ yderman / dazú sicherheyt troh / freydisigheyt / muht vñd hoffnung ynn tribsal vñd leyden / denn solchs alles folget / wo der glawb recht ist / vmb des vberschwenglichen gotts willen / das vns Gott yñ Christo erheygt / das er yhn fur vns hat sterben lassen / ehe wir yhn drum bittē funden / la da wir noch seynde waren. Also haben wir denn / das der glawbe on alle werdt rechtfertiget / vñ doch nicht dar aus folget / das man darumb seyn gutt werdt thun solle / sondern das die
rechtshaffne

VORRHED E

rechtſchaffne werd nicht auffen bleiben / von welchen die werd heyligen nichts wiſſen / vnd tichten yhn ſelb eygen werd / darynnen wider / frid / freud ſicherheyt / lieb / hoffnung / troh / ſicherheyt / noch ſeyn recht Chriſtlichs wercks vnd glaubens art ynnen iſt.

¶ Darnach thut er eyn luſtigen außbruch vnnnd ſpaciergang / vnnnd erhelet / wo beyde ſund vnnnd gerechtigteyt / todt vnnnd leben her come / vnnnd hellt die zween ſeyn gegen ander / Adam vnd Chriſtum / will alſo ſagen. Darumb muſte Chriſtus kommen eyn ander Adam / der ſeyne gerechtigteyt auff vns erbete / durch eyn new geſtliche gepurt ym glauben / gleich wie ihener Adam auff vns geerbet hat die ſund / durch die alte fleiſchliche gepurt / da mit wirt aber ſund vnnnd beſtettiget / das yhm niemant kan ſelbs aus ſunden zur gerechtigteyt mit werden helfen / ſo wenig er kan werden / das er leyplich geporn wirt / Das wirt auch da mit beweiſet / das / das gotlich geſeh / das doch billich helfen ſollt / ſo etwas helfen ſollt zur gerechtigteyt / nicht alleyn on hulffe kommen iſt / ſondern hatt auch die ſund gewehret / darumb das die boſe natur yhm deſte ſeynder wirt / vnd yhre luſte deſte lieber puffen wil / yhe mehr yhr das geſeh weret / das alſo / das geſeh Chriſtum noch nothiger macht vnd mehr gnaden ſoddert / die der natur helffe.

Am ſechſten nympt er das ſonderliche werd des glaubens fur ſich / den ſtrept des geiſts mit dem fleiſch / vollend zu todten / die vbrige ſund vnd luſte / die nach der recht fertigung vber bleyben / vnd leret vns / das wir durch den glauben nicht alſo geſtrept ſind vñ ſunden / dz wir muſſig ſaul vñ ſicher ſeyn ſolten / als were ſeyn ſund mehr da / Es iſt ſund da / aber ſie wirt nicht zur verdamniss gerechnet / vmbß glaubens willen / der mit yhr ſtrepffet / Darumb habē wir mit

VORRHED E

mit vns selbs genug zu schaffen vnser leben lang / das wir vnsern leyb zemen / seyne luste todten vnd seyne gelidmas zwingen / das sie dem geyst gehorsam seyn vnd nicht den lusten / damit wir dem tod vnd aufferstehen Christi gleych seyn / vñ vnser tauffe volbringen / die auch den tod der sunden vnd new leben der gnaden bedeuuet / bis dz wir gar reyn von sunden auch leylich mit Christo aufferstehen vnd ewiglich lebē

Vnd das können wir thun / spricht er / weyl wir vñ der gnad vñ nicht ym gesehe sind / Wilchs er selb außlegt / das on gesehe seyn / sey nicht so viel gesagt / das man seyn gesehe hab / vñ muge thun was yderman gelustet / sondern vnter dem gesehe seyn ist / weñ wir on gnade / mit gesehs werden ombgehen / als deñ hyschet gewislich die sunde durchs gesehe / Seyntemal niemant dem geseh hold ist vñ natur / das selb ist aber grosse sünd / Die gnad macht vns aber das geseh lieblich / so ist denn seyn sünd mehr da / vnd das geseh nicht mehr widder vns / sondern eyns mit vns.

Dasselb aber ist die rechte freyheyt vñ der sunden vnd vom geseh / von wilcher er bis ans ende dieses Capítels schreybt / das es sey eyn freyheyt nur guttis zu thun mit lust / vnd wol leben on zwang des gesehs / Darumb ist diße freyheyt eyn geystliche freyheyt / die nicht dz gesehe auffhebt / sondern dar reicht / was vom geseh gesodert wirt / nemlich / lust vnd lieb / damit das geseh gestillet wirt / vñ nicht mehr zu treiben vñ zu soddern hat / Gleych als weñ du eym lehenher schuldig werist / vnd kundist nicht behalten / vñ dem mochtistu zweyerley weyse los werden / Eyn mal / das er nichts von dyr neme vnd seyn register zu ryße / Dz ander mall / dz eyn frum man fur dich zalete vñ gebe dyr / da mit du seym register gnug thetist / Auff diße weyse hat vns Chris-
tus

VORRHEDÉ

tus vom gesehe frey gemacht / darumb ist nichts eyn wil-
de fleyschliche freyheyt / die nichts thun solle / Sondern die
viel vnd allerley thut / vnd von des gesehs foddern vnd
schuld ledig ist.

Am siebenden / bestetiget er solchs mit eym gleychnis des
eehlichen lebens / Als wenn eyn man stirbt / so ist die frau
auch ledig / vñ ist also eyns des andern los vnd abe / nicht
also / das die frau nicht muge odder solle eynē andern man
nehmen / sondern viel mehr / das sie nu aller erst recht frey
ist / eyn andern zu nemen / das sie vorhyn nicht kundt thun /
ehe sie phenis mans ab war. Also ist vnser gewissen ver-
punden dem geseh vnter dem sundlichen alten menschen /
Wenn der todtet wirt durch den geyst / so ist das gewissen
frey / vñ eyns des andern los / nicht das das gewissen solle
nichts thun / sondern nu aller erst recht an Christo dem an-
dern man hangen / vnd frucht bringen des lebens.

Darnach / streycht er weytter aus / die art der sunden vnd
gesehs / wie durch das geseh die sund sich nur recht reget
vnd geweltig wirt / Denn der alte mensch wirt dem geseh
nur beste feynder / weyl er nicht kan zalen / das vom geseh
foddert wirt / Denn sund ist seyn natur / vñ kan vñ phm selbs
nicht anders / darumb ist das geseh seyn tod vnd alle seyn
marter. Nicht das das geseh bose sey / sondern das die bose
natur nicht leyden kan das gutte / das es gutts von phm
foddere Gleych wie eyn krancker nicht leyden kan / das man
von phm foddere lauffen vnd springen vnd andere werck
eyns gefunden.

Darumb schleust Sanct Paulus hie / das wo das geseh recht
erfennet vnd auffz beste gefasset wirt / da thuts nit mehr /
den erpnnert vns vnser sund / vnd todtet vns durch die
selb /

VORRHED E

ſelb / vnd macht vns ſchuldig des ewigen zorns / wie das alles ſeyn ſich lernt vnd erſeret ym gewiſſen / wens mit dem geſeh recht troffen wirt. Alſo das man mus etwas anders haben / vñ mehr deñ das geſeh / den menſchen frum vñ ſelig zu machen / Welche aber das geſeh nicht recht erkennen / die ſind blind / gehē mit vermeſſenheyt dahyn / meynem yhm mit werckē gnug zu thun / Deñ ſie wiſſen nicht / wie viel das geſeh ſoddert / nemlich eyn frey / willig / luſtig herth / darumb ſehē ſie Moſi nicht recht vnter augen / das tuch iſt yhn da fur gelegt vnd zu gedeckt.

Darnach zeygt er / wie geiſt vñ fleiſch mit eyander ſtreytten ynn eynem menſchen / vnd ſeht ſich ſelbs zum exempel / das wir lernen / das werck / die ſund yñ vns ſelbs zu todte / recht erkennen / Er nennet aber beyde den geiſt vnd das fleiſch / eyn geſeh / darumb das gleich wie des gotlichen geſehs art iſt / das es treybt vnd ſoddert. Alſo treybt vnd ſoddert vnd wuttet auch das fleiſch wider den geiſt vnd wil ſeyne luſt haben. Widerumb treybt vnd ſoddert der geiſt wider das fleiſch vnd wil ſeyne luſt haben / diſer zang weret yñ vns / ſo lang wir lebē / ynn eynem mehr ym andern weniger / darnach der geiſt odder fleiſch ſtercker wirt / vnd iſt doch der ganß menſch ſelbs alles beydes / geiſt vnd fleiſch / der mit yhm ſelbs ſtreytet biß er ganß geiſtlich werde.

Am achten troſtet er ſolche ſtreytter / das ſie ſolch fleiſch nicht verdamne / vnd zeyget weytter an / was fleiſch vnd geiſt art ſey / vnd wie der geiſt kompt aus Chriſto der vns ſeynen heyligē geiſt geben hat / der vns geiſtlich macht vñ das fleiſch dempfft / vnd vns ſichert / das wir dennoch Gottes kinder ſind / wie hart auch die ſund ynn vns wuttet / ſo lange wir dem geiſt folgen vnd der ſunde widerſtreben ſie zu todten. Weyl aber nichts ſo gut iſt das fleiſch zu teu-
ben /

VORREDE

ben/als Creutz vnd leyden/troestet er vns ynn leyden durch beystand/des geysts/der liebe/vñ aller Creaturn/nemlich/das beyde der geyst yñ vns juffhet vnd die Creatur sich mit vns sehnet/das wirt des fleysch vnd der sund los werden. Also sehen wirt das diße drey Capitel auff das eynige werck des glawbens treiben/das da heyst/den allten Adam todten vnd das fleysch zwingen.

Am neunten/zehenden vnd eyffften Capitel leret er von der ewigē verfehung Gottis/da her es vrsprunglich fleust/wer gleuben odder nicht gleuben soll/von sunden los oder nicht los werden kan/da mit es yhe gar aus vnsern henden genomen/vnd alleyn ynn Gottis hand gestellet sey/das wirt frum werden/Vnd das ist auch auffß aller hochst nott/denn wirt sind so schwach vnd vngewiß/das/wens bey vns stunde/wurde freylich nicht ein mensch selig/der teuffel wurde sie gewißlich alle oberweldigē/Aber nu Gott gewis ist/dz yhm seyn verfehen nicht feylet/nach ymand yhm weren kan/haben wirt noch hoffnung wider die unde.

Aber hie ist den freueln vnd hochfarenden gepstern eyn mal zu stecken/die yhrn verstand am ersten hie her furen vñ oben an heben/zuuor den abgrund gottlicher verfehung zu forschen/vnd vergeblich da mit sich bekummern/ob sie verfehē sind/die müssen sich den selb sturzhē/dz sie entweder verthagen/oder sich ynn die frey schantz schlagen/Du aber folge dißer Epistell ynn yhrer ordnung/bekummere dich zuuor mit Christo vnd dem Euangelio/das du deyne sund vnd seyne gnad erkennist/darnach mit der sunden streptist/wie hie das 1.2.3.4 5.6.7.8. Capitel geleret haben/Darnach wenn du ynn das achte komen bist / vnter das creutz vnd leyden/das wirt dich recht leren/die verfehung/yñ 9. 10. vnd 11. Capitel / wie trostlich sie sey. Denn en leyden /
creutz

VORRHED E

creutz vnd tods nothen / kan man die verfehung nicht on
schaden vnd heymlichen zorn widder Got handeln/Drumb
mus Adam zuuor wol todt seyn / ehe er dis ding leyde vn
den starcken weyn trincke/darumb sich dich fur/das du nicht
weyn trinckist / wenn du noch eyn seugling bist / Eyn iglich
lere hat yhr maß / seyt vnd allter.

Am zwelfften leret er den rechten Gotteds dienst vnd macht
alle Christen zu pfaffen / das sie opffern sollen / nicht gelt
nach vlieh/wie ym geseh/sondern yhr eygen leybe/mit tod
tung der luste/Darnach beschreybt er den euserlichen wan
del der Christen ym geystlichen regimēt / wie sie leren /
predigen / regirn / dienen / geben / leyden / lieben / leben
vñ thun sollen gegen freund / seynd vnd yderman / das
sind die werck / die eyn Christen thut / denn wie gesagt ist /
glawb seyret nicht.

Am dreyzehenden/leret er das weltlich regiment ehren vñ
gehorsam seyn / wilchs darumb eyngeseht ist/obs wol die
leut nicht frum macht fur Got/so schaffts doch so viel/das
die frumē euserlich fryd vnd schutz haben/vnd die bösen/
on furcht odder mit frid vnd rügen nicht können frey ybels
thun/darumb es zu ehren ist auch den frumen/ob sie wol
seyn nicht durffen Endlich aber fasset ers alles ynn die
liebe vnd beschleussset es yñ das exempel Christi / wie der
vns than hat/das wyrt auch also thun vnd yhm nach folgen.

Am vierzehenden leret er die schwachē gewissen ym glaw
bē seuberlich furen vnd yhr schonen/das man der Christen
freyheyt nicht brauche zu schaden sondern zu foderung der
schwachen/den wo man das nicht thut/da solget zwitracht
vnd verachtung des Euangeli / datan doch alle not ligt /
das es besser ist / den schwach glewbigen eyn wenig wey
chen /

VORRHEDÉ

chen/bis sie stercker werden/denn das allerding die lere
des Euangeli sollt vntergehen/Vnd ist solchs werck eyn
sunder werck der liebe/das wol auch iht vñ noten ist/da
man mit fleyßch essen vnd ander freyheyt/frey vnd rauch/
on alle nott/die schwachen gewissen zu rüttelt ehe sie die
warheyt erkennen.

Am funffzehendē/sehrt er Christum zum exempel/das wpr
auch die andern schwachē dulden/als die sonst geprechlich
sind vñ offentlichen sunden odder vñ vnlustigē sitten/wil-
che man nicht mus hynwerffen/sondern tragen bis sie auch
besser werdē/Den also hat Christus mit vns than vñ thut
noch teglich/das er gar viel vntugent vñ boser sitten/neben
aller vnuolkomenheyt an vns tregt/vnd hilfft on vnterlassz.

Darnach zum beschlus bitt er fur sie/lobet sie vnd besillhet
sie Got vñ zeygt seyn ampt vnd predigt an/vñ bitt sie gar
seuberlich vmb steure an die armen zu Jerusalem/vnd ist
eyttel lieb dauon er redet vnd da mit er vmbgeht. Also sin-
den wpr vñn diser Epistel auffz aller reychlichst/was eyn
Christen wissen sol/Itemlich/was geseh/Euāgelion/sund/
straff/genad/glawb/gerechtigkeyt/Christus/Gott/gutte
werck/liebe/hoffnung/creuþ/sey/vñ wie wpr vns gegē
vderman/er sey/frum odder sunder/stard odder schwach/
freund odder feynd/vnd gegen vns selber halten sollen/
dazu das alles mit schriffen trefflich gegrundt/mit exem-
pel seyn selbs vñ der propheten beweyßet/dz nichts mehr
hie zu wunschen ist. Darumb es auch scheynet/als habe
Sanct Paulus vñn diser Epistel wollen eyn mal vñn die
lurth verfassen/die ganß Christliche vnd Euangelische lere/
vnd eyn eyngang bereyten vñn das ganze alte testament.
Denn on heweyßel/wer dise Epistel wol vñm herhen hat/
der hat des alten testaments liecht vñ krafft bey sich. Da-
rumb

VORRHEDDE

rumb las sie eyniglicher Christen yhm gemeyn vnd stetig
yn vñ bungen seyn/da gebe Gott seyn gnade zu/Amen.

Das leht Capitel ist eyn gruß Capitel / Aber darunter ver-
misscht er gar eyn edle warnung fur menschẽ leren / die da
neben der Euangelische lere eynfallen vnd ergernis anrich-
ten/gerad als hette er gewißlich erschen/das aus Rom vnd
durch die Romer komen sollten/die verfürischen ergetlichen
Canones vnd decretales vnd das ganz geschwurm vnd ge-
wurm menschlicher gesehen vnd gepotten / die ist alle welt
erseufft vnd dise Epistel vnd alle heyllige schrift sampt dem
geyst vnd glawbẽ vertylget habẽ / das nichts mehr da blie-
ben ist/den der Abgott/Bauch/des diener sie hic

Sanct Paulus schilt / Gott er lose
vns von yhnen/Amen.

Das Erst Capitel.

Unter-
schrift

Paulus eyn knecht Jhesu Christi: beruffen zum Apo-
stel/ausgesondert zu predigen das Euangelion gottis
(wills er zuuor verheysen hat / durch seyne pro-
pheten / yn der heyligen schrift / von seynem son / der yhm
geporn ist von dem samten Dauid / nach dem fleisch / vñ
kressiglich erweyset eyn son gottis / nach dem geyst der do
heyliget/sint der zeyt er aufferstande ist von den todtenn/
nemlich/Jhesus Christ vnser her / durch welchen wir haben
empfangenn gnad vñ Apostel ampt vnter alle heyden/den
gehorsam des glawbens auffzurichten/vnter seynē namen/
wilcher yhr zum teyl auch seyt / die da beruffen sind von
Jhesu Christo)

Über-
schrift.

Allen die zu Rom sind / den liebsten gottis / vñ beruffnen
heyligē.

Grus.

Gnad sey mit euch vnd fride von got vnserem vater vnd
dem hern Jhesu Christo.

Ehrbetüg.

Auffs erst / dand ich meynem got / durch Jhesu Christ / ewr
aller haiben / das man von ewrem glawben ynn aller welt
sagt. Den got ist meyn zeuge / wilchem ich diene ynn meyn-
nem geyst/am Euangelio von seynem son/das ich on vnter-
lass ewr gedend / vñnd alleheyt ynn meynem gepet flehe /
ob ich yhe der mal eyne eynen fertigen weg haben mocht
durch gottis willen zu euch zu komen. Denn mich verlanget
euch zusehen / auff das ich euch mitteyle etwas geystlicher
gabe euch zustercken (das ist) das ich sampt euch trostet
wurde durch ewren vnd meynen glawben / den wir vnter-
inander haben.

Ich will euch aber nicht verhalten / lieben bruder / das ich
myr oft hab surgeseht zu euch zukomē / byn aber verhynd-
ert bisher / das ich etwas guttis schaffete auch vnter euch/
gleich

(Nach dē geyst
ic.) Der geyst
gottis ist geben
nach Christus
auffart / von da
an / heyliget er
die Christen vñd
verfleret Chris-
tum in aller
welt/das er got-
tis son sey / mit
aller macht/ynn
wortē / wunder
vñ zeychen.

DIE EPISTEL

gleich wie vnter andern heyden. Ich byn eyn schuldner beyde der kriechen vnnnd der vnkriechen / beyde der weysen vnnnd der vnweysen / darumb / so viel an myr ist / byn ich genevgt / auch euch zu Rom das Euangelion zupredigen.

Denn ich scheme mich des Euangelion von Christo nicht / denn es ist eyn krafft gottis / die da seligmacht / alle / die dran glewbenn / die Juden furnemlich / vñ auch die Kriechē / syntemal drynnē offinbart wirt die gerechticheyt die fur got gilt / welche kompt auß glawben ynn glawben / wie denn geschrieben stehet / Der gerechte wirt leben aus seynem glawben.

Denn gottis zorn von hymel wirt offinbart vbir alles gottloßes weesen vnnnd vnrecht der menschen / die die warheyt gottis auff halten ynn vnrechtē / darumb / das / das ihenige / so fundlich ist an got / offinbar bey yhn ist / denn got hats yhn offinbart / damit / das gottis vnichtbare weesen / das ist / seyn ewige krafft vnnnd gotheyt wirt ersehen / so man des warnympt bey den werden / vñ der schepffung der welt an.

Also / das sie seyn entschuldigung haben / die weyl sie erkandten / das eyn gott ist / vnnnd haben yhn nicht preysset als eyenen got / noch gedandt / sondern sind ynn yhem tichten eyttel worden / vnnnd yhr vnuerstendiges hertze ist verfinstert / da sie sich fur weyse hielten / sind sie zu narren worden / vñ haben verwandlet die herlicheyt des vnuerenglichen gottis / ynn eyn gleychnis eyns bilds des vergenglichen menschen / vnnnd der vogel / vnnnd der vierfussigen vnnnd der kriechende thiere.

Darumb hat sie auch got dahyn geben / ynn yhrer hertzen geluste / ynn vnreynicheyt / zuschenden yhr eygen leybe / durch sich selbst / die gottis warheyt haben verwandelt ynn die lügen / vnnnd haben geehret vñ gedienet dem geschepffe mehr denn dem schepffer / der do ist gebenedeyet ynn ewicheyt / Amen. Darumb hat sie got auch dahyn geben ynn schendliche

(tichten)
wo nicht glawbe
ist / do sellet die
vernufft vñ eynē
außs ander / bis
sie gar verblēdet
wirt / yñ yhem
tichten / wie
denn allen wey-
sen vnnnd spitzigen
kopffen ge-
schicht.

liche

liche luste / Denn yhre weyber haben verwandelt den naturlichen brauch ynn den vnnaturlichen / Desselbigen gleychen auch die man / haben verlassen den naturlichen brauch des weybs / vñ sind aneynander erhitet ynn yhren gelusten / vñnd haben man mit man schand gewirckt / vñnd den lohn yhrs yrthumbes (wie es denn seyn solt) durch sich selbst empfangen.

Vnd gleych wie sie nicht haben geacht / das sie gottis eyn wissen trugen / hatt sie got auch dahyn geben yn verkereten syn / zu thun / das vngeschiedt ist / vol alles vnrechten / hurerey / arges / geyhs / boßheit / voll haß / mords / hadders / listes / giftig / orenbleser / verleumbder / freucler / hoffertig / stolz / synanger / dē eltern vnghehorsam / den gott seynd ist / vnuerstendig / trewlose / vnfreuntlich / storrig / vnbarmerhertzig / die gottis gerechticheyt wissen (das die solchs thun / des tods würdig sind) thun sie es nicht alleyn / sondern haben auch lust an denen die es thun.

(synanger)
Die viel newer
funde auffbrin-
gē / als vnter
auffleuten /
Juristen vñnd
hoff schrancken
gesehen wirt.

Das Ander Capitel.

Drumb / o mensch / kanstu dich nicht entschuldigen / wer du bist / der da richtet / denn worynn du eyren andern richtist / verdampst du dich selbst / syntemal du eben dasselb thust / das du richtist / Denn wir wissen / gottis vrteyl ist nach d' warheyt / vber die / so solchs thun / Dendistu aber / o mēsch / der du richtist die / so solchs thun / vñnd thust auch dasselbige / das du dem vrteyl gottis entrynnen werdists? odder verachtistu den reychthum seynet guttichelt / gedult vñnd langmuticheyt? Weystu nicht / das dich gottis gutte zur busse leyttet?

Du aber nach deynē verstocktem vñ vnpußfertigem herzen / samlest dyr selbst eyn schach des zorns / auff den tag des zorns vñ der offinbarung des gerechten gerichtis gottis / wilcher geben wirt eynem yglichen nach seynen werden / nemlich /

(langmuticheyt)
Langmuticheyt
ist / wenn eyner
langsam ist zur
zornen / ob er
wol gerechyt
recht vñ macht
hat / auff la-
tinsch / tardus
ira / vñ ist dem
hebreyschē nach
gered / Arich
appaim / Vñnd ist
eyn tugent ey-
gētllich / die lang-
sam zurnet vñnd
strafft das vn-

preys

DIE EPISTEL

recht. Aber gedult ist die das vbel treget / an gut / leyb / vñ ehre / obs gleich mit recht geschehe. Guttikeyt ist die liebliche gesellschaft vnter nander vñ freuntlichs wesen.

Das naturlich geseh ist / was du wilt dyr gethann vnd vbir habē sein von ey nem andern / das thu vnd erhebe du auch eynen andern / darvnn das gang Moses geseh begriffenn ist. wie Christus sagt Mat. 7. an wilchē geseh die heyden auch nicht mehr dē dz euserlich werd thun / wie die Jude an Moses geseh. Vnd das verflagē vnd entschuldigen ist / das eyne sund grosser ist denn die ander / widder das geseh.

preyß vnd ehre vnd das vnuergenglich wesen / denen / die mit gedult ynn gutten werden trachtenn nach dem ewigen leben. Aber denen / die da zendlich sind vnd nicht gehorchen der warheyt / gehorchen aber dem vnrechten / vngnad vnd zorn / trubsal vñ angst / vbir alle seelen der menschen / die da boßes thun / furnemlich der Juden / vnd auch der friechen / preyß aber vnd ehre vnd friede / allen denen / die da guttis thun / furnemlich den Juden vnd auch den friechen.

Denn es ist leyen ansehen der person fur got / wilche on geseh gesündigt haben / die werden auch on geseh verloren werden / vnd wilche am geseh gesündigt haben / die werden durchs geseh verorteylt werden / Syntemal fur got nicht die das geseh horen / gerecht sind / sondern die das geseh thun werden rechtfertige seyn / Den so die heyden / die das geseh nicht haben / vnd doch von natur thun / des gesehs ynhalt / die selbigen / die weyl sie das geseh nicht haben / sind sie yhn selbs eyn geseh / damit / das sie beweyfenn / des gesehs werd sey beschriben ynn yhem herhen / syntemal yhr gewissen sie bezeuget / dazu auch die gedanden / die sich vnternander verflagen oder entschuldigen auff den tag / da got das verporgen der menschen / durch Jhesu Christ richten wirt / lautts meynes Euangelion.

Sihe aber zu / du heyßist eyn Jude vnd verlessist dich auff das geseh / vnd rhumist dich gottis / vnd weyßist seynen willen / vñ weyl du auß dem geseh vnterricht bist / pruffest du was recht vñ nit recht ist / vñ vermissst dich / zu seyn eyn leyter der blinden / eyn licht dero / die ym finsternis sind / eyn zuchtiger der torichten / eynen leter der eynseltigen / hast die forme was zuwissen vnd recht ist ym geseh / nu lerist du andere / vñ lerist dich selber nicht / Du predigest man solle nicht stelen / vnd du stelist / Du sprichst man solle nicht eebrechen / vnd du brichst die ehe / Dyr grawelt fur den abgotttern /

gottern / vnd raubist got was seyn ist / Du rhumest dich des
gesehs / vnd schendist got durch vbertretung des gesehs /
Denn ewert halben wirt gottis name verlestert vnter den
heyden / als geschrieben stehet.

(seyn)
Gottis ist die
ehre / die nehmen
vhn alle werd
heyligen.

Die beschneytung ist wol nuß / wenn du das geseh heltist /
heltistu aber das geseh nicht / so ist deyn beschneytung schon
eyn vorhaudt worden / so nu die vorhaudt des gesehs recht
helt / meynstu nicht / das seyne vorhaudt werde fur eyn
beschneytung gerechnet werden? Vnd wirt also / das von
natur eyn vorhaudt ist / vnd das geseh volendet / dich rich-
ten / der du vnter dem buchstaben vñ beschneytung das ge-
seh vbertrittest. Denn das ist nicht eyn Jude / der außwen-
dig eyn Jude ist. Auch ist das nicht eyn beschneytung / die
außwendig vñ fleisch geschicht / sondern das ist eyn Jude /
der vñwendig verporgen ist / Vnd die beschneytung des
herzen ist eyn beschneytung die vñ geyst vnd nicht vñ buch-
staben geschicht / wilchs lob ist nicht aus den menschen / son-
dern aus got.

(Vorhaudt)
Das heyst Pau-
lus die heyde /
darumb das sie
vñbeschneytten
sind.

(geyst)
Geyst heyst was
got vñ men-
schen vber die
natur wirckt.
Buchstab heyst
alles thun der
natur on geyst.

Das Dritte Capitel.

Was haben den nu die Juden vorteyls? oder was
nuget die beschneytüg? zwar fast viel / zum erstē /
vñ ist vertrauet was Gott gered hat / Das aber
etlich nicht glewbē an das selbige / was ligt dar an? solte
vñrer vnglaub gottis glaubē auffheben? das sey ferne /
Es bleybe viel weger also / das Got sey warhafftig / vñ
alle menschen lügenhafftig / wie geschrieben stehet / Auff
das du rechtfertig seyst vñ deynen wortten / vnd vñ-
wündest / wenn du gerichtet wüdest.

Ist aber also / das vñser vngerechtigcyeit / gotis gerecht-
cyeit preysset / was wollen wir sagen? Ist den got auch
vngerecht / das er druber zurnet (Ich rede also auff menschē
weyse) Das sey ferne / Wie kund den got die welt richten?

(herlicher wirt)
Dauid spricht /
Ich erkene me-
ne sund dñr al-
seyn hab ich ge-
sündigt vñ vbel
fur dñr than /
auff das du
rechtfertig seyst
vñ deynē wor-
ten / vnd vñ-
wündest / wenn
du gerichtet
wüdest ic. Das
lautt / als solt
man funde thun

DIE EPISTEL

auff das got
rechtfertig sey /
wie hie sanct
Paulus auch an-
heucht / vñnd ist
doch nicht also /
sondern wir sol-
len die sund er-
kennen / die vns
got schult gibt
vñn seynem ge-
seß / auff dz er
also warhafftig
vñ recht besenet
werde. Aber
vber disem er-
kenntnis zandē
die werckheyligē
mit got / vñnd
wollen phre
werck nicht sund
seyn lassen / vñ
mus also gott
vhr lugener /
vñd vñn seynen
wortten ge-
richt seyn / Den
sie sehen nur die
grobē werck sund
an / vñ nicht die
tieffe heubt erb
sund / darvñ die
natur empfan-
gen / geporn ist
vñd lebet / von
wilcher doch
Dauid vñ dē
versz redet. So
wil nu Paulus /
dz nit die sunde
got preysen /

Den so die warheyt gotis durch meyne lügen herlicher wirt
zu seynē preys / warumb solt ich den noch als eyn sunder
gerichtet werdē / vñ nicht viel mehr also thun (wie wir ge-
lestert werdē / vñ wie etlich sprechē / das wir sagē sollē)
Last vns vbel thun / auff das guts draus come? wilcher ver-
damnis ist gang recht?

Was sagen wir den nu? haben wir eyn vorteyl? gar seynen/
den wir haben droben vrfund geben / das beyde Juden
vñd kriechen alle vñter der sunden sind / wie den geschriben
steht / Da ist nicht der rechtfertig sey / auch nicht eyner / Da
ist nicht der verstendig sey / da ist nicht der nach Got frage /
Sie sind alle abgewichē / vñ allesampt vñtuchtig worden /
Das ist nicht der guts thue / auch nicht eyner. Vhr schlund
ist eyn offen grab / mit vhren zungē handeln sie truglich /
Ottern giffst ist vñter vhren lippen / vhrer mund ist voll
fluchens vñd bitterseyt / vhr fuß sind eylend blutt zuuor-
gissen / vñ vhren wegen ist / zustrung vñd zubrechung / vñ
den weg des frides wissen sie nicht / Es ist seyn furcht gotis
fur vhren augen.

Wir wissen aber / das / was das geseß saget / das sagets
denen / die vñter dem geseß sind / Auff das aller mund ver-
stopfft werde / vñ alle welt sey Gott schuldig / darumb / das
seyn flesch durch des geseßs werck fur vhm rechtfertig seyn
mag / Denn durch das geseß / kompt nur erkentnis der sund.
Nu aber ist / on zuthun des geseßs / die gerechticheyt die fur
got gilt / offinbart / bezeuget durch das geseß vñ die pro-
pheten. Ich sage aber von solcher gerechticheyt fur got / die
da kompt / durch den glawben an Ihesum Christ / zu allen
vñd auff alle / die da glewben.

Denn es ist hie seyn vñterscheid / sie sind alle zumal sunder /
vñnd mangeln des preyses den got an vhn haben seht / vñd
werden on verdienst gerechtfertiget / aus seynen gnad /
durch die erlösung / so durch Christo geschehen ist / wilchen
gott

psal. 13.

psal. 5.

psal. 1. 39

psal. 10.

Prouer. 1.

Isale. 59.

psal. 35.

gott hat furgestellt zu eynem gnade stuel/durch den glawben pnn seynem blut/damit er die gerechticheit/die fur ihm gilt/beweise/pñ dem/das er vergibt die sund/die zuuor sind geschehen vnter gotlicher gedult/die er trug/das er zu disen zeiten bewesete die gerechticheit/die fur ihm gilt/Auff das er alleyn gerecht sey/vnd rechtfertigen/der da ist des glawbens an Ihesu.

Wo ist denn nu deyn rhum? er ist außgeschlossen/durch wilch geseh? durch der werck geseh? Nicht also/sondern durch des glawbens geseh.

So halten wirs nu/das der mensch rechtfertigt werde/on zu thun der werck des gesehs/alleyn durch dē glawben/Odder ist Got alleyn der Juden Got? Ist er nicht auch der heyden Got? Ja freylich auch der heyden Got/syntemal es ist eyn Got der da rechtfertigt die beschneytung aus dem glawben/vnd die vorhaud durch den glawben. Wie? heben wir denn das geseh auff durch den glawbē? das sey ferne von vns/sondern wir richten das geseh auff.

Das Vierde Capitel.

Uls sagen wir denn vñ vnserm vater Abraham/das er sunden habe nach dem fleysch? das sagē wir/Ist Abrahā durch die werck rechtfertigt/so hat er wol rhum/aber nicht fur Got/Was sagt aber die schrift? Abrahā hat got geglaubet/vñ das ist ihm zur gerechticheit gerechnet. Dem aber/der mit werden ombgehet/wirt nicht das lohn aus gnade zugerechnet/sondern aus pflicht/dem aber/der nicht mit werden ombgehet/glewbt aber an den/der die gotlosen rechtfertigt/dem wirt seyn glawbe gerechnet zur gerechticheit. Nach wilcher weyse auch Dauid saget/das die selicheit sey alleyn des menschen/wilchem gott zurechnet die gerechticheit/on zu thun der werck/da er spricht/Selig sind die/wilchen phr vngerechtiget

(sonst wer es besser funde denn gults thun)sondernder sund bekēnis preysset gott vnd seyne gnade. Also bleybt got warhafftig vñ alle mensche lügenhafftig die solchs nicht bekennē wollē/vñ phr vnglaub macht gottis glawbe nicht zu nicht. Den er gewynnet doch vñnd bleybet warhafftig.

Merck disz/da er sagt/Sie sind alle sunder ic. ist das hewbtstuck vñ der mittelplatz diszer Epistel vñ der ganzen schrift. Nemlich/das alles sund ist/was nicht durch das blut Christi erloset/ym glawbē gerechtigt wirt. Drumb fasse disen text wol. Denn hie ligt darnyder aller werck verdienst vñ rhum/wie er

DIE EPISTEL

selb hie sagt / vñ
bleybt alleyn
lautter gottis
gnad vñ ehre.

(richten auff)
Der glawb er-
fullet alle gesetz/
die werd erful-
len seyn tittel
des gesehs.

Sie beweyset er
mit zweyen
exempel / das
verdienst nichts
sey / sondern
alleyn gottis
gnade.

Denn Abraham
glewbt vñ wart
rechtfertig ge-
lobt ehe den er
beschnytten
wart Gen. 16.
das phe die gna-
de fur dem werd
seyen musse.

ungerechtidest vergeben sind/vñ wilchen phr sund bedeckt
sind/Selig ist der man/wilchem got keyne sunde zurechnet.
Nu dißze selidest/gehet sie vber die beschneytung odder
vber die vorhaut? wir müssen phe sagen/das Abraham
sey seyn glawbe zur gerechtidest gerechnet/wie ist er phm
denn zugerechnet? pnn der beschneytung? odder pnn der
vorhaut? On zweyffel nicht pnn der beschneytung / son-
dern pnn der vorhaut / Das zeychen aber der beschneyt-
ung empfieng er zum siegel der gerechtidest des glaw-
bens / wilchen er noch pnn der vorhaut hatte/auff das er
wurde eyn vater/aller/die da glewben pnn der vorhaut/
das den selben solchs auch gerechnet werd zur gerechti-
dest/vñ wurde auch eyn vater der beschneytung/nicht al-
seyn dere/die vñ der beschneytung sind/sondern auch dere/
die eynher wandeln pnn den fußstapffen des glawbens/
wilcher war pnn der vorhaut vnser vaters Abraham.

Denn die verhepssung / das er solt seyn der welt eyn erbe/
ist nicht geschehen Abraham odder seynem jamen/durchs
geseh/sondern durch die gerechtidest des glawbens/Denn
wo die vom geseh erben sind / so ist der glawbe aus/vñ
horet die verhepssung auff / syntemal das geseh richt nur
zorn an/denn wo das geseh nicht ist/da ist auch seyn vñ ir-
trettung / Derhalbē ist die verhepssung geschehē durch den
glawben/auff das es gieng nach der gnade/damit die ver-
hepssung fest bestunde allem jamen / nicht dē alleyn / der
vom geseh ist/sondern auch dem/der des glawbens Abra-
ham ist/wilcher ist vnser aller vater/wie geschrieben stehet/
Ich habe dich geseht zum vater vieler heyden/fur got/dē du
glewbet hast/der do lebendig macht die todten/vñ ruffet
dem/das nicht ist/das es sey.

Vñnd er hat glawbt auff hoffnung / da nichts zu hoffen
war/auff das er wurde eyn vater vieler heyden/wie denn
zu phm gesagt ist / Also sol deyn same seyn/Vñd er ward
nicht

nicht schwach ym glawben / nam auch nicht gewar / seynes eygen leybes / wilcher schon erstorben war / weyl er fast hundertlerig war / auch nicht des erstorben leybs der Sara. Denn er zweyffelt nicht an der verheysung gottis / durch onglawben / sondern ward stark ym glawben / vnnnd gab Got den preys / vnd wuste auffß aller gewissest / das / was Got verheysset / das kan er auch thun. Darumb istß yhm auch zur gerechticheyt gerechnet.

Das ist aber nicht geschrieben / alleyn omb seynẽ willen / das yhm zugerechnet ist / sondern auch omb vnser willen / wilchen es sol gerechnet werdẽ / so wpr glewbẽ an den / der vnsern hern Jhesum Christ aufferweckt hat von den todten / wilcher ist omb vnser sund willen dahyn geben / vnd omb vnser gerechticheyt willen aufferweckt.

Das Sunfft Capitel.

In wpr denn sind rechtfertig worden durch den glawben / so haben wpr fride mit Got / durch vnsern herren Jhesu Christ / durch wilchen wpr auch eynen zugang haben ym glawben / zu dßer gnade / darynnen wpr stehen / vñ thumen ons der hoffnung der kunfftigen herlicheyt / die Got geben sol. Nicht alleyn aber das / sondern wpr thumen ons auch der trubfallen / die weyl wpr wissen / das trubsal gedult bringet / die gedult aber bringet erfahrung / die erfahrung aber bringet hoffnüg / die hoffnüg aber lasset nicht zuschanden werden. Das alles darumb / das die liebe gottis ist außgossen ynn vnser herzh / durch den heyligen geyst / wilcher ons geben ist.

Denn auch Christus / da wpr nach schwach waren nach der zept / ist fur ons gottlosen gestorben. Tu stirbt laume jemand omb des rechts willen / omb des guttis willen thurste vñleicht jemand sterben / Darumb preysset Got seyne liebe gegen ons / das Christus fur ons gestorbe ist / da wpr

wer Gott glewbt / der gibt yhm seynnehre / als / dz er warhaftig / almechtig / weys / gutt / sey / also erfüllet der glawb die erstenn drey gepot / vnnnd rechtfertiget den menschen fur Got / das ist denn der recht Gottis dienst.

(nach der zept)
Denn vñ ewig
seht alle glewbige
versehen sind / das sie aus
der schwachheit
nach

DIE EPISTEL

soltent erloset
werden / dar-
vnnē sie ein
zeptlang seyn.

nach sunder waren / so werdē wir yhe viel mehr durch yhn
behalten werden fur dem zorn / nach dem wir durch seyn
blutt rechtfertiget sind.

Denn so wir Gotte versunet sind durch den tod seynes
sons / da wir noch seynde waren / viel mehr / werden wir
selig werden durch seyn leben / so wir nu versunet sind.

(Gottis)

Das Got vnser
sey vñ wir seyn
seyn / vñnd alle
guter gemeyn
vñ yhm vñnd mit
yhm haben ynn
aller zuuersicht.

Nicht alleyn aber das / sondern wir rhumen vns auch Got-
tis / durch vnsern hern Ihesu Christ / durch wilchen wir nu
die versunung empfangen haben.

Verhalben / wie durch eynen menschen die sund ist komen
ynn die welt / vñnd der tod durch die sund / vñnd ist also der
tod vber alle menschen durchgangenn / die weyl sie alle ge-
sündigt hatten. Denn die sund war ynn der welt biß auff
das geseh / aber wo seyn geseh ist / da acht man der sund
nicht / sondern der tod hirschte von Adam an biß auff Mo-
sen / auch vber die / die nicht gesündigt hatten mit gleycher
vbertretung / wie Adam / wilcher ist eyn bild des der zu-
kunfftig war.

(bild)

wie Adam vns
mit frembder
sund on vnser
schuld verderbet
hat / also hat vns
Christus mit
frembder gnad
on vnser ver-
dienst selig ge-
macht.

Aber nicht helt sichs mit der gabe wie mit der sunde / Denn
so an eyne sunde viel gestorben sind / so ist viel mehr Gottis
gnad vñnd gabe vielen reychlich widderfaren / durch die
gnade / die eynem menschen Ihesu Christo widderfaren ist.
Vñnd nicht ist die gabe alleyn vber eyne sund / wie durch des
eynigen sunders eynige sund alles vorderben. Denn das
vrtzepl ist komen aus eyner sund zur verdamniss / die gabe
aber aus vielen sunden zur rechtfertigkeitt / Denn so vmb des
eynigen sund willen der tod gehirscht hat durch den eynen /
viel mehr werden die / so do empfangen haben die fulle der
gnad vñnd der gaben zur gerechtikeit / hirschen ym leben
durch eynen Ihesu Christ.

(durch eynen)

Merck / das er
hie vñ der erb-
sund redet /
wilch komē ist
von Adams vn-
gehorsam / da-
her es alles
sundlich ist / was
an vns ist.

Wie nu durch eyne sund die verdamniss vber alle men-
schen komen ist / also ist auch durch eyne rechtfertigkeitt die
rechtfertigung des lebens vber alle menschen komen. Denn
gleych

gleich wie durch eynes menschen ungehorsam/viel Sunder worden sind/also auch durch eynes gehorsam/werden viel gerechten.

Das geseh aber ist neben eynfomen/auff das die sund oberhand nehme/wo aber die sund oberhand genommen hat/da hat auch die gnade noch mehr oberhand genomen/auff das/gleich wie die sund hirschet hat zu dem tod/also auch hirsche die gnade/durch die gerechticheyt zum ewigen leben/durch Ihesum Christ.

wie Adams sund vnser eygen wordē ist / also ist Christus gerechticheyt vnser eygen worden.

Das Sechst Capitel.

Was wollen wir hiezu sagen? sollen wir dennynn der sund beharren / auff das die gnade oberhand neme? das sey ferne von vns / Wie solten wir yyn sunden wollen leben/der wir abgestorben sind? Wisset ihr nicht? das/alle die wir yyn Ihesum Christ taufft sind/die sind yyn seynen todt getauffet? So sind wir yhe mit yhm begraben durch die tauffe yn den todt / auff das / gleich wie Christus ist aufferweckt vñ den todten/durch die herlicheit des vaters / also sollen auch wir / yyn eynē neuen leben wandeln. So wir aber sind sampt yhm gepflanzt worden/zu gleichem todt/so werden wir auch der aufferstehung gleich seyn / Die weyl wir wissen/das vnser alter mensch mit yhm gecreuzigt ist/auff das da seyre der sundliche leyb/das wir fort mehr der sunden nicht dienen/Denn wer gestorben ist / der ist gerechtfertiget von den sunden.

Sind wir aber mit Christo gestorben/so gleuben wir/das wir auch mit yhm leben werden/vnd wissen/das Christus von den todten erweckt/hynsurt nicht stirbt / der tod wirft hynsurt ober yhn nicht hirschen/Denn das er gestorben ist/das ist er der sunden gestorben zu eynē mal / das er aber lebet/das lebet er gotte. Also auch ihr/haltet euch dafur/

das

(yyn seynen todt) das wir auch (wie er) sterbē / denn wir sterben der sund nicht/das fleisch sterbe denn auch leyplich.

DIE EPISTEL

das pht der funde gestorbē seyd/vñ gotte lebet/durch Jhesum Christ vnsern hern.

Merck die heyligē haben noch bose luste ym fleysch/ben sie nicht folgen.

So lange die gnade regirt/bleybt dz gewis- sen frey/vñ zwingt die sünd ym fleysch/Aber onn gnade regirt sie/vñ das gesetz verdammet das gewis- sen.

So laß nu die funde nicht hirschen yñ ewrem sterblichen leybe/gehorsam zuleyßen seynē lusten. Auch begeben nicht der fundē ewre glider zu waffen der vngerechtikeit/sondern begeben euch selbst Gotte/als die da aus den toten lebendig sind/vñ ewre glidder Gotte zu waffen der gerechtikeit. Deñ die fund wirt nit hirschen fundē vber euch/syntemal pht nicht seyt vnter dē gesetz/sondern vnter der gnade.

Wie denn? sollen wir sundigen/die weyl wir nicht vnter dem gesetz/sondern vnter der gnade sind? das sey ferne von vns/Wisset pht nicht/wilchem pht euch begeben zu knechten/yñn gehorsam/des knechte seyt pht/dem pht gehorsam seyt? es sey der funde zum todt/odder dem gehorsam zur rechtfertikeit. Got sey aber gedankt/das pht knechte der funde gewesen seyt/aber nu gehorsam worden von herthē dem furbild der lere/wilchem pht ergeben seyt. Denn nu pht frey worden seyt von der funde/seyt pht knechte worden der gerechtikeit.

Ich wil menschlich dauon redenn/vmb der schwacheyt willen ewris fleyschs/gleich wie pht ewre glider begebē habt zu dienste der vnreynikeit/vñ von eyner vnrechtikeit zu der andern/also begeben auch nu ewer glider zu dienste der gerechtikeit/das sie heylig werden. Denn da pht der funde knechte waret/da waret pht frey vñ der gerechtikeit/was hattet pht nu zu der zeit fur eyn frumen? wilches pht euch pht schemet/Denn das ende solcher ding/ist der todt. Nu pht aber seyt von den sunden frey/vñ der gerechtikeit knechte worden/habt pht ewre frucht das pht heylig werdet/das ende aber/das ewige leben. Deñ der tod ist der sunden solt/aber die gabe gottis ist das ewige leben yñn Christo Jhesu vnserm hern.

Das

Das Siebend Capitel.

Wisset ihr nicht/lieben bruder (denn ich rede mit denen/die das gesetz wissen) das/das gesetz hirschet vber dē menschen so lange er lebet? Deñ eyn weyb/das vnter dem man ist/die weyl der man lebt/ist sie verpunden an das gesetz/so aber der man stirbt/so ist sie losz vom gesetz/das den man betrifft/Wo sie nu bey eynē andern man ist/weyl der man lebet/wirt sie ein ehebrecheryn geheissen/So aber der man stirbt/ist sie frey vom gesetz/das sie nicht eyn ehebrecheryn ist/wo sie bey eynem andern man ist. Also auch ihr / meyn bruder / seyd getodtet dem gesetz / durch den leyb Christi / das ihr bey eynem andern seyd / nemlich/bey dem/der von den todten auffserweckt ist/auff das wir Gotte frucht bringen / Denn da wir im fleisch waren/da waren die sundlichen luste (welche durchs gesetz sich erregeten) geweltig vnn vnseren gelidern dem tod frucht zubringen. Nu aber sind wir vom gesetz losz / vnd vhm ab gestorben / das vns gefangen hielt/also/das wir dienen sollen im neuen weesen des geysts vnd nicht im alten weesen des buchstaben.

Was wollen wir denn nu sagen? Ist das gesetz sund? das sey ferne/Aber die sund erkant ich nicht/on durchs gesetz/denn ich wuste nichts von der lust/wo das gesetz nicht hette gesagt/Laß dich nicht gelusten / Da nam aber die sund eyn vrsach am gepot/vnd erreget yn myr allerley lust / Deñ on das gesetz/war die sunde tod / Ich aber lebete etwan on gesehe/da aber das gepot kam/ward die sunde widder lebend / Ich aber starb / vnd es besand sich/das das gepot/myr zum tod reychet/das myr doch zum leben geben war / Denn die sund nam eyn vrsach am gepot / vnnnd betrog mich / vnd todtet mich durch dasselb gepot / Das gesetz ist vhe heylig/vnd das gepot heylig recht vnd gut.

Ist

DIE EPISTEL

(thun) Ist denn / das da gut ist / myr eyn todt wurden? das sey
 thun heyst hie ferne. aber die sund / auff das sie erscheyne / wie sie sund ist /
 nicht das werd hat sie myr durch das gutte den todt gewirckt / auff das die
 volbringenn / sund wurde ober auß sundig durchs gepot / Denn myr wiß
 sondern die luste fulen das sie sich sen / das / das geseh geystlich ist / ich byn aber fleyschlich / vn
 regen. Volbrin ter die sund verkaufft / denn ich wepß nicht was ich thue.
 gen aber ist / on Denn ich thu nicht das ich wil / sondern das ich hasse / das
 luste lebenn thu ich / So ich aber das thu / dz ich nicht wil / so bewillige
 ganß reyn / das ich / das das geseh gut sey / So thu nu ich dasselb nicht / son
 geschicht nit pñ dern die sund / die ynn myr wonet / den ich wepß / das ynn
 diesem leben. myr / das ist / yn meynem fleysch / wonet nichts gutis. Wollē
 (ynwendigen) hab ich wol / aber volbringē das gutte finde ich nicht / denn
 Ynwendiger menssch heyst hie das gutte / das ich wil / thu ich nicht / sondern das bose / das
 der geist aus ich nicht wil / das thu ich / So ich aber thu das ich nicht wil / so
 gnadē geporn / thu ich dasselb nicht / sondern die sund die ynn myr wonet.
 wilcher ynn den So finde ich nu eyn gesehe myr / der ich wil das gutte thun /
 heyligen streyt tet widder den das myr das bose anhangt / Denn ich habe lust an gottis
 euserlichen / das geseh / nach dē ynwendigen menschen / ich sehe aber eyn an
 ist / vernunft der geseh ynn meynen gelidern / das da widderstreytet
 synn / vñ alles dem geseh ynn meynem gemute / vñd mich gefangen nympt
 was aus natur ynn der sunden geseh / wilchs ist ynn meynen gelidern. Ich
 am mensche ist. elender menssch / wer wirt mich erlossen von dem leybe dieses
 (dieses tods.) todtis? Ich dancke Got / durch Ihesum Christ vnsern hern /
 Todt heyst er hie So diene ich nu mit dē gemute dem geseh gottis / aber mit
 den lamer vñ dem fleysch / dem geseh der sunden.

Das Acht Capitel.

8. Pharaos sprach / Nym
 diesen todt (das
 warenndie hew
 schrecken) von
 myr.
 (verdamllich) Ob wol noch
 sund ym fleysch

So ist nu nichts verdamllich an denen / die ynn Chriss
 to Ihesu sind / die nicht nach dem fleysch wandeln /
 sondern nach dē geyst / Den das geseh des geysts /
 der da lebendig macht ynn Christo Ihesu / hat mich frey ge
 macht von dem geseh der sunden vñd des tods / Den das
 dem geseh unmuglich war (derhalben es auch durch das
 fleysch

fleisch geschweht wart) das thett gott / vnd sandte seynen son pnn der gestalt des sundlichen fleischs / vnd verdampt die sund pnn fleisch durch sund / auff das die gerechtigkeit vom gesetz erfordert / pnn vns erfüllet wurde / die wpr nu nicht nach dem fleisch wandeln / sondern nach dem geyst.

Denn die da fleischlich sind / die sind fleischlich gesponnet / die aber geystlich sind / die sind geystlich gesponnet. Aber fleischlich gesponnet seyn / ist der tod / vnd geystlich gesponnet seyn / ist leben vnd fride. Den fleischlich gesponnet seyn / ist eyne feindschaft wider got / syntemal es dem gesetz gottis nit unterthan ist / denn es vermags auch nicht. Die aber fleischlich sind / mugen got nicht gefallen.

Ihr aber seyt nicht fleischlich / sondern geystlich / so anders gottis geyst pnn euch wonet. Wer aber Christus geyst nicht hat / der ist nicht seynn / so aber Christus pnn euch ist / so ist der leyb zwar tod / vmb der sunden willen. Der geyst aber ist das leben / vmb der gerechtigkeit willen. So nu der geyst / des / der Ihesum von toden aufferweckt hatt / pnn euch wonet / so wirt auch der selb / der Christum von den toden aufferweckt hat / ewre sterbliche leybe lebendig machen / vmb des willen / das seyn geyst pnn euch wonet.

So sind wpr nu / liebe bruder / schuldenet / nicht dem fleisch / das wpr nach dem fleisch leben / denn wo phr nach dem fleisch lebet / so werdet phr sterben müssen / wo phr aber durch den geyst des fleischs geschafft todtet / so werdet phr lebenn / Denn die der geyst gottis treybt / die sind gottis kinder / Denn phr habt nicht eynen knechtlichen geyst empfangen / das phr euch abermal furchten musset / sondern phr habt eyn kindlichen geyst empfangen / durch welchen wpr schreyen / Abba / lieber vatter / der selbige geyst versichert vnsern geyst / des / das wpr gottis kinder sind / Sind wpr denn kinder / so sind wpr auch erben / nemlich / gottis erben /
vnd

wutet / so verdampft es doch nicht / darüb das der geyst rechtfertig ist / vnd dawider streykt / wo der selb nicht ist / da wirt dz gesetz durchs fleisch geschweht vñ obtrittet / das vnmöglich ist / das dē mensche das gesetz helfen solt denn nur nur sund vnd todt. Darumb sand gott seynen son / vñ lud auff phn vnser sund / vñ halff vns also / das gesetz erfüllē durch seynen geyst.

(fleischlich)
Fleischlich gesponnet sein ist / dz man nichts nach gotte fragt / obder seyn nicht acht / vnd nichts dauon heilt.

DIE EPISTEL

vnd miterben Christi/so wir anders mit leyden / auff das wir auch mit zur herlichkeit erhabē werden.

Denn ich halts dafur/das diser zeit leyden/der herlichkeit nicht werd sey / die an vns sol offinbart werdē. Deñ das endlich hattē der creatur/wartet auff die offinbarung der kinder gottis / syntemal die creatur vnterworffen ist der eytelkeit/on phren willen/sondern vmb des willen/der sie vnterworffen hat / auff hoffnung / denn auch die creatur frey werdenn wirt/von dem dienst des vergenglichen wesens/zu der herlichen freyheyt der kinder gottis/denn wir wissen/das alle creatur sehnet sich semplich/vnd engstet sich noch ymer dar.

(engstet)
wie ein weyb
ynn kindes not-
ten.

Nicht alleyn aber sie/sondern auch wir selbst/diewir haben des geysts erstling / sehnen vns auch bey vns selbst / nach der kindschafft / vnd warten auff vnser leybes erlösung / denn wir sind wol selig worden / doch ynn der hoffnung / die hoffnung aber die man sihet/ist nicht hoffnung/deñ wie kan man des hoffen/das man sihet? So wir aber des hoffen/das wir nicht sehen/so wartten wir seyn durch gedult. Des selben gleychen auch der geyst hilfft auff vnser schwacheyt/denn wir wissen nicht was wir beten sollen wie sichs gepurt/sondern der geyst vertritt vns selbst mechtiglich/mit vnaussprechlichem sehnen/Der aber die hergē forschet/der weys/was des geysts mut sey / denn er vertritt die heyligen/nach dem das got gefellet. Wir wissen aber / das denen die got lieben alle ding zum besten dienen / die nach dem fursatz beruffen sind / Denn wilche er zuuor versehen hat/die hat er auch verordnet / das sie gleychertig seyn solten / dem ebenbild seynes sons / auff das der selbige der erste geporner sey vnter vielen brudern/Wilche er aber verordnet hat/die hat er auch beruffen/wilche er aber beruffen hat / die hat er auch rechtfertiget / wilche er aber hat rechtfertiget / die hat er auch herlich gemacht.

Was

Was wollen wir nu hiezu sagen? Ist got fur ons/wer mag widder ons seyn? wilcher auch seynem eygen son nicht hat verschonet/sondern hat ihn fur ons alle dahyn geben/wie solt er ons mit ihm nicht alles schēden? Wer wil die auferweletē gottis beschuldigen? Got ist hie/der da rechtfertiget. Wer wil verdamnē? Christus ist hie/der gestorben ist/la viel mehr/der auch aufferweckt ist/wilcher ist zur rechten gottis/vnd vertritt ons.

Wer wil ons scheyden von der liebe gottis? Trubsal? oder angst? odder verfolgung? odder hunger? odder bloffe? oder sehtidēpt? odder schwert? wie geschrieben steht/Umb deynen willen werden wir todtet den ganzen tag/wir sind gerechnet fur schlacht schaff. Aber yn dem allem vbitwin-den wir weyt/umb des willen/der ons geliebt hat. Den ich byns gewisz/das/wider todt noch leben/nach engell/nach furstenthum/nach gewalt/nach legewertiges/nach zukunfftiges/nach hohes/nach tieffes/nach seyn ander creatur mag ons scheydē vō der liebe gottis/die yn Christo Jhesu ist vnserm hern.

Das Neunde Capitel.

Ich sage die warheyt yn Christo/vnd liege nicht/des wir zeugnis gibt meyn gewissen yn dem heyligen geyst/das ich grosse trauridēpt vnnnd schmerzhenn on unterlaß yn meynem herzhenn habe. Ich habe gewundschet verbannt zu seyn vō Christo/fur meyne bruder/die meyne gefreundten sind nach dem fleysch/die da sind von Jsrael/wilcher ist die kindschafft/vnnnd die herlidēpt/vnd die testament/vñ das geset/vnd der gottis dienst/vnd die verheysung/wilcher auch sind die veter/aus welchen Christus herkompt/nach dē fleysch/der da ist got vber alles/gebenedeyet yn ewidēpt/Amen.

Aber nicht sag ich solchs/das gottis wort darumb auß sey/
denn

DIE EPISTEL

denn es sind nicht alle Israeliter/die von Israel sind / auch nicht alle die Abrahams samen sind / sind darüb auch sin. Gen. 21
 der. Sondern yn Isaac sol dyr der same genennet seyn / das ist / Nicht sind das gottis kinder / die nach dem fleisch kinder sind / sondern die kinder der verheßung werden fur samen gerechnet/Deñ diß ist eyn wort der verheßung/ Gen. 18
 da er spricht / Dmb diße zeýt wil ich kommen / vñnd Sara sol eyne son haben.

Nicht alleyn aber istis mit dem also/sondern auch da Re- Gen. 25
 becca von eynem schwanger war / nemlich von Isaac vñ-
 ferm vatter/ehe die kinder geporn waren/vñnd wídder guts
 noch böses than hatten/auff das der furjah gottis bestunde
 nach der wale/wart zu phr gesagt/nicht aus verdienst der
 werck/sondern aus gnade des beruffers/also/Der grosser
 sol dienstpar werden dē fleynern / wie deñ geschriben ste- Mala. 1.
 het/Jacob hab ich geliebet/aber Esau hab ich gehasset.

Was wollen wir denn hie sagen? Ist denn got vñgerecht?
 das sey ferne / denn er spricht zu Moßen. Wilchem ich gne- Exo. 33
 dig byn dem byn ich gnedig / vñnd wilchs ich mich erbarme
 des erbarme ich mich. So ligt es nu/nicht an yemants wol-
 len odder lauffen / sondern an gottis erbarmē. Deñ die
 schrift saget zum Pharaο / Eben darumb hab ich dich er- Exo. 9.
 weck/das ich an dyr meyne macht erhege/auff das meyn
 name verkündiget werde ynn allen landenn/So erbarmet
 er sich nu / wilchs er wil / vñnd verstoß wilchen er wil.

So sagestu zu myr / was schuldiget er denn vns? wer kan
 seynem willen wídderstehen? Ja lieber mensch / wer bistu
 denn / das du mit got rechtē wilt? Spricht auch eyn werck
 zu seynē meyster/warumb machstu mich also? Hat nicht eyn
 topffer macht/ausz eynē klumpen zumachen/eyn saß zu den
 ehren/vñnd das ander zu der vñchre? Der halben da got
 wolt zorn erhegen/vñnd fund thun seyn vermugen / hat
 er mit grosser gedult erfur bracht die gefess des zorns/die
 da

- da zugericht sind zur verdammis/auff das er fundt het den
 reychtumb seyner herlickheit rber die gesetz der barmherzi-
 gkeyt/die er bereyttet hat zur herlickheyt/wilche er beruffen
 hat nicht alleyn aus den Juden/sondern auch aus den hey-
 den/wie er den auch durch Osee spricht/Ich wil das meyn
 vold heysen/das nicht meyn vold ist/vnd meyn liebste/die
 nicht die liebste ist/vñ sol geschehen an dem ort/da zu yhn
 gesagt ward/Ihr seyt nicht meyn vold/sollen sie genennet
 werden kinder des lebendigen gottis.
- Osee. 2.
- Esa. 10. Esaias aber schreyet fur Israel/wen die zal der kinder vñ Is-
 rael wurde seyn/wie der sand am meer/so wirt doch nur das
 vbrige selig werden/denn da ist das wort/das da volendet
 vñ abfurht ynn der gerechtikeyt/denn eyn verflucht wort
 wirt got machen auff erden/Vnd wie Esaias dauer saget/
 Eja. 1. wen vns nicht der herr Zabaoth hette lassen samen vñ bley-
 ben/so weren wir wie Sodoma wordē/vnd gleych wie So-
 morra.
- Was wollen wir nu hie sagen? Das wollen wir sagē/Die hey-
 den/die nicht haben nach der gerechtikeyt gestanden/haben
 die gerechtikeyt erlanget. Ich sage aber von der gerechtis-
 keyt/die aus dem glawben kompt. Israel aber hat dem gesetz
 der gerechtikeyt nach gestanden/vnd ist nicht zu dem gesetz
 der gerechtikeyt yhenen furkomen. Warumb das? darumb/
 das sie es nicht aus dem glawben/sondern als aus dem ver-
 dienst der werck suchen. Denn sie habē sich gestoßen an den
 steyn des anlauffens/wie geschrieben sthet/Sihe da ich lege
 ynn Zion eynen steyn des anlauffens/vnd eyn felsz des erget-
 nis/vnd wer an yhn glewbet/der sol nit zu schanden werden.
- Jsa. 28.

(anlauffene)
 Christus recht-
 fertiget on
 werck/das glew-
 ben sie nicht/al-
 so stoßen sie sich
 an yhm vñ er-
 gern sich.

Das Zehend Capitel.

Ieben bruder / meyns herzhē wundsch ist / vñ flehe
 auch Gotte fur Israel / das sie selig werdē / Den ich
 gebe yhn des zeugnis / das sie eyfern vmb Gott / aber
 mit

DIE EPISTEL

mit vnuerstand / Deñ sie erkennen die gerechticheit nicht / die fur Got gilt / vnd trachten ihre eygen gerechticheit auffzurichten / vnd sind also der gerechticheit / die fur Got gilt / nicht vnterthan. Deñ Christus ist des gesetzes ende / daran rechtfertig wirdt / wer do glewbt.

(Drynne leben)
Das ist / er meydet durch eusserlich werd die eusserlich straff des gesetzes / aber das ist nichts fur Gott.

(gen hymel)
wer nicht glewbt das Christus gestorben vnd auferstanden ist / vns dō sunden rechtfertig zumachen / Der spricht / wer ist gen hymel gestiegen vnd die tieffe gesarn / das thun aber die so mit werden vñ nicht mit glawben wollen rechtfertig werden / ob sie wol mit dem mund auch also sagen / aber nicht im herzen. Emphas ist est in verbo / im herzen.

Moses schreybt wol von der gerechticheit / die aus dem Gesetz kommt / welcher mensch diß thut / der wirdt drynnen leben. Aber die gerechticheit aus dem glawben spricht also / Deutro. 30.
Sprich nicht pnn deinem herzen / wer wil hinauff steigen gen hymel? (das ist nicht anders deñ Christum erab holen) odder / wer wil hinab steigen pnn die tieffe? (das ist nicht anders / denn Christum von den todten holen) Aber was saget die schrift? das wort ist dyr nahe / nemlich / pnn deinem mund / vnd pnn deinem herzen.

Diß ist das wort vom glawben das wir predigen / Denn so du mit deinem mund bekennest Ihesum / das er der herr sey / vnd glewbist pnn deinem herzen / das phn Got von den todten auferweckt hat / so wirstu selig / Denn so man von herzen glewbt / so wirdt man rechtfertig / vnd so man mit dem mund bekennet / so wirdt man selig. Deñ die schrift spricht / wer an phn glewbt / wirdt nicht zuschandē werden. Jsa. 28.
Es ist hie leyen vnterscheid / Es ist allerthumal eyn herre / reich vber alle / die phn anruffen / Denn wer den namen des herren wirdt anruffen / sol selig werden / Wie sollen sie aber anruffen / an den sie nicht glawben? wie sollen sie aber glawben / von dem sie nichts gehoret haben? wie sollen sie aber horen / on prediger? wie sollen sie aber predigen / wo sie nicht gesand werden? wie deñ geschrieben stehet. Wie lieblich sind die fusse / dere / die den fride verkundigen / die das gute verkundigen / Aber sie sind nit alle dem Euangelio gehorsam / Deñ Jsaías spricht / Herre / wer hat glewbet vnserem predigē? So kommt der glawbe / aus der prediget / das predigen aber durch das wort gottis. Ich sage aber /

- aber / haben sie es nicht gehoret? zwar es ist yhe ynn alle
 psal. 18. land außgangen yhrer schal / vnd ynn alle welt yhre wort.
 Deu. 32. Ich sage aber / hats Jsrael nicht erlanbt? Auffß erst spricht
 Moyses / Ich wil euch eyfern machen vber dem / das nicht
 meyn volda ist / vnd vber eynem vnuerstendigen volda wil ich
 Jsa. 65. euch erthurnen / Jsaias aber ist thurstig vnd spricht / Ich byn
 erfunden von denen / die mich nicht gesucht haben / vnd
 byn erschynen denen / die nicht nach myr gefragt haben /
 Jsa. 65. Zu Jsrael aber spricht er / Den ganzen tag hab ich meyne
 hende außgestreckt zu dem volda das yhm nicht sagen leß /
 vñ wißdet spricht myr.

Das Eylffte Capitel.

So sage ich nu / Hat denn Gott seyn volda vñ sich ge-
 stossen? das sey ferne / Denn ich byn auch eyn Jsrae-
 liter von dem samen Abraham / aus dem geschlecht
 Benjamin / Gott hat seyn volda nicht von sich stossen / wilchs
 er zuuor versehen hat / Odder / wißet yhr nicht / was die
 3. Reg. 19 schrifft saget von Elia / wie er tritt fur Got wißder Jsrael /
 vnd spricht / Herr / sie haben deyne propheten todtet / vnd
 haben deyne altar außgraben / vnd ich byn alleyn vber-
 blieben / vnd sie stehen myr nach meynem leben. Aber was
 saget yhm das gotlich antwort? Ich habe myr lassen vber-
 bleyben sieben tausent man / die nicht haben yhre knye beu-
 get fur dem Baal. Also ist auch mit disen vberbliebenen
 nach der mal der gnaden / yht zu diser zept ergangen. Jts
 aber aus gnaden geschehen / so ist das verdienst nichts / sonst
 wurde gnade nicht gnade seyn / Jts aber aus verdienst /
 so ist die gnade nichts / sonst were verdienst nicht verdienst.
 Wie denn nu? das Jsrael gesucht hat / das hat er nicht er-
 langet / die wall aber hats erlanget / Die andern sind ver-
 stoßt / wie geschriben stehet / Got hat yhn geben eynen
 stachlichen geyst / augen das sie nicht sehen / vnd oren das
 sie

(versehen)
 Es ist nicht alles
 Gottis volda /
 was Gottis volda
 heyst / drum
 wirts auch nicht
 alles verstoßen /
 ob das mehrer
 teyl auch ver-
 stoßen wird.

(die mal)
 Das ist / die er-
 welet sind ym
 volda Gottis.

DIE EPISTEL

sie nicht horen/bis3 auff den heutigen tag. Vnd Dauid spricht/ psal. 68.
 Laß phren tisch werden zu eynem strick / vnd zu eynrer be-
 ruckung / vnd zum ergernis / vñ phn zur vergeltung / Ver-
 blende phr augen das sie nicht sehen / vnd beyge phren ru-
 den alheyt.

So sage ich nu / haben sie darumb angelauffen / das sie
 fallen sollten? das sey ferne / sondern aus phrem fall ist den
 heyden das heyl widderfaren / auff das sie an den selben
 sich epfferen sollten / Denn so phrer fall der welt reychtumb
 ist / vñ phr abnemen ist der heyde reychtumb / wie viel mehr
 wer es also / wenn phr fulle da were? Mit euch heyden
 rede ich / Denn die weyl ich der heyden Apostel byn / wil ich
 meyn ampt preysen / ob ich mocht die meyn fleysch sind /
 zu epffern reychen / vnd phr etlich selig machen. Denn so ph-
 rer verlust der welt versunung were / was were das an-
 ders / denn als wenn man das leben vñ den todten her-
 nehme? Ist der anbruch heylig / so ist auch der ganze tegg
 heylig / vñ so die wurzel heylig ist / so sind auch die zweyge
 heylig.

Ob aber nu etliche vñ den zweygeu zubrochen sind / vnd du/
 da du eyn wilder olhawm warist / bist vnter sie gepstopfft/
 vnd teylhafftig worden der wurzel vñnd des saffts des ol-
 bawms / so rhume dich nicht widder die zweyge / rhumi-
 stu dich aber widder sie / so tregistu phe die wurzel nicht /
 sondern die wurzel tregt dich / So sprichstu / die zweyge
 sind zebroche / das ich hyneyn gepstopfft wurde. Ist wol
 gered / Sie sind zebroche vmb phres unglawbens willen /
 du stehest aber durch den glawben / Sey nicht stolz / sondern
 furcht dich / hatt Gott der naturlichen zweygen nicht ver-
 schonet / das er villeycht deyn auch nicht verschone.

Darumb schaw die gutte vnd den ernst Gottis / den ernst
 an denen die gefallen sind / die gute aber an dyr / so fern
 du an der gute bleybest / sonst wirstu auch abgehawen
 werden /

(verlust)
 wie das geseh
 nicht ist vmb der
 sūd willen zu-
 mehrn / son-
 dern die selben
 zurekennenn / Al-
 so sind die Jude
 nicht gefallen
 vmb der heyden
 besserung wil-
 len / sondern dz
 sie zu epfer ge-
 reycht werden
 den heyde zusol-
 gen. wie er dro-
 be auch das geseh
 gutt befennet /
 das doch eyn ur-
 sach mehrer sun-
 den ward / also
 widder umb der
 Juden fall wol
 bose ist / vñnd
 doch ein ursach
 des gutten vnter
 den heyden
 werden ist.

werden / vnn̄d yhene / so sie nicht bleyben ynn dem vnglaw-
bē / werden sie eyngestropffst werden / Got kan sie wol wid-
der eynstropffen. Denn so du aus dem naturlichen wilden
olebaum bist außgehawen / vnd widder die natur yñ den
guten olebaum gestropffst / wie viel mehr werden die na-
turlichen eyngestropffst yn yhren eygen olebaum?

Ich will euch nicht verhalten lieben bruder / dieses geheym-
nis / auff das yhr nicht bey euch selb flug seyt. Blindheyt
ist Jsrael eyns teyls widderfaren / so lange biß die fulle
der heyden eyngangen sey / vnn̄d also das ganz Jsrael selig
werde / wie geschriben sthet / Es wird komen aus Zion

Isa. 59. der da erlose / vnd abwende / das vngotlich wesen von Ja-
cob / vnd diß ist meyn testament zu yhn / wenn ich yhr sund
werd wegnehmen. Nach dē Euangelion halt ich sie fur seyn-
de / vmb ewrē willen / aber uach der wal hab ich sie lieb /
vmb der veter willen.

Gottis gaben vnd beruffung mugen yhn nicht gerewen /
Denn gleycher weyse / wie auch yhr / weyland nicht habt
gegleubt an Got / nu aber habt yhr barmherzigkeit vber-
komen vber yhrem vnglawben / also auch yhene / haben yht
nicht wolt gleuben an die barmherzigkeit die euch widder-
faren ist / auff das sie auch barmherzigkeit vberkommen /
Denn Got hats alles beschlossen vnter dem vnglawben /

Q wilche eyne tieffe des reychtums / beyde der weyszheyt
vnn̄d der erkentnis Gottis / wie gar vnbegreyfflich sind seyne
gericht / vnd vnerforschlich seyne wege. Denn wer hat des
hern ynn erland? odder wer ist seyn radgebe gewesen? od-
der wer hat yhm was zuuor geben / das yhm werde wid-
der vergolten? Denn von yhm vnn̄d durch yhn / vnd zu yhm
sind alle ding / yhm sey preysz ynn ewigkeit Amen.

(beschlossen)
Merck disen
heubtspruch / der
alle werck vnn̄d
menschlich ge-
rechtigkeit ver-
dampt / vnn̄d
allein Gottis
barmherzigkeit
hebt / durch dē
glauben zurlan-
gen.

DIE EPISTEL

Das Zwelfft Capitel.

(vernunftiger)
Das geseh hatt
opffer mancher
ley vnuernüfftig
ge thier wilche
allesampt pnn
dem eynigenn
opffer voll wer
dē / das wpr
selbs vernunfti
ge mensche sind.

ICh ermane euch lieben bruder / durch die barmherzikeyt
Gottis / das pht ewre leybe begeben / zum opffer / das
da lebendig / heylig / vnnnd Gott wolgefellig ist / wilchs
ist ewr vernunftiger Gottis dienst / vnnnd stellet euch nicht
gleich diser welt / sondern last euch verendern durch ver
newrung ewres synnes / auff das pht pruhen mugt / wilchs
da sey der gutte / der wolgefellige vnd der vollkomene Got
tis wille. Denn ich sage durch die gnade / die mpr geben ist /
pderman vnter euch / das niemant weytter von phm halte /
denn sichs gepurt zuhalten / sondern das er von phm halte
messiglich / eyn yglicher / nach dem Gott auszteylet hatt das
mass des glawbens.

Denn gleycher weys / als wpr pnn eynem leybe viel gelider 1. Corin. 1
habē / aber alle gelider nicht eynereley geschafft haben / also
sind wpr vtele ein leyb pnn Christo / aber vnternander ist
eyner des andern gelid / vnnnd haben mancherley gaben /
nach der gnade / die vns geben ist. Hat yemand weyssagung /
so sey sie dem glawbē ehlich. Hat yemand eyn ampt / so
wartte er des ampts. Leret yemand / so wartte er der lere.
Ermanet yemand / so wartte er des ermanens. Gibt ye
mand / so gebe er eynfeltiglich. Regirt yemand / so sey er
sorgfellig. Dbet yemand barmherzikeyt / so thu ers mit lust.
Die liebe sey vngeserbet. Sasset das arge. Sanger dem gut
ten an. Seyt mit bruderlicher liebe vnternander freuntlich.
Eyner kom dē andern mit ehrbietung zuuor. Seyt nicht tre
ge pnn ewrem furnehmen. Seyt brunstig ym geyst. Schickt
euch pnn die zept. Seyd frolich pnn hoffnung. Gedultig ym
trubsal. Haltet an am gepet. Nemet euch der heyligen not
durfft an. Strebt darnach das pht gern herbergt. Bene
deydet die euch verfolgen. Benedeyet vnd vermaledeyt nicht.
Strewet euch mit den frolichen. Vñ weynet mit den wep
nenden.

(ehlich)
Alle weyssagung
die auff werd
vnd nicht lautter
auff Christum fur
ret / als den ey
nigen trost / wie
kostlich sie ist /
so ist sie doch
dem glawben
nicht ehlich / als
da sind / die
offinbarüg der
poltter geyster /
die messen / wal
farten / fasten /
vnd heyligē
dienst suchen.

Prouerb. 1. nenden. Habt eynerley mut vnd syn vnternander. Acht nicht (leret) was hoch ist. Sondern macht euch ebē dem nyrigen. Salt Man leret die euch nicht selbs fur flug. Vergeltet niemand bojes mit bo- noch nicht wijs- sem. Vleysset euch der erbarheyt gegen yderman. Jhs mug- sen / vñ ermanet die es zuuor wijs- lich / so viel an euch ist / so habt mit allen menschen fride. sen / das sie fort faren. Rechnet euch selber nicht (meyn liebsten) sondern gebt rawm

Deut. 32. dē zorn Gottis / Denn es steht geschrieben / Die rach ist meyn / ich wil vergelten / spricht der herr.

So nu deynen seynd hungert / so speyse yhn / Durstet yhn /

Prouer. 25. so trende yhn / Weñ du das thust / so wirstu fewrige kolen (kolen) auff seyn hewbt samlen / Laß dich nicht das boje vberwin- Fewr auff s- den / sondern vberwinde das boje mit gutem. heubt legenn ist / das der seynd durch wolthat vber sich selbs erhurnet / dz er vns so vbel than hat.

Das Dreytzehend Capitel.

Iderman sey vnterthan der vbrkeft vnd gewalt / denn es ist leyne gewalt / on vō Gott / Die gewalt aber die allenthalbē ist / ist von Gott verordnet / also / das wer sich widder die gewalt setz / der widderstrebt Gottis ord- nung / die aber widderstreben / werden vber sich eyn rrepl empfahen / Deñ die geweltigen sind nicht den gutten wer- den / sondern den bojen zusehntenn / Wiltu dich aber nicht furchten fur der gewalt / so thu guttis / so wirstu lob von der selbigen haben / Thustu aber bojes / so furcht dich. Denn sie tregt das schwert nicht vergeblich / sie ist Gottis dieneryn / eyn racheryn zur straff vber den / der bojes thut. So seyt nu aus noth vnterthan / nicht alleyn vmb der straff willē / sondern auch vmb des gewissens willen. Verhalbē muß yhr auch schos gebē / Deñ sie sind Gottis diener / die solchen schutz sollen handhaben.

So gebt nu yderman / was yhr schuldig seyt / den schos dē der schos gepurt / den zol / dē der zol gepurt / die furcht / dem die furcht gepurt / die ehre / dem die ehre gepurt. Seyt niemāt nichts schuldig / deñ das yhr euch vnternander lie- (gewissens) weltlich gewalt ist vmb zeytlichē frid willen / dar- umb ist das ge- wissen / aus pflichtiger liebe schuldig dersel- bigē vnterthan zu seyn. bet /

DIE EPISTEL

(flugheyt)
Das sind die fal-
schen bösen tuc-
tē anshlege der
fleyschlichen vnd
weltlichen hert-
zen pnn allerley
sachen.

bet / Deñ wer den andern liebet / der hat dz geseh erfüllet / Exo. 20.
Deñ das da gesaget ist / Du solt nicht eehbrechē / Du solt
nicht todten / Du solt nicht stelen / Du solt nicht falsch zeug-
nis geben / Dich sol nichts gelusten / Vnd so eyn anders ge-
pot mehr ist / das wirt pnn diesem wort verfasst / Du solt
lieben deynen nehisten / als dich selbs. Die liebe thut dē ne-
histen nichts böses / so ist nu die liebe des gesehs erfüllung.
Vñ weyl wir solchs wissen / nemlich die zeit / das die stund
da ist / auff zustehen vom schlaff / syntemal vnser heyl pht
neher ist / denn da wirs glewbtē. Die nacht ist vergangen /
der tag aber ist erbey kommen / so laß vns ablegen die werck
der finsternis / vnd anlegen die waffen des liechts / Laß vns
erbarlich wandeln / als am tage / nicht pnn freffen vnd sauf-
fen / nicht pnn lamern vñ geplheyt / nicht pnn hadder vnd
eyffern / sonder zihet an den hern Ihesu Christ / vñnd thut
nicht nach des fleyschs flugheyt / seynen lust zubussen. Leuf. 19.

Das Viertzehend Capitel.

(verwerret)
Zweyerley
Christen sind /
etlich starck pñ
glawben / etlich
schwach. Ihene
verachtē die
schwachen alhu
freh / diße er-
gern sich an den
starcken alhu
leycht / So sollen
sie nu beyde sich
nach der liebe
richten / das ley-
ner den andern
beleydlige noch
lichte / sonbern

DEn schwachen pñ glawben nempt auff / vnd ver-
wirret die gewissen nicht. Eyner glewbt / er muge
allerley essen / wilcher aber schwach ist / der isset
kraut / Wilcher isset / der verachte den nicht / der nit isset /
vnd wilcher nicht isset / der richte den nicht / der da isset /
deñ Got hat pñ auffgenommen. Wer bistu / das du eynen
frembden knecht richtest? Er stehet odder sellet seynem hern /
Er mag aber wol auffgericht werden / Deñ Got kan pñ
wol auffrichtē. Eyner helt auff eynē tag fur dem andern /
der ander aber helt alle tag gleych. Eyn yglicher sey seynes
synnes gewis. Wilcher auff die tage helt / der thuts dē hern /
vnd wilcher nichts drauff helt / der thuts auch dē hern. Wil-
cher isset / der isset dem hern / deñ er dāckt Got / wilcher nit
isset / der isset dem hern nicht / vñ dāckt Gott. Deñ vnser
leyner lebet pñ selber / vñ leyner stirbt pñ selber / Lebē
wir /

wyr / so leben wyr dem hern / sterbē wyr / so sterbē wyr dem hern. Darumb wyr leben odder sterben / so sind wyr des hern. Denn dazū ist Christus auch gestorben vñ auff-
erstanden / vñ widder lebendig wordē / das er iber tod-
ten vñ lebendige herr sey.

thun vñ lassen
wie es dem an-
dern nutz vñ
nott ist.

Ma. 45.

Du aber was richtistu deynen bruder? odder du ander / was
verachtistu deynē bruder? wyr werdē alle fur dē gericht-
stuel Christi dargestellet werden / nach dem es geschriben
steht / So war als ich lebe / spricht der herr / wyr sollē alle
knye gebeuget werdē / vñ alle zungē sollen Got bekennē /
So wirt nu eyn ygllicher fur sich selb Gotte rechenschaft
gebē / darumb last vns nicht mehr eynēr dē andern richtē.
Sondern das richtet viel mehr / das niemant seynē bruder
eyn anstos odder ergernis dar stelle. Ich weysz vñ byns ge-
wis / ynn dē hern Jhesu / das nichts gemeyn ist an yhm
selbs / on der es rechnet fur gemeyn / dem selbē ist gemeyn.
So aber deyn bruder iber deynēr speyse betruht wirt / so
wandeltu schon nicht nach der liebe. Lieber versterbe den
nicht mit deynēr speyse / vñ wilchs willen Christus ge-
storbē ist / Darumb schaff / das vnser schatz nicht verlestert
werde. Deñ das reyck Gottis ist nicht essen vñ trinden /
sondern / gerechticheyt vñ frid vñ freude ynn dem heyligen
geyst / Wer darynnen Christo dienet / der ist Got gefellig /
vñ den menschen bewert.

(gemeyn)
Ist eben so viel
als vnreyn / als
das da nicht ge-
weyhet odder
heylig ist.

Darumb last vns dē nach streben / das zum fride dienet /
vñ was zur besserung vnternander dienet. Lieber verstore
nicht vñ der speyse willen Gottis werd. Es ist zwar alles
reyn / aber es ist nicht gut / dem / der es isset mit eynē an-
stos seynes gewissens. Es ist viel besser / du essest keyn fleysch /
vñ trindest keyn weyn / odder das / daran sich deyn bru-
der stosset odder ergert odder schwach wirt. Hastu dē glaw-
ben? so habe yhn bey dyr selbs fur Got. Selig ist / der yhm
selb keyn gewissen macht / ynn dem das er annympt / wer
aber

Das Euangelion
ist vnser schatz /
das der selb ver-
lestert wirt ma-
chen die / so der
Christlichen
freyheyt frech
brauchen den
schwachē zum
ergernis.

DIE EPISTEL

(aus dē glaw-
ben) Merck / diß
ist eyn gemeyn
heubtspruch /
widder alle
werck on glaw-
ben gethan /
vnd hutt dich
fur falscher glo-
sen / so hie ertich-
tet sind von vie-
len letern.

aber druber wandet so ers essen wurde / der ist verdampft /
Den es gehet nicht aus dē glawben / Was aber nicht aus
dem glawben gehet / das ist sunde.

Das Sunstzehend Capitel.

Wir aber / die wir stark sind / sollen tragen der
schwachen geprechlichkeit / vnd nicht eyn gefallen
an uns selber haben. Es stelle sich aber eyn vgli-
cher vnter uns also / das er seynem nehsten gefalle zum gut
zur besserung. Denn auch Christus nicht an yhm selber gefal-
len hatte / sondern wie geschrieben stehet / Die Schmach derer / psal. 68.
die dich schmechtē / sind vber mich gefallen. Was aber uns
fur geschriebē ist / das ist uns zur lere geschrieben / auff das
wir durch gedult vnd trost der schrift hoffnung haben / Got
aber der gedult vñ des trosts / gebe euch / das ihr eynerley ge-
synnet seyt vnternander / nach Ihesu Christ / auff das ihr eyn-
mutiglich / mit eynem munde preysset / Got den vater vnser
hern Ihesu Christi / Darumb nemet euch vnternander auff /
gleich wie euch Christus hat auffgenommen zu Gottes preys.
(diener) Ich sage aber / das Ihesus Christus / sey eyn diener gewesen
der beschneydung vmb der warheit willen Gottes / zubefes-
tigen die verheysung Gottes den vettern geschehen. Das die
heyden aber Gotte preysen vmb der barmherzigkeit wil-
len / wie geschriebē steht / Darumb wil ich dich loben vnter psal. 17.
den heyden / vñ deynem namen singen. Vnd abermal spricht Deutero. 32.
er / Strewet euch ihr heyden mit seynem vold / Vnd abermal / psal. 116.
lobet Got alle heyden / vñ erholet ihn alle volder. Vnd aber / Jsa. 11.
mal spricht Jsaías / Es wirt seyn die wurzel Jesse / vnd der
aufferstehen wirt zuhirschen vber die heyden / auff den wer-
dē die heyden hoffen. Got aber der hoffnunge / erfülle euch
mit aller freuden vnd fride / ym glawben / auff das ihr die
fulle habt durch die hoffnung ynn der krafft des heyligen
geystes.

Ich

Ich weysz aber fast wol von euch / lieben bruder / das yhr selber wol gutideyt seyt / erfüllet mit aller erkentnis / das yhr euch vnternander fund ermanen / Ich habe aber euch eyn wenig thurstig geschriben / lieben bruder / euch zuernern / vmb der gnad willen / die mir geben ist von Got / das ich sol seyn eyn diener Christi / vnter die heyden / zu opffern das Euangelion Gottes / auff das die heyden eyn opffer werden Got angenehm / geheyliget durch den heyligen geyst. darumb kan ich mich thumen / durch Jhesu Christ / das ich mit gotlichen sachen umbgehe / Den ich thurste nit reden etwas / wo dasselb Christus nicht wirckt durch mich / die heyden gehorsam zumachen / durch wort vñ werck / durch krafft der zeichen vñ wunder / vñ durch krafft des geysts Gottes / also / das ich rō Jerusalem an vñ vmbher bis gen Illyricon / alles mit dem Euangelion Christi erfüllet habe.

Das ist / ob yhr meynes schreibens nicht bedurfft / so treybet mich doch mein ampt / das ich von Gottis gnaden habe / euch vñ yder man zu leren vñ ermanen.

Also ehegittig aber byn ich gewesen / das Euangelion zu predigen / nicht wo Christus name befand war / auff das ich nicht auff eynen frembden grund bawete / sondern wie geschrieben steht / Wilchen nicht ist von yhm verkündigt / die sollens sehen / vñ wilche nicht gehoret haben / sollens verstehen. Das ist auch die sache / darumb ich viel mal verthündert byn zu euch zu komen / Nu ich aber nicht mehr rawn habe ynn disen lenden / habe aber eyn verlangen zu euch zu komen / von vielen laren her. Wenn ich reysen werde ynn Hispanien / wil ich zu euch komen / den ich hoffe / das ich da durch reysen vñ euch sehen werde / vñ von euch dort hyr geleytet werden muge / so doch / das ich zuuer mich eyn wenig mit euch ergehe.

Nu aber sar ich hyr gen Jerusalem / meynen dienst darzustellen den heyligen / Denn die von Macedonia vñ Achaia haben williglich eyn gemeyne stewart zubereyt / den armen heyligen zu Jerusalem / Sie habens williglich than vñ sind auch yhre schuldener / Denn so die heyden sind yhrer geystlichen

Merck die Apostolisch art / wie hefflich vñ seuerlich sucht sanct Paulus diese steure an den Romern.

DIE EPISTEL

lichen gutter teylhafftig worden / ist's billich / das sie yhn auch ynn fleyschlichen gutern dienst beweysen. Wenn ich nu solchs außgericht / vnd yhn diße frucht versigelt habe / wil ich durch euch gen Hispanien zihen. Ich weys aber / wenn ich komme / das ich mit voller benedeyung des Euangelij Christi kommen werde.

Ich ermane euch aber / lieben bruder / durch vnsern hern Ihesu Christ / vnd durch die liebe des geystis / das yhr myr helfft kempffen / mit beten fur mich / zu Got / auff das ich erredtet werde / von den vnglewbigen ynn Judea / vnd das meyn dienst / den ich gen Jerusalem thue / angenehm werde den heyligen / auff das ich mit freudenn zu euch come / durch den willen Gottis / vnd mich mit euch erquicke / Der Got aber des frides sey mit euch allen / Amen.

Das Sechzehend Capitel.

Ich besel euch vnser Schwester Phebe / welche ist am dienst der gemeyne zu Kenchrea / das yhr sie auffnempt yñ dē hern / wie sichs ympt den heyligen / vnd thut yhr beystand ynn allem geschafft / daryn sie ewr bedarff / Den sie hat auch vielen beystand than / auch myr selbs. Grussset die Priscan vñ den Aquilan meyne gehulffen ynn Christo Ihesu / welche haben fur meyn leben / yhre helse dargeben / welchen nicht alleyn ich dancke / sonder alle gemeynen vnter den heyden. Auch grussset die gemeyne yñ yhrem hauß / Grussset Epeneton meynen liebsten / welcher ist der erstling vnter den vñ Achala ynn Christo. Grussset Mariam / welche hat viel geerbet an euch. Grussset den Andronicon vnd den Junian / meyne gesfreundten / vnd meyne mitgefangne / welche sind berumpte Apostel / vnd fur myr gewesen ynn Christo. Grussset Amplian meynen lieben ynn dē hern. Grussset Urban vnsern gehulffen ynn Christo / vnd Stachyn meynen lieben. Grussset Apellen den bewerten ynn Christo. Grussset die da
sind

sind von Aristobulos gesind. Grussset Herodionen meynen
 gefreunden. Grussset die da sind vñ Narcissus gesind/pnn dē
 hern. Grussset die Triphena vñ die Tryphosa/wilche geer-
 beyt haben pnn dē hern. Grussset die Persida meyne liebe/
 wilche hat viel geerbeyt yn dē hern. Grussset Ruffum den
 außzerwelten pnn dem hern / vñ seyne vñ meyne mutter.
 Grussset Asynctiton/Phlegonten/German/Patroban/Ger-
 men vñ die bruder bey phn. Grussset Philologon vñ Ju-
 lian / Nereon vñ seyne Schwester / vñ Olympian / vñ alle
 heyligen bey phn. Grussset euch vnternander mit dem heyl-
 ligen kuss/Es grussen euch die gemeynen Christi.

Ich ermane aber euch liebē bruder/das phr auff sehet/auff
 die do zur trennung vñ ergeris anrichten/neben der lere/
 die phr gelernet habt/vñ weycht von den selben. Denn sol-
 che dienen nicht dē hern Jhesu Christo / sondern phrem
 bauch/vñ durch fusse predigt vñ prachtigewort/versuren
 sie/die vnschuldigen herhen/Denn ewer gehorsam ist vnter
 yderman außblomen/derhalben strew ich mich vber euch. Ich
 will aber/das phr weyse seynt auffß gutte/vñ cynfeltig auffß
 bose. Aber der Got des frides zutrete den teuffel vnter ewre
 fusse pnn luthen. Die gnade vnser hern Jhesu Christi sey
 mit euch.

Das ist wider
 allerley men-
 schen lere gesagt.

Es grussen euch Timotheos meyn gehulffe vñ Lucios vñ
 Jason vñ Sosipater/meyne gefreunden. Ich Tertius grus-
 se euch/der ich diesen brieff geschriebē habe/pnn dem hern.
 Es grussset euch Galos meyn vñ der ganzen gemeyne wirt.
 Es grussset euch Erastus der stad rendmeyster/vñ Quartus
 der bruder. Die gnade vnser hern Jhesu Christi / sey mit
 euch allen.

Dem aber/der euch stercken kan/lauts meynes Euangelion
 vñ prediget von Jhesu Christ/wilchs ist geprediget / auff
 die art der entdeckunge des geheimß / wilches von aller
 welt zeitten her verschwigen gewesen ist. Nu aber offin-
 bart/

DIE EPISTEL ZU DEN ROMERN

bart / auch fund gemacht durch der prophetē schrift / aus
befehl des ewigen Gottis / den gehorsam des glawbens
auffzurichten / vnter allen heyden / dem selbigen Got / der
alleyn weyß ist / sey preß durch Ihesu Christ ynn ewldeyt
Amen. Zu den Romern. Gesand von Corinthe
durch Pheben / die am dienst war der
gemeyne zu Kenchrea.

VORREDE DER EPISTEL ZU DEN XVII
CORINTHERN

Die Epistel zu den Romern hat sanct Paulus geschrieben vom glauben vnd werden fast ordentlich. Aber ynn dieser ersten zu den Corinthern / richtet er mancherley sache aus / die draus entsprungen sind. Vñ auffß erst / handelt er / wie das Euāgellion sich nichts reyme mit der weltlichen weyszheyt / vnd endlich / das natur vñ creuch widderinander sind / das menschlich weyszheyt Gottis weyszheyt nicht leyde.

Am dritten vñnd vierden capitel leret er / wo fur man die Apostel halten sol / deñ die secten daher kamen / das sie etlich Apostel den andern furhogen / gleich wie die Kriechlich vñnd Romisch kirch sich vber sanct Peter gescheyden haben. Am funfften leret er den rechten bann / das man die offentlichen sundt straffen vnd nicht leyden sol.

Am sechsten / strafft er die gerichtshandel als vndristlich wesen.

Am siebenden gibt er vnterricht von der keuscheyt / Auffß erst von wittwen (wie er selbst war) Zum andern von ehelichen. Zum dritten von Jungfrawen.

Am achten bis auffß zwelffte / handelt er mancherley weysz / wie man die schwachen gewissen furen vñ halten sol / ynn euserlichen sachen / als da sind / essen / trincken / kleyder / sacrament haben / vnd weret allenthalben / das die starken nicht verachten sollen die schwachen / syntemal er selbst / ob er wol Apostel sey / dennoch viel sich enthalten hab / daher wol recht hette / Dagu sich die starken wol furchten mugen / die weyl vorheytte ynn Israel so viel vntergangẽ sind / die doch allesampt durch wunderwerck aus Egypten gefurt sind / vnd macht daneben etliche außzlaufft heylsamer lere.

Am zwelfften bis auffß vierzehend / handelt er / wie mancherley gaben Gottis sind / vnter wilchen doch die liebe das beste sey / das sie nicht sich erheben / sondern dienen sollen vnternander

VORREDE

untereinander eynmütig/die weyl es ist eyn Got/eyn herr/
eyn geyst/vnd alles eyn/wie mancherley es auch sey.

Am vierzehenden/leret er die prediger/propheten vñ sen-
ger/das sie ordenlich yheter gab brauchen/vnd nur zur bes-
serung/nicht zu eygener ehre/yhre predigen/kunst vnd
verstand furgeben.

Am funffzehenden/strafft er die von der aufferstehung des
fleysches vnrecht geletet vnd glawbt hatten.

Am letzten vermanet er sie zu bruderlicher hulff ynn
zeytlicher narung den durfftigen.

Das Erst Capitel.

Unter-
schrifft. **U**ber-
schrifft. **P**aulus beruffenn zum Apostel / Jhesu Christi / durch
den willen Gottis / vnd bruder Sosthenes / der ge-
meyne Gottis zu Corinthen / den geheyligeten vnn
Christo Jhesu / dē beruffenē heyligē / sampt allen denen / die
anruffen den namē vnser̄s hern Jhesu Christi / an allen ph-
ren vnd vnser̄n orttern.

Gruß. Gnad sey mit euch vnd fride / vō Got vnserm vater / vnn
dem hern Jhesu Christo.

Ich dancke meinem Got alle zept ewerthalbē / fur die gna-
de / die euch geben ist vñ Christo Jhesu / das phr seyt durch
phn an allen stücken reych gemacht / an allerley wort vñ an
allerley erkētnis / wie den̄ die predigt vō Christo vñ euch
kressig worden ist / also / das phr keynen mangel habt / an
yrgend eyner gaben / vñ wartet nur auff die offinbarung
vnser̄s hern Jhesu Christi / wilcher auch wirt euch befestigen
ans ende / das phr vnstrefflich seyt auff dē tag vnser̄s hern
Jhesu Christi. Den̄ Got ist trew / durch wilchen phr beruffen
seyt zur gemeinschaft seynes sons Jhesu Christ vnser̄s hern.
Ich ermane euch aber / liebē bruder / durch dē namen vnser̄s
hern Jhesu Christ / das phr alhumal eynerley gesynnet seyt /
vnd laßt nicht zwytacht vnter euch seyn / sondern das phr
seyt vollkommen vñ eyne syn̄ vnn vñ eynerley meynung /
Denn myr ist furkomen / durch die aus Chloes gesind / vō
euch / das zand vnter euch sey. Ich sage aber dauon / das
vnter euch eyner spricht / Ich byn Paulisch / der ander / Ich
byn Appollisch / der dritte / Ich byn Kephisch / der vierde / Ich
byn Christisch. Wie? ist Christus nu vñ stuch teylet? Ist denn
Paulus fur euch creuchiget? odder seyt phr vñ Paulus na-
men tauffet? Ich dancke Got / das ich niemand vnter euch
tauffet habe / den̄ nur Chrispon vnd Galen / das nicht pe-
mant

DIE ERST EPISTEL

mant sagen muge/ich hette vñ meynem namen tauffet/Ich habe aber auch tauffet des Stephana haußgesind/darnach weysß ich nicht/ob ich etlich ander tauffet habe.

Den Christus hat mich nicht gesant zu teuffen/sondern das Euāgellion zupredigen/nicht mit weysßheyt vñ wortten/auff das nicht auffgehoben werde das creuch Christi/Den das wort vom creuch ist eyn torheyt/denen/die verloren werden/vns aber/die wirt selig werden/ists eyne Gottis krafft. Den es ist geschrieben/Ich wil vmbbringen die weysßheyt der weysen/vñ den verstand der verstendigen wil ich verwerffen/Wo sind die weysen? wo sind die schriftgeler-

(erforscher)
forscher der
welt sind die na-
turliche meyster/
die mit ver-
nunfft wollen
die natur vñ
warheit finden.

ten? wo sind die erforscher diser welt? Hat nicht Got die weysßheyt diser welt zur torheyt gemacht?
Denn die weyl die welt durch yhre weysßheyt/Gott vñ sey-
ner weysßheyt nicht erkandte/gefiel es Gott wol/durch to-
richte predigt selig zumachen/die dran gleuben/Syntemal
die Juden zephe jodbern/vñ die Kriechen nach weysßheyt
fragen/Wir aber predigen den gecreuchigten Christ/den
Juden eyn ergetnis/vñ den Kriechē eyn torheyt/Venen
aber/die beruffen sind/beyde Juden vñ Kriechen/predi-
gen wir Christen/gotliche krafft vñ gotliche weysßheyt.

(gotlich torheyt)
Gotlich torheyt
vñ schwacheyt
ist das Euange-
lion/dz fur dē
flugen nerrißch/
fur den heyligē
lehrrißch/aber
fur den Christen
mchtig vñ
weysß ist.

Denn die gotliche torheyt/ist weysser denn die menschen
sind/vñ die gotliche schwacheyt/ist stercker denn die men-
schen sind.

Sehet an/lieben bruder/wren ruff/Nicht viel weysen nach
dem fleyßch/nicht viel geweltige/nicht viel edle sind beruf-
sen/sondern was toricht ist fur der welt/das hat Gott
erwelet/das er die weysen zuschanden machet/vñ was
schwach ist fur der welt/das hat Got erwelet/das er was
starck ist zu schanden machet/vñ das vñedle fur der welt vñ
das verachtet hat Got erwelet/vñ das da nichts ist/das
er hyn richtet/was etwas ist/auff das sich fur yhm seyn
fleyßch rhume/Von welchem auch yhr her kompt/vñ Christo

Jhesu/

Jhesu/wilcher vns gemacht ist von Got/zur weyszheyt/vnd zur gerechticheyt/vnd zur heyligung/vnd zur erlosung/auff das (wie geschrieben stehet) wer sich rhumet/der rhume sich des herren.

Das Ander Capitel.

Und ich/lieben bruder/da ich zu euch kam/kam ich nicht mit hohen wortten odder hoher weyszheyt/euch zuuerkundigen die predigt vñ Christo/Denn ich gab mich nicht aus vnter euch/das ich etwas wuste/on alleyn Jhesum Christum/den gecreuchigten/Vnd ich war bey euch/mit schwacheyt/vnd mit furcht/vnd mit grossem zittern/vnd meyn wort vnd meyne predigt war nicht yn hupschen wortte menschlicher weyszheyt/sondern ynn beweyssung des geysts vnd der krafft/auff das ewr glawbe bestehe/nicht auff menschẽ weyszheyt/sondern auff Gottis krafft.

(bestehe)
Darumb konnen menschen lere nicht grund des gewissens odder glawbens seyn.

Da wpr aber von reden/das ist eyn weyszheyt die den volkommenen eygenet/vnd nicht eyn weyszheyt diser welt/auch nicht der vbirsten diser welt/wilche zu letzt auff hore musen/Sondern wpr reden von der gotlichen weyszheyt/die ym geheymnis ist/vnnd verporgen ligt/wilche Got verordenet hat fur der welt/zu vnser herlicheyt/wilche keyner von den vbirsten diser welt erkand hat/Den wo sie die erkand hetten/hetten sie den hern der herlicheyt nicht creuchiget/sondern wie geschrieben stehet/das keyn auge gesehen hat/vnd keyn ore gehoret hat/vnd ynn keynes menschen herz gestygen ist/das Got bereyht hat denen/die yhn lieben.Vns aber hats Gott offinbart/durch seynen geyst/Denn der geyst erforscht alle ding/auch die tieffe der Gotheyt/Denn wilcher mensch weysz/was ym menschen ist/on der geyst des menschen der ynn yhm ist? also auch niemant weysz was ynn Got ist/on der geyst Gottis/Wpr aber haben nicht

(verporgen)
Denn es ligt vnter der torheyt vnd dẽ creuch verporgen/vnd scheynet nicht ynn ehren vnd reychtum.

Jsa. 64.

empfangen

DIE ERSTE EPISTEL

(natürlich)
Natürlich
mensch ist wie er
außer der gna-
den ist mitt aller
vernunft/kunst/
synnen vnd
vermugen auch
auffs beste ge-
schickt.

empfangen den geyst vñ dieser welt / sondern den geyst aus
Gott/das wir wissen funden/was uns von Got geben ist/
wilschs wir auch reden / nicht mit flugen Worten mensch-
licher weyszheyt / sondern mit flugen Worten des heyligen
geysts / vnd richten geystliche sachen geystlich. Der natur-
liche mensch aber / vernympt nichts vom geyst Gottes / Es
ist yhm eyn torheyt vñ kanß nicht erkennen / denn es muß
geystlicher weyse gerichtet seyn / der geystlich aber richtet
alles vnd er wird von niemant gerichtet. Den wer hat des
herrn synn erkant? odder wer wil yhn vnterweysen? wir
aber haben Christus synn.

Das Dritte Capitel.

Sie hat Paulus
das Bapstum
vnd alle secten
verdampft.

Und ich / lieben bruder / fund nicht mit euch reden /
als mit geystlichen / sondern als mit fleyschlichen /
wie mit jungen kindern ynn Christo / mich hab ich
euch zutrincken geben / vnd nicht speyse / denn yhr fundtet
noch nicht. Auch fund yhr noch yht nicht/die weyl yhr noch
fleyschlich seyt. Denn syntemal eyßer vnd zand vnd zwyr-
tracht vnter euch sind/seyd yhr denn nicht fleyschliche/vnd
wandelt nach menschlicher weyse? Denn so eyner sagt / Ich
byn Paulisch / der ander aber / ich byn Apollisch / seyt yhr
denn nicht fleyschlich? Wer ist nu Paulus? wer ist Apollo?
Diener sind sie/durch wilsche yhr seyt glewbig worden/vnd
dasselb / wie der herr eynem ygliehen geben hat. Ich habe
pflantzt / Apollo hat begossen / aber Gott hat das gedeyen
geben. So ist nu / widder der do pflantzt / noch der da be-
geußt/etwas/sondern Gott der das gedeyen gibt.
Der aber pflantzt vnd der da begeußt / ist eyner wie der an-
der. Eyn yglieher aber wird seynen lohn empfangen / nach
seiner erbeyt / Denn wir sind Gottes gehulffen / yhr seyt
Gottes aderweg/vnd Gottes gebew. Ich vñ Gottes gnaden/
die mir geben ist / hab den grund gelegt / als eyn weyser
bawmeyster /

bawmeyster / eyn ander bawet drauff / Eyn ygllicher aber sehe zu / wie er drauff bawe. Eyn andern grund kan zwar niemant legen / außser dem / der gelegt ist / wilcher ist Jhesus Christ. So aber yemant auff dißzen grund bawet / golt / silber / edelsteyne / holz / hew / stoppeln / so wirt eynis ygllichen werck offinbar werden / der tag des hern wirts flar machen / wilcher wirt mit fwer eroffenet werden / vnd wilcher ley eyns ygllichen werck sey / wirt das fwer bewerren. Wirt yemants werck bleyben / das er drauff gebawet hat / so wirt er dē lohn empfangen / wirt aber yemants werck verprennen / so wirt er schaden leyden / er selb aber wirt selig werden / so doch / als durchs fwer.

Wisset yhr nicht / das yhr Gottis tempel seyt / vnd das der geyst Gottis ynn euch wonet? So yemant den tempel Gottis schendet / den wirt Got schenden / Denn der tempel Gottis ist heylig / der seyt yhr. Niemand betrieße sich selbs / wilcher sich vnter euch dunckl weyse seyn / der werde eyn narr auff dißer welt / das er muge weysze seyn / Denn dißer welt

(golt silber ic.)
Das ist von predigen vnd lehren gesagt / die zu des glawbens besserung odder geringerung geletet werde. Nu bestehet seyn lere ym sterbē / iungsten tag / vñ allen notē / es wirt verkehret / es sey denn lauter Gottis wort / das befindet sich alles ym gewissen wol.

Job. 5. weyszheyt ist torheyt bey Got. Denn es ist geschrieben / Die
psal. 93. weysen erhaschet er ynn yhren tuden. Vnd abermal / Der herr weysz der weysen gedanken / das sie eytel sind. Drumb / thume sich niemant eynes menschen. Es ist alles ewr / es sey Paulus odder Apollo / es sey Kephas odder die welt / es sey das leben odder der tod / es sey das gegenwertige odder das zukunfftige / alles ist ewr / yhr aber seyt Christi / Christus aber ist Gottis.

(alles ewr)
Darumb hatt seyn mensch macht vber die Christen gesetzt / die gewissen zubinden.

Das Vierde Capitel.

Da sur halte vns yberman / nemlich sur Christus diener / vñ hauszhalter vber Gottis geheymnis. Nu sucht man nicht mehr an den hauszhaltern / denn das sie trew erfunden werden. Myr aber ist eyn gerings / das ich von euch gerichtet werde / odder von eynem menschlichem

(geheymnis)
Das ist / das Euangelion / darinnen die gotlichen gutter verporgen / vns surtragen werden.

DIE ERST EPISTEL

(nichts bewust)
 Niemand kan
 sich seynen werck
 vnd guts le-
 bens halbē fur
 gerecht odder et-
 was richten/
 noch von men-
 schen preyszen
 sich richten las-
 sen / sondern/es
 stehet alles blos
 vnn Gottis gna-
 den.

(Vhr seyt reich)
 Er spott vhr/
 vnd meynet
 das widderpiel.

menslichem tage/Auch richte ich mich selbs nicht/Ich byn
 wol nichts myr bewust / aber daryn byn ich nicht gerecht-
 fertiget/der herr ist aber der mich richtet/Darumb richtet
 nichts fur der zeit / bis der herre come / welcher auch wirt
 ans liecht bringen was ym finstern verporgen ist/vnd den
 rad der herhen offnbaren/als den/wirt eynem yglichen vñ
 Got lob widderfaren.

Solchs aber / lieben bruder / hab ich auff mich vnd Apollo
 gedeutet / vmb ewren willen / das yhr an vns lernet / das
 niemant hoher vñ sich halte / denn yhr geschrieben ist / auff
 das sich nicht eynen widder den andern vmb yemands wil-
 len auffblase. Denn wer hat dich furhogen? was hastu aber/
 das du nicht empfangē habst? so du es aber empfangen
 hast/was thumestu dich denn/als der es nicht empfangen
 hette? Vhr seyt schon satt worden/yhr seyt schon reich wor-
 den / yhr hirschet on vns / vnd wolt Got/yhr hirschet / auff
 das auch wyr mit euch hirschen mochten.

Nich dunckt aber/Got habe vns Apostel fur die allergering-
 sten dargebē / als die dem tod zugeeygent sind / Denn wyr
 sind eyn schaw spiel worden der welt / vnd den engeln vnd
 den menschen. Wyr sind narren vmb Christus willen / yhr
 aber seyt klug vnn Christo / Wyr schwach / yhr aber stark.
 Vhr herlich/wir aber veracht/bisz auff dise stund/sind wyr
 hungrig vnd durstig vnd nacket / vnd werden mit feusten
 geschlagen/vnd haben keyn gewisse stette/vnd erbeytten vñ
 werden mit vnsern eygē henden. Man schilt vns / so bene-
 deyen wyr / man verfolget vns / so dulden wyr / man les-
 tert vns/so flehen wyr. Wyr sind als eyn kettich der welt/
 vnd eyns ydermans schabab worden.

Nicht schreybe ich solchs/das ich euch bescheme/sondern ich
 vermane euch/als meyne lieben kinder. Denn ob yhr gleich
 zehen tausent zuchtmeyster hettet/vnn Christo/so habt yhr
 doch nicht viel veter/Denn ich habe euch geporn vnn Christo
 Ihesu /

Jhesu/durchs Euangelion/Darumb ermane ich euch/seyt
meyne nachfolger. Aus derselbē ursach/hab ich zu euch ge-
sant Timotheon/wilcher ist meyn lieber son vnd getreuer/
ynn dem hern/das er euch erpnnere meynen wege/die da
gehen ynn Christo/gleich wie ich an allen enden/ynn allen
gemeynen lere. Es blehen sich etlich auff/als wurd ich nicht
zu euch komen/Ich wil aber komen gar furhlich zu euch/szo
der herr will/vnnd erlernen/nicht die wort der auffgebla-
senen/sondern die krafft. Den das reych Gottes stehet nicht
ynn wortten/sondern ynn krafft. Was wolt yhr? sol ich mit
der ruten zu euch komen/oder mit liebe vnd jensftmutigem
geyst?

Das Sunfft Capitel.

Es geht eyn gemeyn geschrey/das hurerey vnter
euch sey/vñ eyn solche hurerey/da auch die hey-
den nicht vñ zusagen wissen/das eyner seynes va-
ters weyb habe/vnd yhr seyt auffgeblasen/vnd habt nicht
viel mehr leyde tragen/auff das/der das werck than hat/
von euch gethan wurde. Ich zwar/als der mit dem leyde
nicht da byn/doch mit dem geyst gegenwertig/habe schon
als gegenwertig beschlossen/ober den/der solchs also ge-
than hat/ynn dem namen vnseres hern Jhesu Christi/ynn
ewer versamlug mit meynem geyst/vnd mit der krafft
vnseres hern Jhesu Christ/yhn zubirgeben dem teuffel/
zum verterben des fleyschs/auff das der geyst selig werde
am tage des hern Jhesu.

Ewer thum ist nicht seyn/wisset yhr nicht/das eyn wenig
sawr teyg/den gangen teyg versawret? Darumb seget den
alten sawrteyg aus/auff das yhr eyn newer teyg seyt/
gleich wie yhr ungesewrt seyt. Denn wir haben auch eyn
osterlamb/das ist Christus/fur vns geopffert. Darumb/
last vns ostern halten/nicht ym alten sawrteyg/auch nicht

(newer teyg)
Es ist noch ymer
vbrige funde
ynn den heylig-
en/die aufzu-
legen ist. Drumb
spricht er/yhr
seyt ungesewrt/
das ist/heylig/
aber schafft dz
yhr alles auß-
setzt/vnd gang-
teyn/eyn gang
newer teyg wer-
det.

ym

DIE ERST EPISTEL

ym ſawrteng der boſzheyt vnd arglept / ſondern ynn dem
ſuſztepg der lautterlept vnd der warheyt.

(aus der welt)
wer nit vnter bo-
ſen leuttē ſein
welt der muſte
die ganze welt
meyden / Da-
rumb wil er / dz
man boſe Chriſ-
ten meyden ſol-
le / das ſie nicht
den namē ſuren /
odder ſich beſ-
ſern muſſen.
Denn die vn-
chriſten habē
den namen nicht.

Ich hab euch geſchrieben ynn dem brieffe / das yhr nichts
ſolt zuſchaffen haben mit den bulern / das meyn ich gar nicht
von den bulern ynn diſer welt / odder vñ den gephigen / od-
der von den reubern / odder von den abgottſchen / yhr muſ-
tet anders aus der welt gehen. Nu aber hab ich euch ge-
ſchrieben / yhr ſolt nichts mit yhn zuſchaffen haben / nem-
lich / ſo yemand iſt / der eyn bruder ſich leiſt nennen / vñ iſt
eyn buler / odder eyn gephlger / odder eyn abgottſcher /
oder eyn ſchelter / odder eyn trundenbold / odder eyn rew-
ber / mit dem ſelben ſolt yhr auch nicht eſſen. Denn was ge-
hen mich die drauſſen an / das ich ſie ſolt richten? Richtet
yhr nicht die da hynnen ſind? Got aber wirt die drauſſen
ſind richten. Thut vñ euch ſelb hynaus / wer da boſe iſt.

Das Sechſt Capitel.

Wie thar yemand vnter euch / ſo er eynen handel
hat mit eynem andern / ſich richten laſſen / fur
den vntrechten / vñ nicht fur den heyligen? Wiſ-
ſet yhr nicht / das die heyligen die welt richten werden? So
denn nu die welt ſol von euch gerichtet werden / ſeyt yhr
denn nit gut genug geringer ſachen zurichtē? Wiſſet yhr nicht /
das wpr vber die Engel richten werden? wie viel mehr /
vber die zeytliche narung? Wenn yhr nu richtshandel habet
von der narung / ſo nemet die verachtſten ynn der ge-
meyne / die ſelbē ſetzt zu richter. Euch zur ſchande ſag ich
das / Iſt ſo gar ſeyn weyſer vnter euch? odder doch nit ey-
ner / der da kundte richten zwiſchen bruder vnd bruder?
ſondern eyn bruder mit dem andern leiſt ſich richten / dahu
fur den vngleubigen.

Es iſt ſchon eyn ſeyl vnter euch / das yhr miſteynander rech-
tent / Warumb laſt yhr nicht viel lieber euch vntrecht thun?
warumb

warumb laßt yhr nicht viel lieber euch verforteylen? sondern yhr thut vnrecht / vnd verforteylet / vnd solchs an den brudern. Wißet yhr nicht / das die vngerechten werden das reyck Gottis nicht ererben? Laßt euch nicht verfuren / widder die bulet noch die abgottischen / noch die eehbrecher / noch die weychlingen / noch die knabenshender / noch die diebe / noch die geeyligen / noch die trunckenen / noch die schelter / noch die reuber / werden das reyck Gottis ererben. Vnd solchs seyt yhr etliche gewesen / aber yhr seyt abgewaschẽ / yhr seyt geheyliget / yhr seyt gerechtfertiget / durch den namẽ des hern Jhesu / vñ durch den geyst vnser Gottis.

Ich habß alles macht / es nuht myr aber nicht alles. Ich habß alles macht / aber ich wil vnter leyneß gewalt seyn. Die speyse dẽ bauch vnd der bauch der speyse / aber Got wirt disen vñd yhene hyn richten. Der leyb aber nicht der hurerey / sondern dem hern / vñ der herr dem leybe / Got aber hat den hern aufferwedt / vnd wirt ons auch aufferwecken / durch seyne krafft. Wißet yhr nicht / das ewre leybe sind Christi gelider? Solt ich nu die gelider Christi nemen / vñnd huren gelider drauß machen? das sey ferne von myr / Odder wißet yhr nicht / das / wer an der huren

Gen 2. hangt / der ist eyn leyb / Denn sie werden (spricht er) seyn zwey ynn eynem fleysch / Wer aber dem hern an hangt / der ist eyn geyst.

Gl̃het die hurerey / Alle sund / die der mensch thut / sind außzer seynem leybe / Wer aber huret / der sundiget an seynem eygen leybe. Odder wißet yhr nicht / das ewr leyb eyn tempel des heyligẽ geystis ist / welchen yhr habet von Got / vnd seyt nicht ewer selbs? Deñ yhr seyt thewr erlaufft / Darumb szo preßset Got an ewrem leybe vnd ynn ewrem geyst / wilche sind Gottis.

Das

DIE ERST EPISTEL

Das Siebend Capitel.

Von dem yhr aber myt geschriben habt / antwort
ich / Es ist dem menschen gutt / das er seyn weyb be-
rure / Aber vmb der hurerey willen / habe eyn ygli-
cher seyn eygen weyb / vnd eyn yglische habe yhren eygen
man / Der man leyse dē weybe die schuldige wilfart / dessel-
bigen gleychen das weyb dem manne. Das weyb ist yhres
leybes nicht mechtig / sondern der man / Desselben gleychen /
der man ist seynes leybes nicht mechtig / sondern das weyb.
Verfucht euch nicht vnternander / es sey denn aus beyder be-
willigung / eyn zeptlang / das yhr euch zum fasten vñ beten
müssiget / vnd kompt widderumb zusamen / auff das euch
der teuffel nicht versuche / vmb ewr vnkeuscheit willen.
Solchs sage ich aber aus vergunst / vñnd nicht aus gepot.
Ich wolt aber lieber / alle menschen weren wie ich byn /
Aber eyn yglischer hat seyn eygen gabe vō Got / eyner sonst /
der ander so. Ich sage zwar den widwehern vnd wítwýn-
nen. Es ist yhn gut / das sie auch bleybē wie ich / So sie aber
sich nicht enthalten / so laß sie freyen. Es ist besser freyen
denn brennen.

(versune)
Keyn vrsach
scheiden man vñ
weyb / on der
eehbruch /
Matth. 7. Da-
rumb ynn an-
dern zorn sachen
müssen sie ent-
weder eynes
werden / odder
on eeh bleybē /
wo sie sich drob
scheiden.

Den eehlichen aber geplate / nit ich / sondern der herr / das /
das weyb sich nit scheyden laß von dem manne / so sie sich
aber scheyden lest / das sie on eeh bleybe / odder sich mit
dem man versune / vnd das der man das weyb nicht von
sich lasse.

Den andern aber / sage ich / nicht der herre / So eyn bruder
hatt eyn vnglewbíg weyb / vnd die selbige lest es yhr ge-
fallen bey yhm zu wonen / der scheyde sich nicht vō yhr. Vnd
so eyn weyb hat eynen vnglewbígen man / vñnd er lest es
yhm gefallen bey yhr zu wonen / die scheyde sich nicht von
yhm / Denn der vnglewbíge man ist geheyliget durchs weyb /
vñ das vnglewbíge weyb ist geheyliget durch den man /
sonst

sonst weren ewre kinder vnreyn / nu aber sind sie heylig /
 So aber der vnglembige sich schepdet / so laß vhn sich schep-
 dē. Es ist der bruder odder die Schwester / nicht gefangen
 vnn solchen sellen / vnn fride aber hat vns Got beruffen.
 Was weystu aber / du weyb / ob du den man selig werdist
 machen? odder du man / was weystu / ob du das weyb
 werdist selig machen? on / wie eynem vglischen Gott hat
 außteylet.

Eyn vglischer / wie vhn der herr beruffen hat / so wandel er /
 vnd also ordene ichs vnn allen gemeynen / Ist yemand
 beschneytten beruffen / der zeuge leyne vorhaut / Ist yemand
 beruffen vnn der vorhaut / der laß sich nicht beschneytten.
 Die beschneytung ist nichts / vnd die vorhaut ist nichts /
 sondern die erfüllung der gepot Gottis. Eyn vglischer bleybe
 vnn dem ruff / darvnnen er beruffen ist. Bistu eyn knecht
 beruffen / sorge dvr nicht / doch / kanstu frey werden / so
 brauche des viel lieber. Denn wer eyn knecht beruffen ist
 vnn dem hern / der ist ein freyer des hern / Desselben gley-
 chen / wer eyn freyer beruffen ist / der ist eyn knecht Christi.
 Vhr seyt thewr erkaufft / werdet nicht der menschen knechte.
 Eyn vglischer / lieben bruder / worvnnen er beruffen ist /
 darvnnen bleybe er bey Gott.

Von den Jungfrawen aber hab ich seyn gepot des hern /
 ich sage aber meyn gutduncken / als ich barmhertzig seyt er-
 langt habe vom hern / trew zuseyn. So meyne ich nu solchs
 sey gut / vmb der gegewertigen not willen / das es dem
 mensche gut sey / also zu seyn. Bistu an eyn weyb gepunden?
 so suche nicht losz zu werden / bistu aber losz vom weyb? so
 suche seyn weyb. So du aber freyest / hastu nicht gesun-
 diget / Vnd so eyne Jungfraw freyhet / hat sie nicht gesun-
 diget. Doch werden solche trubsal durchs fleyisch haben / Ich
 verjhonet aber ewr gern.

Das sage ich aber / lieben bruder / die zept ist kurtz / weytter
 ist

(geheyliget)
 Gleych wie dē
 reynen ist alles
 reyn / Tit. 1. also
 ist eyn Christē
 eyn vnchristen
 gemalh auch
 rein / das er on
 sund bey vhm
 seyn mag / vñ die
 kinder nicht zu
 verwerffen / als
 vnreyn / die er
 nicht leyden solle
 odder muge.
 Denn ehe vñ kin-
 der sorge bleybt
 recht / es sey
 heydnisch odder
 Christlich.

(vorhaut)
 Das ist / Nie-
 mant dringe dar-
 auff / das vor-
 haut odder be-
 schneyttüg not
 sey / sondern laß
 es beydes on
 not vñ frey seyn
 yderman.

DIE ERST EPISTEL

Ist das die meynung / die da weyber haben / das sie seyen als hettē sie leyne / Vnd die da weynen / als weyneten sie nicht / vnd die sich streuen / als streuten sie sich nicht / vnd die da leuffen / als behielten sie es nicht / Vnd die dieser welt brauchen / alsbrauchten sie yhr nicht. Denn das wesen auff dieser welt vergehet.

Ich wil aber / das yhr on sorge seyt. Wer on eeh ist / d'orget was den hern angehoret / wie er dē hern gefalle / Wer aber freyet / derorget was die welt angehoret / wie er dem weybe gefalle / vnd ist zurteylet. Eyn weyb vnd eyn Jungfraw / die on eeh ist / dieorget was den hern angehoret / das sie sey heylig beyde am leybe vnd auch am geyst. Die aber freyet / dieorget was die welt angehoret / wie sie dem man gefalle. Solchs aber sage ich zu ewrem nuh / nicht das ich euch eyn strick an den hals werffe / sondern dahu / das euch wol anstehet / vñ omb den hern stetlig seyn lest vñ uerhynderlich.

(strick)
Paulus wil niemant die ehe verpietē / wie yht durch geseyvnd gelubd geschicht / bey pfaffen / monchen / vnd nonnen.

(seyne willens)
das ist / dz sie dreywillige vnd ungehewngen sey.

(besser)
Nicht das er fur Gott damit hoher werd / fur wilchem alleyn der glawbe hebt / sondern wie er droben sagt / das er basz Gottes warten kan vñ diesem leben.

So aber yemand sich lest dunden / es stehe yhm vbel an mit seynen Jungfrawen / so sie vber die zeyt gangen ist / vnd muh also geschehen / so thu er was er wil / er sundiget nicht / lah sie heyradten. Wer aber ynn seynem herzen fest furseth / vñ ist nicht benotiget / sondern hat macht seynes willens / vnd beschleust solchs ynn seynem herzen / seyne Jungfraw zubehalten / der thut wol. Endlich / wilcher verheyratet / der thut wol / wilcher aber nicht verheyratet / der thut besser. Eyn weyb ist gepundē an das geseh / so lange yhr man lebt / so aber yhr man entschlefft / ist sie frey / sich zuverheyraten / wilchem sie wil / alleyn / das es geschehe ynn dem herren. Seliger ist sie aber / wo sie also bleybt / nach meynen meynung / Ich halt aber / ich hab auch den geyst Gottes.

Das

Das Acht Capitel.

Von dem gogen opffer aber wissen wir alle was wir wissen sollen. Aber das wissen bleisset auff / vnd die liebe bessert. So aber sich jemand dunckelst / er wisse etwas / der weisz noch nicht wie man wissen solle. So aber jemand Got liebet / der selb ist von ihm erkandt.

(bleisset)
Sie sehet er an die lieb zu treysen gegen den schwachgleubigen.

So wissen wir nu von der speyse des gogen opffers / das ein got nichts ynn der welt sey / vnd das kein ander Got sey / on der eyrige. Vnd wiewol es sind / die gotter genennet werden / es sey ym hymel odder auff erden (syntemal es sind viel gotter vnd viel herren) so haben wir doch nur einen Gott / den vater / vñ wilchem alle ding sind / vnd wir ynn ihm / vnd einen herren Ihesu Christ / durch wilchen alle ding sind / vnd wir durch ihn.

Es hat aber nicht yderman das wissen / denn etliche machen ihn noch ein gewissen vber dem gogen / vnd essens fur gogen opffer / damit wirt ihr gewissen / weyl es so schwach ist / besleckt. Aber die speyse fordert vns fur Got nicht / Essen wir / so werde wir drum nicht besser seyn / Essen wir nicht / so werden drum nichts weniger seyn.

Sehet aber zu / das disse ewr freyheit / nicht gerate zu eyne anstos der schwachen. Denn so dich (der du das erkentnis hast) jemand sehe zu tisch sitzen ym gogen hausz / wirt nicht seyn gewissen / die weyl es schwach ist / verursacht das gogen opffer zu essen? vnd wirt also vber deynem erkentnis der schwache bruder vmbkomē / vmb wilches willen Christus gestorben ist. Wenn ihr aber also sundiget an den brudern / vñ schlaget ihr schwachs gewissen / so sundigt ihr an Christen. Darumb / szo die speyse meynen bruder ergert / wolt ich nicht fleysch essen ewiglich / auff das ich meynen bruder nicht ergere.

Das

DIE ERST EPISTEL

Das Neunde Capitel.

Bynn ich nicht eyn Apostel? byn ich nicht frey? hab ich nicht vnsern hern Ihesum Christ gesehen? Seyt nicht p̃hr meyn werck ynn dem hern? byn ich andern nicht eyn Apostel / so byn ich doch ewr Apostel / Denn das sigel meynes Apostel ampts / seyt p̃hr / ynn dem hern. Wenn man mich fragt / so antwort ich also / Haben wir nicht macht zu essen vnd zu trinden? habē wir nicht auch macht eyne Schwester zum weybe mit vmbher zuzurē / wie die andern Aposteln vnd die bruder des hern / vnd Kephas? odder haben alleyn ich vnd Barnabas nicht macht das zuthun? Wilcher reyset p̃he mals auff seynen eygen sold / Wilcher pflanzt eyn weyn berg / vnd isset nicht von seynrer frucht? Odder wilcher weydet eyne herdt / vnd isset nicht von der milch der herden.

(Sorget)
Got sorget fur
alle ding / aber
er sorget nicht /
das fur die och-
sen geschriben
werde / denn sie
sonden nicht
lesen.

(nicht braucht)
Sihe der Apostel
verschonet so
fast der schwach-
eyt an den an-
dern / das er
auch alles des
sich enthelt da er
macht als eyn
Apostel / da zu
auch der andern
Apostel exempel
zu hatt.

Rede ich aber solchs auff menschen weyße? saget nicht solchs das geseh auch? Den ym geseh Mosi steht geschriebē / Du solt dem ochsen nicht das maul verstopfen / der da dreschet. Sorget Gott fur die Ochsen? odder saget ers nicht aller ding omb vnser willen? Denn es ist lah omb vnser willen geschriben. Denn der do pflugēt / sol auff hoffnung pflugen / vnd der da dreschet / sol auff hoffnung dreschen / das er p̃henes hoffnung teylhafftig werde. So wir euch das geystliche haben geseet / ist eyn groß ding / ob wir ewr fleyschlichs erndtē? So aber andere diser macht an euch teylhafftig sind / warumb nicht viel mehr wir?

Deut. 25.

Aber wir haben solcher macht nicht brauchet / sondern wir vertragen allerley / das wir nicht dem Euangelio von Christo eyn hyndernis machen. Wisset p̃hr nicht / das die da schaffen ym tempel / die neeren sich des tempels / vnd die des altars pflegen / genießen des altars? Also hat der herr besolhen / das die das Euangelion verkundigen / sollen auch vom Euangelio

Euangelio sich neeren. Ich aber habe der Keyes braucht. Ich schreybe auch nicht darumb dauon / das mit myr also solt gehalten werden. Es were myr lieber / ich sturbe / den das myr yemand meyner thum solt zu nicht machen. Denn das ich das Euangelion predige / darff ich mich nicht rumen / denn ich muß es thun / Dñ weh myr / wenn ich das Euangelion nicht predigete / Thu ichs gerne / so wirt mir gelohnet / Thu ichs aber ungerne / so ist mir das ampt doch befohlen. Warumb wirt myr denn nu gelohnet? Nemlich darumb / das ich predige das Euangelion / vñnd thu das selb frey vñnd sonst / auff das ich nicht meynes freyheyt mißbrauche / ym predig ampt.

Denn wie wol ich frey byn von yderman / hab ich doch mich selb yderman zum knecht gemacht / auff das ich yhr viel gewynne. Den Juden byn ich worden / als eyn Jude / auff das ich die Jude gewynne. Denen / die vñter dem gesetz sind / byn ich worden als vñter dē gesetz / auff das ich die da vñter dem gesetz sind / gewynne. Denen / die on gesetz sind / byn ich als on gesetz wordē (so ich doch nicht on Gottes gesetz byn / sondern byn yñ dem gesetz Christi) auff das ich / die on gesetz sind gewynne. Den schwachē byn ich wordē als eyn schwacher / auff das ich die schwachen gewynne. Ich byn yderman allerley worden / auff das ich aller dīng iah etliche selig mache. Solchs aber thu ich / vñnd des Euangelio willen / auff das ich seyner gemeinschaft theilhaftig werde.

Wisset yhr nicht? das die / so yñ den schanden lauffen / die lauffen alle / aber eyner erlangt das kleyndt / Lauffet nu also / das yhrs ergreyffet. Eyn yglīcher aber d' do kempfft / enthelt sich alles dīnges / yhene also / das sie eyn vergengliche tron empfangen / myr aber eyn vñuerengliche. Ich lauffe aber also / nicht als auffß vñngewiß. Ich sechte also / nicht als der yñ die lufft streycht / sondern ich zeme meyner leyb /

(auffß vñngewiß)
Gleych wie eyn kempfer der zur seymen neben außleuft des yps muß seyn / vñnd der do sichtet vñnd seylstreich thut / der schlecht vergeblich yñ die lufft / also gehet es allen / die fast viel gute werd on glauben thun. Denn sie sind vñngewiß wie sie mit Gott dran sind / darüb sind es eytel seyl laufft / seylstreich / vñnd seyl werd.

vñnd

DIE ERST EPISTEL

und betwibe yhn / das ich nicht den andern predige / und
selbs verwerfflich werde.

Das Zehend Capitel.

Ich will euch aber / lieben bruder / nicht verhalten / das
unser peter / sind alle vnter der wolcken gewesen / und
sind alle durchs meer gangen / vnnnd sind alle vnter Mo-
sen taufft mit der wolcken und mit dem meer / und haben
alle eynerley geystliche speyse geessen / und haben alle eyner-
ley geystlichen tranck getruncken / sie truncken aber von dem
geystlichen fells / der hernach kam / welcher fells war Chris-
tus. Aber an yhr vielen hatte Got seyn wolgefallen / denn
sie sind nydder geschlagen ynn der wusten.

Darumb ver-
achte seyner den
andern wie
stark odder
schwach er sey /
wer wels wie
lange er selb
bleybe.

Das ist aber unser furbild worden / das wyr nicht vns ge-
lusten lassen des bösen / gleich wie yhene lust hatten. Werdet
auch nicht abgottische / gleich wie yhener etliche worden /
als geschrieben stehet / Das volck sagt sich nyder zu essen und
zu trincken / und stund auff zu spielen. Auch last vns nicht
hurerey treyben / wie etlich vnter yhenen hurerey treyben /
und sielen auff eynen tag drey und zwenhig tausent. Last
vns aber auch Christum nicht versuchen / wie etlich vñ yhe-
nen yhn versuchten / vñ wurden von den schlangen umb-
bracht. Murret auch nicht / gleich wie yhener etliche mutte-
ten / vnnnd wurden umbbracht durch den verterber.

Solchs alles widderfur yhenen zum furbild / Es ist aber ge-
schrieben zu vnser vermanung / auff welche das ende der
welt komen ist / also / das wer sich lest duncken / er stehe / mag
wol zusehen / das er nicht falle. Es hat euch noch seyne deñ
menschliche versuchung betreten / die weyl Got trew ist /
der euch nicht lest versuchen / vñ ewr vermugen / sondern
macht neben der versuchung eyn außkomē / das yhrs lund
vñ irtragen. Darumb / meyne liebsten / flichet von dem go-
gen dienst.

Als

Als mit den klugen rede ich/richtet p̄hr/was ich sage/Der
k̄ilch der benedeyung/wilchen wir benedeyen/ist der nicht
die gemeynschafft des bluts Christi? das brot das wir bre-
chē/ist das nicht die gemeynschafft des leybs Christi? Denn
wir viele/sind eyn brot vnd eyn leyb/die weyl wir alle ey-
nes brods theilhaftig sind. Sehet an den Israel nach dem
fleysch/wilche die opffer essen/sind die nicht p̄nn der ge-
meynschafft des Altars?

Was sol ich denn nu sagen? Sol ich sagen/das der goße et-
was sey? odder das das goßen opffer etwas sey? Aber ich sa-
ge/das die heyden/was sie opffern/das opffern sie den teuf-
seln vnd nicht Got/Nu wil ich nicht/das p̄hr p̄n der teuffel ge-
meynschafft seyn solt. Ihr fund nicht zugleich trinden des
hern k̄ilch vnd der teuffel k̄ilch. Ihr fund nicht zugleich theil-
haftig seyn des hern t̄ischs / vnd der teuffel t̄isch / odder
wollen wir den hern trogen? sind wir stercker denn er? Ich
habs zwar alles macht / aber es ist nicht alles n̄tzlich. Ich
hab es alles macht/aber es bessert nicht alles. Niemand su-
che was seyn ist/sondern eyn p̄glicher was eyns andern ist.

Alles was weyl ist auff dem fleysch marckt / das esset / vnd
forscheth nichts/auff das p̄hr der gewissen verschonet. Denn
psal. 23. die erden ist des hern vnd was drynnen ist. So aber je-
mand von den vnglewbigen euch ladet / vnd p̄hr wolt h̄yn
gehen/so esset alles was euch furtragen wirt/vnd forschet
nichts / auff das p̄hr der gewissen verschonet. Wo aber je-
mand wurde zu euch sagē/diſs ist goßen opffer/so esset nicht/
vmb des willen / der es anheucht / auff das p̄hr des gewis-
sens verschonet (Die erde ist des hern vnd was drynnen ist)
Ich sage aber vom gewissen/nicht deyn selbs/sondern des
andern. Deñ warumb solt ich meyne freyheyt lassen v̄rtey-
len / von eyns andern gewissenn? Denn so ichs mit dand-
sagung genieſſe/was solt ich deñ verlestert werden v̄ber
dem/da fur ich dancke?

(des hern)
Christus ist her
v̄n frey / also
auch alle Chris-
ten / p̄nn allen
dingen.

(lassen v̄rteylen)
Er mag mich v̄r-
teylen / aber
meyn gewissen
sol darumb vn-
georteylt v̄n vn-
gefangen seyn /
ob ich p̄hm
euserlich wey-
che zu dienſt.

Ihr

DIE ERST EPISTEL

Ihr esset nu odder trindt oder was yhr thut/so thut alles zu Gottis preys. Seyt vnanstossig beyde den Kriechen vnd den Juden/vnd der gemeyne Gottis/gleich wie ich auch yderman ynn allerley mich gefellig mache/vñ suche nicht was myr/sondern was vielen zutreglich ist/das sie selig werden. Seyt meyne nachfolger/gleich wie ich Christi.

Das Vylfft Capitel.

Ich lobe euch/lieben brudern/das yhr an mich gedendt yñ allen stude/vnd haltet die sahunen/gleich wie ich euch geben habe. Ich lasz euch aber wissen/das Christus ist eynes yglischen mannes hewbt/des weybs hewbt aber ist der man/Christus hewbt aber ist Got. Eyn yglischer man/der da bettet odder weysaget/vnnd hat was auff dem hewbt/der schendet seyn hewbt. Eyn weyb aber das da bettet odder weysagt mit vnbedecktem hewbt/die schendet yhr hewbt. Denn es ist eben so viel als were sie beschoren/Wil sie sich nicht bedecken/szo schneyte man yhr auch das har abe. Nu es aber vbel steht/das eyn weyb verschnyten har habe odder beschoren sey/so last sie das hewbt bedecken. Der man aber sol das hewbt nicht bedecken/syntemal er ist Gottis bild vnnd herlichest/das weyb aber ist eyn ehre des mannes. Denn der man ist nicht von dem weybe/sondern das weyb ist von dem man/Vnd der man ist nicht geschaffen vmb des weybs willen/sondern das weyb vmb des mannes willen. Darumb sol das weyb eyne macht auff dem hewbt haben/vmb der engel willen/Doch ist widder der man on das weyb/nach das weyb on den man ynn dem hern. Denn als das weyb von dem man/also kompt auch der man durchs weyb/aber alles von Gott. Richtet bey euch selbs/obs wol stehe/das eyn weyb vnbedekt fur Gott bete/oddere leret euch nicht auch die natur/das eynem man eyn vnehre ist/so er langhar zeuget/vnnd dem

(macht)
Das ist/der
schleyer odder
decke/da bey
man mercke/dz
sie vnter des
mans macht sey/
Gen. 3.

dem weyb eyn ehre/so sie lang har zeuget? das har ist yhr zur dede gebē. Ist aber yemand vnter euch der lust zu zanden hat/der wisse/das wyrt die weyse nicht haben/die gemeynen Gottis auch nicht.

Auff das ich aber meyn gepot thu/so lobe ich nicht/das yhr nicht auff besser weyse/sondern auff die ergiste weyse zusammen komet. Zum ersten/wenn yhr zusammen komet ynn der gemeyne/hore ich/es seyn spaltung vnter euch/vnd zum teyl glewbe ichs/Den es müssen spaltung vnter euch seyn/auff das die/so bewerd sind/offinbar vnter euch werden. Wenn yhr nu zusammen kompt mit eynander/so helt man da nicht des hern abentmal/Denn eyn yglicher nympt zuuor seyn eygen abentmal vnter dem essen/Vnd eyner ist hungerig/der ander ist trunden. Habt yhr aber nicht heuser/da yhr essen vnd trindē mugt? odder verachtet yhr die gemeynen Gottis/vñ beschemet die/so da nichts haben? Was sol ich euch sagen? sol ich euch loben? hvr ynnen lobe ich euch nicht.

Ich habes von dem hern empfangen/das ich euch geben habe/Denn der herr Jhesus ynn der nacht/da er verrhaten wart/nam er das brod/vnd danckt/vnd brachs vnd sprach/Remet/esset/das ist meyn leyb/der fur euch brochen wirt/solchs thut zu meynem gedechtnis. Desselben gleychen auch den kilch/nach dem abentmal/vnd sprach/Diser kilch ist eyn newe testament ynn meynem blutt/solchs thut/so offt yhr trindt/zu meynem gedechtnis.

Denn so offt yhr vō disem brot esset/vnd von disem kilch trindt/solt yhr des hern tod verkundigen/bis das er kompt. Wilcher nu vnwirdig vō disem brod isset/odder vō dē kilch des hern trindt/der ist schuldig an dem leybe vnd blut des hern. Der mensch pruffe aber sich selbsts/vnd also esse er von dem brod vnd trinde von dem kilch. Denn wilcher vnwirdig isset vñ trindt/der isset vnd trindt yhm selber das ge-

(pruffe)
Sich selb pruffen/ist seyn glauben fulen vñ nicht die andern richten oder verachten.

richt/

DIE ERSTEPISTEL

(vntersheydet)
der Christus
leychnam etwas
mehr / denn an-
dere speyse
achte.

richt/da mit/das er nicht vntersheydet den leyb des hern.
Darumb sind auch so viel krancken vnd vngesunden vnter
euch/vnd eyn gut teyl schlaffen/Denn so wpr ons selber rich-
teten/so wurden wpr nicht gerichtet/Wen wpr aber gerich-
tet werdē/so werden wpr von dem hern gehuchtiget/auff
das wpr nicht sampt der welt verdampt werden. Darumb/
meyn lieben bruder/wenn phr zusamen kompt zu essen/so
harre eyner des andern. Hungert aber yemandt / der esse
da heymen/auff das phr nicht zum gericht zusamen komet.
Das ander wil ich ordenen/wenn ich kome.

Das Zwelfft Capitel.

(das phr heyden)
Das ist / da phr
heyden wart /
wusstet phr
nichts widder
von Christo /
noch von dem
heyligen geyst.
Nu aber solt phr
des geysts ga-
ben wissen / on
wilchen niemant
Christum erken-
net/sondern viel
mehr verflucht.

VOn den geystlichen gaben aber / wil ich euch lieben
bruder / nichts verhalten. Vr wisset / das phr hey-
den seyt gewesen/vñ hyn gegangen zu den stummē
gohen/wie phr gesurt wart/Darumb thu ich euch kund/das
niemant Jhesum verflucht / der durch den geyst Gottes re-
det. Vnd niemant kan Jhesum eyn hern heysen / on durch
den heyligen geyst.

(mancherley)
Es ist ynn allen
Christen ein
geyst / weysz-
heyt/erkenntnis/
glawb / krafft ic.
Aber solchs ge-
gen ander vben
vñ beweysen ist
nichts ydermans/

Es sind mancherley gaben/aber es ist eyn geyst/vnd es sind
mancherley empter / aber es ist eyn herr / vnd es sind man-
cherley krefftten / aber es ist eyn Gott / der da wirckt aller-
ley ynn yderman. In eynem yglichen erheymen sich die ga-
ben des geysts / zum gemeynen nutz. Eynem wirt geben
durch den geyst / zu reden von der weyszheyt / dem andern
wirt geben zureden von der erkenntnis / nach dem selbigen
geyst / Eynem andern der glawbe / yñ dem selbigen geyst /
Eynem andern die gabe gesund zumachen / ynn dem selbi-
gen geyst. Eynem andern/wunder zuthun/Eynem andern
weyszagung / Eynē andern geyster zuvntersheyden / Eynē
andern mancherley zungen/Eynem andern zungen außzu-
legen. Disz aber alles wirckt derselbige eynige geyst / vnd
teylet eynem ygliche seynes zu/nach dem er wil.

Denn

Denn gleych/wie eyn leyb ist/vnd hat doch viel gelider/alle gelider aber eynes leybes/wie wol yhr viel sind/sind sie doch eyn leyb/Also auch Christus/denn wir sind ynn eynem geyst alle zu eynē leybe getaufft/wir seyen Jude oder Kriechen/knechte oder freyen/vnd sind alle mit eynem geyst getrenkt. Denn auch der leyb ist nicht eyn gelid/sondern viele/So aber der fuß spreche/Ich byn feyn hand/drumb byn ich nicht eyn gelid des leybes/solts umb des willen nicht eyn gelid des leybes seyn? Vñ so das ore spreche/Ich byn nicht das auge/drumb byn ich nicht eyn gelid des leybes/solts umb des willen nicht eyn gelid des leybes seyn? Wenn der ganß leyb das auge were/wo bliebe das gehore? So er ganß das gehore were/wo bliebe der geruch? Nu aber hat Got die gelid gesetzt/eyn ygliches sonderlich am leybe/wie er gewollet hat/So aber alle gelider eyn gelid werē/wo bliebe der leyb? Nu aber sind der gelider viel/aber der leyb ist eyn. Es kan das auge nicht sagen zu der hand/Ich darff deyn nicht/odder widerumb das heubt zu den fussen/Ich darff ewer nicht/sondern viel mehr/die gelider des leybes/die vns duncken die schwachsten seyn/sind die notigisten/vnd die vns duncken die vnerlichsten seyn/den selben legen wir am meisten eht an/vnd die vns vbel anstehen/die schmußt man am meisten. Denn die vns wol anstehen/die bedurffen nichts/Aber Got hat den leyb also vermengert/vnd dem durfftigen gelid am meisten ehre geben/auff das nicht eyn spaltung ym leybe sey/sondern die gelider fur eynander gleych sorgen/vnd so eyn gelid leydet/so leyden alle gelider mit/vñ so eyn gelid wirt herlich gehalten/so freuen sich alle gelider mit.

Ihr seyt aber der leyb Christi/vnd gelider vnternander/vnd Gott hat gesetzt ynn der gemeyne/auffs erst die Apostel/auffs ander die Propheten/auffs dritte die lerer/darnach die wunderthatter/darnach die gabē gesund zumachē/Selffer/

sondern von weyßheyt reden/die da lerē got erkennen. Von erkentnis redē/die da leren euserlich wesen vnd Christlich freyheyt. Glaubē beweysen/die yhn offentlich bekennen mit wortten vnd werdē/als die merckter. Weyst vnterscheidē/die da pruffen die propheceyē vnd lesen.

DIE ERST EPISTEL

ffer / Regierer / Mancherley zungen. Sind sie alle Apostel? sind sie alle propheten? sind sie alle lerer? sind sie alle wunderthetter? haben sie alle gaben gesund zumachen? reden sie alle mit zungen? kunden sie alle aufzulegen? Eyffert aber nach den besten gaben / vnd ich zeige euch noch eyn kostlichen weg.

Das Dreytzehend Capitel.

Wenn ich mit menschen vnd mit engelzungen redet/vñ hette die liebe nicht/so were ich eyn dohnend erß/odder eyn klingende schelle/Vnd wenn

(allen glawben) wie wol alleyn der glawb recht fertiget / als S. Paulus allenthalbē treybt / doch wo die liebe nicht folget / were der glawbe gewißlich nicht recht / ob er gleich wunderthett.

(stuckwerck) wie wol wir ym glawben alles haben vnd erkennen / was Gott ist vnd uns gibt / so ist doch das selb erkennen noch stuckwerck vñ vnuolkommen gegen der zukunfftigē Klarheyt.

ich weyßsagē kundt / vnd wuste alle geheymnis / vñ alle erkentnis / vnd hette allen glawben / also / das ich berge versetete/vnd hette der lieben nicht/so were ich nichts. Vnd wenn ich alle meyn habe den armen gebe / vnd ließ meynen leyb brennen/vnd hette der lieben nicht/so were myns nichts nuße. Die liebe ist langmutig vnd freuntlich/die liebe eyffert nicht/die liebe schaldet nicht / sie blehet sich nicht / sie stellet sich nicht honisch/sie sucht nicht das yhre/sie leßt sich nicht erbittern / sie gedendt nicht arges / sie frewet sich nicht vber der vngerechtigkeyt / sie frewet sich aber mit der warheyt / sie vertreget alles/sie gleubet alles/sie hoffet alles/sie duldet alles / die liebe versellet nymer mehr / so doch die weyßsagung auffhoren werden/vnd die zungen auffhoren werden/vnd das erkentnis auffhoren wirt.

Denn vnser wissen ist stuckwerck / vnd vnser weyßsagen ist stuckwerck/Wenn aber komen wirt/das volkomene/so wirt das stuckwerck auffhoren. Da ich eyn kind war/da redet ich wie eyn kind/vñ richtet wie eyn kind/vnd hette kindische anschlege/Da ich aber eyn man wart/that ich abe was kindisch war. Wir sehen yht durch eyn spiegel ynn eynem tunceln wort / denne aber von angesicht zu angesicht. Yht erkenne ichs stuckweyßz/denne aber werd ichs erkennen/gleich wie ich

ich erkennet byn. Tu aber bleybt/glawbe/hoffnung/liebe/
dise drey/aber die liebe ist die grossist vnter yhn.

Das Vierzehend Capitel.

Strebt nach der liebe / Eyffert nach den geystlichen
gaben / am meysten aber / das yhr weyssagen mu-
get/Denn der mit der zungen redet/der redet nicht
den mensche/sondern Gotte/denn yhm horet niemant zu/
Wer aber weyssaget/der redet den menschen zur besserung/
vnd zur ermanung / vñ zur trostung. Wer mit der zungen
redet/der bessert sich selbs/wer aber weyssaget/der bessert
die gemeyne. Ich wolt das yhr alle mit zungen redetet/
aber viel mehr / das yhr weyssagetet / Denn der do weys-
saget / ist grosser deñ der mit zungen redet / es sey denn / das
ers auch außlege/das die gemeyne dauon gepessert werde.
Tu aber/lieben bruder/weñ ich zu euch keme/vnd redet mit
zungen/was were ich euch nutz? szo ich nicht mit euch redet/
entwedder durch offinbarung / odder durch erkentnis/od-
der durch weyssagung/odder durch lere.

Sat sichs doch auch so ynn den dingen/die da lautten vñnd
doch nicht leben/es sey eyn pseyffe odder eyn harpffe/wenn
sie nicht vnterschiedlichen hall von sich geben/wie kan man
wissen was gepfiffen odder geharpffet ist? Vnd szo die po-
saune eynen vndeutlichen hall gibt/wer wil sich zum streyt
rusten? Also auch yhr / weñ yhr mit zungen redet / so yhr
nicht gebet eyne deutliche rede / wie kan man wissen was
geredt ist? Denn yhr werdet ynn den wind reden.

Also mancherley art der stimmen ist ynn der welt/vnd der
selben ist keyne vndeutlich/So ich nu nicht weysz der sym-
men deutug / werde ich vndeutsch seyn dem / der da redet/
vñ der do redet / wirt myr vndeutsch seyn / Also auch yhr /
syntemal yhr eyfferet nach den geystliche gaben/tracht dar-
nach/das yhr volle gnuge habt zur besserung der gemeyne.

Darumb /

(die grossist)
Liebe rechtfer-
tiget nicht / son-
dern der glaub /
Ro.1. weyl aber
glaub vñndhoff-
nug gegē Got
handeln / vñnd
nur guttis emp-
fahen/dazu auff
horē müssen. Die
liebe aber gegen
dem nehsten
handelt vnd nur
guttis thut/dazu
ewig bleybt / ist
sie grosser / das
ist / weytter /
thettiger / vñnd
werhafftiger.

(zungen reden)
Mit zungen re-
den/ist psalmen
odder propheten
ynn der gemeyn
lesen oder sin-
gen / vñ sie nicht
auslegen / wie
wol sie der leser
verstehet. weys-
sagen ist den ynn
von Gott neh-
men/vñ andern
gebē mügen.
Auslegen ist den
ynn andern fur-
geben. So meynt
nu S. Paulus /
mit zungen re-
den bessert die

DIE ERST EPISTEL

gemeyne nicht /
weyßsagen aber
vñ außlegen be-
firt die gemeyne.

(mit dem synn)
Mit dem synn
redē ist eben so
viel / als außle-
gen / vñ den syn-
den andern ver-
stehen / Aber
ym geyst reden /
ist den synn selbs
verstehē vñ nicht
außlegē.

(synn)
Das ist / den synn
mit predigen
außlegen.

(zungen zum zey.)
Durch mancher-
ley zungen wer-
dē die vnglewbí-
gen zum glaw-
benn beleet / wie
durch anderr
zeychē vñ wüder /
aber durch weyß-
sagung werden
die gleubigē ge-
peßert vñnd ge-
sterck / als durch
zeychen / daran
sie yhren glaw-
ben prufen vñnd
erfaren / das er
recht sey

Darumb / wilcher mit der zungē redet / der bete also / das
ers auch außlege. So ich aber mit der zungen bete / so betet
meyn geyst / aber meyn synn bringt niemant frucht? Wie
sols aber denn seyn? nemlich also / Ich wil beten mit dem
geyst / vñnd wil beten auch mit dem synn / Ich wil singen mit
dem geyst / vñnd wil singen auch mit dem synn.

Wenn du aber benedest mit dem geyst / wie sol der / so an
stadt des leyn steht / Amen / sagen / auff dey nedand / sagung /
syntemal er nicht weyß / was du sagest / Du sagest wohl seyn
dankē / aber der ander wirt nicht dauon gepeßert. Ich dan-
ckē meynem Gott / das ich mit mehr zungen rede denn yhr /
Aber ich wil ynn der gemeyne lieber funffte wort reden /
durch meynen synn / auff das ich auch andere vnterweyse /
dann sonst zehen tausent wort mit der zungen.

Lieben bruder / werdet nicht kinder am verstentnis / son-
dern an der boszheyt seyt kinder / an dem verstentnis aber
seyt volkomē / In dem gesch steht geschrieben / Ich wil mit
andern zungen vñnd mit andern lippen reden zu disem
rold / vñnd sie werden mich auch also nicht horen / spricht
der herre. Darumb / so sind die zungen zum zeychen / nicht
den glewbigen / sondern den vnglewbigen / Die weyßsag-
ung aber / nicht den vnglewbigen / sondern den glew-
bigen.

Wenn nu / die ganze gemeyne zusammen keme an eynen ort /
vñnd redeten alle mit zungen / Es kemen aber hyneyn leyn
odder vnglewbige / wurden sie nicht sagen / yhr weret vn-
synnig? So sie aber alle weyßsageten / vñnd keme deñ / eyn vn-
glewbiger odder leye hyneyn / der wurde von den selben
alle gestrafft / vñnd von allen gericht / vñnd also wurde das
verporgen seynes herthen offinbar / vñnd er wurde also sal-
len auff seyn angesicht / Got anbeten / vñnd bekennen / das
Gott warhafftig ynn euch sey.

Wie ist yhm denn nu / lieben bruder? wenn yhr zusammen ko-
met /

met/so hat eyn ygllicher eynen psalmen/er hat eyn lere/er hat eyne zungen / er hat eyn offinbarung / er hat eyn außlegung. Laß es alles geschehen zur besserung / So yemand mit der zungen redet / das thu er selb ander / odder außs meyste selb dritte / vnd eyner vmb den andern / vñ eyner lege es aus / Ist er aber nicht eyn außleger / so schweyge er vnter der gemeyne/rede aber yhm selber vnd Gotte.

Die weyßsager aber laß reden selb ander odder selb dritte / vnd die andern laß richten / So aber eyn offinbarung geschicht eynem andern / der do sihet / so schweyge der erste. Ihr fund wol alle weyßsagen/eyner nach dem andern/auff das sie alle lernen/vnd alle ermanet werden/Vnd die geyster der propheten / sind den propheten vnter than. Denn Gott ist nicht eyn Got der zwittracht / sondern des frides / wie ynn allen gemeynen der heyligen.

Geñ. 3. Ewre weyber / laß schweygen vnter der gemeyne / Den es sol yhn nicht zu gelassen werdē/das sie reden/sondern vnter than seyn/wie auch das gesehe saget/wollen sie aber etwas lernen / so laß sie da heymen yhre menner fragen. Es stehet den weyben vbel an/vnter der gemeyne reden/oddere ist das wort Gottis von euch außfomen? odder ist es alleyn zu euch fomen? So sich yemant leisset duncken er sey eyn prophet/oddere geystlich/der erkenne was ich euch schreybe/Den es sind des hern gepot. Ist aber yemand vnwissend / der sey vnwissend. Darumb / lieben bruder / eyßert nach weyßsagen / vñ weret nicht mit zungen reden / Laß es alles erbarlich vnd ordenlich zu gehen.

(vnter than)

Etlich meynen / weyl sie den verstand vnd des geystes gaben haben/sollen sie niemandt weyssen noch schweygen / darauß den secten vñ zwittracht folgen. Aber sanct Paulus spricht hie sie sollen vñ mugen wol weyssen / syntemal die gaben des geysts ynn yhrer macht stehen / yhr nicht zu brauchen / widder die eynledeyt / das sie nicht sagen durffen / der geyst treyb vñ zwinget sie.

Das Sunffstehend Capitel.

Ich thu euch aber fund / lieben bruder / das Euāgelion / das ich euch verkündigt habe / wilchs yhr auch angenomē habt / ynn wilchē yhr auch stehet / durch wilchs yhr auch selig werdet/wilcher gestalt ichs euch verkündiget habe / so

DIE ERST EPISTEL

So yhrs behalten habt/es were denn/das yhr vmb sonst geglaubet hettet.

Denn ich habe euch zu foderst geben/wilchs yhr auch habt angenommen/das Christus gestorben sey fur vnser sunde/nach der schrift/vnd das er begraben sey/vnnd das er auff-erstanden sey am dritten tage/nach der schrift/vnd das er gesehen worden ist von Kephaz/darnach von den zwelffen/darnach ist er gesehen worden von mehr denn vber funffhundert brudern auff eyn mal/der noch viel leben/ettlich aber sind entschlaffen/darnach ist er gesehen worden vñ Jacobo/darnach von allen Aposteln.

Am lehten nach allen/ist er auch von mir/als der vnheytigen gepurt/gesehen worden/Denn ich byn der geringste vñter den Aposteln/als der ich nicht werd byn/das ich eyn Apostel heisse/darumb/das ich die gemeyne Gottis verfolget habe/Aber vñ Gottis gnaden/byn ich das ich byn/vnd seyne gnade an mir/ist nicht vergeblich gewesen/sondern ich habe viel mehr geerbeytet den sie alle/nicht aber ich/sondern Gottis gnade/die bey mir ist. Es sey nu ich odder yhene/also haben wir prediget/vnd also habt yhr geglaubet. So aber Christus prediget wirt/das er sey von den todten auff-erstanden/wie sagen denn ettlich vnter euch/die auff-erhebung der todten sey nichts? Ist aber die auff-erhebung der todten nichts/szo ist auch Christus nicht auff-erstanden/Ist aber Christus nicht auff-erstanden/so ist vnser prediget vergeblich/so ist auch ewer glawbe vergeblich/Wir werdē auch erfunden falsche zeugen Gottis/das wir zeuget haben widder Gott/er habe Christum auff-erweckt/den er nicht auff-erweckt hat/syntemal die todten nicht auff-erstehen/Den so die todten nicht auff-erstehen/so ist auch Christus nicht auff-erstanden/Ist Christus aber nicht auff-erstanden/so ist ewer glawbe eyttel/so seyt yhr noch ynn ewren sunden/so sind auch die/so ynn Christo entschlaffen sind/verloren.

loren. Goffen wir alleyn pñ diſem leben auff Chriſtum / ſo ſind wir die elendiſten vnter allen menſchen.

Nu aber iſt Chriſtus auſſerſtanden von den todten/vnnd der erſtling worden vnter den/die da ſchlaffen/Syntemal/durch eyn menſch der todt/vnd durch eyn menſch die auff-
erſtehung der todten kompt/Denn gleych wie ſieynn Adam alle ſterben / alſo werden ſieynn Chriſto alle lebendig gemacht werden/Eyn ygllicher aber ynn ſeyner ordnung/Der erſtling Chriſtus / darnach die Chriſtum an horen / wilche ſeyn werden zu ſeyner zukunfft zept / Darnach das ende / wenn er das rey ch Gott vnnd dem vater vbirantworten wirt / weñ er auffheben wirt / alle hirs chaſt vnd alle vbir-
ſeyt vnd gewalt. Er muß aber hirs chē / biß dz er all ſeyne ſeynde vnter ſeyne fuße lege.

Der lehte ſeynd der auffgehaben wirt/iſt der tod/deñ er hat yhm alles vnter ſeyne fuße than. Weñ er aber ſagt / das es alles vnterthan ſey/iſts offinbar/das außgenommen iſt/der yhm alles vnterthan hat / Wenn aber alles yhm vnterthan ſeyn wirt/alß denn wirt auch der ſon ſelbs vnterthan ſeyn/dem / der yhm alles vnterthan hat / auff das Got ſey alles ynn allen.

Was machen ſonſt / die ſich teuffen laſſen vber den todten/ ſo aller dinge die todten nicht auſſerſtehen? was laſſen ſie ſich teuffen vber den todten? vnd was ſtehen wir alle ſtund ynn der ſahrt? Bey vnſerm rhum/den ich habe ynn Chriſto Jheſu vnſerm hern/ich ſterbe alle tage. Hab ich menſchlicher weyße zu Epheſo mit den wilden thieren geſochten / was hilfft michs/ßo die todten nicht auſſerſtehen? Laßt vns eſſen vnd trindē / denn morgen werden wir ſterben. Laßt euch nicht verſuren/boſe geſchweh verderbt gute ſitten/Wachet recht auff / vnd ſündiget nicht / denn etlich wiſſen nichts vñ Got. Das ſage ich euch zur ſchame.

Nocht aber yemand ſagen / wie werden die todten auſſer-
ſtehen?

(ober den todten)
Die auſſerſte-
hung zubeter-
cken / lieſſen ſich
die Chriſtē teuf-
ſen vber den
todtē grebern /
vñ deutē auff
die ſelben / das
eben die ſelbē
wurden auſſer-
ſtehen.

Jſa. 22.
Poeta.

DIE ERST EPISTEL

stehen? vnd mit wilcherley leybe werden sie komen? Du
narr / das du seest / wirt nicht lebendig gemacht / es sterbe
denn / vñ wilchs seest du? nicht den leyb seest du / der werden
sol / sondern eyn bloß korn / nemlich / weyhen odder der
eynes von den andern / Got aber gibt yhm eynen leyb / wie
er wil / vnd eynem yglichen von den samen / seyn eygen leyb.
Nicht ist alles fleyisch eynesley fleyisch / sondern eyn ander
fleyisch ist der menschen / eyn anders des viehs / eyn anders
der fische / eyn anders der vogel. Vnd es sind hymelische cor-
per vnd prdische corper / aber eyn andere herlickeyt haben
die hymelischen / vnd ein andere die prdischen. Eyn andere
klarheyt hat die Sonne / eyn andere klarheyt hat der Mond /
eyn andere klarheyt haben die sterne / denn eyn stern ober-
trifft den andern nach der klarheyt / also auch die auffsteh-
ung der todten. Es wirt geseet verweßlich / vnd wirt auff-
erstehen vnuerweßlich / Es wirt geseet ynn der vneere / vnd
wirt auffstehen yñ der herlickeyt / Es wirt geseet ynn der
schwachheit vnd wirt auffstehen ynn der krafft / Es wirt
geseet eyn naturlicher leyb / vnd wirt auff stehen eyn geyst-
licher leyb.

Naturlich leyb
ist / der isset /
trindet / schlefft /
dewet / zu vnd
abnympt / kinder
zeuget ic. Geyst-
lich / der solchs
leybns darff /
vnd doch eynn
warer leyb vom
geyst lebendig ist /
wie man aus
Gen. 2. verste-
hen kan.

Hat man eyn naturlichen leyb / so hat man auch eyn geystli-
chen leyb. Also ist auch geschriben / Der erst mensch Adam ist
gemacht yns naturlich leben / vnd der letzte Adam yns geyst-
lich leben. Aber der geystliche leyb ist nicht der erste / sondern
der naturliche / darnach der geystliche. Der erste mensch ist von
erden vnd prdisch / der ander mensch ist vom hymel vñ hym-
lich / Wilcherley der prdische ist / solcherley sind auch die pr-
dischen / vnd wilcherley der hymliche ist / solcherley sind auch
die hymelischen / Vñ wie wir tragen habē das bild des prdi-
schen / also werdē wir auch tragen das bild des hymelischen.
Dauon sage ich aber / liebē bruder / das fleyisch vñ blut nicht
kündē das reych Gotis ererben / auch wirt das verweßlich
nicht erben / das vnuerweßliche. Sihe / ich sage euch eyn ge-
heymnis /

Gen. 2.

heymnis/Wyr werden nicht alle entschlaffen/wyr werden aber alle verwandelt werdē / vnd das ploßlich vnd ynn eynem augenblick / zur zeyt der letzten posaunen. Denn es wirt die posaune schallen/vnnd die todten werden auff er- stehen vnuerweslich / vnnd wyr werden verwandelt wer- den/Denn diß verwesliche/muß anghen das vnuerwes- liche/vnd diß sterbliche muß anghen die vnsterblichkeit.

Wenn aber diß verwesliche wirt anghen das vnuerwes- lich/vñ diß sterbliche wirt anghen die vnsterblichkeit/denne
 Osce. 13. wirt erfüllet werden das wort das geschrieben ist/Der tod ist verschlungen ynn dē sieg/Todt/wo ist deyn stachel? Zell/ wo ist deyn sieg? Aber der stachel des tods ist die sund/die krafft aber der sunden/ist das gesch. Got aber sey danc/der vns den sieg gebē hat/durch vnsern hern Ihesum Christum. Darumb / meyn lieben bruder seyt feste/vnbeweglich/vnd reych ynn dem werd des hern ymerdar/die weyl yhr wiß- set das ewr erbeyt ist nicht vergeblich ynn dem hern.

Das Sechzehend Capitel.

V On der stewart aber/die den heyligen geschicht/wie ich den gemeynen ynn Galatia befolhen habe / also thut auch yhr. Auff iah der Sabbater eynen / lege bey sich selbs eyn yglicher vnter euch/vnnd samle/was yhm wol zuthun ist / auff das nicht / wenn ich come / denn aller- erst/die stewart zusamen sey/Wenn ich aber dar komen byn/ wilche yhr durch brieffe da fur anseheth / die wil ich senden/ das sie hyr bringen ewre wolthat gen Jherusalem / So es aber werd ist/das ich auch hyr reyse/sollen sie mit mir reysen. Ich wil aber zu euch komen/wenn ich durch Macedonia zugehe/Denn durch Macedonian werd ich wandeln/bey euch aber werde ich villeycht bleyben/odder auch winteren/auff das yhr mich geleytet/wo ich hyr reysse.

Ich wil euch yht nicht sehen ynn der vberfart/denn ich hoffe/
 ich

DIE ERST EPISTEL

ich wolle etliche zeit bey euch bleyben/so es der herr zu le-
set. Ich werde aber zu Epheso bleyben biß auff pfingsten/
Denn myr ist eyn grosse vnd schefftige thur auffthan / vnd
sind viel widderwertiger da. So Timotheus kompt/so sehet
zu / das er on furcht bey euch sey / denn er treybt auch das
werck des herren/wie ich. Das phn nu nicht jemad verach-
te / geleytet phn aber ym fride / das er zu myr come / denn
ich wartte seyn mit den brudern.

Von Apollo aber (wisset) das ich phn seer viel ermanet ha-
be/das er zu euch come mit den brudern/vnd es war aller
dinge seyn wille nicht/das er pht come/er wirt aber komen/
wenn es yhm gelegen seyn wirt. Wachet / stehet ym glaw-
ben / faret menlich / vnd sterck euch / alle ewer ding last
gehen ynn der liebe.

Ich ermane euch aber/lieben bruder/pht kennet das hausz
Stephana/das sie sind die erstling ynn Achaia/vnd haben
sich selb verordenet zum dienst den heyligen/auff das auch
pht solchen vnterthan seyet / vnd allen die mit warden
vnd erbeyten. Ich frewe mich/ober der zukunfft Stephana
vnd Fortunati vnd Achaici. Denn ewren seyl haben sie
erfullet / sie haben erquicket meynen vnd ewren geyst. Er-
kennet / die solche sind.

Es grussen euch die gemeynen ynn Asia. Es grussset euch seer
ynn dem herrn Aquilas vnd Priscilla/sampt der gemeyne
ynn yhem hausz. Es grussen euch alle bruder/Grussset euch
vnternander mit dem heyligen kusz. Der grus mit meynen
hand Pauli. So yemand dē hern Jhesu Christ nicht lieb
hat / der ist Anathema Maharam motha. Die gnad des
hern Jhesu Christi sey mit euch. Meyn liebe

sey mit euch allen ynn Christo

Jhesu / AMEN.

Die Erste zu den Corinthern. Gesand auß Asia durch Ste-
phanen vnd Fortunaten / vnd Achaicon / vnd Timotheon

Vorrede

Ban / auff
deutsch / Ana-
thema ἀνάθεμα
auff friedsich.

Maharam

מארהם auff Eb-

reysch / ist eyn

ding. Moth מוֹת

aber heyst der

todt. wil nu sanct

Paul sagen/wer

Christum nicht

liebet / der ist

verbannet zum

todt. Uide leuit.

olt.

VORREDE AUFF XXXIII
DIE ANDER EPISTEL ZU DEN CORINTHERN

In der Ersten Epistel hat sanct Paulus die Corinthen hart gestrafft vnn vielen stücken/scharffen weyn vnn die wunden gossen/vnd sie erschreckt. Nu aber eyn Apostel sol eyn trostlicher prediger seyn / die erschrocken vñ bloden gewissen auffzurichten / mehr denn zuschrecken. Darumb lobt er sie nu widerumb vnn dieser Epistel/vnd geußt auch ole vnn die wunden/vnd thut sich wunder freuntlich zu yhn / vnnnd heisset den Sunder mit lieb wider aufzunehmen.

Am ersten vnd andern Capitel / zeygt er seyne liebe gegen sie/wie er alles geredt/gethan vnd geliden habe zu yhrem nutz vnd heyl / das sie ia sich alles besten zu yhm versehen sollen.

Darnach preysseter das Euangelisch ampt / wilchs das hochst vñ trostlichst werck ist / zu nutz vnd heyl der gewissen/vnd zeygt wie das selb edler sey/denn des gesetzs ampt/vñ wie das selb verfolget wirt/vnd doch zunympt an den gleubigen/vnd eyn hoffnung macht durchs creuch der ewigen herlickeyt / Das thut er am dritten / vierden / vnd funfften Capitel.

Am sechsten vnd siebenden / ermanet er sie / das sie solcher predigt folg thun mit werden vnd leyden/vnnnd beschleußts mit yhrem lobe/das er sie reyse fort zu faren.

Am achten vnd neunenden ermanet er sie / das sie auch mit zeytlicher narung steur vnnnd hulff thetten den heyligen zu Jerusalem vnn der tewren zeyt / wilche von anfang yhre gutter alle hatten vbergeben/Act. iij.

Am zehenden/eylfften vnd zwelfften hat er mit den falschen Aposteln zuschaffen.

Am dreyzehenden / dreyet er den die gesündigt hatten / vnnnd sich nicht besserten.

DIE ANDER EPISTEL PAULI

Das Erst Capitel.

Paulus eyn Apostel Jhesu Christi: durch den willen
Gotts/vñ bruder Timotheos.
Der gemeyne/zu Corinthē sampt allen heyligen vnn
ganz Achaia.

Gnad sey mit euch vñnd frid von Got vnserm vater / vñd
vnserm hern Jhesu Christ.

Gebenedeyet sey Gott der vater vnserz hern Jhesu Christ /
der vater vñd Gott alles trosts/der vns trostet vñ alle vn-
serm trubsal/das wir trosten kunden/die da sind vnn aller-
ley trubsal / mit dem trost / damit wir trostet werden von
Got. Denn gleych wie des leydens Christi viel vber vns
komet/also kompt auch viel trosts vber vns durch Chris-
tum.

Wir haben aber trubsal odder trost / szo geschichts euch zu
gutt. Ist trubsal/so geschichts euch zu trost vñd heyl (wilsch
heyl krefftig ist / so pht leydet der massen wie wir leyden)
Ist trost/so geschichts euch auch zu trost vñd heyl. Verhal-
ben steht vnser hoffnüg feste fur euch / Die weyl wir wiß-
sen/das/wie pht des leydens teylhafftig seyt/so werdet pht
auch des trosts teylhafftig seyn.

Deñ wir wollen euch nicht verhalten/lieben bruder/vnsern
trubsal / der vns vñ Acha widderfaren ist / da wir vñ die
maß beschweret waren/vñd vñ macht/also/das wir vns
des lebens erweget / vñ beschlossen hattē / wir mussten ster-
ben. Das geschach aber darumb / das wir vnser vertrauen
nicht auff vns selbs stellen/szondern auff Got/der die tod-
ten aufferweckt / wilcher vns von solchem tod erloset hat /
vñd noch teglich erloset/vñ hoffen er werd vns auch hynfurt
erlosen/durch hulff ewer furbit fur vns/auff das vber vns
fur die gabe die vns geben ist/durch viel person/viel dand's
geschehe.

(viel person)
Das ist / lung
vñd alt hern vñ
knecht/man vñd
fraw. psal. 148.

Denn

Denn vnser rhum/ist das zeugnis vnser gewissen/das wir
 n̄ eynfeltideyt vnd gotlicher lautterkeit/nicht ynn fleysch-
 licher weyszheyt/sondern ynn der gnade Gottis/gewan-
 delt haben auff der welt/allermeyst aber bey euch. Denn
 wir schreybē euch nichts anders/den̄ das ihr leset vnd vor-
 hyn wiisset. Ich hoff aber/ihr werdet vns auch bis ans ende
 also befinden/gleich wie ihr vns zum teyl befunden habt.
 Den̄ wir sind ewr rhum/gleich wie auch ihr vnser rhum
 seyt/auff des hern tag. Vnd auff solch vertrauen gedacht
 ich yhenis mal zu euch zukomen/auff das ich euch abermal
 eyn wolthat erhep̄gt/vñ durch euch gen Macedonia rey-
 szete/vñ widerumb vñ Macedonian zu euch keme/vnd
 von euch geleytet wurde ynn Judeam.

Hab ich aber eyner leychtfertigkeit braucht/da ich solchs ge-
 dacht? odder sind meyne anschlege fleyschlich? Nicht also/
 sondern bey mir ist ia/ia/vñ neyn ist neyn. Aber/Ob ey-
 n trewer Got/dz vnser wort an euch nicht ia vnd neyn gewe-
 sen ist. Den̄ der son Gottis Jhesus Christus/der vnter euch/
 durch vns gepredigt ist/durch mich vnd Siluanon vnd Ti-
 motheon/der war nicht ia vnd neyn/sondern es war ia ynn
 yhm. Denn alle Gottis verheysungen/die sind ia ynn yhm/
 vñ sind Amen yñ yhm/Gotte zum preysz durch vns. Got ist
 aber/der vns befestiget sampt euch/vnd vns gesalbet/vnd
 versigelt/vnd ynn vnser herzen das pfand des geysts ge-
 ben hat.

Amen/das ist
 gewis̄ vñ war-
 hafftig.

Das Ander Capitel.

Ich ruffe aber Got an zum zeugen auff meyne seele/das
 ich ewer verschonet/nicht widder gen Corinthon komen
 bin. Nicht das wir herren seyen vñ ewren glawben/
 sondern wir sind gehulffen ewr freude/denn ihr stehet ym
 glawbē. Ich beschloß aber solchs bey mir selbst/das ich nicht
 abermal ynn traurideyt zu euch keme. Den̄ so ich euch traw-
 rig

DIE ANDER EPISTEL

(ist gnug)
 Sie redt er vñ
 dem den er dro-
 ben ynn der er-
 sten Epistel c. 5.
 strafft / vñnd
 dem teuffel ge-
 ben hat / besilht /
 man sol yhn
 widder anneh-
 men nach der ge-
 sehenen straff.

rig mache / wer ist / der mich frolich mache / on der da von
 myr betrubt wirt? Vñd dasselb hab ich euch geschriben / das
 ich nicht / wenn ich keme / eyn trawrdicht vñr die ander het-
 te / vñber wilchen ich mich solte freuen / syntemal ich mich des
 vertraue / das meyne freude / ewr aller sey. Denn ich schreyb
 euch ynn grosser trubjal vñd angst des hertzen / mit vielen
 threnen / nicht das yhr soltet betrubt werden / sondern / auff
 das yhr die liebe erkendtet / wilche ich habe / sonderlich zu euch.
 So aber yemant eyn betrubnis hat angericht / der hat nicht
 mich betrubet / denn nur eyn wenig / auff das ich nicht euch
 alle beschwere. Es ist gnug / das der selb vñ der gemeyn
 also gestrafft ist / das yhr nu fort yhm desto mehr vergebt
 vñd trostet / auff das er nicht ynn alzu grosser trawrdicht
 ersauffe. Darvñb ermane ich euch / das yhr die liebe an yhm
 den vorgang haben lasset / Denn darumb hab ich euch auch
 geschriben / das ich erkennete / ob yhr bewerd seyt / gehor-
 sam zu seyn ynn allen stücken. Wilchem aber yhr etwas ver-
 gebt / dem vergebe ich auch / Denn auch ich / so ich etwas ver-
 gebe yemandes / das vergebe ich vñb ewren willen an Chris-
 tus stadt / auff das wyr nicht vñrforteylet werden von dem
 teuffel / Deñ vñs ist nicht vñbewust / was er ym synn hat.
 Da ich aber gen Troada kam zu predigen das Euangelion
 Christi / vñ myr eynthur auffthan war / ynn dem hern / hatte
 ich keyne ruge yñ meynem geyst / das ich Titon den bruder
 nicht fand / sondern ich macht meyn abschied / vñd fur aus
 gen Macedonia. Aber Gott sey gedankt / der vñs allzeit
 das selb behalten hilfft yñ Christo / vñ offinbart den geruch
 seyner erkētnis / durch vñs / an allē ortten / Deñ wyr sind
 Gotte eyn gutter geruch Christi / beyde vñter denen / die
 selig werden / vñ vñter denen / die verlorē werden / Die-
 sen / eyn geruch des tods zum todt / yñhenen aber ein geruch
 des lebens zum leben. Vñ wer taug dazu? Denn wyr sind
 nicht / wie etlicher viel / die mit dem wort Gottis freymerey
 treyben /

treyben / sondern als aus lauterleyt vnd als aus Got / fur Got / reden wir vnn Christo.

Das Dritte Capitel.

D Eben wir den abermal an / vns selbs zu preysen? **O**dder bedurffen wir / wie etliche / der lobebrieff an euch / odder lobe brieffe von euch? Ihr seyt vnser brieff / vñ vnser herzh geschrieben / der erkandt vnd gelesen wirt von allen menschen / die ihr offinbar worden seyt / das ihr eyn brieff Christi seyt / durch vnsern dienst zubereyt / vnd nicht mit tindten geschrieben / sondern mit dem geyst des lebendigen Gottis / nicht vñ steynern taffeln / sondern vnn fleyschern taffeln des herzen. Eyn solch vertrauen aber haben wir durch Christum zu Got / nicht das wir tuchtig sind vñ vns selber / etwas zu dencken / als von vns selber / sondern das wir etwas tugen / ist von Got / wilcher auch vns tuchtig gemacht hat / diener zu seyn / des newen testaments / nicht des buchstaben / sondern des geystes. Denn der buchstabe todtet / aber der geyst macht lebendig. So aber das ampt das durch die buchstaben todtet / vnd vnn die steine ist gepildet / klarheyt hatte / also / das die kinder vñ Jsrael nicht kundten ansehē das angesicht Mosi / vmb der klarheyt willen seynis angesichts / die doch auffhoret / wie solt nicht viel mehr das ampt / das den geyst gibt / klarheyt habē? Den so der dienst der die verdarnis prediget / klarheyt hat / viel mehr ist der dienst der die gerechtikeit predigt / vberaus vnn der klarheyt. Den auch phenes teyl das verfleret war / ist nicht verfleret / gegen diser vbermessigen klarheyt. Den so das klarheyt hatte / das da auffhoret / viel mehr wirt das klarheyt haben / das da bleybt. Die weyl wir nu solche hoffnüg haben / brauchen wir grosser freydickeyt / vnd thun nicht wie Moses / der eyn dede fur seyn angesicht heng / das die kinder von Jsrael nicht auffse-

(vertrauen)
Das wir euch zum brieffe bereyttet haben.

(buchstaben)
Buchstaben lernen / ist / das bloß geseh vñ werd lernen / on der gnade Gottis erkentnis / da durch wirt alles verdampft / vnd des tods schuldig erkandt / was der mensch ist / vñ thut / Den er kan on gnade Gottis nichts gutts thun.

(geyst)
Geyst lernen / ist die gnad / on geseh vñ verdienst lernen / da durch wirt der mensch lebendig vñnd selig.

(dede)
Über die dede Mosi ist den buchstabē vnd seyn lere nicht

DIE ANDER EPISTEL

erkennen. Das
aufgedeckt an-
gesicht des herrn
ist / klar erkent-
nis der gnaden
vñ des geysts /
der ons frey
macht vñ geseh-
buchstaben vñ
seyen werdē /
das yhr klarheit
vñ werd müssen
auffhoren.

(spiegelt)

wie der spiegel
eyn bilde sehet /
also sehet vnser
herz die erkent-
nis Christi.

(Gott)

Der teuffel ist
der welt furst vñ
Got / denn sie
dienet yhm vñ
ist vnter yhm.

(angesicht)

Erkenntnis Chris-
ti / nicht das an-
gesicht Mosi /
welchs ist erkē-
nis des gesehs.

Denn durch
Christum erken-
nen wir Got /

Johan. 6.

hen lunden auff das ende des / das auffhoret / sondern yhre
synne sind verstockt. Denn bisz auff den heutigen tag / bleybt
die selbige decke vnauffgedeckt / vber dē alten testamēt / weñ
sie es lesen / wilche vñ Christo auffhoret / Aber bisz auff den
heutigen tag / weñ Moses gelesen wirt / ist die decke fur yhr
herz gehengt / Weñ es aber sich beferete zu dem hern / so
wurde die decke abgethan / Denn der herr ist der geyst / Wo
aber der geyst des hern ist / da ist freyheyt. Nu aber spiegelt
sich ynn vns allen des hern klarheyt / von auffgedecktem an-
gesicht / vñ wir werden verfleret ynn das selbige bilde / von
eyner klarheyt zu der andern / als von dem hern / der da ist
der geyst.

Das Vierde Capitel.

Darumb / die weyl wir eyn solch ampt haben / nach
dem vns barmherzigeit widerfahren ist / so wer-
dē wir nicht laßz / sondern weisen von vns ynn er-
liche schande / vñ wandeln nicht ynn blasztuderey / seltschen
auch nicht Gottis wort / sondern offinbarn die warheyt /
vñ beweysen vns wol gegen aller menschen gewissen / fur
Got.

Ist nu vnser Euangelion verdeckt / so ist ynn denen / die ver-
loren werdē / verdeckt / vnter welchen der Got dieser welt ver-
blindt hat der vnglembigen syn / das yhn nicht scheynet / die
erleuchtung des Euāgelion von der klarheyt Christi / welcher
ist das ebenbild Gottis. Denn wir predigen nicht vns selbs /
sondern Ihesum Christ / das der sey der herr / wir aber ewre
knechte vmb Ihesus willen. Denn Got / der da hieß das licht
aus der finsternis erfur leuchten / der hat eyne hellen scheyn
ynn vnser herzen geben / das durch vns entstunde die er-
leuchtung von der erkentnis der klarheyt Gottis / ynn dem
angesicht Ihesu Christi.

Wir haben aber solchen schatz ynn yrdischen gefessen / auff
das

das die krafft / so obligt / sey Gottis / vnd nicht vñ vns. Wir haben allenthalben tribjal / aber wir engsten vns nicht / Wir werdē gedrenget / aber wir vertragen nicht / Wir leyden verfolgung / aber wir werdē nicht verlassenn. Wir werden vnterdrückt / aber wir komen nicht vmb / Vnd tragen vmb allheit das sterben des hern Jhesu an vnserm leybe / auff das auch das leben des hern Jhesu an vnserm leybe offinbar werde.

Denn wir / die wir leben / werden ymerdar ynn todt geben vmb Jhesus willen / auff das auch das leben Jhesu offinbar werde an vnserm sterblichem fleyßch / Darumb / so ist nu der tod mechtig ynn vns / aber das leben ynn euch. Die weyl wir aber den selbē geyst des glawbens haben (nach dem ges. Psal. 115. geschrieben steht / Ich habe geglewbt / darumb hab ich geredt) so haben wir auch geglewbt / darumb so reden wir auch / vnd wissen / das der / so den hern Jhesum hatt aufferweckt / wirt vns auch aufferwecken / durch Jhesum / vñ wirt vns darstellen sampt euch. Denn es ist myr alles vmb euch zu thun / auff das die vberschwengliche gnade / durch vieler danckagung / Gott reychlichen preysze.

Darumb werden wir nicht laß / sondern ob vnser euserlicher mensch verwejet / so wirt doch der ynnertliche vñ tage zu tage vernewert. Denn vnser tribjal / die zeytlich vnd leycht ist / schafft eyn ewige vnd vber alle maß wichtige herlickeyt / vns / die wir nit auff sehen / auff das sichtbar / sondern auff das vnichtbar / Denn was sichtbar ist / das ist zeytlich / was aber vnichtbar ist / das ist ewig.

Das Sunfft Capitel.

Wir wissen aber / so vnser yrdlich hauß diser hutten zu brochen wirt / das wir eynen baw haben von Gott erbawet / eyn haus nicht mit henden gemacht / das ewig ist ym hymel. Vnd vber dem selben sehen
nen

DIE ANDER EPISTEL

nen wir uns auch/nach vnser behaußung die vom hymel ist/
vñ verlangē/das wir damit oberfleydet werden/so doch/
wo wir beleydet vnd nicht blos erfunden werden. Deñ
die weyl wir vñ der hutten sind / sehnen wir uns vnd sind
beschweret / syntemal wir wolten lieber nicht entfleydet /
sondern oberfleydet werden/auff das/das sterbliche wur-
de verschlungen vñ dem leben / Der uns aber zu dem selbi-
gen bereyhet / das ist Gott / der uns das pfand / den geyst
geben hat.

(saren schon)
Das ist / wir ty-
rannisieren noch
treppe die leut
nicht / mit ban-
nen vnd ander
freuelen regi-
menten / denn
wir fürchten
Got.

Wir sind aber getrost / alle heyt/vnd wissen / das die weyl
wir da heymen sindynn dem leybe / so wallen wir ym ab-
wesen von dē hern/denn wir wandeln ym glauben/vñ se-
hen yhn nicht/Wir sind aber getrost/vnd haben viel mehr
lust außser dem leybe zu wallen/vnd da heymen zu seyn bey
dem hern. Darumb vleysigen wir uns auch/wir seyen da-
heym/odder wallen/das wir yhm wolgefallen. Denn wir
müssen alle offinbart werdē für dem richtstuel Christi/auff
das ein yglicher empfahe/an seynem leybe/nach dem er ge-
handelt hat/es sey gut odder bose. Die weyl wir denn wis-
sen / das der herr zu fürchten ist / saren wir schon mit den
leutē / aber Got sind wir offinbar / ich hoff aber / das wir
auch ynn ewren gewissen offinbar sind.

(thun wir zu
viel) Das ist/Ob
wir gleich zu
scharff mit den
leuten furen /
so dienen wir
doch Gott da-
ran / thun wir
aber seuberlich
vnd messig mit
yhn / so thun
wir dē leuten
zu dienst / das
allenthalben
recht vñnd wol
than ist.

Wir loben uns aber nicht abermal / sondern gebē euch ey-
nrsach zu rhumen von uns/auff das yhr habet zu rhumen/
widder die/so sich nach dem ansehen rhumen vñ nicht nach
dem herzen. Deñ thun wir zu viel/so thun wirs Got/sind
wir messig / so sind wir euch messig / Denn die liebe Christi
dringet uns also/syntemal wir achten/das/so eyner für alle
gestorben ist/so sind sie alle gestorben/Vñ er ist darumb für al-
le gestorben/auff das die/so da leben/nicht yhn selbst leben/
sondern dem / der für sie gestorben vnd auffgestanden ist.

(nach dem fleyßch)
Christū nicht

Darumb von nu an/kennen wir niemant nach dem fleyßch/
vñ ob wir auch Christum kand haben nach dem fleyßch / so
kennē

kennē wir ihn doch yet nicht mehr/Darumb/ist etwa ein
neue creatur vnn Christo/so ist das alt vergangen/sihe/es
ist alles new wordē. Aber das alles von Gott/der vns mit
ihm selb versunet hat durch Ihesum Christ/vnd vns geben
das ampt/das die versunung prediget. Denn Got war vnn
Christo/vnd versunet die welt mit ihm selber/vnd rechnet
ihn ihre sund nicht zu/vnd hat vnter vns auffgericht das
wort von der versunung.

So sind wir nu botschafftē/an Christus stat/als vermanete
Got durch vns/So bittē wir nu an Christus stat/laßt euch
versunen mit Got / den er hat denen / der vñ leyner unde
wuste / für vns / zur unde gemacht / auff das wir wurden
vnn ihm die gerechticheit die für Got gilt.

mehr erkennen
nach dem fleisch/
ist nichts fleisch-
lich an ihm suchē
odder gewarten/
wie die iunger
thetten für dem
leyden / sondern
an seinem wort
benugen daryn
sie eytel geyst-
lich vnd ewiges
gut haben.

Das Sechst Capitel.

Ja. 49.

Wir ermanen aber euch als mitthelffer / das ihr
nicht vergeblich die gnade Gottis empfaht. Den
er spricht / Ich hab dich vnn der genehmen zeit
erhoret / vnd hab dir am tage der selicheit geholffen. Se-
het/ yet ist die angenehme zeit/ yet ist der tag der selicheit/
laßt vns aber niemant yrgent ein ergernis geben/auff das
vnsr ampt nicht verlestert werde/sondern vnn allen dīn-
gen laßt vns beweysen als die diener Gottis.

Mit grosser gedult / mit trubsaln / mit notten/mit engsten/
mit schlegen/mit gefengnissen/mit auffruhren/mit erbeyt/
mit wachen / mit fasten / mit keuscheit / mit erkentnis / mit
langmut/mit freuntlicheit/mit dem heyligen geyst/mit vn-
geferbeter liebe/mit dem wort der warheit/mit der krafft
Gottis / durch waffen der gerechticheit zur rechten vnd zur
linken / durch preys vnd schmach / durch böß gerucht vnd
gutt gerucht / als die versurer / vñ doch warhafftig/als die
vnbefanten/vñ doch bekand/als die sterbenden/vnn sihe/
wir leben/als die gezüchtigen/vnd doch nicht ertodtet/
als

DIE ANDER EPISTEL

als die traurigē / aber allzeit frolich / als die armen / aber die doch viel reichmachen / als die nichts haben vnd doch alles ynnhaben.

(engsten)
Aus der vorigen
Epistel waren
die Corinther er-
schreckt / vnd
hermeten sich /
das sie dē Apostel
beleydigt hatten.
Nu tröst er sie /
vnd spricht /
seyn herz vn-
ser mund sey frolich
vnd außbreyt /
Drumb sollē sie
sich nicht engstē
noch hermen /
als sey er vber sie
vnlustig / dz sie
sich aber drob
hermē / sey an
ihm kein vrsach /
sondern als frum-
me synder / her-
men sie sich aus
gutem herzen /
da es auch nicht
noth ist / wilchs
nicht thun die
knechtlich art
haben / vnd des
ewigen lohns
nicht wartē /
des die kinder
sicher sind / da-
rumb sie vrsach
zu frewē haben.

Wohr Corinther / vnser mund hatt sich auffthan zu euch / vnser herz hat sich außbreytet / Vnszerthalben durfft ihr euch nicht engsten / das ihr euch aber engstet / das thut ihr auß herzhlicher meynūg. Ich rede mit euch als mit kindern / die gleichen lohn mit vns haben. Darumb breytet ihr euch auch aus.

3. ihr nicht am frembden noch mit den vngleubigen. Denn was hat die gerechtikeit fur genieß mit der vngerechtig-
keit? was hat das licht fur gemeynschafft mit dē finsternis? wie sympt Christus mit Bellial? odder was fur eynteyl hat der gleubige mit dem vngleubigen? was hat der tempel Gottis fur eyne gleiche mit den gottē? Ihr aber seyt der tempel des lebendigen Gottis / wie denn Gott spricht / Ich wil ynn yhen wonen / vnd ynn yhen wandelen / vnd wil ihr Got seyn / vnd sie sollen meyn vold seyn. Darumb / gehet aus mitten von yhen / vnd sondert euch abe / spricht der herre / vñ ruret kein vnreynes an / so wil ich euch annehmen / vnd ewr vater seyn / vnd ihr solt meyn sone vñ tochter seyn / spricht der almechtige herr.

Das Siebend Capitel.

DJe weyl wir nu solche verheyschung haben / meyn liebsten / so laßt vns von aller besledung des fleyschs vnd des geysts vns reynigen / vñ fort faren mit der heyligung yñ der forcht Gottis / fasset vns / wir haben niemand leyde than / wir haben niemand geteuschet / wir habē niemand verforteylet / nicht sage ich solchs euch zuuerdamnen. Denn ich habe droben zuuor gesagt / das ihr ynn vnserm herzen seyt / mit zu sterben vnd mit zuleben. Ich byn seer freydig gegen euch / ich rhume viel von euch / ich byn erfüllet

erfullet mit trost/ich byn vberflüßiglich yn freuden/yn allem vnserm trubsal. Denn da wir yn Macedonia kamen/hatten vns fleisch keine ruge/sondern allenthalben waren wir im trubsal/außwendig streyt/ynwendige furcht. Aber Got der die geringen trostet / der trostet vns durch die zukunfft Christi.

Nicht allein aber durch seine zukunfft/sondern auch durch den trost / damit er getrostet war an euch / vnd verkündigt vns ewer verlangen/ewer weynen/ewern eyßer vmb mich/also / das ich mich noch mehr freute. Denn das ich euch durch den brieff habe traurig gemacht / reuet mich nicht / vnd ob michs reuete/So ich aber sehe/das der brieff vil leicht auch eyn stundlang / euch betrübt hatt / so freue ich mich doch nu / nicht dauon / das ihr seyt betrübt worden / sondern das ihr betrübt seyt worden zur reue. Denn ihr seyt götlich betrübt worden / das ihr von vns lah keinen schaden yrgent ynnen nemet/Denn die götliche traurigkeit wirdt zur seligkeit eyne reue / die niemant getreuet / Die traurigkeit aber der welt wirdt den todt.

Sehe/das ihr götlich seyd betrübt worden/wilchen vleysz hatts yn euch gewirdt/dazu verantwortung/vnwillen/furcht/verlangen/eyßer/rache/Ihr habt euch beweyset yn allen stücken/das ihr reyn seyt an der that. Darumb ob ich euch geschriben hab / so ist doch nicht geschehen/vmb des willen der beleydiget hat/auch nicht vmb des willen der beleydigt ist / sondern vmb des willen/das vnser vleysz offinbar wurde bey euch / den wir haben vber euch / fur Gott. Derhalben sind wir getrostet worden / das ihr getrostet seyt / vberflüßiglicher aber habē wir vns nach mehr gefreuet/ober der freude Christi/Denn seyn geyst ist erquidet an euch allen. Denn was ich fur ihm von euch gethumet habe/byn ich nicht zuschanden wordē/sondern gleich wie alles war ist/das ich zu euch geredt habe/also ist auch vnser thum
fur

DIE ANDER EPISTEL

für Titus / war worden / vnd er ist vñ auß herhlich wol an euch / wenn er gedendt an ewer aller gehorsam / wie ihr ihn mit furcht vñ zittern habt auffgenommen. Ich frew mich das ich vnter euch vñ allen studeñ thar lene seyn.

Das Acht Capitel.

Ich thu euch kund / lieben bruder / die gnad Gottis / die vñ den gemeynen zu Macedonia geben ist / Denn ihre freude war da am vberschwenglichsten / da sie durch viel tribsal bewerd wurden / vñd ihr armut / obs wol tieff ist / hatt sich doch vñd schwendt als eyn reychtum / vñn aller eynfeltidest / Denn nach allem vermugen (das zeuge ich) vñd vber vermugen waren sie selbwillig / vñ fleheten vns / mit vielem ermanen / das wir auffnehmē die wolthat vñd gemeynschafft der handreychung / die da geschicht den heyligen / vñd nicht wie wir hoffeten / sondern ergabē sich selbst zu erst dem herrn / vñd darnach vns / durch den willen Gottis / das wir musten Titon ermanen / auff das er / wie er zuuor hat angefangen / also auch vnter euch solche wolthat außrichtet.

Über gleych wie ihr vñn allen studeñ reych seyt / vñ glawben vñd vñ wort / vñd vñn der erkentnis / vñd vñn allerley vleysz / vñd vñn ewer liebe zu vns / also schafft / das ihr auch vñn dißer wolthat reych seyt. Nicht sage ich / dz ich etwas gepiete / sondern die weyl andere so vleyszig sind / versuch ich auch ewer liebe / ob sie rechter art sey. Denn ihr wißet die gnad vnser herrn Ihesu Christi / das / ob er wol reych ist / wart er doch arm vñb ewer willen / auff das ihr durch seyn armut reych wurdet.

(angefangen)
Ihr seet die ersten
gewesenn /
die es wolten
vñd auch thaten.

Vñd meyn wolmeynen hyrinnen gebe ich / denn solchs ist euch nußlich / die ihr angefangē habt für dem lare her / nicht alleyn das thun / sondern auch das wollen. Nu aber volbrínget auch das thun / auff das / gleych wie da ist eyn geneyget

get gemute zu wollē / so sey auch da eyn geneyget gemute zu thun / von dem das p̄hr habt. Denn so der geneygte mut da ist / so ist eyner angenehm / nach dem er hatt / nicht / nach dem er nicht hat.

16. Nicht geschicht das der meynung / das die andern ruge haben / vñ p̄hr trubsal / sondern das es gleich sey / so diene ewr vberflusz p̄hrem mangel / dißer themren zeýt lang / auff das auch p̄hrer vberschwang hernach diene ewrem mangel / vñ
 16. geschehe das gleich ist / wie geschrieben steht / Der viel samlet / hatte nicht vberflusz / vñ der wenig samlet / hatte nicht seyl. Gott sey aber danck / der solchen vleysz an euch / geben hatt vñ das herzh Tití / Denn er nam zwar die ermanung an / aber die weyl er so seer vleyszig ware / ist er von p̄hm selber zu euch gereysset.

Wyr haben aber eynen bruder mit p̄hm gesand / der das lob hatt am Euangelio / durch alle gemeynen. Nicht alleyn aber das / sondern er ist auch verordnet vñ den gemeynen / zu vnserm walgefertē vñ der gnade / die vnter euch predigt wirt zu preysz des herrn / vñ ewr geneygt gemute zu reysen / vñ verhuten das / das vns nicht yemand dißer fulle halben verlestere / die durch vnser ampt außgericht wirt / vñ sehen drauff / das es redlich zugehe / nicht alleyne fur dem herren / sondern auch fur den menschen.

Auch haben wyr mit p̄hn gesand vnsern bruder / den wyr oft gespurt haben vñ vielen stücken / das er vleyszig sey / nu aber viel vleysziger / vñ das haben wyr than vñ grosser zuuersicht zu euch / es sey Titus halben (wílcher meyn gesell vñ gehulffen vnter euch ist) odder vnser bruder halben (wílche Apostel sind der gemeynen / vñ eyn preysz Christi) Erhebet nu die beweysung ewr liebe vñ vnser thums von euch / an disen / auch offentlich fur den gemeynen.

DIE ANDER EPISTEL

Das Neunde Capitel.

Aber vñ der handreychung an die heyligen/ist mir nicht not euch zuschreiben/Denn ich weysz ewr geneygt gemute/dauon ich rhume/bey den von Macedonia / vñd sage / Alhaia ist fur dem iar gerustet gewesen / vñd ewter eyffer hat viele gereyht. Wyr haben aber die bruder darumb gesand / das vnser rhum von euch / nicht zu nicht wurde pnn diser sachen / vñnd das pht bereyht sey/gleich wie wyr von euch gesagt haben/auff das nicht/ so die vñ Macedonia mit myr kemen / vñd euch vnbereyht funden/wir zuschanden wurden (wil nicht sagenn/pht) an solcher vermessenhert des rhums.

Ich hab aber fur notig angesehen/die bruder zuermanen/ das sie zuuor an zogen zu euch / zu verfertigen dise zuuor verheysene benedeyung / das sie bereyht sey / also / das es sey eyn benedeyung vñd nicht eyn geh. Ich meyne aber das / wer da kerglich seet / d' wirt auch kerglich erndten / vñd wer da seet pnn benedeyungen / der wirt auch erndten pnn benedeyungen. Eyn ygllicher / nach dem er pnn seynem herhen zuuor erwelet hat/nicht aus trauridert/odder aus not / Den eynen frolichen geber hat Got lieb.

Got aber kan machen / das allerley gnad pnn euch vbr. reychlich sey / das pht pnn allen dingen allerley gnuge fur euch habt / vñd reych seyt zu allerley guten werden / wie geschrieben stehet / er hatt außgestrawet / vñnd geben den armen / seyne gerechtidert bleybt pnn ewidert (Der aber samen reychet dem seeman / der wirtt pht auch das brot reychen zur speyse / vñd wirt vermehren ewrn samen / vñd wachsen lassen das gewechs ewr gerechtidert) das pht reych seyt pnn allen dingen / zu aller eynfeltidert / wilche wirtt durch vns danckagung Got.

psal. c 11.

Eynfeltidert ist/das die wolthat nicht omb geniesz/lohn oder eher willen / sondern aus blosser freyheit lieb vñd lust geschicht.

Denn die handreychung dieser stewart / erfüllet nicht alleyn den

den mangel der heyligen / sondern ist auch vberschwenglich daryn / das viele Gotte danken / durch disen bewerten dienst / vnd preysen Got / vber ewrem vnterthenigen bekenntnis des Euangelion Christi / vnd vber ewer eynseitigen gemeynschaft mit yhn vnd mit allen / vnd vber yhrem gepet fur euch / wilche verlāget nach euch / vmb d' vberschwenglichen gnade Gottis willen ynn euch. Gott aber sey dank / fur seyn vnaussprechliche gabe.

Das Zehend Capitel.

Ich aber Paulus ermane euch / durch die sanfftmutigkeit vnd lindigkeit Christi / der ich gegenwertig vnter euch geringe byn / ynn abwesen aber bynn ich thurstig gegen euch. Ich bitte aber / das myr nicht nott sey / durch das vertrauen / durch wilchs ich thurstig geschieht werde / lūne zu seyn vber etliche / die vns schehen / als wandelten wir nach dem fleysch. Deñ ob wir wol ym fleysch wādeln / so streyten wir doch nicht nach fleyschlicher weyse. Deñ die waffen vnser ritterschafft / sind nicht fleyschlich / sondern mechtig fur Gott / zuuerstoren die befestungen / damit wir verstoren die anschlege / vnd alle hohe / die sich erhebt / widder die erkenntnis Gottis / vnd nemen gefangen alle vernunft vnter den gehorsam Christi / vnd sind bereyt zu rechen allen vnghorsam / wenn wir gehorsam erfüllet ist / richtet yhr nach dem ansehen?

Verleßit sich yemand darauff / das er Christis sey / der dencke solchis auch widderumb bey yhm / das gleych wie er Christis ist / also sind wir auch Christis. Vnd so ich auch etwas weytter mich thumet vñ der gewalt / wilche vns der herr geben hat / zubeßern vñ nicht zuuerderben / wolt ich nicht zuschanden werden. Das sage ich / das yhr nicht euch dunklen lasset / als hette ich wolt euch schrecken mitt brieffen / Denn die brieffe (sprechen sie) sind schwere vnd starck / aber
die

DIE ANDER EPISTEL

die gegenwertigkeit des leybs ist schwach / vnd die rede verachtlich. Wer eyn solcher ist / der dencke / das / wie wir sind mit wortten vnn den brieffen vnn abwesen / so sind wir auch mit der that gegenwertig.

Denn wir thuren nicht vns selb an massen / vnd richten nach etlichen / die sich selb loben / aber die weyl sie sich nach sich selb messen / vnd richtē sich nach sich selb / verstehen sie nichts. Wir aber rhumen vns nicht vber das zill / sondern nur nach dē zill der regel / damit vns Got abgemessen hat das zill / zulangē auch bisz an euch. Denn wir saren nicht zu weyt / als hetten wir nicht gelanget an euch / Deñ wir sind vhe bisz auch an euch komen mit dem Euangelio Christi / vnn rhumen vns nicht vblis zill vnn frembder erbeyt / vñ haben hoffnüg wenn nu ewr glawb vnn euch gewechset / das wir vnser regel nach / wollen weytter komen / vnd das Euangelion auch predigen / denen die vhen vñ euch wonen / vnd vns nicht rhumen vnn dem / das mit frembder regel bereyttet ist.

Das Eylfft Capitel.

Wer sich aber rhumet / der rhume sich des herren / den der ist nicht bewerd / d' sich selb lobt / sondern den der herr lobt. Wolt Got vhr hieltet mit eyn wenig thorheyt zu gutt / doch vhr haltet mhrs zu gut. Deñ ich eyffer vber euch mit gotlichem eyffer / Deñ ich habe euch vertrauet eynem man / das ich eyn reyne lungfraw Christo zubrechte / Ich fürchte aber / das nicht / wie die schlange Geua versurte mit vhrer teufcheren / also auch ewre synn verruckt werden von der eynfeltigkeit vnn Christo / Deñ so / der / da zu euch kompt / eynen andern Jhesum predigete / den wir nicht prediget haben / odder vhr eynen andern geyst empfienget / den vhr nicht empfangen habt / odder eynn ander Euangelion / das vhr nicht angenommen habt / so vertrugt vhr sie billich.

Denn

Denn ich acht / ich sey nicht weniger deñ die hohen Apostel sind / vnd ob ich alber byn mit reden / so byn ich doch nicht alber pnn der erkētnis. Doch ich byn bey euch allenthalbē wol bekāt / Oder hab ich gesündigt / das ich mich ernydrikt habe / auff das p̄hr erhöht wurdet? Denn ich habe euch das Euangelion vmb sonst verkündigt / vnd habe andere gemeyne beraubt / vnd sollt von p̄hn genomen / das ich euch predigte. Vnd da ich bey euch war gegenwertig / vnd mangel hatte / war ich niemand beschwerlich / Denn meynen mangel erstatten die bruder die von Macedonia kamen / vnd hab mich p̄n allen stücken euch vnbeschwerlich behalten / vnd will auch noch mich also behalten.

So gewiß die warheyt Christi yn myr ist / so sol myr diser rhum p̄n dē lenden Achala nicht vnternomen werden / Warūb das? das ich euch nicht solt liebhaben? Got weys es. Was ich aber thu vnd thun wil / das thu ich darumb / das ich die ursach abhawe / denen / die ursach suchen / das sie rhumen mochten / sie seyen wie w̄r. Denn solche falsche Apostel vnd trugliche erbeyter / verstellen sich zu Christus Aposteln / vnd das ist auch seyn wunder / Deñ er selb der teuffel / verstellet sich zum Engel des lichts. Drumb ist nicht eyn grosses / ob sich auch seyne diener verstellen / zu diener der prediget / von der gerechticheyt.

Ich sage abermal / das nicht yemād wehne / ich sey thoricht / Wo aber nicht / so nemet mich an als eynen torichten / das ich auch mich eyn wenig rhume / Was ich p̄ht rede / das rede ich nicht dem hern nach / sondern als pnn der torheyt / die weyl w̄r pnn das rhumen komen sind / systemal viel sich rhumen nach dem fleysch / wil ich mich auch rhumen. Denn p̄hr vertrag gerne die narren / die weyl p̄hr klug seyt / V̄hr vertrag / so euch yemand zu knechten macht / so euch yemād schindet / so euch yemand nympt / so sich yemand vber euch hebet / so euch yemand pnn das angesicht streycht / Das
sage

DIE ANDER EPISTEL

(nach der vnehr) sage ich nach der vnehr / als weren wir schwach worden.
 Das ist / wir wollen uns vñ stellen als die schwachē / die vñ tragen muſſet / das uns doch eyn ſchand iſt / vñtemal wir euch tragen ſollen.

(ſchwach) Mit den schwachē vñ glauben thett vñ lieſſ er viel / des er wol anders macht hatte. wie er. 1. Corint. 8. vñ. 12. ſagt / vñ brand (d̄z iſt / es verdros vñ hart) weñ man die ſchwachē ergete.

Worauff nu yemand kune iſt (ich rede vñ torheyt) darauff byn ich auch kune. Sie ſind Ebreer / ich auch / Sie ſind Iſrae- liter / ich auch / Sie ſind Abrahams ſamen / ich auch / Sie ſind diener Chriſti / ich auch. Ich rede thorlich / Ich byn wol mehr / vñ erbeyten vñrfluſſiger / vñ ſchlegen vñrſchweng- licher / vñ gefengniſſen vñrfluſſiger / vñ ſterben offter. Von den Juden hab ich funff mal empfangen vierzig ſtreich weniger eynē / Ich byn drey mal geſteupt / Eyn mal geſtepniget / Drey mal ſchiffbruch erlitten / Tag vñ nacht hab ich zubracht vñ der tieffe des mehris / Ich hab oft gereyſet / Ich byn vñ ſerlidet geweſen / zu waſſer / vñter den mor- dern / vñter den Judeñ / vñter den heyden / vñ ſtedten / vñ den wuſten / auff dem meer / vñ vñter den falſchen bru- dern / vñ muhe vñ erbeyt / vñ wachen / vñ hunger vñ durſt / vñ viel faſten / vñ froſt vñ bloſſe.

On was des außwendigen iſt / Nemlich meyn teglich an- halten / Meyn ſorge fur alle gemeynen. Wer iſt ſchwach / vñ ich werde nicht ſchwach? wer wirt geergert / vñ ich brenne nicht? So ich mich vñ rhumen ſol / wil ich mich meyn- ner ſchwacheyt rhumen. Got vñnd der vater vnſers hern Iheſu Chriſt / wilcher iſt der gebenedeyete vñ ewidet / weyſſ / das ich nicht liege / Zu Damſco der landpfleger des konigs Areta verwarete die ſtad der Damſcer / vñnd wolt mich greyſſen / vñ ich wart vñ eynem forbe zum fenſter aus durch die maure vñddergelaſſen / vñ entrann aus ſeynen henden.

Es iſt myr ſah das rhumen ſeyn nuh / doch wil ich komen auff die geſichte vñ offinbarunge des hern. Ich kē eynen menſchen vor vier hehen iaren / iſt er vñ dem leyb geweſen / ſo weyſſ ichs nicht / odder iſt er auſer dem leybe geweſen / ſo weyſſ ichs auch nicht / Got weyſſ / der ſelb wart entzuckt biß vñ den dritten hymel / vñnd ich kē den ſelben menſchen / ob

ob er ynn dem leybe odder außzer dem leybe gewesen sey / weyß ich nicht / Got weyß / er ward entzuckt ynn das paradys / vnd horet vnaussprechliche wort / welche seyn mensch sagen kan. Dauon wil ich mich rhumen / von myr selb aber wil ich mich nicht rhumen / on meynen schwacheyt / vnd so ich mich rhumen wolt / thett ich nicht thorlich / denn ich wolt die warheyt sagen / ich enthalt mich aber des / auff das nicht yemand mich hoher achte / deñ er an myr sihet / odder von myr horet.

Vnd auff das ich mich nicht vberhebe der hohen offinbarung / ist myr geben / eyn psal yns fleyßch / des Satanas engel / der mich mit feusten schlahe / auff das ich mich nicht vberhebe / dafur ich drey mal den herrn gelehete habe / das er von myr trette / vnnnd er hat zu myr gesagt / Laß dyr gnugen an meynen gnade / Denn krafft wirt durch schwacheyt stercker. Darumb wil ich mich am aller liebsten rhumen meynen schwacheyt / auff das die krafft Christi ynn myr wone. Darumb dund ich mich gut / ynn schwacheyten / ynn schmachem / yñ nodten / ynn verfolgungen / ynn engsten omb Christus willen. Deñ weñ ich schwach bynn / so bynn ich stard.

Ich byñ ein narr wordē vber dē rhumen / dazū habt yhr mich zwungen / Deñ ich solte von euch gelobt werden / syntemal ich byñ nichts weniger / denn die hohen Apostel sind / wie wol ich nichts bynn / so sind doch eyne Apostels zeychen vnter euch geschehen / mit aller gedult / mit zeychen / vnd mit wunder vnd mit thatten. Wilchs ist / dar ynn yhr geringer seyt / deñ die andern gemeynen? on das ich selb euch nicht habe beschweret / Vergebt myr die sunde. Sihe / ich byn bereyt zum dritten mal zu euch zu komen / vnnnd wil euch nicht beschweren. Denn ich suche nicht das ewre / sondern euch / Denn es sollen nicht die kinder den Eltern scheh samlen / sondern die Elter den kindern.

Ich aber wil fast gerne dar legen vnd dar gelegt werden /
fur

DIE ANDER EPISTEL

für ewre seele / wie wol ich euch fast seer liebe / vñ doch wenige geliebt werde / Aber laß also seyn / das ich euch nicht habe beschweret / sondern die weyl ich ein teufcher war / hab ich euch mit hynderlist gefangē. Sab ich aber auch jemand vberforteylt / durch der etlichē / die ich zu euch gesand habe? Ich habe Titon ermanet / vnd mit ihm gesand eynen bruder / hat euch auch Titus vberforteylet? haben wir nicht ynn eynem geyst gewandelt? habē wir nicht ynn eynerley fußstapffen gangen? Laß ihr euch abermal bunden / wir verantworten vns? wir reden ynn Christo für Got.

Aber das alles geschieht / meyn liebsten / euch zur besserung / Den ich fürcht / wenn ich come / das ich euch nicht finde / wie ich wil / vñnd ihr mich auch nicht findet / wie ihr wolt / das nicht / habbet / eyßet / zorn / zand / affterreden / orenblasen / auffblasen / auffthut da seyen / das ich nicht abermal come / vnd mich Got demütige bey euch / vnd müsse leydrtragen vber viel / die zuuor gesündigt / vnd nicht buß than haben / für die vnreynigkeit vnd hurerey vnd geyleheyt / die sie gehandelt haben.

Das Dreytzehend Capitel.

Ich come nu zum dritten mal zu euch / yñ zweyer oder dreyer mund sol bestehen allerley sach. Ich habs euch zuuor gesagt / vñnd sage euch zuuor / als gegenwertig / zum andern mal / vnd schreybs nu ym abwesen / denen die zuuor gesündigt haben / vnd den andern allen. Wenn ich abermal come / wil ich nicht schonen / syntemal ihr sucht / das ihr eyn mal gewar werdet / des / der yñ mir redet Christus / wilcher ist vnter euch nicht schwach / sondern ist mechtig vnter euch. Vnd ob er wol gecreuzigt ist / yñ der schwacheyt / so lebt er doch / ynn der krafft Gottis / Vnd ob wir auch schwach sind ynn ihm / so leben wir doch mit ihm ynn der krafft Gottis / vnter euch.

Versucht

Verſucht euch ſelbs / ob p̄hr p̄m glauben ſeyt / pruffet euch ſelbs / odder erkennet p̄hr euch ſelbs nicht / das Jheſus Chriſtus p̄nn euch iſt? es ſey denn das p̄hr verworffen ſeyt. Ich hoff aber p̄hr erkennet / das wir nicht verworffen ſind / Ich wunſche aber fur Got / das p̄hr nichts obels thuet / nicht auff das wir bewerd erſcheynen / ſondern auff das p̄hr das gute thuet / vnd wir wie die verworffen ſeyen. Deñ wir funden nichts widder die warheyt / ſondern fur die warheyt. Wir ſtrewen vns aber / wenn wir ſchwach ſind / vnn̄d p̄hr mechtig ſeyt / vnd daſſelb wunſchen wir auch / nemlich / ewre vollkommenheit. Derhalben ich auch ſolchs ſchreybe / auff das ich nicht / wenn ich gegenwertig byn / ſcherffe brauchen muſſe / nach der macht / wiſche mir der herr zu beſſern / vnd nicht zu verderben geben hat.

Zu leht / lieben bruder / ſtrewet euch / ſeyt vollkommen / troſtet euch / habt eynerley mut vnd ſynn / ſeyd friedsam / ſo wirt Gott der liebe vñ des frieds mit euch ſeyn. Gruffet euch vnternander mit dem heyligen kuß. Es gruffen euch alle heyligen. Die gnade vnſers herrn Jheſu Chriſt / vnd die liebe Gottis vnd die gemeynſchaft des heyligen geiſtis ſey mit euch allen AMEN. Die Ander zu den Corinthern.

Gesand von Philippen p̄nn Macedonia /
durch Titon vñ Lucas.

VORREDE AUFF DIE EPISTEL SANCT
PAULI ZU DEN GALATERN

Die Galater waren durch sanct Paulus zu dē rechten Christen glawben vnd vns Euangelion von dem geseß bracht. Aber noch seynem abschied / kamen die falschen Apostel / die der rechten Apostel lunge waren / vñ wandten die Galater widerumb / das sie glewbtē / sie musten durch die werck des geseß selig werden / vnd thetē sun d wo sie nicht des geseß werck hielten / wie Act. xv. auch etlich zu Jerusalem hohe leut fur gaben.

Diszen zu entgegen / hebt S. Paulus seyn ampt hoh / vnd wil sich nichts weniger gehalten haben / deñ seyn ander Apostel / vnd alleyn von Gott seyn lere vnd ampt rump / auff das er den rhum der falschen Apostel / die sich mit der rechten Apostel werck vnd namen behalffen / dempffte / vnd spricht / Es sey nit recht / wens gleych eyn Engel anders predigt odder er selbs / schwegg deñ / wenn es der Apostel lunge odder sie selbs anders lereten. Das thut er ym ersten vnd ander Capitel / vñ schleußt / das on verdienst / on werck / on geseß / sondern alleyn durch Christum / yderman muß rechtfertig werde.

Am dritten vnd vierden / bewert das alles mit schrifftē / exempel vnd gleychnissen / vnd zeygt / wie das geseß viel mehr sun d vnd maledexung bring denn gerechtidēpt / wilch alleyn aus gnaden von Got verheysen / durch Christon on geseß erfüllet vnd vns geben ist.

Am funfften vnd sechsten / leret er die werck der lieb die dem glawben folgen sollen.

DIE EPISTEL
S. PAULI ZU DEN GALATERN

XLIV

Paulus eyn Apostel: nicht von menschen: sondern durch Ihesum Christ vnd Got den vater / der ihn aufferweckt hatt von den toden / vnd alle bruder die bey mir sind.

Den gemeynenynn Galatia.

Gnade sey mit euch vnd frid von Gott dem vater / vnd vnserm hern Ihesu Christ / der sich fur vnser sund geben hat / das er uns erredtet von dieser gegenwertigē argen welt / nach dem willen Gottis vnser vaters / welchem sey preys von ewickert zu ewickert Amen.

Mich wundert / das ihr euch so bald abwenden lasset / von dem / der euch beruffen hatt durch die gnad Christi / auff eyn ander Euangelion / so doch seyn anders ist / on das etliche sind / die euch verwirren / vnd wollen das Euangelion Christi verkeren. Aber / so auch wir / odder eyn engel vom hymel / euch wurde predigen / anders denn das wir euch prediget haben / das sey verflucht / Wie wir ygt gesagt haben / so sagen wir auch abermal / so pemandt euch prediget / anders den das ihr empfangē habt / das sey verflucht. Predige ich den ygt menschen odder zu dienst? odder gedend ich den menschen gefellig zn seyn? Wenn ich den menschen noch gefellig were / so were ich Christis knecht nicht.

Ich thu euch aber kund / lieben bruder / das / das Euangelion / das von mir gepredigt ist / nicht menschlich ist / Denn ich hab nicht vō eynem menschen empfangen / noch gelernet / sondern durch die offinbarung Ihesu Christi. Denn ihr habt yhe wol gehoret meynen wandel weylant ym Judēthum / wie ich vbir die maß die gemeyne Gottis verfolgete / vnd verstoret sie / vnd namhu ym Judenthum vber viele meyns gleychen / vnter meynner Nation / vnd eyffert mehr denn alle ander vmb der veter geseh.

Da es aber Gotte wolgefiel / der mich von meynner mutter ley-


Eihe / wie er alle wort richtet / widder die engen gerechticet.

be

DIE EPISTEL

be hat außgeſondert/vñ beruffen durch ſeyne gnade/das er ſeynen ſon offinbarete pnn myr/das ich pñ durchs Euangelion verkündigen ſolt vnter den heyden/also bald/fur ich zu vnd beſprach mich nicht daruber mit fleiſch vnd blut / kam auch nicht gen Jeruſalem/zu denen/die fur myr Apoſtel waren/ſondern zoch hñ pnn Arabiam/vñ kam widerumb gen Damasco/Darnach vber drey iar/kam ich gen Jeruſalem/zu ſchawen Petron/vnd bleyb funffehen tage bey pñ/der andern Apoſteln aber ſahe ich ſeynen / on Jacobo des hern bruder. Was ich euch aber ſchreibe/Got weiß/ich lügen nicht. Darnach kam ich pnn die lender Syrie vnd Cilicie / ich war aber unbekant nach dem angeſicht/den Chriſtlichen gemeinen pnn Judea. Sie hatten aber alleyn gehoret / das / der vns weyland verfolgete/der predigt pñt den glauben/wilchen er weyland verſtorete / vnd preſſeten Got vber myr.

Das Ander Capitel.



Darnach vber vierzehn iar/zoch ich abermal hñ auff gen Jeruſalem mit Barnabas / vnd nam Titon auch mit mir/Ich zoch aber hñ auff/aus einer offinbarung / vñ beſprach mich mit pñ vber dem Euangelio / das ich predige vnter den heyden / beſonders aber mit denen/die das anſehen hatten/auff das ich nicht vergeblich lieſſe odder gelauffen hette. Aber es wart auch Titus nicht gehwungen ſich zu beſchneytten/der mit mir war/ob er wol ein krieche war / Vnd das / vmb etlicher neben eyngefurter falſcher bruder willen/die neben eynkommen waren/zuerkundſchaffen vnſer ſreyheyt / die myr haben pnn Chriſto Jheſu/das ſie vns gefangen nemen/wilchen wir auch dazumal nicht wichen/vnterthan zu ſeyn/auff das die warheyt des Euangelion bey euch beſtunde.

(dazumal)
Denn es dazumal ſie daucht vrsach ſeyn den halztarrigen zu weyhen/das ſie ſich nicht ergeten.

(wilcherley)
Die falſchen Apoſ-

Don denen aber/die das anſehen hatten/wilcherley ſie weyland geweſen ſind/da ligt myr nichts an/Denn Got achtet das

das ansehen der menschen nicht. Mir aber / haben die / so das ansehen hatten / nichts anders geleret / sondern wid-
derumb / da sie sahen / das mir vertrauet war / das Euan-
gelion an die vorhaut / gleich wie Petro das Euangelion an
die beschneittung (Denn der mit Petro krefftig ist gewesen
zum Apostelampt / vnter die beschneittung / der ist mit mir
auch krefftig gewesen vnter die heyden) vnd sie erkanden
die gnade / die mir geben war. Jacobus vnd Kephias vnd
Johannes / die fur seulen angesehen waren / gaben sie mir vñ
Barnaba die hand / vnd vereyneten sich mit vns / das wir
vnter die heyden / sie aber vnter die beschneittung predig-
ten / allein das wir der armen gedachten / wils ich auch
vlessig byn gewesen zu thun.

Da aber Petrus gen Antiochian kam / widerstund ich yhm
vnter augen / denn es war klage vber yhn komen / Denn zu-
vor eeh etliche von Jacobo kamen / ass er mit den heyden /
da sie aber kamen / erhoch er sich vnd sonderet sich / darumb /
das er die von der beschneittung furcht / vnd heuchelten mit
yhm die andern Juden allesampt / also / das auch Barnabas
verfureet ward durch yhr heuchlen. Aber da ich sahe / das sie
nicht richtig wandelten / nach der warheyt des Euangeli /
sprach ich zu Petro offentlich / So du / der du eyn Jude bist /
heydenisch lebest vnd nicht Judisch / warumb zwingistu
denn die heyden Judisch zu leben? Wie wol wir von natur
Juden vnd nicht sunder aus den heyden sind / doch weil
wir wissenn / das der mensch durch die werck des gesetzs /
nicht rechtfertig wirt / sondern durch den glawben an Jhesu
Christ / so haben wir auch an Jhesum Christ geglaubet / auff
das wir gerechtfertiget werden / durch den glawben an
Jhesu Christ / vnd nicht durch die werck des gesetzs.

Darumb wirt durch die werck des gesetzs kein fleisch ge-
rechtfertiget. Solten wir aber / die da suchen durch Chris-
tum rechtfertig zu werden / auch noch selbst sunder erfun-
den

tel zugen an / das
die zwelff Apost-
tel mit Christo
selbs gewandelt
hatten / darub sie
mehr den Pau-
lus galtē / das
widerlegt S
Paulus / vnd
spricht / es lge
daran nicht / wie
groß oder her-
lich sie seyen. Es
ist ym Euangelio
eyn prediger
wie d' ander.

1. Cor. 3.

(vorhaut)
Die heyden heyst
er vorhaut / da-
rüb das sie nicht
beschneitten sind.

DIE EPISTEL

(nicht mehr denn
sund) wer durch
werd wil frum
werden/der thut
ebē als were er
durch Christū
eyn sunder wort
dē / vñd mußte
durchs geset
frum werdē /
Das heyst Chris-
tū verleudet vñd
verlestert / vñ
die sund widder
bawet/die zuuor
durch des glaw-
hens predigt ab-
than war.

(Dem geset)
Durch den glaw-
bē der eyn gepst-
lich lebendig ge-
set ist / sind wir
dem geset des
buchstabē ge-
storben/das wir
ihm nicht mehr
schuldīg sind.
Ro. 1

den werdenn / so hetten wir von Christo nicht mehr denn
sunde/Das sey aber ferne/Wenn ich aber das/so ich zubro-
chen habe / widerüb bawē / so mach ich mich selbst zu ey-
nem vñrtretter. Ich bynn aber durchs geset dem geset ge-
storben / auff das ich Gotte lebe / Ich bynn mit Christo ge-
creutziget/ich lebe aber/doch nu nichtlich/sondern Christus
lebet ynn mir. Denn was ich lebe ym fleisch / das lebe ich
ynn dem glawben des sons Gottis/der mich geliebt hat vñd
sich fur mich dargeben. Ich werffe nicht weg die gnade Got-
tis/Denn so durch das geset gerechtikeyt kompt/so ist Chris-
tus vergeblich gestorben.

Das Dritte Capitel.

Ophr vnuerstendigen Galater / wer hat euch behau-
bert/das phr der warheyt nicht gehorchet? welchen
Christus Jhesus fur die augen zeiget ist/das er vn-
ter euch gecreutziget sey / Das wil ich alleynē von euch ler-
nen? Habt phr den gepst empfangen / durch die werd des
gesets? odder durch die prediget vom glawben? seyt phr
so vnuerstendig? ym gepst habt phr angefangen / wolt phr
denn nu ym fleisch fort faren? habt phr deñ so viel umb
sonst erlittē? ist anders umbsonst. Der euch nu den gepst
reychet / vñ thut solche thatten vnter euch / thut ersz durch
die werd des gesets? odder durch die prediget des glaw-
bens? Gleych/wie Abraham hat Gotte geglewbt/vñd es ist
ihm gerechnet fur gerechtikeyt. So erkennet phr yhe nu/
das die da sind vom glawbenn/das sind Abrahams kinder.
Die schrifft aber/hats zuuor erschen/das Got/die heyden
durch den glawben rechtfertiget / Darumb verkündiget sie
dem Abraham / ynn deynem samen sollen alle heyden be-
nedeyet werden. Also werden nu / die da sind vom glaw-
ben / gebenedeyet mit dem glewbigē Abraham. Deñ alle
die mit des gesets werden umbgehen / die sind vnter der
vermaledeyung.

Gen. 15.

Gen. 22.

- Deut. 27. vermaledeyung. Deñ es steht geschriebē / Vermaledey et sey
 yderman / der nicht bleybet / pnn alle dem / das geschrieben
 ist pnn disem buch des gesehs / das ers thue. Die weyl denn
 Abac. 2. durchs geseh niemandt rechtfertiget wirt fur Got / so istz off-
 inbar / das der gerechte leben wirt durch den glawben / Das
 geseh aber ist nicht glawbe / sondern der mensch der es thut /
 wirt da durch leben. Christus aber hat vns erloset vñ der
 Leult. 16. vermaledeyung des gesehs / da er wart eyn vermaledeyung
 fur vns (Deñ es steht geschrieben / Vermaledey et ist yder-
 Deut. 21. man der am holz henger) auff das die benedeyung Abrahe
 vnter die heyden keme / pnn Christo Jhesu / vñnd wirt also
 den verhepffen geyst empfiengen / durch den glawben.

Lieben bruder / ich wil nach menschlicher weyse reden / ver-
 achtet man doch eyns menschen testament nicht (wenn es
 bestetiget ist) vñd thut auch nichts dahu. Tu ist yhe die ver-
 hepffunge Abrahe vñnd seynem samen zugesagt. Er spricht
 nicht / pnn den samen / als pnn vielen / sondern / als pnn ey-
 nem / Vñd durch deynen samen / wilcher ist Christus. Ich sa-
 ge aber dauon / das testament / das von Gott bestetiget ist
 auff Christum / wirt nicht auffgehoben / das die verhepffun-
 ge solte auffhoren durchs gesehe / wilches gegeben ist / vñ
 vierhundert vñd dreyssig iar hernach. Denn so das erbe
 durch das geseh erworben wurde / so wurde es nicht durch
 verhepffung gebē / Got aber hats Abraham durch verhepff-
 unge frey geschendt.

Was sol denn das geseh? Es ist hyntu than / das des vñr-
 trittē mehr wurde / biß der same keme / dem die verhepff-
 ung geschehen ist / vñd ist vñrreicht von den engelen durch
 die hand des mittlers. Ein mitteler aber ist nicht eyns ey-
 nigē mitteler / Got aber ist eynig. Wie? ist denn das gesehe
 widder Gottis verhepffen? das sey ferne. Weñ aber eyn ge-
 seh geben were / das da lund lebendig machen / so keme die
 gerechtikeyt warhafftig von dem geseh / aber die schrift

(was sol)
 Got hat Abra-
 ham das erb /
 das ist / gerech-
 tikeyt vñ ewiges
 leben aus gna-
 den zugesagt /
 was hilfft denn
 das geseh? Ant-
 wort / dz geseh
 meeret vñd offn-
 bart die funde so
 es viel foddert /
 das wir nicht
 vermogen / vñd
 offnbart sie da-
 rumb / dz wir er-
 kennen / das Got
 aus gnaden
 rechtifertige. weñ
 dz geseh alleyn
 gnug were from
 zu machen / was
 durfften wir der
 verhepffen gna-
 de?

hats

DIE EPISTEL

(mitlers)
 Mosi / welcher
 mitler zwischen
 Gott vñ dem
 volck war / Es
 hette aber keynes
 mitlers bedurfft/
 so das volck hette
 das geseh horen
 mogen / Exod. 20.
 vñnd Deut. 5.
 So sie es nu nitt
 horen mogē / wie
 mag sie das geseh
 from machen?
 Es hat aber nicht
 an got gefelt / der
 eyñlg vñnd on
 wandel ist / son-
 dern am volck
 hatts gefelt.

hatts alles beschloffen vnter die sünde / auff das die verheßs-
 ung keme / durch den glawben an Ihesum Christum / gege-
 ben denen die da glewben. Ehe denn aber der glawbe kam /
 wurden wir vnter dem geseh verwaret vñ verschlossen /
 auff den glawbē / der do solt offinbart werdē.

Also ist das geseh vnser zuchtmeyster gewesen auff Chris-
 tum / das wir durch den glawben rechtfertig wurden. Nu
 aber der glawbe komen ist / sind wir nicht mehr vnter dem
 zuchtmeyster. Denn phr seyt alle Gottis kinder / durch den
 glawben an Christo Ihesu / Den wie viel ewr tauffet sind /
 die habē Christum angehogen. Sie ist keyn Jude noch Krie-
 che / Sie ist keyn knecht noch freyer / Sie ist keyn man noch
 weyb / denn phr seyt alhumal eyner vñn Christo Ihesu.
 Seytt phr aber Christis / so seyt phr iah Abrahams samen /
 vñnd nach der verheßsunge / erben.

Das Vierde Capitel.

Ich sage aber / so lange der erbe eyñ kind ist / so ist vnter
 vñm vñd eyñem knecht keyn vnterscheyd / ob er wol eyñ
 herr ist aller guter / sondern er ist vnter den furmunden
 vñd pflegern / biß auff die bestympte zejt vom vater. Also
 auch wir / da wir kinder waren / waren wir gefangen vn-
 ter den euserlichen sähungen / Da aber die zejt ersullet
 wart / sandte Gott seynen son / der da geporn ist von eyñem
 weyb / vñd vnter das geseh gethan / auff das er die / so vnter
 dem geseh waren / erloset / das wir die kindschafft empfiē-
 gen. Weyl phr denn kinder seyt / hat Gott gesand seynen
 geyst vñn ewre herzen / der schreyet / Abba lieber vater / also
 ist nu hie keyn knecht mehr / sondern eytel kinder / Sinds
 aber kinder / so sinds auch erben Gottis durch Christon.
 Aber zu der zejt / da phr Got nicht erkandtet / dienetet phr
 denen / die von natur nicht Gotte sind / Nu phr aber Got er-
 kand habet (iah viel mehr von Got erkand seyt) wie wendet
 phr

phr euch denn umb / wider zu den schwachen vñ durfftigen sachen / welchen phr vñ neues an dienen wolt? Phr haltet tage vñ monden vñ feste vñ iartzeit / ich fürcht ewr / das ich nicht villeycht vñsonst hab an euch geerbetet / Seyt doch wie ich / denn ich byn wie phr.

Lieben bruder (ich bitte euch) phr habt myr seyn leyb gethan / Den phr wißet / das ich euch pñ schwacheyt nach dem fleisch / das Euangelion predigt habe / zum ersten mal / vñ meyne ansechtungen / die ich leyb nach dem fleisch / habt phr nicht veracht noch verschmecht / sondern als eynen engel Gottis nampt phr mich auff / iah als Ihesum Christon / wie ward phr dāhumal so selig? Ich byn ewr zeuge / das / wenn es möglich gewesen were / phr hettet ewr augen außgerissen vñ myr geben / Byñ ich denn also ewr seynd werden / das ich euch die warheit furhalte?

Sie eyßern umb euch nicht seyn / aber sie wollen euch von myr abfellig machē / das phr umb sie solt eyßern. Eyßern ist gut / wens ymer dar geschicht umb das gutte / vñ nicht alleyn / wenn ich gegenwertig bey euch byñ.

Meyn lieben kinder / welche ich abermal mit engsten gepere / biß das Christus pñ euch eyne gestalt gewynne / Ich wolt aber / das ich pht bey euch were / vñ meyn stym wandeln funde / Denn ich byñ ytre an euch.

Gen. 16. 21. Sagt myr / die phr vñter dem geseß seyn wolt / habt phr das geseß nicht gehoret? Den es steht geschrieben / das Abraham hatte zwene sone / eynen von der magd / den andern von der freyen / Aber der von der magd war / ist nach dem fleisch geporn / der aber von der freyen / ist durch die verheßung geporn. Die wort bedeuten etwas / denn dise weyber sind die zwey testament / Eyne vñ dem berge Sina / das zur knechtschaft gepirt / wilchs ist die Agar / Denn Agar heyst pñ Arabia der berg Sina / vñ langet biß gen Jerusalem / das zu dieser zeit ist / vñ ist nicht frey mit seynen kindern.

Aber

DIE EPISTEL

Aber das Jerusalem/das droben ist/das ist die freye/die ist
 vnser aller mutter. Denn es steht geschrieben / Sey frolich Jsa. 54.
 die du nicht gepreest/vnd brich erfur/die du nicht schwan-
 get bist / Denn die eynsame hat viel mehr kinder / denn die
 den man hat. Wyr aber / lieben bruder sind / Jsaac nach /
 der verhepffung kinder.

Aber gleich wie zu der zeit / der nach dem fleisch geporn
 war/verfolgete denen/der nach dem geyst geporn war/al- Gen. 21.
 so geht es ist auch. Aber was spricht die schrift? Stoss die
 magd hynaus mit phrem son/Denn der magd son sol nicht
 erben / mitt dem son der freyen. So sind wyr nu / lieben
 bruder/nicht der magd kinder/sondern der freyen.

Das Sunfft Capitel.

(Schuldig)
 Denn on glawb
 ist seyn herb
 teyn / on herben
 reynlept / ist
 seyn werd recht
 vnd teyn.

So bestehet nuynn der freyheit/damit vns Christus
 befrehet hat / vñ last euch nicht widerumb ynn
 das knechtische noch verknupffen. Sehet/ich Paulus
 sage euch/wo yhr euch beschneyden lasset/so ist euch Chris-
 tus seyn nuß. Ich zeuge abermal eynem yderman/der sich
 beschneyten leß / das er noch des ganzen gesetzs schuldig
 ist/yhr seyt abe von Christo/wenn yhr durchs gesetz recht-
 fertig werden wolt/vnd hat der gnade geseylet/Wyr aber
 wartten ym geyst der hoffnung/das wyr durch den glaw-
 ben rechtfertig seyen. Denn ynn Christo Jhesu gilt wider
 beschneydung noch vorhaut etwas/sondern die liebe/die
 durch den glawben thettig ist. Yhr lieffet seyn/wer hatt euch
 auffgehalten/der warheyt nicht zu gehorchen? Solch ober-
 reden ist nicht von dem der euch beruffen hat / Ein wenig
 sawrteyg/versawret den ganzen teyg.

Ich versehe mich zu euch ynn dem herrn/yhr werdet nichts
 anders gespnnet seyn / Wer euch aber yrr macht / der wirt
 seyn vrteyl tragen / er sey wer er wolle. Ich aber / lieben
 bruder/so ich die beschneydung noch predige/warumb ley-
 de

de ich denn verfolgung? so hette die ergernis des creutzes auff gehoret. Wolt Gott/das sie auch außgerottet wurden/die euch verstoren/Vhr aber lieben bruder seyt zur freyheyt beruffen / alleyn sehet zu / das vhr die freyheyt nicht last dem fleysch eyn rawn werde / sondern durch die liebe die-

(rawn werde)
Das thun die/so
da sagen / weyl
der glawbe alles
thut / so wollen
wyr nichts guts
thun/vñ auff den
glawben ons
verlassen ic.

net eynes dem andern. Denn alle geseh werden ynn eynem wort erfullet / ynn dem / Hab deynen nehsten lieb als dich selbst. So vhr euch aber vnternander beysset vnd stesset/so sehet zu/das vhr nicht vnternander verkehret werdet. Ich sage aber dauon/wandelt ym geyst/so werdet vhr die lusten des fleyschs nicht volnbringen/Denn das fleysch gelustet widder den geyst / vñ den geyst gelustet widder das fleysch/Die selbigen sind widderinander/das vhr nicht thut/was vhr wollet/Saret vhr aber ym geyst/so seyt vhr nicht vnter dem geseh. Offinbar sind aber die werck des fleyschs/als da sind/eebruch/hureren/vnterneydeyt/geylheyt / abgotterey / zemberen / seyndschafft/hader/eyffer / zorn/zang/zwytracht/secten/hassz/mord/sauffen/stessen / vnd der gleychen / von welchen ich euch hab zuuor gesagt / vñ sage noch zuuor / das / die solchs thun / werden das reich Gottis nicht erben. Die frucht aber des geysts ist/liebe/freude/fride/langmutt/freuntlicheyt/guttdieyt/glawbe / sanfftmut / keuscheyt / welche solche sind / widder die ist das gesehe nicht / welche aber Christis sind / die haben vhr fleysch gecreuhigt/sampt den lusten vnd begirden.

Das Sechst Capitel.

So wyr ym geyst leben/so last ons auch ym geyst einher treten/last ons nicht eytteler eere geptig seyn/vnternander zu entrusten vnd zuhassen. Lieben bruder/so ein mensch etwa von eynem seyl vberexlet wird/so unterweyset yhn mit sanfftmutigem geyst/die vhr geystlich seyt / Vñ sihe auff dich selbst / das du nicht auch versucht werdest.

DIE EPISTEL ZU DEN GALATERN

(nicht an eyne
an.) Das ist / er
sol sich nicht des
erheben / das er
stercker odder
frumer ist / denn
seyn nehister /
sondern halte
sich gegen sich
selbs / vnd rhume
sich seynes glaw-
bens vnd der
gnaden Gottis.

(regel)
Dise regel ist
nicht der men-
schen lere / son-
dern das Euan-
gellion vñd' glaw-
be vnn Christo.
Vñ die malhepche
sind nicht die
narben an Chris-
tus leyb / son-
dern allerley ley-
dē / das wpr am
leybe vmb Chris-
tus willen tra-
gen.

werdijst. Eyner trage des andern last / so werdet yhr das
geseh Christi erfullen. So aber sich yemant leyt bunden er
sey etwas / so er doch nichts ist / der betreugt sich selbs. Eyn
ygllicher aber prufe seyn selbs werd / vñnd also dann wirt
er an yhm selber rhum haben vnd nicht an eynem andern /
Denn eyn ygllicher wirt seyne last tragen.

Der aber vnterrichtet wirt mit dem wort / der teyle mit aller-
ley guttis / dem / der yhn vnterricht / prret euch nicht / Got leyt
sich nicht honen. Denn was der mensch seet / das wirt er ernd-
ten / Wer auff das fleyisch seet / der wirt von dem fleyisch das ver-
derben erndten / Wer aber auff den geyst seet / der wirt von
dem geyst das ewige leben erndten. Last vns aber guts thun
on verdruß / Denn zu seyn erzeyt werdē wpr auch erndten on
auffhoren. Als wpr denn nuzeyt haben / so last vns guts thun /
an yderman / allermeyst aber an des glawbens genossen.
Sehet / mit wie vielen wortten hab ich euch geschriben mit
eygener hand / Die da wollen wol geperden ym fleyisch / die
zwingē euch zubeschneytten / alleyn das sie nicht mit dem
creutz Christi verfolget werden / Denn auch sie selbs / die sich
beschneytē lassen / halten das gesehe nicht / sondern sie wol-
len / das yhr euch beschneytten last / auff das sie sich von ew-
rem fleyisch rhumen mugen. Es sey aber ferne von myr /
rhumen / denn nur von dem creutz vñsers herrn Jhesu Chris-
ti / durch wilchen myr die welt gecreutziget ist / vnd ich der
welt. Denn ynn Christo Jhesu gilt widder beschneytung
noch vorhaut etwas / sondern eyn newe creatur / vñnd wie
viel nach diser regel eynher treten / vber die sey fride vnd
barmherzideyt / vnd vber den Jsrael Gottis. Synfurt ma-
che myr niemant weyter muhe / denn ich trage die malhep-
chen des herrn Jhesu an meynem leybe. Die gnad vñsers
herrn Jhesu Christi sey mit ewrem geyst / Lieben

bruder AMEN. Zu den Galatern.

Gesand von Rom.

Dortheide

VORRHEDE AUFF DIE EPISTEL SANCT XLIX
PAULI ZU DEN EPHESEERN

In dieser Epistelleret S. Paulus auff's erst/was das Euā-
gelion sey/wie es alleyn von Got ynn ewigkheit versehen/
vñ durch Christum verdienet vnd außgangen ist/das
alle die dran gleuben/gerecht/frum/lebendig/selig/vnd
vom geset/sund vnd todt frey werden/Das thut er durch
die drey erste Capitel.

Darnach leret er meyden/die neben lere vñ menschen ge-
pot/auff das wir an eynem heubt bleyben/gewiß/recht-
schaffen vnd völig werden ynn Christo alleyn/an welchem
wir's gar haben/das wir außzer yhm nichts durffen. Das
thut er ym vierden Capitel.

Fort an leret er den glawben vben vnd beweyßen mit gut-
ten werden/vnd sundemeyden/vnd mit geystlichen wapen
streyn wider den teuffel/damit wir durchs
creutz ynn hoffnung bestehen mugen.

DIE EPISTEL S. PAULI

Das Erst Capitel.

Paulus ein Apostel Jhesu Christi durch den willen
Gottis.

Den heyligen zu Epheſo vñ gleubigen an Christo Jhesu.
Gnad sey mit euch vnd frid von Gott vnserm vater / vnd
dem herrn Jhesu Christo.

Gebenedeyt sey Got vnd der vater Jhesu Christi / der vns
gebenedeyt hat mit allerley geystlicher benedeyung / ym
hymelischen weſen durch Christum / wie er vns denn erwe-
let hatt durch den ſelben / ehe der welt grund gelegt war /
das wir ſolten ſeyn heylig vñ vñſtrefflich fur yhm ynn
der liebe / vñ hatt vns verordnet zur kindſchafft gegen
yhm durch Jhesum Christ / nach dem wolgefallen ſeynes
willens / zu lob der herlicheit ſeyner gnade / durch welche er
vns hat angenehm gemacht ynn dem geliebten.

An welchem wir haben die erloſung durch ſeyn blut / nem-
lich / die vergebung der ſunde / nach dē rechtum ſeyner gna-
de / welche er vñſchuttet hat auff vns / durch allerley weyß-
heyt vnd klugheyt / vñ hatt vns wiſſen laſſen das geheym-
nis ſeynes willens nach ſeynem wolgefallen / vñ hatt daſ-
ſelbige erſur than durch yhn / das es predigt wird / da die
zeyt erfullet war / auff das alle dīng zu ſamen verfaſſet wur-
de durch Christon / beyde das ynn hymel vñ auch ynn erden
iſt / vnd yhm vñterthan wurde / durch welchen wir auch zum
erbtēyl komen ſind / die wir zuuor verordent ſind / nach
dem ſurſaß des / der alle dīng wirdt / nach dem rad ſeynes
willens / auff das wir eyn weſen erlangen zu lob ſeyner
herlicheit / die wir zuuor auff Christo hoffen.

Des ſeyt auch yhr / da yhr gehoret habt das wort der war-
heyt / nemlich / das Euangelion von ewer ſelicheit / an wilchs
da yhr auch gleubet habt / ſeyt yhr verſigelt worden mit
dem geyst der verheißung / das iſt / mit dem heyligen geyst /
welcher

(verfaſſet)
Das vñter Chris-
to als eynem
herrn / alle dīng
ſemptlich bracht
wurde / des vor-
hyn viel ynn
mancherley ab-
gotteteit vnd re-
giment zurſtrew-
et war.

wilcher ist das pfand vnser erbs / zu vnser erlösung / die wir seyn eygenthum sind / zu lobe seynher herlichkeit.

Darumb auch ich nach dem ich gehoret habe von dem glawben bey euch / an den herrn Jheson / vnd von ewer liebe zu allen heyligen / hore ich nicht auff zu danken fur euch / vnd gedende ewerynn meynem gepet / das der Gott vnser herrn Jhesu Christi / der vater der herlicheyt / gebe euch den geyst der weyßheyt vnd der offinbarung zu seyn selbs erkentnis / vnd erleuchtete augen ewers verstentnis / das ihr erkennen mugt / wilche da sey die hoffnung ewres beruffs / vnd wilcher sey der reychthum des herlichen erbes an seynen heyligen / vnd wilche da sey die vberichwengliche grosse seynher krafft an vns / die wir glewbt haben / nach der wirdung seynher mechtigen sterck / wilche er gewirckt hat ynn Christo / da er ihn von den todten auferweckt hat / vnd gesetzt zu seynher rechten / ym hymliſchen wesen / vber alle furstenthum / gewalt / macht / hirschaft / vnd alles was genant mag werden / nicht alleyn ynn diſzer welt / sondern auch ynn der zukunfftigen / Vnd hat alle ding vnter seyne fusse gethan / vnd hat ihn gesetzt fur allen dingen zum hewbt der gemeynen / wilche da ist seyn leyb vnd die fulle / des / der alles ynn allen erfüllet.

Das Ander Capitel.

Und auch euch / da ihr tod waret / durch gepredhen vnd sunde / ynn wilchen ihr weyland gewandelt habt / nach dem laufft diſer welt / vnd nach dem fursten der vberlept / die ynn der lufft regirt / nemlich nach dem geyst / der da seyn werd hat ynn den kindern des vnglawbens / vnter wilchen wir auch alle weyland vnsern wandel gehabt haben / mit lusten vnser fleschs / vñ thaten den willen des fleschs vnd der vernunft / vnd waren auch kinder des zorns von natur / gleich wie die andern.

(erfüllet)
Christus ist
vnd wirckt alle
werck / ynn allen
creatur / Da-
rumb ist seyn
alle creatur voll /
also ist auch
seyne gemeyne
Christeheyte seyn
ne fulle / das sie
samt ihm ein
ganzer leyb vnd
volliger hauffe
ist.

Aber

DIE EPISTEL

Aber Got/der da reich ist von barmherzigkeit/durch seyne groÿse liebe/da mit er vns geliebt hatt/da wir tod waren vnn den sunden/hat er vns sampt Christo lebendig gemacht (Denn aus gnade seyt ihr selig worden) vnd hat vns sampt ihm aufferweckt/vñ sampt ihm gesetzt vnn das himelisch weÿsen/durch Jhesum Christ/auff das er erheigte vnu den zukunfftigen zeitten/den vñschwendlichen reichthumb seynes gnade/mit seynes freuntlicheyt vñt uns/durch Jhesum Christ. Denn aus gnade seyt ihr selig worden/durch den glawben/vnd dasselb nicht aus euch/Es ist Gottes gabe/nicht aus den werden/auff das sich nicht jemand rume. Denn ihr seyt seyn werd/geschaffen durch Jhesum Christ zu guten werden/zu wilchẽ Got vns zuuor bereydet hat/das wir drynnen wandeln sollen.

Darumb gedēckt dran/das ihr/die ihr gewesen seyt weyland heyden nach dem fleysch/vnd die vorhaut genennet wurdet/vñ den/die genennet sind beschneytung nach dem fleysch/die mit der haud geschicht/das ihr zu der selben zeit waret on Christo/darumb ihr frembd gehalten waret vñ der burgerschafft Jsrael/vnd waret geste vnn den testamenten der verheÿssung/daher ihr seyne hoffnung hattet/vnd waret on Got vnn der welt. Nu aber/ihr die ihr vnn Christo seyt/vñnd weyland ferne gewesen/seyt nu nahe wurden durch das blut Christi.

(auffgehabent Christus hat) Denn er ist vnser fride/der aus beyden hat eyne gemacht/vnd hat abbrochen die mittelwand/die der zawn war zwischen vns/nemlich die feyndschafft/damit/das er hatt durch seyn fleysch auff gehabt das gesetz der gepot/so fern sie schriftlich verfasst waren/auff das er aus zweyen eynen neuen menschen schaffte/vnn ihm fride zumachen/vñnd das er beyde verjunete mit Gott vnn eynem leybe/durch das creutz/vñnd hat die feyndschafft todtet durch sich selbst/vnd ist komen/hat verkündiget ym Euangelio/den friden euch/

euch / die ihr ferne waret / vñnd denen / die nahe waren. Denn durch ihn haben wir den zugang all beyde zu einem geist / zum vater.

So seyt ihr nu nicht mehr geste vñnd frembding / sondern burger mit den heyligen vñ hauszgenossen Gottis / erbawet auff den grund der Apostel vñ d' propheten / da Ihesus Christus der edstein ist / auff welchen / wilcherley baw / zu einander gefugt wirt / der wechst / zu einem heyligen tempel zu dem herrn / auff welchen auch ihr mit erbawet werdet / zu einer behausung Gottis zu dem geist.

Das Dritte Capitel.

Erhalten / ich Paulus der gefangener umb Ihesus Christus willen / fur euch heyden / Nach dem ihr gehoret habet von dem ampt der gnade / die mir geben ist an euch (Den mir ist kund wordē dieses geheymnis / durch offinbarung / wie ich droben geschrieben habe auff's furhst / daran ihr / so ihrs leset / werden kundt mercken verstand an dem geheymnis Christi / welches ist nicht kund gethan zu den vorigen zeitten / den menschen kinden / als es nu offinbart ist seynen heyligen Apostelen vñ propheten durch den geist / Das die heyden seyn miterben vñ mitleybig vñ mitgenossen seyn der verheissung zu Christo / durch das Euangelion / des ich ein diener wordē bin nach der gabe aus der gnade Gottis / die mir geben ist nach der wirkunge seyn der krafft.

Mir dem aller geringsten vñter allen heyligen ist geben diese gnade / vñter die heyden zuuerkundigen / den vñausforschlichen reychtum Christi / vñd zu erleuchten yderman / welche da seyn die gemeynschafft des geheymnis / das von der welt her verporgen gewesen ist zu Gott / der alle ding geschaffen hatt / durch Ihesum Christ / auff das ihr kundt wurd / den furstenthumen vñd vñberkeyten zu dem hymel / an der gemeyne

geist geben / der alles thut frey / das er des schriftlichē gezehs (das do treybet die fleyschlichen) nicht bedarff vñd von ihm vñgetrieben ist. Nu bleheten sich die Jude des schriftlichen gezehs vñ seynet wider halben wider die heyden / aber nu einerley geist beyden gegeben ist / horet das blehē vom gezehe auff / vñ werden freunde zu Christo.

(den furstenthumen) Die engel zu dem hymel ob sie wol voll Gottis sind / so erfahren sie doch teglich an der Christenheit

DIE EPISTEL

new gnaden
vnd gabē / die
Got auß gibt
teglich. wie auch
Christus Luce.
11. spricht / das
sich die engel fre-
wē rber eynem
sunder der busse
thut.

(die breytte)
Die liebe bewey-
set das der glaw-
be rechtschaffen
sey / der selb be-
greiffst denn /
das nichts so
breyt / lang /
tless / hoh sey /
da Christus nicht
macht habe vnd
helffen künde /
vnd furcht sich
nicht / wider
fur sund / tod
noch helle es sey
breyt / lang /
tless ic. wie psal.
138. auch sagt /
Quo ibo a spiri-
tu tuo.

(Gottis fulle)
Das Got alleyn
pñ euch regiere
vnd werde / vñ
pñ sein voll sey.

die manchfältige weysheit die Got gibt / nach dem furjah
von der welt her. welche er beweyset hat pñ Christo Ihesu
vnserm hern / durch welchen wir haben freydicheyt vñ zu-
gang pñ der zuvorsicht durch den glawben an pñ. Da-
rumb blit ich / das pñ nicht lassz werdet / vmb meynen trub-
saln willen / die ich fur euch leyde / welche sind euch eyne preysz.
Verhalben beuge ich meyne knye gegen dē vater vnser
herrn Ihesu Christ / der der recht vatter ist rber alles was
vatter heyszt pñ hymel vñ erden / das er euch gebe nach dem
rechtum seynen herlicheyt / mit krafft starck werden durch
seynen geyst / an dem vnwendigē menschen / vñ Christum
wonen durch den glawbē pñ ewren herzen / vñ durch die
liebe eyngewortlet vnd gegrund werden / auff das pñ ver-
muget begreiffen mit allen heyligen / welche da sey die breyt-
te / vnd die lenge / vnd die tless / vñ die hohe / auch erken-
nen die lieb Christi / die doch alle erkentnis rbertrifft / auff
das pñ erfüllet werdet / mit allerley Gottis fulle.
Dem aber / der da kan aus rbersluß thun rber alles / das
wir bitten odder verstehen / nach der krafft / die da wirkt
pñ vns / Dem sey preysz pñ der gemeyn die pñ Christo
Ihesu ist / zu aller zeyt / rñ ewidicht zu ewidicht Amen.

Das Vierde Capitel.

So ermane nu euch ich Paulus gefangen pñ dem
hern / das pñ wandelt / wie sichs gepurt ewrem
beruff / darpñ pñ beruffen seyt / mit aller demut
vnd sanfftmut / mit langmut / vñ vertragt eyner dem an-
dern pñ der liebe vnd seydrleyssig zuhalten die eyndicht
ym geyst / durch das band des frids. Eyn leyb vnd eyn geyst /
wie pñ auch beruffen seyt auff eynerley hoffnung ewres
beruffs / Eyn herr / eyn glawbe / eyne tauff / eyn Got vnd
vater vnser aller / der da ist rber vns alle / vñ durch vns
allen / vñ pñ vns allen.

Eynem

Epnem yglichem aber vnter vns ist gebē die gnade nach dem Psal. 67. maß der gabe Christi / darumb spricht er / Er ist auffgefarē vnn die hohe / vnd hat gefangen gefurt das gefengnis / vnd hat den menschen gabe geben. Das er aber auffgefahren ist / was ist? denn das er zu erst ist hynvnter gefaren vnn die vntersten ort der erden / Der hynvnter gefaren ist / das ist der selb / der auffgefahren ist rber alle hymel / auff das er alles erfüllet.

(das gefengnis)
Das ist / die sund / tod / vnd gewis-
sen / das sie vns
nicht sehen noch
halten mugen.

Vnd er hat etlich zu Apostel gesetzt / etlich aber zu propheten / etlich zu Euangelisten / etlich zu hirtten vnn lerer / damit die heyligen alle zusamen gefugt worden / durch gemeynen dienst / zu bessern den leyb Christi / biß das wir alle / eyner dem andern die hand reichen / zu eynerley glawbē vñ erkentnis des sons Gottes eyn volkomē man werden / der da sey vnn der maß des volkomen alters Christi / auff das wir nicht mehr kinder seyen / vnd vns weben vnn wygen lassen von allerley wind der lere / durch schalckeyt der menschen vnn teufcheren / damit sie vns erschleichen zu verführen.

(alles erfüllet)
Das er alles vñ
allen dingen
würde / vnd on
vhn nichts ge-
than / gered noch
gedacht werde.

Last vns aber rechtschaffen seyn vnn der liebe / vnd wachsen vnn allen stufen / an den / der das herbt ist / Christus / aus welchem der ganß leyb zusamen gefugt / vnd eyn glid am andern hangt / durch alle gelenck / da durch eyns dem andern handreichung thut / nach dem werck eyns yglichen gelids / vnn seynet maß / vñ macht das der leyb wechset zu seyn selbs pesserung / vnd das alles vnn der liebe.

(Schalckeyt)
Das ist / wie die
spytz buben mitt
dem wurffel
vmb gehen / also
gehen die mit der
schriff vmb / die
menschen leer
fur gehen.

So sage ich nu vnd zeuge / vñ dem herrn / das vhr nicht mehr wandelt / wie die andern heyden wandeln vnn der eyttelkheit vhrs synnes / die verfinstert sind vnn vhrer vernunft / vnd sind entfrembdet vñ dem lebē das aus Got ist / durch die vnwissenheyt / so vñ vhn ist / durch die blindheyt vhrer herzen / die syntemal sie verrucht sind / haben sie sich selbs ergeben der gevlheyt / das allerley vnreynickheit vhr

DIE EPISTEL

phr werbüg ynn yhn hat / sampt dem geyst / phr aber habt Christum nicht also gelernet / so phr anders von yhm gehoret habt / vñ ynn yhm geleret seyt / wie ynn Jhesu eyn rechtschaffen wesen ist.

So legt nu von euch ab / nach dem vorigen wandel / den alten menschen / der durch lusten des yrthums verdirbt. Ernewert euch aber ym geyst ewrs gemuts / vnd zyhet an den neuen menschen / der nach Got geschaffen ist / ynn rechtschaffener gerechticheyt vnd heylicheyt / Darumb legt ab die lügen / vñ redet die warheyt eyn ygllicher mit seynem nehsten / syntemal wir vnternander gelyder sind / zurnet vñ sundiget nicht. Laßt die sonne nicht vntergehen vber ew- Psal. 4.
rem zorn / gebet auch nicht rawm dem lesterer. Wer gestolen hat / der stele nicht mehr / sondern er erbeyt vñ schaff mit den henden etwas redlichs / auff das er habe zu geben dem durfftigen.

Laßt keyne faul geschweh aus ewrem mund gehen / sondern was nütlich zur peßserung ist / da es nott thut / das es hold- selig sey zu horen / vnd betrübt nicht den heyligen geyst Gottis / damit phr versigelt seyt auff den tag der erlösung. Alle bitterkeit vñ grym / vnd zorn / vnd geschrey vnd lesterung sey ferne von euch sampt aller boszheyt. Seyd aber vnternander freuntlich / herzhlich / vñ vergebet eyner dem andern / gleych wie Got euch vergeben hat ynn Christo.

Das Sunfft Capitel.

So seyt nu Gottis nachfolger als die lieben kinder / vñ wandelt ynn der liebe / gleych wie Christus vns hat geliebt / vnd sich selbs dargeben fur vns zu ey- nem opffer vnd gabe / Gott zu eynem süßen geruch. Zurerey aber vnd alle vnreynicheit / odder geyst laßt nicht von euch gesagt werden / wie den heyligen zusiehet / auch schandpare wort / vnd narren seyding / vnd scherz / vñ was sich nicht zur

zur sache reymet / sondern viel mehr / dāckjagūg. Deñ des
solt yhr wissen haben / das seyn buler / odder vnteyner /
odderr geysiger (wīlcher ist eyn gohen diener) erbe hat ynn
dem reyck Christi / vnd Gottis. Last euch niemant versuren
mit vergeblīchen wortten. Denn vmb dīser willen kompt
der zorn Gottis vbir die kinder des vnglawbens / darumb
seyt nicht yhr mitgenossen. Denn yhr waret weyland fīnster-
nis / Nu aber seyt yhr eyn licht ynn dem herren.

Wandelt wie die kinder des lichts. Die frucht des geysts
ist / allerley guttlickeyt vnd gerechtikeyt vnd warheyt / vñ
pruſet was da sey wolgefellig fur Got / vñ habt nicht ge-
meynschafft mit den vnfruchtbarē werden der fīnster-
nis / straffet sie aber viel mehr / Denn was heymlich von yhn
geschicht / das ist auch schendlich zusagen / Alles aber / was
vom licht gestrafft wirt / das wirt offinbar / Alles aber was
offinbar wirt / das ist licht / Darumb spricht er / wach auff
der du schleiffst / vnd stand auff von den todten / so wirt
dich Christus erleuchten.

Jsa. 60.

So sehet nu zu / wie yhr fursichtiglich wandelt / nicht als
die vnweyssen / sondern als die weyssen / vñnd loſet die zeyt /
denn es ist boſe zeyt. Darumb werdet nicht vnuerstendig /
sondern verständig / was da sey des herrn wille / vñnd laufft
euch nicht vol weyns / daraus eyn vnordig weſen folgt /
sondern werdet vol geysts / vñnd redet vnternander von
psalmen vñ lobſengen vñnd geystlichen lieden / singet vñ
spielt dem herrn ynn ewren herzen / vñnd ſaget dāck alleheyt
fur yderman / Got dem vater ynn dem namen vnſers herrn
Jheſu Christi vñnd seyt vnternander vnterthan ynn der furcht
Gottis.

Die weyber seyen vnterthan yhren mannen / als dem her-
ren / Deñ der man ist des weybīs hewbt / gleych wie auch
Christus das hewbt ist der gemeyne / vñnd er ist ſeynes leybs
heyland. Aber wie nu die gemeyne ist Christo vnterthan /

also

(boſe zeyt)

Deñ es ist die
welt vñnd dīſz le-
ben voll vol bo-
ſer exempel /
reptzūg / erget-
nis / beyde geyst-
licher vñnd leyp-
licher ſunden.

(vnordig)

wie wir ſehen /
d̄z die trunden-
bold / wild / frech /
vnuerſchampt /
vñnd aller dīng

DIE EPISTEL

ungehogen sind/
mit wortten/
schreyen/geper-
den vnd handel.

also auch die weyber yhren mannen yn allen dingen. Ihr mann liebt ewre weyber / gleich wie Christus geliebt hat die gemeyne / vnd hat sich selb fur sie geben / auff das er sie heyliget / vnd hat sie geteyniget durch das wasserbad ym wort / auff das er yhm darstellte eyn herliche gemeyne / die nicht habe eynen flecken odder rungel odder des etwas / sondern das sie sey heylig vnd vnstrefflich.

Also sollen auch die menner yhre weyber lieben / als yhr eygene leybe. Wer seyn weyb liebet / der liebet sich selbs / Denn niemant hat yhe mal seyn eygen fleysch gehasset / sondern er neeret es vnd pfleget sein / gleich wie auch der herr die gemeyne / Denn wir sind gelider seynes leybes von seynem fleysch vnd von seynem gepeyne / Dmb des willen Gen. 1. wirt eyn mensch verlassen vater vnd mutter / vnd seynem weybe anhangen / vnd werden zwey eyn fleysch seyn / das geheymnis ist grosz. Ich sage aber von Christo vnd der gemeyne / Doch auch yhr / eyn yglicher habe lieb seyn weyb als sich selbs / das weyb aber furchte den man.

(geheymnis)
Sacrament od-
der mysterion
heyst geheymnis
oddere ein ver-
borgten ding / dz
doch vñ aussen
sein bedeutung
hat. Also ist
Christus vnd
seyne gemeyne
eyn geheymnis/
eynn grosz hey-
lig verborgten
ding / das man
glewbe muosz vñ
nicht sehen kan.
Es wirt aber
durch man vnd
weyb / als durch
seyn euserlich
zeychen bedeut-

Das Sechst Capitel.

Ihr kinder seyt gehorsam ewren eltern ynn dem herrn / denn das ist billich. Ehre deyn vater vñ deyn mutter. Das ist das erst gepot / das eyn verheysung hat / Auff das dyrs wol gehe vnd lange lebest auff erden. Vnd yhr vater / reychet ewer kinder nicht zu zorn / sondern ziehet sie auff ynn der zucht vnd vermanung an den herren. Ihr knechte seyt gehorsam ewren leyplichē hern / mit furcht vnd zittern ynn eynfelticheyt ewris herzen / als Christo / nicht mit dienst alleyn fur augen / als den menschen zugefallen / sondern als die knechte Christs / das yhr solchen willen Gottis thut vñ herzen mit willferticheyt. Laßt euch duncken das yhr dem herrn dienet vnd nicht den menschen / vnd wisset / was eyn yglicher fur gutts thun wirt / das wirt er

er empfangen von dem herrn / er sey ein knecht odder ein freier / Und ihr herrn thut auch dasselb gegen ihn / und erlasset das dieweil / und wiisset / das auch ewr herr im himmel ist / und ist fur Got seyn ansehen der person.

Zu lezt / meyn bruder / bekrefftiget euchynn dem herrn / vñynn der macht seyner stercke / zihet an den harnisch Gottes / das ihr bestehen kundt gegen den listigen anlauff des teuffels. Den wir haben nicht zuempffen mit fleisch und blut / sondern mit fursten vñnd geweldigem / mit den welt regenten der finsternis ynn diser welt / mit den geystern der boßheyt vñter dem himmel / Vmb des willen so ergreiffet den harnisch Gottes / auff das ihr kundt widerstehen an dem bösen tage / und ynn allen dingen gerust seyn.

So stehet nu / umbgurtet ewre lenden mit der warheyt / und angezogen mit dem kreis der gerechtikeit / und geschuchet an ewrn fussen mit rustung des Euangelion von dem frid / ynn allen dingen aber ergreiffet den schild des glawbens / mit welchem ihr kundt außleschen alle fewrige pfeyle des bößwichts / und den helm des heyls nempt an euch / vñnd das Schwerdt des geystis / wilchs ist das wort Gottes / Und bettet stett ynn allem anliegen mit bitten und flehen / ymgeyst / und wachet dazumit allem anhalten vñnd flehen / fur alle heyligen vñnd fur mich / Auff das mir geben werde das wort / mit freydigem auffthun meyns munds / das ich muge kund machen das geheymnis des Euangelion / vber welchem ich die botschaft fure / ynn der keten / auff das ich darinnen freydich handellen muge / und reden wie sichs gepurt.

Auff das aber ihr auch wiisset / wie es vmb mich stehet / und was ich schaffe / wirts euch alles kund thun Tychicos / meyn lieber bruder / und getreuer diener ynn dem hern / welchen ich gesand habe zu euch vmb des selben willen / das ihr erfaret / wie es vmb mich stehet / vñnd das er ewre herzen troste /

tet / das gleich
wie man vñ
weyb ein leyb
sind / alle gutter
gemeyn haben /
also hatt auch die
gemeyne alles
was Christus ist
und hat.

DIE EPISTEL ZU DEN EPHESEERN

troste/ Friede sey den brudern vnnnd liebe mit glauben/von
Got dem vater/vnd dem herrn Jhesu Christo. Gnade sey mit
allen die da lieb haben vnsern hern Jhesum Christ
vnuerruglich/AMEN. Geschrieben von Rom
zu den Ephejern durch Tythicon.

VORRHEDE AUFF DIE EPISTEL SANCT LV
PAULI ZU DEN PHILIPPEN

In diser Epistel lobt vnd ermanet sanct Paulus die Phil-
lipper / das sie bleyben vnd fort faren sollen ym rechten
glauben / vnd zunehmen ynn der liebe. Die weyl aber
dem glauben allheyt schaden thun die falschen Apostel / vnd
werck lerer / warnet er sie fur den selben / vnd zeygt yhn an /
mancherley prediger / etliche gut / etliche bose / auch sich selbst
vnd seyne junger Timotheon vnd Epaphroditon. Das thut
er ym ersten vnd andern Capitel.

Im dritten verwirfft er die glaublos / vnd menschliche ge-
rechticheyt / so durch die falschen Apostel geleret vnd gehalten
wirdt / Seht sich selbst zum exempel / der ynn solcher gerech-
ticheyt herlich gelebt habe / vnd doch nu nichts dauon halte /
vmb Christus gerechticheit willen. Denn yhene macht nur
den bauch zum Gott / vnd seynde des creutz Christi.

Im vierden / ermanet er sie zum friden vnd guttem euser-
lichem wandel gegen ander. Vnd dancket yhn
fur yhr gesand / das sie yhm
gesand hatten.

DIE EPISTEL SANCT PAUL

Das Erst Capitel.

Paulus vnd timotheus: knechte Jhesu Christi.
Allen heyligen vnn Christo Jhesu zu Philippien/sampt
den Bischoffen vnd dienern.

Gnad sey mit euch vnd fride von Got vnserm vater vnn
dem herrn Jhesu Christo.

Ich däncke meynem Gott / so oft ich ewr gedend (wilchs ich
alheyt thu / vnn allem meynem gepett fur euch alle / vnn
thu das gepett mit freuden) vber ewr gemeynschafft am
Euangelio vom ersten tage an biszher/vñ byn desselben vnn
gutter zuuersicht / das / der vnn euch angefangen hat das
gutte werd / der wirts auch volfuren bisz an den tag Jhesu
Christi / wie es denn mir billich ist / das ich der massen vñ
euch allen halte / darumb / das ich euch alle vnn meynem
herzen habe / als die mit mir teylhafftig sind / der gnade
vnn meynen banden/verantwortung vnd befestigung des
Euangelion.

Denn Gott ist meyn zeuge/wie mich nach euch allen verlan-
get von herzen grund vnn Jhesu Christo / vnn daselbst
vmb bete ich/das ewr liebe yhemehr vñ mehr reych werde/
vnn allerley erkentnis vnd vnn allerley erfahrung/das yhr
prufen muget / was das best sey / auff das yhr seyt lauter
vnd vnansstossig auff den tag Christi / erfüllet mit fruchten
der gerechtikeyt / die da komen durch Jhesu Christ zum
preysz vnd lob Gottis.

Ich laß euch aber wissen / lieben bruder / das / wie es vmb
mich stehet/das ist nur mehr zur fodderung des Euangeli
geratten/Also/das meyne band ruchtbar worden sind vnn
dem gangen richthauß vnd bey yderman/vnd viel bruder/
aus meynen banden zuuersicht an den herrn gewonnen /
beste thurstiger wordē sind / das wort zureden on schew.
Etlich zwar predigen Christum auch vmb hasz vñ hadder
willen /

willen/etlich aber aus gutter meynung. Ihene verkündigē Christum aus zand vnd nicht lautter/denn sie meynen/sie wollen ein trubsal zu wenden meynen banden / diese aber aus liebe/denn sie wissen/das ich zur verantwortung des Euangelio hie lige.

Was ist yhm aber denn? das nur Christus verkündiget werde allerley weyse / es geschehe rechter weysz odder zufalles / szo frewe ich mich doch daryn / vnd wil mich auch freuen / Denn ich weysz / das myr dasselb gelinget zur seligkeit / durch ewr gepet vnd durch handreychung des geys- tis Ihesu Christi/wie ich endlich warte vñ hoffe/das ich ynn leynerley stuch zuschanden werde / sondern das mit aller freydikeit / gleych wie sonst allheyt/also auch yht/Christus gros gemacht werde an meynem leybe / es sey durch leben odder durch tod/Denn Christus ist meyn leben/vnd sterben meyn gewyn.

Syntemal aber/ym flesch leben / myr fruchtbar ist zu den werckē / ist myr nicht lund / wilchs ich erwelē sol / Den ich werde mit zweyerley gedrungen. Ich habe lust abguscheyden vnd bey Christo zuseyn / wilchs auch viel besser were / aber es ist nodlicher ym flesch bleyben vmb ewern willen. Vnd ynn gutter zuuorsicht weysz ich / das ich bleyben vnd bey euch allen seyn werde / zur foddertung vnd zur freude des glawbens/auff das ewr rhum reych werde ynn Christo Ihesu/an myr/durch meyne zukunfft widder zu euch.

Sandelt nur würdiglich dem Euangelio Christi nach / auff das/ich come vnd sehe euch/odder hore von euch ynn meynem abwesen/das yhr gleych wol stehet ynn eynem geys- vnd eyner seele / vñ sampt vns kempfft vber dem glawben des Euangelii / vnd ynn leynen weg euch erschrecken laßt von den widderfachern / wilchs ist eyn anheymen / yhnen der verdamniss / euch aber / der seligkeit / vnd dasselb von Got / Denn euch istz geben zuthun / das yhr nicht alleyn
an

DIE EPISTEL

an Christo gleubet / sondern auch vmb yhn leydet / vñ
habet den selben kampf / welchen yhr gesehen habt an myr /
vnd nu horet von myr.

Das Ander Capitel.

Et nu vnter euch yrgent eyne ermanung ynn Christo /
ist yrgent eyn trost der liebe / ist yrgent eyne gemeynschaft
des geystis / ist yrgent eyne herzlich liebe vnd barmherzig-
keit / so erfüllet meyne freude / das yhr eyne muts vnd
synnes seyd / gleyche liebe habt / nichts thut durch zang / oder
eyttel eehr / sondern durch die demut achtet euch vnternan-
der selbs eyner des andern vberstet / vnd eyne yglicher sehe
nicht auff das seyne / sondern auff das des andern ist.

Eyne yglicher sey gesynnet / wie Jhesus Christus auch war /
welcher ob er wol yñ gotlicher gestalt war / hat ers nicht eyne
ramb geachtet / Gotte gleych seyn / sondern hat sich selbs ge-
euffert / vñ die gestalt eynes knechts angenommen / ist worden
gleych wie eyne ander mensch / vnd an geperden als eyne
mensch erfunden / hat sich selb ernydriget vñ ist gehorsam
worden bisz zum tode / ja zum tod am creutz / Darumb hat
yhn auch Got erhohet / vnd hat yhm eynen namen geben /
der vber alle namen ist / das ynn dem namen Jhesu sich bey-
gen sollen alle der erde / die ym hymel vnd auff erden vnd
vnter der erden sind / vnd alle zungen bekennen sollen / das
Jhesus Christus der herr sey / zum preysz Gottis des vaters.
Also / meyne liebsten / wie yhr alleheyt seyt gehorsam gewe-
sen / nicht alleyn ynn meynen gegenwertigkeit / sondern
auch nu viel mehr ynn meynem abwesen / volstreckt ewre
seligkeit mit furcht vñ zittern. Denn Gott ist / der ynn euch
wirckt / beyde das wollen vnd das thun / darumb das er
eyne wolgefallen an euch hat.

Thut alles on murmelung vnd verwyrung / auff das yhr
seyt on tadel vñ lautter / vñ Gottis kinder onstreßlich / mit-
ten

ten vnter dem vnſchlachtigem vnd verſeretem geſchlecht / vnter wiſchen p̄hr ſcheynet / als eyn lichtſtar / p̄nn der welt / damit / das p̄hr haltet ob dem wort des lebens / myr zu eynem r̄hum an dem tage Chriſti / als der ich nicht vergeblich gelauffen noch vergeblich geerbeyttet habe. Vnnd ob ich geopffert werde / auff das opffer vnd Gottis dienſt ewris glawbens / ſo frem ich mich / vnd frem mich mit euch allen / deſſelben fremet euch auch p̄hr / vnd fremet euch mit myr.

Ich hoff aber p̄nn dem herrn Jheſu / das ich Timotheon bald werde zu euch ſenden / das ich auch guts muts ſey / wenn ich erfare / wie es vmb euch ſtehet / Deñ ich habe leyen der ſo gar meyns ſynnes ſey / der ſo von artt ſur euch ſorget / Denn ſie ſuchen alle das p̄hre / nicht das Jheſu Chriſti iſt / V̄hr aber wiſſet das er bewerd iſt. Denn wie eyn k̄ind dem vater / hat er mit myr gedienet am Euangelio / den ſelbigen hoff ich / werd ich ſenden von ſtund an / wenn ich erfahren habe / wie es vmb mich ſtehet / Ich vertrau aber p̄nn den herrn / das auch ich ſelbs ſchier k̄omen werde.

Ich habſ aber ſur nothig angeſehen / den bruder Epaphroditon zu euch zu ſenden / der meyn gehulff vnd miſtreytter / vnn̄d ewr Apoſtel vnd meynen nothdurfft diener iſt. Syntemal er nach euch allen verlangen hatte / vnn̄d war hoch bekummert / darumb das p̄hr gehoret hattet / das er war krank geweſen / Vñ er war zwar todkrank / aber Got hat ſich vber p̄hn erbarmet / Nicht allein aber vber p̄hn / ſondern auch vber mich / auff das ich nicht eyn trawrd̄eyt vber die andern hette. Ich habe p̄hn aber deſte eplender geſand / auff das p̄hr p̄hn ſehet vnd wiðder frolich werdet / vnd ich auch der trawrd̄eyt weniger habe / ſo nemet p̄hn nu auff p̄nn dem herrn mit allen freuden / vnd habt ſolche p̄nn ehren. Denn vmb des wercks Chriſti willen / iſt er dem tod ſo nahe k̄omen / da er ſeyn leben geringe bedacht / auff das er ewren mangel an meynem dienſt erfullet.

Das

DIE EPISTEL

Das Dritte Capitel.

(zur schnepfung)
Er nennet die
falschen prediger
die zur schnepft-
ung / darumb /
das sie die be-
schnepftung als
nottig zur sel-
dest lereten / da-
mit die herten
vñ dem glauben
abgeschnitten
werden.

Dnsurt / lieben bruder / fremet euch ynn dem herrn /
Das ich euch ymer eynerley schreybe / verdreuffet
mich nicht / vñ macht euch desto gewisser. Sehet auff
die hunde / sehet auff die boßzen erbeytter / sehet auff die zur-
schnepfung / Denn wir sind die beschneptung / die wir Got
dienen ym geyst / vñnd rhumen vns vñ Christo Ihesu / vñ
vertrosten vns nicht des fleyschs / wie wol ich auch habe /
das ich mich des fleysch vertrosten mocht / so eyn ander sich
dunckē leß / er hab / das er sich des fleyschs vertroste / ich viel
mehr / der ich am achten tage beschnyten bynn / eyner aus
dem volck von Israel / des geschlechts Benjamin / ein Ebreer
aus den Ebreer / vñd nach dem gesch eyn phariseer / nach
dem eyffer eyn verfolger der gemeyne / nach der gerecht-
dest ym gesch gewesen vnstreflich.

Aber was mir gewynn war / das hab ich vmb Christus wil-
len fur schaden geachtet / Denn ich acht es sey alles schaden /
vmb des vberschwangs willen der erkentnis Ihesu Christi
meynes herrn / vmb wilsch willen ich alles hab fur schaden
gerechnet / vñd acht es fur dreck / auff das ich Christum ge-
wynne / vñ erfunden werde ynn yhm / vñd nicht habe die ge-
rechtdest / die aus dem gesch / sondern die durch den glaw-
ben Christi kompt / nemlich / die gerechtdest / die von Got
kompt ym glawben / zu erkennen yhn vñd die krafft seyner
auferstehung / vñd die gemeynschafft seyner leyden / das ich
seynem todt ehnlich werde / ob ich auch der auferstehung
von den todten begegnet mocht.

Nicht / das ichs schon empfangen habe / odder schon volco-
men sey / Ich sage yhm aber nach / ob ich auch dasselb ergreyf-
fen mocht / darynnen ich ergrieffen byn von Christo Ihesu.
Meyn bruder / ich sehe mich selbs noch nicht / das ichs er-
griffen habe. Eyne aber sage ich / Ich vergeße was dahyn-
den.

den ist/vnnd strecke mich zu dem/das da fernen ist/vñ lage nach dem furgestechten zill/nach dem fleynod/wilchs furhelt die beruffung Gottis von obenher/vnn Christo Jhesu/Wie viel nu vnser volkomen sind/die last vns also gesynnet seyn/vnd solt yhr etwas weytters gesynnet seyn/das last euch Gott offnbaren. Doch/dahyn wpr bißher komen sind/so last vns eynher treten nach eyner regel/vnd gleich gesinnet seyn.

Solget mpr/lieben bruder/vnnd sehet auff die/die also wandeln/wie yhr habt vns zum furbild/Denn viel wandeln/von wilchen ich euch offt gesagt habe/nu aber sage ich/auch mit weynen/die seynd des creuzs Christi/wilcher ende ist das verdarnis/vnd denen der bauch eyn Got ist/vnnd yhr eehre zuschanden wirt/dero/die auff yrdisch gesynnet seyn. Vnser burgershaft aber ist ym hymel/von dannen wpr auch wartten des heylandts Jhesu Christi des herrn/wilcher wirt verfleren den leyb vnser nichtidert/das er ehnlich werde dem leybe seynet klarheyt/nach der wirtunge/da er mit kan auch alle ding yhm vnterthun.

Das Vierde Capitel.

Also/meyn lieben vñ gewundschte bruder/meyn freude vnd meyn fron/bestehet also yñ dem hern/
Die Euodían ermane ich/vnd die Syntychen ermane ich/das sie eynes synnes seyen/Ja ich bitte auch dich/meyn artiger geserte/nym sie zu dyr/die sampt mpr gekempfft habē vber dē Euangelio/mit Clemen vnd den andern meynen gehulffen/wilcher namen sind ynn dem buch des lebens. Frewet euch ynn dem herrn allewege/vnnd abermal sage ich/frewet euch/Ewre lindidert last kund seyn allen menschen/der herr ist nahe/serget nichts/sondern ynn allen dingen last ewre bitte/ym gepet vnd flehen mit dandlagung kund werden fur Got/vnd der frid Gottis/wilcher

DIE EPISTEL

wilcher vberſchwebt allen ſynnen / beware ewre herzhē vnd ſynne vnn Chriſto Jheſu.

Weytter lieben bruder / was warhafftig iſt / was redlich / was gerecht / was keuſch / was lieblich / was wol laut / Iſt etwa eyn tugent / iſt etwa eyn lob / dem denckt nach / wilchs pht auch gelernet / vnd empfangen vnd gehoret vnd geſehen habt an myr / das thut / ſo wirt der herr des frides mit euch ſein. Ich byn aber hochlich erfreuet vñ dem herrn / das pht der mal eyns widder ergrunet ſeyt von myr zuhalten / wie pht zuuor von myr gehalten habt / denn pht waret vberreplet / Nicht ſage ich das des mangels halben / denn ich habe gelernet / vnter wilchen ich byn / myr gnugen laſſen. Ich weyß nichtig zuſeyn / vñd weyß auch hoch herzuſaren. Ich byn allenthalben vñ vnn allen dingen geſchickt / beyde ſatt ſeyn vñ hungern / beyde vbrig haben vñ mangel leyden. Ich vermag alles / durch den / der mich mechtig macht Chriſtus. Doch pht habt wol than / das pht euch meynes trubs als angenommen habt.

Vhr aber von Philippen wiſſet / das von anfang des Euan- geli / da ich außzog von Macedonia / leyne gemeyne mit myr teylethat / nach der rechnung der eynnam vnd außgabe / denn pht alleyn. Den gen Theſſalonich ſandtet pht zu meynen notdurfft eyn mal / vñ darnach aber eyn mal. Nicht / das ich das geſchend ſuche / ſondern ich ſuche die Frucht / das ſie vbirfluſſig ſey vnn ewer rechnung / Denn ich habe alles vñ hab vbirfluſſig / ich byn erfullet da ich empfieng durch Epaphroditon / das vñ euch kam / eyn rich der ſuffidert / ein opffer / Gotte angenehm vnd geſellig. Meyn Got aber erfulle alle ewre not durfft / nach ſeynem reichthum / vñ der Klarheyt vnn Chriſto Jheſu.

Dem Got aber vñd vnſerm vater ſey preys von ewidert zu ewidert Amen. Gruffet alle heyligen vnn Chriſto Jheſu. Es gruffen euch die bruder die bey myr ſind. Es gruffen euch

euch alle heyligen/sonderlich aber die von des kaysers hause.
Die gnade vnsern herrn Ihesu Christi sey mit euch
allen / AMEN. Geschrieben von Rom
durch Epaphroditon.

VORRHEDDE AUFF DIE EPISTEL SANCT PAULI
ZU DEN COLOSSERN

Gleich wie die Epistel zu den Galatern sich arttet
vnd geratten ist nach der Epistel zu den Romern /
vñ eben dasselb mit kurtzem begriff fasset / das die
zu den Romern weytter vnd reycher außfuret. Also arttet
sich diese zu den Colossern nach der zu den Ephesern / vnd
fasset auch mit kurtzem begriff / den selben ynnhalt.

Auffs erst lobet vñ wunschet der Apostel den Colossern / das
sie bleyben ym glawben vnd zunemen / vnd streycht aus /
was das Euāgelion vnd glawbe sey / nemlich / eyn weysz-
heyt die Christum eynen herrn vnd Got erkenne / fur vns
gecreuchigt / die von der welther verporgen / vñ nu durch
seyen ampt ersur bracht sey. Das ist das erst Capitel.

Um andern Capitel warnet er sie fur menschen leren / die
allheyt dem glawben entgegen sind / vñnd malet die selben
so eben abe / als sie nyrgent ynn der schrift gemalet sind /
vnd taddelt sie meysterlich.

Um dritten / ermanet er sie das sie ym lauttern glawben
fruchtbar seyen mit allerley gutten werden gegen ander /
vñ beschreybt allerley stenden yhr eygen werd.

Am vierden befiehlt er sich ynn yhr gepet /
vñ grussset vnd stercket sie.

Das Erst Capitel.

Paulus eyn Apostel Jhesu Christi: durch den willen
 Gotis / vñ bruder Timotheos.
 Den heyligen zu Colossen / vnd den gleubigen bru-
 dern vñ Christo.

Gnade sey mit euch vnd fride vō Gott vnserm vater vnn̄
 dem herrn Jhesu Christo.

Wyr danken Gott vnd dem vater vnser̄s herrn Jhesu Christi/
 vnd beten allheyt fur euch / nach dem wyr gehoret habē vō
 ewrm glawbē an Christum Jhesum / vnd vō ewr liebe zu
 allen heyligē / vmb der hoffnung willen / die euch beygelegt
 ist ym hymel / von wylcher p̄hr gehoret habt durch das wort
 der warheyt ym Euangelio / das zu euch komen ist / wie
 auch ynn alle welt / vnd ist fruchtpar / wie auch ynn euch
 von dem tage an / da p̄hrs gehort habt / vnn̄ erkant die gnade
 Gotis ynn der warheyt / wie p̄hr denn gelernet habt von
 Epaphra vnserm lieben mitdiener / wylcher ist eyn trewer
 diener Christi fur euch / der vns auch eroffnet hat ewre liebe
 ym geyst.

Derhalben auch wyr / von dem tage an / da wyrs gehoret
 haben / horen wyr nicht auff / fur euch zu beten / vnd bitten /
 das p̄hr erfüllet werdet mit erkentnis seynes willens / ynn
 allerley geystlicher weyszheyt vnd verstand / das p̄hr wan-
 delt würdiglich dem herrn / zu allem gefallen / vnd fruchtpar
 seyt ynn allem guttem werdē / vñ wachset yñ der erkentnis
 Gotis / vñ gestercket werdet mit aller krafft / nach seyn̄er
 herlickē macht / ynn aller gedult vnn̄ langmutickē mit
 freuden / vnd danckjaget dem vater / der vns tuchtig ge-
 macht hat / zu dem erbtēpl der heyligen ym liecht.

Wylcher vns erredtet hat von der v̄birckē der finsternis /
 vnd hat vns verseyt ynn das reyck des jons seyn̄er liebe /
 an wylchem wyr haben die erlösung durch seyn̄ blut / nem-
 lich /

DIE EPISTEL

lich / die vergebung der sund / wilcher ist das ebenbild des
unsichtbarn Gottis / der erstgeborner fur allen creatur /
Denn durch ihn ist alles geschaffen / das yn hymel vnd auff
erden ist / das sichtbar vnd das unsichtbar / es seyen die thro-
nen odder hirschaften / odder furstenthumen / oder vber-
leyten / Es ist alles durch ihn vnd zu ihm geschaffen / vnd
er ist fur allen / vn̄ es bestehet alles yn ihm.

Vnd er ist das hewbt des leybs / nemlich / der gemeyne /
wilcher ist der anfang vnd der erste geborner von den todten /
auff das er yn allen dingen den surgang habe / Deñ es
ist das wolgefallen gewesen / das yn ihm alle julle wo-
nen solt / vn̄ alles durch ihn versunet wurde zu ihm selbs /
es sey auff erden odder yn hymel / damit / das er fride
macht durch das blut an seinem creutz / durch sich selbs.

Vnd euch / die ihr weyland entfremdet vnd seynde wart /
durch die vernunft yn bösen werden / nu aber hat er euch
versunet mit dem leybe seines fleysches durch den tod / auff
das er euch darstellte heylig vnd unstresslich vnd on tadel
fur ihm selbs / so ihr anders bleybet yn glauben gegrund
vnd fest vnd unbeweglich von der hoffnüg des Euangeli /
wilchs ihr gehoret habt / wilchs gepredigt ist vnter alle
creatur die vnter dem hymel ist / wilchs ich Paulus diener
wurden byn.

Nu frewe ich mich yn meinem leyden / die ich leyde fur
euch / vnd erstatte den seyl / der trubsaln Christi an meinem
leybe / fur seinem leyb / wilcher ist die gemeyne / wilcher ich
eyn diener wurden bynn / nach dem predigamt / das mir
gebē ist vnter euch / mit der julle auß zupredigen das wort
Gottis / nemlich / das geheymnis / das verporgen gewesen
ist vñ der welt her / vn̄ vñ den zeitten her / nu aber offn-
bart ist seinem heyligen / den Got gewolt hat kund thun /
wilcher da sey der herliche reychthum dieses geheymnis vn-
tern den heyden (wilches ist Christus yn euch) der da ist die
hoffnüg

hoffnūg der herlickeyt / den wir verkündigen vnd verma-
nen alle menschen vnd leren alle menschen mit aller weyß-
heyt / auff das wir darstellen eyne yglichen menschen vol-
kommen vnn Christo Ihesu / daran ich erbeyte vnd ringe
nach der Wirkung des / der vnn wir wirckt mit krafft.

Das Ander Capitel.

Ich laß euch aber wissen / wilch eynen kampff ich habe
vmb euch vnd vmb die zu Laodicea / vñ alle die meyne
person vnn fleisch nicht gesehen haben / auff das ihr her-
gen ermanet werde / die zusammen fasset sind vnn der liebe /
zu allem reychthum des volligen verstands / der da ist vnn
dem erkentnis des geheymnis Gottis des vaters vnd Chris-
ti / vnn wilchem ligen verporgen alle sache der weyßheyt
vnd des erkentnis.

Ich sage aber dauon / das euch niemāt betriege mit ver-
nunfftigen wortten / Denn ob ich wol nach dem fleisch nicht
da byn / so byn ich aber vnn geyst mit euch / strewe mich vnd
sehe ewer ordnung vnd die festung ewrs glawbens an
Christum. Wie ihr nu angenommen habt den herrn Ihesum
Christon / so wandelt vnn ihm / vnd seyt gewurhelt vnd er-
hawet vnn ihm / vnd seyt fest vnn glawbē / wie ihr geleret
seyt / vnd seyt vnn dem selbigen vbirfluffig mit dancsag-
ung.

Sehet zu / das euch nicht widderfare eyne rewer durch die
philosophia vnd lose versurung / nach der menschen sagun-
gen / vnd nach der welt sagungen / vnd nicht nach Chris-
ton / Denn vnn ihm wonet die ganze fulle der gottheit
leyplich / vñ ihr seyt desselbē vol / wilcher ist das hewbt aller
furstenthum vnd vbirkeyt / vnn wilchem ihr auch beschneyt-
en seyt / mit der beschneytung on hende / durch ablegung
des sundlichen leybes vnn fleisch / nemlich / mit der be-
schneytung Christi / vnn dem / das ihr mit ihm begraben
seyt

DIE EPISTEL

seyt durch die tauffe/ynn wilchem yhr auch seyt aufferstan-
den/durch den glawben/den Got wirdet/wilcher yhn auff-
erweckt hat von den todten.

(vorhaut ewres) Vnd hat euch auch mit yhm lebendig gemacht/da yhr todt
Das ist / fleysch- waret ynn den sunden vnd ynn der vorhaut ewres fleyschs/
lich leben ist die vnd hatt vns geschendt alle sund / vñ außgetilget die hand-
rechte vorhaut schrift widder vns/durch schriftlich satzung erweyset/wil-
geystlich / die che vns entgegen war / vñnd hatt sie aus dem mittel than/
durch die leyp- vñ an das creuch gehefftet / Vnd hat außgehogen die furs-
liche vorhaut be- tenthum vnd die geweldigen/vñ sie schawtragen mit frey-
deut ist. didet / vnd eyn heer prangen aus yhn gemacht durch sich

(handschrift) selbs.
Nichts ist so
hardt widder
vns / als vnser
eygen gewissen /
damit wir als
mit eygener
handschrift
rberheuet wer-
den / wenn das
geseh vns die
sund offinbart /
damit wir sol-
che handschrift
geschriebe ha-
ben. Aber Chris-
tus erloszet vns
vñ solchem al-
lem durch seyn
creuch/vnd mat-
tet auch dē teuffel
mit der sunden ꝛ.

So laß nu niemant euch gewissen machen vber speyß / od-
der vber trang/odder vber eyns teyls tagen/nemlich/den
seyrtagen odder newmonden odder sabbather / wilchs ist
der schatten von dem/das zukunfftig war/aber der corper
selbs ist ynn Christo. Laß euch niemant das zill verrucken/
der nach eygener wal eynher geht / ynn demut vnd geyst-
lichkeit der engel/des er nie seyns gesehen hat/vñnd ist on
sach außgeblasen ynn seynem fleyschlichen synn / vnd helt
sich nicht an dem hewbt/aus wilchem der ganze leyb/durch
gelend vñnd jugen handreychung empfehet vnd an eyn-
ander sich enthelt / vñ also wechß zur grosse / die Got gibt.
So yhr denn nu seyt gestorben mit Christo von den welt-
lichen satzungē/was laß yhr euch den sängen mit satzungen
als weret yhr lebendig? Die da sagen/du solt das nicht an-
ruren / du sollt das nicht essen noch trincken / du solt das
nicht anlegen / wilchs sich doch alles vnter handen verheh-
ret/vnd ist nach gepoten vñ leren der menschen/wilche ha-
ben wol eyn scheyn der weyßheit/durch selb erwelte geyst-
lichkeit vnd demut / vnd durch das sie des leybes nicht ver-
schonen/vñ an das fleysch leyne kost wenden zu seynen nod-
turfft.

Das

Das Dritte Capitel.

Seyt ihr nu mit Christo auffgestanden/so suchet was droben ist/da Christus ist/sitzend zu der rechten hand Gottes/seyt des gesonnen was droben ist/nicht des das auff erden ist/Denn ihr seyt gestorben/vñ ewr leben ist verporgen mit Christo vñ Gott. Wenn aber Christus ewer leben sich offinbarn wirt/denn werdet ihr auch offinbar werden mit ihm vñ der herlickheit. So todtet nu ewre glieder die auff erden sind/hureren/vnreynlichkeit/lust/bose begirde/vnkeuscheit vñ den geiz (welchs ist abgotterey) vñ wilscher willen kompt der zorn Gottes vber die kinder des vnglaubens/vñ welchen auch ihr weyland gewandelt habet/da ihr drynnen lebetet.

Nu aber leget alles von euch/den zorn/grym/boßheit/lesterung/schandpare wort aus ewrem mund/lieget nicht vñtinander/zyhet den alten menschē mit seynen werden aus/vñd zyhet den neuen an/der da vernewert wirt zu der erkentnis Gottes/nach dem ebenbild des/der ihn geschaffen hat/danicht ist/Kriecher/Jude/beschneytung/vorhaut/Vnkriche/Schyle/fnecht/freyer/sondern alles vñd vñn allen Christus.

So zyhet nu an / als die außserwelten Gottes heyligen vñd geliebten/herghlchs erbarmen/freuntlichkeit/demutt/sanfftmut/langemut/vñd haltet eyner dem andern zu gut/vñd vergebet euch vñtinander / so yemand eyn klage hat widder den andern/gleich wie Christus euch vergeben hat/also auch ihr/Vber das alles aber zyhet an die liebe/die da ist das band der vollomenheit/vñd der fride Gottes behalte die vberhand vñn ewrem herzen/zumilchem ihr auch beruffen seyt vñn eynem leybe/vñd seyt danckbar.

Last das wort Gottes vñn euch wonen reichlich/vñn aller weysheit/leret vñd vermanet euch selbs/mit psalmen vñd lobsengen

DIE EPISTEL

lobsengen vnd geystlichen lyden ynn der gnade/vnd singet dem herrn ynn ewren herzen/Vnd alles was yhr thutt mit wortten odder mit werken/das thut alles ynn dem namen des herrn Jhesu/vnnd danck Gott dem vater durch yhn. Yhr weyber seyt vnterthan ewren mennern / wie sichs gepurt yñ dem herrn. Yhr menner liebet ewre weyber / vnd seyt nicht bitter gegen sie. Yhr kinder seyt gehorsam den Eltern ynn allen dingen/denn das ist dem herrn gefellig. Yhr vater zandt euch nicht mit ewren kindern/auff das sie nicht kleynmütig werden. Yhr knechte seyt gehorsam ynn allen dingen ewren leyplichen herrn / nicht mit dienst fur augen/als den menschen zugefallen/sondern mit eynfeltigkeit des herzen vnd mit Gottis furcht/Alles was yhr thutt/das thut von herzen / als dem herrn vnd nicht den menschen / vnd wisset / das yhr vñ dem hern empfangen werdet die vergeltung des erbes/Denn yhr dienet dem herrn Christo / Wer aber vnrecht thut / der wirt empfangen was er vnrecht than hat/vnd gilt seyn ansehen der person. Yhr herrn was recht vnd gleych ist / das beweyset den knechten / vnd wisset/das yhr auch eyn herrn habt ym hymel.

Das Vierde Capitel.

Icht an / an dem gepet / vñ wachet ynn dem selben mit dancksagung/vnd betet zugleich auch fur vns/auff das Gott vns die thur des worts auffthu / zu reden das geheymnis Christi (darumb ich auch gepunden byn/auff das ich dasselbe offsinbare) wie ich sol reden. Wandelt ynn der weyszheyt gegen die draussen sind / vnd loset die zeyt. Ewr rede sey allzeit ynn der gnade mit saltz gewyrhet / das yhr wisset / wie yhr eynem yglichen antworten solt.

Wie es vmb mich stehet/wirt euch fund thun Tychicos der liebe bruder vnd getrewer diener vnd mitknecht ynn dem herrn /

henn / welchen ich habe zu euch gesand vmb dasselbe / das ich erfare / wie es sich mit euch helt / vnd das er ermane ewre herzen / sampt Onesimo dem getrewen vnd lieben bruder / welcher ist von den ewern / alles wie es hie zustehet / werden sie euch kund thun.

Es grussset euch Aristarchus meyn mitgefangener / vnnnd Marcus der neß Barnabe / von welchem phr habt gepot empfangen / so er zu euch kompt / nemet phn auff. Vnd Ihesus / der da heßst Just / die aus der beschneytung sind / Dise sind alleyn meyne gehulffen am reich Gottis / die myr eyn trost worden sind. Es grussset euch Epaphras / der von den ewern ist / eyn knecht Christi / vnd alleheyt ringet fur euch mit gepeten / auff das phr bestehet volkomen vnnnd erfüllet mit allem willen Gotls. Ich gebe phm zeugnis / er hat eyren grossen eyffer vmb euch vnd vmb die zu Laodicea vnd zu Hierapoli. Es grussset euch Lucas der arzt / der geliebte / vnd Demas. Grussset die bruder zu Laodicea / vnd den Nymphen / vnnnd die gemeyne ynn seynem hause. Vnnnd wenn die Epistel bey euch gelesen ist / so schaffst / das sie auch ynn der gemeyne zu Laodicea gelesen werde / vnnnd das phr die von Laodicea leset / vnd saget dem Archippo / Sihe auff das ampt das du empfangen hast ynn dem henn / das du dasselbe ausrichtist. Meyn grusz mit meynen Paulus hand. Gedendt meynen bande. Die gnade sey mit euch /

AMEN. Geschrieben von Rom durch
Tychicon vnd Onesimon.

VORRHEDE AUFF DIE ERST EPISTEL SANCT
PAULI ZU DEN THESSALONICERN

Diese Epistel schreybt sanct Paulus aus sonderlicher liebe vnd Apostolischer Sorge. Denn er lobet sie durch die ersten zwey Capitel/wie sie das Euangelion haben von yhm mit solchem ernst angenommen/das sie auch durch leyden vnd verfolgung drynnen bestanden/vnd allen gemeynen allenthalbē eyn schon exempel des glawbens worden sind / vnd gleych Christo vnd seynen Aposteln vō den Juden yhren eygen gestreundten verfolgung erlitten hatten / wie er selb auch bey yhn erlitten hatte yhn zum Exempel/vnd eyn heylig leben bey yhn gefurt. Davon dandt er Gott / das solch frucht bey yhn seyn Euangelion schafft hat.

Am dritten zeygt er seynen vleysz vnd Sorge/das solch seyn erbeyt vnd yhr loblicher anfang/nicht durch den teuffel vnd seyne Apostel mit menschen lere verstoret wurden/Drumb hab er zuuor Timotheon zu yhn gesant/solchs zu erkunden/vnd dandt Got / das sichs noch recht bey yhn funden hat / vnd wuntschet yhn das zunemen.

Am vierden ermanet er sie / das sie sich fur sunden hutten vnd guttes vnternander thun / Dagu antwort er yhn auff eyn frage / die sie an yhn durch Timotheon hatten tragen / Von der todten aufferstehung / ob sie alle zugleich / odder noch vnderinander werdē aufferstehen.

Am funfften schreybt er vom iungsten tage / wie der selb komē solle behends vnd schnell / Vnd gibt yhn ettlich gutte ordnung fur / die andern zu regieren / vnd wie sie sich gegen der ander leben vnd leren halten sollen.

Das Erst Capitel.


Paulus vnd Siluanus vnd timotheos.
Der gemeynen zu Thessalonichynn Got dem vater
vnd dem herrn Jhesu Christo.

Gnad sey mit euch vnd fride von Got vnserm vater vnd
dem herrn Jhesu Christo.

Wyr danken Gott alle zeijt fur euch alle/vñ gedenden ewr
ynn vnserm gepet on vnterlaß / so wyr eyngedend sind /
ewris wercks ym glawben / vnd ewr erbeyt ynn der liebe /
vnd ewr gedult ynn der hoffnung / wilche ist vnser herr Jhe-
sus Christus / fur Got vnserm vater. Denn lieben bruder
vñ Got geliebt / wyr wissen / wie yhr außzerwelet seyd / das
vnser Euangelion ist bey euch gewesen nicht alleyn ym
wort / sondern beyde ynn der krafft vnd ym heyligen geyst /
vnd ynn grosser fülle / wie yhr wisset / wilcherley wyr ge-
wesen sind vnter euch vmb ewren willen.

Vnd yhr seyt vnser nachfolger worden vnd des herrn / vnd
habt das wort auffgenommen vnter vielen trubsalln mit
freuden ym heyligen geyst / also / das yhr wordē seyt eyn
furbild allen glewbigen ynn Macedonia vnd Achaia. Denn
von euch ist außerschollen das wort des herrn / nicht alleyn
ynn Macedonia vnd Achaia / sondern an allen ortten ist auch
ewer glawbe an Got außbrochen / also / das nicht nodt ist
euch etwas zusagen / Denn sie selb verkundigen vñ euch /
was fur eynen eyngang wyr zu euch gehabt haben / vñ wie
yhr beferet seyt zu Gott von den abgottern / zu dienen dem
lebendigen vnd waren Got / vnd zuwartē seynes sons
vom hymel / wilchen er aufferweckt hat von den todten /
Jhesun / der vns erloset hatt von dem zukunfftigen zorn.

DIE ERST EPISTEL
Das Ander Capitel.



Enn auch yhr wißset / lieben bruder / vñ vnserm
eyngang zu euch / das er nicht vergeblich gewesen
ist / sondern als wir zuuor gelitten hatten vñnd
geschmecht gewesen waren zu Philippen (wie yhr wißset)
waren wir dennoch freydig / euch zusagen das Euangelion
Gottis mit grossen fempffen. Denn vnser ermanunge ist
nicht gewesen zu yrthum noch zu vnreynlickeyt / noch mit
list / sondern wie wir von Got bewerd sind / das vns das
Euangelion vertramet ist zupredigē / also redē wir / nicht
als wolten wir den menschen gefallen / sondern Gotte / der
vnser herzh pruffet.

Denn wir nie mit schmechelwortten sind ombgangen (wie
yhr wißset) noch dem gehz gestellet / Got ist des zeuge / ha-
ben auch nicht preßz gesucht von leuten / widder von euch
noch von andern / hetten euch auch mugē schwer sein / als
Christi Apostel / sondern wir sind mütterlich gewesen mit-
ten vnter euch / gleich wie eyn Amme yhrer kinder pflegt /
also haben wir herzhē lust an euch gehabt / euch mithute-
len / nicht alleyn das Euangelion Gottis / sondern auch vn-
ser leben / darumb das wir euch haben lieb gewonnen.

Ihr seyt wol eyndechtig / lieben bruder / vnser erbeyt / vñnd
vnser muhe / Den tag vñ nacht erbeyten wir / das wir nie-
mant vnter euch beschweerlich weren / vñ predigeten vnter
euch das Euangelion Gottis. Got ist der zeuge vñd yhr /
wie heylig vñd gerecht vñd vnstrefflich wir bey euch (die
yhr glewbig waret) gewesen sind / wie yhr den wißset / das
wir / wie eyn vatter seyne kinder / euch ermanet vñd getros-
tet / vñd beheuget haben / das yhr wandeln soltet würdig-
lich sut Gott / der euch beruffen hatt zu seynem reych vñd
zu seynen herlickeyt.

Darumb auch wir on vnterlas Gotte danken / das yhr / da
yhr

phr empfienget von vns das wort göttlicher predigt / namet phrs auff / nicht als menschen wort / sondern / wie es denn warhafftig ist / als Gottis wort / wilcher auch wirdt vnn euch / die phr gleubet. Denn phr seyt nachfolger worden / lieben bruder / der gemeynen Gottis vnn Judea vnn Christo Jhesu / das phr eben dasselb erlytten habt von ewren blutsfreunden / das phene von den Juden erlytten haben / wilche auch den herrn Jhesum todtet haben vnd seyne propheten / vnn haben vns verfolget / vnd gefallen Gotte nicht / vnd sind allen menschen widder / weren vns zusagen den heyden / damit sie selig wurden / auff das sie phr sund ersulden alle wege / Den der zorn ist schon endlich vber sie komen. Wyr aber / lieben bruder / nach dem wyr ewer eyn weyle berawbet gewesen sind nach dem angesicht / nicht nach dem hertze / haben wyr beste mehr geeplet / ewr angesicht zusehe mit grossen verlangē. Darumb haben wyr wollen zu euch komen (ich Paulus) zweymal / vnd Satanas hat vns verhyndert. Denn wer ist vnser hoffnung odder freude / oder tron des rums? Seyt nicht auch phrs / fur dem herrn Jhesu Christo zu seynen zukunfft? phr seyt lah vnser preys vñ freude.

Das Dritte Capitel.

Darumb haben wyr nicht weytter wollen vertragen / vñ haben vns lassen wolgefallen / das wyr zu Athene alleyne gelassen wurden / vnd haben Timotheon gesand vnsern bruder vnd diener Gottis vñ vnsern gehulffen im Euangelio Christi / euch zustercken vñ zuermanen vmb ewren glawben / das nicht yemand weych wurde vnn disen trubsalln / wilchen (phr wiisset) das wyr begebē sind / Vñ da wyr bey euch waren / sageten wyr euch zuuor / wyr wurden trubsal habē müssen / wie den auch geschehē ist / vnn phr wiisset / Darumb ichs auch nicht lenger vertragen /

DIE ERST EPISTEL

vertragen/ hab ich außgesand/ das ich erfure ewren glawben/ auff das nicht euch villeycht versucht hette der versucher/ vnd vnser erbeyt vergeblich wurde.

Nu aber/ so Timotheos zu uns von euch komen ist/ vnnnd uns verkündigt hat ewren glawben vnd liebe/ vnd das yhr vnser gedendt all heyt zum besten/ vnd verlanget nach uns zu sehen/ wie denn auch uns nach euch/ Da sind wir/ liebe bruder/ getroestet wurden an euch/ ynn allem vnserm tribsal vnd nodt/ durch ewren glawben. Deñ nu sind wir lebendig/ die weyl yhr stehet ynn dem herrn/ Deñ was fur eynē dand kunden wir Gotte vergelten vmb euch/ fur alle dißze freude/ die wir haben von euch fur vnserm Got? Wir bitten tag vñ nacht/ das wir sehen mugen ewer angesicht/ vnnnd erfüllen/ so etwas mangelt an ewrem glawben.

Er aber Got vnser vater vnd vnser herr Jhesus Christus/ schicke vnsern weg zu euch. Euch aber vermehre der herr/ vnd lasse die liebe völlig werden vnternander/ vnd gegen yderman (wie denn auch wir sind gegen euch) das ewre herzen gesterdt vñ vnstrefflich seyen ynn der heyligkeit fur Got vnserm vater/ vnnnd auff die zukunfft vnßers herrn Jhesu Christi/ sampt allen seynen heyligen.

Das Vierde Capitel.

In der/ lieben bruder/ bitten wir euch vñ ermanen ynn dem herrn Jhesu/ nach dem yhr von uns empfangen habt/ wie yhr solt wandeln vnnnd Gotte gefallen/ das yhr ymer völliger werdet. Denn yhr wißset/ wille gepot wir euch geben haben durch den herrn Jhesum/ Denn das ist der wille Gottis/ ewer heyligung/ das eyn yglicher wiße seyn faß zubehalten ynn heyligung vnnnd ehren/ nicht ynn der lust seuche/ wie die heyden/ die von Gott nichts wissen/ Dñ das niemāt zuweyt greyffe noch verfortheyle seynen bruder ym handel. Deñ der herr ist der rechter
rber

uber das alles / wie wir euch zuvor gesagt vnn̄ bezeugt haben. Denn Got hat vns nicht beruffen zur vnreynid̄eyt / sondern zur heyligung. Wer nu aber verachtet / der veracht nicht eynen menschen / sondern Gott / der seynen heyligen geyst geben hat vnn̄ vns.

Von der bruder liebe aber war vns nicht nott zuschreyben / den̄ ihr seyt selbs von Got geletet / euch vnternander zu lieben / vnd das thut ihr auch an allen brudern / die vnn̄ gang Macedonia sind. Wir ermanen euch aber / lieben bruder / das ihr noch volliger werdet / vnd ringet darnach / das ihr stille seyt / vñ das ewre schaffet vnd erbeytet mit henden / wie wir euch gepotten haben / auff das ihr erbarlich wandelt gegen die / die draussen sind / vnd nichts bedurfft.

Wir wollen euch aber / lieben bruder / nicht verhalten von denen die da schlaffen / auff das ihr nicht traurig seyt / wie die andern / die keyne hoffnung haben. Denn so wir gleuben / das Jhesus gestorben̄ vnd auffgestanden ist / so wirt Gott auch / die da entschlaffen sind durch Jhesum / mit ihm furen. Denn das sagen wir euch als eyn wort des herrn / das wir / die wir leben / vnd vberbleyben vnn̄ der zukunfft des herrn / werden denen nicht furkomen / die da schlaffen. Denn er selbst der herr / wirt mit eynem felltgeschrey vnd stym des er̄ engel̄s vnn̄ mit der posaunen Gott̄s er̄v̄der komen vom hymel / vnn̄ die todten vnn̄ Christo werden auffstehen zu erst / darnach wir / die wir leben vnd vberbleyben / werden zu gleych mit den selbigen h̄ngehuct werden vnn̄ den wolcken / dem herrn entgegen yn der lufft / vñ werdē also bey dem herrn seyn all̄zeit / So trostet euch nu mit disen wortten vnternander.

Das Sunfft Capitel.

Von den zeytten aber vnn̄ stunden / lieben bruder / ist nicht nott zuschreyben / Denn ihr selbst wiisset gewiss / das der tag des herrn wirt komen / wie eyn dieb

DIE ERST EPISTEL

Dieb ynn der nacht/Denn/wenn sie werden sagen/es ist fri-
de/es hatt seyn fahr/szo wirt sie das verterben schnell vbit-
fallen/gleich wie der Schmerh des schwangern weybs/vnd
werden nicht entfliehen. Ihr aber/lieben bruder/seyt nicht
ynn der finsternis/das euch der tag wie eyn dieb/ergreiff-
se/yr seyt allhumal kinder des liechts vnd kinder des ta-
ges/Wyr sind nicht von der nacht noch von der finsternis.
So last vns nu nicht schlaffen/wie die andern/szondern
last vns wachen vnd nüchtern seyn/Denn die da schlaffen/
die schlaffen des nachts/vnd die da trunden sind/die sind
des nachts trunden. Wyr aber die wir des tages sind/sol-
len nüchtern seyn/angethan mit dem krebs des glawbens
vñ der liebe/vñ mit dem hellm der hoffnüg auff die seli-
ckeyt. Denn Got hat vns nicht gesetzt zum zorn/sondern die
selickeyt zuerwerben durch vnsern herrn Jhesum Christ/der
fur vns gestorben ist/auff das/wyr wachen odder schlaf-
fen/zugleich mitt yhm leben sollen/Darumb ermanet euch
vnternander/vnnd bauet eyner den andern/wie yhr denn
thut.

Wyr bitten aber euch/lieben bruder/das yhr erkennet die
an euch erbeyten/vnd euch furstehen ynn dem herrn/vnd
vermanen euch/haltet sie destemehr ynn der liebe/omb yhr-
res wercks willen/vñ seyt fridsam mit yhnen. Wyr erma-
nen aber euch/lieben bruder/vermanet die vngedogen/
tröstet die fleynmutigen/vertraget die schwachen/seyt
langmutig gegen yderman/sehet zu/das niemant böses
mit bösem yemand vergelte/sondern allheyt laget dem gu-
ten nach/vnternander vnd gegen yderman. Seyt allheyt
frolsch/betet on vnterlaß/seyt danckbar allenthalben. Den
das ist der wille Gottis ynn Christo Jhesu an euch.

(leßchet)
wie woll die
geyster sich sol-
len richten lassen
von der gemeyn.

Den geyst leßchet nicht aus/Die weyßsagüg verachtet nicht/
Prufet aber alles/vñ das gute behaltet/Meidet allen bösen
scheyn. Er aber/der Gott des frids/heylige euch durch vnnd
durch/

durch/und ewer ganzer geyst und seel vñ leyb müsse behal-
ten werden vnstrefflich auff die zukunfft vnsern hern Jhe-
su Christi. Getrew ist er der euch rufft/wilcher wirtis auch
thun. Lieben bruder/betet fur vns. Grussset alle bruder mit
dem heyligen kuss. Ich beschwere euch bey dem herrn/das
ihr die Epistel lesen lasset allen heyligen brudern. Die gna-
de vnsern hern Jhesu Christi sey mit euch AMEN.

Zu den Thessalonicern die erste/Ge-
schrieben von Athene.

1. Corint. 14. so
sol man sie doch
auch widerumb
nicht vnerlant
dempffen / oder
verstoßen / son-
dern verhorn
und prussen / al-
so die weyßsag-
ung auch / und
alle lere.

VORREDE AUFF DIE ANDER EPISTEL SANCT
PAULL ZU DEN THESSALONICERN

In der ersten Epistel hatte sanct Paulus den Theſſaloni-
cern eyn frage auffgeloset vom Jungſten tag / wie der
ſelb ſchnell als eyn dieb yn̄ der nacht komē wirt / Wie es
nn pfleget zukomen / das ymer eyn frag die ander gepirt /
aus falſchem verſtand / verſtunden die Theſſalonicer / der
Jungſt tag were ſchon fur handen. Darauff ſchreybt er diſſe
Epistel vnn̄d verfleret ſich ſelbs.

Am erſten Capitel troſt er ſie mit der ewigen belonūg ph-
res glawbens vnd gedult ynn allerley leyden / vnd mit der
ſtrafft yhrer verſolger ynn ewiger peyn.

Am andern leret er / wie fur dem Jungſten tag / das Ro-
miſch reyck zuuor mus vntergehen / vnd der Endchriſt ſich
fur Gott auffwerffen ynn der Chriſtenheyt / vnd mit fal-
ſchen leren vnd zeychen die vnglewbiige welt verſuren / biß
das Chriſtus come vnn̄d verſtore yhn durch ſeyne herliche
zukunfft / vnd mit eyner geſtlichen predigt zuuor todte.

Am dritten thut er etliche ermanung / vnd ſonderlich / das
ſie die muſſigen / die ſich nicht mit eygener hand erneren /
ſtraffen / vnn̄d wo ſie nicht ſich beſſern / meyden
ſollen / wilchs gar hart widder den yhi-
gen geſtlichen ſtand lautt.

DIE ANDER EPISTEL LXVIII
SANCT PAULI ZU DEN THESSALONICHERN

Das Erst Capitel.

Paulus vnnnd Siluanus vnd timotheos.
Der gemeynen von Thessalonichynn Gott vnserm
vater vñ dem herrn Jhesu Christ.

Gnade sey mit euch vnd frid von Gott vnserm vater vnnnd
dem herrn Jhesu Christo.

Wyr sollen Gott danken allzeit vmb euch/lieben bruder/
wie es billich ist/Denn ewr glawbewechst seer/vnd die liebe
eyns ygliehen vnter euch nympft zu vnternander/also/das
wyr vns ewr rhumē/vnter den gemeynen Gottis von ew-
rer gedult vnd glawben/vnn allen ewern verfolgungen
vnd trubaln/die yhr vertragt/zum anheymen des gerech-
ten gerichtis Gottis/auff das yhr würlig werdet zum rey-
ch Gottis/ober wilchem yhr auch leydet/szo es anders recht
ist bey Got/zuvergelten/trubsal/denen/die euch trubsal
anlegen/euch aber die yhr trubsal leydet/ruge mit vns/
wenn nu der herr Jhesus wirt offinbart werden vom hy-
mel/sampt den engeln seyner krafft/vnd mit flammendem
sewr/rach geben ober die/so Got nicht erkennen/vnnnd ober
die/so nicht gehorsam sind dem Euangelio vnseres herrn
Jhesu Christi/wilch werden peyn leyden/das ewige ver-
derben von dem angesicht des herrn/vnd von der herli-
cheyt seyner stercke/wenn er komen wirt sich zuuerklaren
ynn seynen heyligen/vnnnd wunderjam werden ynn allen
glewbigen. Denn vnser zeugnis an euch zu diser zeit habt
yhr glewbt/Vnnnd dahu beten wyr auch alle zeit fur euch/
das vnser Got euch würlig mache des beruffs/vnd erfülle
alles wolgefallen der gutideyt/vnd das werd des glaw-
bens yñ der krafft/auff das an euch gepreyset werde der
name vnseres hern Jhesu Christi/vnd yhr an yhm/nach der
gnade vnseres Gottis vnnnd des herrn Jhesu Christi.

Das

DIE ANDER EPISTEL

Das Ander Capitel.

(setzt ynn tempel)
Das sitzen ist das
regiment ynn der
Christenheyt
des wider-
christis / da mit
er macht / das
seyn gepott vber
Gottis gepot vnd
dieß gehaltē
wirt. Vnd der
abfall ist / das
man vom glawbē
auff menschē lere
tritt / wie auch
1. Timot. 4. sieht.

Ich bitt euch aber / lieben bruder / bey der zukunfft vnser
herrn Jhesu Christ / vnd bey vnser versamlung an yhm /
das yhr euch nicht bald lasset bewegen von ewrem ynn /
noch erschrecken / wider durch geyst / noch durch wort / noch
durch brieff / als von vns gesand / das der tag Christi sur-
handen sey. Laßt euch niemant versuren ynn seynereley wey-
se / Den er kompt nicht / es sey denn / das zuuor der abfall
kome / vñ offinbart werde der mensch der sunden vnd das Daniel. 9.
sind der verderbung / der da ist eyn widerwertiger / vñ et. 11.
sich vberhebt vber alles das Got odder Gottis dienst heyst /
also / das er sich setzt ynn den tempel Gottis als eyn got / vñ
gibt sich sur / er sey Got.
Weder yhr nicht dran / das ich euch solchs saget / da ich noch
bey euch war / vnd was es noch auffhalt / wißet yhr / das er
offinbaret werde zu seynere zeit. Denn es reget sich schon be-
reyt das geheymnis der boszheyt / on das der es yht auffhelt /
muß enweg than werden / vñ als dann / wirt der bosz-
hafftige offinbart werden / welchen der herr wirt erwurgen
mit dem geyst seynes munds / vnd wirt seyn eyn ende ma-
chen / durch die erscheynung seynere zukunfft / des / wilchs zu-
kunfft geschicht nach der würdung des teuffels / mit allerley
lügenhafftigen krefftē vnd zeychen vnd wundern / vnd mit
allerley versurung zu vngerechtigkeyt / vnter denen / die ver-
loren werdē / da sur / das sie die liebe der warheyt nicht ha-
ben auffgenommen / das sie selig wurden / Darumb wirt yhn
Got senden krefftige yrrthum / das sie gleuben der lügen /
auff das gerichtet werden alle die der warheyt nicht gleubt
haben / sondern haben lust gehabt an der vngerechtigkeyt.
Wyr aber sollen Got danken allezeit vmb euch / geliebte
bruder von dem herrn / das euch Got erwelet hat vñ an-
fang zur seligkeyt ynn der heyligung des geystis vñd ym
glawben

glauben der warheit / dareyn er euch beruffen hat durch vnser Euangellion / zum eygenthum der herlichest vnseren herrn Jhesu Christi.

So stehet nu / lieben bruder / vñ haltet an den sathungen / die phr geletet seyt / es sey durch vnser wort odder Epistel. Er aber / vnser herr Jhesus Christus vnd Got der vater / der vns hat geliebt vñnd geben eyenen ewigen trost / vnd eyne gutte hoffnung durch gnade / der ermane ewre herzen / vnd stercke euch pnn allerley lere vnd gutem werck.

Das Dritte Capitel.

Fürder / lieben bruder / betet für vns / das das wort des hern lauffe vnd gepreyset werde / wie bey euch / vnd das wyrerloset werden von den vnartigen vñnd argen menschen. Denn der glawbe ist nicht ydermans ding / Aber der her ist trew / der wirt euch stercken vnd bewaren für dem argen. Wyr vertrauen aber auff euch pnn dem herrn / das phr thut vñ thun werdet was wir euch gepleten / der herr aber / richte ewr herzen zu der liebe Gottis / vnd zu der gedult Christi.

Wyr gepleten euch aber / lieben bruder / pnn dem namen vnseren herrn Jhesu Christi / das phr euch enghet von allem bruder / der da vnordig wandelt / vnd nicht nach der sathung / die er vñ vns empfangen hat / Denn phr wiisset / wie phr vns solt nachfolgen / Denn wyr sind nicht vnordig vnter euch gewesen / haben auch nicht vmbsonst das brot genomen von yemant / sondern mit erbeyt vnd muhe tag vñ nacht habē wir gewirckt / das wir nicht yemand vnter euch beschwerlich weren. Nicht darumb / das wyr des nicht macht habē / sondern das wyr vns selb zum fürbild euch geben / vns nachzufolgen. Vnd da wyr bey euch waren / gepotten wyr euch solchs / das szo yemand nicht wil erbeyten / der sol auch nicht essen.

Denn

DIE ANDER EPISTEL ZU DEN THESSALONICHERN

Denn wir hören/das etlich vnter euch wandeln vnordig/
vnd erbeyten nichts/sondern treyben furwiltz/Solchen aber
gepleten wir vnd ermanen sie durch vnsern herrn Ihesum
Christ/das sie mit stillem wesen erbeyten vnnnd ihr eygen
brod essen. Ihr aber/lieben bruder/werdet nicht vberdros-
sen wolguthun/So aber yemāt nicht gehorsam ist vnserm
wort/den zeychent an durch eynen brieff/vñ habt nichts
mit yhm zuschaffen/auff das er schamrod werde/Doch hal-
tet yhn nicht als eynen seynd/sondern vermanet yhn als
eynen bruder.

Er aber/der herr des frids/gebe euch fride allenthalben
vnd auff allerley weysze/Der herr sey mit euch allen. Der
gruß mit meynen hand Pauli/das ist das zeychē ynn allen
brieffen/also schreybe ich/Die gnade vnseres Christi
sey mit euch allen Amen. Geschrie-
ben von Athene.

VORREDE AUFF DIE LXX
ERST EPISTEL SANCT PAULI AN TIMOTHEON

Diese Epistel schreybt sanct Paulus zum furbild allen Bischoffen / was die leren / vnd wie sie die Christenheyt vnn allerley stenden regirn sollen / auff das nicht noth sey / aus eygen menschen dunckel die Christen zuregieren.

Am ersten Capitel / befiehlt er / das eyn Bischoff halte vber dem rechten glawben vnd liebe / vnd den falschen geseh prediger widderstehe / die neben Christo vñ dem Euangelio auch die werck des gesehs treyben wollen.

Am Andern / befiehlt er / zu beten fur alle stende / vnd gepeut / das die weyber nicht predigen / auch nit kostlichen schmuck tragē sollen / sondern gehorsam den mennern seyn.

Am dritten / beschreybt er / was fur person / die bischoff oder priester vnd yhre weyber seyn sollen / Item die Diacon vñ yhre weyber / vnd lobts / so yemand begerd eyn Bischoff solcher weyse zu seyn.

Am vierden / verkündigt er den falschen Bischoff vñ geystlichen stand / der dem vorge sagten entgegen ist / da solche person nicht seyn werden / sondern die ehe vnd speyse verpieten / vnd ganz das widder spiel mit menschen leren treyben solten / des bilds / das er anhepget hat.

Am funfften / befiehlt er / wie die wítwen vnd lunge weyber sollen bestellet werden / vnd wilche wítwen man von der gemeynen stewart neeren solle. Auch wie man frume vñnd streffliche Bischoff odder priester vnn ehren halten / odder straffen solle.

Am sechsten / Ermanet er die bischoff / das sie dem lauttern Euāgelio anhangen / dasselb mit predigen vñnd leben treyben / der vnnutzen furwichtigen fragē sich entschlahen / die nur zu weltlichem rhum vnd reychthum zu suchen auffgeworffen werden.

Das

DIE ERST EPISTEL SANCT PAULI

Das Erst Capitel.

Paulus eyn Apostel Jhesu Christi: nach dem befehl
Gottis vnseres heylands/vnd des herrn Jhesu Chris-
ti/der vnser hoffnung ist.

Timotheo meynem son von art durch den glawben.

Gnad / barmherzikeyt / fride von Gott vnserm vater vnd
vnserm herrn Jhesu Christo.

Wie ich dich ermanet habe / das du zu Epheso bliebest / da
ich ynn Macedonian zoch / vnd gepottist etlichen / das sie
nichts anders leretē / auch nicht acht hetten auff die fabeln
vnd der geschlecht register/die seyn ende haben/vnd brin-
gen fragen auff / mehr denn pesserung ynn Got am glaw-
ben. Denn die hewbtsumma des gepottis ist/Liebe von rey-
nem herzen vnd von guttem gewissen vnd von vngeserbe-
tem glawben. Wilcher haben ettlich geseylet vnd sind umb-
wand zu vnnutzem geschweh / wollen der schrift meyster
seyn / vnd verstehen nicht / was sie sagen / odder was sie
sehen.

Wyr wissen aber / das/dz geseh gut ist / so seyn yemand recht
braucht / vñ weysz solchs / das dem gerechtē seyn geseh ge-
ben ist / sondern den vngerechten vnd vngehorsamen / den
gottlosen vnd sundern / den vnheyligen vnd vnteynen / den
vatter mordern vnd mutter mordern / den todschlegern /
den bulern / den knabenschendern / den menschedieben / den
lugenern / den meynedygen / vnd so etwas anders der
heylsamen lere widder ist / nach dem Euangelio der herli-
cheyt des seligen Gottis/wilchs myr vertrauet ist.

Vnd ich dancke dem / der mich betreffiget hat ynn Christo
Jhesu vnserm herrn / das er mich fur trewe geachtet hat /
vñ geseht ynn das ampt / der ich zuuor war eyn lesterer vnd
eyn verfolger vnd eyn schmecher / aber myr ist barmherzi-
geyt widderfaren / denn ich habs vnwissend than ym vn-
glawben /

glauben / Es ist aber desto reicher gewesen die gnade vnseren herrn Ihesu Christi / durch den glauben vnd die liebe vnn Christo Ihesu.

Denn das ist yhe gewislich war / vnd eyne theur werdes wort / das Christus Ihesus komen ist vnn die welt die sunder selig zumachen / vnter welchen ich der furnehmist bynn. Aber darumb ist mir barmherzigkeyt widerfahren / auff das an myr furnehmlich Ihesus Christus erhepgete alle lagmutikeit / zum exempel denen / die an yhn glewbe solten zum ewigen leben. Aber Got dem konige der ewikeit dem vnuergenglichen vnd vnsichtbarn / vnd alleynen weysen / sey eehre vnd preys von ewikeit zu ewikeit / Amen.

Diz gepot besilich ich dyr / meyn son Timothee / nach den vorigen weysagungen vber dyr / das du vnn den selben vbist eyne gutte ritterschafft / durch den glauben vnd gutt gewissen / welche etlich vñ sich gestossen / vñ am glauben schiffbruch erlitten haben / vnter welchen ist Symeneos vnd Alexander / welche ich hab dem teuffel gebe / das sie gehuchtiget werden / nicht mehr zulestern.

Das Ander Capitel.


So ermane ich nu / das man fur allen dingen zu erst thue bitte / gepett / furbit / vnd danksagung fur alle menschen / fur die kunige vnd fur alle vberkept / auff das wir eyne geruglich vnd stilles leben furen mugen / vnn aller gottselikeit vñ redlikeit. Denn solchs ist gut / dazu auch angenehm fur Gott vnserm heyland / welcher wil / das alle menschen genesen vñ zur erkentnis der warheit kommen / Den es ist eyne Got / vnd eyne mittler zwischen Got vnd den menschen / nemlich / der mensch Ihesus Christus / der sich selbs geben hat fur vderman zu erlosung / das solchs zu seynet zeit prediget wurde / dazu ich gesetzt byn eyne prediger vñ Apostel (Ich sage die warheit vnn Christo vnd liege

DIE ERST EPISTEL

liege nicht) eyn lerer der heyden ym glawben vnd ynn der warheyt.

So wil ich nu / das die manne beten an allen ortten / vnd auffheben heylige hende on zorn vnnnd widderwillen / Des selben gleychen die weyber / das sie ynn yperlichem fleyde / mit scham vnnnd zucht sich schmucken / nicht mit zopffen oder goltt odder perlen odder kostlichem gewand / sondern das wol anstehet den weybern / die da gotselickeyt beweysen durch gutte werck. Eyn weyb lerne yñ der stille mit aller vnterthenickeyt / Eynem weyb aber gestatte ich nicht / das sie lere / auch nicht das sie des mans herre sey / sondern stille sey / Denn Adam ist am ersten gemacht / darnach Heua / vñ Adam wart nicht verforet / das weyb aber wart verforet / vnd hat die vbertrettung eyngeforet / Sie wirt aber selig werden durch kinder geperen / so sie bleybet ym glawben vnd ynn der liebe vnd ynn der heyligung sampt der zucht.

Das Dritte Capitel.



Als ist yhe gewislich war / so yemand eyn bischoffs ampt begerd / den gelustet eynes gutten wercks / Es sol aber eyn Bischoff vnstrefflich seyn / nur eynes weybes man / nuchtern / zuchtig / sittig / gast frey / leere / hafftig / nicht weynsuchtig / nicht beysig / nicht schendliches gewynsts geyrig / sondern gelinde / nicht hadderig / nicht geeyrig / der seynem eygen hauſze wol furstehe / der gehorsame kinder habe mit aller redlicheyt (So aber yemant seynem eygen hauſze nicht weys furhustehen / wie wirt er die gemeine Gotteds versorgen?) nicht eyn newling / auff das er sich nicht auffblase vnd dem lesterer yns vrtel falle. Er muſz aber auch ein gut zeugnis haben / von denen die draussen sind / auff das er nicht falle dem lesterer ynn die schmach vnd strid.

Desselbē gleychen / die diener sollen seyn redlich / nicht zweyhungig /

hungig / nicht weynſuchtig / nicht ſchendlichs gewynſts geyrig / die das geheymnis des glawbens haben ynn reynem gewiſſen / vnd die ſelbige laß man zuuor verſuchen / darnach laß man ſie dienen / wenn ſie vnſtrefflich ſind.

Deſſelben gleychẽ die weyber ſollen ſeyn redlich / nicht leſtererern / nuchtern / trew ynn allen dingen. Die diener laß eyn yglichen ſeyn eynes weybes man / die yhren kindern wol ſutſtehen vnn̄d yhren eygen heuſzern / Wilche aber wol dienen / die erwerben yhn ſelbs eyn gutte ſtuffen / vñ eyn groſſe freydickeyt ym glawben ynn Chriſto Jheſu.

Solchs ſchreybe ich dyr / vnd hoſſe auffß ſchierſt zu dyr zuſomen / ſzo ich aber verthoge / das du wiſſeſt / wie du ſolt wandeln ynn dem hauſze Gottis / wilchs iſt die gemeyne des lebendigen Gottis / eyn pſeyler vñ grundfeſt / Vnd fundlich groſz iſt das gotſelige geheymnis / wilchs da iſt offinbart ym fleiſch / gerechtſfertigt ym geiſt / erſchynen den Engeln / gepredigt den heyden / geglewbt von der welt / auffgenommen ynn die hetlickeyt.

Das Vierde Capitel.

DEr geiſt aber ſagt deutlich / das ynn den lehtẽ zeitten / werden etliche von dem glawben abtretten / vnd anhangen den yrrigen geiſtern vñ leren der teuffel / durch die / ſo yñ gleyſzneren lügenreder ſind / vnn̄d brandmal ynn yhrem gewiſſen haben / vnd verpieten eehlich zu werden / vnn̄d zu meyden die ſpeyſze / die Got geſchaffen hat / zunemen mit danckſaguug / den glewbigen vnd denen die die warheyt erkennen haben. Denn alle creatur Gottis iſt gutt / vnd nichts verwerfflich / das mit danckſaguung empfangen wirt / denn es wirt geheyliget durch das wortt Gottis vnd das gepett. Wenn du den brudern ſolchs ſurheltiſt / ſo wiirſtu eyn gutter diener Jheſu Chriſti ſeyn / aufferhogen ynn den wortten des glawbens vñ der guten lere /

DIE ERST EPISTEL

lere/der du bißher nachkomen biß/Der vngewißlichen aber vnd der alltwettelschen fabeln entschlage dich.

Obē dich selbs aber an der gottselicheit / Denn die leypliche vrbūg iß wenig nutz / aber die gottselicheit iß zu allem dīng nutz/vnnd hat die verheißung/diñzes vnd des zukunfftigen lebens/Das iß yhe gewißlich war/vnnd eyn thewzwerdes wort. Denn dahyn erbeytten wir auch / vñ werden geschmecht/das wir auff den lebēdigen Got gehoffet haben/wilcher iß der heyland aller menschen/sonderlich aber der gleybigen. Solchs gepeut vnd lere. Niemand verachte deyne iugent/sondern sey eyn furbild den gleybigē/vm wort/vm wandel/vnn der liebe/vm geyst/vm glawben/vnn der keuscheit.

halt an mit lesen / mit ermanen / mit leren / biß ich kome. Laß nicht aus der acht die gabe/die dir geben iß durch die weyßsagung/mit aufflegung der hand der Eltisten. Solchs wartte/damit gang vmb/auff das deyn zunehmen offinbar sey fur yderman. Hab acht auff dich selbs vnd auff die lere/ beharre vnn diñen studen / Deñ wo du solchs thust / wirstu dich selbs selig machen vnd die dich horen.

Das Suufft Capitel.

DEn Eltisten schelte nicht/sondern ermane yhn als eynen vater/die iungen als die brudere/die alten weyber als die muttere/die iungen als die schwester mit aller keuscheit. Ehre die wítwen/wilche rechte wítwen sīnd/So aber eyne wítwe kīnder odder neffen hat/solche laß zuuor lernen / das yhr eygen heußer gottselig seyen/vnnd gleychs vergelten den vorelltern. Denn das iß wolthan vnd angnehm fur Got / Wilche aber eyn rechte wítwe iß / die niemant zuuersorgen hat / vnd eynsam / die hat yhr hoffnung auff Got gestellet / vnd bleybt am gepett vnd flehen tag vñ nacht / Wilche aber vnn wollusten lebt /
die

die ist lebendig tod. Solchs gepeut/auff das sie vnuertadelich seyen. So aber jemand die seynen/sonderlich seyne haußgenossen / nicht versorget / der hat den glawben verleugnet/ vnd ist erger denn eyn vnglewbiger.

Laß seyne witwe erwelet werden vnter sechzig iaren / vnd die da gewesen sey eynes mannes weyb/vnd die eyn zeugnis habe der guten werck / so sie kinder auffhogen hat / so sie gastfrey gewesen ist / so sie der heyligen fusse gewaschen hat / so sie den trubseligen handreychung than hat / so sie allem guten werck nachkomen ist. Der iungen wittwen aber entschlahe dich / Denn wenn sie gepl worden sind widder Christen / so wollen sie freyen / vnd haben phr vrtzepl / das sie den ersten glawben verbrochen haben/daneben sind sie faul vnd lernen umblauffen durch die heuser/Nicht alleyn aber sind sie faul / sondern auch schwellig vñ furwichtig / vnd reden/das nicht seyn sol.

So wil ich/das die iungen wittwen freyen/kinder tragen/hauß halten / dem widderacher seyn vrsach geben zuschelten. Deñ es sind schon etliche umbwand/dem Satana nach/ So aber eyn glewbiger odder glewbigynne wittwen hat / der versorge die selben/vnd laß die gemeyne nicht beschweret werden/auff das die so rechte wittwe sind/mugen gnug haben.

Die eltesten / die wol furstehen / die halte man zwysfacher eehren werck/sonderlich die da erbeyten jm wort vnd jnn Deuter. 25. der lere. Denn es spricht die schrift/Du solt nicht dem ohsen das maul verpinden/der da dreschet/Vnd eyn erbeyter ist seyns lohns werck. Widder eyenen eltesten nym seyn flage auff/ausser zweyen odder dreyer zeugen. Die da sundigen / die straffe fur allen / auff das auch die andern furcht haben.

Ich bezeuge fur Got vnd dem herrn Jhesu Christo/vnd den außzerweletē Engeln/das du solchs haltist en nachtepl / vñ nichts

DIE ERST EPISTEL

nichts thuſt zur ſeytten aus. Die hende lege niemant bald auff. Mach dich auch nicht teylhaſtig frembder ſunden. Salt dich ſelber keuſch. Trinke nicht mehr waſſer / ſondern brauch des weynes eyn wenig vmb deynes magens willen / vnd das du oft krank biſt.

Etlicher menſchen ſunde ſind zuuor offinbar / vnd gehen ſuthyn zum gericht / etlicher aber folgen hynach / deſſelben gleychen auch die guten werd / ſind zuuor offinbar / vnd die ſich anders haben / ſunden ſich nicht bergen.

Das Sechſt Capitel.

Die knechte / ſo vnter dem loch ſind / die halten yhre herrn aller eehren werd / auff das nicht der name Gottis vnd die lere verleſtert werde / Wilche aber glewbige herrn haben / die verachten ſie nicht / die weyl ſie bruder ſind / ſondern ſeyen viel mehr dienſtbar / die weyl ſie glewbig vnd geliebt / vñ der wolthat teylhaſtig ſind.

Solchs lere vnd ermane / So yemand anders leret / vnd nicht zuſelt den heylſamen wortten vnſers herrn Jheſu Chriſti vnd der lere von der gottſeligheyt / der iſt aufgeblaſen vnd weyß nichts / ſondern iſt heuchtig ynn fragen vñnd worttkriegen / aus welchen entſpringet / haß / hadder / leſterung / boſer argwahn / ſchul gehende / ſolcher menſchen / die zurutten ynn haben / vñ der warheyt berawbt ſind / die da meynen gottſeligheyt ſey vmb genieß willen / Thu dich von ſolchen. Es iſt aber eyn groſſer genieß / wer gottſelig iſt vñnd leſt yhm genugen / Denn wir haben nichts ynn die welt bracht / darumb offinbar iſt / wir werden auch nichts ynnans bringen.

Wenn wir aber futter vnd dede haben / ſo laß vns benutzen / Deñ die da reich werden wollen / die fallen ynn verſuchung vñnd ſtrick / vnd viel torichter vñnd ſchädlicher luſte / welche verſenden die menſchen yñß verderben vñnd verdammis.

verdamnis. Denn gehy ist eyn wortel alles vbelß / wilcher hat etliche geluſtet / vnd ſind vom glawben vrrer gangen / vnnnd haben ſich ſelbs gemenget vnter viel ſchmerhen. Aber du menſche Gottis ſleuch ſolchs / iage aber nach der gerechticheyt / dem glawben / der liebe / der gedult / der ſanfftmut / kempffe eynen gutten kampff des glawbens / ergreyff das ewige leben / daz du auch beruffen biß / vnd beandt haß eyn gutt bekenntnis fur vielen zeugen.

Ich gepeite dyr fur Gott / der alle ding lebendig macht / vnnnd fur Chriſto Iheſu / der vnter pontio Pilato bezeuget hatt eyn gutt bekenntnis / das du haltiß das gepot / on ſlecken / vnuerthaddelich / biß auff die erſcheynung vnſers herrn Iheſu Chriſti / wilchen wirt zeugen zu ſeyner zept / der ſelige vnnnd alleyn geweltiger / der konig aller konige vnnnd herr aller herrn / der alleyn hat vnſterblicheyt / der da wonet vnnem nem licht / da niemant zu komen kan / wilchen ſeyn menſch geſehen hat noch geſehen kan / dem ſey eehr vnnnd ewige reyck / Amen.

Den reycken vñ dißer welt / gepeut / das ſie nicht nach hohem ding trachten / auch nicht hoffen auff den vngewiſſen reychtum / ſondern auff den lebendige Gott / der vns dar gibt reycklich allerley zunieſſen / das ſie gutthun / reyck werden von gutten werden / gerne geben / leutſelig ſeyn / ſchaffſamen vñ ſelbs eynen gutten grund auffß zukunfftige / das ſie ergreyffen das ewige leben.

O Timothee beware die beplage / vnnnd meyde die vngewiſſen lichen vergebliche wort / vnnnd das gehend der falſch berumpften erkentnis / wilche etliche haben ſurgeben / vnnnd haben des glawbens geſeylet. Die gnade ſey mit dyr / AMEN.

Gefchrieben von Laodicea / die da iß eyn hewbt
ſtad des lands Phrygia Pacatiana.

VORREDE AUFF DIE ANDER EPISTEL SANCT
PAULI AN TIMOTHEON

Diese Epistel ist eyn lehe brieff/darynn sanct Paulus Timotheon ermanet/das er fort fare/wie er angefangen habe das Euangelion zutreiben/das auch wol not ist/syntemal viel sind die abfallen/dazu falsche gepster vnd lerer sich allenthalben erregen/darumb eym bischoff zusteht ymer zuwachen vnd erbeyten an dem Euangelio.

In sonderheyt aber verkündigt er am dritten vnd vierden capitel/die ferliche zeit/am end der welt/darynn das falsch geystlich leben alle welt verführen sol mit eußerlichem scheyn/darunter allerley boszheyt vnd vntugent yhr weisen habe /

Wie wir leyder yht sehen an vnsern geystlichen
disze prophecey sanct Paulus alhu
reychlich erfüllet werden.

Das Erst Capitel.

Dulus eyn Apostel Jesu Christi durch den willen
Gottis / zupredigen die verheßßung des lebēß vn̄
Christo Jhesu.

Meinem lieben son Timotheo.

Gnad / barmherzikeit / fride / von Got dem vater vn̄ vn̄
sern hern Jhesu Christo.

Ich dancke Gott / dem ich diene von meynen voreltern her /
vnn reynem gewissen / das ich on vnterlaß deyn gedend vn̄
meynem gepet tag vnd nacht / vnd verlanget mich dich zu
sehen (wenn ich dencke an deyne threnen) auff das ich mit
freuden erfüllet wurde / vnd erynnere mich des vngeserbe
ten glawbens vnn dyr / wilcher zuuor gewonet hat yn de
ner großmutter Loide / vn̄ vnn deyner mutter Eunike / byn
aber gewiß / das auch vnn dyr.

Dmb wilcher sach willen ich dich erynnere / das du erwedest
die gabe Gottis / die vnn dyr ist / durch die aufflegung me
ner hende / Denn Gott hat vns nicht geben den geyst der
furcht / sondern / der krafft vn̄ der lieb vn̄ der zucht. Dar
umb so scheme dich nicht des zeugnis vn̄sers herrn / noch
meyner / der ich seyn gepundener byn / sondern leyde dich
mit dem Euangelio / wie ich / nach der krafft Gottis / der vns
hat selig gemacht / vnd beruffen mit eynem heyligen ruff /
nicht nach vn̄sers werden / sondern nach seynem fursah vn̄
gnad / die vns geben ist vnn Christo Jhesu fur der zept der
welt / yht aber offinbart durch die erscheynung vn̄sers he
lands Jhesu Christi / der dem todt hat die macht genomen /
vnd das leben vn̄ eyn vnuergenglich weßzen ans licht
bracht / durch das Euāgelion / zu wilchem ich gesetzt byn eyn
prediger vnd Apostel vnd leter der heyden / vmb wilcher
sach willen ich solchs leyde / aber ich werde nicht schamrod /

DIE ANDER EPISTEL

Deñ ich weyß an wilchen ich glewbt hab / vnd er kan myr meyn beylage bewaren biß an yhenen tag.

Halt dich nach dem furbild der heylsamen wort / die du von myr gehoret hast / vom glawben vñ von der liebe ynn Christo Ihesu / Diesen guten beylag beware durch den heyligē geyst / der ynn vns wonet. Das weyßtu / das / sich vñ mit gewand haben alle die ynn Asia sind / vnter wilchen ist Phigelus vnd Sermogenes. Der herr gebe barmherzigeit dem hauße Onesiphori / denn er hat mich offt erquidit / vnd hat sich meynen leuten nicht geschemt / sondern da er gen Rom kam / suchte er mich auffß vleyßigist / vnd fand mich / Der herr gebe yhm / das er finde barmherzigeit bey dem herrn an yhenem tage / Vnd wie viel er myr zu Epheso dienet hat / weyßistu am besten.

Das Ander Capitel.

So stercke du dich nu / meyn son / durch die gnade ynn Christo Ihesu / vnd was du von myr gehoret hast / durch viel zeugen / das befilhe trewen menschen / die da tuchtig sind auch andere zuleren. Seyde dich als eyn guter streyter Ihesu Christi. Niemand streyket vñ slicht sich ynn der narung gescheyt / auff das er gefalle dem / der yhn zum streyter auffgenommen hat / Vñ so yemand auch kempfft / wirt er doch nicht gekronet / er kempffe deñ redlich. Es sol aber der ackerman / der den acker bawet / der fruchtē am ersten genießen / Merck was ich sage / der herr aber wirt dyr verstand ynn allen dingen geben.

Halt ynn gedechtnis / Ihesum Christum der auffstanden ist vñ den todten / aus dem samen Dauid / nach meynem Euangelio / ynn wilchem ich mich leyde biß an die bande / als eyn vbelthetter / aber Gottis wortt ist nicht gepunden / Darumb dulde ichs alles vmb der außzerweleten willen / auff das auch sie die seligkeit erlangen ynn Christo Ihesu / mit ewiger herrlicheit.

Das

Das ist yhe gewißlich war/Sind wir mit gestorbē/so werdē wir mit lebē/Dulden wir/so werdē wir mit hirsche/
Verleugnen wir/so wirt yhener ons auch verleugnen/
Gleuben wir nicht/so bleybet er trewe/er kan sich selbs
nicht leuden. Solchs erynnere sie/vnd bezeuge fur dem
herrn/das sie nicht omb wort zanden/wilchs nichts nuh
ist/denn abzuwenden die da zuhoren.

Besleyß dich Gotte zuerheymen eynen bewerten vnd vnuer-
tadelichen erbeyter/der da recht schneytte das wort der
warheyt. Des vngestlichen losen geschweh entschlache dich/
den es foddert viel an dem vngotlichem wesen/vnnd yhr
wort das frisset omb sich wie der krebs/vnter wilchen ist
Symeneos vnd Philetus/wilche der warheyt geseplet ha-
ben/vnd sagen die auferstehung sey schon geschehē/vnd
haben etlicher glawben verkeret.


Aber der feste grund Gottis bestehet/vñ hat dißzen sigel/
Der herr kennet die seynen/vnnd es trette ab von vngerech-
tidkeyt/wer den namen Christi anruft. Vnn eynem grossen
hausze aber sind nicht alleyn guldene vnd sylberne gesesß/
sondern auch hulherne vnd topffern/vnnd etliche zu eeh-
ren/etlich aber zu vneehren. So nu yemandt sich reyniget
von solchen leutten/der wirt eyn geheyliget saß seyn zu
den eehren/dem hauszherrn brauchlich/vnnd zu allem gut-
tem werck bereyt.

Gleich die luste der iugent/iage aber nach der gerechtidkeyt/
dem glawben/der liebe/dem fride mit allen/die den herrn
anruffen von reynem herzen. Der torichten fragen aber
vnnd die nichts leren entschlache dich. Denn du weyst/das
sie nur zand gepere/vñ knecht aber des herrn sol nicht
zendlich seyn/sondern vetterlich gegen yberman/leerhass-
tig/der die boßen tragen kan/der mit sanfftmüt straffe die
widderspenstigen/ob yhn Got der mal eyns busse gebe/die
warheyt zuerkennen/vnnd widder nuchtern zuwerden von
des

DIE ANDER EPISTEL

des teuffels strick/die von yhm gefangen sind nach seynem willen.

Das Dritte Capitel.



Als soltu aber wissen/das zu den lehten tagē werden grewliche zeytung eyntrcten/Denn es werden menschen seyn die von sich selbs halten/gepzig/stolz/hoffertig/lesterer/den Elltern ungehorsam/vndand̃bar/vngeystlich/vnsreuntlich/storrig/schender/vnsleusch/vnguttig/wild/verrether/freueler/auffgeblasen/die mehr lieben die wollust denn Gott/die da haben das geperde eynes gottseligen wandels/aber seyne krafft verleuden sie/vnd von solchen wende dich. Aus den selben sind/die die heußer durchlauffen/vnnd furen die weyblin gefangen/die mit sunden beladen sind vnnd faren mit mancherley lusten/lernen ymer dar/vnd sunden nymer zur erkentnis der warheyt komen.

Gleycher weyß aber/wie Jannes vnnd Jambres Mosi widerstunden/also widerstehen auch dißze der warheyt/es sind mensche von zurucken synnen/vntuchtig zum glawben/aber sie werdens nicht außfuren/Denn yhr torheyt wirt offinbar werdē yderman/gleych wie auch yhener war/Du aber hast erfolget meyne lere/meyn weyße/meyn furßag/meyn glawben/meyn langmut/meyn liebe/meyne gedult/meyne verfolgung/meyne leyden/wilcherley myr geschehen sind zu Antiochia/zu Iconion/zu Eystran/wilche verfolgung ich da er trug/vñ aus allen hat mich der herr erloszet/Vnd alle die gottselig leben wollen ynn Christo Ihesu/müssen verfolgung leyden/Die bössen menschen aber vñ verfürische/faren fort zu dem ergiften/verfuren vnd lassen sich verfuren.

Du aber bleybe ynn dem das du gelernet hast vnd erfaren/Syntemal du weyßist/von wem du gelernet habst/vnd weyl

weyl du von kindheyt auff heylige schrift weyssest/kan dich die selbige weysmachen zur seligkeit durch den glawbē vnn Christo Jhesu / Denn alle schrift vñ Gott eyngegeben / ist nutz zur lere/zur straff/zur besserung/zur zuchtigung vnn der gerechtigkeit/das ein mensch Gottis sey on wandel/zu allem guttem werd geschickt.

Das Vierde Capitel.

So bezeuge ich nu fur Got vnd dem herrn Jhesu Christo/der da zukunfftig ist zurichten die lebendigen vnn die todten/bey seyner erscheynung/vnd heyнем reich. Predige das wort/halt an/es sey zur zept odder zur vnheyt/straffe/bedrume/ermane/mit aller langmutigkeit vnd lere / Denn es wirt eyn zept sey / da sie die heylsame lere nicht werden vertragen/sondern nach yhren eygen lusten werden sie yhn selbs leter auffladen/nach dem yhn die oren lüden/vnd werden die oren von der warheyt wenden/vnd sich zu den sabelln leren. Du aber sey nüchtern allenthalbē/leyde dich/thu das werd eynes Euangelischen predigers/richt deyn ampt redlich aus.

Denn ich werde schon geopffert / vnd die zept meynen aufflösung ist furhanden. Ich hab eynen guten kampf ge Kempff / ich hab den laufft vollendet / ich hab glawben gehalten. Spnsurt ist myr beygelegt die kron der gerechtigkeit / wilche myr gebē wirt der herr an yhenem tage / der gerechte richter/Nicht myr aber alleyn/sondern auch allen/die seyne erscheynung liebhaben. Dleyssige dich das du bald zu myr komest.

Denn Demas hat mich verlassen vnd dißze welt lieb gewonnen / vnd ist gen Theßsalonich gehogen / Titus gen Dalma- cien / Lucas ist alleyn mit myr / Marcon nym zu dyr vnd bringe yhn mit dyr / deñ er ist myr nütlich zum dienst/Archicon hab ich gen Epheson gesand/Den mantel/den ich zu Troade

DIE ANDER EPISTEL AN TIMOTHEON


Troade ließ bey Carpo/bringe mit wenn du kompst/vnnd die bucher / sonderlich aber das pergamen. Alexander der kupfferschmidt hat myr viel böses beweyset/der herr behale yhm nach seynen werden/für wilchem hüttest du dich auch/ Denn er hat vnsern wortten seer widerstanden.

Inn meynen ersten vorantwortung / stund niemant bey myr/sondern sie verließen mich alle/Es sey yhn nicht zugerechnet/der herr aber stund myr bey vnnd sterckte mich / auff das durch mich die predigt desto weytter außkeme / vnd alle heyden horeten / vnd ich byn erloset von des lebens rachen/der herr aber wirt mich erlösen von allem böszem werck vnd selig machen/zuseynem hymliſchen reich/ wilchem sey preßz von ewickert zu ewickert Amen.

Grüsse Priscan vnd Aquilan / vñ das haus Onesiphori. Erastus bleyb zu Corinthon / Trophymon aber ließ ich zu Mileto frand / Thu vleyß / das du für dem winter komest. Es grüßet dich Eubulos vnd Pudens/vnd Linus vnd Clau-

dia/vnnd alle bruder. Der herr Jhesus Christus
sey mit deynem geyst. Die gnad
sey mit euch/AMEN.

AUFF DIE EPISTEL SANCT PAULI AN TITON



Als ist eyn furh Epistel/aber eyn außbund Christi-
licher lere/darinnen allerley szo meysterlich ver-
fasset ist/das eym Christen noth ist zu wissen vnd
zu leben.

Auffs erst/leret er/was eyn Bischoff odder pfarrer fur eyn
man seyn sol/nemlich der frum vñ geletet sey das Euāgelii-
on zupredigen/vnd die falschen lerer der werdt vnd men-
schen geseh zuverlegen/wilche allzeit widder den glauben
streytten/vnd die gewissen von der Christlichen freyheit
verfuren/vnn das gefengnis yhrer menschen werdt/die
doch seyn nuh sind.

Um andern Capitel/leret er allerley stennnd/allt/lung/
frawen/menner/herrn vñ knecht/wie sie sich halten sollen/
als die Christus durch seyn sterben erworben hat zum ey-
genthum.

Um dritten/leret er die weltliche hirschaften zu ehren vñnd
yhn gehorchen/vñ zeucht abermal an die gnad/die vns
Christus erworben hatt/damit niemandt dencke/das es
gnug sey/gehorjam seyn der hirschaft/syntemal alle
vnsere rechtfertigkeit nichts ist fur Gott/vnd

besilht die halzstarrigen vñnd se-
her zu meyden.

DIE EPISTEL SANCT PAULI

Das Erst Capitel.

Paulus ein knecht Gottis: aber eyn Apostel Jhesu Christi/zu predigen den glawben der außzerweleten Gottis/vñ das erkentnis der warheyt/wilche zur gotselicheyt furet auff hoffnung des ewigen lebens/wilchs verheissen hat der vnlugenhafftige Got/sur den zeitten der welt/hat aber offinbart zu seynner zeitt/seyn wort/durch die predigt/die mir vertrauet ist/nach dem befehl Gottis vnser heylands.

Also meynem ion von art/nach dem gemeynen glawben. Gnad/barmherzicheyt/fried/von Got dem vater vnd dem herrn Jhesu Christo vnserm heyland.

Derhalben ließ ich dich zu Crete/das du soltist vollend anrichtē da ichs gelassen hab/vnd besetzen die stedte hyr vnnnd her mit Eltisten/wie ich dyr verordnet habe/Wo eyner ist vntadbelich/eynes weybs man/der gleubige kinder habe/nicht beruchtiget mit schwelgeren odder ongehorsame. Denn eyn bischoff sol vntadbelich seyn/als eyn hauszhalter Gottis/nicht hoch von yhm selbst halten/nicht zornig/nicht weynsuchtig/nicht beyssig/nicht schendlichs gewyns gytig/sondern gast frey/guttig/zuchtig/gerecht/heylig/keusch/vnd halte ob dem gewissen wort der lere/auff das er mechtig sey/zu ermanen durch die heylsame lere/vnd zu straffen die widderpredher.

Denn es sind viel widderspenstige vnd vnnutze schweher vnd verjurer/sonderlich die aus der beschneytung/wilchen man muß das maul stopffen/die da ganze heußer verfehren/vnnnd leren/das nicht taug/vmb schendlichs gewyns willen. Es hatt eyner aus yhnen gesagt/yhrer eygen prophete/die Creter sind yhe lugener gewesen/bose vliech/vnd faule beuche. Disz zeugnis ist war/Vmb der sach willen straffe sie scharff/auff das sie gesund seyen ym glawben/vnnnd

Epimenides.

vnd nicht achten auff die Jüdischen fabeln vñ menschē gepot / wilche die warheyt abwenden. Den reynen istz alles reyn / den vnreynen aber vñ vnglewbigen ist nichts reyn / sondern vnreyn ist beyde pñr synn vnd gewissen / sie sagen / sie erkennen Got / aber mit den werden verleuden sie es / syntemal sie sind / an wilchen Got grawel hat / vnd gehorchen nit / vnd sind zu allem guttem werd vntuchtig.

Das Ander Capitel.

Daber rede / was der heylsamen lere wol anstehet. Den Alten / das sie nüchtern seyn / redlich / zuchtig / gesund vñ glawben / vñ der liebe / vñ der gedult / Den alten weyben des selbē gleychen / das sie geperden wie den heyligē zympt / nicht lesteren seyn / nicht weynsuchtig / gutte lereren / das sie die iungen weyber zucht leren / menner lieben / kinder lieben / zuchtig seyn / feusch / hauszlich / guttig / vnterthan pñren mennern / auff das nicht das wort Gotis verlestert werde / Desselben gleychen die iungen menner ermane / das sie zuchtig seyn.

Allenthalben aber stelle dich selbs zum furbild gutter werd / vñ halt dich vñ der lere vñschedlich vnd redlich / vnd das wort heylsam vnd vntaddelich / auff das der widderwertige sich scheme / vñ nichts habe / das er von vns muße boßes sagen. Den knechten / das sie pñren herrn vnterthenig seyn / vñ allen dingen gefellig / nicht widderpellen / nicht entwenden / sondern alle gutte trew erheppen / auff das sie die lere Gotis vñsers heylands zieren vñ allen studen. Denn es ist erschnen die heylbertige gnade Gotis allen menschen / vñ zuchtiget vns / das wir sollen verleugnen das vngotlich wesen vnd die weltliche lusten / vnd zuchtig / gerecht vnd gottselig leben vñ dieser welt / vnd wartten auff die selige hoffnung vnd erschnung der herlickeyt des grossen Gotis vnd vñsers heylands Jhesu Christi / der sich selbs
fur

DIE EPISTEL

für uns geben hat/auff das er uns erloszet von aller vngerechtigkeyt/vñ reyniget vhm selb eyn vold zum eygenthum/das da eyfferig were zu guten werden. Solchs rede vnd ermane/vnd straffe mit aller macht/Lasz dich niemant verachten.

Das Dritte Capitel.

Eynnere sie / das sie den furstenthumen vnd geweldigē vnterthan seyn/der vberkeyt gehorchen/zu allem gutten werck bereyt seyn / niemant lesetern / nicht haddern / gelinde seyn/alle sanfftmutigkeyt beweysen / gegen allen menschen/Den̄ wir waren auch weyland vnweyße / vnghehorsam / vrrige / dienend den lusten vnd mancherley wollusten / vnd wandelten vnn boszheyt vnd neyd/waren heßlich vnd heßig vnternander.

Da aber erscheyn die freuntlicheyt vñ leuttlicheyt Gottes vnser̄ heylands/nicht vmb der werck willen der gerechtikeyt / die wir than hatten / sondern nach seyn̄er barmherzigikeyt/machte er vnns selig/durch das bad der widdergewurt vñd̄ ernewerung des heyligen geysts / wilchen er außgossen hat vber uns reichlich/durch Ihesum Christ vnser̄ heyland/auff das wir durch des selben gnade gerechtfertiget/erben seyn/des ewigen lebens nach der hoffnung/das ist vhe gewißlich war.

Solches wil ich / das du treybest / auff das die / so an Gott glewbig sind worden / sich vleyßigen / vnn gutten werden furtrefflich zu seyn/Solchs ist gutt vñd̄ nuß den menschen. Der torichten fragen aber/der geschlecht register/des zands vnd streyts vber dem geseß / entschlahe dich / denn sie sind vnnuß vnd eyttel. Eyne abtrunnigen menschen meyde/wenn er eyn mal vnd abermal vermanet ist/vñd̄ wisse/das eyn solcher verkeret ist/vñd̄ sundigt/als der sich selb verurteylt hat.

Wenn

Wenn ich zu dyt senden werde Arteman odder Tychicon /
so come eplend zu myr gen Nicopolin / denn da selbs hab
ich beschloffen das wynterlager zuhaben. Zenanden schrift-
gelerten vnnß Apollon sende mit vleyß vorher / auff das yhn
nichts gepreche. Laß aber auch die vnsern lernen ynn guten
werden furtrefflich seyn / wo es die nothdurfft foddert / auff
das sie nicht vnfruchtbar seyen. Es grussen dich alle die mit
myr sind. Grusse alle die vns liebē ym glauben. Die
gnaden sey mit euch allen. Geschrieben
auß Nicopoli ynn Macedonia.

VORREDE
AUFF DIE EPISTEL SANCT PAULI ZU PHILEMON

Diese Epistel zeugt eyn meysterlich lieblich exempel
Christlicher liebe. Denn da sehen wir/wie S. Pau-
lus sich des armen Onesimos annympt/vñ yhn
gegen seynen herrn vertritt/mit allem das er vermag/vnd
settel sich nicht anders/denn als sey er selbst Onesimos/
der sich versündigt habe/Doch thut er das nicht mit gewalt
odder zwang/als er wol recht hette/szondern eussert sich
seyner rechten/damit er zwingt/das Philemon sich seiner
rechten auch verhephen muß. Eben wie vns Christus than
hatt gegen Got dem vatter/also thut auch S. Paulus fur
Onesimo gegen Philemon. Denn Christus hat sich auch sei-
ner rechten geeussert/vnd mit lieb vnd demut den vatter
vberwunden/das er seynen zorn vnd recht hat müssen le-
gen/vñ vns zu gnaden nemen/vmb Christus willen/der
also ernstlich vns vertritt/vnd sich vnser so herzh-
lich annympt/Deñ wir sind alle seine
Onesimi/si so wirs gleuben.

Paulus

DIE EPISTEL
SANCT PAULI AN PHILEMON

LXXXI

Paulus der gepunden Jhesu Christi: vñ Timotheos der bruder. Philemoni dem lieben vnd vnserm gehulffen / vnd Apphian der lieben / vnd Archippo vnserm streytgenossen / vnd der gemeynen vnn seynem hausz. Gnad sey mit euch vnd fride vō Got vnserm vater vnd dem herrn Jhesu Christo.

Ich dancke meynem Got / vnnnd gedende deyn alleheyt vnn meynem gebet / nach dem ich hore von der liebe vnnnd dem glawben / wilche du hast gegen den herrn Jhesum Christ vnd alle heyligen / das vnser gemeyner glawbe vñ dyr schessig werde durch erkentnis alle des guten / das vnn euch ist an Christo Jhesu. Ich habe aber eyn grosse freud vnd trost an deynrer liebe / Denn die heyligen sind herzhlich erquickt durch dich / lieber bruder.

Darumb / wie wol ich habe vnn Christo eyn grosse freud / dyr zu gepleten / was dyr gepurt / aber vmb der liebe willen / ermane ich dich viel weger / der ich eyn solcher byn / nemlich eyn alter Paulus / nu aber auch eyn gepūdener Jhesu Christi. So ermane ich dich vmb meynes sons willen Onesimon / den ich geporen habe vnn meynen banden / wilcher weyland dyr vnnuż / nu aber dyr vnd myr wol nuż ist / den hab ich widdder gesand / du aber nym phn / das ist / meyn herzh / auff / Denn ich wolt phn bey myr behalten / das er myr an deynrer stad dienet / vnn den bandē des Euangelij / aber on deynnen willen wollt ich nichts thun / auff das deyn guttis nicht were genottiget / sondern selbwillig.

Villeycht aber ist er darumb eyn zeyt lang entwichen / das du phn ewig widdder nemist / nu nicht mehr als ein knecht / sondern mehr deñ eyn knecht / eynen lieben bruder / sonderlich myr / wie viel mehr aber dyr / beyde nach dem flesch vnd nach dem herrn. So du nu mich heltist fur deynnen genossen / szo nym phn auff als mich selb / So er aber dyr et

DIE EPISTEL AN PHILEMON

was schaden than hat / odder schuldig ist / das rechne myr zu / Ich Paulus habß geschrieben mit meynner hand / ich wilß behalten / ich schweyge / das du dich selbs myr schuldig bist. Ja lieber bruder / laßß das ich mich an dyr er geheynn dem herren / erquicke meyn herz ynn dem herren.

Ich hab auß zuuersicht deynes gehorsams geschrieben / denn ich weyßß / du wirst vber das thun / das ich sage / Daneben beceypte myr die herberge / denn ich hoffe / das ich durch ewr gepet / euch geschenckt werde. Es grisset dich Epaphras meyn mitgefangener ynn Christo Ihesu / Marcus / Aristarchus / Demas / Lucas / meyne gehulffen. Die gnade vnserß herren Ihesu Christi sey mit ewrem geyst / Amen.

AUFF DIE ERST EPISTEL SANCT PETERS

Die Epistel hat sanct Peter zu den bekeretē heyden geschrieben/ vnd ermanet sie ym glawben bestendig zu seyn vnd zu nemen/ durch allerley leyden vnd gute werck. Am ersten capitel/ stercket er yhren glawben durch göttliche verheysung vnd krafft der zukunfftigen selickheyt/ vnd zeygt an/ wie die selb nit von vns verdient/ sondern zuuor durch die propheten verkündigt sey/ Darumb sollen sie nu ym newen weesen heylig leben vnd des alten vergessen/ als die new geporn sind durch das lebendige ewige wort Gottes. Am andern/ leret er das hewbt vnd den edlsten Christum erkennen/ vñ d̄z sie/ als rechtschaffene priester/ sich selbs Got opffern/ wie Christus sich geopffert hat/ vnd hebt an allerley stende zu vnterrichten. Am ersten leret er ynn der gemeyn hyr/ der weltlichen hirschaft vnterthan seyn/ darnach sonderlich/ die knechte yhren eygen herrn vnterwerffen seyn/ vnd vnrecht von yhn leyden vmb Christus willen/ der fur vns auch vnrecht erlitten hat.

Am dritten/ leret er die weyber gehorsam seyn/ auch den vnglewbigen mennern/ vnd sich heyliglich zieren. Item/ die mēner/ das sie yhre weyber dulden vnd vertragen/ vñ darnach ynn gemeyn/ vnternander demutig/ gedultig vnd freuntlich seyn/ wie Christus fur vnser sund gewesen ist. Am vierden/ leret er das flesch zwingen/ mit nuchterkeyt/ wachen/ messickheyt/ beten/ vñ Christus leyden betrachtung &c. Vnd vnterweyset das gestliche regiment/ wie man nur Gottes wort vnd werck vnter den Christen vben soll/ vñ eyn yglicher dem andern mit seynen gabē dienstbar seyn/ vñ nicht wundern/ sondern frolich seyn/ ob wir leyden müssen vmb Christus namen willen.

Am funfften/ ermanet er die Bischoff vnd priester/ wie sie leben/ vnd das volck weyden sollen. Vnd warnet vns fur dem teuffel/ das er on vnterlaß vns nachgehe allenthalben.

Das

DIE ERST EPISTEL

Das Erst Capitel.

Petrus ein Apostel Ihesu Christi. Den erweleten frembdingen hyr vñ her yn Ponto/Galatia/Capadocian/Asia vñ Bithynia / nach der vorsehung Gottis des vatters / ynn der heyligung des geystis / zum gehorsam vñnd zur besprengung des bluts Ihesu Christi.

Gnade vñ frid mehre sich bey euch.

Gebenedeyet sey Got vñd der vater vnserz herrn Ihesu Christi / der vns nach seynen grossen barmherzikeyt hatt widdergeporn zu eyner lebendigen hoffnung / durch die aufferstehung Ihesu Christi von den todten / auff eyn vnuergenglich vñd vnbesleckt vñ vnuerwelcklich erbe / das da behalten ist ym hymel auff euch / die yhr durch die krafft Gottis ym glawben bewaret werdet zur selickeyt / wilche bereyt ist / das sie auffdeckt werde zu der letzten zept / ynn wilcher yhr euch frewen werdet / die yhr yht eyn fleynzept (wo es seyn sol) traurig seyt ynn mancherley versuchung / Auff das die bewerug an ewerm glawben werde erfunden viel kostlicher / deñ das vergengliche goltt / das durchs sewr bewerd wirt / zu lob / preps vñd eehren / wenn nu offinbart wirt Ihesus Christus. Wilchen yhr nicht gesehen vñ doch lieb habt / an wilchen yhr auch glewbt / vñd noch nicht sehet / Dmb des glawbēs willen aber / werdet yhr euch frewen mit vnaussprechlicher vñd herlicher freuden / vñd das ende ewers glawbēs dauon bringen / nemlich der seelen selickeyt.

Nach wilcher selickeyt haben gesucht vñnd geforschet die propheten / die von der zukunfftigen gnade auff euch geweyssaget haben / vñ haben geforschet / auff wilche vñnd wilcherley zept deutet der geyst Christi / der ynn yhn war / vñd zuuor bezeuget hat die leyden die ynn Christo sind / vñd die herlickeyt darnach / wilchen es offinbart ist. Denn sie habens
nicht

nicht yhn selbs / sondern vns dar gethan / wilchs euch nu
verkundiget ist / durch die / so euch das Euangelion verkun-
diget haben / durch den heyligen geyst vom hymel gesand /
wilchs auch die engel gelustet zuschawen.

Darumb so begurttet die lenden ewers gemutts / seyt nuch-
tern / vnd seht mit ganhem erwegen ewer hoffnung auff
die gnade / die euch angepotten wirt / durch die offnbarung
Jhesu Christi / als kinder des gehorsams / nicht gleichbertig
den vorigen lusten ewer vnwissenheyt / sondern nach dem /
der euch beruffen hat vnd heylig ist / seyt auch yhr heylig
Leuit. 19. ynn allem ewerm wandel / nach dem es geschrieben steht /
Yhr solt heylig seyn / denn ich byn heylig.

Vnd syntemal yhr den zum vater anruffet / der on ansehen
der person richtet / nach eynes ygliche werdt / so furet ewern
wandel die zeit ewer pilgerfart mit furchten / vnd wiisset /
das yhr nicht mit vergenglichem silber odder golt erloset
seyt / von ewerm eytteln wandel ynn den veterlichen jahun-
ge / sondern mit dem theuren blut Christi / als eynes vn-
schuldigen vñ vnbesledten lambs / der zwar zuuor versehen
ist fur der welt anfang / aber offnbart zu den letzten zeite /
vmb ewer willen / die yhr durch yhn gleubet an Gott / der
yhn aufferweckt hat von den toden / vnd yhm die herlicheyt
geben / auff das yhr glawben vnd hoffnung zu Got haben
mochtet.

Vnd machet keusch ewre seelen durch den gehorsam der
warheyt ym geyst / zu ungeferbeter bruderliebe / vnd habt
euch vnternander brunstig lieb aus reynem herze / als die
da wider geporn sind / nicht aus vergenglichem / sondern
aus vnuergenglichem samen / nemlich / aus dem lebendigen
Jsa. 40. wort Gottes / das da ewiglich bleybt. Nach dem / alles flesch
ist wie eyn gras / vnd alle herlicheyt des menschen / wie eyn
blume des grassis / Das gras ist verdurrt vnd die blume
abgefallen / aber des herrn wort bleybt ynn ewigkeit.

DIE ERST EPISTEL

Das Ander Capitel.

So legt nu ab alle boßheyt vnd allen list / vnd heucheleyn vnd haßz / vnd alles affterreden / vñ seyt geyrig nach der vernunfftigen vnuerselchten milch / als die yht gepornen kindlin / auff das yhr durch die selbige erwachset / so yhr anders habt geschmackt / das der herr freuntlich ist / Zu welchem yhr komen seyt / als zu dem lebendigen steyn / der von den menschen verworffen / aber fur Got erwelet vnd kostlich ist / Vnd auch yhr / als die lebendigen steyne / bauet euch zum geystlichen hauße vnd zum heyligen priesterthum / zu opffern geystliche opffer / die Got an genehm sind / durch Jhesum Christum.

Darumb ist ynn der schriffte verfasst / Sihe da / ich lege ey- Jsa. 28.
nen außzerweleten kostlichen edsteyn ynn Zion / vnd wer an yhn glewbt / der sol nicht zuschanden werden. Euch nu / die yhr glewbt / ist er kostlich / Den vnglewbigē aber / ist der psal. 117.
steyn / den die bawleut verworffen haben / zum edsteyn Jsa. 8.
worden vnd zum steyn des anstossens vñ zum felsz des ergernis / die sich stossen an dem wort / vnd glewben nicht dran / darauff sie gesetzt sind. Yhr aber seyt das außzerwelete Exo. 19.
geschlecht / das koniglich priesterthum / das heylige vold / das vold des eygēthums / das yhr verkundigen solt die tugent des / der euch beruffen hat vñ der finsternis zu seynem Osee. 2.
wunderbarn licht / Die yhr weylant nicht eyn vold waret / nu aber Gottis vold seyt / vñnd der sich Gott nicht erbarmet / nu aber erbarmet hat.

Liebē bruder / ich ermane euch als die frembdlingen vñ pilgeren / enthaltet euch von den fleyschlichen lusten / wilche widder die seele streyten / vnd furet eynen guten wandel vnter den heyden / auff das die so von euch affterreden / als von vbelthettern / ewre gute werck sehen / vnd Gotte preysen / wens nu an den tag komen wirt.

Sept


Seht vnterthan aller menschlicher ordnung/ vmb des herrn willen/ es sey dem konige als dem vbirsten/ odder den pflegern als den gesandten von ihm/ zur rache der vbelthetter/ vnd zu lob der wolthetter. Denn das ist der wille Gottis/ das ihr mit wolthun verstopffet die vnwissenheyt der torichtē menschen/ Als die freyen vñ nicht als hettet ihr die freyheyt zum deckel der boszheyt/ sondern als die knechte Gottis. Seht eerbietig gegen yderman/ Habt lieb die bruder schaff/ Furchtet Got/ Ehret den konig.

Ihr hausz knecht seht vnterthan mit aller furcht den herren/ nicht alleyn den guttigen vnd gelinden/ sondern auch den vnslachtigen. Denn das ist gnade/ so yemand vmb des gewissens willen zu Got/ traurigkelt vertregt vnd leydet mit vnrecht. Denn was ist das fur eyn preys/ so ihr vmb missestat willen streyche leydet? aber weñ ihr vmb wolthat willen leydet vnd erduldet/ das ist gnade bey Got.

Denn daz seht ihr beruffen/ syntemal auch Christus gelitten hat fur vns/ vnd vns eyn furbild gelassen/ das ihr solt nachfolgen seynen fußstapffen/ wilcher keyne sund than hat/ ist auch keyn trug ynn seynem munde erfunden/ wilcher nicht widder schalt da er gescholten wart/ nicht drowet da er leydt/ Er stellet aber heym dem/ der da recht richtet/ wilcher vnser sunden selbs geopffert hatt an seynem leybe auff dem holz/ auff das wir der sunden on seyn/ vnd der gerechtikeyt leben/ durch wilchs strycken ihr seht gesund worden. Denn ihr waret/ wie die yrrrende schaff/ aber ihr seht nu beferet zu dem hirtten vnd bischoff ewer seelen.

Isa. 53.

Das Dritte Capitel.



Desselben gleychen die weyber seyen vnterthan ihren mennern/ auff das/ das auch die/ so nicht glewbe an das wort/ durch der weyber wandel/ on wort gewinnen werdē/ weñ sie ansehen ewern keuschen wandel

DIE ERST EPISTEL

wandel ynn der furcht / wilcher geschmudt sey nicht außwendig ym harsflechten vnnnd vmbhang des goltis / odder anlegung der fleyder / szondern der verporgen mensch des herzen ynn der vnuerruglicheyt / eynis sanfften vnnnd stillen geystis / wilcher fur Got prechtlich ist. Denn also haben sich auch verheypen die heyligen weyber schmudet / die yhr hoffnung auff Gott setzten / vnd yhren mennern vnterthan waren / Wie die Sara Abraham gehorsam war / vnd hieß

Gen. 18.

yhn / Zerre / wilcher tochter yhr worden sey / so yhr wol thut vnd euch nicht furcht fur eynigem schewsal. Desselbigen gleychen yhr menner / wonet bei yhn mit vernunft / vnnnd gebt dem weyblichen / als dem schwächsten

(werckheug)
Alle Christen
sind Gots werck-
heug / Aber das
weyb ist beyde
am leybe vñ am
mut schwacher
denn der man /
darumb seyn mit
vernunft zu-
schonē ist / das
nicht vneyndelt
sich erhebe / da
durch denn alle
gepett verhyndert
werden.

werckheug / seyne eehre / als auch miterben der gnad des lebens / auff das ewere gepett nicht verhyndert werden. Endlich aber / sey allesamt gleych gespinnet / mit leydig / bruderlich / herzhlich / freuntlich / Vergeltet nicht boßes mit boßem / nicht scheltwort mit scheltwort / sondern da gegen benedeyet / vnd wißset / das yhr dazu beruffen sey / das yhr die benedeyung beerbet. Denn wer da wil das leben lieb haben vnd gutte tage sehen / der schweyge seyne zungen / das sie nichts boßes rede / vñ seyne lippen / das sie nicht triegen / Er wende sich vom boßen vnd thu guttis / Er suche fride / vñ iage yhm nach / Denn die augen des herrn sehen auff die gerechten / vnnnd seyne oren auff yhr gepett / das angesicht aber des herrn sihet auff die da boßes thun.

Psal. 33.

Vnnnd wer ist / der euch schaden funde / szo yhr dem guten nachkompt? Selig sey yhr / so yhr auch leydet vmb der gerechticheyt willen / Furcht euch aber fur yhrem trogen nicht / noch erschreckt nicht / heyliget aber Gott den herrn ynn ewern herzen. Seyt aber allzeit vrbüttig zur verantwortung yderman / der grundt jodbert der hoffnung / die ynn euch ist / vnd das mit sanfftmuticheyt vnd furcht / vnnnd habt eyn gut gewissen / auff das die / so von euch affterreden / als

Isa. 8.

von

von vbelthettern/zuschanden werden/das sie verhonet haben ewern guten wandel ynn Christo.

Denn es ist besser / so es der Gottis wille ist / das yhr vñ wolthat wegen leydet / denn von vbelthat wegen / Syntemal auch Christus eyn mal fur vnser sund gelitten hat / der gerechte fur die vngerechten/auff das er vns Gotte opfferete / vñnd ist getodtet nach dem fleyisch / aber lebendig gemacht nach dem geyst.

Gen. 6. Ynn dem selbigen ist er auch hyngangen vñnd hat prediget den geystern ym gefengnis / die verhephten vnglewbig waren / da man eyn mal gewarttet der gottlichen langmutigkeit / zu den zeytten Noe / da man die archa zurustet / yñ wilcher wenig / das ist / acht seelen behalten wurde durchs wasser / Wilchs nu auch euch selig macht ynn der tauffe / die durch phenis bedeut ist / Nicht das abthun des vnflats am fleyisch / sondern der bund eyns guten gewissens mit Got / durch die auferstehung Ihesu Christi / wilcher ist zur rechten Gottis / ynn den hymel gefaren / vñd sind yhm vnterthan die engele vñd die geweltigen vñd die kressten.

Das Vierde Capitel.

Wyl nu Christus ym fleyisch gelitten hatt fur vns / so wapent euch auch mit dem selben ynn / Denn wer am fleyisch leydet / der horet auff an sunden / das er hyñfirt / was noch hynderstelliger zeyt ist ym fleyisch / nicht der menschen lusten / sondern dem willen Gottis lebe. Denn es ist gnug / das wpr die vergangen zeyt des lebens zubracht habē nach heydenischem willen / da wpr wandelten ynn geplheyt / lusten / trundenheyt / freyßererey / seuffererey / vñd grewlichen abgottereyen.

Vñ es befrembdet sie / das yhr nicht mit yhn laufft ynn das selbige gemenge des vnordigen wesens / vñd lestern euch / wilche werden rechen schafft geben / dem der bereyt ist zurichten

DIE ERST EPISTEL

richten die lebendigen vñ die todten. Deñ daz ist auch den todten das Euangelion verkündigt / auff das sie gerichtet werde nach den menschen am fleisch / aber ym geyst Gotte leben / Es ist aber nahe komen das ende aller dinge.

So seyt nu zuchtig vñ nüchtern zum gepett / fur allen dingen aber habt vnternander eyn brunstige liebe. Denn die liebe

(deckt)
wer seyn nehs-
ten liebet / der
lest sich nicht er-
gurnē / sondern
vertregt alles
wie viel an yhm
gesündigt wirt /
das heyst hie der
sunde menge de-
den. 1. Corin. 13.

die liebe ver-
tregt alles.

(hütet)
Das ist / verfol-
gung die vns be-
werd / wie ferer
das golt.

deckt auch der sunden menge / Seyt gastfrey vnternander
on murmeln / vñ dienet an eynander / eyn yglicher mit
der gabe die er empfangen hat / als die guten hauszhalter
der mancherley gnaden Gottis. So yemand redet / das ers
rede als Gottis wort. So yemand eyn ampt hat / das ers
thue als aus dem vermugen / das Got dar reychet / auff
das yhr ynn allen dingen Got preyszet / durch Jhesum
Christ / Wilchem sey preys vñ gewalt von ewickert zu ewi-
ckert / Amen.

Prover. 11

Ihr lieben / laßt euch die hütet vnter euch nicht besrembden
(die euch widerferet das yhr versucht werdet) als wider-
fure euch etwas selthams / sondern seyt teylhafftig der ley-
den Christi.

Seyt stoltz / auff das yhr auch zur zeit der offinbarung sey-
ner herlickert freud vñ wonne haben mugt. Selig seyt
yhr / wenn yhr geschmecht werdet vber dem namen Christi /
Denn der geyst / der eyn geyst der herlickert vñ Gottis ist /
ruget auff euch / bey yhn ist er verlestert / aber bey euch ist er
gepreyszet.

Niemand aber vnter euch leyde / als eyn morder / odder
dieb / odder vbelthetter / odder frembds guttis suchtig / Sey-
det er aber als eyn Christen / so scheme er sich nicht / er preysze
aber Gott ynn der sache. Denn es ist zept / das anfahe das
gericht an dem hausz Gottis / szo aber zu erst an vns / was
wills fur eyn ende werden mit denen / die dem Euangelio
Gottis nicht gleuben? Vñd szo der gerechte laumet erhal-
ten wird / wo wil der gottloze vñ der sunder erscheynen?

Jere. 25.
Ezech. 9.

Prover. 11

Darumb

Darumb wilche da leydē / nach Gottis willen / die befehlen
 yhre seelen / als dem trewen schepffer / mit gutten werden.

Das Sunfft Capitel.

Die Eltisten / die vnter euch sind / ermane ich der
 mitteliste vnd zeuge der leyden die ynn Christo
 sind / vnnnd mitgenosse der herlickeyt / die offinbart
 werden sol. Weydet die herd Christi / die vnter euch ist / nū
 verseher sie / nicht genottiget / sondern selbwillig / nicht aus
 schendlichs gewinsts sucht / sondern aus geneygtem ge-
 mut / nicht als die hirschet vber das erbe / sondern werdet
 furbild der herde / so werdet yhr (wenn erscheynen wirt der
 erzhirte) die vnuermeldliche frone empfangen.

Desselben gleychen yhre iungerer seyd vnterthan den Ell-
 tisten / Allesampt seyt vnternander vnterthan / vnd bewey-
 set darynn die demut / Denn Gott widderstehet den hoffer-
 tigen / aber den nydrigen gibt er gnade. So nydriget euch
 nu vnter die geweltige hand Gottis / das er euch erhohe zu
 seynen zept. Alle ewre sorge werfft auff yhn / denn er sorget
 fur euch.

Seyt nuchtern vnnnd wachet / denn ewer widderfacher der
 teuffel geht vmbher / wie eyn brulender lewe / vnd sucht wil-
 chen er verschlinde / dem widderstehet fest ym glauben / vnd
 wiisset / das yhr voljuret dasselb leyden / das yhr sampt ewr
 bruderschaft ynn der welt habt.

Der Got aber aller gnade / der euch beruffen hat zu seynen
 ewigen herlickeyt ynn Christo Jhesu / der selbige wirt euch /
 die yhr eyn kleyne zept leydet / vollbereyten / stercken / krefft-
 tigen / grunden / Dem selbigen sey preys vnd macht von
 ewickert zu ewickert / Amen.

Durch ewern trewen bruder Siluanon (als ich achte) hab
 ich euch eyn wenig geschriben / zu ermanen vnnnd zu beheu-
 gen / das das die rechte gnade Gottis ist / darynnen yhr
 steht.

DIE ERST EPISTEL SANCT PETERS

steht. Es grussset euch / die versamlet ist zu Babylonia / vnd
meyn Jon Marcus. Grussset euch vnternander mit dem
kusz der liebe / Friede sey mit allen die vnn
Christo Ihesu sind / AMEN.

VORREDE LXXXVII
AUFF DIE ANDER EPISTEL SANCT PETERS

Diese Epistel ist widder die geschrieben/die da meynen/der Christliche glawb muge on werd seyn/darumb ermanet er sie/das sie durch gutte werd sich pruffen/vnd des glawbens gewiss werden/gleich wie man an den fruchten die bewme erkennet/Vnnd sehet darnach an/widder die menschen leren/das Euangelion zu preysen/das man dasselb alleyn solle horen/vnd seyn menschen lere. Denn als er spricht/Es ist noch nie seyn prophecey von menschen willen geschehen.

Darumb warnet er am andern cap. fur den falschen lerern zukunfftig/die mit werden ombgehen/vñ da durch Christum verleuden/vnd drawet den selben hart mit dreyn grewlichen exempeln/Vnnd malet sie so eben ab/mit phrem gehy/hohmut/freuel/hureren/heuchelepen/das mans greysen musz/das er den heuttigen geystlichen stand meyne/der alle welt mit seynem gehy verschlungen/vnd eyn frey/fleyschlich/weltlich leben freuelich furet.

Am dritten zeygt er/das der iungst tag balde komen werde/vñ obs fur den mensche tausent iar dunket sein/ists doch fur Gott als eyn tag. Nu ists fur Gott alles was stirbt/was aber lebt/ist fur den menschen. Darumb ist eym pglichen der iungst tag bald komen nach seynem todte/Vnnd beschreybt/wie es zugehn werd am iungsten tag/das alles mit fiewr vergheret werden sol.

DIE ANDER EPISTEL

Das Erst Capitel.

Simeon Petrus ein knecht vñ Apostel Jhesu Christi.
Denen / die mit vns gleychen glawben vbrkomen
haben vnn der gerechticheyt / die vnser Got gibt vnd
der heyland Jhesus Christ.

Gnade vnd fride mehrte sich bey euch durch das erkentnis
Gottis vnd Jhesu Christi vnseres herrn.

Nach dem allerley seyner gottlichen krafft (was zum leben
vnnnd gotlichem wandel dienet) vns geben ist / durch die er-
kentnis des / der vns beruffen hat durch seine herlicheyt vnd
tugent / Durch wilches vns die theure vnd aller grossisten
verhepffung geben sind / nemlich / das pht durch dasselb mit-
genossig werdet der gottlichen natur / szo pht fliehet die ver-
genglichen lust der welt.

So wendet allen ewern vleysz daran / vnd reychet dar vnn
ewrem glawbē tugent / vñ vnn der tugēt bescheydenheyt /
vñ vnn bescheydenheyt messicheyt / vnd vnn der messicheyt
gedult / vnnnd vnn der gedult gottselicheyt / vnd vnn der got-
selicheyt bruderliche lieb / vnnnd vnn der bruderliche liebe /
gemeyne liebe / Deñ wo solchs reychlich bey euch ist / wirt es
euch nicht faull noch vnfruchtbar seyn lassen vnn der erkent-
nis vnseres herrn Jhesu Christi / Wilchem aber solchs nicht
vn bereytschafft ist / der ist blind vnd tappet mit der hand /
vnd vergisset der reynigung seyner vorigen sunden.

Darumb lieben bruder / thut destemehr vleysz / ewren be-
ruff vñ erwelung fest zumachen / denn wo pht solchs thut /
werdet pht nicht fallen / vnd also wirt euch reychlich darge-
reycht werden der eyngang zu dem ewigen reych vnseres
herrn vnd heylands Jhesu Christi.

Darumb wil ichs nicht aus der acht lassen / euch allheyt
solchs zu erynnern / wie wol phts wisset vnd gesterdt seyt
vnn der gegenwertigen warheyt / Denn ich achtes billich
seyn /

seyen/so lange ich ynn diser hutten byn/euch zu erwecken vnd erpnnern. Den ich weysz/das ich meyne hutten bald ablegen muß/wie myr denn auch der herr Jhesus Christus eroffen hat/Jch wil aber vleysz thun/das yhr allenthalben habt nach meynem außgang/solches ym gedechtnis zuhalten.

Denn wir haben nicht den flugen fabeln gefolget/da wir euch kund than haben die krafft vnd zukunfft vnser herrn Jhesu Christi/sondern wir sind anschawer gewesen seyn der maiestet/da er empfieng von Gott dem vater eehre vnd preysz/durch eyn stymme/die zu yhm geschach von der großprechtigen herlichest/der massen/Diess ist meyn lieber son/ynn dem ich eyn wolgefalle habe/Vñ diese stymme haben wir gehoret vom hymel bracht/da wir mit yhm waren auff dem heyligen berge.

Wir haben eyn festes prophetisch wort/vñd yhr thut wol/das yhr drauffachtet/als auff eyn licht/das da scheynet ynn eynem tündelln ortt/biess der tag anbreche/vñd der morgenstern außgehe ynn ewern herzen. Vñd das solt yhr fur das erst wissen/das seyn weysagung ynn der schrift geschicht aus eygener außlegung. Denn es ist noch nie seyn weysagung aus menschlichem willen erfur bracht/sondern die heyligen menschen Gottes haben geredt/getrieben von dem heyligen geyst.

Das Ander Capitel.

Es waren aber auch falsche propheten vnter dem volck/wie auch vnter euch seyn werden falsche lehrer/die neben eynsuren werden verderbliche secten/vñd verleuden den herrn der sie erkauft hat/vñ werde vber sich selb furen eyn schnell verdamniss/vñd viele werden nachfolgen yhrem verderben/durch wilche wirt der weg der warheyt verlestert werden/vñd durch geyst mit ertichten wortten werden sie an euch hantieren/ober wilche
das

DIE ANDER EPISTEL

Das vrteyl vñ langes her nicht seumig ist / vñ phr verdamnis schlefft nicht.

Denn szo Gott der engel/die gesündigt haben/nicht verschonet hatt / sondern hat sie mit Ketten der finsternis zur helle verstoßen / vnd vbergeben / das sie zum gericht behalten werden. Vnd hat nicht verschonet der vorigen welt / sondern bewarte Noe den prediger der gerechticheyt selb achte / Gen. 7.
vnd furte die sündflut vber die welt der gottlosen / Vnd hatt die stede Sodoma vnd Gomorra zu asschen gemacht / umbkeret vñ verdampt / damit eyn exempel geseht denen / Gen. 19.
die zukunfftig gottlosig seyn wurden / vñnd hatt erloszet den rechtfertigen Lot / der vbertembet war von dem vngehü-
tigen wandel der gewlichen. Denn die weyl er rechtfertig vnter phn wonet / das ers sehen vnd horen muste / quellen sie die gerechte seele von tage zu tage mit phren vnrechten werden. Der herr weysz die gottseligen aus der versuchung zu erlosen / die vngerechten aber behalten zum tage des gerichtis zu peynigen.

Aller meyst aber die / so da wandeln nach dem fleisch vñ der lust der vnjawberheyt / vnd die hirschaften verachten / thurstig / hoch vñ sich halten / nicht erhittern die maleteten / zu lesteren so doch die engel / die doch der sterck vnd krefft grosser sind / nicht ertragen das lesterlich gericht wider sich vom herrn / Aber sie sind wie die vnuernunfftigen thier / die natürlich zu fahen vnd zu wurgen geporn sind / verlestern das sie nicht erkennen / vnd vñ phrem wurgen werden sie erwurget werden / vnd den lohn der vngerechticheyt dauon bringen.

Sie achtens fur wollust / das zeytlich woll leben / Sie sind flecken vñ vnflaten / sie furen eyn zertlich leben von ewer liebe / zeeren wol vñ dem ewern / haben augen voll ehebruchs / phrer sünde ist nicht zu weren / locken an sich die leichtfertige seelen / haben eyn herz durchtrieben mit geiz /
finder

Num. 24. Kinder der maledeyung/haben verlassen den richtigen weg/
vnd sind irre gegangen / vnd haben nachgefolget dem wege
Balaam des sons Bosor/wilchem geliebte der lohn der vn-
gerechtigkeyt / hatte aber eyne straff seyner vbertretung /
das stumme lastbar thier redet mit menschen stym/vnd we-
ret des propheten torheyt.

Das sind brunnen on wasser / vnd wolden vom windwer-
bel ombgetrieben / wilchen behalten ist eyn tuncel finster-
nisynn ewigkeyt / Denn sie lautten von schwulstigen wort-
ten / da nichts hynder ist / vñ rephen durch geplheyt zur lust
des fleschs/die phenigen/die recht entrunnen waren/vnd
nu ym yrrthum wandeln/vñ verheysen yhn freyheyt/so sie
selbs knechte des verderbens sind. Denn von wilchem pe-
mand vberwunden ist / des knecht ist er worden / Denn szo
sie entflohen sind der vnsamberkeyt der welt / durch die er-
kenntnis des herrn vnd heylands Jhesu Christi/werden aber
widderumb ynn die selbigen geflochten vnd vberwunden /
ist yhn das leht erger worden denn das erst. Denn es were
yhn besser das sie den weg der gerechtigkeyt nicht erkennen
hetten / denn das sie yhn erkennen vnd sich leten von dem
heyligen gepot das yhn geben ist. Es ist yhn widderfaren
das ware sprichwort / Der hund frisset widder was er ge-
speyet hat / vnd die sew walhet sich nach der schweme wid-
der ym dreck.

Das Dritte Capitel.

Dies ist die ander Epistel/die ich euch schreybe/yhr
lieben/ynn wilchen ich erwecke vnd erynnere ewrn
lauttern synn / das yhr gedendt an die wort die
euch zuuor gesagt sind von den heyligen propheten/vnd an
onser gepott / die wyrt sind Aposteln des herrn vnd heyl-
lands.

Vnd wiisset das auffs erst/das an lehten tagen komen wer-
den

DIE ANDER EPISTEL

den verpottet/die nach yhren eygen lusten wandeln/vnnd sagen/wo ist die verhepffung seyner zukunfft? Denn nach dem die veter entschlaffen sind/bleybt es alles wie es von anfang der creaturn gewesen ist. Aber mutwillens wollen sie nicht wissen/das der hymel vorhepffen auch war/dazu die erde aus wasser vnd ym wasser bestanden durch Gots wort/dennoch wart zu der zept die welt durch die selbige mit der syndflut verderbt/Der hymel aber der noch ist/vñ die erde/sind durch seyn wort verhalten/das sie auffß fiewr behalten werden am tag des gerichtß vnd verdamniss der gotloßzen menschen. Gen. 1.

Eynes aber sey euch vnuerhalten/yhr lieben/das eyn tag fur dem herrn ist wie tausent iar/vnnd tausent iar wie eyn tag. Der herr verheuhet nicht die verhepffung/als etliche den verhoch achten/szondern er ist langmutig auff euch/vnd wil nicht das yemand verloren werde/szondern das sich yderman zur ruff gebe. Es wirt aber des herrn tag kommen als eyn dieb ynn der nacht/ynn wilchem die hymel zergehen werden mit grossen krachen/die element aber werden fur hitz schmelzen/vnd die erde vnd die werdt die drynnen sind werden verbrennen. Gen. 7.

So nu das alles sol zugehen/wie solt yhr denn geschickt seyn mit heyligem wandel vnd gottseligem wesen/das yhr warttet vnd eylet zu der zukunfft des tages des herrn/yñ wilchem die hymel von fiewr zugehen/vnd die element fur hitze zuschmelzen werden. Neue hymel aber/vnd eyn neue erden nach seyner verhepffung wartten wir/yñ wilchen gerechtidest wonet.

Darumb/meyn liebe/die weyl yhr darauff wartet/so thut rleyß/das yhr erfunden werdet fur yhm/vnbesleckt vnd vnstrefflich ym fride. Vñ die langmutidest vnser herrn Ihesu Christi achtet fur ewre selidest/als auch vnser lieber bruder Paulus/nach der wepßheyt/die yhm geben ist/geschrieben


schrieben hat / wie er auch ynn allen brieffen dauon redet /
ynn wilchen sind etlich ding schwer zuuerstehen / wilche
verwyrren die vngelerigen vnnnd leichtfertigen / wie auch
die andern schriffsten / zu yhrem eygen verdammnis.

Ihr aber / meyne lieben / weyl yhr das zuuor wißset / so ver-
waret euch / das yhr nicht durch yrthum der gewlichẽ /
samt yhn verfuret werdet vnd empfallt aus ewr eygen
festung / Wachset aber ynn der gnade vnnnd erkentnis vn-
sers herrn vnnnd heylands Ihesu Christi / Dem

selbigen sey preys nu vnd zu ewi-


gen zeiten / AMEN.

VORREDE
AUFF DIE DREY EPISTELN SANCT JOHANNIS



Jeszeerst Epistel sanct Johānis ist eyn recht schaffene
Apostolische Epistel/ vnd selte billich bald nach seynem
Euangelio folgen. Denn gleych wie er ym Euange-
lio den glawben treybet/ also begegnet er yñ der Epistel de-
nen / die sich des glawbens rhumeten on werd / vñnd leret
manchfeltig/ wie die werd nicht auffen bleybē/ wo der glaw-
be ist/ bleybē sie aber auffen/ so ist der glawbe nicht recht schaf-
fen/ sondern lügen vñnd finsternis. Er thut aber das selb nicht
mit treyben auffes geseh/ wie Jacobs Epistel thut/ sondern mit
reynen/ das wir auch lieben sollen/ wie Got vns geliebt hat.
Er schreybt aber auch drynnen hart widder die Cherinter/ vñ
widder den geyst des Widerchrists/ der schon dahumal anfieng
Christum zu verleuden/ das er vns flesch lomen sey/ wils nu
aller erst recht ym schwang geht. Denn ob man wol yht nicht
leudet mit dem mund offentlich/ das Christus vns flesch lo-
men sey/ so leuden sie es doch mit dem herzen/ mit der lere vñnd
leben/ Deñ wer durch seyn werd vñnd thun wil frum vñnd selig
werden/ der thut eben so viel/ als wer Christum verleudet/
Syntemal Christus darumb vns flesch lomen ist/ das er vns
on vnser werd/ alleyn durch seyn blut frum vñnd selig machet.
Also streybt dißze Epistel widder beyde teyl/ widder die gar on
werd seyn wollen ym glawben/ vñnd widder die/ so mit werden
wollen frum werden/ vñnd behelt vns auff rechter mittel strasz/
das wir durch den glawben frum vñnd der sund losz wer-
den / Vñnd darnach auch / wenn wir nu frum sind / gutte
werd vñnd liebe vmb Gottis willen vben frey on alles gesuch.
Die andern zwo Episteln sind nicht lere Episteln / sondern
exempel der liebe vñnd des glawbens/ vñnd haben
auch eyn rechten Apostolischen geyst.

Das erst Capitel.




Als do vom anfang war. das wir gehoret haben.
das wir gesehen haben mit vnsern augen / das
wir beschawet haben / vnnnd vnser hende betas-
tet haben / von dem wort des lebens / vnd das leben ist
erschynen / vnd wir haben gesehen vnd zeugen vnnnd ver-
kundigen euch das leben dz ewig ist / wilchs war bey dem
vater vñ ist vns erschnen / Was wir gesehen vnd gehort
habē / das verkundigen wir euch / auff das auch ihr mit vns
gemeynschafft habet / vnd vnser gemeynschafft sey mit dem
vatter vnd mit seinem son Jhesu Christo / vnnnd solchs schrey-
ben wir euch auff das ihr euch frewet vnd ewer freud vol-
lig sey.

Vnd das ist die verkundigung / die wir von ihm gehort ha-
ben vnd euch verkundigen / das Gott ein licht ist / vnnnd ynn
ihm ist kein finsternis / So wir sagen / das wir gemeyn-
schafft mit ihm haben / vnd wandeln ym finsternis / so lie-
gen wir vnd thun nicht die warheyt / So wir aber ym
licht wandeln / wie er ym licht ist / so haben wir gemeyn-
schafft vnternander / vnd das blutt Jhesu Christi macht vns
reyn von aller sunde.

So wir sagen / wir haben keine sünd / so verführen wir
vns selbst / vnd die warheyt ist nicht vns / so wir aber vnser
sünde bekennen / so ist er trew vnd gerecht / das er vns die
sünde erlesset / vnd reyniget vns vñ aller vngerechtigkeyt /
So wir sagen / wir habē nicht gesündigt / so machen wir
ihn zum lügen / vnd sein wort ist nit ynn vns.

Das ander Capitel.



Ein kindlin / solchs schreybe ich euch / auff das ihr
nit sündigt / vnd ob yemand sündigt / so haben
wir einen fursprechen bey Gott / Jhesum Christ /

DIE ERST EPISTEL

der gerecht ist/vñ der selb ist die versjunung fur vnser funde/ Roma. 3.
 nit alleyn aber fur die vnserer/sundern auch fur der ganzen
 welt / Vnd an dem erkennen wpr / das wpr phn erland ha-
 ben/so wpr seyne gepott haliten/Wer da saget/ich habe phn
 erland/vnnd hellt seyne gepot nicht/der ist eyn lugner/vñ
 ynn solchem ist seyn warheyt / Wer aber sey ne wort hellt/
 ynn solchem ist warlich die liebe Gottis vollcomē/Daran er-
 kennen wpr / das wpr ynn yhm sind / Wer da saget / das er
 ynn yhm bleybet / der soll auch wandelln / gleych wie er ge-
 wandellt hatt.

Bruder ich schreybe euch nicht eyn new gepot / sondern das
 allt gepott/das yhr habt von anfang gehabt/das allt gepott
 ist das wort / das yhr gehoret habt / Widderrumb / ein new
 gepot schreybe ich euch / das da warhafftig ist bey yhm vnd
 bey euch/den die finsternis ist vergangē/vñ das ware licht
 scheynet iht / Wer da sagt / er sey ym licht / vñ hasset seynē
 bruder/der ist noch ym finsternis/Wer seynē bruder liebt/
 der bleybt ym licht / vnd ist seyn ergernis bey yhm / Wer
 aber seynen bruder hasset / der ist ym finsternis / vñ wan-
 dellt ym finsternis / vnd weys nicht wo er hyn gehet / denn
 die finsternis haben seyne augen verblendet.

Kindlin / ich schreybe euch / das euch die sund erlassen wer-
 den durch seynen namen / Ich schreybe euch vettern / denn
 yhr habt erkennen denen / der von anfang ist / Ich schreybe
 euch Junglingen / denn yhr habt den boßwicht oberwun-
 den/Ich schreybe euch kindern/denn yhr habt den vater er-
 fēnet / Ich hab euch vettern geschriben / das yhr denen er-
 kennen habt / der von anfang ist / Ich habe euch Junglinge
 geschriebeu / das yhr stard seyt / vnnd das wort Gottis bey
 euch bleybt vnnd den boßwicht überwunden habt.

Habt nicht lieb die welt / noch was ynn der welt ist / So ye-
 mand die welt lieb hat / ynn dem ist nicht die liebe des vat-
 ters / Denn alles was ynn der welt ist (nemlich die lust des
 fleyschs /

fleijchs / vñnd lust der augen vñd hochmut der guter) ist nicht vom vater / sondern von der welt / vñd die welt vergehet mit yhrer lust / Wer aber den willē Gottis thut / der bleybt ynn ewigkelt.

Kinder es ist die letzte stund / vñ wie yhr gehoret habt / das der Widerchrist kompt / vñ nu sind viel Widderchristen worden / daher erkennen wir / das die letzte stund ist / Sie sind von vns aus gangen / aber sie waren nit von vns / denn wo sie von vns gewesen weren / so werē sie lah bey vns blieben / aber auff das sie offinbar wurden / das sie nicht alle von vns sind.

(widerchrist)
den man heyst
Endechrist.

Dñ yhr habt die salbung vñ dem d' heylig ist / vñ wisset allerley / Ich habe euch nit geschrieben / als wustet yhr die warheyt nit / sondern yhr wisset sie / vñd wisset das seyn lügen aus der warheyt kompt / Wer ist eyn lugner / on d' do leugnet / das Jhesus der Christ sey? Das ist der Widerchrist / der den vatter vñd den son leugnet / Wer den son leugnet / der hatt auch den vater nicht / Was yhr nu gehoret habet vñ anfang / das bleybe bey euch / So bey euch bleybt / was yhr von anfang gehoret habt / so werdet yhr auch bey dem son vñ vater bleyben / Vñd das ist die verheysung / die er vns verheysen hatt / das ewige leben.

Solchs hab ich euch geschrieben von denen / die euch versuren / Dñ die salbung / die yhr von yhm empfangen habt / bleybt bey euch / vñnd durfft nicht / das euch yemand lere / sondern wie euch die salbung allerley leret / so ist's war / vñd ist seyn lügen / vñ wie sie euch geleret hat / so bleybt bey dem selben. Vñnd nu / kindlin / bleybt bey yhm / auff das / weñ er offinbart wirt / das wir freudigkelt habē / vñ nit zu schanden werden fur yhm / ynn seyner zukunft / So yhr wisset / das er gerecht ist / so erkennet auch / das / wer recht thut / der ist von yhm geporn.

Das

DIE ERST EPISTEL

Das Dritte Capitel.

Sehet / wilche eyne liebe hat vns der vater gebē / das wir Gottis kinder sollen heissen / darumb kenneet vns die welt nicht / den sie kenneet ihn nicht. Meyne lieben / wir sind nu Gottis kinder / vnd ist noch nicht erschinen / das wir seyn werden / Wir wissen aber / wenn es erscheynen wird / das wir ihm gleich seyn werden / Den wir werden ihn sehen wie er ist / vñ eyne ygllicher / der solche hoffnūg hat / der reyniget sich / gleich wie auch er reyn ist / Wer sünde thut / der thut auch vnrecht / vñ die sünde ist vnrecht / Vnd ihr wiisset / das er ist erschinen / auff das er vnser sünde hin neme / vnd die sünde ist nicht von ihm / Wer ynn ihm bleybet / der sündigt nicht / wer da sündigt / der hat ihn nicht gesehen noch erkant.

Kinder / laßt euch niemant verführen / Wer recht thut / der ist gerecht / gleich wie er gerecht ist / Wer sünde thut / der ist von dem teuffel / denn der teuffel sündigt von anfang / Dagu ist erschinen der son Gottis / das er die werlt des teuffels aufflöse. Wer aus Gott geporn ist / der thut nicht sünde / denn seyn same bleybt bey ihm / vnd kan nicht sündigen / denn er ist vñ Got geporn / Daran erkennet man wilch die kinder Gottis vnd die kinder des teuffels sind. Wer nicht recht thut / der ist nicht vñ Got / vnd wer nicht lieb hat seynen bruder.

Denn das ist die botschafft / die ihr gehört habt von anfang / das ihr euch vnternander lieben solt / nicht wie Cain / der vñ dem argen war / vnd erwurget seynen bruder / Vnd Gen. 4. warumb erwurget er ihn? das seyne werlt böse waren / vnd seynes bruders gerecht. Verwundert euch nicht / meyne bruder / ob euch die welt hasset / Wir wissen / das wir von dem todt hindurch komen sind ynn das leben / Denn wir lieben die bruder. Wer den bruder nicht liebt / der bleybt
ym

ym tod / Wer seynē bruder hasset / der ist eyn todschleger /
Vñ pht wisset / das eyn todschleger hat nicht das ewige le-
ben bey phm bleybend.

Daran haben wir erkand die liebe / das er seyn leben fur
vns gelassen hat / vnd wir sollen auch das leben fur die bru-
der lassen / Wen aber yemant diser welt guter hat / vnd sihet
seynen bruder darben / vñ schleust seyn herz fur phm zu /
wie bleybt die liebe Gottis bey phm? Meyn kinder / last vns
nicht lieben mit wortē / noch mit der zungen / sondern mit
der that vnd mit der warheyt.

Daran erkennen wir / das wir aus der warheyt sind / vnd
bereden vnser herz fur phm / das / so vns vnser herz ver-
dampt / das Got grosser ist denn vnser herz / vnd erkennet
alle ding. Ihr lieben / so vns vnser herz nicht verdampt / so
haben wir eyn freydickst zu Got / Vnd so wir bitten / wer-
den wir von phm nemen / Denn wir halten seyne gepott /
vnd thun was fur phm gefellig ist.

Vnd das ist seyn gepot / das wir gleuben an den namen
seynes sons Jhesu Christi / vñ lieben vns vnternander / wie
er vns ein gepot geben hat / Vnd wer seyne gepot helt / der
bleybt ynn phm / vñ er ynn phm. Vnd daran erkennen wir /
das er ynn vns bleybt / an dem geyst den er vns geben hat.

Das Vierde Capitel.

Ihr lieben / gleubt nicht eynem yglischen geyst / sondern
pruffet die geyster / ob sie von Gotte sind / Denn es sind viel
falscher propheten aufgangen ynn die welt / Daran erken-
net den geyst Gottis. Eyn yglischer geyst / der da bekennet / das
Jhesus Christus ist komen ynn das flesch / der ist vñ Got /
Vnd ein yglischer geyst / der da nicht bekennet / das Jhesus
Christus ist komē ynn das flesch / der ist nicht vñ Got. Vnd
das ist der geyst des Widderchristis / von welchem pht habt
gehoret / das er kompt / vnd ist yht schon ynn der welt.

Kindlin /

DIE ERST EPISTEL

Kindlin / phr seyt von Got / vñ habt phene iberwunden /
Denn der ynn vns ist / ist grosser / denn der ynn der welt ist /
Sie sind vñ d' welt / darumb reden sie von der welt / vnd
die welt horet phn zu / Wyr sind von Got / vnd wer Got er-
kennet / der horet vns zu / wilcher nicht von Got ist / der ho-
ret vns nicht zu / Daran erkennē wir den geyst der warheyt /
vnd den geyst des irthums.

Ihr lieben / laßt vns vnternander liebhaben / denn die liebe
ist von Got / vñ wer liebhat / der ist von Got geporn / vnd
kennet Got / Wer nicht liebhat / der kennet Got nicht / denn
Got ist die liebe. Daran ist erschinen die liebe Gottis / das
Got seynen eyngepornen son gesand hat ynn die welt / das
wyr durch phn leben sollen / Darin steht die liebe / nicht das
wyr Got geliebt haben / sondern das er vns geliebt hat /
vnd gesand seynen son zur versunung fur vnserere sund.

Ihr lieben / hat vns Gott also geliebt / so sollen wyr vns
auch vnternander lieben. Niemand hat Got phe mals gese-
hen / So wyr vns vnternander lieben / so bleybt Got ynn
vns / vnd seyne liebe ist völig ynn vns. Daran erkennen
wyr / das wyr ynn phm bleyben / vnd er yn vns / das er vns
von seynem geyst geben hat / Vnd wyr haben gesehē vnd
zeugen / das der vater den son gesand hat zum heyland der
welt / Wilcher nu bekennet / das Jhesus Gottis son ist / ynn
dem bleybt Got / vnd er ynn Got / vnd wyr haben erkand
vnd geglewbt die liebe die Got ynn vns hat.

Got ist die liebe / vnd wer ynn der liebe bleybt / der bleybt
yn Got / vnd Got ynn phm. Daran ist die liebe völig bey
vns / auff das wyr eyne freydlickeyt haben am tage des ge-
richts / Denn gleych wie er ist / so sind auch wyr ynn der welt.
Furcht ist nicht ynn der liebe / sondern die vöilige liebe /
treibt die furcht aus / denn die furcht hat peyn / wer sich
aber furcht / der ist nicht völig ynn der liebe.

Last vns phn lieben / denn er hat vns erst geliebt. So pe-
mand

mand spricht / Ich liebe Got/vnd hasset seynen bruder / der ist eyn lugener/Deñ wer seynen bruder nicht liebet/den er sihet/wie kan er Gott lieben/den er nicht sihet? Dñ das gepot haben wir von ihm/das wer Got liebet/das der auch seynen bruder liebe.

Das Sunst Capitel.

UEr da glewbt / das Jhesus sey Christ / d' ist vñ Gott geporn / Vnd wer da liebt denen / der geporn hat / der liebet auch denen / der von ihm geporn ist/Daran erkennen wir/das wir Gottis kinder liebē/wenn wir Got lieben/vnd seyne gepot halten. Denn das ist die liebe Gottis/das wir seyne gepot halten/vnd seyne gepot sind nicht schwer / Deñ alles was vñ Got geporn ist / iberwindet die welt / vñ vnser glawbe ist der sieg / der die welt iberwunden hat / Wer ist aber / der die welt iberwindet/on der da glewbet/das Christus Gottis son ist?

Diser ist/der da kompt/mit wasser vnd blut/Jhesus Christus/nicht mit wasser alleyn/sondern mit wasser vñ blut / Vnd der gepst ist / der da zeuget / das gepst warheyt ist / Denn drey sind die da zeugen / der gepst / vnd das wasser / vnd das blut/vñ die drey sind eynis/So wir der mensche zeugnis annehmen/Gottis zeugnis ist grosser/Denn Gottis zeugnis ist das / das er zeuget hat vñ seynem son / Wer da glewbt an den son Gottis/der hat Gottis zeugnis bey ihm/wer gotte nicht glewbet/der hat ihn zum lugner gemacht/denn er hat nicht glewbt an das zeugnis / das Got zeuget hat von seynem son / Dñ das ist das zeugnis / das vns Got das ewige leben hat geben/Vnd solchs leben ist pñ seynem son. Wer den son gottis hat/der hat das leben/wer den son Gottis nicht hat/der hat das leben nicht.

Solchs hab ich euch geschrieben/die ihr glewbt an den namen des sons gottis/auff das ihr wiisset/das ihr das ewige leben

(gepst ist warheyt) wo der gepst ist / da ist seyn heuchlen / sondern es ist alles rechtschaffen vnd warhafftig mit ihm / was er redt / thut / lebt. wo nicht gepst ist / da ist heuchlen vnd lügen.

(die drey sind ep.) Das ist/wo eyns ist / da ist auch

DIE ERST EPISTEL SANCT JOHANNIS

das ander/Denn
Christus blut/
die tauffe vñ der
heylige gepst be-
zeugen/beken-
nen vnd predi-
gen das Euange-
lion fur der
welt/vnd vñ
eyns ygllichen ge-
wissen/der do
glaubt/Denn er
fulet/das er
dnrchs wasser
vnd gepst/mit
Christus blut er-
worben/recht-
fertlg vnd selig
wirt.

(sund zum tod)
Das ist die sund
vñ den heyligē
gepst/dauon
liesz Matt. 12

leben habt/vnd das yhr gleubet an den namen des sons
gottis. Vnd das ist die freydischeyt die wir haben zu yhm/
das/so wir etwas bitten nach seynem willen/so horet er
vns/Vñ so wir wissen/das er vns horet/was wir bitten/
so wissen wir/das wir die bitte haben/die wir von yhm
gepeten haben.

So yemand sihet seynen bruder sundigen eyne sunde/nicht
zum todt/der wirt bitten/vnd yhm geben das leben/denen
die da sundigen nicht zum tod. Es ist eyne sunde zum todt/
da fur sage ich nicht/das yemand bitte/Alle vngerechtigeyt
ist sunde/vnd es ist etlich sunde zum tod.

Wir wissen/das wer von Got geporn ist/der sundiget
nicht/sondern die gepurt von got/helt yhn/vnd der boß-
wicht wirt yhn nicht antasten/Wir wissen das wir von got
sind/vnd die ganze welt liget ym argen/Wir wissen aber/
das der son Gottis komen ist/vnd hat vns eynen synn ge-
ben/das wir erkennen den warhafftigen/vnd sind vñ dem
warhafftigen/vñ seynem son Jhesu Christo/diser ist
der warhafftige Got vnd das ewige leben. Kin-
der huttet euch fur den abgotten/Almen.

DIE ANDER EPISTEL SANCT JOHANNIS XCV

Er Eltister. Der außserweleten frawen vnd phrē
kindern/die ich liebhabē pñ der warheyt/vnd nicht
alleynē ich/sondern auch alle/die die warheyt er-
kād haben/vmb der warheyt willen / die pñ vns bleybet/
vñ bey vns seyn wirt pñ ewigē.

Gnad / barmherzigē / fride/vñ Got dem vater/vnd von
dem herrn Jhesu Christ dem son des vaters / pñ der war-
heyt vnd pñ der liebe.

Ich byn seer erfreuet / das ich funden habe vnter deynen
kindern die pñ der warheyt wandeln / wie denn wir eyn
gepot vom vater empfangen haben. Vnd nu bitte ich dich /
fraw/nicht als eyn new gepot schreyb ich dir/sondern das
wir gehabt haben von anfang/das wir vns vnternander
lieben/vnd das ist die liebe/das wir wandeln nach seynem
gepot.

Das ist das gepot / wie ihr gehoret habt von anfang / auff
das wir da selbs pñ wandeln. Denn viel versurer sind
vñ die welt kōmen/die nicht bekennen Jhesum Christ/das
er pñ das fleyisch kōmen ist/Diser ist der versurer vnd der
Widderchrist/Ehet euch fur/das ihr nicht verlieret / was
ihr gewirkt habt/sondern vollen lohn empfahet. Wer vber-
tritt / vnd bleybt nicht pñ der lere Christi / der hat seynen
Got / wer pñ der lere Christi bleybt / der hatt beyde den
vater vnd den son.

So yemant zu euch kōmpt/vnd bringet diē lere nicht/den ne-
met nicht zu hause/vnd grussset ihn auch nicht/deñ wer ihn
grussset/der hat gemeynschafft mit seynen bösen werden. Ich
hatte euch viel zu schreyben / aber ich wolt nicht durch zed-
eln vnd tñden / sondern ich hoffe zu euch zu kōmen / vnd
mundlich mit euch reden / auff das ewer freude vol-

kōmen sey. Es grussen dich die kinder deynen
schwester der außserweleten / AMEN.

Der

DIE DRITTE EPISTEL SANCT JOHANNIS

Der Eltister. Salo dem lieben. den ich lieb habe vñ der warheyt/Meyn lieber/ich wunscheynn allen studeñ/das dyrs wol gehe vñ gesund seyst/wie es deñ deyner seele wolgehet/Jch byn aber seer erfrewet/da die bruder kamen vñ zeugeten vñ deyner warheyt/wie deñ du wandelstynn der warheyt/Jch habe keyne grossere freude deñ die/das ich hore meyne kinder ynn der warheyt wandelen.

Meyn lieber/du thust frewlich/was du thust den brudern vñnd gesten/die von deyner warheyt zeuget haben fur der gemeyne/vñ du hast wol than/das du sie gefertiget hast würdighlich fur Gott/denn vmb heynes namens willen sind sie aus zogen/vñ haben vñ den heyden nichts genomen/So sollen wir nu solche auffnehmen/auff das wir der warheyt gehulffen werden.

Jch habe der gemeyne geschriebē/aber Diotrophes/der vñter yhn will den surgang haben/nympt vns nicht an/darumb/wenn ich come/will ich yhn erynnern heyner werck die er thut/vñnd plaudert mit boszen wortten vber vns/vñnd leßt yhm an dem nicht benugen/er selb nympt die bruder nicht an/vñnd weret denen/die es thun wollen/vñnd stoffet sie aus der gemeyne.

Meyn lieber/folge nicht nach dem boszen/szondern dem gutten/Wer wol thut/der ist von Gott/wer vbel thut der sihet Gott nicht/Demetrios hat zeugnis von yderman/vñnd von der warheyt/vñ wir zeugen auch/vñnd yhr wißset/das vnser zeugnis war ist/Jch hatte viel zu schreyben/aber ich wollt nicht mit tindten vñnd feddern zu dyr schreybē/Jch hoffe aber/dich balde zu sehen/so wollen wir mündlich

lich miteinander redē/Grüde sey mit dyr/Es

grussen dich die freunde. Grusse die

freunde mit namen.

Dorthebe

AUFF DIE EPISTEL ZU DEN EBREERN

Bis her haben wir die rechten gewissen hembt bucher
des newē testaments gehabt/Dise vier nach folgēde
aber/habē vor zeitten eyn ander ansehen gehabt/
Vnd auffz erst/das dise Epistel zu den Ebreern nicht Sanct
Paulus noch eynigs Apostel sey/beweyset sich da bey/das/
ym andern capitel stehet also / Dise lere ist durch die / so es
selbs vō dem hern gehoret haben / auff vns komen vnnnd
blyeben/Da mit wirts klar/das er von den Aposteln redet
als eyn iunger/auff den solche lere von den Aposteln komē
sey / vñlleicht lange hernach / Den sanct Paulus Gal. 1.
mehdtiglich bezeuget / Er hab seyn Euangellon vō seynem
menschē noch durch menschen/sondern von Gott selber.

Ober das hatt sie eyn harten knotten / das sie am. 6. vnnnd
10. cap. stracks verneynet vnnnd versagt die pus den sun-
dern nach der tauffe/vnd am. 12. spricht/Esau hab pusz ge-
sucht/vnnnd doch nicht funden/Wilchs widder alle Euangeli
vnd Epistel Sanct Pauli ist / Vnnnd wie wol man mag eyn
glos drauff machen / so lauten doch die wort so klar / das
ich nit weys / obs gnug sey / Mich dunckt/es sey ein Epistel
von vielen stücken zusamen gesetzt / vnd nicht eynerley or-
denlich handele.

Wie dem allen / so istz phe eyn auszbundige geleerte Epis-
tel/die vom priesterthum Christi meysterlich vnnnd grund-
lich aus der schrift redet / dazu das allte testament seyn
vnnnd reychlich auszleget / das es offinbar ist / sie sey eyns
trefflichen geleerten mans / der eyn iunger der Apostel ge-
wesen / viel von phn gelernet vñ fast ynn der schrift geubt
ist/Vnd ob er wol nicht den grund legt des glawbens/wie
er selbs zeuget cap. 6. wilchs der Apostel ampt ist/So bawet
er doch seyn drauff/golt/sylber/edelsteyne/wie S. Paulus.
1. Cori. 3. sagt / Der halben vns nicht hyndern sol / ob vil-
leicht etwas holz/stro odder hew/mit vnter gemenet wer-
de /

VORRHEDE

de / sondern solche seyne lere mit allen ehren auffnehmen /
On das man sie den Apostolischen Episteln nit aller dinge
gleich mag.

Wer sie aber geschrieben hab / ist vn bewust / will auch wol
vn bewust bleyben noch eyn weyle / da ligt auch nichts an /
Uns soll benugen an der lere / die er so bestendiglich aus vñ
ynn der schrift grundet / Vnd gleich / eyn rechten
seynen gryff vnd mas zeygt / die schrift
zu lesen vnd handelln.

Das Erst Capitel.

Nach dem vorgephtē Got manchmal vnd mancherley weyse geredt hat zu den veteren durch die propheeten / hat er am lehten ynn dißzen tagen zu vns geredt durch den son / wilchen er geseht hatt zum erben aller ding / durch wilchen er auch die welt gemacht hatt. Wilcher / syntemal er ist / der glantz seyner herlickelt / vnd das ebenbild seyner weßens / vnd tregt alle ding mit dem wortt seyner krafft / vñ hat gemacht die reynigung vnser sund durch sich selbs / hat er sich geseht zu der rechten der maiestet ynn der hohe / so viel besser worden denn die engel / szo gar viel eynen andern namen er fur yhn ererbet hat.

psal. 2. Denn zu wilchem engel hat er yhemals gesagt / du bist meyn

psal. 88. son / heute hab ich dich geporn? Vnd abermal / Ich werde yhm eyn vatter seyn / vnd er wirt myr eyn son seyn. Da er

psal. 96. aber / abermal eynsuret den erstgepornen ynn die welt / spricht er / Dñ es sollen yhn alle Gottis engel anbeten. Von

psal 103. den engeln spricht er zwar / Er macht seyne engele gepster / vnd seyne diener sewr flammen. Aber von dem son / Got /

psal. 44. deyn stuel weret von ewickeyt zu ewickeyt / das hepter deynes reychs ist eyn richtiges hepter / Du hast geliebt die gerechtickeyt vnd gehasset die vngerechtigckelt / darumb hat dich gesalbet Got dein herr mit dem ole der freuden / vber deyne genossen.

psal. 101. Vnd / du herre / hast von anfang die erden gegrundt / vñnd die hymel sind deynes hende werck / die selben werden vergehen / du aber wirst bleyben / vnd sie werden alle veralten wie eyn kleyd / vñ wie eyn gewand wirstu sie wandeln / vñnd sie werden sich verwandeln / Du aber bist der selbe / vñnd deyne iar werden nicht abnehmen. Zu wilchem engel

psal. 109. aber / hat er yhemals gesagt / Setze dich zu meynes rechten / biß ich lege deyne seynde zum schemel deynes fusse? Sind sie nicht

DIE EPISTEL

nicht allehumal dienstbare gepster / außgesant zum dienst
rumb der willen / die ererben sollen die selickeyt?

Das Ander Capitel.

Darumb sollen wir deste mehr warnehmen / des /
das wir horen / das wir nicht etwa verfließen /
Denn szo das wort fest worden ist / das durch die
engel geredt ist / vnd eyn ygliche vblirtrettung / vnnnd vnge- Exo. 20.
horsam hatt empfangen seyn gerechte belohnunge. Wie
wollen wir entfliehen / szo wir eyn solche selickeyt aus der
acht lassen? wilche nach dem sie angefangen hatt / vñ geredt
worden ist durch den herrn / ist sie auff vns befestiget / durch
die / so es gehoret haben / durch das mitzeugen Gottis / mit
zeychen / wunder / vnd mancherley krefft / vñ mit außzepl-
ung des heyligen geysts / nach seynem willen.

(mangeln)
Ebreysch laut die-
ser versz also / Du
hast yhn eyn
kleyne zeyt Go-
tis mangeln las-
sen / das ist / du
hast yhn verlas-
sen die drey tage
seyns leydens /
als were seyn
Got bey yhm /
wo aber Got
nicht ist / da ist
auch seyn Engel
noch seyn got-
lich hulffe / wie
vorhyt / da er
groß wunder-
werck that.

Denn er hat nicht den Engeln vnterthan / die zukunfftigen
welt / dauon wir reden. Es bezeugt aber eyner an eynem
ort / vnd spricht / Was ist der mensch / das du seyn gedendist? Psal 8.
vnnnd des menschen son / das du yhn heym suchist? Du hast
yhn eyn kleyne zeyt der Engel mangeln lassen / mit preysz
vnd ehren hastu yhn gekronet / vnnnd hast yhn gesetzt vber
die werck deynes hende / Alles hastu vnterthan zu seynen
fussen. Vnn dem / das er yhm alles hat vnterthan / hatt er
nichts gelassen / das yhm nicht vnterthan sey. Jht aber sehen
wir noch nicht / das yhm alles vnterthan ist / Den aber / der
ein kleyne zeyt der Engel mangellet hat / sehen wir / das es
Jhesus ist / durchs leyden vnd den todt gekronet mit preysz
vnd eehren / auff das er von Gottis gnaden fur alle den
todt schmedet.

Denn es zymete dem / vmb des willen alle ding sind / vñ
durch den alle ding sind / der da viel kinder hat zur herli-
ckeyt gefuret / das er den Herhogen yhrer selickeyt / durch
leyden volkomen mechte / syntemal sie alle von eynem lo-
men /

men/beyd der da heyliget vnd die da geheyliget werden/
Dumb der sach willen/schemet er sich auch nicht sie bruder zu
heysen/vnd spricht/Ich wil verkundigen deynen namen

Psal.21. meynen brudern/vnd mitten ynn der gemeyne dyr lobsin-
Psal.17. gen. Vnd abermal/Ich wil meyn vertrauen auff yhn setzen.

Isa.8. Vnd abermal/Sihe da/ich vnd meyne kinder/wilche myr
Got geben hat.

Nach dem nu die kinder fleysch vnnnd blutt haben/ist ers
auch gleychermaß teylhafftig worden/auff das er durch
den todt die macht neme/dem/der des tods gewalt hatte/
das ist/dem teuffel/vnnnd erlosete die/so durch furcht des
tods/ynn gangem leben pflichtig waren der knechtschafft.
Denn er nympt nyrrent die Engel an sich/sondern den sa-
men Abrahe nympt er an sich. Daher must er aller dinge
seyen brudern gleych werden/auff das er barmherzig
wurde/vnd eyn trewer hohe priester fur Gott/zuverfunen
die sunde des volcs. Denn darynnen er gelytten hat vnd
versucht ist/lan er helfen denen/die versucht werden.

Das Dritte Capitel.

Daher/yhr heyligen bruder/die yhr teylhafftig seyt
des hymliſchen beruffs/nemet war des Apostels
vnd hohen priesters vnſerer bekentnis/Christon
Jhesum/der do trew ist dem/der yhn gemacht hat (wie
auch Moſes) ynn ſeynem gangen hause/Diſer aber iſt groſ-
ſers preys werd den Moſes/nach dem/der eyn groſſer
eehre am hause hat/der es bereyttet/denn eyn iſgliche
haus wirt von yemant bereyttet/der aber alles bereyttet/
das iſt Gott/Vnd Moſes zwar/war trew ynn ſeynem gan-
gen hauſe/als eyn knecht/zum zeugnis des/das geſagt
ſollt werden/Chriſtus aber als eyn ſon ynn ſeynem hause/
wilchs haus ſind wir/ſo wir anders die freydeſte vnd
den rhum der hoffnung bis ans ende feſte behalten.

Darumb/

DIE EPISTEL

Darumb/wie der heylige geyst spricht/Heutte/so yhr horen psal. 94.
werdet heyne stymme/so verstopft ewere herten nicht/als
geschach ynn der bitterunge am tage der versuchung ynn
der wusten/da mich ewere vater versuchten/sie prufeten
vñ sahen meyne werck vierzig iar lang/darumb ich entrus-
tet ward vber dis geschlecht vnd sprach/ymer dar yren sie
mit dem herzhē/aber sie wusten meyne wege nit/das ich
auch schwur ynn meynem zorn/sie sollten zu meynen ruge
nicht komen/Sehet zu/lieben bruder/das nit ettwā ynn
yemands vnter euch sey eyn arges hertze des vnglawbens/
das da abtrette von dem lebendigen Gott/sondern erma-
net euch selbst/alle tage/so lange es heutte heisset/das nicht
yemands vnter euch/verstopft werde durch betrug der
sunde.

Denn wir sind Christus teylhafftig worden/so wir anders
den anfang heynes wesens/bis ans ende feste behalten/so
lange gesagt wirt/Heutte so yhr heyne stymme horen wer-
det/so verstopft ewere herten nicht/wie ynn der verbitter-
ung geschach/Deñ etliche die sie horeten/verbitterten
yhn/aber nicht alle/die vñ Egypten aus giengē durch Mo-
sen/Vbir wilche aber ward er entrustet vierzig iar lang?
ists nit also/das vbir die/so da sundigeten/dere leybe ynn
der wusten verfielen? Wilchen schwur er aber/das sie nicht
zu heyner ruge komen sollten/denn den vnglawbigen? vnd
wir sehen/das sie nicht haben fund eynkomen vmb des
vnglawbens willen.

Das Vierde Capitel.

So laßt vns nu furchten/das wir die verheßung
eynzu komen zu heyner ruge/nicht verlassen/vñnd
aus vns yemand erfunden werde/das er da hyn-
den bleybe/denn es ist vns auch verkündigt/gleich wie
yhenen/Über das wort der predigt halff ihene nichts/da der
glawbe

glawbe nicht dazü than wart / von denen die es horeten / wie er sprach / das ich schwur ynn meynem zorn / sie sollen zu meynen ruge nicht komen / Vnd zwar da die werd von anbegyn der welt waren gemacht / sprach er an eynem ortt

Gen. 2. von dem siebenden tag also / vnd Gott hat geruget am siebenden tage vñ alle seynen werden / vnd hie an diesem ortt aber mal / sie sollen nicht komen zu meynen ruge.

Nach dem nu es noch hundertstellig ist / das etlich sollen zu der selbigen komen / vñ die / den es zu erst verkündigt ist / sind nicht da zu komen / vmb des vnglawbens willen / bestympt er abermal eynen tag / nach solcher langen zept / vñ

Psal. 94. jaget / heut / durch David / wie gesagt ist / Heut / so yhr seyne stymme horen werdet / so verstoßet ewre herzen nicht. Denn so Josue sie hette zu ruge bracht / wurde er nicht hernach von eynem andern tage sagt haben / Darumb ist noch eyne ruge hundertstellig dem völd Gottis / Den wer zu seynen ruge komen ist / der ruget auch von seynen werden / gleych wie Gott von seynen.

So laßt vns nu eynen eyngukomen zu diser ruge / auff das nicht yemand falle ynn das selbige exempel des vnglawbens / denn das wort Gottis ist lebendig vnd thettig / vnd scherpf / den seyn zweyschneydig schwerd / vñ durchdringet / bis das scheydet seele vnd gepst / auch gelenck vnd marck / vnd ist eyn richter der gedanken vñ synnen des herzen / vñ ist seyn Creatur fur yhm vnlichtbar / Es ist aber alles blos vñ fur seynen augen dargeneyget / von dem haben wir zu reden.

Das Sunfft Capitel.

DJe weyl wir den eynen grossen hohen priester haben / Ihesum Christ den ion Gottis / der ynn den hymel gefaren ist / so laßt vns halten das bekentnis / Den wir haben nicht eynen hohen priester / der nicht

DIE EPISTEL

funde mitleyden haben mit vnser schwacheyt/sondern der versucht ist allenthalben/nach der gleychnisse on sund/Darumb laßt vns hynhu trettē / mit freybdieydt zu dem gnaden stuel/auff das wir barmherzigkeyt empfangen vnnnd gnade finden auff die zeit/wenn vns hulffe nott seyn wirt.

Denn eyn iglicher hohepriester/der aus den menschen genomen wirt/der wirt gesetzt fur die menschen gegen Gott/auff das er opffere gaben vnd opffer fur die funde/der da funde mitleyden vñ die da vnwissend sind vñ pñren/nach dem er auch selb vmbgeben ist mit schwacheyt/darumb er auch soll/ gleych wie fur das volck/also auch fur sich selbs opffern fur die funde/Vñ niemand nympt pñm selb die eehre/sondern der auch beruffen sey vñ Gott/ gleych wie der Aaron.

Also auch Christus / hat sich nit selbs herlich gemacht / das er hohe priester wurde/sondern der zu pñm gesagt hat/Du bist mein son / heute hab ich dich geporē / Wie er auch am andern ort spricht / du bist eyn priester vñ ewigkeyt nach der ordnung Melchisedech / Vñ er hat am tage seynes fleyschs/gepett vnd flehen mit starckem geschrey vnnnd threnen geopffert / zu dem / der pñm vñ dem tod fund selig mache / vnd ist auch erhoret / darumb das er Gott pñm eehren hatte/Vnd wie wol er Gottis son war/hatt er doch an dem/das er leydt/gehorsam gelernt/vñ da er ist vollendet/ist er worden/allen die pñm gehorsam sind/eyn vrsach der ewigen seligkeyt/gnandt von Gott eyn hoher priester/nach der ordnung Melchisedech.

Da von wir haben eyn grosse vnd schwer rede aus zu legen/Syntemal pñr seyt lessig worden zu horen/vñ die pñr sollet lerer seyn / der zeit halben / bedurffet pñr widderumb/das man euch das erst schul recht der gottlichen wortt lere / vñ seyt worden / die der milch bedurffen / vnnnd nicht der starcken speyse / Denn eyn iglicher der noch milch neussset/der ist vñerfaren an dem wort der gerechtkeyt/den er ist

Psal. 2.
Psal. 109.

ist eyn luns kind / den vollkommenen aber gehoret starcke speyse / die durch gewonheyt / haben geubete synnen zum vnterscheyt des guten vñ des bosens.

Das Sechst Capitel.

Darumb last vns die lere vom anfang Christliches lebens vnterwegē lan / vñ last vns zur vollkomenheyt faren / nicht aber mal grund legen der pus vber den todten werden / vñ des glawbēs an Got / der tauffen / der lere / der hend aufflegūg / der todten aufferstehung vñnd des ewigen vrtēpls / Vñd das wollen wir thun / szo es Gott anders zuleffet / denn es ist vnmuglich / das die so eyn mal erleuchtet sind / vñ geschmedt haben die hymliſche gabe / vñd teylhafftig worden sind des heyligen gepsts / vñd geschmedt haben das gutige wort Gottis / vñ die kressste der zukunfftigen welt / wo sie entsallen / das sie sollten wīd / derumb ernewert werdē zur pusse / die da wīdderumb pñ selbs den son Gottis creużigen vñnd fur spott haben. Denn die erde / die den regen trīndt der offst vber sie kompt / vñnd bequeme krautt tregt / denen / die sie bawen / empſeht benedeyung vñ Gott / Wīlche aber dornen vñ dīstelln tregt / die ist vntuchtig / vñnd der maledeyung nahe / wīlcher ende reicht zur verbrennūg / Wir verſehen vns aber / pñr liebsten / bessers zu euch / vñd das die selidēpt neher ſey / ob wir wol also reden / denn Gott ist nicht vngericht / das er vergeſſe ewrs werds vñnd erbeyt der liebe / die pñr beweyſet habt an ſeynem namen / da pñr den heyligen dienet vñ noch dienet / Wir begeren aber das ewr īglīcher den ſelben vleys beweyſze / auff das die hoffnung vollig werde bīs ans ende / das pñr nicht leſſig werdet / ſondern nach ſolger bere / die durch den glawben vñnd langmutidēpt ererben die verhepffungen.

Denn als Gott Abraham verthies / da er bey ſeynem groſſen
ſern

DIE EPISTEL

ſeyn zuſchweren hatte/ſchwur er bey ſich ſelbs/und ſprach/
warlich ich wil dich benedeyen und vermehren / vñ also
bleyb er langmütig und hatt die verhepffung erlanget/Die
menſchē aber ſchwerē bey eynem groſſern den ſie ſind / vñ
der eyd iſt dz ende alles haders zur befeſtüg vnter yhn /
Aber Gott da er wollt den erbē der verhepffung vber-
ſchwenglich beweyſen/das ſeyn rad nit wandet/hat eynen
eyd darthwiſchē gelegt/auff dz wpr durch zwey vnwengliche
dinge (da durch es vnmöglich iſt das Gott llege) eynen ſtar-
cken troſt habē / die wpr zu geflohē ſind / zuhallten an der
ſurgeſetzten hoffnung/wilche wpr haben/als eynen ſichern
und feſten ander vnſer ſeele / der auch hyneyn gehet ynn
das ynnwendige das vorhangs/da hye der vorlauffer/fur
vns iſt eyn gangen/Iheſus/eyn hoher prieſter wordē ynn Psal.109.
ewidelyt nach der ordnung Melchiſedech.

Das Siebend Capitel.

Dier Melchiſedech aber war eyn konig zu Salem/ Gen.14.
eyn prieſter Gottis des aller hohiſtē / der Abra-
ham entgegē gieng/do er von der konige ſchlacht
widder kam / und benedeyet yhn / wilchem auch Abraham
gab den zehenden aller guter. Auffſs erſt / wirt er verdol-
metſcht eyn konig der gerechtidelyt/darnach aber iſt er auch
eyn konig Salem/das iſt/eyn konig des frides/on vatter /
on mutter / on geſchlecht / und hat widder anfang der tage
noch end des lebens/er iſt aber vergleycht dem ſon Gottis/
und bleybt prieſter ynn ewidelyt.
Schawet aber / wilch epner iſt der / dem auch Abraham
der Patriarch den zehenden gibt vñ der eroberten beutte /
Zwar/die kinder Leui/da ſie das prieſterthum empfangen/
haben ſie eyn gepott / den zehenden vom volda zu nemen
nach dem geſeh/das iſt/von yhren brudern / wie wol auch
ſie aus den lenden Abrahe komen ſind / Aber der / des ge-
ſchlecht

schlecht nicht genennet wirdt vnter yhnen / der nam den zehenden vñ Abraham / vñ benedeyete denen der die verheysung hatte / Nu ist es on alles widersprechen also / das / das geringer vñ dem bessern gebenedeyet wirdt. Vnd hie nemen den zehenden die sterbende mensche / aber dort bezeuget er / das er lebe. Vnd / das ich also sage / es ist auch Leui / der den zehenden nympt / verhehendet durch Abraham / denn er war yhe noch ynn den lenden seyner vatters / da yhm Melchisedech entgegen gieng.

Ist nun die volkomēheit durch das Leuitische priesterthum geschehen (den vnter dem selbigen hat dz volck das gesetz empfangē) was ist es denn nodt / das eyn ander priester auffstehe nach der ordnung Melchisedech / vnd nit nach der ordnung Aaron? Den wo das priesterthum verendert wirdt / da ist es nodt / das auch das gesetz verendert werde / Den von dem solchs gesagt ist / der ist von eynem andern geschlecht / aus welchem nie seyner des Altars gepflegt hat / Den es ist zuuor offinbar / das von Juda auffgangen ist vnser herr / zu welchem geschlecht Moses nichts geredt hat vom priesterthum.

Vnd es ist noch klerlicher / szo nach der ordnung Melchisedech eyn ander priester auffkompt / welcher nicht nach dem gesetz des fleyschliche gepotts gemacht ist / sondern nach der krafft des vnendlichen lebens / denn er bezeuget / du bist eyn

Psal. 109. priester ewiglich nach der ordnung Melchisedech / denn es geschieht da mit eyn auffhebung des vorigen gesetzes vmb seyner schwacheyt vñ vnnutzs willen (denn das gesetz hatt nichts vollendet) vñ eyn eynfurtt eyner bessern hoffnung / durch welche wir zu Gott nahen.

So ist auch eyn eydt geschworen worden / Ihene sind on eyd priester worden / diser aber mit dem eydt / durch den /

Psal. 109. der zu yhm spricht / Der herre hat geschworen / vnd wirdt yhn nicht gerewen / du bist ein priester yñ ewigkeit nach der ordnung


DIE EPISTEL

ordnung Melchisedech / Also viel eyns bessern testaments
ausrichter ist Jhesus worden.

Vnd phener sind viel / die priester wurden / darumb / das
phn der todt weeret zu bleyben / Dieser aber / darumb das er
bleybt ewiglich / hat er eyn vnuerhenglich priesterthum / da
her er auch selig machen kan ewiglich / die durch phn zu
Gotte komen / vnd lebet ymerdar vns zuuertreten.

Denn eyn solchen hohen priester zympt sichs vns zu haben /
der da were heylig / vnschuldig / vnbesleckt / vñ den sundern
abgesondert / vnd hoher worden denn der hymel ist / dem
nit teglich nocht were / wie phenen hohen priestern / zu erst
fur seyne eygen sund opffer zu thun / darnach fur des volcks
sunde / denn das hat er gethan / da er eyn mal sich selbst opf-
fert / Denn das geseh / seht menschen zu hohen priestern / die
da schwacheyt habē / das wort aber des eydis / das nach dem
gesehe gesagt ist / seht den ion ewiglich volkomen.

Das Acht Capitel.



Je summa aber des / das gesagt ist / ist die / Wir ha-
bē eynen solchē hochē priester / der gesehen ist / zu
der rechten des stuls der Maigestet ym hymel / vñ
eyn pfleger der heyligen gutter / vnd der warhafftigen hut-
ten / wilche Gott auffgericht hatt vnd nicht eyn mensch / Denn
eyn yglicher hohe priester wirt eyngeseht / zu opffern gaben
vnd opffere / Da her ist nod / das auch dieser habe etwas / das
er opffere / Wen er nu aber auff erden were / so were er nicht
priester / die weyl da sind / die nach dem geseh die gaben op-
fern / wilche dienen dem bilde vñ dem schatten der hymli-
schen guter / wie das gotlich antwort zu Moise sagt / da er
sollt die hutten vollenden / Schame aber zu / sprach er / das
du machist alles nach dem bilde / das dyr auff dem berge
zeyget ist.

Exod. 25.

Nu aber hat er viel ein ander ampt erlangt / so viel er eyns bes-
sern

Iern testamēts mittler ist/wilchs auch auff bessere verhepff-
 ungē gesetzt ist/Den̄ so yhenes/dz erste/ontaddelich gewesen
 were/wurd nit rawm zu eynem andern gesucht/denn er tad-
 Sier. 31. dellt sie vnd saget / Sehet / es komen die tage / spricht der
 herre/das ich vbir das haus Jsrael vñ vber das haus Juda/
 eyn new testament vollenden will/nicht nach dem testamēt/
 das ich gemacht habe mit yhren veteren an dem tage/da ich
 yhre hand ergreyff/sie aus zufuren aus dem land Egypten/
 denn sie sind nit blieben yn meynem testament / vnn̄ ich
 hab sie auch aus der acht gelassen / spricht der herre.
 Denn das ist das testament/das ich machen will dem hauſze
 Jsrael nach disen tagen / spricht der herr / ich will geben
 meyne gesetz ynn yhren synne/vnd ynn yhr herz will ich sie
 schreyben/Vnn̄ will yhn eyn Gott seyn/vnd sie sollen myr
 eyn volck seyn / vnn̄ soll nicht leren yemand seynen nehij-
 ten / vnd yemand seynen bruder / vnd sagen/Erkenne den
 herren/denn sie sollen mich alle kennen von dem kleynisten
 an bis zu dem grossisten / denn ich will gnedig seyn yhrer
 vngerechtigkeyt vnd yhren sunden / vnd yhrer vngerechti-
 ckheyt will ich nicht mehr gedenden/Vnn̄ dem er saget/Eyn
 neues/veraltet er das erste/was aber veralltet vnd vber-
 laret ist/das ist nah bey seynem ende.

Das Neunde Capitel.

Exod. 40. **E**s hatte zwar auch das erste seyne rechtfertigūg
 des Gotis diensts vnd eußerliche heyligkeyt/Den̄
 es war da bereyttet ein hutte/vñ die erste war
 die/darinnen der leuchter war vñ der tisch vñ die schaw
 brod / vñ diſe heyst die Heylige / Synder dem andern fur-
 hang aber/war die hutte/die da heyst/die aller Heyligste/
 die hatte das gulden reuchfassz / vnn̄ die lade des testa-
 ments allenthalben mit goltt vberdeckt / ynn wilcher war/
 die guldene gellte die das hymel brot hatte / vnd die rute
 Aaron /

DIE EPISTEL

Aaron/die gegrundet hatte/vnd die taffeln des testaments/
oben druber aber waren die Cherubim der herligkeyt/die
vberschattetē den gnaden stuel/vñ wilchen ist nit zu sagen
ist nach eynander.

Da nu solchs bereyttet war/glengen die priester allheyt vñ Leuit. 16.
die ersten hutten/vñnd volendeten den Gottis dienst/Jñn
die ander aber gleng nur eyn mal ym iar/alleyñ der hohe
priester/nit on blutt/das er opffert fur seyn selbs vñnd des
volcs vnwysenheyt/Damit der heylige geyst deuttet/das
noch nicht offinbart were der weg der heyligkeyt/so noch
die erste hutte yhren bestand hette/Wilchs ist die gleychnis
auff diße gegenwertige zept/nach wilcher/gaben vñ opffer
geopffert werden/vñ kunden nit volkomen machen nach
dem gewissen/denen/der da Gottis dienst thut/alleyñ mit
speyse vñnd tranck/vnd mancherley tauffen/vnd flesch-
licher rechtfertigung/die bis auff die zept der besserung
sind auffgelegt.


Christus aber ist dar komen eyn hoher priester der zu kunff-
tigen guter/durch eyn grossere vñnd vollkomener hutten/
die nicht mit der hand gemacht ist/das ist/die nicht von di-
ßer Creatur ist/auch nicht durch der boße odder selber blutt/
denn er ist durch seyn eygen blutt/eyn mal yñn das Heylige
eyngangen/vnd hatt eyn ewige erlösung erfunden/Denn
so das blut der ochsen vñ der boße/vnd die aschen vñ der
fue gesprengt/heyliget die vnreynen/zu der leyplichen
reynigkeyt/wie viel mehr/das blutt Christi/der sich selb on
tadel durch den heyligen geyst Gotte geopffert hatt/wirt
vnser gewissen reynigen von den todten werden/zu die-
nen dem lebendigen Gott?

Vñnd darumb ist er auch eyn mittler des newen testaments/
auff das nach geschehnem todt/zur erlösung von den vber-
tretungen (die vñter dem ersten testament waren) die ver-
heysung empfangen/die da beruffen sind/zum ewigen er-
be/

Exod. 24. be / Denn wo eyn testament ist / da mus der todt geschehen / des / der das testament macht / den eyn testament wirt feste durch die todten / Anders hat es noch nicht macht / wenn der noch lebet / ders gemacht hat / Daher auch das erste / nit on blut auffgericht wart / Denn als Moses außgeredt / vnd alle gepott nach dem gesetz erhelet hatte / nam er das blutt der selber vnd bocke / mit wasser vñ purpur wolle vnd hyssopen / vñ besprenget das buch vñ alles vord / vñ sprach / das ist das blutt des testaments / das Got euch gepoten hat / Vnd die hutten vñnd alle gesess des Gottis dienst / besprenget er desselben gleychen mit blutt / Vñnd wirt fast alles mit blut gereyniget nach dem gesetz / vnd on blutuergleissen geschicht leyne vergebung.

So ist zwar nodt / das der hymliſchen ding bilder / mit solchem gereyniget werden / Aber sie selbs / die hymeliſchen / mit besserem opffer denn die sind / Denn Christus ist nicht eyngangen ynn das heylige mit henden gemacht (welchs ist eyn gegenbild der warhafftigen) sondern ynn den hymel selbs / nu zu erscheynen fur dem angesicht Gottis. Auch nicht das er sich oft mals opffere / gleych wie der hohe priester gehet alle iar ynn das heylige mit fremden blutt / sonst hette er oft müssen leyden von anfang der welt her / Nu aber am ende der welt / ist er eyn mal erschynen durch seyn eygen opffer / die sunde auffzuheben. Vnd wie den menschen ist gesetzt / eyn mal zu sterben / darnach aber das gericht / also ist Christus ein mal geopfert / weg zu nemen vieler sunde / zum andern mal aber wirt er on sunde erscheynen / denen die auff yhn warten / zu seligkelt.

Das Zehend Capitel.



Enn das gesetz hat den schatten von den zukunfftigen guttern / nicht das wesen der gutter selbs / da alle iar eynerley opffer sind / die sie ymer vñ ymer

DIE EPISTEL

ymer opffern / vñ kan nicht die so zu gehen / vollomen ma-
 chen / sonst hetten sie auff gehoret geopffert werden / wo die /
 so am Gottis dienst sind / seyn gewissen mehr hetten von
 den sunden / wenn sie eyn mal geteyniget weren / sondern
 es geschicht nur eyn gedechtnis der funde alle iar / Deñ es
 ist vnmöglich / durch oxsen vnd bods blutt funde ablegen.
 Darumb / da er vñ die welt kompt / spricht er / Opffer vnd
 gaben hastu nicht gewollt / eyne leyb aber hastu myr zu- Psal. 39.
 bereyht / der brand opffer vnd fundopffer hatt dich nicht
 gelustet / da sprach ich / sihe / ich come / Inn dem anfang des
 buchs ist vñ myr geschriben / das ich thun soll / Gott / deyn
 nen willen / Droben als er gesagt hatte / opffer vnd gaben /
 brandopffer vnd fundopffer hastu nicht gewollt / es hat dich
 yhr auch nicht gelustet / wilche nach dem gesehe geopffert
 werden / Da sprach er / sihe / ich come zu thun Got deynen
 willen / Da hebt er das erste auff / das er das ander eynsehe /
 ynn wilchem willen wir sind geheyliget / auff eyn mal /
 durch das opffer des leybs Jhesu Christi.
 Vnd eyn iglicher priester ist eyngeseht / das er alle tage Got-
 tis dienst pflege / vnd offtmals eynerley opffer thue / wil-
 che nicht funden die funde abnemen / Dieser aber / da er hatt
 eyn opffer fur die fund geopffert / das ewiglich gilt / ist er
 gesehen zur rechtē Gottis / vñ wartet hynfurt / bis dz seyne
 seynde zum schemel seynes fusse gelegt werdē / Deñ mit ey- Psal. 109.
 nem opffer hat er vñ ewigkelt vollendet die geheyligten /
 Es bezeuget vns aber des auch der heylige geyst / Deñ nach
 dem er zuuor gesagt hatt / das ist das testament / das ich yhn Jer. 31.
 machen will nach den tagen / spricht der herr / Ich wil meyne
 geseh ynn yhre herth geben / vnd ynn yhre synne will ich sie
 schreyben / vñ yhrer sunden vnd yhrer vngerechtigkelt will
 ich nit mehr gedenden / Wo aber solche vergebung ist / da ist
 nicht mehr opffer fur die fund.
 So wir den nu haben / liebē bruder / die freydickelt zum
 eyngang /

eyngang/vnn das Heylige/durch das blut Jhesu/wilchē er
 vns zu bereyt hat/zum neuen vnd lebendigen wege/durch
 den vorhang/das ist/durch seyn fleisch/vnn haben eynen
 hohen priester vber das haus Gottis / So laßt vns hyndu
 gehen/mit warhafftigem herzen/vnn volligem glauben /
 besprenget vnn vnserm herzen vñ dem bösen gewissen /
 vnd gewasschen am leybe mit reynem wasser/vnd laßt vns
 halten an der bekentnis der hoffnung vnwendlich/Deñ er
 ist trew / der sie verheysen hat / Vñ laßt vns vnternander
 vnser selbs warnemē / zur rephung der liebe vnd guter
 werck/vnd nit verlassen vnser versamlung/wie etlich eyne
 weyse haben/sondern vnternander ermanen / Vnd das so
 viel mehr/so viel yhr sehet/das sich der tag nahet.

Denn szo wyrt mutwilliglich sundigen / nach dem wyrt die
 erkentnis der warheyt empfangen haben/ist vns seyn opfer
 fer mehr hynderstellig/sondern eyne schrecklich wartten des
 Deuter. 17. gericht vnn des fewreppers / der die widerwertigen
 vertheeren wirt / Wenn yemand das gesetz Mosi bricht / der
 stirbt on erbarmung durch zweyen odder drey zeugen/wie
 viel/meynet yhr/ergerer quellung wirt der werd seyn/der
 den ion Gottis mit fussen tritt / vnn das blutt des testa-
 ments vnreyn achtet / vnn wilchem er geheyliget ist / vnd
 den geyst der gnade schendet? Deñ wyrt wissen den/der da
 Deuter. 32. jaget/Die rach ist meyn/ich will vergelten/spricht der herr/
 Vnd aber mal/Der herr wirt seyn volder richten/Schrecklich
 ist vnn die hende des lebendigen Gottis fallen.

Gedenkt aber an die vorigen tage/vnn wilchen yhr er-
 leuchtet/erduldet habt eyne grossen kampff des leydens/zu
 eynem teyl/durch schmach vnd trubfall eyne schaw spiel wor-
 den/zum andern teyl / gemeynschafft gehabt / mit denen /
 die solchē wandel furen/deñ yhr habt mit meynen banden
 mitgelitten / vnd den raub ewer gutter mit freuden auff-
 genommen / als die yhr wißet vnn euch selbst / das yhr eyne
 bessere

DIE EPISTEL

bessere vnd bleibende habe ym hymel habet/Werfft nu nicht von euch ewre freydidt/ die eyn grosse belonung hat / Gedult aber ist euch noth / auff das yhr den willen Gottis thut vnd empfahet die verheissung / Denn noch ein fleyn Abac. 2. wenig/so wirt komen/der da komen soll/vnnd nicht verghen/ Der gerechte aber wirt des glawbens leben/vnd so er weychen wirt/so wirt meyne seele feyne gefallen an yhm haben / Wyr aber sind nit des weychens zur verdammis / sondern des glawbens die seele zu erretten.

Das Eylff Capitel.

Es ist aber der glawbe/eyn gewisse zuuorsicht des/ das zu hoffen ist / vnd richtet sich nach dem / das nicht scheynet / Durch den haben die allten zeugnis vbrkomen / Durch den glawben mercken wyr / das die welt berepffet ist durch Gottis wort / das sichtbare ding Gen. 1. worden sind / da durch die vnsichtbarn erkennen wurden. Durch den glawben hat Abel Gott eyn grosser opffer than / Gen. 4. denn Cain / durch welchen er zeugnis vbrkomen hatt / das er gerecht sey / als Gott zeugete vbr seyne gabe / vnd durch den selben redet er noch / wie wol er gestorben ist. Durch den glawben wart Enoch weg genomen / das er den Gen. 5. tod nit sehe / vnnd wart nit erfunden / darumb das yhn Gott weg nam / denn fur seynem weg nemen / hat er zeugnis gehabt / das er gotte gefallen habe / Denn on glawben ist vnmoiglich gotte gefallen / denn wer zu Gott komen will / der mus glewbē / das er sey / vñ denen / die yhn suchen / eyn vergellter seyn werde. Durch den glawbē hat Noe Gott geehret / vñ die arche zu Gen. 6. berepffet zum heyl seynes hauses / da er eyn Gottlich befehl empfieng von den dingen / die noch nicht gesehen wurden / durch welche Gott verdampt die welt / vnd ist eyn erbeworden der gerechtidit / die durch den glawben kompt.

Durch

- Gen. 12. Durch den glawben wart gehorsam/der do genant ist Abra-
ham / aus zu gehen ynn das land / das er solt zum erbe
empfangen/vñ gieng aus/vnd wiste nicht wo er hin kam.
Durch den glawben ist er eyn fremdling gewesen ynn dem
verheysen land/als ynn eyner fremdden/vndd wonet ynn
hütten mit Isaac vnd Jacob/den miterben der selbigen ver-
heysunge/denn er wartet auff eyne stad die eynen grund
hatt/wilcher bawmeyster vnd schepfer ist Gott.
- Gen. 21. Durch den glawben empfieng auch Sara krafft / das sie
schwanger ward/vnd gepar ober die zept yhrs alters/den
sie achtet yhn trew/der es verheysen hatte.
- Gen. 15. Darumb sind auch von eynem / wie wol erstorbens leybs /
geporn/wie die stern am hymel nach der menge/vndd wie
der sand am rand des meeris der vngehllich ist.
Dise alle sind gestorben nach dem glawben/vnd haben die ver-
heysung nit entpfangē/sondern sie von ferne geseheñ vñ sich
drauff vertroestet vñ dran gehalten/Vnd haben bekand/das
sie geste vnd fremdling auff erdē sind/Den die solchs sagē/
die gebēs an tag/das sie eyn vaterland suchē/Dñ zwar wo sie
an die gedacht hetten / von wilcher sie waren außgangen /
hatten sie lah zeptt widderumb zu leren / Tu aber begeren
sie eyner bessern / darumb schemet sich Gott yhr nicht / zu
heysen yhrer Gott/denn er hatt yhn eyne stad zubereytet.
- Gen. 22. Durch den glawben opfferte Abraham den Isaac / da er
versucht wart / vñ gab dahyn / den eyngepornen / daryn
er die verheysung hatte eyngenommen / von wilchem ge-
sagt war / ynn Isaac wirt dyr deyn same geheysen wer-
den / vnd dachte / Gott kan auch wol vñ den todten er-
wecken / daher auch er yhn zum gleychnis widder nam.
- Gen. 27. Durch den glawben benedeyte Isaac von den zukunfftigen
Gen. 48. dingen dem Jacob vnd Esau/Durch den glawben benedey-
te Jacob/da er starb/beyde son Josephs vñ betet an seyner
zepters spiße.

Durch

DIE EPISTEL

Durch den glawbē thett Joseph die ernnerung vō dem Gen. 50.
außgang der kinder von Jsrael/da er starb/vnd gepott von
seynen gepeynen.

Durch den glawben ward Moses drey monden verporgen Exod. 2.
von seynen vetern / da er geporn war / darumb das sie sa-
hen / wie er eyn schon kind war/vnd furchten sich nicht fur
des konigis gepott.

Durch den glawben verleudet Moses/da er gros ward/eyn
son zu heysen der tochter Pharao/vnd erwelet viel lieber
mit dem volda Gottis vngemach leyden/denn die zeytliche
erhebung der sunden zu haben/vnd achtet die schmach
Christi fur grosser reichumb / den die shehe Egypti / denn
er sahe hyn auff die belonung.

Durch den glawben verlies er Egypten/vnd furchte nit den
grym des konigs / denn er hielt auff den vnsichtbarn / als
sehe er yhn.

Durch den glawben hielt er die ostern vnnd das bluttigis Exod. 12.
sen / auff das / der die ersten gepurten wurgete / sie nicht
treffe.

Durch den glawben giengen sie durchs rote meer / als durch Exod. 14.
kruckē land / wilchs die Egypter auch versuchten/vnd er-
soffen.

Durch den glawben fielen die maure Jericho / da sie sieben Josue. 6.
tage vbringet wurden.

Durch den glawbē verdarb nit die hure Rahab sampt den Josue. 2.
vngleubigen / da sie die verkundschaffer mit friden auff
nam.

Vnd was soll ich mehr sagen? die zeyt wird myr zu furh /
weñ ich sollt erhelen / von Gedeon/vnd Barac/vnd Samson
vnd Jephthae/vnd Dauid/vnd Samuel/vnd den propheten/
wilche haben die konigreich erobert / gerechtigkeit gewirckt /
die verheysung erlanget / der lewen rachē verstopfft / des
feyers krafft außgeleßcht / des Schwerdts mund entrun-
nen /

nen/sind krefftig wordē aus der frandheyt/sind starck worden ym streytk/habē verlaght die heerlager der frembden/die weyber haben die yhren von der todtē aufferstehung widder genomen.

Die andern aber sind außgespannen/vnnd haben keyn erloszung angenommē/auff das sie die aufferstehung/die besser ist/erlangetē/die andern aber haben spott vnd geßfelln erfahren/dazu band vnnd gefengnis/sie sind gesteyniget/zehawen/versucht/durch schlacht des schwerds gestorben/sie sind ombhergangen ynn pelgen vnd zigen fellen/mit mangel/mit trubßall/mit vngemach/der die welt nit werd war/vnd sind yrrē gangen ynn den wusten/auff den bergen/ynn den flufften vnd lochern der erden.

Dise alle haben durch den glawben zeugnis vberkommen vnd nicht eyngenomen die verheßßung/darumb/das Gott etwas bessers fur vns zuuor versehen hatt/das sie nicht on vns vollendet wurden.

Das Zwelfft Capitel.

Darumb auch wpr/die weyl wpr eyn solche wolcken der zeugen omb vns habē/last vns ablegen alles was vns druckt/vnd die anleibliche sunde/vnd last vns lauffen durch die gedullt/den kampff/der vns furgelegt ist/vñ auff sehen/auff den herthogen des glawbens/vñ den vollender Jhesum/wilcher/da yhm furgelegt war die freude/erdulet er das kreuz mit verachtung der schande/vñ hat sich gesetzt zur rechten des stuels Gottis/Bedenckt den/der eyn solches widderprechen von den sundern widder sich erdulet hat/das yhr nicht ablasset ynn ewrem mut vñ matt werdet/denn yhr habt noch nicht bis auffß blutt widderstanden mit gegen kempffen widder die sunde/vñ habt vergessen des trosts/der zu euch redet als zu den

Prover. 3. kindern / Meyn son / achte nit geringe die zuchtigung des herrn

DIE EPISTEL

herrn vñnd las nit abewenn du von ihm gestrafft wirst/
denn wilchen der herre lieb hat / den zuchtiget er / Er gepf-
sellt aber eynen iglichen son / den er auffnympt.

So pht die zuchtigung erduldet / so erbeut sich euch Gott
als den kindern / Wo ist aber eyn son / den der vatter nicht
zuchtiget? seyt pht aber on zuchtigung / wilcher sie alle sind
teyllhafftig worden / so seyt pht bastarte / vñd nicht kinder /
Auch so wyr haben die vetter vnser sleychs zu zuchtigern
gehabt / sollten wyr denn nicht viel mehr vnterthan wer-
den dem vater der gepfster / vñ leben? Vñd ihene zwar habē
vns zuchtiget wenig tage nach phrem duncken / dißer aber
zu nuß / auff das wyr die heyligung er greyssen / Alle zuchtig-
ung aber weñ sie da ist / wirt nicht angesehen / fur eyn fro-
lich / sondern fur eyn trautig ding / Aber hernach wirt sie
geben eyne frid same frucht der gerechtigkeit / denen / die da
durch geubet sind.

Darumb richtet widder auff die hynleßigen hende vñd die
loßigē knye / vñd thut richtige leufft mit ewren fussen / das
nit das lame außgestossen werde / sondern viel mehr ge-
sund werde / Jaget nach dem fride gegen yderman / vñ der
heyligung / on wilche wirt niemand den herrn sehen / vñd
besehet / das nicht yemand Gottis gnade verseume / das Deut. 2
nicht etwa eyn bitter wurzel auffwachße / vñd eyn gewerte
mache / vñd viele durch die selbige verunreynet werden /
das nicht yemand sey ein hurer / oder ein vngestlicher / wie
Esau / der vmb eyner speys willen seyn erst gepurt ver-
laufft / wißet aber / das er hernach / da er die benedeyung
erben wolt / verworffen ist / denn er fand seyn rawm der
pus / wie wol er sie mit threnen ersucht.

Den pht seyt nicht lomen zu eyem berge / den man greyssen Exo. 19
mag vñ mit fewr brandte / vñnd zu dem tündel vñd finf-
ternis vñd vngewitter vñnd zu dem hall der posaunen vñd
zur stymme der wort / wilchs sich wegerten / die es horeten /
das

Sondern p̄hr seht k̄omen zu dem berge Zion vnd zu der
stad des lebendigen Gottis / zu dem hymliſchē Jeruſalem /
vñ zu der menge vieler tauſent engele / vnd zu der gemeyne
der erſtgebornen / die ym hymel angeſchrieben ſind / vnd zu
Gott dem richter vber alle / vnd zu den geſtern der volko-
menen geredhten / vñ zu dem mitteler des newen teſtamen-
tis Iheſu / vñnd zu dem blutt der beſprengunge / das da beſ-
ſer redet / denn des Sabels.

Sehet zu/das pht euch des nit weget/der mit euch redt/
den̄ so ihene nicht entflohen sind/die sich wegeten/da er
auff erden redet/viel weniger wpr/die wpr vns des we-
gern/der von hymel redt/wilchs stymme zu der zeitt die
erden bewegt/nu aber verhepffet er vñ spricht/Roch eyn
mal/wil ich bewegen nicht alleyn die erden/sondern auch
den hymel/Alber/solchs/noch eyn mal/deuttet/die veren-
derung der beweglichen/als dere/die gemacht sind/auff
das da bleyben die vnbeweglichen/Darumb/die weyl wpr
empfhē das vnbeweglich reich/habē wpr gnad/durch wil-
che wpr Gotsdienst thun/Gotte wolgesellig/mit zucht vnd
furcht/den̄ vnser Gott ist eyn vertheerig sewr.

BRuderliche liebe laß bleyben. Gastfrey zu seyn ver-
geßzet nicht / denn durch das selbige / haben etliche /
on yhr wissen / engel beherberget / Gedēkt der ge-
pundenen / als die mit gepundene / vñ dere die vngemach
leydē / als die yhr auch selbst ym leybe sind / Eerlich sey die
hochheydt / vñ vnbesleckt die samet / die huter aber vñ die
eehbrecher

DIE EPISTEL

eehbrecher wirt Gott richtē / Der wandel sey on geyh / vñ
 laßt euch benugen an dem das da ist / denn er hat gesagt / Josue. 1.
 ich will dich nit verlassen noch verseumen / also / das wir
 thuren sagen / der herr ist meyn helffer / vñd will mich nit
 furchten / was wir eyn mensch thun werd / Gedendt an psal. 117
 ewre furgenger / die euch das wort Gotis gesagt haben / et 55.
 wilcher außgang schawet an / vñd folget yhem glauben.
 Jhesus Christus / gisteren vñd heute / vñ er auch ynn ewi-
 geyt / Laßt euch nicht mit mancherley vñd fremdden leren
 umbfuren / deñ es ist gutt / durch gnade das herzh befestigen /
 nit mit speyszen / durch wilche leyen nuh habē empfangen /
 die drynnen wandelt habē / Wir haben eynen Altar da-
 von nit macht haben zu essen die der hutten pflegen / Denn
 wilcher thirer blutt getragen wirt durch den hohen priester
 yñ das Heylige / fur die sunde / der selben leybe werden ver-
 brand außser dem heer lager / darumb Jhesus auch auff das
 er heyligete das völd durch seyn eygen blut / hatt er gelittē
 außsen fur dem thor / So laßt vns nu zu yhm hyenaus ge-
 hen / außser dem lager / vñ seyne schmach tragen / denn wir
 haben hie leyen bleybende stad / sondern die zukunfftige ju-
 chen wir.

(Speyszen)
 Das ist / mit
 menschen geseh
 die von speysz
 vñd leyder le-
 ret / nicht vñ
 glauben.

So laßt vns nu opffern durch yhn / das opffer des lobes
 Gotte algeyt / das ist / die frucht der lippen / die seynen namē
 bekennen. Der wollthat aber vñd des mitteylens vergessest
 nicht / denn mit solchen opffern verdienet man sich woll vmb
 Gott / Gehorcht ewern furgengern vñd thutt euch vnter sie /
 denn sie wachē vber ewre seelen / als die da rechen schafft da-
 fur geben sollen / auff das sie dz mit freuden thun vñ nicht
 mit juffzen / deñ das ist euch nicht zutreglich / Betet fur vns.
 Wir verlassen vns aber darauff / das wir eyn gut gewissen
 haben ynn allen dingen / vñ wollen gutten wandel furen /
 Ich ermane aber zum vberflus / solchs zu thun / auff das ich
 euch auffs schierst er widder bracht werde.

Gott

Gott aber des frides / der von den todten außgefurt hatt
den grossen herten der schaff / durch das blut des ewigen
testamentis / vnsern hern Ihesum Christ / der mache euch
geschickt pñ allem gutē werck / zu thun seynen willen / vnd
thue euch / was gefellig ist fur ihm / durch Ihesum Christ /
wilchem sey preys von ewickert zu ewickert Amen.

Ich ermane euch aber lieben bruder / halt das wort der er-
manung zu gute / denn ich habe euch außs kurtzist zu ge-
schrieben / Erkennet den bruder Timotheon den wir von
vns gelassen haben / mit wilchem / so er bald kompt / will ich
euch sehē / Grussset alle ewer surgenger / vñ alle heyligen / Es

grussen euch die bruder im welschen land / Die gna-

de sey mit euch allen / Amen. Geschrieben
aus welschland durch Timotheon.

VORRHED E AUFF
DIE EPISTELN SANCT JACOBI VNND JUDAS

Die Epistel Sanct Jacobi/wie woll sie von den all-
ten verworffen ist/lobe ich vñ halt sie doch fur
gutt/darumb/das sie gar keyn menschen lere seht
vñ Gottis gesetzhart treybt/Aber/das ich meyn meynung
drauff stelle/doch on ydermans nachteyl/acht ich sie fur
keyns Apostel schrift/vnnd ist das meyn vrsach.
Auffs erst/das sie stracks widder Sanct Paulon vnnd alle
ander schrift/den werden die rechtfertigung gibt/vnd
spricht/Abraham sey aus seynē werden rechtfertig wordē/
da er seynen son opffert/So doch sanct Paulus Ro. 4. da
gegen leret/das Abraham on werck sey rechtfertig wor-
den/alleyndurch seynen glauben/vnnd beweyset das mit
Mosi Gen. 15. ehe denn er seynen son opffert/Ob nu diszer
Epistel woll mocht geholffen/vnd solcher rechtfertigung
der werck eyn glos funden werden/kan man doch sie dar-
vnn nit schutzen/das sie den spruch Mosi Gen. 15. (welcher
alleyn von Abrahams glawbē vnd nicht vō seynen werden
sagt wie phn Paulus Ro. 4. suret) doch auff die werck zeucht/
Darumb diser mangel schleust/das sie keyns Apostel sey.
Auffs ander/das sie will Christen leutt leren/vnnd gedendē
nicht eyn mal vnn solcher langer lere/des leydens/der auff-
erstehung/des geysts Christi/er nennet Christum etlich
mal/aber er leret nichts vō ihm/sondern sagt von ge-
meynem glawbē an Gott/Den das ampt eyns rechten Apof-
tel ist/das er von Christus leyden vñ aufferstehen vnd ampt
predige/vnnd lege des selben glawbens grund/wie er selb
sagt Johan. 18. ihr werdet vō myr zeugen/Vnd daryn
stimmen alle rechtschaffene heylige bucher vber eyns/das
sie alle sampt Christum predigen vnd treyben/Auch ist das
der rechte prufesteyn alle bucher zu taddeln/wen man
sihet/ob sie Christū treyben/odder nit/Syntemal alle
schrift Christum zeyget Ro. 3. vnnd Paulus nichts denn
Christum

Christum wissen will .1. Cor .2. Was Christum nicht leret/
das ist nicht Apostolisch/wens gleich Petrus odder Paulus
leret/Widerumb/was Christum predigt/das ist Aposto-
lich/wens gleich Judas/Annas/Pilatus vnd Herodes
thett.

Aber diser Jacobus thutt nicht mehr/denn treybt zu dem
gesch vñ seynen werden/vnd wirfft so vnordig eyns yns
ander/das mich dunckt/es sey yrgent eyn gut frum man
gewesen/der etlich spruch vñ der Aposteln Jungern ge-
fasset/vnnd also auffß papp geworffen hat/oder ist vil-
leicht aus seynen predigt vñ eynem andern beschrieben/
Er nennet das gesch/eyn gesch d' streyhet/so es doch sanct
Paulus eyn gesch der knechtschafft/des zorns/des tods vnd
der sund nennet.

Ober das/juret er die spruch Sanct Petri/Die liebe bedeckt
der sund menge/Jtem demütiget euch vnter die hand Got-
tis/Jtem Sanct Paulus spruch Gal. 5. den Geyst gelust wi-
der den hassz/So doch Sanct Jacobus zeptlich von Hero-
des zu Jerusalem/fur S. Peter todtet war/das woll schey-
net/wie er lengst noch S. Peter vnd Paul gewesen sey.

Summa/Er hatt wollen denen weren/die auff den glaw-
ben/on werck sich verließen/vñ ist der sach mit geyst/ver-
stand/vñ wortten zu schwach gewesen/vnd zureyßet die
schrifft/vnd widerstehet damit Paulo vnd aller schrifft/
wills mit gesch treybē außrichten/das die Apostel mit rey-
gen zur lieb außrichten. Darumb will ich yhn nicht haben
ynn meynen Bibel ynn der zal der rechten heubtbucher/
will aber damit niemant weren/das er yhn sey vnd hebe/
wie es yhn gelustet/denn es viel guter spruch sonst dryn-
nen sind/Eyn man ist keyn man ynn weltlichen sachen/wie
solt den diser eyngelet/nur alleyn/widder Paulum vnnd
alle andere schrifft gellten?

Die Epistel aber Sanct Judas/san niemant leugnen/das
eyn

VORRHEDDE

eyn auszog oder abschrift ist aus Sanct. Peters ander Epistel/so der selben alle wort fast gleych sind. Auch so redet er von den Aposteln/als eyn lenger lengist her nach/Vnd fueret auch spruch vnd geschicht/die yn der schrift nyrgend stehen/wilchs auch die alten veter bewegt hat/dise Epistel aus der hewptschrift zu werffen/Dahy so ist der Apostel Judas ynn kriechische sprach nit komē/sondern ynn Persenlandt/als man sagt/das er ia nicht kriechisch hatt geschriben. Darumb ob ich sie wol preysse/ist doch eyn vnnotige Epistel vnter die hewbt bucher zu rechnen/die des glawbens grund legen sollen.

Das Erste Capitel.

Jacobus eyn knecht Gotis vnd des hern Jhesu Christi / Den zwelff geschlechtē / die da sind hyr vnnnd her / Freud zuuor / Meyn lieben bruder / achtet es eyttel freude / weñ p̄hr p̄n mancherley versuchung fallet / vnnnd wisset das / das ewr bewerter glawb gedult wirt / die gedult aber laßt eyn volkomen werdē haben / auff das p̄hr seyt volkomen vñ gang vñ seynen seyl habt.

So aber yemand vnter euch seyl hat an wepßzheyt / der bitte vñ Got / der da gibt eynselliglich / vnnnd ruckts niemants auff / so wirt sie p̄hm geben werden / Er bitte aber ym glawben / vñ zweyffel nicht / Denn wer do zweyffelt / der ist gleych wie eyn woge des meeris / die vom winde getrieben vnd bewebd wirt / solcher mensch dencke nur nicht / das er etwas von dem herrn empfahen werde / Eyn wandelmutiger man ist vnstett ynn allen seynen wegen.

Eyn bruder aber / der nydrig ist / rhume sich seynet hohe / vñ der da reich ist / rhume sich seynet nydrigeyt / deñ wie eyn blume des gras / wirt er vergehen / Die sonne gehet auff mit der h̄ß / vnnnd das gras verwelkt / vñ die blume fellt abe / vnd seyn hupsche gestalt verdirbt / also wirt der reiche ynn seynet habe verwelcken.

Selig ist der man / der die versuchung erduldet / deñ nach dem er bewerd̄t ist / wirt er die krone des lebens empfahe / welche Got verhepffen hat denen / die p̄hn lieb haben / Niemand sage / wenn er versucht wirt / das er von Gott versucht werde / denn Gott ist nicht eyn versucher zum bösen / er versucht niemant / sondern eyn iglicher wirt versucht / wenn er vñ seynet eygen lust abhogen vnd gelodet wirt / darnach wenn die lust empfangen hat / gepirt sie die sunde / die sund aber wenn sie vollendet ist / gepirt sie den todt.

Vrret euch nicht / lieben bruder / Alle gutte gabe vnd alle volkomen

DIE EPISTEL

vollkommen gabe/kompt von oben her nydder von dem vater
der lichter/bey welchem ist seyn verenderung/nach wech-
sel der finsternis/Er hat vns nach seynem willen/durch das
wort der warheyt geporn/auff das wir weren erstlinge
seiner creaturn.

Darumb/lieben bruder/Eyn iglicher mensch sey schnell zu
horen/langsam aber zu reden/vnd langsam zum zorn/
denn des menschen zorn thut nicht/was fur Gott recht ist.
Darumb so legt abe alle vn sauberheyt vnd alle boszheyt/
vñ nempt das wortt auff/vnd laßt es mit sanfftmutigheyt
eyngepflantz seyn/das ewre seele kan selig machen/Seht
aber thetter des wortts vnd nit horer alleyn/damit ihr
euch selb betrieget/Deñ so ymand ist eyn horer des wortts
vñ nit eyn thetter/der ist gleich eynem man/der seyn lepp-
lich angesicht ym spiegel beschawet/denn nach dem er sich
beschawet hat/gehet er hyr dauon/vnd vergisset/wie er
gestaltt war/Wer aber durchschawet ynn das vollkommen
geseh der freyheyt/vnd drynnen beharret/vnd ist nicht eyn
vergeßlicher horer/sondern eyn thetter/der selb wirt selig
seyn ynn seiner that.

So aber sich yemand leßt dunckē/er diene Gott vnter euch/
vñ hellt seine zungen nicht ym zaum/sondern versuret
seyn herzh/des Gottis dienst ist eytel/Eyn reynere vñ vnbe-
fleckter Gottis dienst fur Got dem vater/ist der/die weysen
vnd wittwen ynn yhem trubsall besuchen/vnd sich von
der welt vnbsleckt behalten.

Das ander Capitel.

Liebē bruder halts nit da fur/dz der glawb an Ihesu
Christ vnsern hern der herligheyt/ansehung der per-
son leyde/Deñ so ynn ewr versamlunge keme/eyn
man nit eynem gulden fingerreiff vñ mit eynem herlichē
fleyde/Es keme aber auch eyn armer ynn eynem vn saubern
fleyde/

fleyde/vñ p̃hr sehet auff den/der das herliche fleyd tregt/vñ
spretet zu p̃hm/Sehe du dich her auff's beste/vnd sprecht zu
dem armen/stand du dort odder setze dich her vnter den fußz-
band meynen fußze / Ist's recht / das p̃hr solch vnterscheyd
bey euch selbs macht vnd richtet nach argen gedanken?

So ret zu/meyne lieben bruder/Sat nicht Gott erwelet die
armen auff dißer welt / die am glawben reich sind vnd er-
ben des reichs / wilchs er verheßsen hatt / denen / die p̃hn
lieb haben? p̃hr aber habt dem armen vnehre than / Sind
nicht die reichen die/die euch vberweldigen/vnd zihen euch
fur die gerichte? verlestern nicht sie den gutten namen/davon
p̃hr genennet seyt?

Leuit. 19. So p̃hr das konigliche gesehe vollendet nach der schrift /
Habe deyn nechsten lieb als dich selbs / so thut p̃hr woll/so
p̃hr aber die person anseheth / thut p̃hr sunde/vnd werdet
gestrafft vom geseh / als die vbertreter/Denn so yemand
das ganze geseh hellt / vñnd sundiget an eynem / der ist
gantz schuldig / Den der da gesagt hat / du sollt nit eehbre-
chen / der hat auch gesagt / du sollt nit todten / So du nu
nicht eehbrichist/todtist aber/bistu eyn vbertreter des ge-
sehs / Also redet vñnd also thutt / als die da sollen durchs
geseh der frepheydt gerichtet werden/Es wirt aber eyn vn-
barmherzig gericht vber den gehē/der nit barmherzigkheyt
than hat/vñnd die barmherzigkheyt rhumet sich widder das
gericht.

Was hilffts / lieben bruder / so yemand saget er habe den
glawben vñnd hat doch die werck nit? kan auch der glawbe
p̃hn selig machen? So aber eyn bruder odder Schwester
blos were / vñnd mangel hetten der teglichen narüg / vñ
ymand vnter euch spreche zu p̃hn/Got beradt euch/wermet
euch vñ settiget euch/vñ gebet p̃hn aber nicht/was des leybs
notturfft ist/was hulffe sie? Also auch der glawbe/wenn
er nicht werck hat/ist er tod an ym selber.

Aber

DIE EPISTEL

Aber es mocht yemand sagen/Du hast den glawben/vñ ich habe die werck/Zeige myr deynen glawben mit deynen werden/so will ich auch meynen glawben dyr zeugen mit meynen werden/Du gleubist das eyn Gott ist? Du thust wol dran/die teuffel gleubens auch vñ zittern.

Wiltu aber wissen du eytteler mensch/das der glawbe on Gen. 22. werck todt sey? Ist nicht Abraham vnser vater durch die werck rechtfertig worden/do er seynen son Jsaac auff dem altar opffert? Da sihestu/dz der glawbe mit gewirckt hat an seynen werckē/vñ durch die werck ist der glawbe vollfuret/vñnd ist die schrift erfullet/die da spricht/Abraham Gen. 15. hat Got geglewbt/vñ ist yhm zur gerechtigkeit gerechnet/vñ ist eyn freund Gottis geheysen/Szo sehet yhr nu/dz der mensch durch die werck rechtfertig wirt/nicht durch den glawben alleyne/Desselbē gleychen die hure Rahab/ist Josue. 2. sie nicht durch die werck rechtfertiget/da sie die boten auff nahm/vñ lies sie eynen andern weg hynaus? Denn gleych wie der leyb on geyst/tod ist/also auch der glawbe on werck ist todt.

Das Dritte Capitel.

Ieben bruder/vnterwinde sich nicht yderman lerer zu seyn/vñ wisset/das wyrt beste mehr vrteyl empfangen werdē/deñ wyrt sundigē allhumal viel/Wer aber auch yn seynem wort sundiget/der ist eyn vollkomener man/vñ kan auch den gangen leyb ym zaum haltē/Sihe/die pferde hallten wyrt ynn zeumen/dz sie vns gehorchē/vñ lencken den gangen leyb/Sihe/die schiffe/ob sie wol so gros sind/vñ von starcken wynden getrieben werden/werdē sie doch gelenckt mit eynem fleyen ruder/wo der hyn will/der es regirt/Also ist auch die junge eyn fleyen gelid/vñ richt gros ding an.

Sihe eyn fleyen fiewr/wilch eynen wallt zundet es an? vñ
die

die zung ist auch eyn fewr/eyn wellt voll vngerechtigkeyt/
also ist die zunge vnter vnseren gelider/vnd besleckt den
ganzen leyb/vnd zund an allen vnsern wandel/wenn sie
von der helle entgund ist.

Den alle natur der thieret vñ der vogel vñ der schlangen
vñ der meer thier werden gehemet vñ sind gehemet von der
menschlichen natur/aber die zunge kan seyn mensch zemen/
das vnrufige vbel/voll todlicher giffst/Durch sie benedeyen
wyr Got den vater/vñ durch sie maledeyen wyr die men-
schen nach dem gleychnis Gottis gemacht/Aus eynem mund
gehet benedeyung vnd maledeyung/Es soll nit/lieben bru-
der/also seyn/Quillet auch eyn brun aus eynem loch suß
vñnd bitter? kan auch/lieben bruder/eyn seygenbaum ole/
oder eyn weynstoc seygen tragen? Also kan auch eyn brun
nicht salzhicht vnd suß wasser geben.

Wer ist weysze vnd kundig vnter euch? der erhepge mit sey-
nem guten wandel seyne werck/vñ der sanfftmutigkeyt
der weyszheyt/Sabt pñr aber bitteren eyßer vñnd zand vñn
ewern herzen/szo berumet euch nicht/vnd lieget nicht wi-
der die warheyt/Denn das ist nit die weyszheyt die von
oben ernyder kompt/sondern yrdisch/menschlich vnd teuf-
felisch/denn wo eyßer vnd zang ist/da ist vnstetigkeyt vñ
aller boßer handel/Die weyszheyt aber von oben her/ist
auffß erst leusch/darnach fridsam/gelinde/gelende/voll
barmherzigkeyt vñ gutter fruchtē/vnparteysch/on huche-
ley/Die frucht aber der gerechtigkeyt wñrt geseet ym fride/
denen die den fride halten.

Das vierde Capitel.

Wher ist streyt vñnd krieg vnter euch? Ist nicht
da her? aus ewern wollusten/die da streyten
vñn ewren gelydern? Vñr seyt begyrig/vnd
habt nicht/Vñr eyßert vnd hasset/vnd funds nicht erlan-
gen/

DIE EPISTEL

gen/Vhr streycket vnd krieget/vnd habt nicht/darumb das
 vhr nicht bittet/Vhr bittet/vñ nemet nicht/darumb das vhr
 vbel bittet/nemlich dahyn/das vhrs mit ewern wollusten
 verheeret/Vhr eehbrecher vñ eehbrecheryn/wisset vhr nit/
 das der welt freuntschafft Gottis feyndschafft ist? Wer der
 welt freund seyn wyl/der wirt Gotis feynd seyn/Ober laß
 vhr euch duncken/die schrift sage vmbsonst/Den geist der
 vnn euch wonet/gelustet widder den has/vnd gibt noch Gala. 5.
 mehr gnad.

So seyt nu Gotte vnterthenig/Widderstehet dem teuffel/
 so fleuget er vñ euch/Nahet euch zu Gott/so nahet er sich
 zu euch/Reyniget die hende vhr sunder/vñ macht ewer
 herzen keusch vhr wandelmutigē/Seyd elend/vñ traget
 leyde/vñ weynet/Ewer lachen verckere sich vns weynen/
 vnd ewere freude vnn traurigkelt/Kyddriget euch fur
 Gott/so wirt er euch erhothen/Affterredet nicht vnternan- 1. Pe. 5.
 der/lieben bruder/Wer seynem bruder affterredet vñ vr-
 teylet seynen bruder/der affter redet dem geseh vnd vrtey-
 let das geseh/Vrteylestu aber das gesehe/so bistu nicht eyn
 thetter des gesehs/sondern eyn richter/Es ist eyn geseh-
 geber/der kan selig machen vñ vñ verdamnen/Wer bistu/
 der du eynen andern vrteylst?

Wolan/die vhr nu jaget/Heutte odder morgen wollen wir
 gehē vnn die odder die stad/vnd wollen eyn lar da lygen/
 vnd hanthieren vnd gewynnen/die vhr nit wisset/was
 morgen seyn wirt/Den was ist ewer leben? Eyn dampff
 ist/der eyn fleyne zept weret/darnach aber verschwyndet
 er/Da fur vhr sagen solltet/leben wir vnd wills Got/wol-
 len wir dis odder das thun/Ku aber rhumet vhr euch vnn
 ewerm hohmut/Aller solcher rhum ist bose. Dem der da
 weys gutt zu thun/vnd thuts nicht/dem ist funde.

Das

Das Sunfft Capitel.

Ulan nū phr reychen/weynet vnnnd heulet vber ewer elend / das vber euch komen wirt / Ewer reichthumb ist verfaulet / ewre fleyscher sind mot-
tenfressig wordē / Ewer gollt vnnnd silber ist verrostet / vnnnd phrer rost wirt euch zum zeugnis seyn / vnnnd wirt ewer fleysch fressen / wie eyn sewer / phr habt euch schatz samlet an den lehten tagen / Sihe / das lohn der erbeytter / die ewer land eyngeerndtet haben / vnd von euch verfurht ist / das schreyet / vnnnd das russen der erndter ist komen fur die oren des herren Sabaoth / phr habt wol gelebt auff erden / vnnnd ewer wollust gehabt / vnd ewer herzen geweydet / als auff eynen schlacht tag / phr habet verorteylt den gerechten vnd todtet / vnd er hat euch nicht widderstanden.

So seyt nu langmutig / lieben bruder / bis auff die zukunfft des herren / Sihe / eyn aderman wartet auff die kostliche frucht der erden / vnnnd ist langmutig daruber / bis er empfahe den morgen regen vnnnd abent regen / Seyd phr auch langmutig / vñ sterck ewer herzen / deñ die zukunfft des herren ist nahe komen / Suffhet nicht widderinander liebē bruder / auff das phr nit verdampft werdet / Sihe / der richter ist fur der thur / Nemet / meyne liebē bruder / zum exempel vngemach zuleyden vñ der langmutig seyt / die propheten / die zu euch geredet habē vnn dem namē des hern / Sihe / wpr preysen selig die erduldet haben / Die gedult Job habt phr gehoret / vñ das ende des hern habt phr gesehē / Denn der herr ist barmherzig vnd eyn erbarmer.

Matth. 5. Fur allen dingen aber / meyne bruder / schweret nicht / wid-
der bey dem hymel / noch bey der erdē / noch bey leyнем
andern eyd / Es sey aber ewer wort / ja / das ja ist / vñ neyn /
das neyn ist / auff das phr nit vnn heucheleyn fallet / Hat pe-
mand vngemach vnter euch? der bete / Ist yemand gutis
muts?

DIE EPISTEL SANCT JACOBI

muts? der singe psalmen / Ist ymand frand? der ruffe zu
sich die Eltisten von der gemeyne / vnd las sie ober sich be-
ten / vnd salben mit ole ynn dem namen des herrn / vnnnd
das gepett des glawbens wirt dem franden helffen / vnnnd
der herre wirt yhn auffrichten / vnd so er hat sunde than /
werden sie yhm vergeben seyn.

Befenne eyner dem andern seyn sund / vñ betet fur eyner Matth. 5
der / das yhr gesund werdet / Des gerechten gepet vermag
viel / wenn es thettig ist / Elias war eyn mensch gleych wie 3. Reg. 4
wir / vnd er betet eyn gepet / das es nicht regen solt / vnnnd
es regent nicht auff erden drey iar vnnnd sechs monden /
vnd er bettet aber mal / vnd der hymel gab den regen / vnd
die erde bracht yhre frucht.

Lieben bruder / So yemand vnter euch yren wurde von
der warheyt / vnnnd yemand beferet yhn / der soll wissen /
das / wer den sunder beferet hatt von dem yrthum sey-
nes wegis / der hatt eyner seele von dem tod
geholfen / vnd wirt bedecken die
menge der sunden.

Iudas eyn knecht Jhesu Christi. aber eyn bruder Jacobi/
Den beruffenen / die da geheyliget sind vnn Gott dem
vater/vñ behalten vnn Jhesu Christo/Euch sey viel barm-
herzigkeyt vnd frid vnd liebe.

Ihr lieben / da ich allen vleys thatt euch zu schreyben von
dem gemeynen heyl / byn ich genottiget euch zu schreyben/
vnn ermane / das yhr an dem glauben byndurch kempf-
et / der eyn mahl den heyligen fur geben ist / denn es sind
ettlich menschen neben eynkomen / von denen vor zeiten

2. Pet. 2. geschriben ist / zu solchem vrtel / die sind gottlosze / vnd zie-
hen die gnad gottis auff die geyleyht / vnd verleuden Gott/
dz er alleyn der herr sey / vñ den herrn Jhesum Christ.

Ich will euch aber erynnern / das yhr wisset auff eyn mal
Nume. 14. dis / das der herr / da er dem volck aus Egypten halff / zum
andern mal bracht er vmb / die da nicht gleubten. Auch die
Engel / die yhr furstentum nicht behieltē / sondern verliessen

2. Pet. 2. yhre behausung / hat er behaltē zum gericht des grossen ta-
ges mitt ewigen banden vnter der tunkelheyt. Wie auch

Gen. 19. Sodoma vnn Gomorra vñ vmblygende stede / die gley-
cher weyse wie dise / aus gehuret habē / vñ nach eynem an-
dern fleyssch gangen sind / zum exempel gesetzt sind / vnn
tragen des ewigen fewis peyn. Desselben gleychen auch
dise treumer / die das fleyssch beslecken / die hirschaften aber
verachten vñ die maesteten verlestern.

Michael aber der erhengel / da er mit dem teuffel zandet
vnd sich beredet vber dem leychnam Moysis / thurste er das
vrtell der verlesterug nit fellen / sonder sprach / Der herr
straffe dich. Dise aber / was sie nit wissen / verlestern sie / was
sie aber naturlich erkennen / wie die vnuernunftigē thier /
darynnē verderben sie sich / Weh yhnen / deñ sie sind den
weg Cain gangen / vnd sind verschuttet durch das lohn ym

Gen. 4. yhurtum des Balaams / vñ sind vmbkomen vnn dem auff-
Nume. 24. ruhr Core.
Nume. 16.

Dise

DIE EPISTEL SANCT JUDAS

Dise leben von ewer liebe guttet/vnd sind der vnflat/vnnd
zeeren wol/on sorge/weyden sich selbs/wolden on wasser/
von dem wind vmbtryben kale/vnfruchtbare bewme/
zweymal erstorben/vnd ausgeworhelet/wilde wellen des
meeris/die yhr eygen schande ausschewmen/yrige sterne/
welchen behaltē ist/das dundel der finsternis ynn ewickelt.
Es hatt aber auch zu solchen weysaget Enoch der siebend
von Adam/vnd gesprochen/Sihe/der herr ist komen mit
viel tausent heyligen/gericht zu halten widder yderman/
vñ zu straffen alle yhre gotlozen vmb alle werck yhres gott-
lozen wandels/da mit sie gotloszig gewesen sind/vnnd
vmb alle das hatte/das die gotlozen sunder widder yhn
geredt haben.

Dise sind murmeler/klegling/die nach yhren lusten wan-
delln/vñ yhr mund redet schwulstige wort/vnd halten sich
nach dem ansehen vmb nutz willen/Yhr aber/meyn lie-
bē/erinnert euch der wort/die zuuor gesagt sind vñ den 2. Timo
Aposteln vnser herrn Jhesu Christi/da sie euch sageten/ 2. Pet. 2
das zu der lezten zept/werdē verspottet seyn/die nach yh-
ren eygen lusten des gotlozen wezens wandeln/dise sind/
die da secten machen/synliche/die keynen geyst haben.

Yhr aber/meyne lieben/erbarret euch selbs auff vnsern
allerheyligsten glawben/durch den heyligen geyst/vñ be-
tet/vñ behalltet euch yñ der liebe Gottis/vñ wartet auff die
barmherzigkeyt vnser herrn Jhesu Christi zum ewigen le-
ben. Vnd diser erbarmet euch vnd vnterscheydet sie/Jhene
aber macht selig mit furcht/vnd ruffet sie aus dem sewr.
Vnd hasset den befleckten rock des fleyschs.

Dem aber/der euch kan behuten on anstoss/vnd stellen fur
das angesicht seyner herlickeyt/vnstresslich mit freuden/
dem Gott/der alleyn ewig ist/vnserm heyland/sey
preys vnd maiestet vnd reich vnd macht nu
vnd zu aller ewickelt/Amen.

Vorthebe

VORRHED
AUFF DIE OFFINBARUNG SANCT JOHANNIS

An diesem buch der offinbarung Johannis / las ich auch yderman seynes synnes walden/will niemant an meyn dundel odder ortepl verpunden haben / Ich sage was ich fule / Myr mangelt an diesem buch nit eynerley / das ichs wider Apostolisch noch prophetisch halte / Auffz erst vnnnd aller meyst / das die Apostell nicht mit gesichten umbgehen / sondern mit klaren vnd durren wortten weyssagen / wie Petrus / Paulus / Christus ym Euangelio auch thun / denn es auch dem Apostolischẽ ampt gepurt / klerlich vñ on bild odder gesicht vñ Christo vñ seynem thun zu reden.

Auch / so ist seyn Prophet ym allten testament / schweyg ym newen / der so gar durch vnd durch mit gesichten vnd bilden handell / das ichs fast gleych bey myr achte dem vierden buch Esras / vnd aller dinge nicht spuren kan / das es von dem heyligen geyst gestellet sey.

Dazu dundt mich das allzu viel seyn / das er so hartt solch seyn eygen buch / mehr denn seyn ander heylige bucher thun / (da viel mehr angelegen ist) beflht / vnnnd drewet / wer etwas dauon thue / von dem werde Gott auch thun &c. Widderumb sollen selig seyn / die da halten / was drynnen stehet / so doch niemant weys was es ist / schweyg das ers halten sollt / vnd eben so viel ist / als hetten wyrs nicht / Auch wol viel edler bucher fur handen sind / die zu halten sind.

Es haben auch viel der veter dis buch vorhepten verworffen / vnnnd obs wol Sanct Hieronymus mit hohen wortten furet / vnd spricht / es sey vber alles lob / vnd so viel geheymnis drynnen / als wortter / so er doch des nichts beweysen kan / vnnnd wol an mehr ortten seyns lobens zu milde ist.

VORRHEDE

Endlich / halt dauon yderman / was yhm seyn geyst gibt /
meyn geyst kan sich yñ das buch nicht schicken / Dñ ist myr
die ursach gnug / das ich seyn nicht hoch achte / das Christus /
drynnen wider geleret noch erkandt wirt / wilchs doch zu
thun fur allen dingen eyn Apostel schuldig ist / wie er sagt
Act. 1. yhr solt meyne zeugē seyn / Darumb bleyb
ich bey den buchern / die myr Chris-
tum hell yñ reyn dar geben.

DIE OFFINBARUNG
SANCTI JOHANNIS DES THEOLOGEN

Das Erst Capitel.

Dies ist die offinbarung Jhesu Christi. die yhm gott
geben hatt / seynen knechten zu zeugen / was ynn
der kurtz geschehen soll / vnd hatt sie deuttet vnd
gesand durch seynen engel zu seynem knecht Johannes / der
bezeuget hatt das wort Gottes / vnnnd des zeugniss von Jhe-
su Christo / was er gesehen hat / Selig ist der da liisset vñ die
da horeñ die wort der weyßsagung / vnd behalten was daryn-
nen geschriben ist / denn die zeit ist nahe.

Johannes / Den sieben gemeynen ynn Asia / Gnad sey mit
euch vñ fride / vñ dem der da ist / vnd der da war / vnd der
da kompt / vnd von den sieben geystern / die da sind fur sey-
nem stuel / vnd von Jhesu Christo / wilcher ist der trewe zeu-
ge vnd erst geporner von den todten / vnd eyn furst aller
konige auff erden / der ons geliebt hat vnd gewaschen von
den sunden mit seynem blut / vnd hat ons zu konigen vnd
priestern gemacht fur Gott vnnnd seynem vater / dem selbi-
gen sey preys vnd reich von ewickert zu ewickert Amen
Sihe / er kompt mit den wolcken / vnnnd es werden yhn sehen
alle augen / vnd die yhn gestochen haben / vnd werden heu-
len alle geschlecht der erden / lah / Amen / Ich byn das a vnd
das o / der anfang vnd das ende / spricht der herre / der da ist /
vnd der da war / vnnnd der da kompt / der almechtige.

Ich Johannes / ewer bruder / vñ mitgenossz am trubsall vnd
am reych vñ an der geduld Jhesu Christi / war yñ der Insu-
len Pathmos vmb des wortt Gottes willen vñ des zeugniss
Jhesu Christi / ich war ym geyst am suntage / vnd horete yhn
der myt eyne grosse stym / als eyner posaunē / die sprach /
Ich byn das a vñ dz o / der erst vñ der leht / vnd was du
sihst / das schreybe ynn eyn buch / vnd sende es zu den ge-
meynen yn Asia / gen Epheson / vnd gen Smyrnen / vnd gen
Pergamon /

DIE OFFINBARUNG

Pergamon / vnd gen Thyatiras / vnd gen Sardis / vñ gen Philadelphian / vnd gen Laodicean.

Vnnd ich wand mich vmb / zu sehen nach der stym die mit myr redet / vnd als ich mich wand / sahe ich sieben gulden leuchter / vnd mitten vnter den guldenen leuchtern / eynen / der war eyne menschen son gleych / der war angethan mit eynem leynen kytel / vnd begurtet vmb die bruste mit eynem gulden gurtel / seyn hewbt aber vñ seyn har war weys wie eyn weysse wolle / als der schnee / vñ seyne augen wie eyn fwr flamme / vnd seyne fusse / gleych wie eyn gluend erd / vñ seyne stym wie gros wasser rausschen / vñ hatte sieben sterne vñ seyn hand / vñ aus seynem mund gieng eyn scharff zweyschneyttig schwert / vnd seyn angesicht leucht wie die helle sonne.

Vnd als ich vñ sahe / siel ich zu seynen fussen als eyn tochter / vnd er legt seyne rechte hand auff mich / vñ sprach zu myr / furcht dich nicht / Ich byn der erst vñ der leht / vñ lebendig / ich war tod / vñ sihe / ich byn lebendig von ewig / leyt zu ewig / vnd habe die schlussel der helle vnd des tods / Schreybe was du gesehē hast / vñ was da ist / vñ was geschehen soll darnach / das geheymnis der sieben sterne / die du gesehen hast vñ seyn hand / vnd die sieben gulden leuchter / Die sieben sterne sind engel der sieben gemeynen / vñ die sieben leuchter / die du gesehen hast / sind sieben gemeyne.

Das Ander Capitel.

Und dem Engell der gemeynen zu Epheson schreybe / Das saget der da hellt die sieben sterne vñ seyn rechten / der da wandelt mitten vnter den guldenen leuchtern / Ich weys deyne werck vnd deyne erbeyt / vnd deyne geduld / vnd das du die bosē nitt tragē kanst / vñ hast versucht die / so do sagen / sie seyen Apostol / vnd sind nitt /

SANCT IOHANNIS

nist/vnd hast sie lugener erfunden/vnd hast teuffet/vñ hast geduldt/vnd vmb meynes namens willen hastu geerbeytet vñ bist nicht müde worden / Aber ich habe widder dich / das du die erste liebe verlassen hast / Gedend wo von du gefallen bist vñd thu pus / vñ thu die ersten werck / wo aber nicht / werd ich dyr komen balde / vñ deynen leuchter bewegen von seyner stell / wo du nit pus thust / Aber das hastu / das du die werck der Nicolaiten hassist / wilch ich auch hasse. Wer oren hat der hore / was der geyst den gemeynen sagt / Wer vberwindet / dem weyll ich zu essen geben von dem holz des lebens / das da ist mitten ym Paradis Gottes.

Vnd dem Engel der gemeynen zu Smyrnen schreybe / Das sagt der erst vñ der leyt / der todt war / vñ ist lebendig worden / Ich weys deyne werck vnd deyn trubfall vñd deyn armut (du bist aber reich) vnd die verlesterung von denen die da sagen / sie sind Juden / vñ sinds nicht / sondern sind des teuffels schule / furcht dich fur der keynem / das du leyden wirst / Siehe / der teuffel wirt ettlich von euch ynn die gefengnis werffen / auff das yhr versucht werdet / vñd werdet trubfall haben zehen tage / Sey getrew / bis an den todt / so wil ich dyr die kron des lebens geben / Wer oren hat / der hore / was der geyst den gemeynen sagt / Wer vberwindet / dem soll keyn leyd geschehen vñ dem andern tod.

Vñd dem Engel der gemeynen zu Pergamon schreybe / Das sagt der da hatt das scharffe zweyschneydige schwerd / Ich weys deyne werck / vñ wo du wonst / dz da des teuffels stuel ist / vñ helltist meynē namen / vñ hast meynen glawbē nicht verleudet / vñ yñ meynen tagē / Antipas meyn trewer zeuge / der bey euch getodtet ist / da der teuffel wonet / Aber ich habe eyn kleyns widder dich / das du daselbs hast / die an der lere Baalam halten / wilcher lerete durch den Balac eyn ergernis auffrichten fur den kindern von Jsrael / zu essen

DIE OFFINBARUNG

ſen der gohen opffer vnd hurerey treyben / Also haſtu auch /
die an der lere der Nicolaiten halten / das haſſe ich / Thu
puſſe / wo aber nicht / ſo werde ich dyr balde komen / vnd
kriegen mit yhn durch das ſchwerd meyns munds / Wer
oren hat / der hore / was der geiſt den gemeynen ſagt / Wer
vberwindet / dem will ich zu eſſen geben von dem verporgen
hymel brod / vñ will yhm geben eyne weyſſen ſteyn vñ
auff dem ſteyn eyne neuen namen geſchrieben / welchen
niemand kenne / denn der yhn empfehet.

Vnd dem Engel der gemeynen zu Thyatira ſchreibe / Das
ſaget der ſon Gotis / der augen hatt wie die ſewr flammen /
vñ ſeyne fußz gleich wie erd / ich weys deyne werck vnd
deyne liebe / vnd deynen dienſt / vnd deynen glauben / vñ
deyne gedult / vnd deyne lehten werck mehr denn der erſ-
ten / Aber ich habe eyne kleyne wider dich / dz du leiſt das
weyb Jeſabel / die da ſpricht / ſie ſey eyne prophetyn / lere /
vñ verſuren meyne knechte / huren vñ gohen opffer eſſen /
vñ ich habe yhr zept geben / das ſie ſollt yhre hurerey puſ-
ſen / vñ hat nicht gepuſſet / Sihe / ich werffe ſie ynn eyne
bette / vnd die mit yhr ehe brochen haben / ynn groſſe
tribfall / wo ſie nicht puſſen yhre wercke / vnd yhre kin-
der will ich des todts todten / vnd ſollen erkennen alle ge-
meynen / das ich byn / der die nieren vnd herzen erfor-
ſchet / vnd werd geben eynem iglichen vnter euch nach ew-
ern werden.

Euch aber ſage ich vnd den andern / die zu Thyatira ſind /
die nit habē ſolche lere / vnd die nicht erkandt habē die tieffe
des teuffels (als ſie ſagē) ich will nit auff euch werffen eyne
andere laſt / Doch was yhr habt / das haltet / biß das ich ko-
me / vnd wer da vberwindet vñ hellet meyne werck / biß ans
ende / dem will ich macht gebē vber die heyden / vñ er ſoll ſie
weyden mit eyſern ruthen / vñ wie eyns topffers geſeßz /
ſoll er ſie zu knyrſen / wie ich von meynē vater empfangen
habe /

SANCT IOHANNIS

habe/vñ will yhm geben den morgen stern/Wer oren hat /
der hore/was der geyst den gemeynen jaget.

Das Dritte Capitel.

Und dem Engel der gemeynen zu Sardis schreybe /
Das jaget/der die geyster Gottis hatt vñ die sieben
sterne/ich weis deyne werck / denn du hast den na-
me/das du lebest/vnd bist tod/Sey wader vñnd stercke das
andere / das sterben will / Denn ich habe deyne werck nicht
völlig erfunden fur Gott / So gedende nu / wie du ent-
pfangen vñd gehoret hast / vñd halts vñd thu pus / So du
nicht wirst wachen/werd ich vber dich komen/wie eyn dieb/
vñnd weysst nit wilche stund ich vber dich komen werde /
Du hast wenig namen auch ynn Sardis / die nit yhre fleys-
der besuddelt haben / vñd sie werden mit myr wandeln
ynn weyssem wad / denn sie sinds werd / Wer vberwindet
der soll mit weysen fleysdern angeleg werden/vnd ich wer-
de yhren namen nicht außtilgen aus dem buch des lebens/
vñ ich will yhren namen bekennen fur meynem vater / vñ
fur seynen engeln / Wer oren hat/der hore/was der geyst
den gemeynen jaget.

Vñd dem Engel der gemeynen zu Philadelphia schreybe /
Das jaget der heylige / der warhafftige / der do hatt den
schlüssel Dauid / der auffthut vñd niemant zuschleusst / der
zuschleusst vñd niemant auff thut / Ich weys deyne werck /
Sihe / ich hab dyr fur geben / eyn offen thur / vñ niemant kan
sie zuschliessen / deñ du hast eyn fleyne kraft / vñd hast meyn
wort behalten / vñd hast meynen namen nicht verleuckert /
Sihe / ich werde geben aus der schule / die da sagen sie seyen
Juden vñd sinds nicht / sondern liegen / Sihe / ich will sie
machē / das sie komen sollen vñd anbeten zu deynen fues-
sen / vñnd erkennen / das ich dich geliebt habe.

Die weyl du hast behallten das wort meynen gedult / will
ich

DIE OFFINBARUNG

Ich auch dich halften fur der stunde der versuchung/die formen wirt vber der gangen welt freys/zuerfuchen die da wonen auff erden/Sihe/ich come bald/halt was du hast/das niemant deyne krone neme/Wer vberwindet/den will ich machen zum pfeylet vnn dem tēpel meynes Gottis/vnd soll nicht mehr hynaus gehen/vnd will auff yhn schreiben den namen meynes Gottis/vnn den namen des neuen Jerusalems der stad meynes Gottis/die von hymel ernyder kompt vñ Got/vñ meynen namen den neuen/Wer oren hat der hore/was der geyst den gemeynen jaget.

Vnd dem Engel der gemeynen zu Laodicea schreibe/Das jaget/Amen/der trewe vnn warhafftiger zeuge/der anfang der Creatur Gottis/Ich weys deyne werck/das du wider kold noch warm bist/Ich dastu kold odder warm werlt/weyl du aber law bist/vnd wider kold noch warm/werd ich dich aus werffen aus meynem mund/Du sprichst/ich byn reich vnn reich worden/vnn darff nichts/vnn weysst nit/das du bist/elend vnn iemerlich/arm/blind vnn blos/Ich rate dyr/das du gelst vñ myr fleussist/das mit sewer durchsewert ist/das du reich werdist/vnd weysse fleyster/das du dich anthuist/vnd nicht offinbart werde/die schande deyner blossen/vnd salbe deyne augen mit augen salbe/das du sehen mugist.

Welche ich lieb habe/die straffe vnn zuchtige ich/so sey nu eyfferig vñ thu pus/sihe/ich byn fur die thur getreten vnn klopfte an/So yemant meyne stym horen wirt vñ die thur auffthun/zu dem werd ich eyngehen vñ das abentmal mit yhm halften/vnd er mit myr/Wer vberwindet/dem will ich geben mit myr auff meynen stuel zu sitzen/wie ich vberwunden habe/vnn byn geseßen mit meynem vater auff seynem stuel/Wer oren hatt/der hore/was der geyst den gemeynen jaget

Das

SANCT IOHANNIS

Das Vierde Capitel.

Nach sahe ich/Vnnd sihe/Eyn thur war auff ge-
 than ym hymel/vnnd die erste stym/die ich ge-
 hort hatte mit myr reden/als eyne posaunen/die
 sprach/steyg her/ich will dyt zeygen/was nach disem ge-
 schehen soll/vnd also bald war ich ym geyst/vnnd sihe/Eyn
 stuell wart gesetzt ym hymel/vnnd auff dem stuel sas eyner/
 vnnd der da saz/war gleych anzusehen wie der steyn Jas-
 pis/vnd Sardis/vnd eyn regenbogen war omb den stuel/
 gleych anzusehen wie eyn Smaragde/vñ omb den stuel/
 waren vier vñ hwenzig stuele/vñ auff den stuelen sassen
 vier vnd hwenzig Eltisten/mit weysen kleydern ange-
 than/vnnd auff yhren hewbten waren guldene kronen.

Vnd von dem stuel giengen aus bliz/donner/vnd stymmen/
 vnd sieben fadel mit sewr brandten fur dem stuel/wilchs
 sind die sieben geyster Gottis/vnnd fur dem stuel war eyn
 glesern meer gleych dem Crystall/vnd mitten ym stuel vnd
 omb den stuel vier thier/voll augen fornen vnd hynden/
 vnd das erste thier war gleych eynem lewen/vnd das an-
 der thier gleych eynem kalbe/vñ das dritte thier hatte eyn
 antlig/wie eyn mensch/vñ das vierde thier gleych eynem
 fliegenden Adler/vñ der vier thieren hatte eyn igliche sechs
 flogel vñ aussen omb vñ ynwendig vollaugen/vñ hatten
 leyne ruge tag vñ nacht/vñ sprachen/Heylig/Heylig/Hey-
 lig ist Gott der herr/der almechtige/der da war/vnd der
 da ist/vnd der do kompt.

Vnd da die thier gaben preys vnd ehre vnd dand dem/
 der da auff dem stuel sass/der da lebt von ewickert zu ewi-
 kert/hielen die vier vñ hwenzig Eltisten fur den/der auff
 dem stuel sass/vnnd beteten an den/der da lebet von ewi-
 kert zu ewickert/vnnd worffen yhre kronen fur den stuel
 vnd sprachen/Herr du bist wurdig zu nemen preys vnnd
 ehre

DIE OFFINBARUNG

ehere vnd krafft / denn du hast alle ding geschaffen / vnnnd
vmb deynen willen haben sie das wesen vnd sind geschaffen.

Das Sunfft Capitel.

Und ich sahe ynn der rechten hand des / der auff
dem stuel saß eyn buch geschriben ynnwendig vnd
außwendig / versigelt mit sieben siegeln / vnd ich
sahe eynen starcken Engel predigen mit heller stym / wer ist
würdig das buch auff zu thun / vnd seyne siegel zubrechen?
Vnd niemant ym hymel noch auff erden noch vnter der er-
den / vnd das buch auff thun noch ansehen / vnd ich weynet
seer / das niemant würdig erfunden ward das buch auff zu
thun vnd zu lesen / noch anzusehen.

Vnnnd eyner von den Eltisten spricht zu myr / weyne nicht /
Sihe Es hatt überwunden der lewe / der da ist vom ge-
schlecht Juda / die wurzel Dauid / auff zu thun das buch vnd
zu brechen seyne sieben siegel / vnd ich sahe / vnd sihe mitten
ym stuel vnnnd der vier thieren vnnnd mitten vnter den El-
tisten / stund eyn lamb / wie es erwurget were / vñ hatte sie-
ben horner vnd sieben augen / wilchs sind die gepster Got-
tis gesand ynn alle land / vnd es kam vnd nam das buch
aus der rechten hand des / der auff dem stuel saß.

Vnd da es das buch nam / da fielen die vier thier vnd die
vier vnnnd zwenhig Eltisten fur das lamb / vnd hatten eyn
iglicher / harffen vñ gulden schalen voll gereuchs / wilchs
sind die gepett der heyligen vnd jungenn eyn new lyed vnd
sprachen / Du bist würdig zu nemen das buch vnd auffzu-
thun seyne siegel / deñ du bist erwurget vnd hast vns er-
kauft mit deynem blutt aus allerley geschlecht vnd jungen
vnd volda vnd nation / vnnnd hast vns Gotte gemacht zu ko-
nigen vñ priestern / vnd wir werden regnieren auff erden.
Vnd ich sahe vnnnd horete eyne stymme vieler Engel vmb
den stuel vñ vmb die thier vñ vmb die Eltisten her / vñ phr
zall

SANCT IOHANNIS

zall war viel tausent mal tausent/ vnd sprachen mit grosser
stym/das lamb das erwurget ist/ist würdig zu nemen krafft
vnd reichthum vnd weyszheyt vnd sterck vnd ehre vnd preys
vnd benedeyung vnd alle Creature/die ym hymel ist vnd auff
erden vñ vnter der erden vñ ym meer/die da sind/vñ alles
was drynnen ist/horet ich sie sagē zu dem der auff dem stuel
sasz vñ zu dem lamb/Benedeyung vñnd ehr vñnd preys vnd
reych von ewidēpt zu ewidēpt/vñ die vier thier sprachen/
Amen/vnd die vier vnd hwenhig Eltisten sielen nydder/
vnd beteten an denen/der da lebt von ewidēpt zu ewidēpt.

Das Sechst Capitel.

UND ich sahe/da das lamb der siegel eyns auff that/
Vnd ich horet der vier thierer eyns sagen/als mit
eyner donnerstym/lum vnd sihe zu/vnd ich sahe/
vñnd sihe/Eyn weys pferd/vnd der drauff sasz/hatte eynen
bogen/vñ yhm wart geben eyne krone/vnd er gieng aus zu
oberwinden.

Vñnd da es das ander siegel auffthet/horet ich das ander
thier sagen/lum vñ sihe zu/Vñ es gieng aus eyn ander
pferd/das war rodt/vñnd dem der drauff sasz/wart geben
den fride zu nemen von der erden/vnd das sie sich vnter-
inander erwurgten/vnd yhm wart eyn gros schwerd geben.
Vñ da es das dritte siegel auffthet/horet ich das dritte thier
sagen/lum vnd sihe zu/vnd ich sahe/Vnd sihe/eyn schwarz
pferd/vnd der drauff sasz/hatt eyne wage ynn seyner hand/
vñnd ich horet eyn stym mitten vnter den vier thieren/sa-
gen/Eyn mas weyhen vmb eynen pfennig/vnd drey mas
gersten vmb eynen pfennig/vnd dem ole vnd weyn thu
seyn leyd.

Vñnd da es das vierde siegel auffthet/horet ich die stym
des vierden thieris sagen/lum vnd sihe zu/Vñnd sihe/eyn
salb pferd/vñnd der drauff sasz/des name hies der todt/
vñnd

DIE OFFINBARUNG

vnnd die helle folgete p̃hm nach/vñ p̃hm wart macht geben zu todten/auff den vier ortten der erden/mit dem ſchwerd/vnd hunger / vnd mit dem todt vñ den thieren auff erden. Vnnd da es das funfft ſiegel auffthet / ſahe ich vnter dem altar die ſeelen dere / die erwurget waren vmb des wort Gottes willen/vnd vmb des zeugñs willen das ſie hatten/vnnd ſie ſchryen mitt lautter ſtim / vnd ſprachen / Herr du heyliger vnd warhaſtiger / wie lange richtiſtu vnd rechſt nicht vnſer blutt / an denen / die auff der erden wonen? vñ p̃hn wurden gebē/eyner iglichen eyn weys wadt/vnd ward zu p̃hn geſagt/das ſie rugeten noch eyn fleyñe zept/bis das erfullet wurden p̃hre mit̃necht vnnd bruder/die auch ſollen noch ertodtet werden/gleich wie ſie.

Vnnd ich ſahe/das es das ſechſte ſiegel auffthet/vnnd ſihe/da ward eyn groſſe erd beben/vnd die ſonne ward ſchwarz wie eyn harin ſack/vnd der mond ward wie blutt/vnd die ſtern des hymels fielen auff die erden / gleich wie eyn ſeygen bawm ſeyne ſeygē abw̃irſſt / wenn er vñ groſſem wind bewegt wirt / vnd der hymel entweych wie eyn eyngewelckelt buch / vnd alle berge vnnd Inſulen wurden bewegt aus p̃hren ortten/vnd die konige auff erden vñ die ṽbirſten vñ die reichen vnd die hewbtleutt vnd die geweldigen vnd alle knechte vnd alle freyen / verporgen ſich vnn den flufften/vnd ſeſſen an den bergen/vnd ſprachen zu den bergen vnd ſeſſen/fallet auff vns / vnd verperget vns fur dem angeſicht des / der auff dem ſtuel ſiſt / vnd fur dem zorn des lambs/denn es iſt komen der groſſe tag ſeynes zorns/vnd wer kan beſtehen?

Das Siebend Capitel.

Und darnach ſahe ich vier engel ſtehen auff den vier ecken der erden / die hielten die vier wind der erdē auff/das ſeyn wind vber die erde blieſze/noch vber
das

SANCT IOHANNIS

Das meer/noch vber eynigen bawm/Dñ sahe eynen andern Engel auff steygē vō der sonnen auffgang / der hatte das warzeichen des lebendigē Gottis / vñ schrey mit grosser stym / zu den vier engeln / wilchen geben ist zu beschedigen die erden vnd das meer / vnd er sprach / beschediget die erde nit / noch das meer / noch die bewme / bis das wyrt versieglen die knecht vnser Gottis an yhren sternen.

Vnd ich horet die zal dere / die versiegelt wurden / hundert vnd vier vnd vierzig tausent / die versigelt waren vō allen geschlechten der kinder vō Jsrael / Von dem geschlecht Juda zwelff tausent versiegelt / Von dem geschlecht Ruben zwelff tausent versiegelt / Von dem geschlecht Gad zwelff tausent versiegelt / Von dem geschlecht Aser zwelff tausent versiegelt / Von dem geschlecht Nephthali zwelff tausent versigelt / Von dem geschlecht Manasse zwelff tausent versigelt / Von dem geschlecht Simeon zwelff tausent versigelt / Von dem geschlecht Leui / zwelff tausent versigelt / Vō dem geschlecht Jsachar / zwelff tausent versigelt / Vō dem geschlecht Zabulon zwelff tausent versigelt / Von dem geschlecht Joseph / zwelff tausent versigelt / Von dem geschlecht Benjamin zwelff tausent versigelt.

Darnach sahe ich / vñnd sihe / Eyne grosse schar / wilche niemandt zelen kund / aus allen heyden vñ volderen vñ jungen / stehend fur dem stuel vñnd fur dem lamb / angethan mit weyssem wad / vñnd palmen ynn yhren henden / schreyen mit lautter stym vñnd sprachen / Seyl sey dem / der auff dem stuel sitzt / vnserm Gott vnd dem lamb / Vnd alle engel stunden omb den stuel vnd omb die Eltisten vñnd omb die vier thier / vnd sielen fur den stuel auff yhr angesicht vnd beteten Gott an / vnd sprachen / Amen / Benedeyung vnd preys vñnd weyszheyt vñnd danck vnd eehr vnd krafft vnd stercke sey vnserm Gott von ewigkelt zu ewigkelt Amen. Vnd es antwortet der Eltisten eyner vnd sprach zu myr /
wer

DIE OFFINBARUNG

wer sind diſe mit dem weyſſen wad angethan? vñ wo her ſind ſie komen? Dñ ich ſprach zu ym/ Herr/du weyſſiſts/Dñ er ſprach zu myr/ diſe ſinds die komen ſind aus groſſem trubſal/vñ haben yhren wad gewaſſchē vñnd haben yhren wad durchweyſſet ym blutt des lambs/darumb ſind ſie fur dem ſtuel Gottis / vñ dienen yhm tage vñd nacht ynn ſeynem tempel / vñ der auff dem ſtuel ſiht/wirt vñd yhn wonen/ſie wirt nicht mehr hungern noch durſten/es wirt auch nicht auff ſie fallen die ſonne odder yrgend eyne hyhe/denn das lamb mittē ym ſtuel / wirt ſie weyden vñd leyten zu den lebendigen waſſer brunnen / vñnd Gott wirt abwaſchen alle threnen von yhren augen.

Das Acht Capitel.

Uñd da es das dritte ſiegel auff thet/ward eyne ſtyle ynn dem hymel bey eyner halben ſtunde / vñnd ich ſahe ſieben Engel die tratten fur Gott/vñd yhn wurden ſieben poſaunen geben/vñnd eyn ander Engel kam vñnd tratt bey den Altar/vñd hatte eyn gulden reuchfaßz/vñnd yhm ward viel reuchwercks geben / das er gebe von den gepetten aller heyligen auff den altar fur dem ſtuel / Vñd der rauch des reuchwercks vñ den gepeten der heyligen gieng auff/von der hand des Engells fur Gott/vñnd der Engel nam das reuchfaßz/vñnd ſullet es mit fiewr vom altar vñnd warffs auff erden / vñd da geſchahen ſtimme vñd donner vñd blihen vñd erdbebung.

Vñd die ſieben Engel mit den ſieben poſaunen / hatten ſich bereyttet zu poſaunen/Dñ der erſt Engel poſaunete / vñ es ward eyn hagel vñd fiewr mit blutt gemengt / vñd ſiel auff erden / vñ das dritte teyl der bewm verbrandt / vñ alles grune gras verbrandt/Dñ der ander Engel poſaunet/vñd es fur wie eyn groſſer berg mit fiewr brennend yns meer / vñd das dritte teyll des meeris wart blutt / vñd das dritte
teyll

SANCT JOHANNIS

teyll der lebendigen Creatur storben/vnnd das dritte teyll der schiff wurden verderbt.

Vnd der dritte Engel posaunet/vnnd es fiel eyn grosser stern vom hymel der brand wie eyn fadel/vnd fiel auff das dritte teyl der wasser strome vber die wasser brunne/vnnd der name des sternes heyst wermot/vnnd viel menschen starben von den wassern/das sie waren bitter worden/Vnd der vierde Engel posaunet vnd es ward geschlagen das dritte teyll der sonnen vnd das dritte teyl des monden vnnd das dritte teyl der sternes/das yhr dritte teyl verfinstert wart/vnnd der tag das dritte teyll nicht scheyn/vnnd die nacht desselben gleychen. Vnnd ich sahe vnd horet eyn Engel fliegen mitten durch den hymel vnd sagen mit lauter stym/weh/weh/weh denen die auff erden wonen fur den andern stymmen der Posaunen der dreier engel die noch posaunen sollen.

Das Neunde Capitel.

Und der funfft Engel posaunet/vñ ich sahe eyne sternes gefallen vom hymel auff die erden/vñ yhm wart der schlüssel zum brunnen des abgrunds geben/vnnd er thet den brun des abgrunds auff/vnnd es gieng auff eyn rauch eyns grossen ofen/vnd es wart verfinstert die sonne vnd die lufft von dem rauch des brunnen/vnd aus dem rauch kamen hewschrecken auff die erden/vnd yhn ward macht geben/wie die hewschrecken auff erden macht haben/vnd es ward zu yhn gesagt/das sie nicht beleydigen das gras auff erden/nach seyn grunes/nach seynē bawm/sondern die menschen/die nicht haben das siegel Gottis an yhren stynen/vñ es ward yhn gebē/das sie sie nicht todten/sondern quellen funff monden/vnd yhr quall war wie eyn qual des scorpion/weñ er eyne menschen hewet/vnnd zu den selben tagen werden die menschen

DIE OFFINBARUNG

ſehen den tod ſuchen vnd nicht finden / werden begeren zu ſterben / vnd der tod wirt von yhn fliehen.

Vnd die hewſchreden ſind gleych den roſſen die zum kriege bereytt ſind / vnnnd auff yhrem hewbt wie kronen dem golde gleych / vnd yhr antlig gleych der / menſchenantlig vnd hatten hare wie weyber har / vnd yhre zeene waren wie der lewen / vnnnd hatten panzer wie eſzern panzer / vnd das raſſeln yhrer flugel wie das raſſeln an den wagen der roſſz / die ynn krieg lauffen / vñ hatten ſchwenge gleych den ſcorpion / vnnnd es waren ſtachel an yhren ſchwengen / vnnnd yhre macht war zu beleydigen die menſchen funff monden / vnnnd hatten vber ſich eynen konig eynen Engel aus dem abgrund / des name heyſt auff hebreych / Abaddon / vñ auff kriechiſch hat er den namē Apollyon / Eyn weh iſt dahyn / ſihe / es komen noch zwey weh nach dem.

Abaddon
Apollyon
verderber

Vnnnd der ſechſte Engel poſaunet / vnnnd ich horet eyne ſtym aus den vier ecken des gulden Altars fur Gott / die ſprach zu dem ſechſtē Engel / der die poſaune hatte / loſze auff die vier Engel gepunden an dem groſſen wasser ſtrom Euphrates / vñ es wurden die vier Engel los / die bereyrt warē auff eyn ſtund vnnnd auff eyn tag vnd auff eyn monden vnd auff eyn iar / das ſie todten das dritte teyl der menſchē / Vñ die zall der reutteriſchē kriegler war viel tauſent mal tauſent / vnd ich horet yhre zall / vñ also ſahe ich die roſz ym geſicht vñ die drauff ſaſſen / das ſie hatten ſewrige vnd gele vnd ſchwefeliſche panzer / vñ die hewbt der roſſz / wie die hewbt der lewen / vñ aus yhrem mund gleng ſewr vñ rauch vñ ſchwefel / von diſen dreyen wart ertodtet das dritte teyll der menſchen / vñ dem ſewr vnd rauch vnd ſchwefel der aus yhrem mund gleng / denn yhre macht war ynn yhrem mund / vnd yhre ſchwenge waren den ſchlangen gleych vnd hatten hewbter / vñ mit den ſelbigen thetten ſie ſchaden. Vnd die andern menſchen / die nit todtet wurden vñ diſen plagen /

SANCT JOHANNIS

plagen/nach püsse thaten für die werck phrer hende/das sie nicht anbeten die teuffel vñ guldene/sylberne/eehern/steynern vñ hulhern gößen/wilche widder sehen noch horen noch wandeln funden/Die auch nicht pisset haben phre morde/nach phre zeuberey/nach phr huretey noch phre dieberey.

Das zehend Capitel.

Und ich sahe eynen andern starcken Engel vom hymel ab komen/der war mit eyner wolcken besleydet/vñnd eyn regenbogen auff seynem hewbt/vnd seyn antlitz wie die sonne/vnd seyne fusse wie fewr pseyler/vnd er hatte ynn seynen hand eyn buchle auff gethan/vñnd er setzet seynen rechten fueß auff das meer/vnd den linden auff die erdē/vñ er schrey mit lauter stym/wie eyn lewe brulet/vnd da er schrey/redeten sieben donner phre stymme/vñnd ich wollt sie schreyben/da horet ich eyn stym vom hymel sagen zu myr/versigel was die sieben donner geredet haben die selbe schreyb nicht.

Vnd der engel/den ich sahe stehen auff dem meer vnd auff der erden/hub seyne hand auff gen hymel/vñ schwur bey dem lebendigen von ewigeyt zu ewigeyt/der den hymel geschaffen hat vñ was drynnen ist/vnd das meer vñnd was drinnen ist/das hynsurt seyne zeitt mehr seyn soll/sondern ynn den tagen der stymme des siebenden Engels/wenn er posaunen wirt/so sol vollendet werdē das geheymnis Gots/wie er hat verkündiget seynen knechten vnd propheten. Vñ ich horet eyne stym vñ hymel abermal mit myr reden vñ sagen/gang hyn/nym das offne buchlin von der hand des Engels/der auff dem meer vnd auff der erden stehet/Vñnd ich gieng hyn zu dem Engel vñ sprach/gib myr das buchlin/Vnd er sprach zu myr/nym hyn/vnd verschlinge/vnd es wirt deynen bauch verbittern/aber ynn deynem mund

DIE OFFINBARUNG

mund wirts süß seyn/wie honig/Dñ ich nam das buchlin
vō der hand des Engells vñ verschlans / vñnd es war
meynem mund/wie süß honig/Dñd da ichs gessen hatte /
wart meyn bauch verbittert/vñd er sprach zu myr/du must
aber mal weyssagen den völdern vñ heyden vñ zungen
vñ vielen kōnigen.

Das Eylffte Capitel.

Uñd es wart myr eyn thor gebē/eynem stedel gleych/
vñ sprach / stand auff vñnd miß den tempel Got-
tis vñ den altar vñ die drynnen anbeten / vñ
den ynnern Chor des tempels wirt hyenaus vñ miß yhn
nicht / vñd er ist den heyden geben/vñnd die heylige stadt
werden sie vertretten zween vñnd vierzig monden / vñnd
ich will meyne zweenen zeugen geben/vñnd sie sollen weys-
sagē tausent zweyhundert vñ sechzig tage / angethan mit
sedē/dise sind zween olebawm vñ zwe fadēn/stehend fur
dem Gott der erden.

Vñd so yemand sie will beleydigen / so gehet das fewr aus
yhem mund vñd verheret yhre seynde / vñnd so yemand
sie wil beleydigen / der mus also todtet werden / dise habē
macht den hymel zu verschliessen / das es nicht regene ynn
den tagen yhrer weyssagung / vñd haben macht vber das
wasser / zu wandeln ynn blut / vñnd schlahen die erde mit
allerley plage/so offst sie wollen.

Vñnd wenn sie yhr zeugnis endet haben/so wirt das thier/
das aus dem abgrund auffsteyget / mit yhn eynen streyt
hallten vñd wirt sie vñr wīdē/vñ wirt sie todten/vñ yhre
leychnam werden liegē auff der gassen der grossen stad/die
da heist geystlich die Sodoma vñnd Egypten/davñser herr
creuht ist/Vñnd es werden yhre leychnam ettlich von den
völdern vñd geschlechten vñ zungen drey tage vñnd ey-
nen halben sehen/vñd werden yhre leychnam nit lassen ynn
greber

SANCT IOHANNIS

greber legen/vnd die auff erden wonen werden sich fremen
vber yhn/vnnd wol leben vnnd geschend vnterander sen-
den / denn diese zween propheten / queleten die auff erden
wonen.

Vnd nach dreien tagen vnd eyn halben / fur ynn sie der
geyst des lebens von Gott / vnd sie tratten auff yhre fußz /
vnnd eyn grosse furcht siel vber die sie sahen / vnnd sie ho-
reten eyne lautte stym vom hymel zu yhn sagen / steyget
herauff/vnd sie stiegen auff ynn den hymel ynn eyner wol-
cken / vnnd es sahen sie yhre seynde / vnnd zu der selben
stund ward eyn groß erdbeben / vnd das zehende teyl der
stad siel / vnd wurden ertodtet ynn der erdbebung / sieben
tausent namen der mensche / vnd die andern wurden furch-
tig/vnd gaben preys dem Gott des hymels / Das ander weh
ist dahyn / sihe / das dritt weh kompt schnell.

Das zwelfft Capitel.

Und der siebend Engell posauet/vnnd es wurden
grosse stym ym hymel die sprachen / Es sind die rei-
che der welt vnseres herrn vnd seyner Christus wor-
den / Dñ er wirt regniern von ewigkelt zu ewigkelt / vnnd
die vier vnnd zwentzig Eltisten / die fur Gott auff yhrn stue-
len sassen / sielen auff yhr angesicht vnd beten Gott an vnd
sprachen / wir danken dir herr almechtiger Gott / der du
bist vnd warist vnd kunfftig bist / das du hast angenommen
deyne grosse krafft vnd hast regniert / vnd die heyden sind
zornig worden / vnd es ist komen deyn zorn vnnd die zeit
der todten / zu richten dñ zu geben den lohn deynen knech-
ten den propheten / vnd den heyligen / vnd den / die deynen
namen furchten / den fleyen vnnd den grossen / vnd zuuer-
derben / die die erden verderbet haben / Dñ der tempel Got-
tis ward auffthan ym hymel / vnd die archa seyner testa-
ments ward ynn seinem tempel gesehen / vnnd es gescha-
hen

DIE OFFINBARUNG

hen blitzen vnd stymmen vnd donner vnd erbeben vnd eyn grosser hagel.

Vnd es erscheyn eyn gros zeychē ym hymel/Eyn weyb mit der sonnen bekleydet/vnnd der mond vnter yhren fussen / vnnd auff yhem hewbt eyn kron von zwelff sternem/vnnd sie war schwanger vnnd schrey / vnd war ynn kinds noten vnnd gequelet das sie gepure / Vnd es erscheyn eyn ander zeichen ym hymel / vnnd sihe eyn grosser roter drach / der hatte sieben hewbter vnnd zehen horner/vnnd auff seynen hewbten sieben krone / vnd seyn schwanz zoch den dritten teyl der sternem/vnd warff sie auff die erden.

Vnd der drach tratt fur das weyb / die geperen solt / auff das / weñ sie geporn hette / er yhr kind fresse / vñ sie gepar eyne son eyn menlin/der alle heyden solt werden mit der eysern ruthen / vñ yhr kind ward entruckt zu Gott vnd zu seynem stuel/vnd das weyb entflohe ynn die wusten/do sie hatt eyne ortt bereyht von Gott / das sie da selbs erneeret wird tausent zweyhundert vnnd sechzig tage.

Vnd es erhob sich eyn krieg ym hymel/Michael vnnd seyne engel stryten mit dem drachen/vnd der drach streyht vnnd seyne engel/vnd vermochten nicht/ward auch yhr stett nicht mehr funden ym hymel / vnd der gros drach / die alte schlang / die da heyst der teuffel vnd Satanas / ward aus worffen/der die ganze welt versuret/vnnd ward worffen auff die erden/vnd seyne Engel wurden auch worffen.

Vnnd ich horet eyne grosse stym/die sprach ym hymel / Nu ist das heyl vnd die krafft vnd das reyck vnser Gottis worden / vnd die macht seynes Christis / weyll der verworffen ist/der sie verflaget tag vñ nacht fur Gott / vnnd sie haben yhn vberwunden durch des lambs blutt vnnd durch das wortt yhrer zeugniss / vnd haben yhre leben nit geliebt bis an den todt / Darumb frewet euch yhr hymel vñ die dryn-
nen wonen / weh denen die auff erden wonen vnnd auff dem

SANCT IOHANNIS

dem meer / den der teuffel kompt zu euch hynab / vnd hat
eynen grossen zorn / vñ weys / das er fleyn zeyt hat.

Vñ da der trache sahe / das er verworffen war auff die er-
den / verfolget er das weyb die das menlin geporn hatte /
vñ es wurde dem weybe zween flugel geben vñ eynem
grossen adeler / das sie vñ die wusten flogē / an yhren ortt /
da sie erneret wirt eyne zeyt vñnd zwo heyt vñnd eyn hal-
be zeyt fur dem angesicht der schlangen / vñnd die schlange
schoss nach dem weybe aus yhem mund eyn wasser wie
eyn strom / das er sie erseufft / vnd die erde halff dem wey-
be / vñ thet yhren mund auff vñnd verschlang den strom /
den der drach aus seynem mund schoß / vnd der drach ward
zornig vber das weyb / vñnd gieng hyn zu streyten mit den
andern von yhem samen / die da Gotis gepott halten vnd
haben das zeugnis Jhesu Christi / vñnd ich tratt an den sand
des meris.

Das Dreytzehend Capitel.

UND Ich sahe eyn thier aus dem meer steygē / das
hatte sieben hewbter vnd zehen horner / vnd auff
seyne hornern siebē kronen vnd auff seynen hewb-
ten / namen der lesterung / vñ das thier das ich sahe war
gleich eynem Pardel / vñ seyne fussz als Beren sueßz / vnd
seyne mund eyns lewen mund / vnd der drach gab yhm seyne
krafft vnd seynen stuel vnd eyn grosse macht / Vnd ich sahe
seyner hewbt eynes als were es todlich wund / vnd seyne
todlich wunde ward heyl / Vñ der ganß erdbodē verwū-
dert sich des thiers / vnd betten den trachen an / der dem
thier die macht gab / vñ betten dz thier an vnd sprachen / wer
ist dem thier gleich / vnd wer kan mit yhm kriegen?
Vnd es ward yhm geben eyn mund zu reden grossz ding
vnd lesterung / vnd ward yhm geben / das es mit yhm we-
ret zween vñ vierthig monden lang / vñ es thatt seynen
mund

DIE OFFINBARUNG

mund auff zur lesterung gegē Got/zulestern seynen namen
vnd seyne hutten vnd die ym hymel wonen/vnd ward yhm
geben zu streyten mit den heyligen vnd sie zu vberwin-
den/vnd yhm ward geben macht vber alle geschlecht vnd
zungen vñ heyden/vnd alle die auff erden wonen betten es
an/der namen nicht geschrieben sind ynn dem lebendigen
buch des lambs/das erwurget ist von anfang der welt/
Hat yemand oren der hore/So yemand yñ des gefengnis
furet/der wirt yns gefengnis gehen/so yemand mit dem
schwerd todtet/der mus mit dem schwerd todtet werden/
Sie ist die gedull vnd der glawbe der heyligen.

Vnnd ich sahe eyn ander thier auff steygen von der erden
vnd hatte zwey horner gleych wie das lamb/vnd redet wie
der drache/vnnd es thutt alle macht des ersten thiers fur
yhm/vnd es macht/das die erde/vnnd die drauff wonen/
anbeten das erste thier/wilchs todliche wunde heyl wor-
den war/vñ thutt grosse zeychē/das auch macht sewer von
hymel fallen fur den menschen vnd versuret die auff erden
wonen/vmb der zeychen willē/die yhm gebē sind zu thun
fur dem thier/vnnd saget denen die auff erden wonen/das
sie dem thier eyn bilde machen sollen/das die wunde des
schwerds hatte vnnd lebendig worden war.

Vnnd es ward yhm geben/das es dem bilde des thiers
den geyst gab/das des thiers bilde redet/vnd das es mach-
te/das wilche nicht des thiers bilde anbeten/ertodtet wer-
den/vnnd macht alle sampt/die fleynen vnd grossen/die
reichen vnd armen/die freyen vnd knechte/das es yhn eyn
malzeychen gab ynn yhre rechte hand odder an yhre styn/
dz niemant leuffen odder verkeuffen kan/er habe deñ das
malzeychen odder den namen des thiers/odder die zall
seynes namens/Sie ist weyßheyt/Wer verstand hatt/der
vberlege die zall des thiers/denn es ist eyns menschen zall/
vñ seyne zall ist/sechs hundert vnd sechs vnd sechzig.

Das

SANCT IOHANNIS

Das Viertzehend Capitel.

Und ich sahe da eyn lamb stehend auff dem berge Zion vnd mit ihm hundert vnd vier vnd vierzig tausent die hattē den namen seynes vatters geschriben an ihren stirn / vnd horet eine stym vom hymel / als eyns grossen wassers / vñ wie eyn stymme eyns grossen donners / vñ die stym die ich horet / war als der harffen spiler die auff ihren harffen spielen / vñ singē wie eyn new lied / fur dem stuel vnd fur den vier thieren vñ den Eltisten / Vnd niemand fund das lied lernen / on die hundert vnd vier vnd vierzig tausent die erkaufft sind von der erdē / Dese sind / die mit weyben nicht besuddelt sind / den sie sind Jungfrawen / vñ folgen dem lamb nach / wo es hin gehet / Dese sind erkaufft aus den menschen zu erstlingen Gott vnd dem lamb / vnd vñ ihrem mund ist kein falschs funden / denn sie sind vnstrefflich fur dem stuel Gottes.

Vnd ich sahe eynen Engel fliegen mitten durch den hymel / der hatte eyn ewig Euangelion / zu verkundigen denen / die auff erden sitzen vñ wonen vnd allen heyden vñ geschlechtern vñ zungen vñ volckern / vñ sprach mit lauter stym / furchtet Gott vñ gebt ihm den preys / den seynes gerichtis stund ist komen / vñ bettet an / den / der gemacht hatt hymel vnd erden vñ meer vnd die wasser brunne / Vnd eyn ander Engel folget nach / der sprach / sie ist gefallen / sie ist gefallen / Babylon / die grosse stad / denn sie hatt mit dem weyn ihrer hurerey getrenckt alle heyden.

Vnd der dritte Engel folgete disen nach / vñ sprach mit lautter stym / so yemand das thier anbetet vnd seyn bylde / vñ nympt das maltheichen an seyne stirn odder an seyne hand / der wirt von dem weyn des zorn Gottes trincken / der eyngeschendct vñ lautter ist vñ seynes zorns kilch / vñ wirt gequellert werden mit fewr vñ schwefel fur den

DIE OFFINBARUNG

den heyligen Engeln vñ fur dem lamb/Vnd der rauch phrer quall wirt auff steigen von ewigkelt zu ewigkelt / vnd sie haben keyne ruge tage vnd nacht / die das thier haben anbetet vñnd seyn bilde / vñnd so nemand hatt seyn malcheychen angenommen / Sie ist gedult der heyligen / Sie sind die da hallten die gepott Gottis vñ den glauben an Jhesu. Vnd ich horet eyne stym vom hymel zu myr sagen / Schreybe / Selig sind die todten / die vñ dem hern sterben von nu an / Ja / der geyst spricht / das sie rugen von phrer erbeyt / denn phre werd volgen phn nach / Vnd ich sahe / vnd sihe / eyne weysse wolck / vñnd auff der wolcken sihen eyner / der gleych war eyns mensche son / der hatte eyn guldene kron auff seynem heubt / vnd ynn seynet hand eyn scharffe sichel / Vñ eyn ander Engel gieng aus dem tempel / der schrey mit lautter stym zu dem / der auff der wolckē sass / Schlag an mit deynet sicheln vñ erndte / denn die stund zu erndten ist kommen / deñ die erndte der erden ist durre worden / vñnd der auff der wolcken sass / schlug an mit seynet sicheln an die erde vnd die erde / ward geerntet.

Vnd eyn ander Engel gieng aus dem tempel ym hymel / der hatte auch eyne scharpffe sichel / vnd eyn ander engel gieng aus dem Altar / der hatte macht vber das sewr / vñ rieß mit grossem geschrey zu dem der die scharpffe sichel hatte vnd sprach / Schlag an mit deynet scharpfen sichel / vñ schneyt die reben auff erden / denn phre drawben sind reyff / vñ der engel schlug an mit seynet sichel an die erden / vñ schneyt den weynberg der erden / vñnd warff sie ynn die grosse kelter des zorn Gottis / vnd die kelter ward aufer der stad gefellert / vñnd das blutt gieng von der kelter / bis an die zewme der pferd / durch tausent sechshundert fellt wegs.

SANCT IOHANNIS

Das Sunfftzehend Capitel.

Und ich sahe eyn ander zeychen ym hymel/das war
grossz vñ wunderjam / sieben engel / die hatten die
lehtë sieben plagen / deñ mit den selbigē ist vollen-
det der zorn Gottis/vñ sahe/als eyn gläsern meer mit fiewr
gemenget / vnd die den sieg behallten hatten an dem thier
vñ seynem bild vnd seynem malghechē vnd seynes namens
zall/das sie stunden an dem gläsern meer / vñ hatten Got-
tis harpffen vñ sungen das lied Mosi des knecht Gottis/vñ
das lied des lambs vnd sprachen / Gros vnd wunderjam
sind deynewerck / Herr almechtiger Gott / gerecht vñnd war-
hafftig sind deyne wege / du konig der heyligen / wer sollt
dich nit furchten / Herr / vnd deynen namen preysen ? denn
du bist alleyne heylig / deñ alle heyden werden komen / vnd
anbeten fur dyr / deñ deyne rechtfertigungē sind offinbar
worden.

Darnach sahe ich / vnd sihe / da ward auff than der tempel
der hutten des zeugnīs / vñnd giengen aus dem tempel die
sieben Engel / die die plagen hatten / angethan mit reynem
hellen linwad vnd ombgurt yhr brust mit guldenen gur-
telln / vnd eynes der vier thier / gab den sieben Engelln sie-
ben guldene schalen voll zorn Gottis / der da lebet vñ ewi-
ckeyt zu ewickeyt / vñ der tempel wart voll rauchs fur der
herlickeyt Gottis vnd fur seynen krafft / vnd niemand fund
ynn den tempel gehen / bis das die sieben plagen der sieben
Engel vollendet wurden.

Das Sechstzehend Capitel.

Und ich horet eyne grosse stym aus dem tempel /
die sprach zu den sieben Engelln / gehet hyn vnd gies-
set aus die schalen des zorns auff die erden / Vnd
der erste gieng hyn vnd goßz seyne schale aus auff die erde /
vnd

DIE OFFINBARUNG

und es ward eyn böser und arger schwer an den menschen/
die das malheychen des thiers hatten/vñ die seyn bild an-
beten / Vnd der ander Engel goß aus seyne schale yns
meer/und es ward blutt als eyns todten/vñ alle leben-
dige seele starb ynn dem meer. Vñ der dritte Engel goß
aus seyne schale ynn die wasser strome vñ ynn die wasser
brunnen / vñ es ward blutt / vñ ich horet den Engel sa-
gen/Herr/du bist gerecht/der da ist und der da war/vñ
heylig/das du solchs vrteylet hast/denn sie haben das blutt
der heyligen vñ der propheten vergossen / vñ blutt
hastu yhn zu trincken geben/denn sie sinds werd/Vñ ich
horet eynen andern Engel aus dem altar sagē / Jah / herr
almächtiger Got/deyne gericht sind warhafftig und gerecht.
Vñ der vierde Engel goß aus seyne schale ynn die son-
ne / vñ ward yhm geben / den menschen heys zu machen
mitt fiewr / und den menschen wart heys fur grosser hyße /
und lesterten den namen Gottis / der macht hat vber dise
plagen/und thatten nicht pus/yhm den preys zu geben/Vñ
der funfft Engel goß aus seyne schale auff den stuel des
thiers / und seyn reich ward verfinstert / und sie assen yhre
zungen fur schmerzen / und lesterten Gott yhm hymel fur
yhren schmerzen und fur yhren schweren/und thetten nicht
puffe fur yhre werd.

Vñ der sechst Engel goß aus seynen schalen auff den gros-
sen wasserstrom Euphrates / und das wasser vertroetnet /
auff das bereyttet wurde der weg / den konigen vom auff-
gang der sonnen/Vñ ich sahe aus dem mund des drachens/
vñ aus dem mund des thieris / vñ aus dem mund des fal-
schen propheten drey vnreynne geyster/gleich den froschen/
den es sind geyster der teuffel/die machen das zeychen aus-
gehē / zu den konigen auff erden vñ auff dem ganzen freys
der welt/sie zuuersamlen ynn den streyt ihenis grossen ta-
ges Gottis des almechtigen / Sihe ich come / als eyn dieb /
Selig

SANCT IOHANNIS

Selig ist der da wachet vñ hellt seyne fleyder / das er nicht
blos wandle / vñnd man nicht seyne schande sehe / Vñd er
hat sie versamlet an eynen ort / der da heyst auff hebreisch
Arma gedon.

Vñd der siebend Engel goß aus seyne schale vñ die lufft /
vñd es gieng aus eyne stym vñ dem hymel aus dem stuel /
die sprach / Es ist geschehen / vñd es wurden stymme vñnd
donner vñd blißen / vñnd ward eyne grosse erdbebung / das
solcher nicht gewesen ist / sind der zeyt menschen auff erden
gewesen sind / solche erdbebung also gros / vñd aus der gros-
sen stad wurden drey teyl / vñd die stedte der heyden spe-
len / vñ Babilon der grossen ward gedacht fur Gott / vñr zu
gebē den flich des weyns von seinem grymmigen zorn /
vñd alle Insulen entflohen / vñd seyne berge wurden sun-
den / vñd eyn grosser hagel als eyn centner siel vom hymel
auff die menschen / vñnd die menschen lesterten Gott ober
der plage des hagels / denn seyne plage ist seer gros.

Das Siebentzehend Capitel.

Uñd es kam eyner von den sieben engeln die die
sieben schalen hatten / redet mitt myr vñnd sprach
zu myr / kum / ich will dyr zeygen das vrteyl der gros-
sen huren / die da auff vielen wassern sitz / mit wilcher ge-
huret haben die konige auff erden / vñd truncken worden
sind von dem weyn vñrer hurerey / die da wonen auff er-
den / Vñd er bracht mich vñm geyst vñ die wusten / Vñd ich
sahe das weyb sitzen auff eynem rospnfarbē thier / dz war
voll namen der lesterung / vñ hatte zehen horner / vñ das
weyb war beleydet mit scharlacken vñd rospnfarb vñ ober-
guldet mit golte vñ edlen steynen vñd perlen / vñd hatte eyn
gulden flich vñ der hand voll gewels vñnd vnswber-
leyt vñrer hurerey / vñd an vñrer styn geschrieben den na-
men / das geheymnis / die grosse Babilon / die mutter der
hurerey

DIE OFFINBARUNG

hurerey vnd aller greuel auff erden/Vnd ich sahe das weyb trunden vñ dem blut der heyligen vnd von dem blut der zeugen Jhesu/vñ ich verwundert mich seer da ich sie sahe. Vnd der Engell sprach zu myr/warumb verwunderstu dich? Ich will dyr sagen das geheymnis von dem weybe/vnnd von dem thier das sie tregt/vnd hat sieben hewpter vñ zehen horner/Das thier das du gesehen hast/ist gewesen/vnd ist nicht/vnd wirt auff steygen vom abgrund/vnd wirt gehen vns verdamnis/vnd werden sich verwundern die auff erden wonen/der namen nicht geschriben stehen vnn dem buch des lebens von anfang der welt/wenn sie sehen das thier/das es gewesen ist/vñ nit ist/Vnd hie ist der synn der die weyßheyt hatt.

Die sieben hewpter/sind siebē berge/auff welchen das weyb sitzt/vnd sind sieben konige/sunff sind gefallen/vnd eyner ist/vnd der ander ist noch nicht komen/vnnd wenn er kompt/mus er eyn fleyne zeit bleyben/Vnd das thier/das gewesen ist/vñ nicht ist/das ist der achte/vnd ist von den sieben/vnd gehet vnn das verdamnis/Vnd die zehen horner/die du gesehen hast/das sind die zehen konige/die das reich noch nicht empfangen habē/aber wie die konige/werden sie eyne stunde macht empfangen nach dem thier/dise haben eyne meynung/vnd werden yhre krafft vnd macht geben dem thier/dise werden streyten mit dem lamb/vnnd das lamb wirt sie vberwinden/denn es ist eyn herr aller herren vnd eyn konig aller konige/vnnd mit yhm/die beruffene vnd außzerweleten vnd glewbigen.

Vnd er sprach zu myr/die wasser/die du gesehen hast/da die hure sitzt/sind volcker vnd scharen/vnd heyden vnd jungen/Vnd die zehen horner/die du gesehē hast auff dem thier/die werden die hure hassen vnnd werden sie wuest machen vnnd blos/vnnd werden yhr fleysch essen/vnd werden sie mit fewr verbrennen/denn Gott hats yhn gebē yñ yhr

SANCT IOHANNIS

phr herh / zu thun seyne meynung / vñ zu thun eynerley meynung / vnd zu geben das reich dem thier / bis das vollendet werden die wort Gottes / Vnd das weyb / dz du gesehen hast / ist die grosse stad / die das reich hat vñ die konige auff erden.

Das Achtzehend Capitel.

Und darnach sahe ich eynen andern engel vñ der steygen vom hymel / der hatte eyne grosse macht / vnd die erde wart erleucht von seyner clarheyt / vnd schrey aus macht mit lautter stym / vñ sprach / Sie ist gefallen / sie ist gefallen / Babilō die grosse / vnd eyne behausung der teuffel worden / vnd eyne beheltnis aller vnreyner geyster / vñ eyne beheltnis aller vnreyner seynd seliger vogel / Den vñ dem weyn des zorns phrer hurerey / haben alle heyden truncken / vnd die konige auff erden haben mit phr hurerey trieben / vñ phre lauffleutt sind reich worden von der krafft phrer geclheyt.

Vñ ich horet eyne andere stym vom hymel / die sprach / gehet aus von phr mein volck / das phr nicht teylhafftig werdet phrer sundē / auff das phr nit empfahet etwas von phrer plagen / denn phre funde haben gefolget bis vñ den hymel / vnd der herr hatt an phren freuel gedacht / behalet sie / wie sie euch behalet hat / vñ machts phr zwifeltig nach phren werden / vñ mit wilchem kilch sie euch eyngeschendt hat schendt phr zwifeltig eyne / wie viel sie sich herlich gemacht vñ geyll gewesen ist / so viel schendt phr quall vñ leyd eyne / Den sie spricht vñ phrem herhen / ich sihe eyne konigin / vñ werde seyn wittwe seyn / vnd leyd werd ich nicht sehen / darumb werden phre plage auff eynen tag kommen / der todt / leyd vñ hunger / vñ mit fiewr wirt sie verbrand werden / denn stard ist Gott der herr / der sie richten wirt.

Vnd

DIE OFFINBARUNG

Vnd es werden sie beweynen vnd sich rber sie beklagen/die konige auff erden/die mit yhr gehuret vnd lust getrieben haben/wenn sie sehen werden den rauch yhres brands/von ferne stehend vmb der furcht willen yhrer quall/vñ sprechen/weh/weh/die grosse stad Babilon/die starke stad/auff eyne stund ist deyner gericht komen/vnd die lauffleutt auff erden werden weynen vnd leyde tragen bey sich selbst/das yhr wahr niemant mehr lauffen wirt/die wahr des golts vnd sylbers vnd eddel gesteyns vnd die perlen/vñ seyden vnd purpur vñ scharlachen vñ allerley thimen holz vnd allerley geseß von Elffen beyner/vnd allerley geseß von dem kostlichsten holz/vnd von erß vñ vñ eyßsen vñ Cynamet vnd thimian vñ salben vñ weyrach vnd weyn vnd ole/vnd semeln vnd weyhen/vnd vñch vnd schaff vnd pferd vñ wagen vnd leychnam vnd seelen der menschen.

Vnd das obis der lust deyner seele ist von dyr gewichen/vnd alles was vñllig vñ klar war/ist von dyr gewichen/vnd du wirtst solchs nit mehr finden/Die lauffleut solcher wahr/die vñ yhr sind reich worden/werdē vñ ferne stehen vmb der furcht willen yhr quall/weynen vnd leyde tragen vnd sagen/weh/weh/die grosse stad/die beleydet war mit seyden vñ purpur vñ scharlachen/vñ vberguldet war mit golt vnd eddel gesteyn vñ perlen/denn ynn eyner stund ist verwustet solcher reychthumb.

Vnd alle schiff herrn vnd alle die auff den schiffen hantiren/vnd schiff leutt die ym meer erbeytten/stunden von ferne vnd schryen/da sie yhrs brandts rauch sahen vnd sprachen/wer ist gleych der grossen stad? Vnd sie worffen staub auff yhre hewpter vnd schryen/weyneten vnd trugen leyde/vnd sprachen/weh/weh/die grosse stad/ynn wilcher reich worden sind alle die da schiff ym meer hatten vñ yhrer wahr denn yn eyner stund ist sie verwustet.

Grewe

SANCT IOHANNIS

vnd der pferden vnnnd der / die drauff sihen / vnnnd das fleysch aller freyen vnd knechten / beyde der kleynen vnd der grossen / Vnd ich sahe das thier vnd die konige auff erden vñ phre heer versamlet / eyn streyt zu halten / mit dem der auff dem pferd sass vnd mit seynem heer.

Vnd das thier wart grossen / vnd mit ihm der falsche prophet / der die zeichen thet fur ihm / durch welche er versuret / die das malzeichē des thiers namen / vñ die das bild des thiers anbeten / lebendig wurden diese beyde vnn den ewigen teych geworffen / der mit schwefel brandte / vñ die andern sind erwurget mit dem schwerd des / der auff dem pferde sass / das aus seynem munde gieng / vnd alle vogel wurden satt von phrem fleysch.

Das Zwentzigst Capitel.

Vnd ich sahe eynen Engel vom hymel steigen / der hatte den schlüssel zum abgrund vñ eyne grosse fecten vñ seynen hand / vnnnd er greysst den drachen die alte schlange / welche ist der teuffel vnd der Satanas / vnnnd band ihn tausent iar / vnnnd warff ihn den abgrund / vnd band ihn / vnd versieglet oben drauff / das er nicht mehr versuren solt die heyden / bis das vollendet wurdē tausent iar / vnd dar nach mus er los werden eyn kleyne zeit.

Vnd ich sahe stuele / vnd sie sahten sich drauff / vnd ihn ward gebē das irteyl / vnd die seelen der enthempter umb des zeugniss Ihesu vñ umb das wort Gettis willen / vnnnd die nit anbettet hatten das thier / noch seyn bild / vnnnd nicht genomen hatten seyn malzeichen an phre storn vnnnd auff phre hand / disze lebten vnnnd regnierten mit Christo tausent iar / Die andern todten aber wurdē nicht widder lebendig / bis das tausent iar vollendet wurdē / Dis ist die erste aufferstehung / Selig ist der vñ heylig / der teyl hatt an der ersten aufferstehung / vber solche hatt der ander todt keyne macht /

DIE OFFINBARUNG

Sondern sie werden priester Gottis vnd Christi seyn vnd mit yhm regnieren tausent iar.

Vnd wenn tausent iar vollendet sind / wirt der Satanas los werden aus seynem gefendnis / vnd wirt aus gehen zu verführen die heyden ynn den vier ortten der erden / den Gog vñ Magog / sie zuuersamen ynn eynen streyt / wilcher zal ist / wie der sand am meer / Vnd sie tratten auff die breytte der erden / vñ vmbbringen das heerlager der heyligen vnd die geliebte stad / vnd es fiel das fewr von Gott aus dem hymel vnd verheret sie / Vnd der teuffel der sie verführt / wart geworffen ynn den fewrigen teich vnd schwefel / da das thier vnd der falsche prophet war / vnd wurden gequelt tag vñ nacht vñ ewigkelt zu ewigkelt.

Vnd ich sahe eynen grossen weissen stuel / vñ den der drauff sass / fur wilchs angesicht floch die erden vnd der hymel / vnd yhn ward leyne stett erfunden / vnd ich sahe die todten beyde gros vnd kleyn stehen fur Gott / vnd die bucher wurden auffgethan / vnd eyn ander buch wart auffthan / wilchs ist des lebens / vnd die todten wurden gericht nach der schryfft ynn den buchern / nach yhren werden / vnd das meer gab die todten die drynnen waren / vnd der tod vnd die helle gaben die todten die drynnen waren / vnd sie wurden gericht eyn iglicher nach seynen werden / vñ der tod vñ die helle wurde geworffen ynn den fewrigen teich / Dis ist der ander tod / Vnd so yemand nit ward erfunden geschriben ynn dem buch des lebens / der wart geworffen ynn den fewrigen teich.

Das eyn vnd zwentzigst Capitel.

Und ich sahe eynen neuen hymel / vnd eyne neue erden / den den der erste hymel vñ die erste erde vergieng / vñ das meer ist nit mehr / Vnd ich Johannes sahe die heylige stad / das neue Jerusalem von Gott aus dem hymel

SANCT IOHANNIS

hymel steigen / zubereydet / als eyn braud yhem man /
vnd horet eyne grosse stym von dem stuel die sprach / sihe
da / eyn hutte Gottis mit bey den mensche / vñ er wirt bey
yhn wonen / vnd si werden seyn vold seyn / vnd er selb Gott
mit yhn / wirtt yhr Gott seyn / vñ Got wirt abwischen alle
threnen von yhren augen / vñ der tod wirt nymer seyn /
noch leyd / noch geschrey / noch schmerzh wirtt mehr seyn /
denn das erst ist vergangen / vnd der auff dem stuel saß /
Esale. 43. sprach / sihe / ich machs alles newe / vñ er spricht zu myr /
schreybe / denn dise wort sind warhafftig vnd gewis.

Vñ er sprach zu myr / Es ist geschehen / ich byn das A vñ O /
der anfang vnd das ende / Ich will dem durstigen geben
von dem brun des lebendige wassers vmbsonst / Wer uber-
windet / der wirts alles ererben / vñ ich werde seyn Gott
seyn / vñ er wirt meyn son seyn / Den furchtsamē aber vñ vn-
glaubigen / vñ grewlichen / vñ todschlegern / vñ bulern / vnd
zeuberern / vñ abgottischen / vnd allen lugnern / der teyl
wirt seyn ynn dem teych / der mit sewr vñ schwefel bren-
net / wilcher ist der ander todt.

Vnd es kam zu myr eyner von den sieben Engeln / wilche
die siebē schalen voll hatten der letzten sieben plagen / vnd
redet mit myr vnd sprach / kom ich will dyr das weyb zey-
gen / die braud des lambs / vnd fureet mich yhn ym geyst
auff eynen grossen vnd hohen berg / vñ zeygt myr die grosse
stadt / das heylige Jerusalem / nydder steigen aus dem hy-
mel von Gott / vnd hatte die herlickest Gottis / vnd yhr
lichtstar / war gleych dem aller edlisten steyn / dem Cristall-
igen Jaspis / vnd hatte grosse vnd hohe mauren / vnd
hatte zwelff thor / vnd auff den thoren zwelff Engel /
vnd namen geschriben / wilche sind die zwelff geschlecht
der kinder von Jsrael / Vom morgen drey thor / Von mit-
ternacht drey thor / Vom mittag drey thor / Vom abent
drey thor / vñ die maur der stad hatte zwelff grund / vñ
ynn

DIE OFFINBARUNG

ynn den selbigen die namen der zwelff Apostel des lambs.
Vnd der mit myr redet / hatte eyn gulden rhor / das er die
stad messen solt / vnd yhre thor vñ mauren / vnd die stad ligt
vier ecket / Vñ yhre lenge ist so gros als die breyte / vñ er mas
die stad mit dem rhor / auff zwelff tausent feltwegs / die len-
ge vnd breyte vñnd die hohe der stad sind gleych / vnd er
mas yhre mauren / hundert vnd vler vnd vierzig ellen /
nach der mas eyns menschen die der engel hatt / vnd der
baw yhrer mauren war vñ Jaspis / vñ die stad Von laut-
term goltt / gleych dem reynen glasse / vñ die grunde der
mauren vñnd der stad waren geschmuckt mit allerley ed-
del gesteyne / Der erst grund war eyn Jaspis / der ander eyn
Saphir / der dritt eyn Calcedonier / der vierde eyn Sma-
ragd / der funfft eyn Sardonich / der sechste eyn Sardis / der
siebend eyn Chrysolit / der acht eyn Beryll / der neunde eyn
Topasier / der hehend eyn Chrysopras / der eylfft eyn Spa-
cinth / der zwelfft eyn Amethist.

Vnd die zwelff thor / waren zwelff perlen / vnd eyn iglich
thor war von eyner perlen / vnd die gassen der stad waren
lautter goltt / als eyn durch schneyrend glas / Vñ ich sahe ley-
nen tempel drynnen / den der herre der almechtige Gott ist
yhr tempel vnd das lamb / vnd die stad darff leyner sonnen
noch des monden / das sie yhr scheyne / denn die herligkheyt
Gottis erleucht sie / vnd yhre leuchte ist das lamb / Vnd die
heyden die da selig werden / wandeln ynn dem selben
licht / vnd die konige auff erden werdē yhre herlickheyt ynn
die selbigen bringen / Vñ yhre thor werden nicht verschlos-
sen das tages / denn da wirt leyn nacht seyn / vnd wirt nicht
hynen gehen yrgent eyn gemeynes vñnd das da thutt gre-
wel vñnd lügen / sondern die geschriben sind ynn dem le-
bendigen buch des lambs.

Das

SANCT IOHANNIS

Das zwey vnd zwentzigst Capitel.

Und er zeyget myr eynen lauttern wasser strom klar wie eyn Cristall / der gieng von dem stuel Gottis vnnnd des lambs / mitten auff yhrer gassen / vñ auff beyden seitten des stroms stund holz des lebens / das trug zwelfferley frucht / vnnnd gab seyne frucht alle monden / vnnnd die bletter des holz dieneten zu der gesundheyt der heyden / vnd wirt seyn verbanter mehr seyn / vnnnd der stuel Gottis vnd des lambs wirt drynnen seyn / vnd seyne knecht werden yhm dienen vnd sehen seyn angesicht / vnd seyn name wirt an yhren sternen seyn / vnnnd wirt seyne nacht da seyn / vnnnd nit bedurffen eyner leuchten / odder des liechts der sonnen / deñ Gott der herr wirt sie erleuchten / vnd sie werden regnieren von ewigkeyt zu ewigkeyt.

Vnd er sprach zu myr / dise wort sind gewiss / vnd warhafftig / vnd Got der herre der heyligē propheten / hat seynen Engel gesand zu zeygen seynen knechten / was bald geschehen mus / Sihe / ich kome balde / Selig ist der da hellt die wortt der weyssagung yñ dißem buch / Vnd ich byn Johannes / der solchs gesehen vnd gehoret hat / vnd da ichs gehoret vnnnd gesagt / siel ich nydder anhubeten zu den fussen des Engels / der myr solchs zeyget / vnnnd er spricht zu myr / sihe zu / thus nicht / denn ich byn deyn mitknecht / vnd deyn er bruder der propheten vnd dero / die da hallten die wortt dißes buchs / Bete Gott an.

Vnd er spricht zu myr / versiegle nit die wort der weyssagung ynn dißem buch / deñ die zept ist nahe / Wer beleydiget / der beleydige weytter / vñ wer besudelt ist / der besudell sich weytter / vnd wer rechtfertig ist / der rechtfertige sich weytter / vñ wer heylig ist / der heylige sich weytter / Vnd sihe / ich kome balde / vñ meyn lohn mit myr / zu gebē eynem iglichē / wie seyne werck seyn werdē / ich byn dz A vnd das

DIE OFFINBARUNG SANCT JOHANNIS

¶ Der anfang vnd das ende/der erst vnd der letzte / Selig
sind die da thun seyne gepott / auff das yhre macht sey an
dem hollg des lebens / vnd zu den thoren eyngehen vnn
die stadt / Den haussen sind die hunde / vnd die zeuberer vnd
die hurer vnd die todschleger vnd die abgottischen / vnd
alle die liebhaben vnd thun die lügen.

Ich Ihesus habe gesand meynen Engel / solchs euch zu zeu-
gē / an die gemeynen / ich byn die wurzel vnd die art Dauid /
eyn klarer morgen sterne / Vnd der geyst vnd die braut spre-
chen / kum / vnd wer es horet / der spreche / kum / vnd wen
durstet der kome / vnd wer da will / der neme das wasser
des lebens vmb sonst.

Ich bezeuge aber alle / die da horen die wort der weyssag-
ung vnn diesem buch / so yemand dahu sehet / so wirt Gott
zusehen auff yhn die plagen / die vnn diesem buch geschrie-
ben stehen / Vnd so yemand dauon thut / von den wortten
des buchs dieser weyssagung / so wirt Got abethun seyn teyll
von dem buch des lebens vnd von der heyligē stad vnd von
dem das vnn diesem buch geschrieben stehet / Es spricht der

solchs zeuget / ja / ich kome bald / Amen / ja / kom herr
Ihesu / Die gnad vnser herrn Ihesu Christ
sey mit euch allen / Amen.

Ende.

Correctur.

- Marci. 14. am 37. blatt / lies / drey hundred.
Luce. 14. am 55. blatt / lies / hynaus zu furen.
Act. 6. lies / der weyszheyt vnd geyst.
Act. 8. lies / gleubten von dem reyck.
Act. 20. lies / geleytten yhn ynn das schiff.
Act. 23. lies / fureten yhn ynn yhren radt.
2. Cor. 1. am 22. blat / lies / der vater der barmherzigheyt.
Gal. 1. am 29. blatt / lies / menschen odder Gott zu dienst

Diese Neuauflage der Wittenberger Septemberbibel vom Jahre 1522 veranstaltete unter Mitarbeit von Geh. Oberkonsistorialrat Professor D. Dr. Gustav Kasperau in Berlin und Pfarrer D. Otto Reichert in Giersdorf, Kreis Löwenberg (Schlesien), im Jahre 1918, dem vierten Jahre des Weltkrieges, der Kirche-Verlag in Berlin. Den Druck besorgte nach Angaben von F. S. Ehmde die Druckerei Knorr & Hirth in München in der Ehmde-Schwabacher. Die handgemalten Initialen der Vorzugsausgabe sind von Anna Simons in München ausgeführt.



Dieses Stück der Vorzugsausgabe in 190 Abzügen trägt die
Nummer 156

SANCT IOHANNIS

Stewe dich vñ sit sie hymel vñnd yhr heyligen/apostel vñnd propheten/den Gott hatt ewer orteyl an yhr gerichtet/Vñnd eyn starker engel hub eyne grossen steyn auff als eyn mul- steyn/warff yhn yns meer/vñnd sprach/Also wirt mit ey- nem sturm verworffen die grosse Babilon/vñ nit mehr er- funden werden/Vñnd die stym der harffen spieler vñnd seyt- ten spieler/pfeyffer vñnd posauner soll nicht mehr ynn dyr gehoret werde/vñ seyn handwergs man eyniges hand- wercks soll nicht mehr ynn dyr erfunden werden/vñnd die stym der mullyn soll nit mehr ynn dyr gehoret werden/vñ die stym des breuttigams vñnd der braud soll nit mehr ynn dyr gehoret werden/den deyne kausfleut waren fursten auff er- den/denn durch deyne zeubererey sind verpurret worden alle heyden/vñnd das blutt der propheten vñnd der heyligen ist ynn yhr erfunden worden/vñnd aller der/die auff erden er- wurget sind.

Das Neuntzehend Capitel.

Darnach horet ich eyne stym grosser scharen ym hy- mel/die sprachen/Galleluia/Heyll vñnd preys vñnd eehr vñnd krafft sey Gott vnserm hern/denn war- hafftig vñnd gerecht sind seyne gerichte/das er die grosse hure ver orteyllt hat/wilche die erden mit yhrer hurerey verderbet/vñnd hat das blutt seyner knecht von yhrer hand gerochen/vñ sie sprachen zum andern mal/Galleluia/vñnd der rauch gehet auff von ewigkelt zu ewigkelt/vñnd die vier vñnd zwentzig Eltisten vñnd die vier thier fielen nydder vñnd betten an Gott/der auff dem stuel sass vñ sprach/ Amen/Galleluia/vñnd eyn stym gieng von dem stuel/lobt vnsern Gott alle seyne knechte vñnd die yhn furchten/beyde fleyn vñnd gros.

Vñnd ich horet eyn stym eyner grossen schar/vñnd als eyne stym grosser wasser vñ als eyn stym starker donner/die sprachen/

DIE OFFINBARUNG

sprachē/Sallelusia/Deñ der almechtige Gott hat das rey-
ch eyngenomen / last vns frewen vnd frolich seyn vnd yhm
den preys geben / denn die hochzeit des lambs ist komen /
vnd seyn weyb hatt sich bereyttet/vnd es ward yhr geben/
sich anzu thun mit reyner vnd heller seyden/die seyde aber
ist die rechtfertigung der heyligen / Dñ es spricht zu myr /
Selig sind die zum abentmal des lambs beruffen sind/vnd
es spricht zu myr/dise warhafftig wort sind Gottis / vñ ich
fiel fur yhn zu seynen fussen/yhn anhubeten/vnnd er spricht
zu myr/siehe zu/thues nicht/ich byn deyn mitknecht vñ dey-
ner brudere / vñ dere / die das zeugnis Jhesu haben / Bete
Got an/das zeugnis aber Jhesu ist der geyst der weys-
ung /

Vnd ich sahe den hymel auffgethan/vnnd sihe da eyn weys
pferd / vnd der drauff sas / hies / Trew vñ Warhafftig / vñ
richtet vnd streyket mit gerechtikeyt / aber seyne augen
sind wie eyn fewrflamme / vnd auff seynem hewbt viel
kronen / vnd hatte eynen namen geschrieben/den niemant
wusste denn er selbs/vnd war angethan mit eynem fleyde/
das mit blut besprengt war/vnd seyne name heyst/Gottis
wort/Dñ yhm folgete nach das heer ym hymel/auff weysen
pferdē / angethan mit weysser vnd reynen seyden / Dñ aus
seynem mund gieng eyn scharff schwerd/das er da mit die
heyden schlug/vñ er wirt sie weyden mit der eysern ruten/
vnd er tritt die keltter des weyns des grymmigen zorns des
almechtigen Gottis/vnd hat eynen namen geschrieben auff
seynem fleyd vnd auff seynen hufften also / Eyn konig aller
konige vnd eyn herr aller herren.

Vnnd ich sahe eynen Engel ynn der sonnen stehen/vnnd er
schrey mit grosser stym vnd sprach zu allen vogelln die mit-
ten vnter dem hymel fliegen / kompt vñ versamlet euch zu
dem grossen abentmal Gottis/das yhr esset das fleych der
konige vnd der hewbtleut/vnnd das fleych der starcken
vnd